





LOGICÆ
SYSTEMA
HARMONICUM:

IN 2VO

UNIVERSUS BENE DISSE-
rendi modus ex authoribus Peripateticis
juxtà & Raméis traditur

Per

PRÆCEPTA BREVIÀ,
CANONES SELECTOS, ET
COMMENTARIA DILUCIDA.

Quibus non solum scientia nobilissimæ artis, sed etiam
usus, & is quidem in primis continetur.

Authore

JOHANNÉ-HENRICO
ALSTEDIO.

Dextrâ manu tradita ne accipe sinistrâ.



*Sum. Johanne Adami
Heidfeldii*

Herbornæ Nassoviorum. 1614.

A U T H O R E S,
Q U O R U M O P E R A
 S Y S T E M A H O C L O G I C U M
 sic conscripsimus.

Aristoteles.	Jacobus Reneccius.
Adolphus Scribonius.	Johannes Sturm.
Amandus Polanus.	Johan. ab Hœckelshoven.
Antonius Rubius doctor	Johannes Piscator Argenti-
Mexicanus.	nensis.
Bartholom. Keckermannus.	Julius Cæsar Scaliger.
Caspar Olevianus.	Julius Paciùs.
Clemens Timplerus.	Lambertus Danæus.
David Schramus.	Otho Casmannus.
Franciscus Suarez.	Philippus Melanchthon.
Franciscus Titelmannus.	Petrus Ramus.
Fridericus Beurhusius.	Petrus Molinaus.
Fortunatus Crellius.	Petrus Fonseca.
Georgius Dounamus.	Rodolphus Agricola.
Guilielmus Tempellus.	Rodolphus Goclenius.
Guilielmus Uffinus.	Rodolphus Snellius.
Henningus Arnicaus.	Victorinus Strigelius.
Jacobus Zabarella.	Zacharias Ursinus.



GENEROSI ET MAGNI-
FICI VIRI,

CUNRADI von der Tanne/

SACR. CÆSAR. MAJEST. ET IL-
LUSTRISS. PRINCIPIS FUL-
DENSIS CONSILIARII
GRAVISSIMI,

PRÆFECTI IN BRICKENAW
MERITISSIMI,

LIBERÆ FRANCICÆ NOBILI-
TATIS IN TRACTIBUS RÖNI
ET WERRH CAPITANEI
EXERCITATIS-
SIMI,

DOMINI RÖMERSHAGI
ET WERRHE,

DOMINI ET PATRONI
MEI BENIGNI,

FILIO MAGNÆ EXPE-
CTATIONIS

JOSUÆ von der Tanne/

HARMONIAM LOGICÆ ARI-
STOTELICO-RAMEÆ

DEDICO L. V. M.

Johan-Henricus Alstedius.

DEDICATIO.



Ereⁿa frontem, Nobilissime
 Josua, parentis magni spes
 maxima, & adverte ani-
 mum, dum instituo reddere
 rationem scriptionis, quâ pu-
 blicum, & inscriptionis, quâ
 tuum commodum mihi proposui utcunq; prove-
 here. Atq; ut hinc exordiar, multi temeritate
 quâdam compelluntur ad scribendum multa in
 publicum; plures fami, plurimi fama scribunt.
 Entres classes illorum, quos non ineptè dixeris
 Scriptorum nugas. Præter hos sunt alii (sed
 nimis quàm pauci) qui compelluntur inscitâ ad
 scribendum, non dico subtilia vel plausibilia, sed
 utilia, sed facilia. Atq; in his profiteor meum no-
 men, conatu potius & voto, quæ mea est gloria,
 quàm ipso factò, quæ mea est tenuitas. Hem
 paradoxum, inquiet aliquis, tu hîc commemo-
 ras! Ne paradoxum, inquam ego, existimes,
 verborum superficiem si adspicias: at corpus i-
 psium si introspicias, minimè paradoxum. Rem
 totam sic accipe. Pauca nota nobis, ac ne illa qui-
 dem fortasse. Nam in luce rerum tenui caliga-
 mus: in mediocri cæcutimus: in majore cæci su-
 mus: in maximâ insanimus. Quid aliud? quàm
 nescimus. O miseros nos ignorantia filios! Sed ô
 miseres illos, qui suam ignorantiam igno-
 rant!

DEDICATIO.

rant! O contrà felicissimos illos, qui didicerunt suam ignorantiam non ignorare! Hi enim morbum suum agnoscunt, ideog^q investigant omni conatu remedium. Ex his efficitur, scriptores cordatos (de iis enim mihi sermo) esse mancipia investigationis, ut sint liberi comites veritatis, quam adepti, à morbo Epidemico, quem inscitiam dicimus, convalescunt. Quòd si ita est, profectò inscitiam compelluntur ad scribendum. Dum enim vident se circumseptos tenebris, investigant modum elabendi: dum investigant, ignorant, adeog^q hoc agunt, ut sciant: scire cupiunt, ut fratres ignorantia, quemadmodum vulgus, vel inscitiae filios, ut philosophus ait, ex isto cæno liberent. Magnas itaq^q gratias divae isti potenti INSCITIÆ habere oportet, utpote matri solidioris scientiae. Non tamen inscitia, quā talis, tam generosam filiam parere potest, sed quā cognita. Quare quando dicimus, inscitiam compellere viros bonos ad benè merendum de bonis, sensum inscitiae & imperfectionis notamus, atq^q, ut ita dicam, scientiam propriae inscientiae. Hoc cum in reliquis disciplinis, quas cyclopædia in se complectitur, tum maxime in oculo illo artium, Logicā, plenius cognoscendā verum esse deprehendi. Inscitia mea me compulit ad systema hoc quale-quale communicandum cum iis, qui memineŭrnt se esse homines, hoc est,

DEDICATIO.

dictatrici illius inscitia imperio subjectos. Hinc patres & proceres regni Logici iui consultum; illorum monumenta perlustravi; ex fontibus ipsorum amnes ad meum hortulum irrigandum fecundandumq; derivavi; deniq; ex illorum cælo stellulas, non magico murmure, sed laboris constantiâ deduxi, & in ordinem digessi, ordini illi, qui in cælo nativo, utcunq; respondentem. Quemadmodū autem in reliquarum opulentiâ fortunarum, quod quisq; Dei beneficio, suo labore ac diligentia consecutus fuerit, id in medium ponere, & impartire non habenti tenetur lege naturæ: ita & in Rep. literariâ, si quis Dei gratiâ, & lectione sæpe repetitâ aliquid adeptus est, quod publicè prodesse potest, non aequum, sed aequissimum est, ut illud etiam aliis cognitum sit, ut ita felicitates ingeniorum communicentur. Is est sapientum finis, qui libros condunt; vesanorum, gloriola præmium, vel lucellum scopus. Cū igitur in agro Logico excolendo ab annis sex septem jam versatus sim, & nonnullas ingeniorum felicitates congesserim, officii mei esse duxi, illas cum felicibus ingeniis communicare. Fovet autem me spes non exigua, feliciores mortalium tam libenter accepturos, tam grātè acceptum laturos, quàm haud gravatè hoc levidense munus ipsis ab homine salutis publicæ studiosissimo collatum, dicatum. Sed
quid

DEDICATIO.

quid dixi spem me fovere magnam? Tantum
 abest, ut illa spes me foveat, ut planè sim ex spes
 hac in parte. Quotus enim quisq; est meliorum,
 qui non videt scribendi periculum hoc ævi, quo
 studia nostra ex aliorum pendent calumniis?
 O tempora perditæ! ô mores perversi! Quem non
 dejiciant de ponte atri isti censores? Quanquam,
 quid est, quod illos homines moramur, cum in
 nullius hominis potestate sit, ut exhauriat o-
 mnium imminentium judiciorum expectatio-
 nem? Non hoc mihi sumsi unquam, neg; dein-
 ceptum sumam: sed id operam dabo, ut & modestia
 mea, de quâ modestiorum esto judicium, & dili-
 gentia, quæ mediocris, & amor tam veritatis
 quàm juventutis, cujus commodis studere co-
 nor, veniam meruisse videatur apud eos, qui
 rectis moribus. Nigros censores quod attinet, il-
 lis hoc veluti Gorgonis caput objiciam: Ex vi-
 rorum de universo orbe literato optimè meri-
 torum picturis exquisitissimis colores transtu-
 limus, non erasimus, ad opera nostra; nostra, in-
 quam, sed ita ut sint non-nostra. Nihil enim a-
 liud, quàm aliena recitamus. Hoc ego me clypeo
 defendam adversus Theoninos maleferiatorum
 dentes. Veniant illi & rodant hæc nostra. Re-
 spondebo, illos rodere nostra non-nostra. Nostra;
 quia nostro vase: non-nostra; quia ex communi
 castello & fonte hausta sunt. Idem enim hic usu-

DEDICATIO.

venit, quod in urbe populosâ. Aqua in medio est posita, adeoque est omnium. At qui haurit, facit suam, suo vase. Hausi ego ex fonte, quem aquileges Logici construxerunt in medio regni sui foro. Hanc aquam feci meam, vase methodi instructus. Si fortè aqua, in castello limpida, faculentum quid à meo vase attraxit, veniam mihi dari postulo, faces notari & secerni, aquam gustari flagito. Heus, quisquis es, qui boni civis titulum bono titulo possidere cupis, si concivis tuus vase sordidato hauriat aquam, ipse verò non videat sorditudinem, tu videas, annon tuum est, ipsum monere de periculo, quod si nō purget, castigare, sed civiliter? Hoc idem ego concivis tuus expectabo à te, qui membrum es Reip. eruditæ. Crede, nihil mihi commodius, gratius nihil evenire potest, quàm civilis scitusq; castigator. Sordidulum fortean est vas meum? Potest fieri, ut ego non animadvertam, tu me oculatior videas. Mone. Purgabo quantocyus. Sordidum est planè? Increpa. Optimam in partem accipiam, & gratias agam. Sed increpa civiliter, non sarcasticè, non scurriliter. Hâc enim ratione animum mihi deditum, meaq; sanitatis studiosum cognoscam, & demereri studebo: secus si feceris, arrogantem te hominem, & suæ fragilitatis oblitum enixè fugiam. Sed quorsum me abripit inscitia fervor? Verbo hîc complectar totum negotium:

DEDICATIO.

gotium: Ex inscitia mea surrexerunt, quae hic vides aedificii Logici rudera; ex artificum absolutissimorum scriniis eruta sunt, quae hic vides palatii Logici fundamenta, tecta, ordinem, dispositum, symmetriam, decorem, aream, parietes, apertiones, materiam, lateres, calcem, arenam, & id genus alia, quae in aedificio splendido considerare solent architecti. Rudera nostra non demolietur, sed excitabit, firmamenta & ornamenta aliorum admirabitur juxta & ad suos convertet usus, qui Logici palatii structuram non impeditam cupit.

Nunc ad te, Josua Nobilissime, mea festinat oratio, redditura rationem inscriptionis, quâ librum qui publicâ editione factus est multorum, mihi placuit singulariter efficere tuum. Postularunt id parentis tui, viri magnanimi, erga me merita, & tua in studiis alacritas, ingenii bonitas, & morum jucunditas; quae tria mihi haecenus, nō dico probasti, sed probas. Sic namq; me loqui decet. Cum enim prius illud finem, posterius continuationem sonet, & verò tu persistas adhuc dum in regiâ, quam ingressus es, viâ, continuationis, non cessationis formulâ in laude tui me uti oportuit. Duplex igitur mihi fuit incitamentum ad tibi hoc, quidquid est opella, consecrandum: alterum à patre, alterum à te mihi oblatum. Principio enim tanta parentis tui,

DEDICATIO.

*viri ad magnanimitatem facti, in me extant
 merita, ut ingratitude notam effugere nul-
 lus possim, si animum ipsi deditum & devotum
 non testatum faciam eo signo, quo possum, quoque
 soleo fautorum meorum magnificam munifi-
 centiam, & munificam magnificentiam depra-
 dicare. Etenim cum omnibus virtutibus me af-
 fectum esse cupiam, tum nihil est, quod malim,
 quam me & gratum esse & videri. Mearum
 quidem partium erat, stylum meum converte-
 re ad ipsummet dn. parentem tuum, & virtu-
 tes ejus in tabulâ per amplâ depingere: Sed histo-
 ria Hectoris & Alexandri Magni animum hunc
 mihi eripuit: è quib. ille apud Comicum ait; Cu-
 pio laudari, sed à te viro laudato: iste, neque
 pingi, neque fingi nisi à præstantissimis artifi-
 cibus, Apelle & Lysippo voluit, & Achillem præ se
 felicem ad tumulum ipsius cum gemitu prædi-
 cavit, quod ille virtutum suarum præconem
 Homerum nactus esset. Hæc cum paulo altius
 perpenderem, Nobilissime Josua, sic apud me
 missitavi: Parentem tuum, Franconia sua cla-
 rissimum sidus, virumque, laudatissimum, à viro
 laudato, & Franconia illo Vergilio, Melisso, vel
 Taubmanno ejusdem Ovidio, laudari potuisse, à
 me non posse, qui sum quotacunque Reip. litera-
 ria pars. Verum enim verò, ne hæc mea tenuitas
 ingratitude notam mihi inureret, ad te,
 quem*

DEDICATIO.

quem paterna virtutis heredem cum Deo futurum auguror, mihi confugiendum esse duxi, ut ita in Lunâ stricturam radiorum solarium aliis ostenderem, cum in ipso Solis corpore non possem. Sic igitur generosus tuus parens accipiat hoc chartaceum donum, tanquam observantia mea erga ipsum, tu verò, tanquam benevolentia mea erga te stabile aliquod monumentum. Ut autem evidentiori adhuc argumento demonstrem hunc meum animum tibi deditum, proponam tibi nobilis adolescentis ideam & veluti picturam, quam subinde inspicias, ut ita magis inflammeris ad currendum cursum illum laudabilem in stadio pietatis & humanitatis. Sic enim persuasus sum, ingenuo adolescenti, sponte suâ ad palmæ honores currenti, non posse commodius calcar ad fortiùs eundum addi, quàm si in publico honestæ Famae, & laudatæ Mnemosynes templo ipsi suspendatur tabella, in quâ primò dotes, quib. est præditus, exprimantur, quibus dehinc salutare monitus subjiciantur, istas dotes qui foveant. Prius illud jam præstiti, & citra palpum præstiti, quando te, mi Josua, commendavi à tuâ in studiis alacritate, ab ingenii bonitate, & à morum tuorum jucunditate. Sæpenumero hanc tabellam & picturam in dolis tuæ adspice, & sic statue, fore tibi summo dedecori, si aliquando alii legant hoc tui praco-

DEDICATIO.

nium, & teregiâ viâ excidisse animadvertant, Jam superest ut posterius exequar, & elegantissima huic picturæ subijciam monitus, quos subinde percurras, ut picturam tuam à situ, squalore & tineis præserves. Hosce monitus partiar in tria capita. Dicam enim, Quid, Quomodo, & Quare debeas discere hâc tenerâ etate. Quid tibi discendum sit, disces ex illo Sapientum nostrorum: Ratio est manus intellectus, inquiunt illi; rationis oratio; orationis manus. Quotidie animo tuo volve & revolve hoc dictum, & discere illa, quæ rationi, orationi, & stylo formandis dirigendisq; servant. Rationem & orationem formant disciplina liberales, stylum exercitia. E disciplinarum liberalium universitate tu hâc quidem etate decerpes omnes artes orationis, quas vocant, & artem rationis principem, Logicam. Quotidie igitur excole rationem tuam, ut discas cognitionem veri & actionis boni: quotidie da operam, ut oratio tua splendeat: quotidie stylum in manum fume. At hoc tadiosum, inquires, hoc laboriosum. Tadium hîc nullum, inquam ego, nisi iis, qui inviti discunt. Labor magnus, si quis cæco impetu feratur hoc in mari, non ita magnus, si cynosuram sequatur ducem. Breviter ergo accipe, quonam modo hæc tria effecta dare possis, non certè sine omni labore, id enim impossibile, sed tra-

DEDICATIO.

sed tamen sine tadio, Ac primum quidem à Dei cultu auspiciatò tibi initium sumendum est, & in eodem desinendum, ita ut Deum facias A & Ò tuorum studiorum. Sic autem sacro huic actui tribues primum & postremum diei, ut etiam reliquo, quod inter hæc duo extrema interjacet, tempore, Deum venereris. Cùm enim Dei sis filius, semper quæ Deo digna sunt cogitabis, Propè est à te Deus, tecum est, intus est. Hunc igitur reverere semper & ubiq;. Pietatem statue fundamentum tuarum actionum, & quoties contubernium Humanitatis ingredi cogitas, Pietatis templum ne prateri. E templo Pietatis rectà ibis ad fanum Laboris & Constantiæ. Hic tibi prima & ultima cura, ut non Latine, sed benè Latine scias. Hoc ut consequare, primò omnium leges Terentium, authorem purū & concinnum. Postea te accinges ad lectionem Plauti, quo nihil habebis familiarius hoc in studio. Hunc Latine linguae decus; hunc Musarum decimam; hunc Latii florem appellarunt viri latinitatis laude celebratissimi, qui tanti fecerunt hunc Comicum, ut ab illo initium fieri voluerint, in quo seorsum ab illis sentio, quòd sciam Plautum habere quadam difficiliora. Qui à Cicerone auspicandum esse putant, à janua aberrant. Cùm enim grande sit ejus dicendi genus, in familiaribus colloquiis difficulter illo uti possumus. Fue-

DEDICATIO.

rit autem unice necessarium, ut semper Latine loquaris cum iis, quibuscum vivis (in quibus principem locum obtinet Sigismundus Dörfeld, excitati ingenii juvenis) allatis in mediū phrasibus Terentianis & Plautinis. Atq; ab his duobus authorib. non discedes, nisi & eleganter & promptè loqui possis. Tum accedes ad Ciceronis epistolas, quarum hic erit usus. Quemadmodum praxis Terentii & Plauti consistit in familiaribus colloquiis: ita praxis epistolarum Ciceronis absolvitur descriptione, quam tibi commendo geminam. Primum sæpe scribes ad notos; tum omnem tuam vitā, aliorum etiam actiones conscribes, & finges personas, ad quas, & argumenta, de quibus scribes. His absolutis ad Logicam properabis: sed ad Logicam genuinam, hoc est, talem, quæ usum præceptis adjungit. Hic facile excellit triplex usus locorum inventionis, quem tibi hic liber monstrabit. Cum Logicā conjunges Rhetoricam, non quamvis, sed talem, quæ distinctè proponit formulas figurarum ex optimis authoribus selectas, quæq; partem specialem de usu troporum & figurarum non prætermittit. Hujusmodi Rhetoricam brevi à nobis habebis, Deo benedicente, & aliquando pro isto labore, quem in illā adornandā exantlare stat sententia, gratias ages. Linguam Græcam non negliges, sed eā contentione discēs, ut possis interpretari textū
facilem


DEDICATIO.

facilem, & sententiam Latinam Gracè exprimere. Ab eloquentia studio, quod in orationum lectione, formatione & promulgatione cōsistit, hāc primā atate te abstinere jubeo. Non equidem ignoro, benè multos esse, qui eloquentiam inducere satagunt pueris ab utero matris adhuc rubentibus, ut cum Satyrico loquar. Sed homines illi gloriosissimi, praterquā quod opprimunt primam atatē laboribus, oleum & operam perdunt, dum illa instillare volunt adolescentibus, quib. imbibendis illi nondum sunt pares propter judicii imbecillitatē. Possem hīc multa dicere de dignitate & necessitate Dialecticæ: sed malui aliorum verbis hoc præstare quàm meis. Illa sub calcem hujus præloquii legere habes.

Supereſt tertium caput mea monitionis, quare nimirum debeas jam dicta dicto discere modo. Hoc caput præterire non debeo, quippe qui scio multos generosos & nobiles adolescentes sibi persuadere, literarū cognitionem, ignobilib. & vulgarib. hominibus necessariam, sibi non solum non-necessariam, sed etiam inutilem esse. Nimirū prosapia, facultates, copia, divitiæ, possessiones, ita fascinant teneras mentes, ut nō videant bonarum literarū majestatem & utilitatē. Tu, florentissime Josua, seorsum ab illis, vestri ordinis mendicabulis, senties. Tu statues, eruditionem præclaro generi splendorem adjicere non

DEDICATIO.

aliter atq; bracteam gemmæ suppositam. Tu omnia fortuna, quæ vocamus, bona, pro alienis habebis. Tu sapientiam tibi viaticum ab adolescentiâ ad senectutem comparabis. Tu scientiam omnibus aliis bonis certiore & firmiore esse possessionem cogitabis. Tu virtutibus litabis, quâ unâ viâ parens tuus ad tantum dignitatis fastigium asurrexit. Tu deniq; verè nobilis radicis filium te esse cogitabis; quâ formulâ utitur Amphilocheus ad Seleucum. Hanc radicem, parentem tuû, tibi propone exemplar & speculum, in quod inspicias. Non illius rebus præclare gestis stolidè superbies, sed quoties illas intueris (debes autem quotidie) dabis operam, ut illius virtutibus imiteris, nec solum honestam famam ab eo acceptam conserves, verum etiam insigni accessione auctam ad posteritatem transmittas; atq; adeo non solum adæques, sed quod magis tantum virum optare credibile est, vincas. Hæc ut possis, faxit Deus, dator omnis boni; quem supplex veneror, ut parentem tuum, virum bono Reip. natum, tibi bonisq; omnibus diu servet incolumem. Dabam è Muséo. Anno Christi Regis Aeterni MDCXIV.



DEDIGNITATE ET NECESSITATE DIALECTICÆ.

Plato in Philebo.

DEi donum est, & immenso beneficio hominibus concessum, Dialectica. Est autem à Deo ad homines translata Dialectica per Prometheus quendam cum lucidissimo igniculo.

Hunc igniculum in Protagora interpretatur de Methodo, inquit: Anxiè quærebat Prometheus, quid ad salutē conservandam homini conferret. Tandem igitur suffuratus est artificiosam sapientiam Vulcani & Minervæ unā cum igne, (Nam sine hoc neq; teneri illa, neq; prodesse potuisset) illamq; homini largitur.

Idem in Parmenide Dialecticam his verbis laudat:

Præclarus est & divinus impetus, quo ad discendas optimas artes incitatus es, sed reprime te ipsum aliquantisper, & exerce te magis in Dialectica, quæ multis falsò videtur inutilis & inanis garrulitas: Idq; facies, dum adhuc juvenis es. Quod si neglexeris, semper te veritas effugiet.

Idem in Phadro.

Nemo erit dicendi artifex, nisi & membra rerum rectè numerare, & in species partiri, & singulis convenientes definitiones attribuere norit. Hæc nemo sine multo negotio consequetur, quod fuscipiendum est à sapiente, non ut dicendo & agendo hominibus gratificetur, sed ut piè sua facultate Deo grata dicat & faciat.

Cicero in 3. de Finib.


Ad eas virtutes, de quib. disputatum est, Dialecticā etiam adjungunt (Stoici) & Physicam: Easq; ambas virtutum nomine appellāt. Alteram, quòd habeat rationem, ne cui falsò assentiamur, néve unquā captiosa, pbabilitate fallamur, eaq; quæ de bonis & malis diceremus, ut tenere tueriq; possimus.

Nam sine hac arte, quemvis arbitramur à vero abduci falliq; posse. Rectè igitur, si omnib. in reb. temeritas ignorantiaq; vitiosa est, ab his ea, quæ tollit hæc, virtus nominata est.

Idem in 5. Tuscul.

Sequitur tertia, quæ per omnes partes sapientiæ manat &

funditur, quæ rem definit, genera disperdit, sequentia adjungit, perfecta concludit, vera & falsa judicat, Disserendi ratio & scientia, ex qua cum summa utilitas existit ad res ponderandas, tū maximè ingenua delectatio & digna sapientia



Casmannus in philosophiâ Christianâ pag. 134. &

135. neotericorum elogia, quibus Logicam

ornarunt, hunc in modum collegit:

Nulla est disciplina, quæ magis excitet, juvet, acuat ingenium hominis, quàm Logica. Nulla est ars, quæ judicium hominis, hoc est, dispositionem mentis ad solidè cogitandum & percipiendum, quid verum, quid falsum, quid consequens, quid verò inconsequens: quid ordinatum, quid verò confusum sit, dexterius informet ac firmet.

Hæc dirigit cogitationes hominis, ut rectè cogitent, inveniant, disponant, judicent. Hæc facit, ut ordine doceas & scribas, quæ rectè cogitasti. Hæc facit, ut bene discas, quod alter bene te docet. Oportet enim intellectum discantis conformari intellectui docentis, per normas Logicas. Per Logicam non solum scimus, sed etiam nos scire scimus. Hinc illa inæstimabilis in intellectu lætitia & voluptas, quam generat Logica dubitationum optima medica. Hinc sublata dubitatione per Logicæ medicinam, constantia in veritate, ne facile ab eâ seducaris. Logica facit, ut ab aliis tractata dextrè retexas, & penitiùs introspeciendo tractationis intimam essentiam, rectius intelligas. Hæc tibi ad omnis generis erudita colloquia & collationes manuductio.

Hæc sola facit, ut possis intimam scientiam ac habitum reliquarum disciplinarum tibi acquirere; quia Logica est magistra disponendarum omnium artium, & hac ratione suæ ipsius genitrix & formatrix. Logica te sola regit, ut comparato scientiæ alicujus vero habitu, secundum eum rectè opereris, hoc est, præcepta cognita ad usum in vita utilem traducas.



P R Æ F A T I O

Ad

L E C T O R E M.



Ita hæc præfens, Lector optime, similis est panegyri. Sicut enim ad hanc alii certaturi, alii negotiaturi, alii optimi spectatores, alii nigri momi optima quæque & optimos carpere parati veniunt: ita & in vitam alii gloriæ mancipia nascuntur, alii cupiditatis aucupes, alii veritatis studiosi, alii veritatis & studiosorum veritatis hostes professi. Inter hostes illos facile agmen ducunt homines quidam ambitione elati; quo vitio nihil potentius, quoties præsertim animum sublimem & erectum invasit, ad veritatis oppressionem. Ambitio enim omnia labefactat, omnia pervertit, omni machinâ & tormento fortiùs mentis mœnia expugnat; neque quidquam pensi præter semet ipsa habere solet: & ut sanguine taurino adamantem emolliri scribunt historici naturales, ita robustissima veritatis arx attactu illius collabascit. Utinam igitur singulis Scholarum foribus inscriberentur aurea illa magni Scaligeri verba: *Studio atq; magnanimitate parandum servandumq; est regnum literarum, cujus anima Virtus & Veritas est: non ambitionibus atque factionibus exercenda conjura-*

P R Æ F A T I O

tiones: quibus aliorum alius distrahentibus Sapiencia ipsa, quæ in medio erat, lacerata est. Utinam, inquam, hæc verba foribus Scholarum, vel potius animis eorum, qui susq; deq; habitis rebus ad gloriam & voluptatem pertinentibus, rerum præclarissimarum cognitionem unicè quærunt, inscriberentur! Minus tumultuosorum ingeniorum, minus superciliosorum judicum, minus novorum hominum præsens hoc seculum parturiret & pareret, si quisque elegantissimam illam sententiam animo suo subinde volveret & revolveret. Hâc enim ratione fieret, ut rhapsodi calumniarum scriptores sibi temperarent ab excrementis illis, quibus viros de re literariâ benè meritos conspurcant, in publicum magno molimine protrudendis. Hâc ratione fieret, ut omnes omninò unam Trojam ædificare conaremur. Hâc denique ratione fieret, ut omnes dextrâ manu doctrinam traderent, omnes ita acciperent, nemo sinistrâ manu dextrè traditam arriperet. Hæc bona, hæc, inquam, omnia cernere liceret, si mentem vi ambitionis penitus emancipatam gereremus. Ego certè magis id conor, quàm adsequor, dum quotidie id ago, ut suam cuiq; laudem, laborum præmium & relinquam libenter, & deferam liberaliter. Hujus mei conatus specimen nunc edo Logicas hasce curas, in quibus quid à me præstitum sit, quanquam id omne perexiguum est, tribus verbis in hoc limine edisseram. Principiò tanquam scopulum declinavi illa subtilitatum Logicarum, quæ vocant, myrothecia, è quibus inanes disputationes *πῶς μὲν ἢ φαντασίαν* comparatas depromunt. Usus, usus dico respexi
tanquam

AD LECTOREM.

tanquam cynosuram meæ qualiscunq; scriptionis. Hinc factum, quòd doctrinam de themate, de prædicamentis, de fallaciis, de usu denique Logices in hoc Systemate tradiderim. Nam sine doctrinâ de thematis naturâ & varietate nulla disputatio, oratio nulla, nulla denique tractatio solida perfici vel etiam resolvi potest. Nimirum quod in ædibus est janua, id in quâvis tractatione methodicâ & artificiosâ est thema. Quod in corpore est caput, id in oratione est propositio. Hinc thema soleo conferre capiti, argumentum principale cordi tractationis, argumentum minus principale ornamentis seu vestibulis corporis. Si quis igitur non teneat animo præcepta de themate, quomodo amabo poterit feliciter thema aliquod tractare, vel tractatum ab alio resolvere? Prædicamenta Logicis instrumentis adnumeravi fretus argumentis duobus. Primum est: Notio secunda faciens ad bene disserendum, debet tradi in Logicis. At prædicamentum est hujusmodi notio. Alterum: Si doctrina de causâ, causato, subjecto, adjuncto &c. est Logicæ considerationis, quidni etiam fuerit doctrina de prædicamentis? Rationem hujus consequentiæ aliquoties dixi in ipsâ hâc tractatione, quò te amando. Nihil hic dico de usu prædicamentorum in definitionibus constituendis, de voce ipsâ, quæ nobis argumento est, usum ipsorum Logicum esse (prædicamentum siquidem à prædicando nomen habet) nunc attingo nihil. Fallaciarum doctrinam præterire nullus potui, quando mecum perpendi, nullam disputationem haberi posse cum laude, nisi quis in illâ saltem infra mediocritatem sit versatus.

P R Æ F A T I O

Præcepta de usu Logices in ipso Systemate tradidi, non tanquam appendicem illi adjeci; quia modum disferendi duobus modis spectari posse & debere vidi, videlicet in genere & in specie. Ubi autem tractatio generalis de modo disferendi locum habet, ibidem & specialis locum habeat oportet; nisi velimus adhuc aliam disciplinam de modo bene disferendi à Logicâ planè distinctam comminisci. Nihil certius est illo Logicorum canone: *Homogenea in arte sunt, quæ ad illius definitionem, adeoque objectum & finem notificandum faciunt.* At doctrina de usu instrumentorum Logicorum facit ad definitionem Logices, itemque objectum & finem illius notificandum, ut infra aliquoties probatum est. Quocirca doctrina illa in ipsis, ut ita dicam, visceribus Logices tradenda, nō velut *ἐπισήματα καὶ προσήκη*, ut multi loquuntur, ipsi subjungenda fuerit. Præterea liberè sum philosophatus, nunc Aristotelem, nunc Ramum secutus, nunc utrique obloquutus, sed sine acrimoniâ. Si quando scripsi Ramum errare, scapham appellavi scapham & ficum ficum. Idem de Aristotele scripsi quibusdam in locis. Nolim hominis intellectum ligari, cū Deus illum constituerit rerum dominum, ut quodam in loco Scaliger ait. Sed nimis durè videbor alicui tractasse nonnullos interpretes, quos vocavi seculi incommoda, ineptiarum scriptores, novos homines, novos causarum iudices. Fateor primâ fronte hæc ista videri dura: sed si quis istorum hominum *ἐνθουσιασται* cum nostrâ reprehensione contulerit, videbit, nos justam illius habuisse causam. Et verò semper temperavi reprehensiones istas descriptionibus

nibustalibus, è quibus constare potest viris bonis, me non petere boni alicujus famam, sed notare istos arrogantis supercilii argutatores, quorum unum opus omnia ab Aristotele vel aliis philosophis, viris omni exceptione majoribus, tradita carpere, & nil rectum putare, nisi quod ipsi scribunt; quique censent inde se cymbalum mundi, aut publicæ famæ tympanum fieri posse, quod Tiberius Cæsar de quibusdam sui seculi incommodis pronuntiavit. Hos, inquam, noto, qui studiosæ juventuti horum vel illorum bonorum auctorum odium instillant, quos ipsi ne à primo quidem limine salutarunt. Alii reprehendent nostram prolixitatem. His respondebo, brevitatem convenientem esse adæquatam ipsis rebus tractandis. Non igitur brevitatis est, sed imperfectio, quando quis pro suo lubitu è disciplinis adhibetâ falce, ut ita dicam, stultitiæ tollit illa vel illa, quæ omninò ad ipsius essentiam pertinent. Methodum, nobilissimum illud instrumentum, adhibemus disponendis rebus, ut faciliùs illas intelligamus; sed ita, ut fundamentum illius in rebus ipsis quæramus. Quæcunque igitur occurrunt in ipsis rebus, illa debent exprimi in ipsis disciplinis, quæ nihil aliud sunt, quàm ipsarum rerum expressæ imagines. Non igitur licuit nobis in hoc systemate adornando esse brevioribus, sive præcepta spectes, sive canones, sive denique commentaria. Nam præcepta & canones ex usu ipso hausimus, descripsimus, expressimus: commentaria præceptis & Maximis illustrandis adjecimus. Quare quoties aliquid in usu rectè differentium nobis occurrit scitu necessarium, hoc in

P R Æ F A T I O

tabulas hasce logicas retulimus, non violatis legibus methodi. Quoties præcepta & canones lucis egere deprehendimus, illam adferre pro virili nostrâ conati sumus. Hîc objiciat aliquis de Catonis censorij familiâ, non ex usu, sed ex ipsis naturæ fontibus, & elementis naturalis lucis insitæ, unicuiq; artem Logicam esse excerpendam. Sed hunc velim paulò altius perpendere verba mea. Dixi ex usu rectè disferentium me præcepta hausisse. Quid verò est rectè disferere? An fortè usus rectè disferentium repugnat luci naturæ? Apage istas ineptias. Sed nondum videor mihi omnibus satisfecisse, præsertim iis, qui rerum divinarum contemplationi vacant. Dicent illi, disertationes de rebus sacris ex divinis mysteriis omninò legibus Logicis esse solutas, ideoque parùm sobriè à me ad Logicam esse accommodatas. Gravis profectò hæc est objectio, si vulgus spectes imperitum; at ridicula, si viros cordatos. Scholastici doctores ajunt: Non possumus veritatem divinorum secundum modum suum capere: ideò oportet, ut nobis secundum modum nostrum proponatur. Hoc considerent isti Aristarchi, & deprehendent cardines, super quibus versantur præcepta religionis Christianæ, quos articulos fidei vocant, lumine fidei immotos reddi à Spiritu sancto in cordibus nostris, sed ita, ut lumen naturæ seu rationis non extinguatur. Quare nihil absurdi committunt ii, qui res divinas notionibus logicis explicare student. Insuper stomachabuntur nonnulli, quòd scripsi libro primo, exempla oratoria & poetica non esse adducenda illustrationi præceptorum Logico-
rum.

rum. Hos velim scire, me non esse in rigidis illis Peripateticis, qui scripta oratorum & poetarum ab usu Logices planè excludunt, valde profectò ineptè, si quid judicare possum. Cùm enim illi observarint artificium Logicum pro ratione circumstantiarum, utique illud & ostendi potest, & utiliter observatur. Sed hoc ego hîc non disputo, sed illud: an in Logicâ generali, ubi spectatur ἀρχή, illa exempla possint habere locum? In parte speciali, ubi usus præceptorum ostenditur, hæc talia exempla proponi debent, non in generali. Adhæc si quempiam offendet, quòd Logicam facio artem non solum intellectus, sed etiam memoriæ: illum jubebo expendere protrita ista dicta: ordo est memoriæ mater; τὰ δὲ ταῦτα δὲ μνημόνδτα; intelligentia bona facit bonam reminiscentiam; eadem sunt media intelligendi, & intellecta servandi in memoriâ. Sed ut extremum aliquod habeat mea præfatio, publicè protestor, me bono animo emitte- re hoc quidquid est institutionis Logicæ, ideoque bonos obtestor, ut eodem animo accipiant. Dedi chirographum ingenii humani, hoc est, rerum omnium ignari in hâc humanâ caligine, Logicâ hâc in publicum scriptâ. Æquum igitur fuerit, ut ii, qui ejusdem imbecillitatis & naturâ sunt filii, & alumni institutione, mihi ignoscant, si forte lapsus sum judicio, si falsus animi, qui sæpe umbram cap- tat pro re ipsâ, more canis Æsopici, & scipso homines esse agnoscant. Summa: Cum hominibus mihi res est, non cum angelis, neque etiam cum *παρανθρώποις*, hoc est, iis, qui in dicendo & scribendo gloriam captant. Hos enim Diogenes Cy-

PRÆFATIO AD LECTOREM.

nicus vocat *τῆσανθρώπων*, *ter homines*, pro eo quod est, *τῆσαθλίης*, *ter infelices*. Sane satis appositè. Nam ille *ter* & amplius infelix est, qui *sacrum fumo repletum* & *olidum* ostentat. At gloria quid aliud quàm *fumus* ? *Fumus* quò magis ascendit, cò citius evanescit. Spatiatur velut in aère, & gestit caput inter nubila condere. Hoc ipso perit. Idem de gloriolâ illâ, quam *rumigeraucupidi*, ut *facere* magnus ille Scaliger ait, è scriptiunculis quærunt, velim te cogitare. Quando illi homunciones existimant, se famâ pulsare verticem cœli, gloriolæ *fumus* abit in auras. O verè igitur magnum animum, qui parva ista contempsit semel ! *Gloriam* illam oportet quærere, quæ ab æterno in æternum durat. Hanc si extra Deum quæris, Deum non nosti. Et hanc si quæris, solam quærere debes, non aliam. O utinam hoc ita assequar, ut volo, ut conor ! Ex parte tamen assequor, & hâc triumphali veluti tabellâ ob signo hoc præloquium. *Gloriam* ego nullam quæro, nisi *Patris illius luminum*, quem precor ut det nobis in hujus vitæ tenebris lumine *Logico* sic uti, ut illud nobis sit *manuductio* ad luminis *supercælestis* fulgorem cognoscendum, donec cum ipso in æternitate conjungamur.

AD LE-

AD LECTOREM

De collatione LOGICÆ
cum aliis artibus.

Nil mirabilius Logicā est. Confecit ea artes,
Seque ipsam fecit, quæ fuit antè nihil.
Se fabricata fuit, sese conservat & ipsam.

Mirum anigma tibi, lector amice, damus.
Hæc veluti regina sedet, dijudicat omnia.

In sophia primum nempe tribunal habet.
Utque supra æthereos sol aureus emicat ignes;
Sic artes inter prominet hæc Logica.

Quid? Logice superat solem. Sol namque diurno
Tempore dat lucem, nocte sed hæc negat.

At Logicæ sidus nunquam occidit. Istud in ipsis
Tam tenebris splendet, quàm redeunte die.

Ergo legas Logicen isthanc studiosa juvenus,
Quam dedit ALSTEDII sedula cura tibi.

Qui bene disserere, & Logicā bene te docet uti:
Unicus hic Logicum qui facit usus erit.

GEORGIUS PASOR.

ADJECTIVE

De collectione locorum

Compendiosa

In quibus locis et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus


etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus

etiam locorum et conditionibus



LOGICORUM
LIBER PRIMUS
De

THEMATE.

*Cap. 1. Logicæ definitio & distributio,
adeoque natura.*

Logica est ars modum benè disferendi tra- Definitio
Logicæ.
dens.

Quod viatori est herma, scribæ calamus, Geometræ circi-
nus & norma, infanti serperastræ, id Philosopho, Theologo,
Jurisconsulto & Medico est Logica; instrumentum videlicet
non arbitrarium, sed necessarium. Hinc illa in Organi Ari- Logica quo-
modo sit
instrumen-
tum?
stotelici inscriptione vocatur ὄργανον ὀργάνων καὶ χεὶρ τῆς φι-
λοσοφίας; augusto sanè titulo. Malè igitur suis studiis consu-
lunt, qui hoc instrumento necessario susque deque habi-
to, in immenso infinitarum materiarum pelago se quasi vo-
lutant. Sed & illi non minùs malè sibi consulunt, qui Logicis
chartis duntaxat impallescent & tantùm non immoriun-
tur, alias verò disciplinas ne primoribus quidem labris de-
gustant, existimantes *ἅπαντα ὀκτώ*, ut vetus est verbum, in
Logico campo latere; de quibus *Lipsius lib. 1. manuduct. ad
Stoicam Philosophiam disert. 16.* ex Plutarcho eleganter:
*Quidam philosophantium, ait, AVIBUS similes videntur, qui
levitate quâdam & ambitione ingenii elati alta petunt, &
physica scrutantur tantùm. Alii CANIBUS, qui laniare
& vellicare avidi, soli Logica adhærescunt, ut pelli, & in eâ
rixantur, & mentem ad ulteriora non mittunt.* Sic ille.
Utrumq; hoc cacoëthes volui sanare, quando Logicam in-
strumentum dixi necessarium. Si enim est instrumentum

Modus doc-
cendi tria
habet re-
quisita.

necessarium, principalis agens (sive sit Philosophus, sive alius facultatis sectator) ad producendum effectum simpliciter eo carere non potest. Et rursus, si instrumentum est, non continebit in gremio suo omne scibile, tanquam divina quædam favilla; id quod bene multi sibi persuasum habent, & aliis persuadere conantur. Ex his efficitur, Logicam hoc modo proponendam esse, qui prolixitate non fatiget, qui brevitate non obscurer, qui suavitate delectet. Si enim prolixa & tricubitalia volumina Logica scribantur, in quibus minutia Logica excutiantur, multi laudatissimam artem negligent, plures in eam opinionem venient, omnia ex Logicis disci posse. Si breviter nimium præcepta, & ea quidem exucca, sine Maximis, adferantur in medium, necessitas Logica tyronibus non patebit. Denique si barbaris & horridis terminis, quorum uberrima mensis est apud quosdam Scholasticos, utare, venustam virginem pannoso isto amictu omnibus invisam reddes. Hos scopulos evitabis, si lumen methodi & puritatem verborum, non dico superstitiosè, sed prudenter ubiq; tibi proponas. Puritatem verborum dum dico, non repudio terminos docendi discendiq; causâ ab artificibus excogitatos, sed barbariem, vel potius tenebras & ulcera vocabulorum rejicio. Lumen methodi requiro, quod discenti tenebras Cimmerias discutit, non autem nimia accuratone & rigore subtili potius quàm utili eum involvit. Cum enim profectus discen- tium ex præscripto Dei Opt. Max. propositus esse debeat decentibus; nullus video, quomodo illum sibi præstituant ceu scopum & mensuram rigidi illi Methodici, qui methodum prudentiæ à sapientiæ methodo planè sejunctam volunt; contra quos agemus suo loco. Cæterum lumen methodi quod in tradendis præceptis logicis sequi oportet, complecti hic iubet duobus axiomatis:

1 *Disciplina operatrices disponende sunt methodo analytica, quæ jubet breviter præcognoscere finem & sub-
jectum, & media cognoscere plenius.*

2 *Disciplina qualibet rectè traditur per præcepta & regulas, additis brevibus commentariis.*

Modus tra-

Hoc est quod dicunt majorum gentium philosophi, mo-
dum

dum doc-
cendi tria
habet re-
quisita.
dum ben-
la axiom

I L
lectica.

Vox
finita; sec-
tius in
Dicta est
dicitur
ἐπερον. U
cipaliter
tenus ve
Logica i
lectica c
ad intell
bigua. I
Sophist. e
sumitur
matica &
et, pro l
modis; n
hoc in l
method
matican
cus, seu
gici cogi

dum docendi artem quaecumque; esse triplicem, νομικὸν, παι- dendi disci-
 ραδειγματικὸν, ἀποδεικτικόν. Modus νομικὸς absolvitur præ- plinas tri-
 ceptis & regulis, quibus exempla subjicienda, tanquam plex.
 ὁμηροί, ut Plato ait, πῶν λόγων, vates & obsides, vel etiam;
 ut non nemo dici, vates & interpretes, *præceptorum*, & regu-
 larum, qui est modus *πραδειγματικός*. Quia verò subinde
 dubia quædam suboriuntur ex præceptis & regulis, modus
 ἀποδεικτικός necessariò fuerit addendus, qui contineat di-
 dactica & elenctica simul. Utrumque hoc axioma in con-
 stitutione Logices observabimus, & ipsius naturam atque
 studium præcognoscemus è definitione & distributione e-
 jusdem. Definitionem dedimus istam: *Logica est ars mo-
 dum bonè disferendi tradens*. Hanc ut intelligamus, pauca-
 la axiomata de definito, genere, & differentiâ colligemus.

1 Logica dicta est à Græco λόγος; aliàs Dia- Logica un-
 lectica. de dicta?

Vox *Logica* est adjectiva, ut & reliqua disciplinarum de-
 finita; sed usurpatur substantivè. *Crell. cap. 1. isag. Log.* vel po-
 tius ἐλλειπτικῶς, ita ut subintelligatur substantivum τέχνη.
 Dicta est à voce λόγος, qui duplex, ὁ ἔσω, καὶ ὁ ἔξω. Ille aliàs
 dicitur ἐνδοαίθετος & πρὸς ἑαυτὸν, iste πρὸς ἄλλους & πρὸς
 ἕτερον. Utriusque ars est Logica, rationis primariò seu prin-
 cipaliter, orationis secundariò seu minùs principaliter, qua-
 tenus verba habent rationem thematis, & illorum notatio
 Logica inquiritur. Unde *Augustinus lib. de principiis Diale-
 ctica cap. 3. & 8. ait: Dialecticus disponit de verbis, prout
 ad intellectum referuntur*. Præterea hæc eadem vox est am-
 bigua. Interdum enim pro naturali Logica sumitur, *Arist. 1. Vocabulum*
Sophist. elench. cap. 11. interdum pro artificiali. Et hoc modo Logica est
 sumitur vel largè pro quavis arte dicendi, quo sensu Gram- ambiguum.
 matica & Rhetorica in Logicis artibus numerantur, vel stri-
 ctè, pro bonè disferendi arte. Et sic iterum sumitur duobus
 modis; nunc pro Systemate Logico, nunc pro habitu. Nos
 hoc in loco usurpamus in eâ significatione, quâ Systema
 methodicum indigitatur; quod alii vocant Logicam syste-
 maticam, quæ dicitur *archetyπα*, quatenus habitus Logi-
 cus, seu quod idem est, Logica habitualis per Systematis Lo-
 gici cognitionem & exercitationem acquiritur; unde homo

Vocabulum
Dialectica
explicatū.

denominatur Logicus; sed *εἶσα*, quatenus methodus præceptorum est conscripta juxta Logicam habitualement in mente alicujus authoris, ut Aristotelis, tanquam quoddam archetypum. Ergo pro diverso considerationis modo systema Logicum, & habitus Logicus, archetypi & εἵτυπὶ nomine veniunt apud varios authores, quatenus vel Systema habitus causa est, vel habitus Systematis. Sequitur in proposito axioma Synonymum Logicæ, videlicet *Διαλεκτική*; quæ vox itidem Græca est, derivata à verbo *Διέλεσθαι*, *disserere*. Sicut autem λόγος, ita & *Διέλεξις* est duplex, interna & externa. De internâ accipe illud Homeri *Iliad.* λ.

Ἀλλὰ πῆ μιν ταῦτα φίλον διέλεσθαι θυμός.

ubi brevium scholiorum author exponit *διελογεῖσθαι* & *ἐνθυμήθαι*. Huc pertinet, quod *Snellius l. 1. Dial. c. 1.* dicit, quod *Διέλεσθαι*, interprete Platone, sit τῷ λόγῳ χρῆσθαι. Quod hæc ipsa vox etiam significet disertationem externam, norunt jam primū initiati sacris Lycei Græci, qui nondum arelavantur. Hoc verò altioris est indaginis, num Dialecticæ vox idem importet, quod Logicæ? Hic distinctè est respondendum. Aristoteles infinitis locis *διαλεκτικῆς* vocem pro certâ tantū Logicæ parte usurpat, eā nimirum, quæ tractat de Syllogismo Dialectico, seu contingenti, quam & *τοπικὴν* vocat, sicut contrā huic oppositam *ἀναλυτικὴν* & *ἀποδεικτικὴν*, quæ tractat de Syllogismo apodictico. Rariū hæc voce utitur pro totâ disciplinâ, ut *1. el. Sophist. cap. 2. 1. Rhet. c. 1. 22. 23. 2. 1. Metaph. c. 4. 2. 1. 13. c. 4.* Aristotelem sequuntur omnes fere Peripatetici. Sed Ramus & Ramei, secuti Ciceronem & Rodolphum Agricola, docent, Logicam eodem sensu dici Dialecticam, idque propriè. Sed Peripatetici nonnisi synecdochicè Dialecticam significare totam disserendi artem contendunt. Aliàs dicitur *μεθοδική*, ab Aristotele, ut Laërtius & Simplicius referunt: Platoni in *Theat.* dicitur *τέχνη λόγου*, *ars rationis*: Ciceroni *ratio disserendi*. Sed satis de definito: videamus de genere proximo Logices.

Artis vocabulum est ambiguum.

2 Logica est ars.

Artis vocabulum est ἐν τῶν πολλὰς λεγόμενον. Sumitur enim latissimè & strictè. Latissimè pro quovis systemate. Hoc sen-

Hoc sensu à Luciano τέχνη definitur οὕτως ἐγκαθ' ἑαυτὴν ἐκγεγραμμένον ἀπὸς τὴν τέλιν δὲ χρῆσιν ἐν τῷ βίῳ. Sic Metaphysica, Theologia, Politica, Jurisprudentia &c. dicuntur artes. Sed hæc acceptio est exoterica. Acroamatica est, quâ strictè ars sumitur, & distinguitur contra scientiam; quod scientia sit rerum necessariarum, & notionum primarum. *Arist. 1. post. c. 12. ars contingentium, & notionum secundarum, si sit liberalis; si verò illiberalis, contingentium tantum, non etiam notionum secundarum.* Res necessariae intellige illas, quæ à Deo sunt per causas naturales operante, non autem à nostro intellectu, vel voluntate; ut sunt stellas, quatuor elementa, omnia elementata. Res contingentes intellige omnes illas, quæ fieri possunt à nostro intellectu, vel voluntate: uti sunt virtutes, notiones secundæ, & opera mechanica. Vide *Zabar. l. 1. de nat. Logic. c. 2.* De rebus necessariis tractant scientia, strictè accepto vocabulo, seu disciplina contemplatrices, quæ sibi finem proponunt cognitionem. Sic v. g. Physica est scientia, seu disciplina theoria, quia terminum habet cognitionem τῶν ὄντων φυσικῶν. Cognosco siquidem naturam Solis, ut sciam. Et hæc subsisto, quâ Physicus; licet quâ Christianus illam cognitionem Solis dirigam ad finem ulteriorem, nempe gloriam Dei. De rebus contingentibus tractant prudentiæ & artes. Prudentia de virtutibus in communi & particulari docent, & sibi propositam habent praxin, strictè accepto vocabulo praxeus; unde & disciplina practica vocantur. Sic v. g. in Ethicis cognosco doctrinam de justitiâ, non ut sciam, sed ut operer. Neq; enim cognitio veri, sed actio boni facit philosophum practicum. Artes, quæ tractant de rebus contingentibus, in duplici sunt differentiâ. Aut enim liberales sunt, aut illiberales. Liberales agunt de rebus contingentibus, quæ vocantur notiones secundæ; quas efficit intellectus noster, quatenus est *πνεῦμα*. Illiberales agunt de rebus contingentibus, quæ vocantur opera mechanica. De his, non de illis accipe definitionem philosophi, quæ est *6. Ethic. cap. 4.* quod ars sit habitus cum rectâ ratione efficiens. Cum enim propriè efficere dicatur, qui in alio efficit, ita ut in alio ars & efficiendi principium, in alio effectum & opus sit, nempe vel in materiâ externâ, ut in architectonicâ, vel in habitu

*Artes et scientia
quomodo differant*

Res, quæ tractantur in disciplinis, sunt in duplici differentiâ.

Artes sunt liberales vel illiberales.

Artes libe-
rales quo-
modo dicā-
tur effecti-
væ?

corporeo, ut in arte saltandi videre est. *Aristot. 2. Physic. com. 3.* hæc definitio non competet in artes liberales; quoniam illæ hoc modo non efficiunt. Neque enim existimandum est, syllogismum, philosophicum v. g. aut theologicum, opus esse Logici. Syllogismus enim, ut opus Logici est, nuda illa, omnisq; materiei expers, forma est seu idea, quæ in animo Logici est: syllogismū verò Theologicum construere, est illā formā & ideā uti, perinde ut cum quis secuti, quæ fabri opus est, utitur. *Crell. isag. Log. part. com. l. 1.* Quid ergo? An artes liberales nullo prorsus modo efficiunt? Efficiunt, sed analogice. Si. n. effectio propriè dicta refertur vel ad materiā externā, vel ad habitum corporeum, ut modò dictū est, hoc sanè modo Logica, vel Rhetorica nō efficiet. Deinde Logica non fabricat instrumenta ratiocinandi, sed præbet. Ratiocinandi siquidem instrumenta nihil aliud atque ipsa Logica. At nihil est efficiens sui ipsius. Et inauditum; totum esse causam procreantem suarum partium. Non igitur Logica erit efficiens instrumentorum suorum. Quomodo itaque effectiva vel poetica disciplina dicetur Logica? Ratione præbitionis, quatenus præbet aliis artificibus instrumenta, quæ sunt exemplaria seu ideæ, quarum finis est, fabricare exemplata. Atq; hoc sensu Logicam rationi instrumenta fabricare dixeris. *Scalig. exercit. 1. sect. 3. & l. 3. poet. cap. 1.* Præterea hoc etiam modo Logica dicitur effectiva, quatenus generat; quæ generatio non est Physica, sed mentalis, sive Logica. Quia enim simplicis & intellectualis naturæ est Logica, opus ipsius à præceptis realiter non differt. Dum enim doctor vel candidatus Logicæ præcepta generandi syllogismi animo percipit, simul syllogismum generat. Sic scilicet fit, ut tam opus Logicæ, quàm præceptio in animo sit, adeoque nec loco, nec tempore discriminentur, id quod fit in effectione propriè dictā. Atque sic patet; Logicam esse artem, non scientiam. Huc pertinet illud philosophi 2. *Metaphysic. text. 1.* Absurdum est, scientiam simul & modum sciendi quærere. Logica autem est modus sciendi; unde & Græcis *ῥητορικὴ τέχνη* dicitur, item ars tradens *ῥητόν παίδειας*. Quod verò adfert pater *Mexicanus* in *Logic. quæst. 2. proœmiali*, Dialecticam habere plures demonstrationes ex principiis per se notis procedentes, ex quarum frequenti usu generetur

retur habitus, ideoque esse scientiam: item, esse speculativam & practicam simul; speculativam quidem, quatenus perfectè contemplatur naturam sui objecti; practicam verò, quatenus ipsius conditio est circa opus versari, quod bene vel malè dirigi, aut ordinari potest, ejus autem virtute bene fit, aut bene ordinatur: hoc, inquam, nihil roboris habet. Nam scientiæ formalis ratio in hoc consistit, ut demonstrationes habeat de rebus necessariis. Jam verò res Logicæ sunt contingentes. Deinde speculatio rum demum Pura Speculatio sincerè dicitur speculatio, quando res ipsa speculationi quæ fit? subiecta, non est operabilis ex suâ naturâ: quando verò essentialiter, & ex suâ naturâ redigitur ad operationem, vel effectiōem, qualis speculatio est in Ethicâ, Medicinâ, & hæc nostrâ Logicâ, licet ab aliquo speculationis gratiâ tantum intendatur, tamen non est propriè & per se speculatio, sed secundum quid, scilicet propter intentionem ejus, qui contemplationem tantum spectat. *Thomas comm. in Boëth. de Trinit. quest. 5. ar. 1. Arnisaus in notis ad Logicam Crell. pag. 26. 27.* Docet hoc expressè philosophus 7. *politic. cap. 3.* dum meditationem architecti, etiam manum non admoventis, vocandam censet actionem, eò quòd ad opus perficiendum per se redigatur. Hic etiam obiter nota, quòd Logica dicatur practica à multis non infimæ classis philosophis, latè accepto vocabulo *praxeus*, de quâ *Franc. Maro. 1. d. 48. q. 2.* ait, quòd praxis in genere, ut communis est Vocabulum praxis est ambiguum praxi propriè acceptæ & effectiōi, sit operatio regulata à ratione, h. e. operatio, cui regulam præscribat intellectus ad operandum. Paucis, quæ hætenus disputata sunt, sic comprehendo. Per appetitū innatum elicimus ex potētia intelligendi quandam speculationē, quæ si non dirigitur ad aliud, sed in speculatione acquiescit, pura denominatur speculatio, quæ venit nomine intelligētia, scientiæ & sapientiæ, qui sunt tres habitus intellectuales theoricæ: atq; hæc speculatio est actus elicitus. Si verò speculatio dirigitur ad aliud, nō amplius speculatio vocatur, sed generaliter praxis. Non terminatur autem ista praxis in ipso intellectu, sed extendit se ad subordinatam facultatem, illique imperat exequi id, quod apud intellectū conclusum est. Hæc praxis in communi considerata dividitur in praxin propriè dictam, & poësin. Illa est

prudentiæ, hæc artis: adeoque; praxis & effectio sunt actus imperati. Sequitur in definitione Logices differentia, desumpta a subiecto & fine adæquatis.

Subiectum
Logicæ tri-
plex.
Subiectum
tractatio-
nis.

3 Subiectum Logicæ triplex est; tractationis, informationis, & operationis.

Logica est
naturalis,
vel artifi-
cialis.

Subiectum tractationis, seu doctrinæ (barbaris doctrina-
le) est, in quo docendo tota Logica est occupata. Estq; modus
bene disferendi. Hujus subiecti duæ sunt partes, materiale &
formale. *Zab. de trib. pracog.* Materiale est res ipsa considera-
ta, videl. *instrumēta*, seu notiones secundæ, quatenus sunt or-
gana intellectualia. Et hæc res considerata non est ppria Lo-
gicæ, sed etiā Grammaticæ & Rhetoricæ competit. Sed for-
male, quod est modus considerandi, omninò proprium est
Logicæ, videl. *modus benè disferendi*. Per hunc enim instru-
menta Logica sunt Logica. 6. *Metaph. text. 40.* In hoc formali
excutiemus singula vocabula. *Modus* nihil est aliud, quàm
via: unde Dialectica dicitur janua, per quam ingredi liceat ad
speciales disciplinas addiscendas. Licet. n. Logica naturalis,
quæ est vis naturæ sive lux quædam, hominib. sit insita: non
tamen artificialis ideò non est necessaria, ut quidam conten-
dunt. Ratio: quia natura habiles duntaxat facit, ars verò fa-
ciles, juxta illud Ciceronis: *Ars est dux certior, quàm natura.*
Etenim Dialecticæ principia & semina homini indita, sunt
duntaxat inchoatio Dialecticæ perfectæ, nō *ἐντελέχεια*. Hoc
sensu Arist. 1. *Rhet. ad Theodect. c. 1.* docet homines esse à na-
turâ Dialecticos & Rhetoricos. Quod igitur natura inchoa-
vit, ars perficit. Nec est, quòd quis objiciat Logicam non esse
necessariam propter alias scientias, vel res, cum primis divi-
nas, addiscendas; eò quòd aliæ scientiæ sua habeant princi-
pia & conclusiones, quæ intellectu ordinis & consequentiæ,
quem à Deo habemus, cognosci possint, inprimis autem SS.
Theologia, ut quæ non subiaceat lumini naturæ, sicut docet
Ambrosius, dum ait: *Facestant Dialectici, ubi credendum est*
piscatoribus; cui succinit Lutherus tom. 1. dum ait, *Veritatem*
& majestatem scripturæ in angustias rationis & syllogismum
includi nō posse: ut quæ sit non quidem contra, sed extra, intra,
supra, infra, citra omnem Dialecticam. Si quis hæc talia nobis
objiciat, huic talem comparatam volumus responsionem.

Logica
quomodo
sit necessa-
ria?

Logica

Logica artificialis simpliciter est necessaria, ad integram quamcunq; disciplinam ordinario modo, etiam imperfectè comparandam; item ad refutandos Sophistas; licet non sit necessaria ad unum vel alterum principium intelligendum, vel etiam conclusionem principii valde affinem. Nam principia & conclusiones principii intimè conjunctas naturæ lumine assequimur. At conclusiones à principii remotiores, sine Dialecticâ nullo modo assequi possumus. Probabimus singula. Est absolutè necessaria Dialectica ad comparandam integram disciplinam; quia præscribit methodum. Est necessaria si velis refutare Sophistas; quia docet discernere verum à falso per instrumenta convenientia. Est quoque necessaria, si velis conclusiones remotiores necesse è principii; quia suppeditat normas veritatis & consequentiæ. Quid multis? *Nesciens Logicam, etsi scire, aliquid videatur, nescit tamen, cum rationem sui sciti nesciat*, ut ait *Albertus Magnus capit. 3. predicabilium*. His adde quod *Augustinus lib. 2. de ordine cap. 13.* habet. *Dialecticam ibi vocat disciplinam disciplinarum, addens: Hæc docet docere, hæc docet discere, in hæc seipsam ratio demonstrat, atq; aperit, qua sit, quid velit, quid valeat, scit scire, sola facientes facere, non solum vult, sed etiam potest*. Paucis hisce verbis Augustinus eleganter ostendit, quid sit modus disferendi, videl. *via disferendi*, quam insistant postea alii artifices. Nec enim res nascuntur in Logicis, sed modus cognoscendi res ibi traditur. *Arist. 2. Metaph. cap. 3. Fons. 2. Metaph. cap. 1. q. 2. s. 2. Suarez disput. 1. de nat. Metaph. sect. 3. cont. 35. 36. Goclen. in exerc. 1. Scal. analyti.* Sic verbi gratiâ, Logicus non definit, sed vel Metaphysicus, vel Physicus Logicè. Nam sicut Logica non fabricat instrumenta sua: ita nec iisdem ipsâ, vel etiam Logicus utitur: sed Philosophus, sed Medicus, sed Juris, sed Theologus. *Zabar. l. 2. de nat. Log. c. 7.* Hæc enim est suppellex cunctis apparata scientiis & facultatibus. Atq; ab hæc instrumentorum præbitione instrumentalis disciplina nuncupata est. Sed nullum instrumentum efficiens purum est. Ideò principali agente indiget. Principale illud agens, Philosophus est, vel alius facultatis studiosus. Atque hoc sibi volunt dicta illa in Scholis celebrata: *Logica est nihil, omnia; Logica instrumenta à Logica non sunt parabilia*.

nec usurpabilia. Sensus horum dictorum iste est: *Logica est nihil*, scilicet reale: quia tota est, quanta quanta est, de notionibus secundis: ut si de Deo, de Angelo, de jure disputandum sit, hæ res non factæ, non natæ sunt in agro Logico, sed ex propriâ sede evocantur. *Logica est omnia*, scilicet, quoad modum disferendi ~~et~~ *partes voutæ*, quatenus præscribit leges definiendi, dividendi, argumentandi &c. *Logica instrumenta non sunt parabilia à Logica*: quia nihil est causa efficiens suiipsius. *Nec usurpabilia ab eadem*: quia nihil utitur seipso. Jam verò instrumenta Logica conjuncta sunt idem, quod Logica, ut supra evicimus. Porro formali rationi objecti additur vocula *benè*, ut denotetur *Ὠπτασία* specialis hujus artis.

Ἐπτασία seu bonitas generalis, inquit aliquis, est conditio artis cujusque; scio. *Scaliger exercitat. 326*. Sed generalis illa bonitas hæc voculâ non significatur. Ita enim tautologiâ laboraret definitio. Significatur autem specialis *Ὠπτασία*. Dices itaque τὸ *Benè* hoc in loco esse idem quod *appositè, acutè*, sicut in definitione Grammatices idem est quod *purè*, & in definitione Rhetorices idem quod *ornatè*. Sed quid est *disferere*? Propriè accipias istam vocem, cujus simplex est sero, serui, unde sermo, series, sertum. Sicut autem sermo est duplex, internus & externus: ita & τὸ *serere*, sive *disferere*. Confer hæc cum iis, quæ supra diximus

de *λέγω* duplici, itemque de *πρὸς διαλέξας*. Atque hoc est subjectum tractationis. *Subiectum informationis* in Logica est id ipsum, in quo excolendo, perficiendo, & dirigendo Logica versatur. Estque duplex, primum, & secundarium. *Primum est anima nostra quoad intellectum poëticum, & memoriam intellectivam*. Utriusque enim directrix & correctrix est Logica. *Keckerm. in Gymnas. Logic. præcognit.* Intellectus hominis unus est essentia, virtute triplex; Speculativus, activus, factivus. Dum enim hominem contemplot, speculativus est meus intellectus. Sed postquam intellexi, conjunctionem humanam esse viam ad beatitudinem, & invēni justitiam ejus conservatricem; ex speculativo fit activus. Itaque ago, quæ pertinent ad justitiam. Quocirca etiam artes instituo. Et sic ex activo factivus seu poëticus fito. *Scal. ex. 307. f. 31.* Hunc intellectum factivum

*Subiectum
informatio-
nis in Lo-
gica.*

Intellectus
quo sensu
dicatur tri-
plex?

ctivum

quum dirigit Logica, quoad rationem bene disferendi. Ne-
 que hunc tantum dirigit, sed & memoriam intellectivam,
 quam alii reminisceniam vocant, ut à nobis dicetur ad li-
 brum ultimum hujus operæ. Secundarium subjectum infor-
 mationis est oratio, quod suprà probatum fuit. Ad extre-
 mum, subjectum operationis seu usus est id, in quo Logica ex-
 erceretur, & ad usum applicatur. Et hoc est omne thema dis-
ferabile, seu intelligibile, sive sit ens, sive non-ens. Hoc alii
 malunt dicere subjectum artificis potius, quam artis, & hoc
 utuntur argumento. Idem est objectum & artis, & usus ar-
 tis. Quomodo enim artifex utatur arte suâ in alieno, &
 sibi incognito subjecto? Respon. Logicus quâ Logicus tan-
 tum sua præcepta tractat, videlicet definitiones & divisio-
 nes entium Logicorum: sed hoc fine, ut illa entia fiant
 organa sciendi prorsus generalia & applicabilia omnibus
 rebus, quæcunque disci ac doceri possunt. Dum itaque
 dicimus, omne ens & non-ens esse subjectum Logica,
 non hoc volumus, quod Logica se exerceat in contem-
 platione entis & non-entis, sed hoc, quod tanta sit Lo-
 gicæ amplitudo, ut nihil sit in rerum universitate, quod
ipsi non possit subjici. Logica itaque ratione applica-
 tionis dicitur habere hoc subjectum. Nimirum quàm
 latè patet humanæ rationis usus, tam latè etiam patet
 hoc objectum Logicæ. At nihil est, de quo humana ra-
 tio non possit disferere. Ergo & nihil est, cui non pos-
 sint instrumenta Logica applicari. Distinguas hîc inter
 applicationem aptitudinalem & actualem. Illa locum ha-
 bet in instrumentis Logicis, etiamsi nullus artifex iis utar-
 tur: ista tum demum, quando artifex potentiam deducit in
 actum. Culter suâ naturâ omne subjectum sectile indif-
 ferenter respicit, sed actualis applicatio est à causâ princi-
 pali. Idem cogita de Logicis instrumentis, adeoque de ipsâ
 Logicâ. Illa ex se & suâ naturâ respicit hoc objectum,
 quod diximus operationis: sed determinatio est ab arti-
 fice: ut theologus, quâ theologus, definit & distribuit
 ecclesiam ex ipsis sacris fontibus, sed quatenus est si-
 mul Logicus, generalia instrumenta applicat suæ ma-
 teriæ. Sic enim rectius dices, quàm quod theologus
 suam materiam applicet ad definitiones & regulas Lo-

Subjectum
 operationis
 in Logicâ.

Applicatio
 duplex in-
 strumentorum
 Logicorum.

gicas: quia scilicet Logica ministra est, quoad res; licet sit magistra, quoad tuam rationem. Et ita patet, quod ens & non-ens non solum artificis, sed etiam artis Logicæ subiectum rectè dicantur. Nunc videamus finem Logices.

Finis artis
Logicæ.

4 Finis Logicæ proximus, internus, proprius, & totalis seu adæquatus est, tradere modum bene disferendi.

Suprà ostendimus, instrumenta Logica esse ideas seu exemplaria, quorum finis internus sit fabricare exemplata, hoc est, tradere modum fabricandi exemplata, adeoq; dirigere hominem in ipsâ disertatione, ut possit exempla definitionum, divisionum & cæterorum exemplarium conficere. Hoc enim sensu *re* fabricare accipiendum est, ut intelligamus loca magnorum Logicorum, in quibus docent Logicam fabricare. Nimirum ut malleus à fabro factus eidem subservit: ita etiam Logica, *parrus rationis*, vel filia à philosopho genita, eidem rursus interservit, quâ de re tale circumfertur ænigma, in quo Logica introducitur loqui:

*Filia sum; cuius matrem vos esse putatis.
Principio hæc genuit me, dein ea nascitur ex me.
Ergo mihi nomen proprio de nomine finxit,
Nominis ejusdem ut genitrix & filia dicar.*

Hisce verbis complectimur finem Logices tum proprium, tum communem. Proprius finis, est tradere modum bene disferendi. Si enim subiectum tractationis in Logicâ est modus bene disferendi, necessum est, ut Logicus ad illud perfectè explicandum omnia sua præcepta dirigat. Finis communis est perfectio & directio hominis. Cum enim homini per naturam ignotus sit ille modus bene disferendi, Logica illum modum homini explicat. Finis ille proprius est quoque internus, proximus, & totalis seu adæquatus Logicæ. Internus & proximus; quia cum illâ reciprocatur. Externus autem & ultimus est veritas in quavis tractatione. Cum enim veritate nihil per se dignius & præstantius sit (est enim summi *ENTIS SOLIUS VERI* radius quidam, solis jubare clarius & fulgidior) nihil menti à naturâ rectè formatæ, à doctrinâ informandæ clarius, nihil desiderabilius illâ esse

Veritatis
cognitio
quomodo
sit finis Lo-
gicæ.

illâ esse debet. Quare ad verum cognoscendum Logica etiam ultimò conferet, tanquam ad finem ultimum. Est quoque Logicæ finis totalis & adæquatus tradere modum bene disferendi; quia omnia & singula præcepta huc colligant, non aliter atque omnes lineæ ad centrum in aliquo circulo. Hinc Molinæus *lib. 2. Logic. cap. 2.* ait: *Media nobis tota Philosophia suggerit: Logica verò tradit non ipsa media, sed modum ea quærendi & discernendi.* Cum hæc sententiâ pugnare videntur ea, quæ paulò antè diximus de formali ratione subjecti, quòd sit modus bene disferendi. Si enim hæc est forma, non erit finis. Sed duobus modis responderi potest. 1. Aliud est modus bene disferendi, aliud tradere istum modum. Modus ille est finis objectivus: traditio modi est finis formalis. Terminos hos vide infrâ explicatos. 2. Sæpe finis ingreditur essendi rationem, in instrumentis & institutis divinis & humanis, ut suo loco dicemus. Logica autem instrumentum est. Si dicas, Logicam hæc ratione non esse partem Philosophiæ, cùm sit instrumentum, dicam ego instrumentum diverso respectu esse partem; præsertim si instrumentum sit *ἐνυπόθετον*, uti est manus; item intellectuale, quale est Logica. Nunc ad distributionem Logices accedamus.

Logicæ partes duæ sunt; una generalis, altera ^{Logicæ distributio.} specialis. *Illâ communis, hæc particularis dici potest.*

Innumera circumferuntur distributiones Logicæ, è quibus hanc unicam probamus, quæ est distributio integri, seu totius integralis in sua membra, non generis in species. Nam Logica Syltematica est species infima, ideoque non debet distribui ut genus. Cæterùm fundamentum propositæ distributionis hoc syllogismo continetur: Sicut secatur modus disferendi, sic & Logica secari debet. At modus disferendi duas in partes secatur. Ergò. Major sic probatur. Distributio disciplinæ sumitur quàm rectissimè à subjecto tractationis adæquato, & fine proximo. *Εὐδαλον*. Minor est clara. Etenim modus disferendi consideratur primum in genere, dehinc in specie. Hoc docent patres Conimbricenses in *append. quest. Dial. proæmial.* hæc in verba: *Cum proprium & adæquatum subjectum Dialecticæ sit modus bene*

Unitas disciplinæ unde aestimetur?

disserendi in commune, & sub eo sint varia quasi modorum species: ita totalis Dialectica erit, quæ modum disserendi in toto suo ambitu explicat: partiales verò, quæ específicos disserendi modos enarrant. His adde Fonssecam, qui 2. *Metaph. c. 3. quæst. 1. s. 3.* disertè affirmat, Dialecticæ proprium finem, in quem tota ipsa incumbit, nihil aliud esse, quàm formas omnes five modos disserendi tradere. Objicis, hæc ratione Dialecticam non esse unam disciplinam, sed multiplicem. Respondeo, nos jam antè monuisse, Dialecticam non habere rationem generis, sed totius integralis. Quare allata partitio nil derogat unitati specificæ disciplinæ: quæ si sit theoretica, unitatem ab objecto principaliter; si practica vel poetica, unitatem à fine principaliter habet. Rursus objicis: Omnis ars est duntaxat universalium. At Logica est ars. Ergò. Resp. Major universaliter accepta non dico falsa est, sed falsissima, id quod sic patet. Ars est mechanica, vel liberalis. Vide 6. *top. cap. 4.* Mechanica versatur circa externa opera, & quidem tum communiter, tum singulariter. Falsum itaque, quòd omnis ars sit duntaxat universalium. Si dubitas hæc de re, lege Vitruvium de architecturâ, consultum i statuarium, & alios mechanicos. Ars liberalis est, quæ ad operationes animæ dirigendas ordinata est: quæ iccirco liberalis vocatur, quia circa operationes animæ liberas versatur. Atque in his est Logica, ut suprà probatum, & jam declarandum ex Thom. Aquin. in 1. *post. anal. lect. 1. Ad actus humanos*, ait, *faciliter & ordinatè perficiendos diversa artes deserviunt. Nihil enim aliud ars esse videtur, quàm certa ordinatio rationis, quâ per determinata media ad debitum finem actus humani perveniunt. Ratio autem non solum dirigere potest inferiorum partium actus, sed etiam actus sui directiva est. Hoc enim est proprium intellectivæ partis, ut in seipsâ reflectatur. Nam intellectus intelligit seipsum, & similiter ratio de suo actu ratiocinari potest. Sic igitur ex hoc, quòd ratio de actu manus ratiocinatur, adinventâ est ars adificatoria, vel fabrilis, per quas homo faciliter, & ordinatè hos actus exercere potest. Eadem ratione ars quadam necessaria est, quæ sit directiva ipsius actus rationis, per quam scilicet homo in ipso actu rationis ordinatè, & faciliter, & sine errore procedat. Et hæc est ars Logica, id est, rationalis scientia, quæ non solum rationalis est*
ex hoc

ex hoc, quòd est secundum rationem, quòd est omnibus artibus commune; sed etiam ex hoc, quòd est circa ipsum actum rationis, sicut circa propriam materiam: & ideo videtur esse ars artium, quia in actum rationis nos dirigit, à quo omnes artes procedunt. Hæc Thomas; è quibus videre est, quòd Logica sit directrix rationis, seu actus rationalis: item quòd omnis ars sit directrix. Jam autem directio generalis nequaquam sufficit, nisi specialis accedat: quia scilicet ratio nostra nunc generalibus, nunc specialibus cognoscendis est intenta. Hinc concludo, omnem artem esse & generalium, & specialium simul. Objicis illud: Singularium non est scientia. Respondeo dupliciter. Primò singularium vagorum, inordinatorum, casualium, & infinitorum non est scientia. At singularium certorum & perpetuorum omninò est scientia; ut Dei, Solis, Lunæ. Deinde pars altera Logices vocatur specialis, non quòd de singularibus seu individuis tractet; sed quòd præcepta tradat de modo disserendi in specie, non in individuo. Sicut enim pars generalis explanationem instrumentorum Logicorum continet: ita specialis applicationem seu usum, hoc est, præcepta de usu instrumentorum Logicorum habet. Et ita video, quosdam intelligere divisionem Logices in docentem, & utentem: licet alii aliter accipiant, quasi sit distributio generis in species, ita ut Logica docens sit systematica, utens seu operans ipsè habitus Logicus seu Logica habitualis. Possit & nostræ divisioni lucem afferre illa, quâ Logica dividitur in abstractam & concretam; si nimirum abstractam Logicam dicas, quæ in genere modum disserendi planè sejunctum à speciali objecto explicet; concretam seu applicatam illam, quæ in specie præscribat modum applicandi instrumenta generalia. Verùm video patronos hujus divisionis aliter interpretari. Redeo igitur ad eam, quam à Keckermannò & Timplero, vitis optimè meritis de omni disciplinarum genere traditam & propugnata scio. Illa non solum congruit cum fine proximo Dialectices, item cum subjecto tum tractationis, tum informationis; sed etiam cum fine remoto. Is est veritas, ut suprà docuimus. Ex hoc fine præsupposito sic dividenda Logica, ut doceat instrumenta ad veritatē ducentia. Hinc sic colligimus: Quot modis ascendimus ad veritatem,

Logica est
docens vel
utens.

Finis an
semper in
artificis po-
testate?

Reciproca-
tio distri-
butionis est
duplex.

tot partes erunt Logicæ; partes dico principales & essentiales. Duæ autem sunt viæ attingendi veritatē, & duobus modis homo est ædificabilis, ut veritatem perdiscat. Ergo & duæ principales partes erunt Logicæ. Minor suadetur hoc modo: Veritas cognoscitur à nobis vel in communi, vel in particulari. Tertium hîc nullum. Sed obstrepunt hîc *seculi incommoda*, ineptiarum scriptores, finem non esse in artificis potestate; ideoq; illius rationem non esse habendam in divisione alicujus disciplinæ. Consequentia hîc nulla est. Finis enim non idè definit esse finis, si artifex illo frustretur. Finis piscatoris est capere pisces. Ejus enim gratiâ explicat retia. Sed sæpe totam noctem, multosq; ex ordine dies in vanum laborat. Num idè definit esse finis, cujus gratiâ piscatio est? Nos itaque Logicam è fine dividendam adhuc censemus. Sic optimus methodi artifex *Galenus ad Thrasyb. cap. 30.* ex fine medicinæ deducit duas partes, in quibus medicina consumitur, quas *Galenus* *τ. tuen. san. in pr.* primas vocat. & maximas, *ἡγετοδύναμις* & *ὕμεινιν*. Sed unicum quorundam arrogantium Logicorum restat fulmen brutum, revera brutum contra hanc partitionem. Non est, inquit, reciproca; quia Grammatica alia dicitur generalis, alia specialis; quia partes Metaphysicæ, Physicæ, Rhetoricæ, & omnium ferè disciplinarum duas constituitis, unam generalem seu communem, alteram specialem seu propriam. Hoc nimirum est illud putidum argumentum, quod etiam tyrunculus Logicæ ridendum potius quàm solvendum statuat. Annon legistis, boni viri, reciprocationem distributionis esse vel apertam, vel tectam? Si non didicistis, adhuc discite. *Reciprocatio manifesta est*, quæ vocabulis constat specialibus, ita ut non nisi propositæ rei competere possint: ut si dicas, animal est homo, vel brutum, Sacramentum N. T. est Baptismus, vel Cœna Domini. *Reciprocatio tecta est*, quæ vocabulis cõstat generalibus, quæ quomodo in hac vel illâ distributione accipiantur, videre est è definitionibus partium, vel specierum in quas facta est distributio, ut jam nihil dicā de subjectâ materiâ. Nimirum defectus vocabulorum est in causâ, quò minùs possimus partem & speciem quamcunq; peculiari exprimere vocabulo. Sic pars generalis Logicæ non est pars generalis Metaphysicæ vel Physicæ. Vocabula eadem

eadem sunt, non nego: definitiones minimè. Si ita ludere libet, dicam ego distributionem Logices in inventionē & iudicium (quam illi tantum non venerantur) non esse reciprocā; quia Grammatica, Rhetorica & artes mechanicæ etiam docent invenire & iudicare: dicam divisionem axiomatis in simplex, & compositum non esse reciprocā; quia infinita sunt, quæ eodem modo dividuntur. Sed nolo sic ineptire, ut qui sciam vocabula generalia in distributionibus esse restringenda. Restringite igitur in propositâ Logices distributione vocabula hæc, *generalis, specialis*, sine & objecto, & protinus ineptire desinetis; id quod vobis ex animo precor. Unum superest quod moneam ad hanc divisionem. Pars generalis, Systema; specialis pars, Gymnasium Logicum vocari potest docendi causâ; ut partes essentielles seu principales habeant nomina principalia. Retinemus itaque hanc Logicæ partitionem, quia convenit cum fine Logicæ proximo & remoto, cum subjecto tractationis & informationis, & cum omnibus legibus seu normis bonæ distributionis, cum sit adæquata distributo, partesq; habeat inter se dissidentes & cum toto convenientes.

Generalis pars Logicæ est, quæ modum bene disserendi in genere explicat. *Vel: Generalis Logicæ pars docet de instrumentorum Logicorum naturâ.* Pars generalis Logicæ.

In hac definitione omissum est genus. Nam jam antè monuimus, nos hîc laborare inopiâ vocabulorū, quod dum accidit, necesse habemus ipsum definitum repetere loco generis, vel omittere. Si velis supplere, dices: *est prima pars*. Simile accidit in divisione propositionis in affirmantem & negantem, simplicem & compositam, item syllogismi in simplicem & compositum; nisi ibi velis subintelligere genus remotum, quod est *instrumentum noeticum*, & hîc *instrumentum dianoeticum*. Sed queritur hîc de genere proximo, quod utiq; est propositio, item syllogismus. Hoc fieri in omnibus definitis, quæ unâ voce non possunt exprimi, suo loco dicitur. Talia definita sunt, jus naturæ & positivum, Ecclesia Catholica & particularis, ens infinitum & finitum, substantia prima & secunda, & alia multa, quorum genera proxima

Contēpla-
tio sincera
quæ sit?

per primam definiti vocem exprimuntur. Cæterum differentia in priori definitione explicatur per differentiam in posteriori definitione positam: videlicet tradere modum bene disserendi in genere, est explicare naturam instrumentorum Logicorum. Oportet enim in quocunque instrumento duo hæc accuratè adnotare, naturam & usum. Obiicis, hæc ratione Dialecticam esse theoreticam & poëticam simul, cum agat de naturâ & usu instrumentorum Logicorum. Sed supra diluimus frigidam hanc oppositionem. Contemplatio sincera dicitur, quæ sibi ipsa est terminus sive finis. At huiusmodi contemplatio in Dialecticis non est. Sanè necessum est explicare quid sit definitio, antequam hoc instrumento utare. Num hæc talis explicatio faciet ut Dialectica sit theoretica? Nihil minùs. Sicut enim explicatio Ethica, quâ iustitiæ natura ob oculos ponitur, nihil derogat praxi; ita & explicatio in Logicis non tollit poësin. Ais, tota Logica est generalis; quia suprà traditum est, quòd supellex Dialectica sit cunctis apparatus scientiis ad utendum pro suo cuiusque commodo & facultate: usus autem specialis est huius & illius facultatis proprius. Ajo, est æquivocatio in voce *specialis*. Non enim pars altera Logices dicitur specialis eò, quòd materias speciales attingat, sed comparatè, quòd non æquè sit generalis atque prima. Sic in Metaphysicis pars illa, quæ tradit de prædicamentis, dicitur specialis, quatenus confertur cum primâ, quæ est generalior. Paucis rem totam sic accipe: Aristoteles in topicis Dialecticam appellat *δυσανειν, facultatem*; quòd instrumenta ejus potestatem scientiis constituent ad disceptiones seu disertationes quascunq;. Ipsiùs itaq; munus est, talem potestatem explicare, quæ postea in actum educitur à Physico, Medico &c. Potestas autem illa duobus modis cōsiderari potest, scil. ratione *εἰς*, & *ἐξ* *εἰς*, h. e. ratione essentia, & potestatis ipsius formaliter. Omnis enim potestas præsupponit essentiâ: v. g. definitio, vel syllogismus cōsideratur ratione tū essentia, quid & quotuplex sit; tū potestatis, quomodo possimus uti utroq;, in analysi, in genesi, & utriusque speciebus. Itaq; pars Logica generalis naturâ definitionis & syllogismi solummodo evolvit, at specialis illa modum iis utèdi præscribit, non utitur ipsa; id q; hoc in loco repetimus,

ut natu-

ut naturā Logicæ plenius perspiciant studiosi latidatissimæ
hujus disciplinæ, quæ non discribit, sed modum discribendi
prescribit, quo postea utitur Physicus vel Astronomus. Ad-
scribam verba Goclenii in anal. exercitat. 1. Scalig. section. 3.
Physicus utitur ratione definiendi & dividendi à Logico ac-
ceptā. Logicus ipse non definit, non dividit, veluti navim fa-
bricat artifex, quā acceptā utitur gubernator, remex &c.
sua quisq; ad commoda, suos ad fines. Et paulò post: Si quid
docet Grammaticus, Rhetor, Mathematicus, non suo, sed Lo-
gica artificio docebit. Logica est & aliarum disciplinarum
ministra, & mater ac formatrix, & ceteris artibus impe-
rat eadem. Leges enim definiendi, dividendi, & quidlibet ar-
guendi, leges enunciandi, ordinandi & concludendi prescribit.
Ecce Physicus accipit rationem definiendi, legesque divi-
dendi à Logicā. Debet itaque nosse, quid sit definitio, quo-
modoque illā utendum sit. Utrumque hoc docet Logica.
Hinc apparet verum esse quod diximus, Dialecticam trade-
re instrumentorum suorum naturam & usum, hoc est, præ-
cepta de naturā & usu illorum proponere.

Instrumentum Logicum est vel verum, vel ap-
parentis.

Prima divi-
sio instru-
menti Lo-
gici.

Hoc præceptum cohæret cum posteriori illā definitione
partis generalis.

Instrumentum Logicum verum, est notio se-
cunda, cujus adminiculo vir bonus ad bene disse-
rendum utitur.

Instrumento Logico vir bonus utitur, malus abutitur.
Quamquā verò ex accidenti hoc posterius fit, nihilq; ad ef-
sentiam instrumēti Logici facit: nihilominus tamen de abu-
su etiam præcipiendū est, ut ita contraria juxta se posita cla-
rius elucescant, & juvenus, thesaurus ille utriusque politiæ,
plenissimè condiscat rationem detegēdi fallacias, quas non
statim cognoscere potest, qui rationē veri instrumenti no-
vit. Non enim hæc sunt instrumenta corporalia, quorū usus
vel abusus, rectitudo vel irrectitudo ad oculum patet.

Instrumentum Logicum verum, est noëticum,
vel dianoëticum.

Sufficientia hujus dichotomiæ inde probatur, quòd omnis disfertatio fiat, vel sine discursu, vel cum discursu.

Noeticum est quod sine discursu ad benè disferendum adhibetur.


Estque vel terminus, vel axioma.

Logicæ distributio
duob. modis institui
potest.

Antequam progrediamur ad specialiora, hîc *ὡς ἐν τῷ πρῳ* numerum & ordinem instrumentorum Logicorum adeoque partium Logices designabimus. *In tertio de animâ* tradit Philosophus, scientias secari, quemadmodum & res, de quibus illæ tractant. Cùm igitur Logica tradat ratiocinandi instrumenta, seu notiones secundas ad ratiocinium conferentes, non dicam æquum, sed æquissimum fuerit, eam ita secari, sicut res subjectæ, quæ sunt ratiocinandi instrumenta, secantur. Principiò igitur non Logica dividenda, sed instrumenta, quæ illa nobis præbet; deinde ipsa Logica: qui ordo est accuratissimus, aut certè accuratissimo proximus. Hîc utimur quibusdam vocabulis in Scholâ Latinitatis non usquequaq; usitatis: sed confidimus, philosophos cordatos res potius quàm verba spectaturos, id quod si hodiè quidam malè feriatî attenderent, non tot ineptæ in Republ. literatâ essent logomachia, quæ sunt in causâ, quò minùs possimus unam ædificare Trojam, ut est in proverbio. Nam quivis ferinè sibi fruit castellum, quod facillè potest expugnari, vel uno adhibito ariete. Sed jam sequitur synopsis nostra:

SYNO.





Synopsis ista complectitur geminam Logices divisionem, quam sic evolvimus hoc diagrammate harmonico:

Instrumenta Logi-
ces sunt

Partes Logicæ
sunt


- | | | |
|-------------------------------------|-----------------------------|------------------------|
| 1 Thema. | 1 Thematica. | } Pars ge-
neralis. |
| 2 Argumentum sim-
plex commune. | 2 Categorica com-
munis. | |
| 3 Argumentum sim-
plex proprium. | 3 Categorica
propria. | |
| 4 Definitio. | 4 Horistica. | |
| 5 Distributio. | 5 Meristica. | |
| 6 Axioma. | 6 Axiomatica. | |
| 7 Syllogismus. | 7 Syllogistica. | |
| 8 Methodus. | 8 Methodica. | |
| 9 Fallacia. | 9 Sophistica. | |

Quorum usus

10 Libro.

10 De usu instru- } Pars spe-
mentorum. } cialis.

Poteris & hoc modo procedere in divisione instrumen-
torum Logicorum, quòd



Materialia dicuntur, non quòd constituent materiã Lo-
gices; sed quòd materiam disertationis regant. Idem de
formalibus judicium esto. Si quis velit retinere illam Ra-
meorum divisionem, quã Logicam (sed intellige genera-
lem) dividunt in inventionem & dispositionem, facillè po-
terit nostram methodum illi distributioni accommodare,
mutatis mutandis, iisque paucissimis. Atque ita vidimus na-
turam Logices, cui nunc subnectemus paucula de studio
ejusdem.

1. *Quicumque Logicam discere cupit, praeceps sit in-
genio Logico.*

Ingenium Logicum dicimus, quod est φιλομεθόδου. φιλαίπουν, φιλομεθοδικόν, quæ tria admirantur viri magni in Aristotelis ingenio, quod fuit λογικώτατον. Ingeniū φιλομεθόλου est, quod amat generalia. Generalia autē sunt vel realia, qualia in Metaphysicis traduntur, vel notionalia, qualia in Logicis. Hic itaq; necesse fuerit Metaphysicam reginam & diatetricem illam consultum ire, si felices in Logicis progressus facere velimus. Tāta enim necessitudo Logicæ cum Metaphysicā (quæ non ab re dicitur prima Philosophia) ut illa sine hac doceri & disci nequeat fundamētotenus. Metaphysicus enim docet, quid sit causa, quid causatū, & similes entis primas differentias, per quas ipsum primò dividitur, explanat: Logicus autem docet rationem argumentandi à causā, causato, & similibus. Rectē itaque Suárez in Metaphysicis docet, ad Metaphysicum pertinere, instrumentorum Logicorum primas radices & causas tradere. Nam etiam si Dialecticus definire & dividere doceat; non tamen potest è propriis principiis huiusmodi instrumenta declarare. Sic verbi gratiā, definitio declarat essentiam rei. Sed rationem essentię declarare, ad Metaphysicam pertinet. Divisio declarat rerum distinctionem. Sed quid sit rerū distinctio, primus Philosophus planum facit. Dialecticus utitur his effatis: *Impossibile est idem esse & non-esse*, quod primū est principium cognoscendi: item, *Quæ sunt eadem uni tertio, sunt eadem inter sese*: sed hæc principia sunt propria Metaphysicæ, ad quæ pertinet tractare de ente & non-ente, possibili & impossibili, eodem & diverso. Ex his patet, quod Metaphysicæ propriū sit, causam, causatum, & similia definire: Logicæ vero, monstrare, quomodo ex notionibus istis primis, tanquam favissā aliqua, eruantur argumenta, quæ sunt notionēs secundæ. Ingenium φιλαίπουν dicimus; illud, quod non contentū est cognitione quod sit, quam Græci vocant cognitionē ὅτι, sed maximè venatur cognitionē quare sit, quod Græcis est τὸ διότι. Deniq; ingenium φιλομεθοδικόν est, quod detestatur ἀμεθοδίαν, tanquā matrem errorum & novercam intelligentiæ atque memoriæ. Ille itaq; homo πέφυκε, seu aptus natus est ad discendā Logicam, qui præditus est huiusmodi ingenio. Cyclopiæ verò ingenia, quæ investigationem causarum, & ordinis lumen fugiunt, minimè studio Logico sese dedere possunt.

Ingenium
Logicū est.

1. φιλομεθ-
όλου.

2. φιλαί-
πουν.

3. φιλομεθ-
οδικόν.

II. Qui-

II. *Quicumq; Logicam discere cupit, sit amans libertatis philosophicæ seu Socraticæ.*

Libertatem philosophicam vocamus, non arrogantiam illam, quâ nonnulli maleferiati *δοκησισφοι* omnes omnino aucthores despiciunt, quos vident paululum abire à methodo vel sententiâ illius, quem ipsi à teneris, ut ita dicam, in deliciis habuerunt; sed modestiam libero homine dignam, quâ quis sic statuit, Deum non omnia omnibus conferre, ac proinde varios aucthores legendos esse, & inter sese conferendos, ut ita pateat, num eadem dicant, vel diversa. Minimè itaque Logici evadent illi, qui jurant in verba hujus, vel illius magistri, adeoque servum fiunt pecus, quod Horatius de ineptis imitatoribus pronunciat. Volumus igitur studiosum Logices cognoscere *παι ἀρίστην* omnium sectarum Logicarum, quarum aliz sunt veteres, aliz recentiores. Veteres Scholæ Logicorum insigniores recensentur quatuor, divina, mathematica, physica, politica. *Ram. lib. 1. Schol. Dial.* Divina fuit Hebræorum. *Polyd. Verg. de invent. rer. lib. 1. c. 16. Scalichius lib. 1. miscell. Ram. lib. 1. Schol. dial. cap. 1.* Schola secunda Logica, fuit mathematica, & inprimis Pythagoreorum. *Arist. 13. Metaph.* Tertia Physica, Ionica illa, quæ in varios magistros ad Socratem usque est divisâ. Quarta Dialecticæ schola à Socrate & Socraticis *πολιτικώτερον* fuit, quæ postea peperit Peripateticam & Academicam. In Peripateticâ scholâ excelluit Aristoteles; quem qui legere cupit (cupere autem debent omnes philosophiæ studiosi) is distinguere debet didactica ab elencticis seu polemicis, præcepta à commentariis. In Academicâ scholâ Logicâ princeps extitit Cicero. Illius enim unius scripta hodie adhuc extant. Hæ sunt veteres illæ Logicorum scriptorum scholæ atq; sectæ. Recentiores sunt numero duæ, Peripatetica seu Aristotelica, & Academica seu Ramea. Quapropter bibliotheca Logica sic adornetur, ut contineat varios classium modò dictarum scriptores, qui tum demum legendi, ubi breve Systema fuerit impressum, ad quod respiciamus tanquam filum Ariadnes. Itaque

Sit lectio triplex in studio Logico: puerilis, crescens, & adulta.

Libertas
Socratica
quæ sit?

Variæ Scho-
læ Logicæ.

Lectio tri-
plex in stu-
dio Logices.

Puerilis illa uni velut adhærescat & innutriatur systemati methodico, tanquam Polycleti regulæ. Crescens, uni illi adjungat alia methodica scripta. Adulta liberè se exerat, & adjungat omnes dictarum classium scriptores; sic tamen ut ne consenescamus in agro Logico excolendo.

Triplex impressio in studio Logico.

III. Tribus impressionibus Systema Logicum ediscatur.

Primâ impressione discatur methodus præceptorum utriusq; partis, tum generalis, tum specialis. Secundâ impressione canones adjungantur. Tertiâ commentarii percurrantur. Hoc sic velim accipias. Quodlibet caput in Logicis habet ista tria, methodum præceptorum, canones & commentarios. Itaq; vel de capite ad caput sic progredilicet, ut vel in quolibet hæc tria distinctè memoriæ commendes, vel primò methodum totius systematis, dehinc canones, & ultimo loco commentaria percurras. Et verò quoniam ingenium hominis fermè est volaticum, opus erit Calendario Logico, quod nihil est aliud quàm typus studiorum, tum methodicus, tum horarius. Methodicus partitur auctorem, quem legendum suscipimus, in certa *τμήματα*: horarius ordinem temporis adjungit.

Utilitas canonum in Logicis.

IV. Vitentur systemata illa, quæ nudas & pauculas habent definitiones & distributiones, itemq; exempla duntaxat oratoria & poetica.

Nam definitiones & divisiones illæ sunt arcule cassæ rerum, nî accedant Maximæ. Neq; valet suffugium, præceptoris est, regulas addere. Hic enim quæritur, an canones atque sint necessarii in Logicis, atq; theoremata in Metaphysicis, ut regulæ in Grammaticis. Miserrimus sanè est coquus, qui juris satis, carniû nihil vel parum apponit. Sicut ergo in scientiis traduntur theoremata: ita in artibus & prudentiis canones sunt. Si enim sciam, quòd causa sit, cujus vi res est: quomodo exin potero demonstrare animam esse immortalem? Quid illa definitio ad Andromachen? An jam didicit Epicurus, animam esse immortalè? Exempla quod attinet, illa petenda sunt ex limpidis artium fontibus, non è turbidis poetarum & oratorum lacunis haurienda. *Temp. libr. 1. Logic. c. 3. quæst. 12.* Cum enim Logica instrumenta ad veri & falsi discretio-

discretionem ultimò referatur, ideoq; verborum proprietatem & perspicuitatem efflagitent; exempla autem oratorum & poetarum præcipuè animorù delectationem & cōmotionem sibi proponant, adeoq; varijs calamistris orationis artificium Logicū regant; non video quā ratione ad illustranda præcepta Logica facere possint exempla illorum authorum, qui ad leges Logicas de ratione benè disferendi traditæ se adstringi non patiuntur. In parte tamen speciali Logices hæc talia exempla locum habere possunt, ubi modus utendi instrumentis Logicis præscribitur.

V. Vitentur Systemata illa, quæ partem specialem Necessitas
partis spe-
cialis in Lo-
gica. prætermittunt.

Vir magnus dicit: *Dimidius & semidoctus Logicus miserimum est & pestilens animal.* Est enim ita, ut Vives ait, homines liberalibus disciplinis seminectos valde esse noxios. Hujusmodi semidoctos Logicos arbitramur esse omnes illos, qui ad notiones Logicas, veluti Sirenum scopulos adhærescunt, posthabitis præceptis de usu Logices. Nimirum notiones istæ Logicæ crepundia tantum quædam sunt, & velut citharædorum teretismata, quæ mentem titillant. Quare cum notiones Logicæ sint instrumenta, nos iuvantia ad veri cognitionem, necessum est ut ad hunc finem dirigantur. Dirigi autem non possunt ad illum finem, sine peculiari instructione. Idcirco in arte Logicâ tradendâ non sufficiunt præcepta, de naturâ instrumentorum Logicorum; sed requiritur insuper institutio peculiaris, quomodo instrumenta illa ad rerum cognitionem possint dextrè atque expedite applicari. Hic occurritur nobis à quibusdam, hoc fieri in ipso Systemate, ubi præceptis exempla adduntur, atque ita Logicorum instrumentorum usus in exemplis monstratur. Respond. Exempla nihil aliud sunt quam vades & interpretes præceptorum, non autem usum illorum indicant. Explicationi præceptorum serviunt, applicationem minimè ostendunt. Sunt tamen qui dicant, exempla rationē utendi præceptis confusè & implicite, non autem distinctè & explicite lectoribus insinuare. Et hi volunt, specialem Logicæ partem explicatè tradere rationē utendi instrumentis. Sed nos priorem sententiam potiorē ducimus. Dum

enim, verbi gratiâ, in Logicâ generali ponis hoc præceptum; definitionis partes sunt, terminus convenientia & differentia, seu genus & differentia; & addis hoc exemplum, Peccatum est actio avaros, contra legem: non statim scis quomodo sit utendum definitione si velis explicare, demonstrare, vel amplificare. Manet ergo quod modò diximus, exempla servire explicationi præceptorum, applicationem minimè monstrare.

Satis de præcognitis Logicis, in quibus naturam & studium hujus artis explicatè tradidimus: nunc ipsorum instrumentorum explicationem aggrediemur, primò dicturi de termino.

Cap. 2. Thematibus communes affectiones.

Vocabulum
termini explicatum.

Terminus est instrumentum noëticum materiam ad bene disferendi propositam regens.

Aptissimum est vocabulum hoc *terminus* ad naturam sequentium instrumentorum, quæ sub se habet, tanquam genus suas species, declarandam. Propriè significat limitem, qui agrum ab agro dividit, & per translationem pro quovis fine accipitur. Cum igitur instrumenta Logica alia sint materialia magis, alia formalia, quorum illa sic dicuntur, quia materiam disertationis gubernant; ista, quod formam ejus dirigant; rectissimè materialia illa instrumenta vocantur termini; quia terminant disertationem, hoc est, certos fines circumscribunt, extra quos inter disferendum non liceat vagari. Tales termini sunt thema & argumentum. Nihil enim aliud præter hæc duo in quâvis disertatione juxta Logica præcepta institutâ occurrit.

Terminus est thema, vel argumentum.

Sufficiencia hujus divisionis paterè modò dictis. Hic obiter notandum, nos minimè repudiare sententiam illorum, qui trichotomiam Logices generalis proponunt, ita ut prima pars illis dirigat primam mentis operationem in apprehensione terminorum simplicium; secunda, compositionem & divisionem

Trichotomia Logices an possit consistere?

divisionem in propositione; tertia, discursum in syllogismo & methodo. Optimè convenit huic divisioni cum nostrâ partitione Logicæ generalis, si hoc unum notetur, authores hujus divisionis terminum simplicem latius accipere, ita ut definitio quoque & distributio illis sint termini simplices, quatenus scilicet non sunt ita compositi termini, ut axiomata. Nos autem strictius accipimus vocem termini hoc loco, & existimamus axioma seu propositionem non satis philosophicè appellari terminum complexum. Propriè enim terminus complexus est oratio nondum axiomatica, ut ferum ignitum, item ars benè disferendi &c. Hoc ideo monemus, ut sciat Logicæ studiosus, definitionem & divisionem ab aliis vocari terminos simplices priori modo, & ita nos non negare id posse fieri: nobis verò terminum simplicem & complexum infra in doctrinâ argumenti strictissimè accipi, quatenus simplex absolute significat rem unam, & complexum res duas non axiomaticè cohærentes. Breviter: definitio dicitur terminus simplex, comparatè, quatenus illa non est ita composita, ut axioma. Hic etiam illud observetur, nos per synecdochen subinde dicere Logicam generalem, Logicam specialem, Logicam thematicam, & sic deinceps, ubi dicendum erat, pars generalis, pars specialis, pars thematica &c. Item interdum pluraliter audias dici Logica generalia, Logica specialia, Logica thematica &c.

Thema est terminus, seu instrumentum noëticum, quod materiam, de quâ disferendum est, dirigit.

Hic tria sunt ostendenda. 1. An doctrina de themate ad Logicam pertineat? 2. An thema sit instrumentum Logicum? 3. Quotuplex sit materia dissertationis? Ad primum dico, Logicam istam abnormi laborare imperfectione, quæ thematis naturam non explicat. Id enim debet esse in arte quod est in usu. Jam verò in usu benè disferendi themata verbalia à realibus, simplicia à conjunctis &c. sunt distinguenda, ut hâc ratione scire possimus, quomodo themata sint tractanda, an per explicationem, an verò per probationem. Unde apparet, fundamentum esse totius Logicæ rectè distinguere inter themata, de quibus secundum artis Logi-

Terminus
simplex
quis sit?

Doctrina de
themate est
necessaria
in Logicis,

ca normam cogitationes instituere volumus. Hic obijcere aliquis possit ex Domini Timpleri Logicis, quod thema non sit instrumentum Logicum, sed duntaxat res intelligibilis, de qua disertatio cognitionis gratia instituitur, prout ille definit thema *lib. 1. Logic. cap. 2.* Huic objectioni sic occurrendum esse censeo. Thema est vox Græca, significans omne id, quod ponitur, seu proponitur, unde & Latinis propositio dicitur. Ab hac generali significatione per Synecdochen usitatissimam transfertur ad specialem, ut sumatur pro omni eo, quod ad disserendum proponitur. Et hoc modo rursus est vox vel primæ, vel secundæ notionis. Primæ, quatenus determinata materia ad disserendum proponitur, puta thema physicum, theologicum, medicum. Secundæ, quatenus thema in genere consideratur, non restrictum ad hanc vel illam materiam. Et hoc modo est instrumentum Logicum, quod sic probatur. Thema & argumentum esse relata, principium est Logicum. Patet id è definitione thematis vulgatâ, quâ thema definitur instrumentum inveniendi, quod ab argumento arguitur. *Beurhusius in præf. acad. Logic. part. 3.* quam definitionem probant omnes Logici, neque à nostrâ modò allatâ discrepat, si probè trutines utramque. Si ergo thema & argumentum sunt relata, & quidem secundum esse, consequitur, esse notiones secundas. Neque enim video, quomodo possit perfecta relatio intercedere inter notionem primam & secundam. Atque ita soluta est quæstio secunda. Superest tertium quæsitum, quoruplex sit materia disertationis? Duplex illa est uno verbo. Aut enim est *materia de quâ disserendum est*, seu *qua* ad disserendum proponitur, seu *circa quam* versatur disserens: aut est *materia ex quâ disseritur*, seu quâ explicatur & demonstratur materia circa quam. Illa est thema, quod aliàs dicitur propositio, *sâcis, status*, propositum, objectum tractabile: hæc est argumentum. Illam per melicet dicas *principium* disertationis **Q U O D**; hanc, *principium* **Q U O**.

Materia dis-
sertationis
duplex est.

Thematis occurrunt communes affectiones,
& species.

Commu-

Communes affectiones thematis sunt unitæ, vel disjunctæ.

Sicut in primâ philosophiâ entis affectiones in duas classes dispeſcuntur, quarum prima continet affectiones unitas, quales sunt, unitas, veritas, bonitas, numerus, perfectio, pulchritudo & ordo, ut in Metaphysicis nostris videre est; altera complectitur affectiones disjunctas, quales sunt actus & potentia, prioritas & posterioritas &c. ita & thematis Logici affectiones dividi possunt.

Affectiones thematis unitæ sunt, quæ convenire debent omni themati sine disjunctione.

Suntque bonitas, & reductio.

Nota, bonitatem hoc loco includere thematis veritatem quâ verè sit aliquid cognoscibile: item unitatem, quâ sit aliquid comprehensibile unitate ordinis, seu argumētis homogeneis.

Bonitas est, quâ thema proponendum est utile. *Hinc canon:*

*In omni disertatione hæc esto prima cura, ut dispi-
ciatur, num thema proponendum, vel propositum, sit u-
tile, nec ne.*

Utile autem est illud, quod non est manifestè falsum & absurdum, neque manifestè puerile. Manifestè falsum censetur thema, quod pietati & bonis moribus adversatur; qualia sunt illa de arte amandi apud Ovidium, & multa politica apud Machiavellum. Manifestè puerile censetur thema, quod è circulis est petitur, ideoque agyris relinquendum est: ut si quis disserere instituat de numero arenæ maris, de mensurâ Angelorum, de ponderando aëre, & similibus. Pertinet huc elegans dictum: *De impossibilibus nemo sapiens disserit.* Sunt autem impossibilia triplicia: lege, naturâ, & consuetudine. Impossibilia lege dicuntur, quæ lex vetat; ut furari. Si quis ergo profiteatur artem furandi, ut multi loquuntur, violabit propositum canonem. Impossibilia naturâ dicuntur, quæ fieri per naturam non possunt; ut spatium unius diei continere milliaria Germanica triginta. Si quis ergo hoc thema

Thema utile quodnâ sit?

impossibile aliquid dicitur tribus modis.

sibi tractandum sumat, sibilis imò scuticis dignus erit. Impossibile consuetudine dicunt, quod repugnat consuetudini alicujus loci; ut multæ consuetudines in hac Republicâ pugnant cum consuetudinibus illius Reipubl. Si quis ergò pugnantem consuetudinem in Republ. velit laudare, vel suadere, tractabit thema inutile. Hic duo quæruntur, 1. an themata favorabilia duntaxat: 2. practicabilia duntaxat proponenda? Respon. ad 1. negando. Veritas enim semper spectanda, non aura popularis captanda. Ad 2. distinguendo. Practicabile est vel suâ naturâ tale, vel nobis. Si posteriori modo intelligatur quæstio, neganda est. Multa enim in Ethicis præcipiuntur de virtutis naturâ, item de officio principis (nam ibi spectamus ideam) quæ quidem ex se sunt practica, licet nobis non semper.

Reductio est, quâ thema ad certam sedem reducitur; eamq; tum disciplinæ, tum prædicamenti certi.

Vulgò dicimus in Scholis: *De quâlibet re judicandum est à propria sede*. Satis rectè. Sicut enim locus cognitus multum facit ad cognitionem locati: sic & natura cujusque thematis è proprio loco quàm felicissimè eruitur. Sedes autem illa est duplex, disciplina nimirum & series prædicamentalis. Hinc canon:

Quando jam constat de bonitate thematis, cogitabitur de reductione.

Reductio
thematis ad
sedem pro-
priam quo
modo insti-
tuenda?

Reductio thematis ad certam disciplinam est facilis, si attendas ad decantatam disciplinarum divisionem, quod aliæ sint liberales, illiberales aliæ. Sic enim tibi nihil occurreret in totâ rerum universitate, quod non possis reducere ad universitatem disciplinarum, juxta illud: *Orbis disciplinarum* (Græcis *ἐγκυκλοπαιδεία*, & *κυκλοπαιδεία*) *representat circulum seu orbem mundi*. Si v. g. de homine disserendum sit, primò dispiciendum fuerit, num theologicè, physicè, medicè &c. homo consideretur. Reductio ad seriem prædicamentalem præsupponit cognitionem Metaphysices, ubi ostenditur, quomodo res sint in prædicamentis, num directè vel indirectè, num univocè vel analogicè, per se vel per

vel per accidens. Libro tertio Logicorum hoc obiter attingemus.

Affectiones thematis disjunctæ sunt, quæ conveniunt illi per divisionem: ut, quòd omne thema sit 1. verum vel fictum. 2. protonoëmaticum vel deuteronoëmaticum. 3. principale vel minùs principale.

Thema verum est rei existentis: fictum contra:

Ut, vita æterna est thema verum, purgatorium est fictum. Hic obiter observa, thema fictum esse vel otiosum, ut est limbus patrum; vel fructuosum, ut sunt multa figmenta poetica, quæ ethicè, politicè & physicè explicata singularem habent usum; uti videre est in *Mythologiâ Natalis Comitissæ & Davidis Schrami Physicâ & Ethicâ*.

Thema protonoëmaticum est, quod exprimit notionem primam, ut *homo, cælum*: deuteronoëmaticum est, quod exprimit notionem secundam:

Ut, nominativus, metaphora, syllogismus, zodiacus. Notiones secundæ aliis dicuntur *secunda cogitationes, secundò cogitata*, Platoni λόγος τεχνικός, Aristoteli λόγος καὶ ἐπισήμῳ, Tertulliano *verba legitima*; in Glossario veteri dicuntur *axamenta*. Quid sit notio prima, quid secunda, in Metaphysicis docetur. Non itaque pertinet ad Logica præcepta hæc tractatio, sed ad commentaria, in quibus breviter hæc doctrina è primâ philosophiâ repetenda est. Notio in philosophiâ est conceptus mentis. Hic conceptus est tri-

Conceptus
rei potest
esse triplex.

plex, formalis, objectivus, & objectivus consequenter. Conceptus formalis, qui rem formaliter cognitam menti repræsentat. Vocatur formalis, quia repræsentat rem secundum realia attributa. Conceptus objectivus, est ipsum cognitum objectum, circa quod conceptus formalis versatur. Conceptus objectivus consequenter est, qui sequitur conceptum objectivum, tanquam umbra corpus. e. g. video hominem, quem mens mea concipit formaliter, dum actualiter convertitur in hominem, vel hominem convertit in se. Nam cognitio est assimilatio cognoscentis & cogniti. Perinde igitur est, sive dicas intellectionem, quâ intellectus canem co-

gnoscit, esse conversionem intellectus in canem, vel canis in intellectum: quod posterius videtur esse accuratius, eò quòd anima nostra habeat in se vim quandam identificam, quâ possit sibi suum objectum assimilare, vel si ita velis identificare. Hæc igitur actualis cognitio dicitur conceptus formalis. Cessante hâc cognitione, quâ mens mea cognovit hominem, statim subsequitur homo cognitus in mente meâ. Sed dum hominem ita conceptum à me recogito, & de illo enuncio terminos technologicos, ut casus varios, item genera & species, dicor concipere hominem objectivè consequenter. His ita disputatis, facillimum erit cognoscere, quid sit notio prima, quid secunda. Notio prima est conceptus rei, quâ res est, ideoque immediatè fundatur in re: sed notio secunda est conceptus *res* conceptus, ideoque mediante notione primâ fundatur in re: ut homo est notio prima, quatenus concipitur. Huic enim conceptui, sive formalis sit, sive objectivus, respondet aliquid in rerum naturâ. Sed si dicam genus, vel nominativus, non dederis mihi rem in mundo, hoc tali conceptu repræsentatam. Hujusmodi notiones secundæ occurrunt in Grammaticis, Rhetoricis, Logicis & Astronomiæ parte sphericâ hypotheses de circulis, & in theoricâ planetarum. Hinc colligere est scientias & prudentias philosophicas de notionibus primis, artes verò de secundis tradere.

Thema principale est, quod primariò tractandum fuscipitur: minùs principale, quod obiter seu incidenter tractatur.

Maximè curandum est, ut in omni tractatione thema principale distinguamus à minùs principalibus; id quod fit juxta hunc canonem:

Thema principale invenitur, si constet de principali authoris scopo.

Etenim finis principalis est, ad quem omnia referuntur. Si igitur nobis constet, quòd retulerit author omnia illa, quæ protulit, non poterit nos fugere thema principale.

Cap. 3. Vocis affectiones.

Fuerunt communes thematis affectiones; species sequuntur, secundum quas thema est solitarium, vel aggregatum seu socium.

Thema solitarium est, quod unius est naturæ.

Estque vel verbale, vel reale.

Thema verbale est vox ex instituto rem aliquam significans ad tractandum proposita.

Ad hoc præceptum duo quærentur. 1. An omnis vox significet ex instituto? 2. An tractatio vocum sit Logica? Respon. ad. 1. Vox est inarticulata, vel articulata. Inarticulata est signum planè *φυσικόν*, ut boatus, grunntus: est inquam signum per naturam signans affectum animalis, quatenus est animal; excepto risu, qui signat affectum hominis, non quatenus est animal, sed quatenus est tale animal, hoc est rationale. Atque hæc vox inarticulata non potest scribi. Vox articulata est signum planè *θελητόν*, seu ex instituto, si formale ipsius attendas, quod est significatio. Materiale enim si spectes, videl. sonum, & literarum combinationem; ratione illius dicenda erit naturalis, sed ratione istius ex instituto. Rectè itaque vox articulata dicitur significare ex instituto: quia à potiori debet fieri denominatio. Jam verò forma est potior materiâ. Taceo quòd altera pars materiæ etiam sit ex instituto. Hinc rectè dicimus, omnem vocem esse impositionem, vel primæ, vel secundæ; itemque vocum impositionem esse vel *ἀπὸ φύσεως*, vel *ἀπὸ τέχνης*. Neque est quòd objicias vel vocabula *παρασημένα*, ut vocant, qualia sunt halare, hinni, &c. vel interjectiones. Nec enim statim naturale est, quod rei naturam nobis declarat; sed illud naturale est, quod per naturam designat ipsam naturam. Non hîc moror ea, quæ solent afferri de linguâ Hebræâ, quòd illa sit naturalis; item de linguâ Phrygum apud Herodotum, vel de linguâ brutorum apud Plutarchum. Hæc enim partim fabulosa, partim *ἀποστροφικά* sunt. Resp. ad 2. Vox refertur vel ad solam loquentis mentem, vel insuper ad conversationem.

An voces
significant
ex institu-
to?

An confide-
ratio vocis
sit Logica?

Quatenus ad mentem refertur, est illius index & character. Ita consideratur in Physiognomicis. Quatenus refertur ad conversationem, ferit vel mentem, vel cor illorum, quibus cum conversamur. Hinc Philosophus 1. polit. cap. 2. probat, hominem naturâ esse animal *πολιτικόν*, quia naturâ habet usum sermonis, qui sit *κῆρυξ ὁργανον*. Jam si feriat vox articulata mentem, consideratur vel ut technologema ad purè loquendum necessarium, vel ut technologema ad bene disferendum faciens. Si feriat cor, consideratur ut technologema ad ornatè dicendum necessarium. Primo modo vox subjicitur operæ Grammatices; secundo modo pertinet ad Logicam, non primariò, sed secundariò; tertio modo Rhetorica sibi adscribit vocis tractationem.

Vocis considerantur affectiones, & divisiones.

Affectiones vocis sunt perspicuitas, & adæquatio.

Illa est necessaria, hæc honoraria.

Perspicuitas est, per quam vox apta est ad significandum animo quod debet: & aliàs dicitur rotunditas sermonis.

Perspicuitas est prima virtus vocis, quæ est aptitudo illius ad celeriter & *ἐν ἀσπείλῳ χρόνῳ*, ut loquitur Philosophus, representandum rem, cui imposita est. Itaque vox obscura æquivocè dicitur vox. Objicis, hanc non esse proprietatem vocis, eò quòd vox ambigua non possit esse perspicua. Resp. Vox ambigua est distinguenda, & hæc ratione ipsa est perspicua. Cæterùm perspicuitas est duplex, *αἰσθητικὴ* & *νοητικὴ*. Illa est sensualis, & spectatur ab oratore & poetâ in tropis, nominatim in metaphoris illustribus. Ista est intellectus, & à Logico spectatur, qui etiam admittit voces didacticas, docendi discendiq; causâ excogitatas, quales sunt *entitas, quidditas, ratio formalis, ratio objectiva, esse formale & reale, esse cognitum seu objectivum seu intentionale*.

Perspicuitas
vocis est
duplex.

Adæquatio est, per quam vox est adæquata rei significandæ: aliàs commensuratio vocis dicitur.

Hæc est altera virtus vocis, sed honoraria duntaxat. Non enim omnes voces possunt esse adæquata rebus suis. Ratio hujus

hujus est, quia plures sunt res quàm voces propriæ. Hinc est, quòd multæ voces sunt latiores, vel angustiores rebus significatis.

Cap. 4. Vocis divisiones è causis.

Sequuntur vocis divisiones; secundùm quas vox alia est simplex, alia conjuncta.

Vox simplex est signum rei extra dispositionem.

Dispositio in Logicis est plena, vel semiplena. Plena est Dispositio axiomatica, syllogistica, methodica. Semiplena est, quæ fit in Logicis sine vinculo seu copulâ; ut liberum arbitrium, homo doctus; cujusmodi voces dicuntur simplices, non quòd uno simplici conceptu rem aliquam repræsentent, sed quòd non sint ita complexæ, ut est vox conjuncta, quæ integram sententiam absolvit. Sic etiam voces collectivæ & concretæ dicuntur simplices, non simpliciter, sed secundùm quid, nimirum comparatè. Erit tamen accuratius, si procedas hoc modo: vox est simplex, vel conjuncta: & hæc est vel complexa, ut virtus heroica, vel est phrasis plenè disposita.

Vox simplex consideratur vel sola, vel collata cum aliis vocibus.

Vox sola considerata dividitur è causis, effectis, subjectis, & adjunctis suis.

E causis dividitur vox quadrifariam, videl. è fine, efficiente, materiâ, & formâ.

E fine vox est vel extrema, vel media.

Vox extrema est, quæ vel in bonam tantùm, vel in malam tantùm partem accipitur: ut *pietas semper in bono accipitur, impietas in malo.*

Hujusmodi voces vocantur extremæ, termino Ethico non nihil immutato; quia significant extrema moralia, h. e. virtutem vel vitium, quæ hîc opponuntur tanquam duo ex-

trema. Alioquin in Ethicis virtus dicitur interjacere inter duo extrema vitia, nimirum excessum & defectum.

Vox media est, quæ nunc in bonam, nunc in malam partem accipitur: *aliàs dicitur* indifferens, & vox medii usus.

Hujusmodi voces sunt facinus, tentare, sacer: quæ tum in laude, tum in vitio ponuntur. Vulgò solent hæc exempla adferre, tyrannus, secta, hæresis, latro, fur. Sed ἡ δὲ πρὸς θεοῦ hæc talia. Non enim hodiè illa vocabula sunt μέσση, neque primitus fuerunt. Sicut enim olim nonnisi in bonam partem accipiebantur: ita nunc temporis nonnisi in malam. De voce *magus* hîc quæritur, num sit media: & dicendum videtur quòd sit. Ratio: quia hodiè ab eruditis nunc in virtute, nunc in vitio ponitur, licet sæpius à vulgo in malam partem usurpetur.

E causâ efficiente vox est divina, vel humana.

Suprà diximus, vocem omnem esse ἢ θεοῦ, sive οὐρανίου, ἢ ἀνθρώπου. Impositio illa habet authorem vel Deum, vel hominem; unde vox rectè dividitur in divinam & humanam.

Vox divina est, quam Deus instituit: ut *Jehovah, Ehejeh, &c.*

Quænam
voces sint
divinæ?

Hîc notetur error quorundam, qui putant omnes voces divinas esse, quæ in sacris literis utriusque Testamenti occurrunt. Sanè voces veteris Testamenti omnes possunt appellari divinæ. Sunt enim tales, vel ἀμέσση, *immediatè*, quas Deus, referans sacrosanctum suum os, imposuit: vel ἐμμέσση, *mediatè*, quas prophætæ & sancti viri in veteri populo usurparunt. Vel si ita placet, voces illæ possunt appellari divinæ, quia Adamus protoplastus, primus ille ὀνομαστής, illas à Deo accepit. Voces biblicæ novi instrumenti, vel à Deo sunt traditæ mediatè scil. vel ab Apostolis duntaxat sanctificatæ eo ipso, quòd in canonem sunt relatæ. Illæ omninò divinæ sunt, quia sunt ex instituto divino: hæ nonnisi secundùm quid divinæ dici possunt. Etenim illæ ignotæ fuerunt reliquis nationibus, vel quoad materiale & formale, ut vox ἰησοῦς; vel quoad formale tantùm, ut παλιγγενεσία, δικαιοσύνη: hæ verò notissimæ, ut βίβλος, ἔργον.

Vox

Vox humana est, quæ ex hominum instituto manavit:

Ut *εἰς γενὴν ἑαυτῶν, fatum*, vox Stoicorum est. Ita singulæ disciplinæ suos sibi habent terminos. Hic oritur quæstio, an linguæ in confusione Babylonicâ ortæ, sint dicendæ divinæ, vel humanæ? Hanc in medio tanquam difficilem relinquo.

E materiâ vox primò est abstracta, vel concreta.

Vox abstracta est, quæ solam formam significat.

Estque abstracta, vel ab inferioribus, vel à connotatione subjecti: ut loquuntur Thomistæ ex Thom. de essentiâ cap. 5.

Abstracta ab inferioribus est, quæ notat formam substantialem genericam vel specificam:

Ut animalitas, humanitas. Hæc enim vocabula respiciunt inferiora sua, uti genus speciem, & species individuum respicere dicitur.

Abstracta à connotatione subjecti est, quæ notat formam accidentalem: ut *albedo, fides*; vel substantialem individuificam seu numericam, ut *Platonitas, Aristoteleitas*.

Utraque enim hæc forma abstrahitur à suo subjecto, tanquam superior ab inferioribus suis.

Vox concreta est, quæ notat formam unà cum formato.

Vulgò vox abstracta definitur, quæ rem denominantem significat; & concreta, quæ rem denominatam. Non malè. Nam forma est res denominans, ut justitia; sed formatum est denominatum, ut justus. Hinc dicimus, justitia est, à quâ aliquis denominatur justus. Unde patet, vocem concretam habere duplicem significationem; quarum una est primaria & formalis, altera secundaria & materialis: v. g. philosophus materialiter significat eum, in quo est philosophia; formaliter ipsam philosophiam.

Estque duplex, connotans relationem vel ad sua inferiora, ut *animal, homo*; vel ad subjecta, ut *albus, fidelis*.

Ad posteriorem hanc classem referuntur omnia concreta relativa, ut ulna, limes, locus, baptismus, pater, filius: quæ licet multis videantur abstracta, tamen concreta sunt. Non enim omnia substantiva abstracta sunt.

Deinde è materiâ vox est incomplexa, vel complexa.

Vox incomplexa est, quæ sola separatim sumta rem significat:

Ut cælum, terra, pius, virtus. Aliàs simplex dicitur.

Vox complexa est, quæ pluribus vocib. constat. Estq; vel minùs, vel magis complexa.

Vox minùs complexa est, quæ rem unam denotat:

Ut Filius Dei, Cæna Domini, Apostolus ille gentium, liberum arbitrium.

Vox magis complexa est, quæ res plures significat; ut homo pius, eruditio omnigena.

Tertiò è materiâ vox est significationis sejunctæ, vel collectæ.

Vox significationis sejunctæ est, quæ rem sine collectione significat: ut homo, pomum.

Vox significationis collectæ est, quæ significat multa per aggregationem: aliàs vox collectiva dicitur: ut grex, silva, ecclesia, philosophia, civitas, Respublica.

E formâ vox est vel unius significationis, vel plurium. Illa Græcis *μονόσημη*, hæc *πολύσημη* dicitur.

Vox unius significationis est, quæ tantum est propria: ut palam.

Vox plurium significationum est, quæ nunc propria est, nunc tropica:

Ut oculus significat propriè membrum animalis, tropicè tribuitur sùrculis arborum: Ecclesia Catholica propriè significat civitatem illam Dei ex Angelis bonis (ut Calvinus, Polanus, & alii volunt) & electis hominib. constantem, synecdochicè

cedochicè usurpatur pro universitate electorum hominum, qui fuerunt, sunt, & erunt. Vide *Polan. Syntag. Log. p. 8.*

Cap. 5. Vocis divisiones ex effectis.

VOx ex effectis, seu re significatâ, est categorematica, syncategorematica, vel mixta.

Vox categorematica est, quæ per se rem aliquam integrè significat:

Ut sunt inprimis nomina, & verba, è quibus oratio principaliter constituitur, ut ignis, urit; animal, movetur; homo, scribit. Atque has voces Logici maximo curant opere. *Molinæus l. 1. Logic. c. 1.*

Vox syncategorematica est, quæ aliis vocibus juncta vim consignificandi habet:

Unde & consignificans Latinis dicitur. Hujus classis sunt pronomina pleraque, adverbia, præpositiones, conjunctiones. Hæ enim voces ex se nihil significant, sed simillimæ sunt ziphris, quas Logistæ vocant nullas; quæ quidem solæ nihil significant, interim numeris additæ magnam vim habent. Sunt & syncategorematicæ voces *omnis, cunctus, universus, nullus*. Participia, ipso hoc nomine teste, affirmativam habent cum nomine & verbo, ideoque categorematicis vocibus accensentur. De interjectionibus non sine causâ aliquis dubitaverit, utri ordini sint adscribenda. Ego bonâ pace magni nominis Logicorum categorematicis accensuero. Nam non minùs significant, quam nomina. Et hoc volui innuere, quando paulò antè dixi nomina & verba INPRIMIS esse voces categorematicas.

Quænam
voces sint
syncatego-
rematicæ?

Vox mixta est, quæ & significat, & consignificat.

Hæc vox dicitur significare, quatenus ponitur pro categorematicâ: at consignificare dicitur, cum categorematicæ adhæret: ut in illo

— *Nemo sine crimine vivit.*

vox nemo est categorematica, idem valens quod nullus ho-

mo: sed in illo *nemo homo adfuit*, est syncategorematica. Sic in illo

Nullus ubiq; potest felici ludere dextrâ, vox *nullus* est categorematica, quia sola est posita pro nullo homo: sed in illo *nullus malus magnus piscis* est syncategorematica. Vox *nihil* in illo

— *Nihil est ab omni
Parte beatum*

est categorematica; quia ponitur pro nulla res: sed quando dico *nihil boni presagit mihi animus* non significat, sed confignificat.

Cap. 6. Vocis divisiones è subjectis.

VOx è subjectis primò est cardinalis, vel dependens.

Hæc est divisio è subjecto loco.

Vox cardinalis est Hebræa, Græca, Latina, vel Germanica.

Has quatuor censeo cardinales posse dici optimo jure, eò quòd quatuor mundi cardines, singulæ singulos occuparint, si non ita rigidè quis examinet. Si tamen malis has linguas appellare cardinales *κατὰ μέτρα ποσὸν*, non repugnabo.

Vox dependens est, quæ à cardinali orta est:

Ut, à linguâ sanctâ, videlicet Hebræâ, ortæ sunt omnes orientales; à Germanicâ septentrionales; à Latinâ occidentales; à Græcâ meridionales, à quâ tamen Lithvanica & Moscovica linguæ etiam descendunt. Hic non attinet disputare, quot in universum sint linguæ? Nos accedimus iis, qui septuaginta duas numerant, exceptis dialectis. Sanè possent esse infinitæ linguæ, si quis varias literarum combinationes urgeret; sed ut in omnibus natura abominatur infinitum; ita etiam in linguis. Hic & illud ob-

illud observa, frigidum esse & dilurum, quod quidam tradunt, plures esse voces, quàm res, si quis spectet omnes nationes. Non enim quæritur à Philologis, an plures sint voces quàm res, si spectentur variaz linguar, sed, si spectetur certa lingua, urputa Latina, Hebraica.

Deinde vox è subjectis est, vel propria, vel communis.

Vox propria est, quæ unicam rem singularem significat: ut *Jehovah, virgo Maria, Hierosolyma.*

Vox communis est, quæ res plures significat.

Estque vel distincta, vel ambigua.

Illa vulgò *univoca*, ista *equivoca* dicitur: quâde repau- Univoca &
eis sic accipe. Scholastici *univoca* dividunt in *univocantia*, equivoca
& *univocata*; illis voces univocas, his res univocas intel- sunt dupli-
ligunt. Similiter *equivoca* dividunt in *equivocantia*, & cia.
equivocata; illis voces equivocas, his res equivocas in-
telligunt. Hoc ideo te monendum duxi, ut scire possis, vo-
cabula propriè non dici univoca, vel equivoca, sed res vo-
cabulis expressas. Itaque vox univoca erit, quæ res univo-
ca significat, equivoca quæ equivocas. Res autem univo-
cæ sunt, quæ habent nomen & esse commune, ut homo &
bema respectu animalis. Res equivocæ sunt, quæ commu-
nequidem nomen habent, sed non esse: ut homo vivus &
mortuus dicuntur equivoca, Aristoteli *ὁμώνυμα*; sicut uni-
voca eidem dicuntur *συνώνυμα*. Confer *Fonsec. l. i. instit. Dialect. cap. 22.* Sed Grammaticis *συνώνυμα* dicuntur voca-
bula *ἰσοδυναμικά*, equipollentia, ut ensis, gladius: qualia
synonyma qui dari negat, sciolus est.

Vox distincta est, quæ plures res eâdem ratione significat:

Aliàs (ut modò monuimus) *univoca univocans*, & *synonyma* dicitur: ut ignis, aër, aqua, terra, animal.

Vox ambigua est, quæ res naturâ diversas confusè significat:

Aliàs *homonyma*, & *equivoca equivocans*, item *φωνή ἐκ τῶν πολλὰ ῥῶς λεγμένων*. Quod quidam vir doctus disputat, vocem ambiguam non esse vocem; quia nihil certi significet, aut menti repræsentet; ideoque *ἀκρίως & ὡς ἐπὶ πλάττει* dici vocem, frivolum est. Nulla enim vox est, quæ non primùm uni certæ rei sit destinata. Ambiguitas autem postea per accidens accessit vocibus propter multitudinem rerum propriis nominibus carentium.

Estque vel simpliciter, vel secundùm quid ambigua.

Vox ambigua simpliciter est, quæ sine aliquâ ratione significat res diversas:

Aliàs dicitur *purè equivoca*, item *ὁμώνυμος ἀπὸ τῆς ἀκρίβειας*; ut Gallus modò significat hominem oriundum è Franciâ, modò gallum gallinaceum; jds nunc offam, nunc id quod lege jubetur, significat.

Vox ambigua secundùm quid est, quæ certâ aliquâ ratione significat res diversas:

Vulgò dicitur *ὁμώνυμος ἐκ τῆς ἀναλογίας*, vel *ἀπὸ τῆς ὁμοίας*, *equivoca à consilio*. Alberto Magno dicitur *equivoca secundùm rem*,

Estq; vel dependentiæ, vel similitudinis.

Vox ambigua dependentiæ est, quæ tribuitur superiori tanquam independenti, & inferiori tanquam dependenti;

Ut *ens* tribuitur substantiæ tanquam superiori & principaliori, accidenti verò tanquam inferiori & dependenti à substantiâ.

Vox ambigua similitudinis est, quæ diversis rebus tribuitur ob quandam similitudinem.

Qui reb. hæc nomina imposuerunt ambigua, causam hujus rei habuerunt duplicem, vel unius ab altero necessariam dependentiam, vel similitudinem unius cum altero quoad effecta vel accidentia quædam. Hinc patet non insulsam esse divisionem hanc, quâ Logici vocem æquivocam à con-

filio dividunt è dependentiâ & similitudine istâ, quam in rebus observarunt primi illi ὁνομαζομένους.

Estq; vel simplicis similitudinis, vel compositæ.

Vox ambigua simplicis similitudinis, est cùm similitudo consistit inter duo tantùm.

Eaque rursus est vel ex merito rerum, vel conceptus nostri,

Illâ eodem sensu dicitur similitudo ex parte rei, item κατὰ πρῶτον; hæc è parte conceptus, & κατὰ ἕκτον.

Vox ambigua similitudinis ex merito rerum est, quæ significat res obtinentes similitudinem extra mentem nostram.

Quales sunt pleræq; voces metaphoricæ, ut sacramentū significat formulam jurisjurandi militaris, & actionem sacram in Ecclesia; sic homo dicitur sanus, & urina sana, item cibus sanus; animal terrestre dicitur lupus, itemque piscis.

Vox ambigua similitudinis ex merito conceptus nostri est, quæ notat res diversas, obtinentes similitudinem propter conceptum nostrum:

Cujusmodi sunt pleraque attributa divina, ut justitia, sapientia, misericordia &c. quæ voces directè impositæ sunt virtutibus hominum significandis; indirectè autem ad Deum pertinent, quatenus nos tales in Deo virtutes, similitudine earum, quæ in hominibus sunt, virtutū concipimus; ita tamē, ut adhibeamus *judicium correctivū*, quo Dei eminentiam, nostramq; imbecillitatem agnoscentes statuimus, modo longè eminentiori hæc talia esse in Deo, ita ut sint ipse Deus. Sic vox hæc Spiritus, tribuitur Deo, Angelo, animæ hominis &c. Vulgò hujusmodi voces dicuntur ambigua; ὁμοῦ ἐν ἑνὶ εἶνός, idq; rectè; interdum etiam *analogica*, minùs rectè. Nam analogia est in compositâ similitudine, quæ consistit inter quatuor, uti jam dicemus.

Judicium
correctivū
in doctrinâ
de Deo est
pernecessarium.

Vox ambigua compositæ similitudinis est, quæ notat res diversas obtinentes similitudinem consistentem in proportionem, quæ est inter quatuor.

Ut vox *gubernator* hoc sensu est ambigua, quatenus tribuitur rectori navis & magistratui. Est enim hîc analogia seu proportio quatuor terminorum. Sicut enim naucleus se habet ad navim : ita magistratus ad Rempublicam. Ita vox hæc *Deus ἀναλόγως* tribuitur Jehovah & magistratui; vox *caro* analogicè dicitur de animalibus & prunis. Hæc non sunt λεπτά, sed ex intimis Logicæ fundamentis exsculpta. Tradunt enim Logices consulti, similitudinem esse contractā, vel explicatam. Illa etiam simplex similitudo & metaphora; hæc composita similitudo & proportio, seu analogia dicitur. Sic enim Aristoteles analogiā considerat, quod propriè consistat inter quatuor. Scholastici autem fecerunt analogiam duplicem, *attributionis*, qualis est entis ad substantiam & accidens; & *proportionis*, quæ Aristoteli est analogia *κυμαλίκτως*. 4. *Metaph. cap. 2.* & 1. *Ethic. cap. 6.*

Cap. 7. Vocis divisio ex adjunctis.

EX adjunctis vox est finita, vel infinita. Hæc vocis divisio in doctrinā de propositionibus est insignis.

Vox finita est, quæ certi aliquid significat:

Ut homo, cælum, mundus. Hujusmodi voces sunt omnes illæ, quæ non habent præfixum adverbium negandi.

Vox infinita est, quæ certi nihil significat:

Ut, non-homo, non-cælum, non-mundus. Hujusmodi voces sunt omnes illæ, quibus negativa particula per *ὃ φ' ἵ*, seu notam unionis adjungitur. Vocantur infinitæ, quia nihil finiti ponunt, v. g. non-homo, non-cælum, quidvis significant præter hominem & cælum.

Cap. 8. Vox simplex collata cum aliis.

Considerata fuit vox simplex sola: nunc consideranda venit vox simplex collata cum aliis. Estque,

Primò

Primò vel ὁμόσημ⊙, vel ἑτερόσημ⊙.

Vox ὁμόσημ⊙ est, quæ cum aliâ collata planè idem significat: sive ambæ sint unius linguæ, ut λατρεία & δουλεία, ensis & gladius: sive diversarum linguarum, ut ἄρτος, panis; εἶδωλον, simulacrum.

Grammaticis hæc vocabula dicuntur ἰσοδυναμῆς, æquipollentia, ut suprà diximus, item Synonyma. Ubi hic canon notandus:

In tractatione thematis verbalis non solum unius linguæ synonyma sunt coacervanda, sed etiam diversarum, maximè principalium, & vernacula.

Exempli gratiâ, homo Latinis aliâ voce dicitur mortalis; Græcis ἀνθρώπος & μέροψ; Hebræis Adam & Enosch; Germanis mensch.

Vox ἑτερόσημ⊙ est, quæ aliud significat, quàm ea, cum quâ confertur:

Ut homo & platanus; serperastra & circinus, circinus & circulus; vena, arteria & nervus.

Deinde est vel verè, vel apparenter conjugata.

Verè conjugata vox est, quæ ejusdem cum alterâ est originis & significationis diversæ; ut Deus & deitas; divinus, divinitas.

Apparenter conjugata est, quæ ejusdem quidem cum alterâ est originis, at significationis planè adversæ: ut informare & informis.

Hic distinguimus inter significationem diversam & adversam, secuti Logicorum illam maximam: *diversa non sunt adversa*. Diversam illam significationem poteris etiam appellare subordinatam, & dependentem. Sic sapiens & sapientia sunt significationis subordinatæ seu dependentis.

Cap. 9. Vox conjuncta.

IN theoriâ vocis restat vox conjuncta, quæ est signum rei plenè dispositum.

Non solum thema reale sic dividendum est, ut vulgò fit, quòd aliud sit simplex, aliud conjunctum: sed etiam thema verbale. Nam non solum in themate verbali considero simplicem vocem, qualis est Deus, orbis; item Deus justus, orbis perfectus: sed etiam observo totam phrasin, quatenus de illâ formari potest quæstio, ad quâ possit responderi per ita vel non; ut, an illa verba *Gen. 1. In principio creavit Deus caelum & terram*: sint accipienda de principio temporis, an verò de Filio Dei? Cæterum vox conjuncta easdem ferme admittit divisiones, quas vidimus in voce simplici. Superfedemus ergò actum agere. Hunc solummodo canonem adnotamus:

Quòd omnis vox simplex induere possit naturam conjunctæ:

Ut si dicam Philosophia, & statim quæram, an hoc nomen exprimat naturam rei cui impositum est à Pythagora, jam est thema verbale conjunctum. Sic enim accipias oportet vocem conjunctam, quòd nempe idem sit quod thema verbale conjunctum.

Cap. 10. Thematis realis communes affectiones.

HActenus fuit thema solitarium verbale; sequitur thema solitarium reale, quod est res voce aliquâ significata ad tractandum proposita.

Ejus occurrunt communes affectiones, & divisiones.

Communes thematis realis affectiones sunt, quòd sit 1. Positivum, vel negativum. 2. Absolutum,

olutum, vel respectivum. 3. Universale, vel singulare. 4. Theoreticum, vel practicum.

Thema reale positivum est, quod aliquid affirmat:

Ut Deus, homo; an quoddam bellum est præferendum paci?

Negativum est, quod aliquid tollit: *ut non-homo; non omnia possumus omnes.*

Thema absolutum est, quod citra relationem consideratur:

Ut Bucephalus; quomodo Alexander tam brevi temporis spatio fines imperii sui dilatavit? an Deus est author peccati?

Respectivum est, quod in relatione consistit:

Ut pater; quare Deus se vocat patrem nostrum?

Thema reale universale est, in quo universalis res occurrit tractanda:

Ut virtus; an virtus Theologica differt specie à virtute morali?

Estque vel definitum, vel indefinitum.

Definitum est, quod signo aliquo est determinatum:

Ut omnis homo mendax; aliqua virtus est heroica.

Indefinitum est, quod signo determinante est destitutum: *ut virtus laudem meretur.*

Utrumque est generale, vel particulare: quorum illud universali signo est determinatum, hoc particulari.

Thema singulare est, in quo individuum tractandum occurrit.

Ut Judas; an Papa Italiam dono accepit à Constantino Magno? Aliàs hoc thema vocatur *individuale, & proprium.*

De his affectionibus est canon:

Positivum negativo; absolutum respectivo; universale singulari est dignius: ideoque indignius per dignius est examinandum.

Ratio hujus: quia quod principalius est, mensura est & norma illius quod est minus principale. Pertinent huc illa a-

xiomata: *Affirmatio est mensura negationis; omne respectu
fundatur in absoluto; universale est mensura sui singularis.*

Thema theoreticum est, quod cognitionis gra-
tiâ proponitur: *ut, calum, an terra est rotunda?*

Practicum est, quod proponitur actionis gratiâ
ut, an bona opera sunt necessaria ad salutem?

De hac divisione est canon:

*Tractatio thematis practici est facilior tractatione
thematis theoretici.*

Ratio est, quia principia practica dependent à theoreti-
cis. Cognitis itaq; theoreticis, facilius cognosci possunt pra-
ctica. Quòd verò practica dependeant à theoreticis, vel inde
videre est, quòd intellectus practicus theoreticum, & vo-
luntas intellectum sequatur.

Cap. II. Thema reale simplex.

Divisiones thematis realis sequuntur, secun-
dum quas est vel simplex, vel compositum.

Thema reale simplex est, quod ad declarandum
five explicandum proponitur: *unde & exemplum
declarationis dicitur.*

Estq; vel terminus simplex, vel quæstio simplex.

Terminus realis simplex est, qui unâ voce rem
aliquam proponit: *ut Oceanus, pietas.*

*Thema sim-
plex quod-
nam pro-
priè sit?*

Magnæ hoc in loco & plusquam Cimmeriæ occurrunt
tenebræ apud plerosq; Logicos. Multi enim Logici confun-
dunt thema cum quæstione. Multi quoq; thema simplex de-
finit, quòd sit res unica unâ voce significata. Errat errorem
fat crassum. Principiò enim thema & quæstio non sunt planè
idem. Quid enim? Annon hoc est thema, Angelus? At non est
quæstio. Quid? Annon est thema, si dicam: Solus sapiens est
dives. At non est quæstio, nisi virtualiter: quia nondum pos-
sum respondere ad illud propositum, nisi præfigatur an, num, vel
utrum. Deinde nò omne thema simplex est res una unico ter-
mino significata. Nam si dicam, quomodo Adam est lapsus
est the-

est thema simplex; & tamen non est unicus ibi terminus. Has tenebras dispellere conati sumus hâc divisione, quòd thema reale simplex sit vel terminus, vel quæstio simplex. Cæterùm terminus realis simplex nobis finitus est, quòd una voce rem aliquam proponat; ubi per vocem unam intelliges tum simpliciter unam, uti est mundus; tum re ipsâ & sensu unam, uti est cœna Domini, vel Maria virgo, vel Abraham patriarcha. Has enim voces Logicus considerat sub uno conceptu; id quod è superioris vocis tractatione jam constare arbitror. Hæc non pugnant cum iis, quæ infra diximus de definitione, quòd illa non sit conceptus simplex. Nā Logicus in definitione non considerat simplicem illum conceptum, sed ostendit, quomodo definitio sit constituenda ex genere, & differentiâ.

Quæstio simplex est, ad quam non responderi potest ita vel non.

Retineo vulgarem illam quæstionis simplicis definitionem, tanquam receptam, & si rem ipsam consideres, non ineptam. De quæstione simplici est hic canon:

Quæstio simplex quarit de explicatione rei per argumenta Logica.

Itaq; omnis quæstio per *quomodo, quale, quot, quid, quantum, quare, quando, ubi &c.* est simplex. Si enim quæram, quomodo studia sint rectè instituenda, quæro de explicatione hujus rei per suas causas; quibus nimirum causis possimus consequi effectum studiorum nostrorum. Si item quæram, qualis fuerit Alexander Magnus, quæro de explicatione Alexandri per genus, differentiam, accidentia. Si dicam, quot sunt elementa, non peto cōfirmari verum, vel falsum refutari, sed sollicitus sum de explicatione rei per quantitatem. Numerus enim quantitas est. Summa; in quæstione simplici non quæritur, an aliquid sit verum vel falsum, sed quæritur nuda rei alicujus explicatio.

Cap. 12. Thema reale conjunctum.

THema reale conjunctum est, quod proponitur ad probandum seu demonstrandum:

unde eleganter vocari solet exemplum demonstrationis.

Et hoc thema, ut paulò ante monuimus contra receptam Logicorum opinionem, non semper est quæstio: sed nunc simpliciter proponitur sine interrogatione, *θετικῶς*; ut *Ἀνὴρ Χεῖρς* non sunt fortes; ventriculus tempore hyberno magis calet quàm æstivo: nunc per modum quæstionis proponitur; ut, an Petrus fuit Episcopus Romæ? an Papa est successor Petri? Præterea hoc thema est difficilius tractatum quàm simplex. Ratio: quia constat *συμπλοκῇ* plurium simplicium. Hinc canon:

Tractatio thematis conjuncti, seu compositi, pendet à tractatione thematum simplicium.

Hic non erit ab re adnotare discrepantem quorundam Logicorum opinionem de quæstione simplici & conjuncta. *Olevian. lib. 1. Dial. cap. 1.* secutus Rodolphum Agricolum, sic definit quæstionem simplicem & compositam. Simplex est, ait, quæ quærit unum de uno: ut Archias qualisnam est? Respondetur, civis Romanus. Ex hac quæstione & responsione, cum nudâ ejus intelligentiâ non contenti, ejus veritatem indagamus, fit propositio simplex. Ea similiter est, cum quæritur, an de re simplici altera res simplex verè affirmetur, aut negetur; ut, an Archias sit civis Romanus. Composita est, cum quæritur non de rebus simplicibus, sed de sententiis duabus pluribusve inter se conjunctis, ut de se invicem affirmentur, aut negentur, cujus affirmationis aut negationis veritas inquiritur: ut, an si Archias civis Romanus non sit, nihilominus in numerum civium accersendus sit? Sic Olevianus, cujus sententia non potest consistere, nisi quis illam sic explicare velit, quòd quæstio hæc ultima magis sit composita, quàm secunda illa: ita ut in sensu comparato (ut loquuntur) hæc quæstio sit simplex: an Archias sit civis Romanus? ultima verò illa composita. Verùm malo hic sequi communem sententiam, quæ quæstionem conjunctam illam esse tenet, ad quam potest responderi ita vel non. Interdum κατ' ἐξοχὴν vocatur *quæstio*: *Ἐλεγχόμενον*, *ἑλεγχόμενον*: Latinis *quæstio controversa*, & *statim controversa*.

Thema

Thema reale conjunctum, est

Primò absolutum, vel comparatum: deinde purum, vel mixtum.

Absolutum est, in quo unum de altero citra comparationem enunciatur:

Ut, an dantur fatales periodi Rerum publicarum? an sunt orbes cœlestes reales?

Comparatum est, in quo unum de altero per comparationem effertur:

Ut, an unicus homo est præstantior toto mundo? an hoc mundi seculo præstat discere philosophiam practicam, quàm theoreticam?

Purum est, quod constat ex terminis ejusdem disciplinæ:

Ut, an metalla possunt transmutari? an substantia est necessaria ad sustentationem accidentium? In illâ quæstione termini sunt merè physici; in hac merè logici.

Mixtum est, cujus termini sunt desumpti ex diversis disciplinis:

Ut, si unum thema simplex sit Logicum, alterum Theologicum, unum Physicum, alterum Metaphysicum, aut Theologicum & Physicum; aut Theologicum & Juridicum; aut Arithmeticum & Politicum; & sic deinceps per omnes disciplinas. exempli gratiâ, an substantia sit genus peccati? an homo sit omnium creaturarum corporearum mensura? an imago Dei fuerit in animâ & corpore simul? an Ecclesia subsit magistratui politico? an quingentesimus annus sit fatalis Rebusp. Quòd si hujusmodi problemata mixta occurrant, id debemus dare operam, ut utrumque thema simplex è propriâ disciplinâ dijudicemus: quod nisi fiat, errorum uberrima surget messis in disputationibus difficilioribus. Hoc imprimis notare debent sobriæ philosophiæ ebrii flagellatores; qui ad Kalendas Græcas solvent themata mixta, quæ sunt multa in SS. Theologiâ: ut; Deus non est specie unus; corpus Christi non est accidens & λόγος; Deus non est genus; Deus Pater ab æterno genuit Filium; Decreta Dei sunt in Deo per vim identificam; Mundus ex nihilo

Thema
mixtum
quodnam
sit?

lo est creatus, non genitus; Mundus est à Deo non per emanationem, ut decreta, sed per effectiōem; proprietates divinar non differunt ab essentiâ, vel à se invicem realiter, sed virtualiter; seu ratione ratiocinatâ, &c. Solent hoc loco thema conjunctum dividere in thesin, & hypothesin. Thesis est thema continens sententiam generalem; ut, moralia sunt præferenda ceremonialibus; lex generalis cedit speciali. Hypothesis est thema continens sententiam singularem: ut David rectè fecit, quòd panes propositionis ederit; Simson occidendo seipsum non peccavit. Verùm hæc divisio non competit soli themati conjuncto. Suprà enim monuimus in genere, quòd omne thema conjunctum sit vel universale, vel singulare.

Cap. 13. Thema aggregatum.

EXpedito themate solitario, expediendum restat aggregatum, seu socium; quod ex diversis thematibus est coacervatum.

In oratione, concione, epistolâ, scripto, & omni omnino tractatione non semper est materia unius modi. Sæpe tria, quatuor, vel plura occurrunt themata. Hoc dum fit, thema aggregatum dicitur tractari.

Thema aggregatum est homogencum, vel heterogeneum.

Homogeneum est, quod constat ex diversis thematibus ejusdem naturæ.

Hoc fit tribus modis: nimirum quando proponuntur varia themata ejusdem

1. *Disciplina*: ut, si in aliquâ oratione agam de Deo & operibus ejus; si in scripto aliquo disseram de cælo, elementis, meteoris & metallis; Si in concione quæram, quâ in te consistat summum hominis bonum? Et, quæ sit via ad summum bonum perveniendi?

2. *Pradicamenti*: ut, si dicam de Angelo & homine; si quæram, an unitas sit numerus? &c, an denarius sit numerorum perfectissimus? Si item disseram de ordine œconómico, politico & ecclesiastico,

3. *Speciei*: ut si duo vel plura themata verbalia, vel plura simplicia realia, vel plura conjuncta tractem eâdem operâ. v.g. Si explicem vocabulum Theologiæ & Philosophiæ simul: Si quæram, quid sit Deus, & quænam illius actiones? Si item quæram, an mundus sit ab æterno, & an potuerit aliquid Deo esse coæternum?

Thema heterogeneum est, quod constat ex diversis thematibus diversæ naturæ.


Hoc itidem fit tribus modis; quando scilicet proponuntur themata varia è diversis


1. *Disciplinis*: ut, si in eâdem oratione ostendam ex Theologiâ quæ sint bona opera, & virtutes Deo placentes, & mox ex Ethicis tractem illam quæstionem, an virtutes ethnicorum Deo placuerint?

2. *Prædicamentis*: ut, si dicturus de homine, è categoriâ substantiæ proponam doctrinam de animâ, è categoriâ qualitatis titulum de virtutibus Ethicis, è prædicamento actionis titulum de sensibus.

3. *Speciebus*: seu classibus thematum; ut si misceam tractationem rhematis verbalis cum tractatione reali. v.g. Si explicem vocabulum Deus, & tum descendam ad considerationem essentiæ, proprietatum & operationum.

Satis de themate, quod nobis absolvit librum primum Logices. Hunc campum ut felicius decurrere possis, synopsis tabellarem proponemus totius doctrinæ thematicæ, ut eam uno obtutu possis per-
lustrare:





LOGICORUM LIBER SECUNDUS

De ARGUMENTO SIMPLI- CI COMMUNI.

Cap. I. *Argumentum quid sit?*

SIC explicatum est thema, deinceps explicandum erit argumentum.

Argumentum est terminus dirigens materiam ex qua disferendum est: *vulgò locus inventionis per catachresin dicitur.*

In hac definitione perpendemus definitum, genus & differentiam. Definitum est *argumentum*. Hanc vocè permulti Peripatetici fugillant, eò quòd apud Ciceronem hoc sensu non occurrat. Etenim Cicero, Quintilianus, Agricola, & alii argumentum definiunt inventum probabile, per quod minus dubium rei dubiæ fides fiat. Verùm illis hanc comparatam volo responsionē, libertatē philosophis, præsertim Logicis, non esse adimendam, quā pro exigentiā ipsius materiæ possint vocabula ampliare, vel restringere, præsertim si *καὶ ἀνὰ τὴν* illos urgeat; id hoc quod in loco sit. Etenim in primo limine Logicus docere debet de themate. *Εὐδὴλον* est libro superiori. Jam velim scire, quid themati possit opponi. Num terminus? Minimè. Nam & ipsum thema est terminus. Manente itaq; hac hypothesi, de themate docendū esse primo loco in Logicis: manet & hæc hypothesi, themati aliquid opponi relativè. Illud est argumentum, ipsis quoque Rhetoribus testibus, qui argumenta dividunt in explicantia seu declarantia, & demonstrantia seu probantia, & amplificantia. Non itaq; moramur rigidos illos Logicos, qui vocem hanc *argumentū* strictè accipiūt pro ratione probabili fidem faciente rei dubiæ. Genus argumenti fecimus terminū. Falluntur siquidē, qui argumentū in Logicis faciunt genus generalissimū. At argumentū supra se habet terminū, item in-

Vox argumenti num sit in Logicis ferenda, quatenus accipitur more Ramo?

Argumentum non est genus generalissimū

Præcognita, & Naturæ } cap. 1.
de illius } Studio }

Communes affectiones. cap. 2.

In Logi-
ca sunt

Tractatio;
cujus pri-
ma pars
est themata,
cujus

Divisio-
nes, quod
sit

Solita-
rium

Verbale, seu
vox, cuius

Species.

Est

Simplex

Sola quæ } Causis. cap. 4.
divid. ex } Effectis. cap. 5.
Adjunctis. cap. 7.

Collata cum aliis. cap. 8.

Conjuncta. cap. 9.


Reale,
cujus

Affectiones. cap. 10.

Divisio. Simplex. cap. 11.

Conjunctum. cap. 12.

Aggregatum. cap. 13.



LOGICORUM

LIBER SECUNDUS

De

ARGUMENTO SIMPLI-
CI COMMUNI.Cap. I. *Argumentum quid sit?*

Sic explicatum est thema, deinceps explicandum erit argumentum.

Argumentum est terminus dirigens materiam ex qua disferendum est: *vulgò* locus inventionis per *cataphresin* dicitur.

In hac definitione perpendemus definitum, genus & differentiam. Definitum est *argumentum*. Hanc vocē permulti Peripatetici sugillant, eò quòd apud Ciceronem hoc sensu non occurrat. Etenim Cicero, Quintilianus, Agricola, & alii argumentum definiunt inventum probabile, per quod minus dubium rei dubiæ fides fiat. Verùm illis hanc comparatam volo responsonē, libertatē philosophis, præsertim Logicis, non esse adimendam, quā pro exigentiā ipsius materiæ possint vocabula ampliare, vel restringere, præsertim si *παρονομαζοντες* illos urgeat; id hoc quòd in loco fit. Etenim in primo limine Logicus docere debet de themate. *Εὐδαμον* è libro superiori. Jam velim scire, quid themati possit opponi. Num terminus? Minimè. Nàm & ipsum thema est terminus. Manente itaq; hac hypothesi, de themate docendū esse primo loco in Logicis: manet & hæc hypothesis, themati aliquid opponi relativè. Illud est argumentum, ipsis quoque Rhetoribus testibus, qui argumenta dividunt in explicantia seu declarantia, & demonstrantia seu probantia, & amplificantia. Non itaq; moramur rigidos illos Logicos, qui vocem hanc *argumentū* strictè accipiūt pro ratione probabili fidem faciente rei dubiæ. Genus argumenti fecimus terminū. Falluntur siquidē, qui argumentū in Logicis faciunt genus generalissimū. At argumentū supra se habet terminū, item in-

Vox argu-
menti num
sit in Logi-
cis ferenda,
quatenus
accipitur
more Ra-
méo?

Argumen-
tum non est
genus ge-
neralissimū

strumentū Logicum, item notionem secundā. Hic enim est ordo. Quid est argumentū? Terminus. Quid terminus? Est instrumentū Logicum. Quid est instrumentū Logicum? Est notio secunda. Hic *ὅς ἐν πλεόνει* ridere liceat nonneminē ineptum Logicū, qui contendit, vocem hanc *terminus* in Logicis non esse ferendam; eò quòd horrida sit metaphora. Huic bello disputatori à nobis factū est satis suprā *lib. 1. c. 3.* ab initio. Sequitur differentia in hāc definitione his verbis *dirigens materiam ex quā disferendum est*. Duobus modis definiri potest argumentum, ut etiam thema. Nam utrumque refertur vel ad materiam, quam dirigere debet inter disferendum, vel ad suum relativē oppositū. Illo modo thema definitur, quòd sit terminus dirigens materiā de quā disferendum est; & argumentum, quòd sit terminus dirigens materiam, ex quā disferendū est. Hoc modo thema finietur, quod ab argumento arguitur; argumentū, quod arguit suum thema. Priores definitiones tanquam usui accommodatiores retinemus. Sic enim primo intuitu patet, quem nobis usum praestet utrumque hoc instrumentum. e. g. Vis disferere de homine, necessum est habeas materiam de quā, & eam probē examines. Hāc est ipse homo, thema tuū. Jam videas oportet et quā materiā velis hoc thema tractare. Hanc materiam dirigunt argumenta Logica. *Προσθήκη ἐν ἐννεμῶν* in propositā argumenti definitione excutiamus consuetarium de Synonymo argumenti. Id vulgo est locus inventionis. Sed hoc fit *κατὰ χεῖρας*. Propriè enim locus inventionis est, è quo depromitur argumentum; & argumentum est id, quod depromitur tali loco. Sic enim Cicero: *Ut earum rerum, ait, quae abscondita sunt, demonstrato & notato loco facilis est inventio: sic cum pervestigare argumentū aliquod volumus, locos nosse debemus*. Itaque licet definire, locum esse argumenti sedem. Si nolis admittere hanc *κατὰ χεῖρας*, sic dices, unum idemque ens Logicum considerari posse ut argumentum, & locum inventionis. v. g. causa in Logicis dici potest argumentum, quatenus arguit thema ad disferendum propositum, tanquam causatum. Eadem dici potest locus inventionis, quatenus sub se comprehendit circulum, ut ita dicam totius causalitatis, hoc est, quatenus sub se comprehendit omnes res, quae suscipere possunt rationē causae. Idem de reliquis argumentis judicet.

his judicium esto. Observa etiam Ciceronem aliter accipere locos inventionis, aliter Aristotelem. Ciceroni sunt sedes argumentorū. Aristoteles verò capita illa inventionis, ut causam, effectum &c. vocat *Notas & Differentias*: Locos verò appellat *Maximas*, seu *canones*, seu *axiomata*, quæ de notis singulis sunt cognoscenda. Itaq; secundum Aristotelem, axiomata pertinentia ad genus, definitionē &c. dicenda sunt loci à genere, definitione. At secundum Ciceronem ipsum genus, aut definitio est locus: ideoq; dicendi sunt loci generis aut definitionis.

Argumenti videbimus communes affectiones & species.

Cap. 2. Argumenti communes affectiones.

Comunes argumenti affectiones sunt, quæ argumento in genere conveniunt.

Hæc doctrina de communibus argumenti affectionibus magno juventutis malo est à vulgaribus Logicis prætermissa. Nam impossibile est eum rectè uti argumentis, qui illorum proprietates, seu naturam in genere non tenet. Dabimus igitur operam, ut hæc in parte aliquid saltem præstemus, quod sit ex usu.

Communes argumenti affectiones competunt argumentò, vel ex ipsâ naturæ vi, vel ex diverso usu.

Ex ipsa naturæ vi argumento convenientes affectiones sunt principales, vel minùs principales.

Affectiones principales sunt *unitæ*, vel *disjunctæ*.

Hæc divisio lucem accipiet è *lib. 1. cap. 3.*

Affectiones unitæ sunt, quæ conveniunt omni argumento circa disjunctionem.

Suntq; potentia, relatio, & exæquatio.

Potentia est affectio argumenti, quâ illud aptum natum est, ut arguat.

Argumenta
sophistica
& aliena
quæ sint?

Hæc est palmaria argumenti affectio ut sit dispositum si-
ve *πιφυκός*, ut arguat suum thema. Arguere autem est de-
clarare, demonstrare & amplificare. Itaque non adferen-
da sunt argumenta falsa, non aliena. Non illa: quia sunt ine-
pta ad probandum. Non ista: quia sunt inepta ad decla-
randum, demonstrandum seu probandum & amplifican-
dum: Illa Græcis dicuntur *σοφιστικά*; hæc *ἀπροσδιόνητα*, ἀλ-
λότεια, *μλαστικά*. Sophisticū est hoc argumentū: Terra mo-
vetur; quia omne centrum movetur. Alienum seu ridiculū
est hoc: Homo est disciplinæ capax, quia cælum vertitur. Es-
quus est quadrupes; quia sedeo in scamno. Hujusmodi ar-
gumenta quando adferuntur, dicimus facetē: *Α baculo* ad
angulum non valet argumentatio. Atq; hæc est prima argu-
menti affectio, *ἐπιτηδεύουσα* illa, & quidem triplex, videlicet
potentia explicandi, probandi & amplificandi. Hoc singula-
re est & valde utile, scire quòd omne argumentum habeat
triplicem illam vim. Sed objicis, diversa & similia dunta-
xat *τοπικῶς* & *ἀξιωματικῶς*, non autem *συμμοριστικῶς* con-
siderari. Respond. 1. Diversa discretivè disposita vim pro-
bandi non habent, sed categoricè disposita habent: ut si di-
cam, *Quamvis* Ulysses non fuerit formosus, tamen fuit fa-
cundus, vel contrà; non possum argumentari. At si dicam, U-
lysses non erat formosus. Atqui erat facundus. Ergò quidam
facundus non est formosus; argumētatio est legitima. 2. Si
milia probant, si non extendantur ultra scopum disferentia-
e. g. positâ hâc hypothesi, Solem & Logicam esse similia,
necessariò sequetur: Si Sol illuminat universum mundum,
etiâ Dialectica illuminabit omnes artes. Item, sicut binarius
se habet ad quaternarium, ita se habet quaternarius ad oc-
tonarium. Sed binarius se habet ad quaternarium in pro-
portionem duplâ, seu bis continetur in quaternario. Ergo &
quaternarius ad octonarium se habebit in proportionem du-
plâ. Hinc jam fluit cānon:

*Argumentum omne habet vim explicandi, proban-
di, & amplificandi.*

Græcis vocabulis dices omne argumentum esse *ἐξηγη-
τικόν, ἀποδεικτικόν, αἰζητικόν*: ubi latè accipias oportet vocabu-
lū apodixews, ut infra monebimus in doctrinâ syllogistica

Relatio

Relatio est affectio argumenti, quâ argumentum respicit suum thema.

Hæc affectio fluit ex priori. Si enim omne argumentum est affectum ad thema suum arguendum, sanè relatum erit. Hinc canon:

Omnia argumenta sunt relata.

Hunc canonem sic intellige, quòd omnia argumenta mutuam arguendi affectionem inter se habeant; ut, causa arguit effectum, & vicissim; subjectum arguit adjunctum, & vice versâ. Sed nota tropum in hoc canone. Dicimus enim omnia argumenta esse relata, i. e. unum argumentum arguere alterum argumentum, non tanquam argumentum, sed tanquam thema. e. g. Deus creavit mundum. Hic duo sunt argumenta, Deus & mundus, causa scil. & effectum. Causa si arguat, dicetur propriè argumentum; at si arguatur, propriè dicetur thema, & tropicè argumentum, hoc sensu: causa, quæ suâ naturâ est argumentum seu arguens, jam est thema seu argutum. Præterea scias, duplicem esse relationem. Una est generalis, in ipsis notionibus secundis; altera specialis, in notionibus primis, seu ipsis rebus. Priori modo omnia argumenta sunt relata, quatenus argumenta sunt termini technologici, ad thema arguendum affecti. Posteriori modo non item. Tum enim res ipsæ, quibus affectio argumenti accidit, termini quæ hi technologici imponuntur, sunt vel absolutæ, ut Deus, mundus: vel relatæ, ut pater, magistratus. Hoc paulò fusiùs ostendere libet. Relata sunt alia secundùm dici, alia secundùm esse. Illa ita sunt relata, ut unum alterius essentiam non constituat, sed duntaxat dicat respectum. Hoc sensu omnia argumenta dicuntur relata, sed dupliciter. 1. Actu: ut Johannes est excellentior prophetâ. Hic \propto Johannes arguit tanquam majus; \propto prophetâ arguitur tanquam minus. 2. Potentiâ; quatenus nomen & natura argumenti pro dispari ratione affectionis potest permutari: ut induratio passiva ratione differentię suæ specificæ est peccatum, ratione peccatorum sequentium est causa efficiens, respectu antecedentium peccatorum est pœna seu effectum, respectu Dei induratio activa itidem est effectum. Sic sapientia & valetudo sunt diversa, quatenus pos-

Relatio est duplex.

sunt esse in uno subjecto, videlicet homine: sed sunt disparata, quia non possunt esse in animâ vel corpore simul. Ita differunt subjectis. Hoc idem cogita de relatione causæ ad causatum, dissentanei ad dissentaneum, totius ad partes &c. Relata secundum esse sunt, quæ hoc ipsum quod sunt, aliorum sunt: ut locator & conductor, maritus & uxor. Hoc sensu non dici possunt omnia argumenta relata. Cæterum ex hoc canone fluunt alii duo, quibus totidem affectiones argumenti è relatione quasi pullulantes, continentur:

1 *Omnia argumenta sunt συνυπαρχοντα, h. e. naturaliter coexistentia.*

Συνυπαρξία, h. e. coexistentia naturalis dicitur, quâ fit ut argumenta, quatenus argumenta, ex vi relationis mutue sint simul naturâ; ideoq; se mutuò ponant & tollant. Dico, quatenus argumenta. Nam alioquin una res, argumento denotata, est prior alterâ: ut, inter Deum & mundum est naturalis coexistentia, quatenus relatio attenditur, quæ est inter causam & effectum. Alioqui Deus, quâ ens absolutum, est prior mundo.

2 *Omnia argumenta sunt æquè nota.*

Hoc canone proponitur *ὁμογνωσία* argumentorum, hoc est, æqua & mutua cognitio. Omnia enim argumenta, quatenus sunt argumenta, ex vi relationis mutue, sunt æquè nota, seque mutuò notificant. Hæc enim est natura relatorum, ut se mutuò ponant & tollant, ut in essendo, sic in cognoscendo. Retineamus paulò antè allatum exemplum. Deus & mundus se mutuò notificant, vi relationis, quæ est inter causam & effectum. Nam qui novit quid sit Deus, facilius cognoscere potest naturam mundi; & vicissim mundus nos quasi manuducit ad cognitionem sui opificis. Hæc tamen *ὁμογνωσία* peculiariter tribuitur dissentaneis & comparatis, ut infra suis locis disputatum est. Nam evidentior est *ὁμογνωσία* inter simile & simile, quàm inter causam & effectum; quia causa semper est notior causato, non quidem quatenus argumentum, sed tamen quatenus ipsius prioritas attenditur.

Ex æquatio est affectio argumenti, quâ argumentum suo themati est adæquatum: de quâ canon:

Argumentum.

Argumentum sit exæquatum suo themati.

Hoc est, ita commensuratur suo themati, ut totam illius naturam aperiat, ita ut nihil in argumento redundet, deficiat nihil: ut, homo est animal rationale; hinc definitio adæquata est suo definito. At si quis addat, τ mortale; jam redundat aliquid in definitione. Si quis sic disputer, Ille est bonus Logicus. Q. artificium disserendi tenet, & habet bona vestimenta; aliquid redundat in argumento. Sic, Ille est vir doctus. Q. domi habet instructam bibliothecam. Hoc argumentum non est exæquatum sive commensuratum suo themati. Nam bibliotheca est duntaxat causa instrumentalis, quæ sola nil potest. Hinc joculariter dicimus: Ad choream ducendam aliquid amplius requiritur, quàm par rubicundorum calceorum.

Affectiones argumenti disjunctæ sunt 1. veritas & falsitas. 2. consensio & dissensio. 3. necessitas & contingentia. 4. absolutio & comparatio.

Omne enim argumentum est verum vel falsum, consensaneum vel dissensaneum, necessarium vel contingens, absolutum vel comparatum.

Veritas est, secundum quam argumentum re ipsa arguit suum thema: falsitas, secundum quam arguit suum thema tantum apparenter.

Veritas argumentorum oritur ex natura ipsarum rerum, quæ rationem argumentorum suscipiunt, quatenus nimirum illæ conveniunt cum intellectu divino, si spectes naturalia; vel cum intellectu hominis, si spectes artificialia. Falsitas autem oritur, partim ex apparentiâ rerum, quatenus illæ discrepant à suo archetypo; partim ex opinione & pravo hominum de rebus judicio. Atque hinc est, quòd elenchus seu fallacia materialis detur per omnia argumentorum genera. Dicimus enim, est elenchus falsæ causæ, falsi subjecti &c.

Veritas & falsitas argumentorum unde pendeat?

Consensio est, secundum quam argumentum consentit cum themate suo: dissensio, secundum quam ab eodem dissentit.

Illà est basis affirmationis, hæc negationis. *Libavius in Logic. emendatâ.* Sic effectio mundi non posset de Deo prædicari affirmatè, nisi inter mundi effectiorem & Deum esset amica consensio, fundamentum affirmationis existens. Omne ens cum altero consentit, vel ab eodem dissentit. Cùm igitur argumenta sint entia, nimirum rationis, etiam has affectiones transcendentales recipient. Oritur autem ista consensio & dissensio è tribus, nimirum vel ex ipsâ naturâ rerum, quibus accidit ratio arguendi; vel è mutuâ illâ *ἁπλῶς*, relatione, quam paulò antè circumscripsimus; vel ex diverso argumentorum usu in disserendo. Hinc etiam fit, ut omne argumentum, diverso respectu, possit esse consentaneum & dissentaneum, juxta canonem:

Quodlibet argumentum pro diverso respectu diversam naturam, h. e. relationem, induit.

Verbi gratiâ, homo potest habere rationem causæ efficientis, & contrarii, quemadmodum una persona potest susnere officium consulis & doctoris. Atque hoc est quod dicunt Doctores Logici: Una eademq; res, excepto Deo, per omnia inventionis loca deduci potest. Sic argumenta orta possunt subire comparationis palæstram, depositâ suâ veste, & assumtâ togâ comparatorum. Ita Petrus ut causâ, effectum, subjectum &c. considerari potest.

Necessitas est, secundùm quam argumentum suum thema arguit necessariò; contingentia, secundùm quam arguit contingenter.

Hinc *Guil. Ursin. disput. 3. Logic.* Argumentum necessarium est, quod cum themate vel necessariò jungitur, vel ab eodem disjungitur necessariò. Sicut res, quæ continentur hujus mundi ambitu, sunt vel necessaria, vel contingentes: ita & argumenta; ut causam dicimus necessariam vel contingentem, effectum, subjectum &c. necessaria, vel contingentia. De modis necessitatis disserere non est hujus loci. E primâ philosophiâ hoc discas licet. Hic discas illum canonem:

Nexus uni-
us argumē-
ti cum alio
est varius.

Argumenti cum argumento nexus est varius.

Nam quædam argumenta habent inter se nexum i. contingentem

tingentem & accidentalem, qualis est inter fabrum & opus, studiosum & diligentiam. 2. necessarium, sed tamen non essentialem, ut caput hominis cohæret cum homine, necessariò quidem, at non essentialiter, hoc est, ita ut sit pars essentialis. 3. essentialem & necessarium. Nam omnis nexus essentialis est necessarius, sed non contrà. Talis nexus est inter materiam & materiaturum, formam & formatum, subjectum & adjunctum proprium, genus & speciem, definitum & definitionem perfectam. 4. essentialem, & reciprocum: qualis est inter subjectum & adjunctum proprium, differentiam perfectam & speciem, definitum & definitionem, distributum & distributionem. Hic obiter nota ex Zabarellâ, essentialia esse duplex, constituens essentialiam rei, uti est forma; & essentialiam rei proximè & immediatè sequens, ut est proprietas. Hinc jam emergit talis scala, in quâ regredimur à principaliori ad minùs principale: nexus reciprocus est arctior quàm essentialis; essentialis est arctior, quàm necessarius; necessarius est arctior quàm contingens; contingens est arctior quàm falsus & sophisticus.

Essentiale
est duplex.

Absolutio est affectio argumenti, secundùm quam argumentum citra comparisonem arguit suum thema: comparatio contrà.

Quòd absolutio & comparatio sint affectiones argumentorum, inde patet, quòd comparari possunt inter se omnia argumenta, vel simpliciter considerari. Neque tamen ideò comparata non possunt peculiarem argumentorum classẽ constituere. Est enim comparatio, ut suprà de relatione diximus, generalis, vel specialis. Generalis est in notionibus secundis, specialis in rebus certis, quæ significantur comparatione speciali Logicâ. Vide infrâ locum de comparatis.

Affectiones argumenti minùs principales, sunt proprietas & communitas, affirmatio & negatio, perspicuitas & obscuritas.

Proprietas est, secundùm quam argumentum

arguit unum thema solum, & non aliud: communitas, secundum quam ita thema suum arguit, ut aliis etiam arguendis aptum sit.

Ita est causa communis vel propria; finis communis vel proprius; effectum commune vel proprium.

Affirmatio est, secundum quam argumentum arguit suum thema ponendo aliquid: negatio, secundum quam arguit tollendo.

Affirmatio
& negatio
duplex.

Vulgò affirmationem & negationem faciunt communes affectiones axiomatis seu propositionis. Sed hoc verum est de affirmatione & negatione complexâ, quæ dicitur compositio & divisio, vel certè resultat è compositione & divisione terminorum simplicium. Hoc autem loco intelligimus affirmationem & negationem incomplexam, secundum quam omne ens dicitur positivum, vel negativum.

Sequuntur communes affectiones argumenti, quæ competunt ipsi ex diverso usu: suntque prædicatio tum signata, tum exercita; Prædicabilitas, tum directâ, tum indirectâ; Coordinatio & subordinatio.

Prædicatio signata est, in quâ ponitur ipsum nomen argumenti:

Prædicatio
signata &
exercita
quid?

Ut, homo est subjectum virtutum & vitiorum; Deus est causa efficiens mundi; homo negatur de bestiâ; Deus & Diabolus sunt adversa; divitem & doctum esse, sunt diversa; hominem esse humanum, sunt conjugata.

Prædicatio exercita est, in quâ disponuntur argumenta vocabulis non technologicis:

Ut, homo est virtutibus, vel vitiis præditus; Deus creavit mundum &c. Hujusmodi prædicationes dicuntur exercitæ; quia in illis id quod in signatâ erat involutum, ex ipsis signis evolvitur. Hinc dicunt, quòd in præ-

in prædicatione exercitâ signatâ reipsâ exerceatur, & in actum transferatur, & quasi in lucem proferatur. Hæc prædicationis distinctio profecta est ex Scholâ Scoti; nec est inutilis, sicut vel ex hoc solo canone discere est:

Argumenta prædicationis exercita & signata non semper sunt ejusdem classis.

Interim tamen prædicationis exercita semper respondet signatæ: ut, Diabolus adversatur Deo: est propositio signatâ, estque in classe consentaneorum: quia adversari Deo est proprium Diaboli. Equipollet igitur huic, Deus & Diabolus sunt adversa. At hæc, Diabolus non est Deus, ex dissentaneis disponit adversa, ut vel anniculo Logico apparet. Quid ergo? An Deus & Diabolus in prædicatione signatâ sunt consentanea? Minime gentium. Nam Dei & Diaboli propria dissentiunt, etiam si affirmatè dicas: Diabolus adversatur Deo, sive, Deus & Diabolus sunt adversa. Oportet hîc distinguere inter materialiter, & formaliter. Formaliter, hoc est, ratione dispositionis, Deus & Diabolus sunt consentanea in prædicatione signatâ: nihilofecius sunt dissentanea materialiter considerata in prædicatione exercitâ. Sic vides quomodo argumenta possint esse prædicationis signatæ & exercitæ: quæ est prima affectio argumentis conveniens ex ipso usu.

Prædicabilitas directâ est affectio argumenti, secundum quam argumentum de argumento prædicari potest primariò: indirectâ, secundum quam potest secundariò.

Multis disputari solet de numero prædicabilium, & loco, quem in agro Logico occupare debeant. Sed non opus est operosa istâ disputatione, si quis attendat, prædicabilitatem esse affectionem omnium argumentorum. Nam prædicari & dici de aliquo, ut & attribui alicui, sunt idem. Cum ergo omnia argumenta sint subijcibilia & dicibilia, ut loquuntur, etiam prædicabilia censenda e-

Prædicabili-
um doctrina
na quomodo
tradenda?

Quinq; prædicabilia
καὶ ἐξ ὧν
sic dicta.

runt. Sed non uno modo prædicantur. Etenim alia sunt directè prædicabilia, alia indirectè. Directè prædicabilia sunt quinque; videlicet genus, species, differentia, proprium, accidens. De his sic philosophantur Logici. Prædicatur aliquid vel in quid, ut genus & species: vel in quale, idque essentialiter, accidentale, & medium inter essentialiter & accidentale. Illo modo differentia prædicatur de specie; isto accidens de subjecto; hoc proprium de specie, & individuis ejusdem speciei. Zabarell. in tabb. Logic. Alii sic hæc eadem de re disputant. Res universalis de aliis prædicari apta est, aut ἐν τῷ ὁρώ, *essentialiter*, aut ἐκ τῷ ὁρώ, *accidentaliter*. Si essentialiter, aut in quæstione quid, ut genus, quod de pluribus specie differentibus dicitur; & species, quæ de pluribus numero differentibus, seu individuis dicitur: aut in quæstione quale quid est, & dicitur differentia. Sin accidentaliter, aut necessariò & inseparabiliter, & dicitur proprium: aut contingenter & separabiliter, & dicitur accidens. Alii dicunt prædicabilia ista prædicari vel συνωνύμως, *univocè*, ut sunt genus & species; vel παραωνύμως, *denominativè*, ut sunt differentia, proprium, accidens. Atque hæc sunt directè prædicabilia, ideoque mensura reliquorum argumentorum indirectè prædicabilium. Quòd enim definitio de definito, causatum de causâ, partes essentialiter de toto, & alia argumenta de aliis prædicantur, hoc omne fit propter prædicationem directam. Omne siquidem directum est mensura indirecti, ideoque hoc ad illud debet reduci. His observatis facilè est judicare de numero & sede prædicabilium. De numero: quia diximus tot esse prædicabilia, quot argumenta, è quibus vulgo quinque καὶ ἐξ ὧν dicuntur prædicabilia. De sede: quia ostendimus prædicabilitatem esse affectionem argumentorum: unde hoc πρός τινα fluit, de illâ affectione docendum esse ante singulas argumentorum species.

Coordinatio est affectio argumenti, secundum quam argumentum cum alio collatum est ejusdem generis, sive ordinis: subordinatio est, secundum quam est diversi ordinis, & superiori subjectum.

Si quis unum argumentum cum altero conferat, deprehendet

hendet συντάξιν & υποτάξιν, *coordinationem & subordinationem*: unde argumentum aliud est coordinatum, aliud subordinatum. Coordinatum est, quod ejusdem est classis: ut si quis dicat de cœlo, & adferat causam efficientem proximam, item materiam & finem tales. Subordinatum est, quod est infra suum superius: ut si quis de cœlo verba factururus, consideret causam efficientem principalem & minùs principalem; materiam proximam & remotam. Hic enim minùs principale subordinatur principali, & proximum remoto.

Cap. 3. Argumenti generales divisiones.

Sequuntur species argumenti, quòd nempe sit simplex, vel complexum.

Hæc divisio fermè neglecta est à choro Logicorum, qui existimarunt, omne argumentum esse notionem simplicem. Sed infrà falsitatis convincemus hanc sententiam, ubi ostendemus, definitionem & distributionem esse argumenta complexa, licet nondum axiomaticè.

Argumentum simplex est terminus extra omnem dispositionem dirigens materiam ex quâ diserendum est.

In hâc definitione significanter dicimus, *extra omnem dispositionem*. Nobis enim dispositio Logica est quadruplex, Dispositio
Logica quadruplex. topica, axiomatica, syllogistica & methodica. Topicam agnoscimus in definitione & distributione: quâ de re in libro de definitione agemus copiosius.

Argumentum simplex est commune, vel proprium.

Illud vulgò argumentum simpliciter sine epitheto, hoc prædicamentum dicitur. Hanc divisionem his fundamentis fultam contendimus. Scitum est, notiones secundas verificari in primis: item, notiones secundas non evertere primas. Tot igitur species notionum secundarum Logicarum simplicium agnoscere debet Logicus, quot in Metaphysicâ

Osculum
Metaphysi-
cz & Lo-
gicz.

traduntur species primarum. Atqui in Metaphysicâ traduntur communes entis differentię, & species ejus in prædicamentis. Ergo & totidem summa genera notionum suarum simplicium agnoscere debet Logicus. Communes entis differentię, per quas ipsum primò dividitur, sunt causa & causatum, pars & totum &c. His differentiis respondent argumenta Logica communia, quæ alii vocant argumenta simpliciter. Speciebus entis respondent in Logicis argumenta propria, quæ dicuntur prædicamenta. Ecce primæ philosophię & Logicæ quoddam quasi osculum! Sed latius extendamus illud osculum. In metaphysicâ est ens, de quo omnia dicuntur, quæ ibi tractantur. Sic in Logicis est thema, de quo reliqua enunciantur. Utrumque est quasi centrum, in quo concurrunt omnes lineæ, uti in circulo videre est. Ens habet sua attributa, & divisiones. Attributa sunt communes affectiones, quæ etiam in Logicis exprimuntur terminis technologicis. Divisiones entis palmarie sunt duæ: una continet, uti diximus, primas ejus differentias; atque hæc exprimuntur argumentis communibus: altera ens dividit in incomplexum, & complexum. His terminis etiam respondent instrumenta Logica, quorum alia incomplexa, complexa alia. Ens incomplexum dividitur in substantiam & accidens. Huic divisioni *avall-202* respondet doctrina argumenti proprii. Hæc est sequentibus manifestiora evadent. Duntaxat hic teneatur, quod argumenta sint notiones secundæ, contra Petrum Ramum, qui *lib. 4. schol. Dialect. capit. 5.* reprobatur numerum categoriarum duplici potissimum nomine, tum quod enti tantum, non etiam non-enti competant: tum quod meliores entis species ab ipso traditæ sint, nimirum causa, effectum, subjectum &c. Utrumque ridiculum. Principiò enim entia Logica non debent competere enti & non-enti: Quicquid enim competit malo, ut malo, non potest competere bono, quia malum privativè opponitur bono. Cum igitur entis & non-entis major sit distantia, nimirum contradictoria, multò minùs de uno verum erit, quod de altero verum fuit. Entis esse causam rectè dixerit Ramus. At non-ens non habet causam. Malè itaque locutus est Ramus. Sic autem loqui debebat, quod entia Logica pro

Argumenta
non sunt
notiones
primæ.

Quomodo
Logica ver-
setur circa
ens & non-
ens?

pro suâ generalitate ab artifice Logico possint applicari omni tractationi, sive illa sit de ente, sive de non-ente. Et quidem si de non-entibus contingat disputari, sciat Ramus, intellectum nostrum de iis ratiocinari, non quatenus sunt non-entia, sed quatenus ad naturam entium accedunt. Non-entium siquidem, quâ sunt non-entia, nullus est conceptus, nisi per oppositum suum, quod sunt entia. Deinde falsum est, quod dicit, argumenta Logica esse entis species. Logici enim non est species entis inquirere, sed instrumentorum suorum naturam & usum exquirere; id quod ipse Ramus testatur in *compend. contra Schegk.* ubi negat Logicam tractare res. Si argumenta sunt species entis, jam nihil diceretur de specie, quod non possit particulariter dici de genere. De specie verò, verbi gratiâ, homine, verum est, quod vivat, quod disputet. Hinc licet à specie ad genus ascendere particulariter: Ergò etiam quoddam argumentum vivit, disputat. *Arniseus in Logic. Crellii pag. 63. & seqq.* Interim manet, quod argumenta sint species entis Logici. Verùm huc Ramus non respexit. Præterea monstri esset similis Logica, si partim de notionibus primis, partim de secundis disputaret. Turpissima hæc esse confusio, & philosopho indigna. Objicis, hoc omnino esse factitandum. Aut enim Metaphysicâ nulla est, aut est aliqua. Si nulla, certè notiones illæ primæ tanquam generalissimæ, causa, effectum, subjectum &c. in Logicâ, disciplinâ generalissimâ tradendæ fuerint. Si aliqua, illæ notiones duntaxat fuerint in Metaphysicis tradendæ, in Logicis minime. Respon. Esse Metaphysicam supponimus, & ad posterius objectionis membrum dicimus, distinguendum esse inter rem consideratam & modum considerandi. Res considerata, videlicet causa, causatum, totum, pars &c. est communis Metaphysicæ & Logicæ. Nam res considerata est velut materia, cujus quidditas est communem esse. Sed modus considerationis, tanquam forma, est alius in Metaphysicâ, alius item in Logicâ. In Metaphysicâ quidem modò commemorati termini sunt protonoëmatici, & considerantur tanquam primæ entis differentiæ. Omne siquidem ens est vel causa, vel effectum &c. In Logicâ verò iidem termini sunt deu-

In subiecto
tractationis
materiale à
formali est
distinguendum.

teronoëmatici, seu technologici, & considerantur quatenus sunt instrumenta benè disferendi, & species argumenti, seu entis Logici. Excipis, unam eandemque esse definitionem causæ &c. in Metaphysicis & Logicis, & proinde eundem considerationis modum. Respon. Vulgò quidem hoc fit, sed ἀλόγως. Nam causa in Metaphysicis definienda est tanquam notio prima, hoc modo: Causa est, cujus vi causatum est. At in Logicis definiri debet argumentum, quod vi causalitatis suæ thema arguit. Idem de causato, subiecto, adjuncto &c. judicium esto. Itaque causa prout est res, Metaphysicæ est jurisdictionis, prout argumentum est, Logicæ. Sic est notio secunda. Ergò argumentum esse, seu arguere, accidit isti notioni primæ, hoc modo. Res est ipsum materiale, quod consideratur extra mentem: v. g. animal. Sed notio est, per quam illa res intelligitur. Hæc notio est prima, vel secunda. Prima est velut imago in speculo, per quam imaginem res ipsa repræsentatur primò & directè. Secunda est, quæ rem repræsentat mediante notione primâ. Itaque notio prima est media inter rem ipsam & notionem secundam, hoc ordine:

Notio est
prima vel
secunda.

Animal extra mentem — Animal in mente — Genus.

Per genus secundariò intelligo rem, per notionem primam primariò. Itaque notio secunda longius abest à re, quàm prima. Scholastici rationes seu notiones istas vocant formalitates, res autem ipsas dicunt materialitates. Hæc ad nostrum institutum applicemus. Video hunc hominem. Concipio illum, tanquam singulare. Hæc est notio prima Metaphysica. Hoc singulare voco individuum. Hæc est notio secunda Logica. Sic dum causam dico, dico notionem primam: dum causam dico argumentum, huic notioni primæ adjungo secundam. Rursus excipis: At eadem divisiones causæ, causati &c. occurrunt in Logicis & Metaphysicis. Respon. Modus considerandi idem est alius. Nam in Metaphysicâ causa dividitur in externam & internam, ut ita ipsius essentia cognoscatur: at in Logicâ causa dividitur in externam & internam, ut ita pateat, quis sit usus illius distributionis in disferendo. Rectè igitur *Molinæus libr. 2. Logic. cap. 10. ait: Explicare quid sit causa & quoduplex, est Metaphysici: Logici verò, docere*

cere quomodo sint adminicula cognoscendi, sive syllogismorum media. Sic ille. Summa; Una eademq; divisio potest habere locum in Metaphysicâ & Logicâ, si ibi tradatur protonoëmaticè, hîc deuteronoëmaticè. Logica non debet mutare essentiam notionum Metaphysicarum, sed accidentalem tantùm considerationem illis attribuere. Utrobique igitur consideratur causa, definitur & dividitur, sed diverso modo, ut explicavimus. Sed de his satis. το ὅτι λέω ἀπερίβες ψεῦδος. Nobis id cordi est, ut præcepta ex usu æstimata ad usum accommodatè tradamus.

Argumentum simplex commune est, quod dirigit materiam ex quâ disserendum est generaliter.

Hoc argumentum respondet differentiis entis, quæ ipsæ communes sunt. Si ergò investigem hominis naturam ex argumento causæ vel causati, dicor adferre argumentum commune. At si causam investigem per varia prædicamenta, dicor adferre argumentum proprium & singulare.

Estque insitum, vel assumtum. *Illud artificiale, hoc inartificiale aliis dicitur. Illud etiam inventionis propria, hoc alienæ dicitur.*

Insitum est, quod intrinsecè attingit suum thema.

Græcis ἐμφυτῶν. Hoc dicitur artificiale, non quòd plus artis habeat, quàm inartificiale. Utrumque enim invenire artis est; & interdum plus artis habet adhibere testimonium, quàm argumentum artificiale. Artificiale igitur sic dicitur, quòd intrinsecè & magis rem attingat. Nam inartificiale non ita propè attingit thema. Hinc argumenta artificialia dici possent propiora, inartificialia remotiora; quia majori intervallo distant ab arce causæ, vel rei capite, ut dicitur. e. g. An Deus potest excitare eandem numero carnem? A. Q. est omnipotens. Hoc argumentum infidet quasi subiecto quæstionis. At si dicam: Q. Scriptura hoc testatur, non est insitum. Quia Scriptura neque Deum, neq; mundum intrinsecè attingit. Huc facit canon:

Argumentum artificiale quosensu dicatur?

Argumentum artificiale prius est inartificiali.

Hoc enim est remotius, illud propius. Sicut ergo causa per accidens supponit causam per se: sic argumentum inartificiale præsupponit artificiale. Proinde artificiale est efficacius & fortius inartificiali. Utar phrasibus militari-
bus: argumentum artificiale cominus pugnat, seu rem suam agit, inartificiale eminus. Ergo si velis in disputationis palæstrâ cominus pugnare, adhibe argumentum ^ἢ *τεχνηον*, quod propinquiori facultate arguit, quàm *τεχνηον*.

Estq; primum, vel à primo ortum.

Primum est, quod suam arguendi vim non habet aliunde.

Argumen-
tum primū
quodnā sit?

Primum argumentum non satis plenè definitur, quod aliunde non derivatur; item quòd sit suæ originis. Hâc enim ratione effectum non foret argumentum primum; quippe quod è causis derivatur. Licet autem derivetur ex causis: non tamen derivatam seu communicatam arguendi rationem habet, sed nativam. Objicis: si essentia effecti oritur è causis, etiam arguendi affectio: quia sicuti se res habet in essendo, ita in prædicando. Respon. Ortum argumentum dicitur, quod naturam primi in arguendo imitatur, non autem domesticam vim arguendi habet. Ergo duo consideranda veniunt in argumento orto; derivatio seu ipse ortus, & imitatio seu repræsentatio primi. Prius illud est in effectis, sed alterum non item. Hinc fluit canon:

Argumentum primum est mensura sui orti.

Sicut enim mensuratum æstimatur & iudicatur è sua mensurâ: sic & ortum quoad arguendi affectionem è suo primo, quod impertit illi affectionem arguendi: ut bonus & bonitas sunt conjugata, orta ex effecto formato, & causâ formali. Objicis: Ergo etiam comparata sunt argumenta orta; quia omnis comparatio in aliquo primo consistit: exempli gratiâ, Stultus mutatur ut luna: hîc mutatio est adjunctum, stultus & luna sunt subiectum istius mutationis. Resp. Comparatum fundatur in simplici; non tamen statim ortum est argumentum, ut è modò traditâ primi argumenti definitione constat.

Argumen-

Argumentum primum est simplex, vel comparatum.

Simplex est, quod arguit suum thema citra collationem in aliquo tertio.

Suprà monuimus, comparisonem esse duplicem, generalem & specialem. Nihil itaq; absurdi committimus, quando argumenti species constituimus π simplex & comparatum; quia angustiori significato accipimus hic, quàm suprà. Sicut enim omnia argumenta relata sunt, & tamen relata sunt peculiaris species argumenti Logici: sic & de comparatis, adeoq; simplicibus argumentis cogitandum est.

Argumentum simplex est consentaneum vel dissentaneum: seu, conjunctum, vel disjunctum.

Consentaneum est, quod vi solius consensionis thema suum arguit: *Seu, Conjunctum est, quod cum themate suo vi argutionis cohaeret: seu, quod arguit suum thema vi solius conjunctionis, scil. primæ.*

Quidam carpunt hanc divisionem, quòd non solum argumenta simplicia sint consentanea, vel dissentanea; sed omnia omnino argumenta. Cum itaque, ajunt illi, hæc divisio argumenti in consentaneum & dissentaneum generi competat, non est tribuenda uni argumenti speciei. Neque est quod dicas, ajunt iidem, consensionem posse considerari generaliter & specialiter: quia nulla specialis consensio dari potest realiter distincta ab illâ generali. Sic philosophantur illi. Sed pace illorum dictum velim; inepta est hæc philosophia. Etenim consentaneum argumentum in specie dicitur, quod vi solius consensionis primæ arguit suum thema. Nam etiam orta esse possunt consentanea; sed ibi est consensio orta. Idem de conjuncto argumento statuatur. Suprà igitur definita est consensio generalis, hic specialis.

Argumentum consentaneum est primum, vel secundarium. *Illud vocatur consentaneum absolute, hoc modo quodam.*

Primum est, quod cum themate suo cohaeret principaliter.

Estque causa, & causatum.

Dico causam cum causato coherere principaliter. Dignior enim est & arctior coherentia causæ cum causato, & contrâ, quàm subjecti cum adjuncto, vel contrâ. Illam consensionem non ineptè comparaveris consanguinitatis vinculo, istam affinitatis.

Cap. 4. Causa in genere.

CAUSA est argumentum consentaneum seu conjunctum primum, quod vi causalitatis arguit thema ut causatum.

Causa unde dicta?

Definitum est Latinum, à Græco *καὶ αἰτία*; & ita scribitur simplici S. Hoc modo causa est id, quod urit, hoc est, urget aliquem. Qui cum gemino scribunt, putant causam dici quasi cavissam, à cavendo. Hoc in loco accipitur pro specie argumenti, cujus esse in arguendo causato consistit. Genus notum est ex antegressis. In differentiâ oportet adnotare vocabulum causalitatis. Est autem hæc nihil aliud quàm ratio causandi, quæ ratione distinguitur ab ipsâ causâ. Quando igitur occurrit illa definitio: Causa est, cujus vi causatum est: per vim intelligas oportet non accidens causæ, sed ipsius causæ essentiam. Si namque vis illa esset accidens causæ, omnis causa efficeret per accidens seu medium & instrumentum: quod est contra decreta sapientum, qui statuunt nihil penitus intercedere inter causam & effectum. *Scaliger exercitatione 1. section. 1. & exerc. 307. section. 16.*

Causalitas quid sit?

Causa consideratur in genere & in specie.

In genere considerantur causæ affectiones unitæ & disjunctæ.

Affectiones unitæ sunt prioritas, & influxus ratio.

Prioritas est, quâ causa est prior causato, juxta canonem:

Causa

Causa prior est causato, ordine naturæ, cognitionis, & dignitatis. Causa quomodo prior sit causato?

Evolvamus singula. Causa est prior suo causato naturâ, licet simul esse possint tempore, ita ut eo ipso momento, quo incipit causa agere, incipiat etiam effectus: ut Sol elevatus supra horizontem nostrum, eodem momento secum affert diem. Interim Sol est prior naturâ. Est autem prius naturâ, quod sine aliis esse potest, & sine quo alia esse non possunt: prius tempore est, quod ante aliud duravit, uti V. T. fuit prius novo. Omne itaque prius tempore est etiam prius naturâ, sed non contrâ: ut architectus est prior tempore suâ architectatione; ergo & naturâ. Sed non omne prius naturâ, est etiam prius tempore. Objicis contra hanc prioritatem causæ, 1. quod causa & causatum tanquam relata sint ἀμφοτέρωθεν. 2. quod Pater in sacrosancta Trinitate sit causa Filii, & tamen Filius sit simul cum Patre. Hinc inferis: non omnem causam esse priorem causato. Respond. ad 1. Causa causato suo non est prior ratione essentiae respectivæ, sed ratione entitatis absolutæ & dependentiæ. Ad 2. Pater in divinis non dicitur causa, sed principium Filii; nisi velis dicere causam analogicè consideratam. Quod autem Pater non possit appellari causa Filii, hæc est causa; quia Patris & Filii essentia est una eademque numero; adeo ut Pater sit in Filio, & Filius in Patre; quam Græci Patres dixerunt ἐν ἀλλήλοις ἐμπεριχώρησι, Latini Patres barbarè, in se invicem immanentiam, secundum illud Nazianzeni: ἡ φθάνω τὸ ἐν νοῦν, καὶ τοῖς τοῖς περιλάμπομαι, ἡ φθάνω καὶ τὰ διελεῖν, καὶ εἰς τὸ ἐν ἀναφέρομαι. Interim tamen Pater est prior Filio prioritate originis & personalis enumerationis, ut vocant Theologi; quæ prioritas tota est analogica. Deinde causa est cognitione prior suo causato: quia unde aliquid habet ut sit, inde quoque habet ut cognoscatur. Est autem aliquid prius cognitione distinctâ & intellectuali, vel confusâ & sensuali. Illo modo causa est prior causato; hoc modo causatum prius esse dicitur causâ suâ. Denique causa prior est causato suo dignitate. Quod enim dat, præstantius est eo, quod accipit. *Colleg. Conimbric. 2. Phys. cap. 7. quest. 5. artic. 1. Atqui omnis*

causa confert esse. Nam principia, in quantum talia, non accipiunt, sed dant. *Scalig. exercitat. 12. section. 2.* Intelligenda igitur hîc fuerit præstantia respectu dationis, & ignobilitas respectu acceptionis, non ratione accidentium: hoc est, causa est nobilior effecto, quatenus confert essentiam; effectum est ignobilius ratione dependentiæ: ut calamus præstantior est scripturâ aureâ, non ratione accidentium, quæ effectui inesse vel adesse possunt: sed ratione dependentiæ. Sic pater est filio dignior, licet filius sit doctior, ditior, humanior.

Ratio influxus est, quâ causa concurret ad producendum causatum: aliâs dicitur ratio concurrentis.

Ratio influxus est gemina, vel quoad causas, vel quoad causatum.

Dum enim causa importat influxum ad esse causati, non solum causatum respicit, sed etiam alias causas.

De priori influxu est canon:

Causa sunt sibi invicem causa.

Quomodo
causæ sint
sibi invicem
causæ?

Sic efficiens est causa materiæ, ut Deus: materia est causa formæ ex parte, quatenus illam sustentat: forma ex parte est causa materiæ, quatenus illam determinat, perficit, & in certâ entis specie constituit; finis movet prætergressas tres causas. Singulas enim allicit ad officium & pensum. Est itaque propositus canon de mutuâ causarum operâ intelligendus; quod nimirum altera alteri sit adminiculo in causati productione. Non simpliciter igitur hoc accipias, quasi efficiens sit efficiens materiæ; & materia sit materia efficientis, aut materia sit materia formæ, aut forma sit forma finis; aut finis sit finis formæ: sed mutuum causarum consortium & auxilium intelligas, quo fit ut intra unam activitatis spheram faciant singulæ officium suum. Itaque

Nulla causa producit sola effectum, sed omnium & singularum conventus requiritur.

Sic efficiens non producit effectum expers materiæ, formæ &

ma & finis. Quamvis enim Deus sine materiâ præjacentē condiderit hoc universum, tamen non produxit immateriale. Etiam Angelis sua est materia, scilicet analogica. Facere enim quippiam sine materiâ, est facere somnium sine somno. Entia imbecilliora deponunt etiam quatuor istas causas, ut ambulatio. Si ergo hæc languidiora entia stare non possunt, nisi fulciantur globo omnium causarum velut tibicine aliquo, multò minus stabunt sine tali concursu entia illa graviora.

De posteriori influxu sunt hi canones:

1 Qualis causa, talis effectus.

Ut Deus est bonus, ergo & ipsius creaturæ. Unio duarum naturarum in Christo est realis, non fictitia. Ergo & communicatio idiomatū est realis, non verbalis. Hæc enim illius effectum est. Objicis: At non sequitur: Deus est æternus. Ergo & mundus. Resp. Non statim necessarium est, ut quæ in causam cadunt, etiam cadant in effectum. Deus mundum fecit non æternitate sua, sed bonitate, cujus radius cum creatura communicatus est; illa verò à priori considerata omnino est ἀγενής. Sic architectus est ratione præditus, neque tamen ædificium est tale. Hic committeretur fallacia accidentis, si à ratione architecti ad rationem operis quis vellet argumentari. Nam architectus per se, quatenus est architectus, non est præditus ratione, sed qua homo. Non autem facit domum, qua homo. Valet itaq; hoc axioma. 1. In causis per se: ut, homo generat hominem: non per accidens; ut, homo doctus non generat hominem doctum. 2. In causis univocis, quando causæ sunt ejusdem generis: ut in generatione hominis videre est: non in æquivocis, ut Deus non creavit Deum, sed creaturam. Si quis ergo præfractè hoc axioma limitatum tanquam illimitatum urgere velit, nihil aget. Non enim quidquid prædicatur de causâ, idem necessariò prædicandū est de effecto: quia, ut antè diximus, multa insunt causæ, quæ non insunt effectui; & multa effectui, quæ non insunt causæ: ut pater est cæcus, nec tamen cæcus est filius; filius est doctus, nec tamen pater est doctus; quia utrinque multa insunt per accidens. Deinde observetur vocula *quatenus*. Parens non genuit filium doctorali gradu, vel cæcitate, sed naturæ suæ vi. Alioqui si cæcita-

revel claudicatione filius esset genitus, & ipse cæcus vel claudus foret.

2 *Causa uno eodemq; modo se habens unum eundemq; producit effectum.*

Sic manus eodem modo disposita producit eandem scripturam. At parentes diversâ formâ progenerant liberos: quia causæ illæ procreantes non semper uno eodemq; modo sunt dispositæ; ex quâ variâ dispositione varius effectus. Sol & aër non semper se habent eodē modo. Ergo nec idem semper sequitur effectus. Aliàs sic enunciatur hic canon: *Causa eadem producit idem. Item: Causa eadem in quantum est eadem, non producit nisi idem.*

3 *Nulla causa prædicatur de causato in casu recto.*

Esset enim sic causa genus, & effectum species: id quod ἀντιστοιχεί. Dices itaque, mundus est à Deo, non autem mundus est Deus: vestis est à sartore confecta; non autem, vestis est ipse sartor. Sic non rectè dicis, peccatum originis est natura corrupta; cū sit ipsissima corruptio. *Objicis:* At genus in casu recto dicitur de specie. Et genus est causa, sive habet se per modum causæ ad species suas: Resp. Genus non est simpliciter causa, sed causæ symbolum. Nulla enim causa habet rationem generis respectu causati. Non efficiens est genus effecti, non materia materiati, non forma formati, nec finis finiti. Si quis ergo dicat, genus esse causam; statues locutionem esse vulgarem, rhetoricam, & exotericam; non accuratam, dialecticam & acroamaticam.

4 *Nihil sui ipsius causa est.*

Nam causa dicitur causa respectu causati, non ratione sui ipsius; quia sic foret aliquid se ipso prius & posterius: quod absurdum. Alii sic efferunt hunc canonem: *Nihil est in causâ effectivâ erga se ipsum.*

5 *Ut sine causâ non est effectus, ita nec sine causâ distinctè cognoscitur.*

Hinc illud *παραδειγματικόν*: ^{divulgativum.} Scire est rem per causas cognoscere. Et hæc est cognitio à priori: quæ sola censetur perfecta.

6 *Causa nihil dare potest effectui, quod ipsa non habet formaliter, vel eminenter.*

Sic vinum calefacit: quia est calidum eminenter. At ignis calefacit, quia calidus est formaliter.

Sequuntur affectiones causæ, quæ dicuntur disjunctæ: suntq; generales distinctiones, quæ omnibus in universum causis conveniunt. Tales sunt numero quinque. Nam omnis causa est 1. Potentiâ vel actu causa. 2. Per se, vel per accidens. 3. Universalis, vel particularis. 4. Prima, vel secunda. 5. Propinqua, vel remota.

De primâ distinctione hi sunt canones:

1 *Causæ actu producant effectum actu, & causæ potentiâ producant effectum potentiâ.* *Causa est actu vel potestate.*

In omnibus causarum generibus datur potentia & actus. Rectè igitur diximus, quod omnis causa sit vel potestate, vel actu. Qualis itaque causa, talis erit effectus. Causa actu Græcis dicitur *αἴτιον ἐνεργεία*: sic artifex est actu efficiens causa domus, quam ædificat, vel ædificavit: argentum, ex quo factum est poculum, est causa materialis actu. Causa potestate Græcis dicitur *αἴτιον δυνάμει*: ita Deus est causa resurrectionis universalis, si intelligas potentiam activam. At argentum, ex quo potest fieri poculum, est materia potentialis, scilicet potentiâ passivâ.

2 *Positâ causâ ponitur effectus, & sublatâ tollitur.*

Hoc est, positis causis sufficientibus in actu, effectus ponitur. Ergo non sequitur: habet lupulum & aquam. Ergo & cerevisiam; quia causæ non sunt sufficientes, nec in actu positæ. Nec sequitur: habet par calceorum elegantissimorum. Ergo saltare potest; quia ponitur sola causa instrumentalis. Sic igitur causa ponitur: ita & effectus. Causa autem ponitur vel actu vel potentiâ. Non itaq; si causa ponitur potentiâ, ponitur effectus actu: quia nulla proportio hîc est. Itaque

Causa actu & effectus actu simul sunt: sed causa potestate & effectus actu non sunt simul.

Diximus etiam in canone, quòd sublatâ causâ tollatur effectus. Hoc verum est, si de relatione ipsâ intelligas, non autê de rebus ipsis; hoc est, effectus tollitur, quoad relationem, quæ cessante causâ cessat, non quoad rem. Sic sublatâ relatione tollitur limes, vi relationis; hoc est, limes definit esse limes, sed non definit esse res, seu substantia, putà lapis. Potest & hæc res plenius sic explicari. Verum est posterius hoc canonis membrum: 1. De efficiente movente: ut, cessante ambulante cessat ipsa ambulatio; cessante scribente cessat scriptio, at ipsa scriptura non tollitur; quia hæc non consistit in actione, sed in opere. Hinc dicimus: *actio seu motus essentialiter copulatur cum suâ causâ*. 2. De materiâ & formâ. Alterutrâ enim sublatâ tollitur effectus; quia hæc duæ causæ essentialiter constituunt compositum. Sublatâ hominis animâ, tollitur ipse homo; ut & sublato corpore. Non autem verum est 1. De causa efficiente, cujus effectum in opere consistit. Non enim sublato architecto tollitur ædificiû; nec amoto calamo tollitur scriptura. 2. De omni causâ finali. Sublato enim fine res ipsa manere quandoq; potest. Sic conjugii finis est procreatio sobolis, vel, ut divinus ille Plato ait, ut Deo cultores post nos relinquamus: nec tamen sublato vel negato hoc fine cessat ipsum conjugium. Ratio: quia possunt esse alii fines conjugii.

Causa est
per se, vel
per accidens.

Secundò, Omnis causa est vel per se, vel per accidens.

Non opus est horum terminorum explicatione; quippe quæ in prima Philosophia locum habet. Properemus itaque ad canones.

1 *Causa per accidens est reducenda ad causam per se.*

Nam causa per accidens, est complicata cum aliqua causa per se. Si itaque aqua calefacit per accidens, assignanda erit causa per se calefaciens, qualis est ignis. Hoc fundamento *Franciscus Valesius de seculari Theolog.* adversus Epicureos, statuentes mundum ex fortuito atomorum concursu conflatum esse, probat Deum esse causam mundi per se. Hæc enim est Epicureorum hypothesis, quòd concursus atomorum sit fortuitus. Hinc infert Valesius: Ergò illi atomi vel

mi vel ad creaturam aliquam, vel ad Deum reducendi sunt. Si enim causa per accidens revocari debet ad causam aliquam per se; certe illi atomi quoque hoc modo revocari debent. Febris dicitur causa efficiens temperantiae per accidens. Erit igitur aliqua causa illius per se. Theologi finis per se est, explicare sacram Scripturam, sed per accidens vitam sibi conficere. Sutor per se habet finem sibi propositum, ut suat calceum; sed ut celebret Deum, non per se, sed per accidens intendit, non qua sutor, sed qua homo, vel qua Christianus. Materia muris per se est sperma; sed quisquiliae navales per accidens. Forma quoque alia est per se, alia per accidens: ut avaritiae forma per se est *avicia* illa specialis, per accidens autem est cupiditas auri vel æquivalentis. Sic patet, quod non per se & per accidens sit communis affectio omnium causarum; licet maximè sit evidens in causa efficiente.

2 Causa causa est etiam causa causati.

Hic canon valet in essentialiter subordinatis: ut tritavius est causa aravi, aravius abavi, abavius proavi, proavius avi, avus patris; pater filii. Sed in causis per accidens subordinatis non procedit. Non enim sequitur: Deus est causa hominis: & homo peccati causa. Ergo & Deus peccati causa existit. Cohæret enim Deus cum homine in productione peccati non per se, non essentialiter, sed per accidens. Nam homo consideratus in essentia & bonitate sua est à Deo; & sic non est causa peccati, sed quatenus à Diabolo seducitur, ejusque suggestionibus est audiens. Deus quidem à theologis nonnullis appellatur causa efficiens peccati per accidens: sed tamen non est causa efficiens peccati. Nam illi intelligunt causam efficientem per accidens, sine qua aliquid effici non potest, neque tamen ipsa concurrat efficaciter ad effectum, sed vel subjectivè, vel adjunctivè se habet ad illud: quo sensu lux, cujus irradiatione scribis, dicitur ab iisdem causa scripturæ per accidens. Itaque cum grano salis accipienda est illa theologorum phrasis.

Tertiò, Omnis causa est vel universalis, vel particularis.

Causa est universalis, vel particularis.

Illa quoque generalis, hæc specialis dicitur. Hac de re sunt canones:

1 *Rerum universalium causæ sunt universales, particularium particulares.*

Si in genere quæras, quæ sit causa illuminationis, respondebo corpus lucidum: si, quæ causa hujus illuminationis, in specie respondebo, hoc corpus lucidum. Sic anima rationalis constituit speciem; sed hæc anima rationalis constituit effectum hoc, Petrum, vel Paulum. Aliàs hic canon sic effertur: *Causa limitata producit effectum limitatum*, hoc est, determinatum: ut, homo producit hominem, hic homo hunc hominem. Non ergò valet illud Scoti: Causa constitutiva speciei, non est causa constitutiva individui: quia causa limitata producit effectum limitatum, ut generalis generalem. Sic anima hominis est forma; sed hæc anima hujus hominis forma est.

2 *Effectus denominatur à causâ particulari.*

Sic homo non denominatur à Deo, qui est causa universalis: sed ab homine, qui respectu Dei est causa particularis.

Quartò, Omnis causa est prima, vel secunda.

Hujus loci est ille canon:

In omni causarum genere est aliquod primum, extremum & ultimum.

Aliàs sic effertur hic canon: *In nullo causarum genere datur progressus in infinitum.* Sic Deus est prima efficiens: est quoque prima aliqua materia: est forma prima, scilicet generalissima illa & summa, quæ dicitur entitas sive essentia: est denique finis summus. Sicut autem datur aliquod summum in omni causarum genere; ita & datur ultimum. Nullum enim summum absq; ultimo dari potest. Est ergò verbi gratiâ, in productione hominis causa aliqua extrema seu infima, quæ sub se nullam aliam efficientem habet; est materia ultima; est forma ultima, quæ dicitur individuifica, ut Platonica, Jacobina; est finis ultimus, seu infimus. Interdum tamen id ultimum ponitur pro primo: ut finis ultimus dicitur, qui est summus: barbaris dicitur *finis ultimus*.

Ad extremum omnis causa est vel propinqua, vel remota. Causa est propinqua vel remota.

De hac divisione sunt duo canones notandi.

1 *Posita causâ proximâ in actu, necessario ponitur effectus, & sublata tollitur.*

Sic posita voluntate hominis, tanquam causâ proximâ inebriationis, vel perturbatione spirituum animalium in cerebro, quibus se miscent spiritus illi vini, ponitur ipsa ebrietas: at non posito vino, quod est causa remota, ponitur statim ebrietas. Materia panis propinqua est farina; remota est frumentum. Solent hîc distinguere inter causam propinquam, & proximam. Causa propinqua est, ad quam non illicò sequitur effectus; quia nempe latior est & amplior suo effectu: ut pedes sunt causa itionis. Causa proxima est, quæ immediate attingit effectum, ita ut inter illam & effectum non sit alia media: unde causa ἀμεσος, σωματικὴ, immediata, & coharens, dicitur: ut humana natura est causa risibilitatis. Sic & causam remotam distinguunt à remotissimâ. Remotissima dicitur, quâ non potest dari ulterior: unde & extrema, item prima dicitur, ut Deus est causa hominis. Remota dicitur, quæ minùs distat ab effectu: ut remota marmoreæ statuae materia est lapis, remotissima est terra, proxima est marmor.

causa propinqua

2 *Cujusque rei non nisi una est causa, quæ quaestioni propter quid satisfacit.*

Plures quidem unius rei possunt esse causæ, sed una proxima, & adæquata: ut, si quis eat in forû, videndi amici gratiâ, & aliquis roget, quare eat in forum, ille verò respondeat, quia animam habeo: affert quidem causam, sed remotâ, cum sint propiores, ut pedes, cupiditas videndi amici; quæ est simpliciter proxima, in quâ interrogans acquiescat oportet. Remota illa non satisfacit quaerenti; quia est effectu amplior, adeoque inadæquata. Nihilominus tamen nulla causa remota est, quin possit esse causa proxima alicujus effectus: ut anima est causa remota itionis, ut diximus; sed eadem est causa proxima multorum effectuum.

causa adæquata

Et hæc sunt divisiones generales, quæ cōperunt omni cau-

sz: quas hîc *παχυλως* explicavimus, plenius id facturi infat ad singulas species, si nimirum aliquid singulare veniat adnotandum ad hanc vel illam divisionem. Neq; enim sufficit scire quòd omnis causa sit prima, vel secunda; remota, vel propinqua: sed in specie oportet scire quid sit materia, vel efficiens, vel causa finalis prima, secunda &c.

Cap. 5. Finis.

CAusa in specie est externa, vel interna. *ἡ γενέσεως, hac ἐστίαις αἰτιον dicitur: item illa extrinseca, hac intrinseca appellatur.*

Divisiocausa in externam & internam probatur.

Numerus causarum.

Ordo causarum.

Hanc dichotomiam omnibus numeris absolutam effec-
tendimus. Etenim causa vel extra essentiam causati manet, vel illam ingreditur. Specifica igitur differentia in hac divisione dominatur. Hîc duo quæruntur: 1. De numero, 2. De ordine causarum. Resp. ad 1. Quinq; sunt causarum generis, efficiens, exemplaris, materia & forma. Tot enim sunt causarum genera, quot sunt quæstionum summa genera. At sunt quinq; summa quæstionum genera: cujus gratiâ res sit, seu propter quid; unde sit; secundum quod sit; ex quâ res sit, quid sit, seu per quid sit. Ergo & totidem sunt causarum genera. Aristoteles prætermisit exemplarem, quæ est quasi modulus seu formula, quam in agendo exprimit artifex; quam Plato, Philosophorum ille deus, necessariam esse animadvertit, ut causa efficiens hoc potius, quàm illud exprimat, quâ de re vide *Metaph. nost. l. i. c. 27*. Sed quia in plerisque systematis Logicis video illam prætermitti, illam considerabimus tanquam instrumentum efficientis, & deinceps in recensendis causis paradigmaticam illam omitemus, contenti quaternario causarum numero. Stoici tres duntaxat agnoscebant causas, Deum, materiâ, formâ. Alii duas solum, efficientem & materiâ. Vide *Franc. Pic. Mir. de exam. vanit. gent. c. 10. Sen. epist. 63. & 65*. videtur unam statuere generalissimâ & veram causam, Deum. Nam materiam & formâ dicit partes rei, & finem ait esse supervenientem causæ, non causam. Alii aliter hâc de re sentiunt, sed nos quaternarium defendimus, quæ revocavimus ad dichotomiâ. Resp. ad 2. Causa externa est prior internâ: quia illa ante hanc exercet suum causandi actum.

actum. Est igitur ordo productionis talis: Finis, efficiēs, materia, forma. Sed præter ordinem productionis occurrit etiam ordo dignitatis & originis in causis. Ordo dignitatis hic est: Finis, efficiens, forma, materia. Ordo originis siue existētiæ sic habet: Materia, efficiens, forma, finis. Alii sic philosophantur de ordine causarum. Si causæ considerentur absolute extra concursum ad effectus productionē, forma principem obtinet locum. Est enim simplicissima causarū & generalissima. Nam efficiens, materia & finis habēt formas suas; cūm nihil sit sine formā, excepto Deo. At si causæ considerentur relatē in concursu ad effectus productionem, tum considerantur vel Theologicē, in classe creationis, ubi finis & efficiens sunt res una, videl. Deus, materia sequitur, ex quāeductæ, vel in quam inductæ variæ formæ, & ad certos fines destinatæ, ita ut hic ordo sit *κυκλοειδής*, incipiens à fine, & in fine definens: vel Physicē in classe generationis, ubi hic ordo, finis, materia, efficiens, forma. Nam hic efficiens præsupponit materiam, tanquam causam in potentiā, vel tanquam subjectum generationis. Sunt quib. hæc sententia probatur. Forma est prior ratione quidditatis: materia præcedit ratione stabilitatis & vetustatis; quia & stabilior est, & antiquior causā efficiente in rebus naturalibus: finis ratione motionis metaphysicæ seu tralatitiæ: efficiens, ratione motus veri seu physici. Petrus Ramus hoc ordine recenset causas; efficiēs & materia, forma & finis: quam divisionem defendit Scribonius, & dicit, causam efficientem & materiam esse principia *πρὸ ἔργου*, ante effectum: formam & finem esse *ἄνω ἰσὺ ἔργου*, seu *σὺν ἔργου*, simul cum effectu. Sed falsa est hypothesis, quod non omnis causa sit simul cum effectu. Contraria hypothesis est vera. Nam omnis causa, si relationem spectes, est simul naturā cum effectu. Eamus per exempla: materia in actu simul est cum materiato, forma cum formato, finis cum finito, efficiens cum effectu: ut farina cum pane, anima rationalis cum homine, cum studiis piorū gloria Dei, cum statuā statuarius. Nos retinemus ordinē productionis, & fini damus primas; tum quia finis ante oēs alias causas actum causandi exercet, quatenus sui amore efficientem allicit, ut agat in materiā; tum quia Deus, natura, & ars hunc ordinem observant in agendo. Nam finis desiderio efficiens

excitatur, ut ex materiâ per formam producat causatum. Quod verò dicit Aristoteles in *Metaphysicis*; sicut enim efficiens est principium unde motus est: sic finis causa est, in quâ omnis motus definit & cessat: id, inquam, non accipi debet de fine intentionis, qui verè causa est, unde causarum causa dicitur: sed de fine executionis, quem accensermus classi effectorum.

Causa externa est, quæ extra causati essentiâ est. Estque vel finis, vel efficiens.

Finis est causa, cujus gratiâ finitum est: *Vel, Finis est argumentum, quod vi relationis suæ arguit finitum tanquam thema. Sic definiendus erat finis, & prior definitio relinquenda primo philosopho. Sed quia pauci attingunt τὰ ἀπὸ ταῦ τῆς φιλοσοφίας, oportet definitionem metaphysicæ in agrum Logicum inferre, sed alio considerationis modo.*

Vocabulum
finis sumi-
tur tribus
modis.

Vox finis sumitur tribus modis. Largè pro quocunque extremo: quo sensu mortem dicimus finem vitæ. Hinc *Aristot. 2. Phys. tex. 29.* ait, non omne ultimum seu extremum est finis, sed id solum, quod optimum est. Hic finis aliàs dicitur finis privationis; quò etiam pertinet finis terminationis, uti limes est finis agri. Deinde strictè accipitur pro causâ finali, cujus gratia res est: ut celebratio seu gloria Dei est finis vitæ. Hic dicitur *finis intentionis*. Tertiò strictissime accipitur pro *finis perfectionis*, ipsâ nimirum fruitione, usu, possessione, & adeptione rei. *Fonsec. 7. Dial. c. 22.* Ita domus habitatio est illius finis. Sunt qui distinguunt inter finem & causam finalem. Et hi abeunt in tres diversas opiniones, quas vide apud *Keckerm. lib. 1. syst. Logic. c. 18.* Si quoddâ discrimine agnosci debeat. Putamus Zabarellæ sententiâ *c. 10. de meli demonstr.* esse veritati consentaneâ: quòd finis sit primarii agentis, sed causa finalis agentium secundariorum: ut ambulationis causa finalis est valetudo; sed eadè est finis hominis tanquam primarii agentis. Alii inter finem & scopum distinguunt. Illum dicunt, quem causa efficiens proximè intendit, illum, quem remotè præstituit: ut *Logicæ finem* dicunt esse bene disserere; sed scopum illius ajunt esse adeptionem veritatis.

Finis

Finis alius est per se, alius per accidens.

Finis per se est, ad quem efficiens ordinat media suâ naturâ.

Estque vel cuius, vel cui.

Finis cuius est, quem efficiens intendit assequi:

Græcis τέλος & ; scilicet ἐνεκα.

De hoc fine sunt sequentes canones.

1 Finis est omnium causarum prima:

Scilicet ratione intentionis, & motionis metaphoricæ. Nam ratione executionis, seu generationis finis est ultimus. Hinc Thomas: *Finis est primus in intentione, & ultimus in executione.* Et reliqui Scholastici: *Omnis intellectus operativus, a-junt, incipit à fine.* Et Arist. 1. Metaph. cap. 2. *Finis est principium operationum.*

2 Finis exercet triplicem causalitatem respectu scilicet compositi, agentis, & mediorum.

Respectu cōpositi causalitas finis dicitur τὸ ἐνεκα. Causalitas respectu agentis consistit in motione metaphoricâ seu metaphysicâ. Causalitas finis respectu mediorum consistit in determinatione mediorum.

3 Finis movet efficientem ad agendum.

Omne agens, ait Philosophus 1. Eth. c. 1. agit propter certū finem. Sunt autē res, quæ agunt propter finē in triplici classē. Nam quædā ita agunt, ut cognoscant finem, ut Deus, angelus, homo. Quædam percipiunt finem sub ratione boni, idq; motu phantasiæ, sed non intelligunt finē, ut bruta: sic equus moveretur ex siti ad aquam obtinendam. Quædā feruntur ad finem, quem nec intelligunt, nec percipiunt, ut omnia inanimata, quæ à Deo tanquam principio externo diriguntur ad finem. Ergo omne agens intrinsecus finē, vel consilio, vel instinctu naturali, vel ordinatione & directione Dei. Alii sic disputant hâc de re. Motus metaphoricus, qui fini tribuitur, est motus amoris & desiderii. Finis enim bonus est, vel κατὰ ἀλήθειαν, vel κατὰ δόξαν; ideoq; appetibilis. Bonū enim est, quod omnia appetunt. Appetitus ille est vel innatus, vel elicitus. Appetitus innatus competit etiā inanimatis. Elicitus est vel sensitivus, vel intellectivus. Hinc illud axioma: Deus nihil

Rerū agentium propter finem tres sunt classes.

Appetitus est duplex.

facit frustra. Hoc siquidē est insipientiæ & temeritatis. Obi-
cis, homo ab ortu cæcus est, in quo facultas visiva frustra est:
sic in muto est frustra loquendi facultas; quia non deducitur
in actum. Resp. 1. Visiva illa facultas non est frustra respectu
Dei, licet videatur frustra nostri respectu. Sic nec peccata, nec
monstra, ἀμαρτήματα naturæ, sunt frustra. Nam Deus nihil
agit per accidens, nihil fortuito. 2. Zabarella dicit, in naturā
esse vel fieri aliquid frustra, si spectes causas particulares, quæ
possunt impediri: at non respectu causarum universalium.

4 *Finis per se & suā naturā est bonus, & boni.*

Vulgò dicunt, *finis & bonum convertuntur*. Sed hoc verū
est de summo bono, & summo fine, quæ inter se convertun-
tur & reciprocantur. De fine in genere non est accipiendum
illud axioma. Nam licet omnis finis sit bonus, non tamen o-
mne bonū est finis. Ratio: quia etiā media dicuntur esse bo-
na. Nam actio bona non solum requirit intentionem bonā,
sed etiam bonitatem mediorum, quod notetur contra Pon-
tificios bonam intentionem ad ravim usq; crepantes, & tan-
quā Gorgonis caput nobis objiciētes. Cæterum finis omnis
est bonus vel ὄντως, vel φαινομένως. Sic qui furatur, hunc sibi
proponit finem, res suas ut amplificet: qui finis est bonus ali-
cui, seu juxta opinionē illius, qui furatur. Hinc Philosophus:
τέλος ἐστὶ τὸ κατὰ τὴν εἰσὶν ἐκείνου ἀγαθόν, *finis est bonum secun-
dum cuiusq; naturam*. Malum itaque formaliter sumtum
non habet finem, ut neque causam efficientem. Sed utram-
que habet fundamentaliter sumtum. Interim finis apparen-
ter bonus per se est malus: licet non sit malus in quantum
finis. Hinc illud vulgatum: *Tales sunt res, quales illarum fi-
nes*. Si finis sit bonus, res censentur bonæ. Et hinc est, quod
fines discriminant actiones. At hoc pugnare videtur cum
canone. Respond. 1. Finis bonus in speciem, est malus re-
vera. 2. Media ordinantur ad finem vel per se, vel per acci-
dens. Per se ad finem ordinantur illa media, sine quibus fi-
nis obtineri nequit: ut est virtus respectu beatitudinis. Per
accidens ad finem ordinantur illa media, sine quibus finis
comparari potest. Non igitur sequitur: Sanitas est bona.
Ergo & inebriatio. Neque hoc sequitur: Inebriatio est ma-
la. Ergo & sanitas. Nam inebriatio est medium sanitatis
per accidens. Contrā valet: Eruditio est bona. Ergo & ipsa
litera.

litera. Objicis: Suspendio furis est bona, neque tamen furtum bonum est. Respond. Suspendio illa non est finis, neque furtum est medium respectu suspensionis, sed est causa impulsiva.

5 *Finis dat mediis mensuram.*

Hæc est illa causalitas, quam diximus finem exercere respectu mediorum, quod nimirum illa determinat. Aliàs sic effertur hic canon: *Media accipiunt ordinem, amabilitatem & mensuram à fine.* Sic verbi gratiâ, sanitas remediis conciliat certam *δόσιν* & modum. Itaque medicus fine diligenter inspecto sua remedia mensurat, ut ne peccent in excessu vel defectu. Remedia quoque utut amara, amabilia evadunt decumbenti, si finem cogitet. Itaque

1 *Finis reliquarum causarum est mensura.*

Nam efficiens cæco impetu feretur, nisi fine tanquam fræno cohibeatur, vel tanquam normâ dirigatur.

2 *Finibus distinguuntur disciplina.*

Hoc est præclarum *πρόσσμα*, quod fuit è quinto canone. Si enim finis conciliat mediis ordinem, amabilitatem & mensuram: profectò idem ostēdet, quid in quaq; disciplinâ fieri propriū, quid alienum. Ex hoc igitur confectario judiciū fieri potest de præceptis domesticis & peregrinis in qualibet disciplinâ. e.g. Logicæ finis est, tradere modum bene disserēdi. Ex hoc fine judicātur omnia & singula præcepta, Sintne legitima an spuria. Nam *omnium & singulorum præceptorum particulares fines conspirabunt ad finem totius, sicut in homine fines particulares singulorum membrorum conspirant ad finem totalem, & ut in circulo omnes lineæ conveniunt in centro.* Nihilominus tamen verum est, quod finis partium non sit finis totius, & contrâ finis totius non sit finis partium. Sic finis oculi est videre, sed hominis, Deum celebrare. Et tamen iste finis particularis conducit ad finem totalem, eumque pro mensurâ agnoscit. Idem cogita de fine totali disciplinæ, & particulari cujusque præcepti. Hinc refutantur illi, qui syllogismum faciunt finem universæ Logicæ: cum iste sit finis partialis. Manet ergò, quod diximus, finem constituere differentiam in disciplinis. Cete-

Syllogismus non est finis Logicæ universalis.

rū desumptus est canon ex 2. de calo. t. 74. ubi philosoph⁹ ait
Quod determinatur, est medium; quod determinat, est finis.

6 *Finis ad rem, cujus est causa, essentialem habet respectum.*

Essentiale
tribus mo-
dis dicitur.

Zabarella de motu ignis. cap. 9. Sed huic obstare videtur, quòd finis sit extra rem æquè atque causa efficiens. Resp. Nilominus ambæ illæ causæ habent essentialem respectum ad rem illam, cujus sunt causæ. Finis dicitur essentialis respectu perfectionis: efficiens respectu productionis: materia & forma respectu constitutionis. Notes igitur, essentialis dici tribus modis. 1. Est essentialis constituens rem, ut materia & forma. 2. Est essentialis rem constitutam immediate sequens, ut umbra corpus; sic propria dicuntur essentialia. 3. Est essentialis, quod essentialem respectum habet ad suum correlatum. Hoc modo finis & efficiens dicuntur causæ essentielles. Itaque

1 *Finis potest ingredi quandoq; essendi rationem.*

Tum nimirum, quando cum formâ coincidit, seu vicem formæ sustinet. *Scal. ex. 307. f. 27.* intellige essentiam respectivam, non absolutam. *Zabar. 3. de meth. c. 28.* Hic finis dicitur formalis, & forma finalis à quibusdam. Hoc autem fit, cum finis definitionem ingreditur, & pro ipsâ formâ capitur, quæ nobis est obscurissima. Fit, inquam, hoc in institutis divinis & humanis, quorum definitio dari non potest sine fine: ut sunt scriptura sacra, Sacramentum, testamentum, limes &c.

2 *Finis est rei, cujus est, perfectio.*

Perfectio
est duplex.

Perfectio est duplex, essentialis, quæ formæ adscribitur, & accidentalis, quæ fini, & aliis etiam accidentibus. Perficit ergo finis non essentialiter, sed accidentaliter. Hæc non pugnant cum canone sexto, neque cum consecratorio antegresso. Nam finis dicitur 1. habere respectum essentialem tertio modo, non primo: qui modus si conferatur cum primo, videri possit accidentalis 2. ingredi rationem essendi *ἡμῶν*: quatenus nos non possumus formâ à fine distinguere, quæ est nostra *αἰνῶς ἡ ψυχή*. Cæterū perfectio, quæ à fine est, si in actione consistat, in eo residet, cujus est actio: si in passione, ab eo transit in illud, cujus est passio. v. g. si finis itineris mei sit, videre familiā, visio activa me perficit: si verò finis

itineris

itineris sit, ut familia à me videatur, visio passiva recipitur in familiam, eamque perficit. Ita finis hominis pii consistit potius in celebratione Dei activâ, quàm passivâ, hoc est, finis ejus est, ut celebret Deum, non proprie ut Deus celebretur. Si enim hic esset *κυριολεκτως* finis hominis pii, ut Deus celebraretur, finis perfectio transiret in Deum. Est ergo *λογικώτερον*, si dicamus, finem hominis pii esse, ut Deum celebret. Sic enim significamus perfectionem finis transire in hominem. Itaque cauto opus est, ne finem temerè statuamus in actione, vel passione.

7 Finis, quâ finis, prior est & nobilior mediis seu destinationis ad finem.

Hoc argumento Christus disputat apud *Marcum c.2. v.27.* sabbathum esse institutum propter hominem, ideoque hominem esse sabbatho præstantiorem. Sic *1. Cor. 11.* mulier dicitur esse propter virum, unde præstantia viri colligitur. Objicis, angelos esse propter electum hominẽ, *Heb. 1.* & tamen hunc illis non esse præstantiorẽ. Resp. In angelis considerare oportet essentiam & officium. Ratione essentia sunt nobiliores, non autem ratione officii. Sic poculum aureum est præstantius vino, vel vini adservatione, quâ res est; sed non quâ est medium seu destinatum ad vini adservationem.

8 Finis non cadit in deliberationem.

Ratio: quia finis est bonus. Nemo autem deliberat, num sibi velit bene esse. Media verò, quæ sunt ante finem, quantumvis bona, cadunt sub deliberationem. Aut enim non satis liquet illorum bonitas, aut dubitatur utrius medii bonitas sit major: exempli gratiâ, finis belli est victoria, de qua nunquam fit consultatio, an sit quærenda: sed de mediis ultro citroque suscipitur deliberatio. Ita medicus non consultat de fine, neque studiosus de eruditione: sed uterque habet delectum mediorum.

9 Posito fine, ponuntur omnia media ad finem; & sublato fine tolluntur media.

Alii sic enuntiant hunc canonem: *Cessante fine cessat & id, quod propter finem fuit institutum.* Item: *Si finis est, destinatum erit, seu media ad finem.* Hic quæritur, quomodo media tollantur sublato fine? Resp. Non quoad rem, sed quoad relationem. Itaque

Qui destinat ad finem, destinat ad media.

Appetitus
distinctio
duplex.

Seu, qui vult finem, vult media: Item, qui vult consequens, idem vult antecedens: ut, vult conjugium florens, quia vult sobolem. Sic quos Deus destinavit ad finem hunc, vitam videlicet æternam, eosdem destinavit ad fidem & bona opera. Si parens filium destinavit ad capeffendum eruditionem, etiam debet destinare ad media. Et vice versâ: qui vult media, vult finem: ut, mercator vult navigationem. Ergo & lucrum. Et qui non vult finem, idem nec vult media: & qui non vult media, idem neque vult finem. Interim hîc distinguas inter appetitum ordinatum & confusum; item inter appetitum per se & per accidens, ut Sophistæ nexum declines. Nec enim procedit: studiosus ille vult eruditionem, neque tamen vult diligenter incumbere literis. Ergo non omnis qui vult finem, idem quoque vult media. Ille enim appetitus est confusus, quo studiosus finem vult consequi, præteritis mediis. Sic finis peccati ex parte Dei est illustratio gloriæ divinæ; ne tamen valet canon: qui vult finem, vult media. Deus enim non vult seu non appetit peccatum, non destinat ad illud per se, sed per accidens; ut infra pluribus dicemus. Observa π per accidens construendum esse cum peccato, non cum voce *destinat*. Nam Deus est causa agens consilio. Ergo per se.

10 Propter quod unumquodq, tale est, id magis tale est.

Hic canon indiget duplici limitatione. Verus scilicet est, si
1. affectio illa, secundum quam res duæ conferuntur, utrique insit. 2. & attributio ista recipiat magis & minus, h. e. admit-
tat intensiorem & remissionem. Sed lubet ire per exempla. Pater amat præceptorem propter filium. Ergo filium magis amat. Valet argumentum: 1. Q. ista amatio convenire potest & filio & præceptori. 2. Q. ista amatio recipit intensiorem & remissionem. Alii sic proferunt hunc canonem: Qui appetit media, multò magis appetit finem. Nam finis est amabilior & appetibilior mediis. Quæris, cur non sit consequens: Filius est homo propter parentes. Ergo parentes sunt magis homines? Resp. quia attributio illa, hominem esse, non recipit magis & minus. Substantia enim non recipit $\mu\epsilon\lambda\lambda\omicron\nu\kappa\epsilon\iota\tau\iota\varsigma$. Quæris porro, cur non valeat hæc argumentatio: Deus approbat pœnam propter peccatum, Ergo mul-

ergo multò magis peccatum. Resp. Quia pœna & peccatum se non habent ut mediū & finis. Est enim fallacia homonymiæ in voce *propter*. Sic nec hoc valet: Homo est ebrius propter vinum, E. vinum magis est ebrium. Nam ebrius & vinum se non habent ut medium & finis. Scotus quidem pronunciat hoc axioma valere in omni causarum genere: sed falsus est. Valet enim præcipuè in causâ finali: & interdum etiam in causâ efficiente: quippe credimus conclusioni propter præmissas. Ergo præmissis magis credimus.

II Unius rei non est nisi unus finis.

Scil. adæquatus, internus, ultimus, totalis, principalis, & per se. Intellige igitur canonem de eodem genere finium. Alioquin in diversis finium generibus potest res habere plures fines, ut finem cui & cuius, formalem & objectivum, principalem & accessorium, per se & per accidens. Et potest res habere multos fines particulares: quia multi fines particulares ad unum communem rediguntur. Sic jurisprudentia præscribit leges, ut honestè vivatur, nemo lædatur, suum cuique tribuatur, qui sunt fines particulares, & continentur ab uno, qui est beatitudo politica. Possunt ergo multi unius rei fines esse, sed gradibus differentes, ita ut unus sit summus vel principalis, reliqui intermedii seu subordinati, vel etiam coordinati.

Finis cuius, est primò internus, vel externus.

Finis internus est, qui in re, cuius est finis, continetur:

Ut artis architectonicæ finis internus est ipsa domus. Hunc finem efficiens expetit propter externum: ut, discimus literas, ut doctrinam adsequamur, doctrinam adsequi cupimus, ut honorem, opes, & similia consequamur. Sic syllogismus est finis partialis internus Logicæ. At syllogismus expetimus, ut eo ceu instrumento veritatem investigemus. Veritas igitur est Logicæ finis externus.

Finis externus est, qui est extra rem, cuius finis est:

Sic artis ædificatoriæ finis externus est habitatio domus:

Finis quo-
modo fit in-
ternus &
externus.

hominis finis externus est Deus. Hic oritur dubium, quâ nimirum ratione finis dividatur in externum & internum, cum suprà non semel dixerimus, finem esse causam externam. Hoc dubium oritur ex ignoratione homonymiæ, quæ est in vocabulis *externus* & *internus*. Nam finis internus sic dicitur, non quòd essentiam finiti ingrediatur, sed quòd ab essentiâ finiti proficiscatur, seu quòd intra facultatem causæ efficientis sit positus.

De hac divisione sunt canones.

1 In fine interno desinit operatio rei.

Sic artis architectonicæ finis internus est domus, quam cum absolvit architectus, acquiescit.

*2 Finem externum causa efficiens non semper au-
sequitur.*

Respicit quidem etiam hunc in operatione suâ: sed quia est extra rem vel artem, non semper eum consequi potest: ut architecti finis externus, quem in ædificii extruptione respicit, est habitatio domus, quam sæpissimè non adsequitur.

Secundò finis cujus, est totalis, vel partialis.

Totalis est, qui toti finito adæquatus est: unde
& adæquatus dicitur.

Nam cum re totâ, cujus finis est, reciprocatur: ut Rhetoricæ finis totalis seu adæquatus est tradere modum ornatè dicendi.

Partialis est, qui toti finito est inadæquatus: unde
etiam inadæquatus dicitur.

Nam cum totâ re, cujus finis est, non reciprocatur: ut cum dico finem Rhetorices esse tradere modum pronuntiandi ornatè. Hic enim finis est partis duntaxat, non totius.

De hac divisione est canon:

Finis partium non est finis totius; ad totius tamen finem collineat. Itaque

Finis partis non tollit finem totius, & contrà: seu, finis proprius non tollit communem, & contrà. Sic finis pedis proprius, itio, non tollit finem communem totius hominis pii, qui est gloria Dei & salus ipsius hominis pii.

Ter-

Tertiò finis cujus, est principalis, vel minùs principalis.

Principalis est, cujus gratiâ finitum primariò est.

Estque ultimus, vel intermedius.

Ultimus est, ad quem reliqui fines ordinantur.

Itaq³ ex fine ultimo aestimantur secundarii.

Estque vel simpliciter, vel secundùm quid ultimus.

Finis simpliciter ultimus est, in quo omnes res acquiescunt. Dicitur etiam finis summus, universalis, perfectus, simpliciter architectonicus, primus, extremus omnium.

De hoc fine sunt hi canones.

1 Finis summus est necessarius.

Necessitas est duplex, immutabilitatis & coactionis. Iam **Necessitas** ori modo finis summus dicitur necessarius. Nam fieri ne- **duplex.** quit, ut id, cujus gratiâ fiunt omnia, in infinitum progrediat: ut est 2. *Metaph. cap. 2.*

2 Finis summus nonnisi unus est.

Aliàs esset contradictio, si essent plures summi fines. Sicut enim duo infinita sunt *ἀσπείγητοι*: sic & duo simpliciter summa. Id enim quod simpliciter summum est, infinitum censetur. Et si essent multi summi fines, quidam ex illis essent frustra. Itaque

Finis summus non habet alium sibi æqualem, vel superiorem.

3 Finis summus est optimus & perfectissimus.

Ratio: quia finis suâ naturâ est bonus. Ergò finis summus summè bonus est. Jam quod summè bonum est, id perfectissimum est. Nam perfectio commensuratur bonitati. Ergò quod in gradu excellenti bonum, idem in gradu excellenti perfectum. Itaque

1 Finis summus est summè movens.

Ratio: quia bonum omne est appetibile. Ergò quod summè bonum, idem summè erit appetibile.

II. Omnes fines intermedii accipiunt perfectionem à summo.

Nam omne dependens accipit ab eo, quod est independentes; non contrà.

III. Finis summus maximè perficit tam agentem, quàm actionem.

Ratio: quia finis ille est *κέρως ἀμελθείας*. Hinc patet, *veram* virtutem non esse, quæ non accipit perfectionem à summo fine, qui est gloria Dei.

IV. Omnis finis extra summum, est indigentia & imperfectionis.

Omne siquidem secundum indiget primi, omne finitum infiniti.

V. Ex fine ultimo astimantur secundarii.

Nam omne imperfectum reducitur ad perfectum tantquam mensuram. Si longius à perfecto distet, imperfectius censetur; si proximius sit perfecto, perfectius habetur: ut Angelus perfectior est homine, quia proximior est Deo, fontem perfectionis perenni.

Hæc sunt quinque porismata canonis tertii, jam sequitur canon quartus de summo fine.

4 Summus finis & summa causa efficiens sunt res una:

Videl. Deus gloriosus in secula. Primus sive summus finis est, ait *Olevianus lib. 1. Dial. cap. 5.* quem efficiens primum & propter se ipsum expetit. Prima causa agit propter semet ipsam, hoc est, ad suam ipsius gloriam. Salomon *Proverb. 16.* ait: Omnia condidit Deus propter semetipsum, hoc est, ad suam gloriam. Hic finis ut in mente divinâ primus fuit, antequam rebus omnibus essentiam daret: ita etiam vult in causis secundis primum esse. Ideò Christus, æterna illa Patris sapientia primam hanc petitionem ponit in divinissimâ illâ, quam nos docuit, oratione: *Sanctificetur nomen tuum*: quia vult primos motus cordis nostri ad glorificandum ipsius nomen ferri, sepositâ consideratione nostrâ

nostræ utilitatîs. Quapropter ad hunc finem, gloriam nempe Dei, omnes omninò totius univèrsi res tendunt. Hinc Paulus 1. Cor. 10. *Serve edatis, serve bibatis, omnia ad Dei gloriam facite.* q. d. hic finis semper esto finis.

§ *Finis summus est reipsâ unus, modo tantum geminus.*

Suprà disputavimus, finem summum esse unum duntaxat. Nam quia finis summus semper debet esse finis, & nunquam medium, necessum est ut sit unus. Si enim duo essent summi, aut unus ad alterum referretur; aut intermedii ad alterum referrentur omnes, ad alterum non; aut quidam intermedii ad hunc, quidam ad illum referrentur: quæ singula pugnant cum naturâ finis summi. Manet igitur, finem summum re esse unum, sive essentiâ & definitione. Modalis autem distinctio nihil derogat huic unitati. Rectè igitur schola docet, summum finem esse vel objectivum, vel formalem. Objectivus est res ipsa, quæ possidetur; formalis est actio, quæ res possidetur. Illo modo summus hominis electi finis est gloria Dei, quæ manet extra hominē: hoc modo summus hominis electi finis est visio Dei beatifica, quæ in hac vitâ est inchoata (hic n. est status viæ) in alterâ (hic erit status patriæ) erit consummata. Visio illa Dei tanquam semper-patris & patroni nō est theórica, sed practica: quia hujusmodi contemplatio perficit intellectum hominis practicum. Sic ergò statuamus, quòd summū hominis electi bonū sit vel objectivum, Deus, seu gloria Dei: vel formale, contemplatio Dei, quæ sit perfectio intellectus practici. Hoc etiâ vidit philosophus, quando 10. *Eth. c. 7. 8.* & 11. *Met. c. 7.* scripsit, contemplationem, quæ est hominis finis & felicitas, tum demū esse perfectam, cum versatur circa ens præstantissimum, Deū videl. qui non sine causâ à quibusdā vocatur *primū cognitum*.

Finis ultimus secundum quid est, qui in certo rerum ordine est ultimus:

Ut perfectio hominis est finis extremus omnium disciplinarum, victoria & pax est finis ultimus belli: sic beatitudo in Ethicis. De hoc fine est canon:

Finis hic est adequatus & reciprocus cum eo, cujus est finis. Itaque

Summus finis quomodo admittat distributionem.

Hic finis in accidentium definitione sumitur.

Finis intermedius est, qui ad ultimum refertur.

Aliàs subordinatus & subalternus dicitur. Sic militis finis est strenuè pugnare; medici præscribere quæ ad sanitatem faciant. Hic finis sæpè vocatur *officium causæ & efficientis*.

Estq; vel opus, vel operis fruitio.

Hâc divisione utitur philosophus 1. *Ethic.* ab initio, ubi distinguit fines in ἐνεργείας & in ἔργα.

Opus est res facta à naturâ vel artifice:

Quæ Græcis dicitur ἀποτέλεσμα: ita calceus est finis factoris, domus ædificantis.

Operis fruitio est ipsa usurpatio: quæ propriè loquendo est effectus causæ finalis: aliàs dicitur operis finitio:

Ut, hominis pii finis hoc modo est celebratio nominis divini, calcei finis est munitio pedis. Hic finis consistit in ipsâ operatione, ut hominis pii finis est contemplatio Dei vel in quiete & cessatione ab operatione, ut videre est in corporibus gravibus in loco suo quiescentibus.

Finis minus principalis sequitur, qui ad finitum secundariò refertur.

Scholasticis dicitur *finis operantis*, quia non tam ex naturâ rei, quàm ex destinatione operantis intenditur, hoc est, illâ utentis & indigentis; item dicitur *usus rei*, cum contrâ finis principalis dicatur *finis operis*, & ἀπὸ τῶς finis. Sic finis principalis Eucharistiæ est recordatio Christi: minus principales sunt varii, exercitium poenitentia, distinctio ecclesiæ profanis, item ut sit vinculum charitatis. Hi enim fines non sunt tam cœnæ, quàm cœnâ utentium.

De hoc fine est canon:

***Finis principalis non tollit accessorium.* Itaq;**

A positione finis principalis ad remotionem finium minus principalium non valet consequentia.

Tantum de fine cujus: nunc de fine cui, qui est id, cui finis cujus intenditur:

Græcis τέλος ὁ. Hic finis est secundariò dictus, sicut finis cujus primariò ita dicitur.

Finis cui est, vel imperfectionis, vel perfectionis.

Finis imperfectionis est, qui eget destinatis, iisque perficitur: unde & finis indigentiae dicitur.

Ita finis cui sanitatis est agrotus; cœnæ dominicæ homo fidelis; Logicæ intellectus humanus; rerum naturalium homo.

Ejus canon est:

Finis cui, debet esse capax finis & ex destinatione efficiens, & naturâ suâ.

Sic reprobi non sunt finis cui passionis Christi; quia his nec à principali efficiente ea destinatur, nec ipsi sunt ejus capaces. Electi autem sunt ejus capaces & ex destinatione Dei, & ex naturâ regeneratâ, quatenus per Christum fide donantur.

Finis cui perfectionis est, à quo efficiens recipit perfectionem: vocatur Scholasticis finis assimilationis.

Sic omnia dicuntur condita propter Deum, cui omnia cupiunt assimilari, & ab eo perfici. Sicut igitur finis indigentiae eget destinatis: ita fine perfectionis indigent destinata.

Haecenus de fine per se: sequitur finis per accidens, ad quæ media præter naturâ suâ ordinantur.

Alio nomine dicitur *finis accidentarius & eventualis, confusus & indeterminatus*. Ita finis peccati dicitur manifestatio gloriæ divinæ; finis hæresium illustratio veritatis. Hunc finem, qui est per accidens, intendit causa efficiens & quidem per se; sed media mala non per se vult, sed per accidens, h. e. quatenus media illa mala, per accidens fiunt bona. v. g. Deus per se vult suam gloriam, plenâ lubentiâ: sed peccatum non vult per se, quatenus est peccatum simpliciter; sed per accidens sive secundum quid, quatenus peccato accedit, ut sit medium faciens ad manifestationem gloriæ Dei. Hoc probè notetur, ne quis putet Deum aliquid velle per accidens. Non ita. Nam quando dicimus, Deum destinare ad peccatum per accidens, non per accidens non debet referri ad Deum, ejusque destinationem, sed ad peccatum; ita ut in hoc sermone, Deus vult peccatum per accidens, sit elli-

Quomodo
Deus velit
peccatum.

psis vocis *consideratum*: quatenus scil. peccato hoc accidit ex directione Dei, ut sit tale medium. Itaq; Deus vult peccatum tanquam medium bonum, per se; sed quâ peccatum, nō vult per se, nisi quatenus ex accidenti ipsius gloriam illustrat quemadmodum medicus in theriacâ probat venenum, non per se, h. e. quatenus venenum, sed per accidens, h. e. quatenus veneno accidit, ut sit alexipharmacum.

Cap. 6. *Causa efficiens.*

CAUSA efficiens est causa externa, à quâ effectum est.

De hac in genere notentur hi canones.

1 *Efficiens est extra essentiam effecti.*

Causa efficiens num
possit esse
interna?

Licet videri possit superfluum & otiosus hic canon, ut qui colligi possit è divisione causæ in externam & internam: non tamen est, ut patebit ex illius declaratione. Dicitur itaq; causa efficiens externa, ratione effectus, seu essentia illius: licet possit esse interna ratione subjecti, seu loci, cum videt. efficiens & effectum sunt uno in loco: ut anima & facultas ratiocinandi sunt causa & effectum, quæ recipiuntur in uno eodemq; subjecto, scil. homine. Atque hanc ob causam anima *Zabar. l. 1. de prop. necess. c. 10.* dicitur efficiens interna, eo scil. sensu, quem diximus. Idem cogita de decretis Dei. Alioquin est impossibile, ut efficiens ingrediatur essentia effectus. Fieret enim, vel materia, vel forma, quod absurdum. Sic ergo habendū. Causa est vel tantum externa, ratione essentia effectus, & loci; vel est externa ratione essentia effecti, & interna ratione loci, seu subjecti. v. g. architectus, dum molitur ædificium, est causa efficiens externa utroq; modo; sed anima dum ratiocinatur, est efficiens externa priori modo, & interna posteriori significatione. Præterea causa ordinans & instituens potest esse in ordinato & instituto; ut Christus in cænâ, dux in exercitu, convivator in convivio.

2 *Nullum est efficiens sui contrarii.*

Ratio: quia quodlibet ens positivum est bonum. Omne autem bonum est conservativum sui, & dissipativum seu destructivum contrarii. Nihil itaq; faciet sibi ens contrarium, nisi per

nisi per accidens. Deinde inter efficientem & effectum, quatenus talia, non potest esse contrarietas, quia efficiens virtute saltem est in effecto. Sic Deus non fecit diabolum, quā talis est; calor non est causa frigiditatis; privatio non est causa efficiens sui habitus. Itaque

Causa efficiens propriè sic dicta non producit malum.

Hoc coniecturatum fuit ex antegressō canone, hoc modo. Omne efficiens propriè dictum est ens. Omne ens, quā ens, bonum. Bonum itaq; non potest efficere malum, quia effectum nō potest toto genere diversum esse à suā causā. Quomodo igitur extitit malum? Resp. A bono, non efficiendo, sed deficiendo; h. e. bonum mutabile, quatenus defecit à normā rectitudinis, malum introduxit in censum naturæ. Sed hoc altioris est indaginis. Observa tamen, Diabolum etiam posse dici causam efficientem mali, quatenus nō efficere large accipitur.

3 Causa efficiens, quatenus est causa, semper est quid simplex.

Hic canon observandus, ut ne subjectum cum causā confundamus. Sic v. g. homo non est efficiens suorum accidentium, sed quatenus in ipso est vel materia, vel forma; quarum illa quantitatis, ista qualitatis est effectrix. Ita corpora mixta in physicis non sunt causæ qualitatatum, sed formæ ipsarum. Interim non excluditur hoc canone consortium subjecti & causæ efficientis: id quod est unicè necessarium. Quidam tamen subjectum vocant *principium quod*, & materiam, vel formam appellant *principium quo*: ut homo est principium qualitatatum quod, scil. efficit; forma ipsius est principium quo, scil. efficiuntur qualitates.

4 Contrariarum causarum contraria sunt effecta:

Ut si vitium efficit infelicem hominem, virtus efficiet felicem. Excipe causas, 1. Per accidens. Non enim sequitur: Musicus ædificat. E. αμφοτέρω destruit domum. 2. Quarum actio determinatur à dispositione materiæ mutabilis, in quam agunt: ut, sol ex floribus fragrantiam, è cadavere graveolentiam educit.

Causa efficiens dividitur ex efficiendi tum vi & modo, tum ordine.

Ex vi efficiendi quatuor modis dividitur.

Primò causa efficiens est procreans, conservans, vel corrumpens.

Plumbeo pugioe magni nominis philosophus est usus in hâc divisione labefactandâ, quæ magnum habet usum in disputationibus sublimioribus, & ex ipsâ rei naturâ est desumpta.

ic a. cû procreat
it, quod efficiat
ut ipsa hâbeat
1. Causa efficiens vel
natura.

2. Causa procreans est, à quâ procreatum est originatè: aliàs dicitur principium productivum.

De ratione causæ efficientis est, dare esse, vel simpliciter, vel quodammodo & aliquâ ex parte, ut docet subtilitatum magister *exer. 21. & 250.* Procreans causa dat *to* esse simpliciter, sive ab illâ res est primâ origine.

Ejus canones sunt:

1. *Ad causam procreantē sequitur rei alicujus corruptio; & ad corruptionem alicujus rei sequitur generatio.*

Hoc est quod Physici docent: *Generatio unius est corruptio alterius; & contra, Corruptio unius est generatio alterius:* ut cû generatur pullus, corrumpitur ovum; cû fit acetum, corrumpitur vinum. Ratio hujus est, quia nulla res potest esse sine suâ formâ. Proinde in generatione & corruptione est formæ prioris, vel abolitio, ut cû homo oritur, aboletur forma spermatis; cû moritur, subit nova forma respectu corporis, nimirû cadaveris forma; vel desitio, quando scilicet definit esse forma, quamvis res maneat: ut cû homo moritur, definit anima esse forma, sed ipsa anima manet.

2. *Procreans & conservans causa interdum æqualiter sunt affecta ad procreatum & conservatum.*

Hinc poëta canit:

Non minor est virtus quàm querere, parta tibi eri.

Sic Deus æqualiter se habet in creatione & gubernatione mundi, licet nobis videatur difficilior creatio. Nihilominus causa procreans, quâ talis, est præstantior conservante. Nam procreatio est rei novæ productio; sed conservatio est rei productæ adjunctum. Deinde omnis conservans causa nititur procreante, id quod è vulgatis illis definitionibus videre licet: causa procreans est, quæ rem facit esse vel bene esse; cau-

esse, causa conservans est, quæ rem facit porro esse vel bene esse.

Causa procreans est univoca, vel æquivoca: item emanativa, vel transmutativa.

Causa univoca est, quæ ejusdem cum effecto est naturæ & speciei.

Seu, quæ producit effectum sibi & specie & nomine similem, ut homo generat hominem.

Æquivoca est quæ producit effectum sibi & specie & nomine dissimilem:

Sic sol Aristoteli dicitur generare hominem; sic artifex producit statuam, sol murem, frigus calorem.

Hujus loci canones sunt:

1 *Causa univoca in rebus naturalibus est prior & præstantior æquivocâ.*

Hic canon loquitur de generatione, non autem de creatione. Nam hic Deus est causa æquivoca, & tamen præstantior est omnibus causis univocis generantibus. Alioqui generatio muris univoca est præstantior æquivocâ; & hæc illam præsupponit.

Procreatio
univoca &
æquivoca.

2 *Procreatio univoca est magis secundum naturam.*

Ratio: quia naturalis causa intendit sibi simile. At causa voluntaria & artificialis liberè potest agere, & sibi vel simile, vel dissimile producere. Huc pertinent theoremata Physica: *Generatio univoca est animalium perfectorum, & supponit creationem: generatio æquivoca est insectorum animalium, & videtur prior generatione univocâ eorundem*: ita prior fuisse videtur musca, vel apis per generationem æquivocam, item insectum quodvis æquivocum prius univoco.

Causa procreans emanativa est, quæ habet commune subiectum cum effecto:

Causa agēs
per emanationem, vel
transmutationem.

Sic per emanationem lumen est ex sole; decreta sunt à Deo per emanationem; potentia sentiendi, intelligendi, loquendi est ab anima eodem modo.

Transmutativa est, quæ ab effectu distinctum habet subjectum:

Mediū syllogisticum quare non ingreditur conclusionem?

Sic studiosus scribens est efficiens literarum per transmutationem; quia studiosus scribens & litera scripta subjectis distinguuntur: sed idem aliquid secum meditans, est efficiens per emanationem, quia studiosus & illa meditatio sunt in eodem subjecto, puta homine. Hinc probatur, medium terminum non ingredi in conclusionem; quia videl. est causa illius efficiens per transmutationem.

Hujus loci sunt tres canones.

1 *Efficiens per transmutationem realiter differt ab effectu:*

Ut architectus à domo, Deus à mundo.

Efficiens per emanationem saltem virtualiter differt ab effectu:

Quo modo Deus dicitur causa mundi?

Ut anima à suis potentiis, Deus à decretis. Quomodo hi termini sint intelligendi, docet Metaphysica. Hic liceat obiter quærere, an Deus mundum fecerit per emanationem, vel transmutationem? Non videtur illud: quia efficiens per emanationem & ipsius effectum necessariò copulata sunt. Non hoc: quia efficiens per transmutationem agit cum motu, nimirum *ἀκίνητοι, alteratione*. Creatio autem nullo modo se habet per modum motus alicujus physici. Resp. Transmutatio est duplex, naturalis & supernaturalis. In illâ est alteratio, in istâ non item. Si quis nolit admittere hanc transmutationis distinctionem, certè danda fuerit media aliqua effectiois species inter emanationem & transmutationem, ut Pererius facit.

2 *Efficiens per emanationem est nobilior efficiente per transmutationem.*

Ratio hujus rei est: quia præstantius est intra se agere necessariò, & extra se liberè, quam intra se liberè, & extra se necessariò. Jam verò causa per emanationem intra se agit necessariò, quoad exercitium, non quoad speciem. e.g. Deus ab æterno decrevit. Et hoc fuit necessarium quoad exercitium, ut decerneret: non quoad speciem, ut hoc vel illud decerneret. Illa enim actio est simpliciter interna, hæc externa quodam mo-

dam
tura
rale
ctici
per
cuti
dece
fuisse
ctio
tuit
tan
ctiq
bili
taq
cre
fari
run
tura
cten

et
I
non
net
sub
na
ter
fec
figi
cit

nè
ser

et

dam mo-

dam modo. Sic anima semper est in actu, idq; necessitate naturæ suæ; licet liberè hoc vel illud intelligat. Hinc artes liberales præferuntur mechanicis; & disciplinæ theoreticæ practicis: quia in illis spectantur effectus per emanationē, in istis per transmutationem. Cæterum nemo debet offendi hanc locutionem, quā diximus, necessarium fuisse ut Deus ab æterno decerneret, quoad exercitium. Nam intellectus divinus non fuisset perfectus, si non intellexisset ab æterno utrāq; intellectiōne, reflexā, & directā. Reflexa est, quā Deus seipsum intuitus est absolute. Directa est, quā Deus seipsum intuitus est tanquam omniscientem & omnipotentem. Utrāq; intellectiō fuit necessaria, necessitate immutabilitatis, seu immutabilitate naturæ divinæ. Si itaq; Deus se cognovit ab æterno tanquam omniscientem & omnipotentem, necessariò decrevit, quoad exercitium. Interim decretio illa dicitur necessaria ex parte Dei decernentis, non ex parte rerum decretarum: h. e. Deus ab æterno decrevit necessariò, si spectetur natura intellectus divini, qui purissimus est actus, at non, si spectentur res illæ, vel illæ.

3 *Effectus per transmutationem est admodum clarus & manifestus, per emanationem est obscurior.*

Ratio: quia effectus per emanationem remanet in causā, non quidē originaliter seu causaliter, sed subjectivè: h. e. manet in causā, non quatenus est causa, sed ut habet rationem subjecti: sic risibilitas, vis ratiocinandi & numerandi, disciplinæ capacitas, adeoq; omnes animæ facultates sunt originaliter ab animā, & in eadem subjectivè. Cæteroquin omnis effectus dicitur in causā esse originaliter, si ñ originaliter idem significet quod virtualiter: quo sensu omnis quoq; causa dicitur esse in causato ratione virtutis & influxus.

Causa conservans est, à quā res procreata externè conservatur: *Græcis αἰών φυλακτικόν κ' αὐξητικόν.*

Sicut à causā procreante res est origine primā; sic à conservante res est duratione & continuatione.

De hanc sunt duo canones:

1 *Idem potest esse causa procreans & conservans, imò & corrumpens.*

Sic Deus mundi est causa procreans & conservans, idem, quæ erit causa corrumpens, si intelligas accidentia seu qualitates pravas.

2 *Causa conservans quâ talis, non est procreans; licet in eodem subjecto sæpe concurrat cum procreante.*

Causa conservans, quâ talis, non est procreans, & contra. Nihilominus tamen sæpe concurrunt in eodem subjecto: ut Deus semper generat, dum conservat; & conservatio ejus est perpetua generatio, *Scal. ex. 3. 43.* ubi generatio ponitur *γενεσις* pro creatione. Hæc verba intelligenda sunt nõ formaliter, quasi conservatio sit ipsa procreatio, & contra; sed connexivè seu effectivè hoc sensu: cõservatio & generatio in rebus naturalibus perpetuò connexæ sunt; & ob hanc cõnexionem conservatio dicitur generatio, & cõtrà; quo sensu supra diximus, generationè unius esse corruptionè alterius, & contra. Hæc enim formaliter accepta non sunt vera, sed vel cõnexivè, ita ut sensus sit: ubi est generatio, ibi est corruptio: vel effectivè, quatenus generatio est causa corruptionis per accidès, seu sine quâ non. De corruptione idè esto judicium.

Causa cor-
rumpens.

Causa corrumpens est, à quâ res habet non-esse, vel malè esse.

Si hæc definitio admistam distributionem habere alicui videatur, substituat hanc: Causa corrumpens est, à quâ est corruptio rei; quatenus nimirum res impeditur, obscuratur, læditur, depravatur, imminuitur, vel tota aboletur. Unde & *causa impediens, obscurans, lædens, imminuens & abolens* dicitur. Ita causæ corrumpentes ecclesiam, sunt hæreses, schismata, antichristus: causæ lædentes functiones in homine sunt intemperies calida vel frigida: causæ obscurantes sensum bonitatis divinæ sunt peccata.

De causâ corrumpente sunt hi canones:

1 *Nihil est corrumpens sui ipsius.*

Ratio: quia natura est sui conservatrix. Quidquid ergo corrumpitur, ab alio corrumpitur. Objicis: 1. Homo *αὐτοχτάνει* lædit seipsum. 2. Vulgò dici solet: nemo læditur nisi à seipso. Sic homines corrumpunt sanitatem intemperanter vivendo. Resp. Est fallacia accidentis. Nihil per se, & suâ naturâ corrumpit seipsum. At homines hoc faciunt, non per se, quâ homines, sed quâ seducti à Satanâ, qui ligat intellectû, & falsi-

nat vitium

nat visum interiorem animæ, quò minus illi cognoscant malum, quod sibi accersunt.

2 *Corruptio totalis est solius Dei.*

Vulgò dicitur: *Nihil totaliter corrumpitur.* Hoc verū est, si spectes causas secundas, quæ sicut nihil prorsus efficiunt de novo, sed necessariò aliquid præsubstituunt: ita nec prorsus possunt aliquid corrumpere, seu annihilare. Corruptio igitur partialis, quæ proficiscitur à causâ secundâ, nihil est aliud quàm dissolutio, vel certè dispositio ad dissolutionem. Deinde hoc axioma: *nihil totaliter interit*: intellige de compositis, non de formis. Composita enim non planè intereunt, licet ipsa compositio intereat: ut intereunte homine prorsus interit compositio corporis & animæ. At anima intellectiva manet, & corporis partes sensim redeunt in sua quæque elementa. At formæ quando intereunt, simpliciter intereunt, aut prorsus evanescent, quod fit propter summâ illarum simplicitatē. Sic anima vegetans, vel sentiens simpliciter interit.

3 *Corrumpentes cause non sunt unius modi.*

Nam quædam levius corrumpunt, ut quæ disponunt ad corruptionē; quædam gravius & perniciosius. Illius generis sunt morbi quidā; hujus verò ἀσέβεια, ἀδίκημα, ἀσέλγεια, quæ corrumpūt Respublicas, sicut libido statum æconomicum.

4 *Corruptibile, quantum potest, resistit corruptentibus.*

Hæc resistantia est ab illo appetitu, quo omnes res appetunt id quod est melius. Melius autē est esse, quàm non esse.

Secundò causa efficiens est agens, vel patiens. Causa agēs
vel patiens.
Causa agens est, quæ sic agit, ut non repatiatur: patiens contrà.

Nobilis est locus in Philosophiâ de reactione (Scalig. mavult vocare redactionem) & repassione. Hunc hîc tractandum suscipimus, quantum quidem ad nostrum institutum potest esse satis, juxta hos canones:

1 *Causa agens est præstantior patiente.*

Ratio: quia πὲρ agere pendet à formâ, tanquam nobiliori principio; πὲρ pati verò à materiâ, tanquam principio ignobiliore. Quò igitur quid est formalius, eò nobilius & expeditius est ad agendum. Hinc Philosophi uno ore pronunciant: *Omne patiens idèò patitur, quia materiâ habet.* Et hinc fit, ut

formæ materiales patiantur per accidens, videl. propter materiam, in quâ sunt: formæ verò à materia jam abjunctæ omninò sint impatibiles, nisi à Deo ad passionem deputentur, ut anima Saulis, vel divitis epulonis. Cæterum axioma hoc intelligendum est per limitationem reduplicativam: omnne agens, in quantum agens, est præstantius patiente. Sæpe enim inferior agit in superiorem, qui est præstantior eo ipso, quod agat, non quatenus est inferior.

2 *Quò perfectior est causa agens, eò perfectior est ejus actio.*

Sic Deus est agens perfectissimum. Illius igitur actiones quoque perfectissimæ sunt. Res corporeæ gignunt de se & extra se rem corpoream. Mens nostra gignit de se & in se, sed essentiâ diversum à se producit. Deus pater gignit filium per se, & in se, sed in unitate essentiæ. Hæc generatio est omnium perfectissima. Hic nota, Patrem in divinis potius appellari principium Filii, quàm causam, ut & supra monuimus: interim, si vox causæ accipiat non metaphysicè, prout est notio prima, sed Logicè, omninò Pater appellari potest causa Filii, sicut & Græci ipsum vocant *αἰτιον* & *ἡσ*; sed hoc omne *ἡσ* *ἀναλογία* & *καὶ ἡμῶς* fit, non *καὶ τὸ πρῶτον*. Hæc enim Logica est planè divina, & supra nostrum captum.

3 *Cujusvis agentis potentia vel impotentia ab ejusdem objecto aestimanda.*

Non ergo sequitur: Hic homo non audit colores. Ergo est imbecillo auditu. Objectum enim auditus non est color, sed sonus. Nec sequitur: Deus non facit nihil, seu ejus omnipotētia non agit in τὸ nihil. Item, non facit peccatum. Ergo non est omnipotens. Ratio: quia objectum divinæ potentie est tantum ens, & bonum: non autem non-ens, & malum vitii vel culpe, quod, quatenus est defectus, est non-ens, sc. privativum; quod est non-ens inter entia: uti non-ens negativum est non-ens extra entia, seu omnē entitatem. Contra hæc sic objicitur. 1. Deus fecit mundum ex nihilo, & redigere potest in nihilum. 2. Cæcitas & ceteræ privationes sunt qualitates. 3. Deus malum commutat in bonum. E. objectum omnipotentie Dei est & τὸ nihil, & malum; & privatio non rectè dicitur non-ens. Resp. 1. τὸ nihil ne hoc quidem modo est objectum, sed terminus

terminus vel à quo, vel ad quem. 2. Privatio debet distinguī ab actu insequente. Privatio est carentia pura. Sed hanc sequitur *divisus* quædam. 3. Malum subicitur potentiæ Dei quoad directionem. Sed nos de potentiâ Dei ratione effectiōis loquimur.

4 *Agens per se debet esse simile effectui.*

Hic excluditur agens per accidens. Deinde intelligenda est similitudo, tum univoca, ut homo homini est similis; tum æquivoca, seu eminēs, quomodo creatura similis est creatori. Omnis enim creatura in se habet vestigium divinitatis.

5 *Nihil agit extra essentiam, seu speciem suam.*

Alii sic efferunt hunc canonem: *Nulla res agit supra vires suas*; item, *Quodlibet agens agit pro facultate, & conditione sua*. Itaque angelus non potest creare; quia hæc virtus inest enti diviniore, quod infinitum sit oportet. Nam inter id nihil & aliquid est infinitum spatium. Ergo & infinita virtus requiritur, quæ possit transire hoc spatium. Diabolus quoque non potest generare hominem, quia hæc virtus soli speciei humanæ est à Deo concessa. Sic ignis per calorem non potest animal generare, sed solummodò mistum elementatum inanimatum. Ad generationem namque animalis requiritur etiā calor animalis seu vitalis, qui multò nobilior est elementari. Manet ergo, quòd quodlibet agens creatum agat pro facultate & conditione sua, convenienter ei ordini, quem Deus esse voluit in universo. Est tamen hic limitatio seu exceptio. Nam propositum axioma non valet in causis instrumentalibus. Vis siquidem activa instrumenti alicujus potest virtute principalis agentis excitari & elevari ultra speciem suam. Sic calamus inter scribendum agit ultra suam speciem virtute principalis agentis, seu ratione dispositionis passivæ.

6 *Quodlibet agit in suum.*

Hoc est, sibi conveniens & determinatum. Alii sic proferrunt: *Agens non agit nisi in patiens ad recipiendum idoneum*: ut Deus verbo suo non agit in caudicem, vel stipitem, sed in hominem, qui divinæ & spiritalis actionis est capax. Verbum Christi in se & ex se vivificum est, in impiis tamen vim illam non exercit.

7 *Tantò major vis in agente requiritur, quantò potentia, è quâ res educitur, ab actu est remotior.*

Contrà, quantò potetia est actui proximior, tantò minor vis in agente requiritur. Sic chymici ex puriore argento facilius aurum faciunt, quàm ex impuriore, vel è plumbo & ferro.

8 *Agens & patiens inter se applicata, è potentia in actum necessario educuntur.*

Catholicus est hic canon in naturalibus, ubi applicatio activorum ad passiva necessario rem transfert à potentia ad actum. Si nimirum debitâ proportionem hoc fiat. Hinc Physici docent: Philosophum naturalem maritare naturas. Sicut ergò è conjunctione maris & sceminæ ritè proportionatâ existit fœtus: sic ex illâ maritatione physicâ prodit compositum.

9 *Agentis est vis minor & major pro diversitate materiae subjectæ.*

Sic ignis non habet magnam vim calefaciendi, cum est in materia rarissimâ, ut in stramine, aut in lignis putridis: majorem verò habet vim in ferro, & in lignis viridibus & siccis, idque propter materiae densitatem.

10 *Agens & patiens partim similia, partim dissimilia esse oportet.*

Hæc est similis dissimilitudo, & similitudo dissimilis. Nâ omnimoda similitudo, ut & dissimilitudo hîc excluditur. Illa infert identitatem; hæc similitudinē tollit. Sic homo nutritur pane, carne, ovis sorbilibus, non arborū foliis & corticibus; quia illa hominis corpori proportionem quâdam respondent, hæc non item. At bos scæno, canis ossibus nutritur, quia hi tales cum his talibus cognationem habent. Quid verò dicendum de animâ rationali & corpore? Num etiâ hæc inter se sunt similia? Resp. Canon intelligendus est de iis, quæ per se agunt & patiuntur: corpus autem & anima inter se agunt & patiuntur, non per se, sed per accidens.

11 *Agens in agendo à patiente vicissim patitur.*

Intellige agens, non primum, sed secundū, quod duobus modis repetitur. 1. Secundum eandem qualitatem. Sic ventriculus

culus primò calefacit vinum haustū, evocando virtutem illius calorem; deinde vinum calefactū vicissim calefacit ventriculum. 2. Secundū qualitatem contrariam: ut si quis manu calidā rem frigidā apprehendat, simul eam calefacit, & ab eādem refrigeratur. Sic vaporarium calefaciens tuum corpus frigidum, non calefit vicissim, sed à te frigido (frigore nimirum prædominante) refrigeratur. Resistentiam hanc dari necesse est, & propter patientis conservationem, & propter agentis contemperationem. Quælibet enim natura est conservatrix & contemperatrix sui. Consistit autem hæc resistentia, vel in pugnâ, quo pacto frigidū calido agenti repugnat: vel in retardandâ agentis actione, sicut cera manū cælatoris, quantumvis sit satis sequax, quodammodo retardat. Neq; tamen necessum est, omne patiens tantū pati quantū agens agit. In quibusdam enim patiens plus patitur, quàm agens agit, ut lapis in altum projectus adhuc movetur manu projicientis cessante: in quibusdam verò minùs patitur: sic idem grave non erit equè grave mulo & muri. *Scal. ex. 16. f. 2.*

12 *Causa agens non excludit patientem.*

Deus in conversione hominis habet se merè ενεργητικῶς: at homo, παθητικῶς se habens, ideo non excluditur. Nam qui creavit te, ô homo, sine te, non sanctificat te, sine te.

Tertiò causa efficiens ex vi agendi est principalis, vel minùs principalis.

Causa principalis est, à quâ effectus primariò pendet: Græcis ἀπὸν κύριον.

Estque vel solitaria, vel socia.

Causa solitaria est, quæ rem absq; aliâ producit: Græcis ὀλίκὸν αἶπον, causa totalis, item absoluta.

De hac est canon:

In causis secundis nulla est, quæ simpliciter sola agit.

Causa namq; prima simpliciter sola agit, quando non utitur mediis. Interim creatura dici potest causa sola comparatè: ut vir robustus solus dicitur gestare saxum; Samson solus portavit portam Philistinam.

Causa socia est, quæ effectum cum alterius effi-

Causa principalis & minùs principalis.

cientis concursu producit: *Græcis συναιτιον*, con-
causa, *συνεργον*, cooperans, *αἰτία μερικὴ*, causa par-
tialis dicitur.

Estque vel necessariò, vel contingenter sociata.

Necessariò sociata est, quæ sine alterius auxilio
non potest producere effectum.

Sic necessariò sociatæ causæ sunt mas & foemina in prodi-
cendo homine. Aliàs vocatur essentialiter sociata. Sic homo
producens aliquid boni, necessariò Deū habeat ducē oportet.

Contingenter sociata est, quæ pro arbitrio suo
adhibet aliam causam.

Ira Deus utitur ministerio angelorum, & currui sepe jun-
guntur sex equi, ubi duo poterant sufficere.

De causâ sociâ sunt hi canones.

1 *In causis conjunctis sive sociis, potest esse æqualitas
& inequalitas in operando.*

Ut duo equi currui juncti, nunc æqualiter, nunc inæqua-
liter trahunt. Tres personæ SS. Trinitatis in creatione mundi
fuerunt causæ sociæ seu conjunctæ æquales.

2 *Non illicò quæ connexa sunt, causæ sociæ sunt.*

Sic fides vera & justifica existere non potest sine bonis o-
peribus: & tamen sine iis justificat.

3 *Causæ partiales in toto concursu stant pro unâ.*

Sic loquuntur Scholastici. Non malè. Nam multarum
causarum concursus facit unum concursum: ut conatus tri-
um moventium idem factum, efficit conatum integrum,
qualem potuit adhibere is, qui triplo fuit singulis istis robu-
stior. Sic unius domini servi multi stant pro unâ causâ, videl.
domino suo, quatenus ab illo mittuntur ad aliquem.

Causa minùs principalis est, à quâ effectus pen-
det secundariò.

Estque vel impulsiva, vel instrumentalis.

Causa impulsiva est, quæ suâ efficientiâ princi-
palem efficientem ad agendum movet.

Causa impellens omninò distinguenda est à fine. Finis
mouet

Causa im-
pellens à fi-
ne differt.

movet efficientē motu metaphorico: impellens movet motu reali, videlicet suā efficientiā, ut diximus in definitione.

Estque vel externa, vel interna.

Externa impulsiva est, quæ extra efficientem principalem existens eam impellit: *Gracè* ἀνεπαρκινή; aliās causa evidens & originalis dicitur.

Interna impulsiva est, quæ intra causam efficientem principalem existens eam impellit: *Gracè* ἀνεγκυμένη, antecedens, dicitur.

Ita justificationis nostri coram tribunali Dei causa efficiens principalis est Deus; *προηγμένη*, ipsius gratia & misericordia; *ἀνεπαρκινή*, meritum Christi. Pœnarum, quibus homines affliguntur, causa principalis est Deus, à quo imponuntur; *ἀνεγκυμένη* est justitia ejus; *ἀνεπαρκινή*, peccata hominum. Sed hæc omnia de Deo dicuntur ἀνθρωποπιδώς. Itaque intelligenda sunt θεοπροπιδώς. Proprie enim Deus non impellitur. Hæc enim ratione esset in classe effecti; vel certè esset causa impulsiva proprie dicta; quod ἀδιδόλογο.

Causa instrumentalis est, quæ à principali agente ad efficiendum assumitur: aliās causa organica dicitur. Et ad hanc referri debet causa sine quâ non.

De hæc sunt canones:

1 *Causa instrumentalis est naturâ posterior principali.*

Ratio: quia causa principalis, vel ipsa sibi fabricat sua instrumenta, vel aliunde fabricata sumit. Si illud, est satis clarum, quod causa principalis sit prior. Si hoc, causa principalis ex instrumento, quod tale est potentiâ, facit instrumentum actu. Hinc deciditur quæstio, à veteribus in utramque partem agitata, ob id, quia ignorabant articulum creationis: gallina sitne prior ovo, an ovum gallinâ? Gallina est vel causa? causa principalis, ovum est causa instrumentalis. Gallina igitur prior. Itaque

Causa principalis est præstantior instrumentali.

Id enim præstantius, quod prius. Item id præstantius in ordine causarum, quod vim confert, quàm id, quod vim ac-

capit. Sic manus est præstantior calamo, dominus servo, qui dicitur instrumentum animatum Aristoteli. Alii sic protulerunt canonem : *Causa instrumentalis præsupponit principalem.*

2 *Causa principalis etiam per mala instrumenta bene operari potest.*

Sic Deus Josephum promovit ad summam imperii, per malos fratres. Itaque

Medium bonum à malo instrumento non corrumpitur.

Nam si causa principalis per mala instrumenta bene potest operari, utique medii bonitas potest manere facta recta. Sic verbi gratiâ, dignitas sacramenti non evertitur vel elevatur indignitate personæ administrantis.

3 *Una eademq; causa potest habere rationem instrumenti, & causæ principalis.*

Sic creaturæ respectu Dei sunt instrumenta ipsius, sed causæ principales respectu suarum actionum. Hinc conciliati potest Plato cum Aristotele; quorum ille contendebat, causas secundas esse αἰτία rerum naturalium; iste verò σωμαίνα. Utrumque est verum diverso respectu. Instrumenta sunt, si cum primo motore Deo : causæ principales sunt, si cum effectibus suis, ad quos determinatæ sunt, conferantur.

4 *Instrumentum agit dispositivè ad virtutem agentis principalis.*

Hoc est, subservit actioni principalis agentis, à quo etiam dirigitur. Sic discipulus frugi debet se accommodare ad nuntium præceptoris.

5 *Instrumentum à principali agente accipit actionis determinationem.*

Instrumentum suâ naturâ est indeterminatum & amphibolum, h. e. tale, ut quis possit benè, vel malè eo uti. Sic gladio possum me defendere, possum alium interficere. Attramentum non formabit characteres, nisi scribens regat calamum. Creta præposterè pinget, nî digitus scribentis eam dirigat.

6 *Instrumenti vis consistit in usu.*

Scilicet

Scilicet legitimo. Quando igitur instrumentum, verbi gratiâ, culter vel calamus, non adhibetur, non est instrumentum nisi potentiâ.

7 *Instrumentum est tantò perfectius, quantò pauciores usus habet.*

Ratio: quia instrumenta, quæ multis rebus accommodari possunt, sunt minùs exacta. Ita servus, multis dominis infervire cupiens, malus est.

8 *Instrumentum saepe efficit per propriam vim, & per vim agentis primarii.*

Ut si quis feriat securi, securis agit tum sua gravitate, tum vi percutientis.

Porro instrumentum est vel simpliciter instrumentum, quod sic est instrumentum, ut nullo respectu esse possit causa principalis, ut *malleus*: vel secundùm quid, quod etiam habere potest rationem causæ principalis: ut *omnes creaturae*. Vide *suprà can. 3.*

Instrumenti variz divisiones.

Deinde instrumentum est vel necessarium, quo principalis agens carere nequit: ita *manus est necessaria ad pingendum*: vel arbitrarium, quo principalis utitur, vel ex libitu, ut *Deus utitur ministris angelis*; vel ad effectum commodiùs obtinendum, ut *est equus, si conficiendum sit iter*.

Tertiò instrumentum est, vel conjunctum, quod causæ principali unitum est; *Gracè ἐνυπόστατον*, ut *manus est instrumentum hominis*, & *humana Christi natura est instrumentum τῶ λόγῳ*: vel sejunctum, quod separatum est à principali; *Gracè ἀνυπόστατον*, ut *calamus, malleus*.

Hoc quidam dividunt in rationale, qualis est homo respectu Dei; & irrationale, qualis est ferra, vel bos.

Quartò instrumentum est activum, vel passivum.

Activum est, quod inter agendum suâ vi se movet: *aliâs cooperativum, item causa adjuvans seu administra;*

Cræcè ὀργανον ὑποκίνητον. Hujusmodi sunt omnia instrumenta animata. Hoc sensu Paulus 2. Cor. 6. v. 3. œconomos mysteriorum Dei vocat συνεργὸς θεῶ.

Passivum est, quod inter agendum se habet mœrè passivè, ita ut se non commoveat. *Sic mensa est instrumentum accubitus.*

Huc pertinet canon:

** Instrumento sæpe tribuitur actio principalis agentis.*

Etli enim omne instrumentum juvat actionem principalis agentis, activum activè, sicut cultellus juvat mantim secantis panem; passivum passivè, sicut mensa juvat scribentem: tamen instrumento activo frequentissimè tribuitur actio principalis agentis. Ita Sacramentis tribuitur regeneratio: prædicationi verbi divini potentia ad salutem, conversio ministris verbi divini: quæ omnia sunt apotelesmata Spiritus sancti, qui est πρῶτον αἴτιον. Alii sic enunciant hunc canonem: *Effectus causæ principalis sæpe prædicatur de instrumentali.*

Causa efficiens per se & per accidens.

Quartò causa efficiens ex vi agendi est efficiens per se, vel per accidens.

Causa efficiens per se est, quæ suâ naturâ & intentione ad effectum ordinata est.

De hæc sunt canones.

1 *Causa per se, est secundum naturam, & prior causâ per accidens, quæ est præter naturam.*

Hinc refutatur Origenes, qui statuebat animas nostras esse conditas ante & extra corpora. Naturale enim est formæ, ut materiæ unita sit, & præter naturam est, si à materiâ suâ sit separata. Ergo per se & naturale est, ut anima sit unâ cum corpore, ex accidenti verò & præter naturam, si sit extra corpus. Itaque prius fuerit in corpore oportet, quàm extra corpus. Res tamè aliter se habet cum Adami corpore, quod prius

prius fuit animâ. Hoc enim non est generationis, sed creationis exemplum.

2 *Causa per se est magistra sapientia.*

Ratio: quia causa per se est finita & ordinata. Nihil itaque æstimari debet secundum id, quod ei convenit per accidens; sed secundum id, quod ei convenit per se. Vulgò dicimus: *Ars non curat ea, quæ fiunt, per accidens.* Item: *Sapientia requirit attributa essentialia, seu per se.* Itaque febris non est consideranda secundum illud, quod aliquando temperantiam efficiat. Illud enim febri per accidens convenit. Sic omnia artium axiomata debent esse per se & essentialia. Ratio: quia illa, quæ per se sunt, finita sunt & determinata, ideoque sub scientiâ cadunt. At ea, quæ per accidens sunt, infinita sunt. Rerum autem infinitarum nulla datur scientia. Itaque causa per accidens extra septa disciplinarum vagari jubetur.

3 *Potest aliquid alicui competere per se, cujus tamen oppositum eidem competit per accidens.*

Sic calidum per se calefacit: interdum autem refrigerat, nimirum ex accidenti. Sic frigidum per se frigefacit, at per accidens calefacit, ut in antiperistasi videre est, quæ fit cum alterum contrarium ab altero obsessum intus redditur & validius ob virium collectionem. Sic hominis ventriculus magis calet hyeme quàm æstate. Exemplo sint loca subterranea, ut cryptæ, cellæ. Eodem modo Evangelium est instrumentum vitæ & mortis. Alii sic efferunt hunc canonem: *Una eademque res potest esse causa per se & per accidens.* Item: *Effectui causa per se conjunctus esse potest eventus contrarius.*

Causa per se est naturalis, vel voluntaria, vel mixta.

Causa naturalis est, quæ ex solâ naturæ vi efficit.

Ejus canones sunt.

1 *Causa naturalis est determinata ad unum oppositorum.*

Alii sic efferunt: *Causa naturalis non est indifferens ad opposita*, h. e. causæ naturalis actio est necessaria & per naturam determinata, ut per se non possit agere oppositum. Hinc Philosophus: *ὅτις αὐτὸς ἐν ἑαυτῷ.* Sic ignis per se tantum

calefacit, & non nisi ex accidenti frigefacit. At Sol liquefacit ceram, & indurat lutum. Resp. Solis natura propria est lucere & calefacere: sed diversitas actionis est ex objecto, seu subjectâ materiâ. Hinc dicunt: *Naturale agens semper agit uno modo in rem unam subjectam.* Item, *Efficens naturale est privatum unius; non oppositorum.* Item, *Nihil in sua naturâ permanens potest efficere contrarium per se, & rebus eodem modo se habentibus.* Itaque

Causa naturalis non potest variare, nec suspendere actionem.

Sic ignis nec variat, nec differt actionem suam, materiâ combustibili eodem modo se habente.

2 Quod fit naturæ ordine, necessario fit, nisi prohibeatur, vel pendeat à causâ voluntariâ.

Necessitas hîc intelligitur, non coactionis, quæ ab externo pendet principio, sed immutabilitatis, quæ dependet à principio intrinseco. Canon igitur intelligendus est de necessitate immutabilitatis. Sic ignis necessario urit, nisi externâ vi prohibeatur. Nam res naturales neq; casu fiunt, aut temere agunt, neque cæco progrediuntur impetu, sed eodem ordine & tenore semper progrediuntur, nisi ab externo principio prohibeantur.

3 Eadem causa naturalis, quatenus pendet à diversis principiis, diversa efficit.

Sic cælurn pendet à Dei justitiâ, vel puniente, vel remunerante; ideoque nunc pluit, nunc tonat, nunc pluviam negat.

4 Causa naturalis agit ad extremum suæ potentia.

Hoc est, causa naturalis agit sine moderatione, nec statuit certum agendi modum, sed impedimentis nullis septa omnè simul vim exerit, quoad ejus fieri potest. Sic ignis, cum materia combustibilis adest, non adhibet certam moderationem. Solis natura est extremè lucere: quòd autem hoc non semper fiat, acceptum ferendum est Deo & causis secundis impredientibus.

5 Causa naturalis agit sine dilatione.

Intellige

Intellige causam simpliciter naturalem, quæ non est conjuncta cum voluntariâ. Sic grave semper tendit deorsum suâ naturâ, sine ulla dilatione, leve sursum, si fuerint in loco alieno. Ignis urendi vim non differt, nisi vi externâ impediatur. At edere & bibere sunt actiones naturales cum causâ voluntariâ conjunctæ: ideoq; illæ actiones possunt differri.

Causa voluntaria est, quæ destinato consilio agit.

Aliàs dicitur libera, & agens per cognitionem.

Estq; libera vel simpliciter seu merè, quæ pleno appetitu effectum vult & producit: vel secundum quid, quæ appetitu tristi & ægrè sequaci.

Illa dicitur causa spontanea, ἀπὸν πρὸθυμον, αὐθαίρετον, ἐκύστον; de qua intellige illud, Hilarem datorem diligit Deus: hæc dicitur ἀπὸν μίχλον, in quo neque est merum illud & ἀπὸλῶς ἐκύστον, neq; merum illud violentum, sed violentum κατὰ τὴν; ut cum viator pro redimendâ vitâ latronibus promittit magnam pecuniæ summam. Hujusmodi actiones Aristoteles vocat πρᾶξις μίχλως.

De causâ voluntariâ hi sunt canones.

1 *Voluntas per essentiam est libera.*

Scilicet à necessitate coactionis. De voluntate Dei res est clara. Ille enim omnia sub se habet, nihilque ei potest resistere. De voluntate hominis idem sic evincitur. Voluntas quæ non cogitur, manet libera. Sed voluntas hominis, neq; in naturalibus, neq; in civilibus, neq; in supernaturalibus cogitur. Ergo est libera. Minor sic probatur. Homo naturâ suâ vult v. g. bonum, sed ita vult, ut etiam sæpe oppositum arripiat, sed tamen sub specie boni. Utrobiq; manet libera. Idem homo citatur ad forum. Penes ipsum est comparere, vel non. Idem homo à Deo convertitur. In illa conversione sequitur Deum liberè, non cogitur. Huc pertinent illa trita: *Voluntas cogi nō potest: Coacta voluntas non est voluntas: Voluntas per se est libera, per accidens autem serva & captiva.* Itaque

Causa voluntaria est indifferens ad utrumque oppositorum efficiendum:

Libertas
duplex.

Hoc est, causa voluntaria per se & suâ naturâ est libera ad efficienda contraria & contradictoria. Est enim duplex libertas, contrarietatis & contradictionis. Libertas contrarietatis est, quâ voluntas velle potest bonum vel malum, hoc vel illud. v.g. pictor potest denigrare vel dealbare parietem. Libertas contradictionis est, quâ voluntas velle potest contradicētia, ut exire, vel non exire. Illa dicitur libertas specificationis, quâ duobus vel pluribus propositis unum eligere potest voluntas nostra: hæc libertas exercitii, quâ uno tantum proposito, illud acceptare vel rejicere potest. Itaque

Potentia rationales, ut artes & scientia, sunt ad opposita.

Sic homo efficere potest syllogismum simplicem, vel compositum: nunc à causis, nunc ab effectis argumentari.

2 Causa voluntaria agit certâ moderatione:

Hoc est, pro arbitrio potest agere vel non agere, actionem variare & suspendere. Sic Deus sua dona non confert in unum, sed pro arbitrio distribuit. Ergo nec hoc sequitur: Deus est æternus. Ergo & mundus. Non enim naturę necessitate fecit mundum, sed consilio.

3 Causa voluntaria effectus sunt dissimiles.

Non ergo sequitur: Architectus est ratione præditus. E. & edificium. Et statuarius diversi generis statuas efficere potest. Intellige igitur canonem hoc modo, quod effectus causę voluntarię sint dissimiles, tum causę efficiēti, tum inter se.

Causa mixta est, quæ partim naturâ, partim consilio agit.

Ita somnus, ambulatio &c. sunt effectus mixti pendentes à naturâ & voluntate simul.

De hac causâ est canon:

Causa sæpe est mixta, & mixtum producit effectum, qui non potest distinctè dijudicari, nisi revocetur ad utrumq. suum principium.

Oportet igitur accuratè dispicere, num actio aliqua sit naturalis, voluntaria, vel mixta, si naturam cujusque actionis plenè perspicere velimus.

Sequitur causa efficiens per accidens, quæ præter natura-

ter naturam & intentionem suam vi externâ aliquid efficit.

Ejus canones sunt.

1 *Quæ fiunt à causâ per accidens, rarò fiunt.*

Sic rarius generantur monstra ab hominibus, frequentius verò homines; rarò piscatores inveniunt aureum tripodem; pastinator vineæ rarius effodit thesaurum. Hinc dicitur; *Casus & fortuna extra semper & frequenter sunt, ab efficientibus verò per se rarò producuntur effecta casualia.* Item: *Quæ fiunt à causâ per se, ea fiunt plerumque & semper.*

2 *Causa per accidens, ejusq; effectus reducitur ad causam per se.*

Ratio: quia causa per se est prior; & verò omnis causa per accidens complicata est cum causâ aliqua per se: ut, si febris temperantiam efficit per accidens, necessum est ut sit illius temperantiæ aliqua causa per se. Item si aqua calefacit per accidens, necessum est ut detur causa calefactionis per se. Hoc est quod Theologi monēt, de perpetua reductione causarum per accidens ad causas per se, in locis de Scriptura, Peccato, Providentia, Prædestinatione & Sacramentis.

Causa per accidens est præternaturalis, vel involuntaria.

Præternaturalis est, quæ præter naturam suam aliquid efficit.

Ut scientia inflat, lex occidit, febris affert temperantiam, non naturâ suâ, sed per aliquid, quod iis accidit.

Involuntaria est, quæ præter intentionem & consilium suum aliquid efficit.

Estque fortuita, vel invita. *Retinemus hîc vocabulum fortuita, tanquam terminum usitatum.*

Fortuita est, quæ ex casu fortuito præter intentionem aliquid efficit:

Ut cum piscatores Milesii inter piscandum invenerunt aureum tripodem.

Invita est, quæ aliquid efficit sine omni lubetia.
Estque vel inscia, vel coacta.

Insicia, seu imprudens, est, quæ efficit aliquid ignoranter.

Ignorantia
quomodo
excuset?

Dico, efficit ignoranter, voce generali. Nam ignoranter dicitur aliquis agere duobus modis. Primò per ignorantiam agere dicitur, quando nulla est alia causa actionis quam ignorantia. Ita per ignorantiam dicitur occidere, cui excidit bipennis in eum, quem ignorabat adesse. Deinde ignorans agere dicitur, qui cum posset atq; etiã deberet scire actionis circumstantias, suâ culpâ non scit; atq; adeò *νόστος*; ignorat, ut prior, sed *κατὰ τὸ* tantum. Prior illa ignorantia excusat, sed nõ omni modo, juxta illud: *Causa fortuita liberat à tanto, sed non à toto*. Posterior ignorantia minimè excusat, sed culpam auget. Unde Pittacus legislator duplicè pœnam hos tales promeritos pronunciavit; primam propter ipsum effectum malum; alteram propter culpam ignorantie. Nam ignorantia *ἡ κατὰ τὴν φύσιν*, juris, non excusat, sed solum ignorantia *τῆς κατὰ τὸν νόμον*, facti.

Causa coacta est, quæ per vim aliquid efficit.

Ut Fridericus Barbarossa Imp. præbuit collum Pontifici Romano calcandum, sed coactus. Hęc causa dicitur coacta, non ratione voluntatis, sed locomotivæ. Et ideò non peccavit Eleazarus, vescens carne suillâ; quia non voluit, non approbavit hoc factũ, licet locomotiva ipsius coacta sit obsequi causæ externæ valentiori. Quomodo aliquis dicatur cogi, in Ethicis nostris explicatum est prolixè.

Fuerũt divisiones causæ efficiētis ex vi efficiendi: sequitur ut eam dividamus ex efficiendi ordine.

Sic ergò causa efficiens alia est essentialiter, alia contingenter subordinata.

Essentialiter subordinatæ sunt, quarum inferior à superiori pendet in efficiendo.

Estque prima, vel secunda.

Causa prima in Scholis dicitur subordinata, non quòd ipsa aliis subordinetur, sed quia aliæ ipsi subordinantur.

Prima

Prima est, quæ in causandi ordine supremum locum tenet.

Estque vel simpliciter, vel secundum quid prima.

Causa simpliciter prima est, quæ sic prima est, ut nullo respectu possit esse secunda: Causa simpliciter prima.

Ut solus Deus benedictus in secula. Aliàs hæc causa dicitur *summa, infinita, universalis simpliciter*. Nam Physici cælum vocant causam universalem secundam. Dicitur item *causa causarum & causa sine causâ*.

De hac sunt canones:

1 *Causa prima est perfectissima & liberrima.*

Perfectissima: quia non indiget ullo auxilio in causando, sive spectes opera ad intra, sive ad extra. Opera ad intra sunt, quæ Deus intra essentiã suam operatur: ad extra, quæ extra suam essentiam operatur respectu creaturarum, vel in creaturis. Nec ibi, nec hîc indiget auxilio. Est *liberrima*: quia non dependet. Et nisi liberrima esset, non esset prima, non perfectissima. Itaque

Causa prima non est alligata ad secundas.

2 *Causa prima licet sit infinita & indeterminata; omnis tamen ipsius effectus ad extra finitus est & determinatus.*

Nam Deus nõ fecit opera illa infinitate, sed bonitate suã. Et verò infinitas Deo adscribitur qua Deus est, non autem qua causa est. Vide quæ Averroës disputat in libro, qui inscribitur *Destructio destructionum disp. 1. dub. 7.*

3 *Causa prima efficacius influit in effectum quàm secunda.*

Hoc verum est de omnibus operibus Dei, quæ in tres classes distingui possunt, ita ut sint opera creationis, conservationis & gratiæ. Si percurras classes istas, videbis Deum proximè attingere quemlibet effectum. Ille enim est causa causæ. Ergò & cujusque causati. Ille dat formam. Ergò & omnia consequentia formam.

4 Causa prima continet in se omnium secundarum perfectiones:

Nimirū vel formaliter, ut Deus intelligit, vel eminenter, ut vis urēdi est in Deo, modo eminentissimo & ineffabili. Itaq;

Quidquid potest causa secunda, potest & prima.

Intellige causam secundam perfectionis, non defectionis. Non ergo sequitur: Homo potest errare. Ergo & Deus.

5 Causa prima agit eminenter, sed secunda imitanter.

Sic loquuntur scholastici. Sensus hic est. Causa prima non habet opus archetypo alio præter se. At secunda v. g. homo necesse habet primam tanquam normam sequi, ut ad similitudinem illius agat, si velit bene agere.

6 Causa prima verè & semper est efficiens, nunquam deficiens.

Verè, quia est ens super omne ens, & substantia super omnem substantiam. Proinde sicut se habet in essendo: ita in causando. *Semper*: quia si prima aliquando cessaret penitus, secunda in nihilum recideret protinus. Si enim nullus motus foret in hac regione sublunari, si cessaret motus primi mobilis; multò magis nullus motus foret, si cessaret primus motor. *Nunquam deficiens*: quia Deus est ens perfectissimum. In perfectissimum autem nullus unquam cadit defectus. Itaq; causa secunda non est verè efficiens; quia per participationem ut est, ita agit: neq; semper, quia subinde deficit.

7 Causa prima nullam omninò habet sui causam.

Non enim foret prima, si ullo modo causatum esset. Non habet finem supra se; quia finis est perfectio ejus, cujus est finis. Et quod finem habet, aliò refertur, nempe ad præstantius & melius. Deus ipse summus est finis. E. non habet finem supra se. Non habet efficientem; quia implicat contradictionem, primam efficientem si quis dicat dependere ab aliâ superiori. Non materiam; quia omne materiatum est compositum, adeoq; imperfectum. Deniq; prima causa non habet formam; quia nulla forma sine materiâ, & sine efficiente.

8 Deus potest supplere vicem omnis causa secundæ.

Quòd possit supplere vicem omnis causæ finalis & efficientis,

entis, extra controversiam est positum. Sed an possit supplere vicem materiæ & formæ, hoc est de quo disputari solet. Respon. Potest supplere vicem materiæ & formæ, sed non in genere materiæ & formæ. Hoc enim importat imperfectiorem. Potest igitur hoc in genere causæ efficientis conservantis. Alii sic efferunt hunc canonem: *Causa prima potest effectus causarum secundarum sine ipsis producere*. Sic Deus potest producere actionem, quæ manat à formâ cœli, etiam formâ cœli sublatâ. Hoc tamen Durandus & Capreolus negant. Hic solet moveri quæstio, an etiam Deus accidentia extra subjectum possit sustentare? Quidam dicunt, quod possit potentiâ absolutâ: eò quod hoc non implicet contradictionem. Deinde, ajunt, si Deus potest supplere vicem cuiuslibet causæ secundæ; ergo multò magis supplere potest vicem subjecti. Addunt, Deum posse recipere accidentia, non in genere subjecti alicujus recipientis accidentia, sed in genere causæ efficientis conservantis. Sed nobis negativa videtur vera. Non enim est par ratio; si Deus potest supplere vicem omnis causæ, etiam vicem subjecti supplere potest. Nam formalis ratio accidentis est habere subjectum inhætionis.

An Deus possit supplere vicem omnis causæ?

An Deus possit accidentia extra subjectum sustentare?

9 *Deus immediatè agit cum omni ente creato.*

Est autem immediatio duplex. 1. Suppositi, cum inter causam & effectum non est interjectum aliud suppositum, ut cum aqua manum abluit. 2. Virtutis, cum aliquid agit per virtutem non aliunde sibi communicatam, sive subjectum, in quod agit, sit immediatum agenti, sive ab eo distet: sic sol lumine suo terrâ attingit, scil. immedietate virtutis. Deus agit utroq; modo immediatè, immedietate suppositi; quia est immensus; & virtutis, quia nihil habet ab aliquo sibi communicatum. Quemadmodum autè duplex est immedietas, ita & duplex est medietas, uti facile est intelligere ex opposito.

Immedietas duplex.

10 *Causa prima potest omnia:*

Si scil. 1. Non implicent contradictionem, ut Deus non potest seipsum negare. 2. Velit. Hinc Damascenus: πάντες ἄνθρωποι θεοῦ δυνάμει, ἔχοντες ὅσα ἡ δυνάμει, θεοῦ: ut *Matth. 3.* videre est. Deus potuisset Abrahamo liberos ex lapidibus excitare, si voluisset. Cæterum impossibile duo sunt genera.

Impossibi-
lium duo
sunt ge-
nera.

1. Quæ per se, & suâ naturâ non possunt fieri; *adwâta*, *negati-
awta*, impossibilia ex parte rei seu objecti, quando res per se
talis est, ut fieri non possit. Sic impossibile est, electum esse
non electum. 2. Quæ ex parte ipsius agentis fieri non pos-
sunt: ut peccare est impossibile ex parte Dei. Deus enim non
potest facere injusta; quia ipse est summa iustitia. Huc per-
tinent axiomata:

1 *Deus efficere non potest, ut contradictoria sint si-
mul vera.*

Nam Deus sibi non est contrarius.

2 *Absolutè impossibile est, cùm prædicatum pugnat
cum subjecto:*

Ut hominem esse avem. Hoc enim evertit naturam, ejus-
que leges.

3 *Quod imperfectionem significat, id à Deo fieri non
potest.*

Pugnat enim hoc cum naturâ Dei. Hinc *Hugo lib. 1. de
sacram. part. 2. cap. 22.* Deus omnia potest, quæ posse ipsum
potentia est, non imbecillitas.

4 *Quæ sunt possibilia creaturæ respectu potentie pas-
sivæ, à Deo non fiunt.*

Ratio hujus axiomatis petitur è tertio antegresso: quia
potentia passiva, ut posse mori, dicit imperfectionem.

5 *Deus plura potest potentiâ absolutâ, quàm potest
actuali.*

Potentia Dei absoluta est, quâ Deus plura potest quàm
ordinariè facit: hanc vocant extraordinariam, exemptam, ab-
solutissimam & obedientialem. Hâc fecit virginem parere.
Et hâc plura potest, quàm vult. Illa tamen posse dicendus
est, quæ non involvunt contradictionem. Ordinaria Dei po-
tentia est, quâ Deus ordinem seu legem in naturâ semel po-
sitam in agendo observat liberè: hâc etiam dicitur actualis.
Hâc quoq; potest & facit ea, quæ non implicant contradi-
ctionem. Itaq; Deus

1 non potest facere, ut ipse sit non Deus.

2 non potest sui odium præcipere.

- 3 non potest separare definitionem à definito.
 - 4 non potest efficere, ut præteritum non fuerit, seu ut factum sit infectum.
 - 5 non potest sententiam veram necessario efficere falsam.
 - 6 non potest seipsum in nihilum redigere.
 - 7 non potest sedere, dormire, ambulare.
 - 8 non potest facere alium Deum.
 - 9 prima persona non potest odisse secundam & tertiam.
 - 10 non potest agere in non-ens, hoc est, non potest facere non-ens.
 - 11 non potest facere ut corpus aliquod sit infinitum.
 - 12 non potest impium servare non-conversum.
- Nam hæc omnia defectum includunt.

Excipiunt hîc quidam hoc modo: Quæ apud nos contradictionem implicant, ut homo est avis, apud Deum non implicant contradictionem. Sicut enim fecit, ut homo esset Deus: ita & hoc efficere potest. Resp. 1. Est insignis impietas, & inscitia in Theologicis crassissima, mysterium singulariter mirabilis & mirabiliter singularis unionis tam turpiter ad stabiliendam manifestam absurditatem rapere. 2. Est una veritas in conceptu Dei, & creaturæ rationalis: licet ibi sit perfectior. Itaque veritas ectypa consonabit archetypæ. Objicis: 1. Plenum impietatis est, potentiæ divinæ absolutissimæ cancellos præfigere, & decidere velle, quid ea possit, & non possit. Hoc est saltum facere è Logicâ nostrâ in divinam. 2. Deus potest illa, quæ sunt supra captum nostrum: ut corpus potest statuere in puncto, item idem numero corpus excitabit. Hæc contradictionem implicant apud nos, non autem respectu Dei. Resp. 1. Vos huc nos pertrahitis spinosis illis quæstionibus, quas paulò antè negavi. 2. Non præfigimus Deo terminos, sed sanctam ipsius naturam asserimus; & vindicamus ab omni imperfectione. 3. Paulò antè ostendi, veritatem uno modo se habere in intellectu increato & creato. Mittamus igitur has tenebras. Hic obiter explicemus, quomodo Deus non possit agere in non-ens. Scal. exerc. 365. f. 9. contrarium statuit. Sed errat. Dum enim Philosophi dicunt, Deus non agit in non-ens, hoc volunt, non esse effectum Dei. Objicis: At potest omnia in ni-

hilum redigere. Respon. At $\tau\acute{o}$ nihilum ne sic quidem est effectum Dei, sed terminus ad quem. Objicis: Hic terminus est effectum. Respon. Si scil. sit positivus. At si negativus sit, non est effectum, sed tantum terminus. Sic terminus à quo si positivus sit, est materia, at si negativus sit, est tantum terminus, ut $\tau\acute{o}$ nihilum.

Causa secundum quid prima est, quæ in certo tantum genere prima est.

Ita motus primi mobilis est causa prima omnium motuum inferiorum.

Causa secunda est, quæ à primâ pendet.

De hæc sunt canones:

1 Causæ secundæ nulla est actio sine concursu primæ.

Alii sic enunciant canonem: *Causa secunda non movet nisi mota*. Ratio: quia dependet à primâ, ratione essendi & causandi, h. e. habet à primâ ut sit, & ut operetur. Hinc dicimus in Scholis: A quo res habet esse, ab eodem etiam habet virtutem agendi. Itaq;

Causa secunda est alligata ad primam.

Neq; tamen hoc modo tollitur libertas agentium consilio: sed tantum summa libertas illis denegatur. Prima causa est liberrima; secunda est libera; ideoq; alligata, quoad dependentiam, non autem coactionem. Præterea hîc distinguas materiale peccati à formali. Illud à Deo est, quia bonum: istud à Deo dirigitur ad bonum.

2 Causa secunda est finita virtutis:

Quia finitæ & dependentis est essentia. Ergò Diabolus non potest 1. creare; quia creatio est constitutio substantiæ è nihilo; quæ constitutio non potest pendere ab essentiâ finitâ. 2. concreare; quia con creatio includit creationem. Ergò ille, qui creavit substantias, etiam accidentia creat, vel si ita vis, concreat; & contrâ.

2 Causa secunda est imperfectè causa.

Ratio: quia dependet à primâ. Hinc prima causa dicitur *αἰτιον αὐτοτελές*, secunda *αἰτιον ἀτελές*. Itaq;

Causa secunda ita est efficiens, ut sæpe sit deficiens.

Deficiens autem dicitur duobus modis. 1. Quod deficit in actio-

in actionibus naturalibus à perfectione primæ causæ. 2. Quod An omnis deficit in actionibus voluntariis. Ille defectus non est peccatum. Nam defectus naturalis est merè positivus; sed voluntarius per se est privativus, non positivus nisi per accidens. defectus malus sit?

Causa secunda non pendet à primâ quoad deficientiam, sed solum quoad efficientiam.

Si enim recedit à perfectione primæ causæ dum deficit, certè ab ipsâ non pendeat eo ipso, quo deficit. Sicut ergo claudicatio equi non est à motu (motus enim non est ordinatus ad ἀπεξίαν istam) sed ab aliâ ἀπεξία, videl. malâ pedum dispositione: ita defectus creaturæ non est à primâ causâ, sed mutabilitate ipsius. Interim homo peccans pendet à Dei directione.

3 Causa secunda deficiens, quâ talis, non est vera efficiens.

Est quidem verè efficiens, sed non vera efficiens. Distinguas igitur inter efficientem sic dictam ἐν πλάτει, & κυρίως. Illo modo diabolus est causa efficiens peccati, non hoc modo. Quia causa κυρίως efficiens propter certum finem agit. At finis propriè dictus non est nisi bonus. Si ergo Diabolus propriè efficeret malum, peccatum esset bonum per se.

4 Causa secunda in suo genere potest esse prima.

Ita quod est primum in aliquo genere, est causa reliquorum. Ideò diximus, quòd Deus sit causa prima simpliciter, & quòd causa secunda possit esse prima κατὰ τιν, in aliquo genere causalitatis. Atque de hac causâ intelligendus est canon: Oportet in quaque re summam seu primam causam querere: ut anima est prima causa motus in animali.

Causa secunda est mediata, vel immediata.

Mediata est, inter quam & effectum ultimum aliæ interfunt.

Sic Deus salvat per verbum & sacramenta; avus est causa nepotis mediata.

Ejus canones sunt:

1 Causa mediata est causa in potentiâ respectu effectus ultimi.

Hinc philosopho dicitur *ἄπὸν ἡγετὴ διώαμιν*, item *causa in futuro*: quia eâ positâ effectus ultimus nondum est, sed tantum esse potest. Itaque

Positâ causâ mediata non necesse est poni effectum.

Sic positâ animâ rationali non illicò ponitur scriptio.

2 Causa mediata potest esse immediata respectu ejus effectus, qui ei proximè adheret.

Si enim non haberet effectum proximum, vel causa non esset, vel per accidens causa esset. Sic avus est causa proxima filii sui, cujus respectu dicitur pater, sed causa remota nepotis.

Estq; vel remota, vel propinqua.

Remota est, inter quam & effectum plures intercedunt:

Sic cœli motus est causa progressionis animalium, quia non una tantum causa, sed plures intercedunt.

Propinqua est, inter quam & effectum tantum una intercedit causa:

Sic elevatio vaporis in nubem est causa propinqua pluviae, quia tantum una intercedit, videl. resolutio nubis.

Causa immediata est, quæ proximè attingit effectum: *Græcis ἄπὸν ἄμεσον*.

Ejus canones sunt.

1 Positâ causâ immediatâ seu proximâ, necesse est poni effectum.

Alii sic enunciant: *Causâ in actu positâ, impossibile est ut non sequatur effectum*. Hinc causa immediata dicitur *causa in actu*, respectu effectus proximi. Nam immediatâ & proximâ vi attingit suum effectum.

2 Causa proxima habet causalitatem, h. e. efficiendi facultatem, completam.

Hinc à Scholasticis dicitur *causa completa*: quia requirit complementum causarum remotarum & mediatarum omnium.

minium. Nam omnis causa proxima præsupponit omnes intermedias.

3 *Unius rei non est nisi una causa proxima;*

Quæ aliàs dicitur *adæquata*. Atq; hæc est scientiæ fundamentum. Quilibet ergo hanc summo studio debet indagare. Sic v.g. sensus habet unam causam proximam, videl. animam sentientem.

Causa proxima est fons scientiæ *αυτης* dictæ.

4 *Per causam proximam accidentia distinctè & perfectè cognoscuntur.*

Ratio: quia nullum accidens subiecto suo immediatè inest (ut vult Ramus) sed omne inest per causam. Errat ergo Ramus, qui demonstrationem Aristotelicam negat, eò quod nulla sit causa proxima accidentium in subiecto: ideoque illa demonstrari non posse statuit de subiecto, quod accidentia subiecto insint immediatè. De hac cognitione intelligendum est illud celebratissimum Aristotelis: *Scire est rem per causam cognoscere*.

5 *Causa proxima investigatur sensu & examine Logico.*

Hic proponuntur duo instrumenta seu media inquirendi causam proximam alicujus effectus. 1. Est sensus seu observatio. Sensuum enim judicium est infallibile, præsertim si omnia requisita fuerint salva & integra. 2. Est examen Logicum, quo rem cum re conferimus, & illud, quod sensus monstravit, examinamus ad canones Logicos, cujusmodi sunt definitio causæ proximæ & canones traditi de eadem. Hoc examen Logicum Zabarella vocat regressum, seu comparisonem Logicam, quâ progredior à causâ ad effectum, & vice versâ regredior ab effecto ad causam.

Regressus Logicus quis sit?

Causa proxima est interna, vel externa.

Interna est, quæ subiecto, cui effectum producit, essentialis est.

Tales causæ sunt materia & forma. Nam hæc duæ sunt causæ proximæ internæ multorum accidentium: ut materia est causa efficiens finitudinis; forma in homine, putà anima rationalis, est causa efficiens facultatis ridendi,

loquendi &c. Nota, quòd materia & forma respectu *inane*.
riati & formati non sint causæ efficientes, sed respectu ac-
cidentium. Materia quidem illorum accidentium, quæ flu-
unt à quantitate; forma omnium qualitarum, & acciden-
tium quæ à qualitate oriuntur.

Causa proxima externa est, quæ est extra essen-
tiam subjecti, cui producit effectum.

Talis est omnis causa proxima, quæ neq; materia est, neq;
forma: ut risus causa proxima est commotio cordis & dia-
phragmatis ex cognito objecto ridiculo.

Causæ cōtingenter subordinatæ sequuntur, cum
inferior à superiori nō pendet suâ naturâ ac per se.

Sic statua pendet ab homine, non quâ homo, sed quâ est
artifex; & peccatum pendet à voluntate hominis, non quâ
voluntas est, sed quatenus corrupta est, averfa scil. à bono
immutabili, Deo, & conversa ad bonum mutabile vel appa-
rens. Nam hi duo termini, à quo, & ad quem, sunt in quovis
peccato.

Cap. 7. *Materia.*

Satis de causâ externâ, fine & efficiente: nunc
de internâ, quæ essentiam causati constituit
intrinsecè: seu, quæ ingreditur essentiam causati.

Estq; vel materia, vel forma.

De hac divisione sunt hi canones:

1. *Ex materiâ & formâ, tanquam ex potentiâ & a-
ctu fit unum per se.*

Aliàs sic effertur: *E duobus imperfectis fit unum perfectum.*
Materia autem & forma dicuntur principia imperfecta, item
substantiæ incompletæ, respectu compositorum, quorū sunt
principia. Illa enim dicuntur perfecta, & substantiæ cōpletæ.
Quamvis n. forma sit actus, non tamen est actus per se sub-
sistens. Ideò dicitur imperfecta. Itaq; multo magis imperfe-
cta erit materia. Dicitur notabiliter, *unū per se*, uti est homo,
constans ex corpore & animâ: ut excludatur unum per acci-
dens, qualis est cumulus frumenti cōstans ex multis granis,
ubi gra-

ubi granum ad granum non habet se ut potentia ad actum, sed omnia & singula grana sunt adæquæ perfecta. Itaque

Materia & forma sibi mutuas præstant operas.

Sunt enim causæ internæ, mutuâ coordinatione inter sese ultrò citroque dantes & accipientes, suo modò utraque aliam quam perfectionem. Etenim forma hoc facit, ut materia sit hoc aliquid, hoc est, aliquid determinatum: materia verò ut forma existat. Materia est receptiva & perfectibilis; forma verò receptibilis & perfectiva.

2 Materia & forma sunt rei partes essentielles.

Hoc principium apud omnes tum veteres, tum recentiores philosophos est indubitata veritatis: ut meritò ridendus sit Heizo Buscherus, qui formam rei partem esse negat.

3 Materiæ rei non potest esse forma ejusdem.

Ratio: quia materia & forma sunt oppositæ relata. Sic unitas cum sit materia ternarii, non potest esse forma ejusdem, contra quam docet *Scal. ex. 365. f. 1.* Sic apud Ramum altera pars Logicæ judicium, cum sit materia ejus, non potest esse illius forma, contra quam docent quidam Rami interpretes.

4 Nulla est materia, quin habeat suam formam convenientem.

Qualibet item forma materiam propriam requirit, quæ alterius rei materia esse nequit. Sic materia equi habet formam sibi convenientem, videl. equinam, & forma ista equina requirit propriam materiam, quæ alterius rei materia esse nequit. Sic hominis materia est propria, videl. humana: tauro sua materia est, taurina. Materiæ autem propriæ efficiuntur à formis propriis.

5 De materiæ potestate forma physica educitur.

Hoc axioma prorsus est Peripateticum. Triplex hîc se offert sententia. Quidam enim volunt, formas rerum naturalium creari seu esse è nihilo. Alii putant, illas produci à principis naturalibus. Pleriq; existimant, omnes formas naturales emergere è sinu materiæ, exceptâ humanâ formâ. Et hæc est sententia Peripatetica, quæ tamen non caret controversiâ. Videris hâc de re Bodini theatrum naturæ, ubi egregiè hanc materiam disputat.

An formæ educantur è potentiâ materiæ?

**6 Materia est causa multiplicationis & confusio-
nis, forma est causa distinctionis.**

forma est causa efficiens Hinc forma dicitur mater distinctionis. Hoc axioma cla-
roprietatem, sed rum est. Videmus enim ideo multos esse homines, quod
multæ sint illorum materiæ, è quibus constant, nimirum
corpora. Eosdem distingui videmus à se invicem formis in-
dividuificis.

**7 Quidquid habet materiam, habet & formam, &
contra.**

Ratio: quia materia & forma sunt *οὐκ ἴνα ἕξῃ*, simul exi-
stentia principia. Hoc axioma valet in campo phylico. Nam
forma metaphysicè accepta pro essentiâ non habet necessi-
riò materiam. Hoc sensu Deus sæpe appellatur forma.

8 Materia appetit formam.

Intellige appetitum non voluntarium, sed naturalem: h. e.
materia habet naturaliter inclinationem, quæ apta est habe-
re formas. Scotus l. 2. sent. dicit, materiam habere duplicem
appetitum; unum ad formam, quam nondū habet materia,
& hunc vocat *appetitum desiderii*; alterum ad formam, quam
materia possidet jam, & hunc vocat *appetitum complacentiæ*.
Atque hoc est quod dicit philosophus, materiam appetere
formam sicut mulier appetit virum. Nam & illa duob. mo-
dis appetit virum, appetitu desiderii & complacentiæ.

Materia est causa interna, ex quâ materiatur est
Ejus canones sunt:

1 Nihil cuius contrarium, potest esse illius materia.

Ratio: quia contrarium unum agit in alterum expellen-
do. Hinc deciditur quæstio: An alimentum corpori sit con-
trarium? N. Cū enim corpus fiat, h. e. augeatur ex alimen-
to, necessum est ut alimentum sit materia corporis. Proinde
corpori non est contrarium. Nam contrarii, ut diximus, hæc
est natura, ut contrarium suum destruat.

An alimen-
tum corpo-
ri sit contra-
rium.

2 Materiæ nihil est contrarium.

Intellige contrarium positivum, non negativum. Nam
materia & privationem habet oppositam, & non-materiam
tanquam contradictorium. Hic itaq; est canonis sensus: ma-
teriæ nulla forma substantialis, nullum accidens, nō natura,
non

non Deus, non ratio, nullum deniq; positivum contrariatur. Ratio hujus canonis petitur ex illo: *Substantia nihil est contrarium.*

3 *Materia nunquam existit sola:*

H.e. nunquam existit sine aliquâ formâ, licet sine eâ possit considerari tanquam sola & propria essentia. Hinc dicunt philosophi, considerandam esse materiam dupliciter: 1. absolute, secundum essentiam propriam, quæ est quidem *ἀ-μωρεστος*, ita tamen ut habeat actum entitativum, licet non habeat quidditativum. 2. *ἡλεκτὼς*, relatè, & sic essentia ejus est formata & qualis.

4 *Omne ens præter Deum habet materiam:*

Scil. vel physicam, vel metaphysicam, quæ & analogica dicitur, vel logicam. Sic rerum naturalium physica est materia, metaphysicarum, ut angeli & animæ, metaphysica, fictitiarum fictitia. Qualis enim est res, talis quoq; est materia.

5 *Una eademq; res non potest esse efficiens & materia.*

Arist. 1. de gen. & corr. tex. 55. Contrà docent *Conimbricenses in 3. de animâ c. 8. q. 1. art. 2.* Conciliatio sic habet. Materia per se nunquam est efficiens, sed per accidens, quatenus est informata & qualis. Hoc ostendimus capite de causâ efficiente, quomodo materia possit esse causa proxima interna. Deinde materia sæpe accipitur pro *ὑποκείμενῳ*, *subjecto*. Et hoc sensu materia sæpe est efficiens. Si objicias è Scaligero, Materia agit ut existat forma *ex. 307. f. 27.* & contendas ideò materiam per se efficientem esse causam, respondebo, hanc causalitatem materiæ non esse actionem externam, ideòq; nec motionem propriè dictam, sed duntaxat occasionalem.

6 *Materia non tantum est pati, sed etiam ad perfectionem aliquid conferre.*

Patitur ratione formæ, quam excipit quasi gremio suo; confert ad perfectionem respectu compositi. Nam vi illius materiæ materiatur. Falsum igitur est illud pronuntiatum: omne esse capitur à formâ: nisi intelligatur per restrictionem esse perfectum & specificum.

7 *Materia idem est quod genus.*

Intellige identitatem non essentialem, sed accidentalem, quæ est identitas qualitatis seu per similitudinem. Nam materia non est prorsus idem quod genus. Differunt enim in hoc, quod genus prædicatur de specie in casu recto, materia de materiato non item. Hinc est, quod propter magnam similitudinem genus plerumq; à materiâ capitur, sicut differentia specifica à formâ.

8 *Si materia est, materiatum esse potest:*

U. si farina est, panis haberi potest; si ferrum est, gladius fieri potest. Et contrà, si materia non est in promptu, nec materiatum esse potest: ut si deest hordeum & lupulus, ceresia coqui non potest. Dicitur in canone, *esse potest*. Non enim sequitur: farina adest, Ergo & panis. Huc pertinet illud tritum; *A posse ad esse non valet consequentia*.

9 *Cui tribuitur materia, ei tribuuntur ea, quæ materiæ sunt propria; & contrà cui adimuntur propria materia, eidem adimitur ipsa materia.*

Itaque sequitur: vitrum est fragile. Ergo & poculum vitreum. Hominis elementa sunt corruptibilia. Ergo & ipse homo, quatenus ex iis constat. Item: Quidquid non constat ex elementis, non alteratur. Sed stellæ non constant ex elementis. Ergo nec alterantur. Observa nos hîc semper loqui de materiâ propriè dicta, quæ aliàs vocatur *materia ex qua*: non de materiâ impropriè dicta, quæ similitudine quâdam materia dicitur, ut est materia *in qua & circa quam*. Illa enim est subjectum recipiens, ista objectum.

Materia est sensibilis, vel intelligibilis.

Materia sensibilis est, ex quâ materiatum sensibile est: *Græcis ὕλη αἰσθητὴ, aliàs materia corporea dicitur, & Physica.*

Et hæc materia semper est substantialis univoca, nunquam accidentalis.

De hæc in genere est cano:

Quidquid est corpus, habet materiam corpoream; & quidquid habet materiam corpoream, est corpus.

Nota hîc triplicem esse acceptionem corporis. 1. Est corpus ma-

pus mathematicum, species quantitatis, ipsâ trinâ dimensione constans. 2. Corpus significat alteram partem compositionis substantiæ physicæ, ut homo dicitur constare ex animâ & corpore. 3. Significat substantiam completam; & sic corpus dividitur in animatum & inanimatum. Ita dicimus, homo est corpus, per prædicationem generis de specie, non autem materiæ de materiato. Canon loquitur de tertiâ corporis acceptione.

Corpus tribus modis dicitur.

Materia sensibilis primò est permanens, vel transiens.

Permanens est, quæ in materiato permanet actu, suam naturam atq; nomen retinens. *Alio nomine dicitur materia conjunctionis & compositionis, item materia antecedens:*

Ut cum ex ære fit statua, ex corio calceus, ex corpore organico animal.

De hac est canon:

Materia permanet & servatur in re generatâ.

Item: *materia compositi non abjicitur, non aboletur.* Item: *materia est actu in composito.* Hæc axiomata loquuntur de materiâ permanente, quæ post completum generationis & productionis actum salva existit: ut corpus hominis, calamus anserinus calami scriptorii est materia.

Materia transiens est, ex quâ essentialiter immutatâ materiatum fit.

Dicitur aliàs materia dispositionis, alterationis, & transmutationis: ut cum ex ovo fit pullus, ex sanguine caro, ex aquâ & farinâ panis. Ejus canones sunt:

1 *Materia transiens essentialiter transmutatur.*

Proinde completo generationis actu non existit amplius. Nihilominus est in materiato virtualiter, ut terra in homine.

2 *Materia transiens, ut non retinet naturam suam, ita nec nomen.*

Hinc etiam vocatur *variata*, sicut permanens quibusdam dicitur *invariata*. Sic vinum est materia variata seu transiens aceti.

Deinde materia sensilis est totalis, vel partialis.
Totalis est, quæ simpliciter & perfectè materia-
tum constituit :

Ut tres propositiones sunt materia totalis syllogismi, se-
men viri & scæminæ junctum est materia totalis hominis.

Partialis est, quæ secundùm quid & imperfectè
materiaturum constituit :

Ut conclusio est materia partialis syllogismi.

Estque principalis, quæ primariò constituit ma-
teriaturum ; vel minùs principalis, quæ secundariò.

Hoc sensu semen virile dicitur materia principalior ho-
minis, scæmineum verò minùs principalis. Item farina di-
citur materia principalis panis , aqua verò minùs princi-
palis.

Tertiò materia sensilis est prima, vel secunda.

Materia prima est, quæ aliam se priorem non
habet, ex quâ orta sit,

De hac sunt canones :

1 *Materia prima nullo respectu potest habere ratio-
nem materiati.*

Hic canon deducitur è definitione. Nam quod simplici-
ter primum est in ordine causæ alicujus , nullo modo potest
esse causatū. Objicis: at ex nihilo nihil fit. Ergò materia pri-
ma est ex aliquo se priori. Resp. Phrasis illa, *ex nihilo*, signi-
ficat duo. Ex nihilo, tanquam ex materia nihil fit. Hoc ve-
rum est. Deinde ex nihilo, hoc est, nullo præsupposito seu
præexistente nihil fit, hoc falsum est de creatione, de gene-
ratione verum.

2 *Materia prima est una specie, partibus dividua.*

Hoc est, una est materia, quæ distributa est in singula in-
dividua. Sic materia prima in muscâ & elephantò est una
specie seu essentiâ : interim partibus est dividua. Nam ele-
phas aliquid gestat de materiâ primâ, item musca aliquid. Si
hanc materiam lubet appellare *minimum naturale*, seu ἀ-
μικρον φυσικόν, non repugno. Itaque

A materiâ primâ non potest peti differentia.

Est enim

Est enim nimium generalis.

3 *Materia prima est ingenerabilis & incorruptibilis.*

Quamvis enim sit creata, tamen non est generata. Quòd autem sit creata, sic patet. In omni causarum genere datur aliquod primum. Ergò & in genere materiæ. Si igitur est prima materia, illa erit creata, vel increata. Si increata, non est materia; quia omne materiatum est creatum. Non ergò potest constare ex materia increata. Cæterum nos hîc agimus de materia prima Mosaica, non Aristotelica illa: interrim axiomata Aristotelis sana ad Mosaicam accommodamus.

4 *Materia prima est potentia ad esse & non esse.*

Hoc est, rebus sublunaribus est proxima causa, ut gignantur & intereant; sed cœlestibus corporibus est causa remota ad esse & non esse. Quò minus enim illa gignantur & intereant, facit Dei voluntas, juxta illud Scaligeri: Cœlum non habet destructorem, sed conservatorem. Quòd quidam dicunt, cœlum esse materiæ expers, frivolum est. Etenim omne corpus est materiatum. In rebus sublunaribus, dum materia formam recipit, res genita accipit esse: dum verò abjicit formam, res eadem interit. Si hoc idem fieret in rebus cœlestibus, mundus consistere non posset. Cæterum illa materiæ potentia dicitur *δύναμις ἀντιφάσας*, potentia contradictionis: quia tendit ad esse & non esse. Hinc axioma: *Ο-ἀντιφάσας* *omnia agentia materiata seu physica habent potentiam contradictionis*, hoc est, materiam illam primam, quâ ita sunt, ut etiam possint non esse. Hinc materia dicitur principium non essendi. 2. *Metaph. cap. 7.* Objicis: At est principium essendi & constitutionis. Resp. Materia per se est causa ex qua res est: sed per accidens facit, ut res non sit, scilicet ratione privationum, quibus referta est; & ita machinatur interitum. Hoc sensu Philosopho dicitur *κακὸς ποίον ἔσθι*, dum qualitates priorum formarum expultrices & profligatrices admittit.

5 *Materia prima est informis.*

Consideratur illa duobus modis. Secundum notionem absolutam est in prædicamento substantiæ; & ita est infor-

mis, quatenus est altera pars compositi. Secundùm notionem relativam consideratur tanquam aliorum principium; & in hoc conceptu est formata. Nam sic necessariò conjunctam habet privationem. At privatio nulla esse potest sine aliqua formâ præsentī, quæ removenda est, ut alia seu nova introducatur. Hinc illud; *Ex materiâ nudâ nihil potest generari.*

6 Materia prima est indeterminata & ad multa indifferens.

Si enim consideretur in suâ latitudine, absq; præviis dispositionibus existit, quæ materiam determinant & limitant ad certam formam recipiendam. Sic ergo materia prima considerata, modò ad formam culicis, modò ad formam elephanti recipiendam est apta.

Materia secunda est, quæ à primâ dependet.

De hæc sunt canones:

1 Materia secunda ita est materia, ut simul sit materiatum.

Materia quidē est respectu materiati sui; materiatum vero est respectu primæ materiæ, à quâ pendet. Sic ergo est materia, ut simul sit compositum materiale: quod de primâ dici nequit, quæ ideo *simplex & absoluta materia* appellatur.

2 Materia secunda necessariò est determinata ad certam & unicam formam.

Sic materia asini tantum determinata est ad formam asini, non ad formam muscæ vel hominis.

Materia secunda est mediata, vel immediata.

Mediata est, ex quâ per interventum alterius materiæ est materiatum.

Estque remota, vel propinqua.

Remota est, quæ materiatum constituit remote: ut *elementa sunt materia hominis remota.*

Propinqua est, quæ materiaturū constituit propinque: ut *semen humanū est hominis materia propinqua.*

Materia immediata est, quæ proximè constituit

tuit materiatur sine interventu ullius materiæ;

Unde & proxima dicitur: ut corpus organicum est materia hominis. Hæc materia vulgò vocatur coëxistens, quâ res cõstat: sicut mediata, præexistēs, ut terra est materia Adam i.

De hæc est canon:

Quando aliquid dicitur potentiâ tale, propriè id convenit materia proxima, non remota.

Non igitur rusticum dices potentiâ doctorem, sed de studio bonarum literarum hoc affirmabis.

Sequitur materia intelligibilis, ex quâ materiatur incorporeum constat: *Græcis ὁλὴ νοητὴ, alio nomine ὁλὴ ἀσώματος, materia incorporea dicitur.*

Materia sensilis est rerum naturalium seu physicarum & artificialium: at intelligibilis est spirituum, rerum mathematicarum, & Logicarum, seu notionum secundarum; & uno verbo, omnium rerum abstractarum, præter Deum. Hinc materia intelligibilis alio nomine *materia abstracta & analogica* dicitur. Falsum autem est, quod quidã contendunt, omnem materiam intelligibilē esse accidentalem. Nam spirituum creatorum materia non est accidentalis. Sic ergo de materiâ intelligibili habendū. Res creatę abstractę sunt vel substantię, vel accidentia. Abstractarum istarum substantiarum materia analogica est substantialis. Tales substantię sunt angelus & anima rationalis. His tribuitur materia, non crassa, sed naturę ipsorum conveniens; quam suprà vocavimus metaphysicam, nimirum ex hypothesi illorum, qui de intelligentiis & animâ docent in primâ philosophiâ. Accidentiū verò materia est accidentalis: quo pacto ex punctis dicitur fieri linea mathematica, ex lineis tribus triangulum mathematicum, ex literis vox, è subjecto & prædicato propositio, è trib. terminis syllogismus. Hoc quoq; modo præcepta animo comprehensâ dicuntur materia alicujus disciplinæ.

Materia intelligibilis
quatenus re-
rum sit?

Cap. 8. Forma.

Forma est causa interna, per quam formatū est: *Græcis eleganti vocabulo dicitur ἐντελέχεια. Sicut materia duplicem exercet causalitatē, vid. respectu ma-*

teriat & formæ: ita & forma, unam respectu formati, alteram respectu materiæ exercet. Illa est principalis, ideoque expressa in illius finitione.

Tres for-
marum gra-
dus.

Definitum in hâc definitione est ambiguum. Primò quidem ratione officii forma alia dicitur *informans*, quæ rem intrinsecus perficit: alia *assistens*, quæ rei in suo esse jam constitutæ dat motum. Ita Peripatetici docent intelligentias orbium cœlestium esse formas assistentes, sicut nauta dicitur forma navis. Sic quidam dixerunt animam rationalem esse formam hominis assistentem. Nos vocabulum formæ priori significatu accipimus. Deinde ratione dependentiæ & independentiæ tres numerantur formarum gradus & ordines. 1. Est forma simplicissima, quæ est ipsissimum esse simpliciter, non accipiens suum esse à causa alia superiore, nec recepta in alio inferiori ente tanquam principium internū. Hoc sensu Peripateticis nostris Deus dicitur *forma purissima, forma formarum, & purissimus actus*. 2. Sunt formæ, quæ recipiunt suum esse aliunde, & non recipiuntur in materiâ; ut intelligentiæ, quæ dicuntur *formæ puræ*, item *mediæ*. 3. Sunt formæ in materiâ, seu cum materiâ conjunctæ, ut formæ substantiales & accidentales. Hæ dicuntur *formæ concretæ & conjunctæ*. Nam formæ superiores sunt ab omni materia sensili sejunctæ. Nos attendimus ad tertiam acceptionem; & de formâ in genere proponimus hos canones.

1 Forma est nobilior materiâ, entitate, præstantiâ virium, functionibus, & titulo.

Entitate: quia materia est ens indeterminatum, sed determinabile per formam; forma verò est ens determinatum & determinans materiam, sicut actus potentiam determinat. *Præstantiâ virium*: quia vires materiæ referuntur ad potentiam passivam, at vires formæ ad potentiam activam. Jam verò potentia activa est nobilior passivâ. *Functionibus*: quia materia importat omnis generis mutabilitatem & imperfectionem, forma autem omnimodam perfectionem: quam ob causam *ἐντελέχεια* dicitur. *Titulo* denique: quia forma est magis natura, & magis causa quàm materia. Nam materia tamen est natura & causa, non tamen est primaria, sed propter formam est talis & tanta. Itaque

Forma

Forma est prior materiâ secundum naturâ intentionem.

Aliquid dicitur *πρότερον φύσει*, prius naturâ, duobus modis; naturâ scilicet vel generante, vel intendente. Materia quidem est prior formâ quoad generationem. Nam materiâ est, formam quasi hospitio excipere. Et hanc ob causam materia Aristoteli dicitur æterna, formæ autem caducæ. Sed forma est prior materiâ, quatenus natura prius intendit id quod est perfectius. Jam verò forma est perficiens, materia perfectibilis. Forma igitur est prior materiâ secundum naturâ scopum: *ὅπερ ἔδει δεῖξαι*.

Quomodo
forma sit
prior ma-
teriâ?

2 *Dans formam dat consequentia formam.*

Sic quod dat ignem, & igni formam, dat eidem motum & operationem. Itaq; calor ignis ab ejus materia non generatur, sed ab eo, qui ignem produxit, procreatur. Ais: at calor ignis est à forma ipsius essentiali. Ergò non à formæ datore. Ajo: Causa causæ est etiam causa causati. Itaq; calor ignis utrumq; respicit, & formam & formæ datorē. Dans nimirum formam, ut causa procreans, dat consequentia formam, ut effecta per emanationem. Hæc enim dicuntur consequi formam, quæ per modum sequelæ ab ea producuntur, sicut facultates animæ sunt ab ipsâ anima per emanationem.

3 *Forma & finis interdum idem sunt.*

Hoc est, una eademque res potest & formæ & finis rationem sustinere. Formæ quidem: quatenus constituit hoc aliquid, adeoque est ratio essentialis. Finis verò: quatenus est id, propter quod efficiens agit, seu cujus gratiâ aliquid fit. Sic forma domus est quoque finis, cujus gratiâ architectus materiam præparavit. Sic quævis natura generans, formam tanquam finem intendit, ut videre licet è consuetario canonis primi hujus capituli. Alii sic offerunt hunc canonem: *Finis generationis est forma rei genita.*

4 *Formarum cognitio difficillima & abstrusissima est.*

Ratio: quia nulla per se incurrit in sensus. Vitreū vas hîc lambimus, pultem non attingimus, ut ait Scaliger in nobili exercitatione, *sect. 12*. Nobilis illa exercitatio est 307. Dico, per se. Nam forma per accidens incurrit in sensus. Nostra

Cognitio
formarum
difficillima.

igitur scientia est velut umbra in sole, & tanquam oculus nycticoracis in luce meridianâ. Num verò formas artificiales assequamur satis, non satis video; cum suo quoq; modo illæ sint internæ, & constituent rem artificiosam. Hæc de re OEdipi, non Davi sit judiciû. Ego certè malo hîc esse *ἐπεὶ* *ἡ* *ἀνθρώπων* *καὶ* *θεῶν*, ut & in illâ quæstione, an cognitio formati angelis sit negata, ita ut solus Deus illam sibi reservarit?

5 *Nihil in rebus creatis est formæ expers.*

Ratio: quia omnis res creata suam sibi habet materiam. Jam verò necessaria est connexio inter materiam & formam. Deinde quælibet res creata habet propriam essentiam. Atq; hinc probatur, materiam primam seorsum absq; formâ non existere.

6 *Differentia secundum majus & minus non variat formam sive speciem.*

Sic albedo pura & purissima differunt quidem gradibus: at non specie, vel formâ specificâ. Sic eruditio excellens à mediocri differt tantum gradu. Scholasticis hæc *differentia* dicitur *gradualis*.

7 *Positâ formâ ponitur formatum, & sublatâ tollitur.*

Si enim forma est ratio essentia, necessum est, ut illâ positâ ponatur res ipsa. Nota, quòd positâ formâ ponatur res primò seu immediatè, & sublatâ tollatur primò. Nam positâ risibilitate ponitur quidem homo, sed non *πρῶτος*, non *ἀμετάστροφος*. Non ergo sic licet argumentari: Quo posito res ponitur, illud est forma. At positis proprietatibus res ponitur. Ergo. Nam in majori propositione addenda est vocula *πρῶτος*, primò. Itaque

1 *Res in certo gradu entium per formam ponitur.*

2 *Unumquodq; est & denominatur τὸ ἑν, hoc aliquid, ratione formæ.*

3 *Omnis primaria distinctio & determinatio à formâ proficiscitur.*

4 *Formæ debentur operationes compositi, & ejus passionibus debentur materiæ.*

5 *Positâ formâ ponuntur tria, esse rei, distinctio, & operatio.* ὅτι, διὰ αὐτῆς
νὴ ἐξ ἑαυτῆς

6 *Omne quod est unum, per suam formam est unum.*

Nam unum est, quod in se est indivisum, & divisum seu distinctum ab omnibus aliis naturis.

7 *Ab unâ formâ provenit unum esse, non plura.*

Hoc est, una forma constituit unam rem.

8 *Forma prior est formato.*

Absurdus ergo est Bellarminus, qui libr. 2. de justif. cap. 4. charitatem facit fidei formam, cum fides sit prior charitate. Nauci itaque est illa divisio: fides est informis, vel formata per charitatem.

Formæ divisiones sequuntur, numero tres.

Forma primò est substantialis, vel accidentalis.

Forma substantialis est, per quam substantia est id quod est: *alio nomine dicitur forma primaria, item forma substantiæ.* Forma sub-
stantialis.

Ejus canones sunt:

1 *Forma substantialis non est principium alicujus effectus, nisi interventu formæ accidentalis.*

Verum est hoc de effectibus per transmutationem, non per emanationem. Sic calor emanat à formâ ignis sine interventu accidentis. At anima hominis nihil agit extra se, nisi interventu accidentis alicujus, ut quantitatis, qualitatis. Hinc *qualitates* vocantur *arma & instrumenta formarum.*

2 *Forma substantialis consistit in indivisibili.*

Μορφῆς ὅσα ἐν αὐτῷ. Etenim forma substantialis est simplex quid, ideoq; non est capax partium vel graduum, hoc est, non possumus illi apponere partes vel gradus. At formæ accidentales, quales sunt calor, color, eruditio, sunt divisibiles, hoc est, admittunt partes & gradus. Sic quantitas hominis successivè & partialiter acquiritur; sic calor in aquam introducit gradualiter. Hinc philosophus formas substantiales comparat numero, cui si addas, vel demas aliquid, non Forma quomodo consistat in indivisibili?

manebit idem numerus, qui antè fuit; ut si binario addas unitatem, non manebit idem numerus, qui antè fuit, sed erit ternarius. Ita si formæ substantiali addas vel demas aliquid, protinus definit esse forma substantialis: vel potius, non potest esse forma substantialis, cui aliquid addi vel demipi potest. Huc pertinent axiomata: *Forma est indivisibilis: Forma est velut numerus, cui nihil addi, nihil demipi potest, eodem numero permanente: Formale caret partibus: Forma est simplex, & ex duobus componi non potest: Forma non variatur, non augetur, non diminuitur, licet compositum varietur, augeatur, diminuat: Formam qui maiorem minoremve dixerit, is abutetur patientiâ sapientum: Forma non inveniuntur in aliquo magis: Nulla forma admittit extensionem & remissionem.* Hinc evincitur, gravitatem terræ non esse formam illius: quia etiam aqua habet gravitatem, sed remissionem quàm terra. Interim forma extenditur & divisibilis est per accidens, videlicet ad extensionem & divisionem materiæ, hoc est, forma substantialis est indivisibilis ratione essentia, quæ novum gradum superadditum non admittit, sed tamen dividitur & extenditur ratione quantitatis materiæ. *Scalig. exerc. 299. sect. 2. exerc. 101. sect. 15.* Ratio huius extensionis est: quia materiæ portio nulla esse potest sine formâ præsentissimâ & conjunctissimâ. *Iraque crescere materiâ formam promoveri seu diffundi necessum est.* Forma enim est veluti lux, quæ se promovel, non augetur appositione. Atque hoc modo forma per materiam extenditur.

Forma substantialis est materialis, vel immaterialis.

Forma materialis est, quæ à materiâ sejuncta non potest subsistere. *Alius dicitur forma corporeitatis.*

Tales sunt omnes formæ præter animam rationalem, ut formæ elementorum & animalium brutorum.

Ejus canones sunt.

1 *Forma materialis dependet à materiâ in fieri, in esse, & operari:*

Hoc est, illa forma nunquam est in actu, nisi cùm est aliquid

cujus corporis actus. Sic anima equi nihil est actu, nisi cum est actus & forma corporis hujus vel illius equi.

2 Forma materialis nunquam est principium quod, sed duntaxat principium quo.

Anima nostra esse potest principium operationis quod, scilicet agit: at forma materialis nullo modo. Sic forma ignis propriè non calefacit, sed ignis per formam: & anima equi propriè non vivit & sentit, sed est principium quo equus ipse vivit & sentit.

Forma immaterialis est, quæ sic informat, ut tamen se juncta à materiâ possit subsistere.

Talis est electi hominis anima rationalis, quæ separata à corpore vivet cum Deo & beatis spiritibus. Et quidè hæc est unica forma informans immaterialis. Nam Deus & angeli vocantur formæ, ut sub initium hujus capitis diximus, immateriales quidem, sed non informantes.

Canon de hac forma est unicus.

Forma immaterialis non abolet materiales in eodem composito.

Quatuor sunt formarum gradus in physicis. Nam sunt formæ: 1. Quæ dant esse tantum: uti est forma cæli, elementorum, lapidum, succorum, meteororum, & cujusque corporis inanimati. 2. Quæ dant præterea π vivere: ut sunt formæ arborum, fruticum, suffruticum. 3. Quæ dant præterea π sentire: ut est anima sensitiva. 4. Quæ dant π intelligere: ut est anima rationalis. In hac scalâ una forma ab alterâ differt realiter. Nam quæ separata sunt, realiter differunt. At si concurrant in uno supposito, ut in homine concurrunt omnes illæ quatuor, in bestiâ tres priores, in plantâ duæ priores; si, inquam, concurrant, quæritur, quomodo differant? Resp. Realiter. Nam forma immaterialis non tollit materialem, sed perficit. Ergo nec una materialis alteram abolebit, sed ea, quæ est perfectior, imperfectiorem perficiet. Hæc de re paulò post.

Quatuor
gradus for-
marum in
physicis.

Forma accidentalis est, per quam accidens est id quod est. Latiniùs dicitur forma accidentis.

Accidens omne habet suam essentiam conflatam ex actu & potentiâ. *Scalig. exerc. 325. sect. 2.* Omne itaq; accidens habet propriam formam. Ita vocis forma est ejus significatio bonæ legis forma est ipsius officium, ut loquuntur. Huc etiam pertinet forma artificialis, de quâ teneatur illud; *ἐν τῷ ἀνθρώπῳ ἡ μορφή ἐστὶν ἡ τέχνη.*

Secundò forma est totalis; vel partialis.

Forma totalis est, quæ informat totum compositum. *Latiniùs dicitur forma totius.*

Et hæc est ipsa essentia seu quidditas: ut hominis forma est humanitas, asini asininitas, juxta illud: *Abstracta sunt forma concretorum.*

Forma partialis est, quæ informat alteram compositi partem.

Sic anima rationalis dicitur forma hominis, quatenus scilicet informat ipsius materiam proximam, quæ est corpus. Aliàs *forma totalis* dicitur, quæ suum esse toti tribuit, & *partialis*, quæ tribuit esse parti totius. Hoc modo anima dicitur forma totalis, & manus dicitur habere formam partialem. Et de hac dicitur: Multiple forme partiales possunt esse in eodem subjecto, non tamen secundum idem, hoc est, eandem partem, licet inter sese habeant convenientiam. Sic alia est forma nasi, alia pedis, &c.

Tertiò forma est vel universalis, vel singularis.

Forma universalis est, quæ rem universalem informat.

Estque vel generica, vel specifica.

Forma generica est, quæ formato tribuit esse generale: unde & forma generalis, item communis dicitur.

Estque remota, vel propinqua: quarum illaremotè, hæc propinquè formatum suum constituit.

Sic anima vegetativa est forma hominis generica remota; sed anima sentiens (quæ eleganter dicitur sensifica) est ejusdem forma generica propinqua. Vocatur forma generica

rica; quia formatum hanc talem formam habet à suo genere. e.g. anima & animal se habent tanquam forma communis & genus. Ideò illa vocatur forma generica.

Ejus canon est:

Forma generica cum formato speciali reciprocari nequit.

Ratio est in proptatulo; quia genus latius patet unâ specie. Quamvis ergo anima reciprocetur cum animali: non tamen potest reciprocari cum hoc animali, puta homine.

Forma specifica est, quæ formato tribuit esse speciale. *Alio nomine dicitur forma propria, & proxima.*

Ejus canones sunt:

1 Forma generalis dat actum imperfectum, specifica perfectum.

Nam genus est imperfectius specie. Genus quidem perfectius est, quatenus cum specie communicat suum esse: sed imperfectius est, quatenus sui contractione accipit à specie.

2 Forma specifica est complementum formarum generalium.

Hoc est, illarum est perfectio, & ad illos se habet, tanquam actus ad potentiâ: ut videre est in homine, in quo anima intellectiva perficit sensitivam & vegetativam, non abolet.

3 Forma specifica dat rei non solum essentiam, sed etiam existentiam.

Actus est duplex, essentiae & existentiae. Forma specifica utroque modo est actus. Illa enim constituit rem in certâ specie. Species dicuntur, quæ sunt proximæ individuis, & uno duntaxat gradu illis superiores, ut in arbore substantiæ videre est. Hæ species non solum sunt, sed etiam existunt secundum quid. Et hinc deciditur illa vexatissima quæstio, an forma specifica evadat individuifica, h. e. limitantibus & individuantes conditionibus prædita? Affirmatur. Dum enim fuit specifica, evadit individuifica.

An forma specifica evadat individuifica?

4 *Forma specifica cum formato suo reciprocatur.*

Ratio, quia non latius pater illa specie, quam informat.

5 *Unius rei non possunt esse plures formæ specificæ.*

Hoc enim formatū esset princeps Cerberus, quippe quod à seipso differret specie. Una itaque unius rei est forma specifica & totalis. Possunt tamen unius rei esse plures formæ generales. Sic homo est vivens, per animam vegetantem, animal, per animam sensivam; est homo, per animam intellectivam. Alii sic efferunt hunc canōnem: *Dua formæ specificæ non possunt esse in eadem materiâ.* Fieri enim non potest ut una res sint duæ species distinctæ.

6 *Formæ propriæ & specificæ non tollunt formam communem seu generalem.*

Nam species non tollit genus, sed determinat & perficit.

7 *Formæ specificæ multæ sub unâ formâ specificâ contineri non possunt.*

Nam forma generalis duntaxat habet potestatem recipiendi actum specialem perfectiorem.

8 *Forma unius speciei est incommunicabilis alteri speciei.*

Fieret enim specierum confusio, & implicatio contradictionis, si formæ specificæ forent communicabiles. Homo scilicet fieret bestia, & bestia homo.

9 *Omne quod est, per suam essentiam seu formam est, & non per essentiam alterius.*

Nam & hoc implicat manifestam contradictionem.

10 *Omnis forma specifica est certa materia.*

Ergo nulli sunt *λυγχοί θρωπι*. Nec enim anima hominis migrare potest in materiam lupi, eamque informare.

11 *Forma specifica est constitutiva & divisiva formæ.*

Græcis dicitur *συζητική* & *διαλεκτική*. Constitutiva, quatenus formatum constituit, divisiva, quatenus formatum ab aliis distinguit. Et hinc differentia specifica dicitur, quæ formam specificam petitur. De hac dicitur: *Differentia est solum formæ, sicuti genus materiæ.*

Forma singularis superest, quæ rem singulari rem informat. *Hæc communi termino dicitur individua-
duifica, numerica, & principium individuationis, vel individuationis:*

Principium
individua-
tionis quod-
nam sit?

Ut est anima rationalis Platonica, anima sensitiva Bucephali, anima vegetans hujus salviæ. Scholastici utuntur hæc vocabulis barbaris, ut sunt hæc lapideitas, Platonitas &c. Multæ spinosæ quæstiones traduntur in scholis, quibus etiam optima ingenia fodiantur, de hoc individuationis principio. Nos ita statuimus, formam specificam evadere individuatam accedentibus conditionibus individuantibus; ita ut major sit distinctio formæ specificæ à genericâ, quàm specificæ ab individuatâ. Est enim verbi gratiâ, major distantia inter hominem & animal, quàm inter hominem & hunc hominem; ita ut facilius contrahatur humana natura ab Aristotele, quàm natura animalis ab homine. Huc fortè respexit Ramus, quando speciem divisit in subalternam, & specialissimam, per hanc intelligens individuum.

Hæc de illo Logicorum omnium instrumentorum utilissimo, causâ nimirum, prolixius tradenda fuerunt. Quamquam quid dico prolixius? Pleniùs dicere debebam. Nulla enim hæc prolixitas est, sed rei ipsius amplitudo, quam mutilare velle non est excitati ingenii.

Cap. 9. Causatum.

Sequitur causatum, quod est argumentum consentaneum seu conjunctum primarium, vi causationis passivæ arguens causam.

Ejus canones sunt in genere isti.

1 *Causatum, quâ causatum, simul est cum suâ causâ.*

Hæc enim est natura relatorum, ut sint ἀναφορæ. Nihilominus tamen causatum est posterius causâ suâ naturâ, non tempore. Sic lumen & sol, facultas nutritiva & anima, sunt simul tempore, & simul naturâ, quatenus relata; licet sol prior sit lumine, natura absoluta; & anima facultate nutriti-

*Causatum posterius
causâ quod est in
re, non v. f. t.
le. Nam quod appo-
formale simul sit
naturâ; Formâ
ex ordine in re*

Quomodo
decreta Dei
sint æterna?

va. Hinc solvitur difficilis illa controversia, quomodo decreta Dei sint æterna, cum sint opera Dei? Nimirum Deus quæ decernens & decretio sunt relata. Sic igitur sunt simul. At Deus absolutâ notione prior est naturâ. Hanc ad rem declarandam insigniter facit simile, quod petitur à naturâ solis & luminis.

in hanc causam producit
la effectus sed finis
claro & aperto
l. 1. r. 1.

2 Omnis effectus est compositus in rebus creatis.

Fit enim congressu quatuor causarum; ideoq; habet in se vim efficientis & finis, item aliquid materiæ & formæ. Hoc aded verum est, ut etiam accidens habeat quatuor causas, ut ait *Saliger exercitat. 307.* Compositionem intellige, vel naturalem, qua aliquid dicitur compositum ex materia & forma propriè dictis; vel analogicam seu proportionalem, in qua materia potentiæ & formæ actus rationem & appellationem subit.

3 In causato requiruntur duo, esse & tale esse.

Esse, hoc est, forma seu essentia. *Tale esse*, hoc est, accidentia, quæ vel essentialia sunt, formam sequentia, vel accidentalitæ. Est enim accidens duplex, ut infra patebit in loco de adjuncto.

4 Quidquid est in causato, illud præexistit in causa vel formalitèr, vel eminenter.

Formalitèr, h. e. eodem modo, seu secundum eandem formam & essentiam. *Eminenter*, h. e. secundum virtutem. Sic filius genitus præexistit in parentibus formalitèr; quia eodem modo se habet essentia filii, ut essentia parentum. Et hæc formalis præexistentia habet locum in causis & effectibus univocis, ubi causa & causatum sunt ejusdem generis. Sed eminens & virtualis præexistentia in æquivocis, ut in vino & calore, qui ab illo existit. Alii sic efferunt: *Quidquid dat, habet id quod dat, vel virtualitèr, vel essentialitèr.* Item: *Quidquid est in effectui, præexistit in causa, vel aequè perfectè, ut in univocis; vel perfectius, ut in æquivocis principalibus causis:* ut in Deo, in Sole. Alioqui causa æquivoca minus principalis potest esse deterior suo causato: ut mus est præstantior quisquilis, è quibus ortus est. Itaque

Nullus effectus virtutem suæ causæ excedit.

Virtutem, h. e. vim essentialem seu internam, secundum quam

quam causat, non accessoriam seu accidentalem. Deinde intellige omnium causarum complexum seu congressum. Sic acceptis causis impossibile est, ut effectus virtutem causæ excedat. De causis diuissimis sumtis etiam verus est canon, si spectetur relatio: sic effectum, quâ tale, est ignobilius causâ instrumentali, & materiatur materiâ: licet effectum & materiatur possit esse præstantius quoad accidentia. Hinc probant philosophi, substantiam à solo accidente non posse produci: Esset enim effectus multò præstantior suâ causâ. Ad summam: effectus semper est inferior suâ causâ, ratione dependentiæ, sed ratione essentia & accidentium potest esse vel æqualis suæ causæ, vel illâ superior. Sed & quidam effectus est deterior sua causâ: ut creatura creatore, monstrum homine, ædificium architecto, adeoque omnia artificialia suo artifice sunt deteriora. ~~Nec tamen illus effectus suâ causâ deterior est toto genere, hoc est, ut sub nullo communi genere effectum cum sua causâ comprehendatur.~~ Hinc probant Physiologi, Deum non posse producere vacuum; quia vacuum est non-ens. Item Metaphysici hoc ipso argumento probant, Deum non posse agere in non-ens. Impossibile est, ut entis effectum sit non-ens, & rei bonæ effectus malus, quatenus nimirum bona est, in bonitate sua persistens, nec ab eâ deficiens.

5 *Posito effectū necesse est causas esse, vel fuisse.*

Causæ essentiales durante causato durant ipsæ. Hinc recte argumentaris: Est homo, Ergo habet animam. At non recte: Ædificium est, Ergo architectus est. Nam efficiens interdum separatur ab effecto. Sic igitur inferes: Ædificium est, Ergo architectus vel est, vel fuit. Hinc recte colligit *Pererius s. phys. cap. 18.* quod effectus formalis non possit separari à sua forma.

6 *Causari præteriti est causa præterita, præsentis præsens, futuri futura.*

Res consideratur vel in fieri, vel in facto esse, vel in futuro esse. Semper itaque sustinet relationē ad causam. Sic res, quæ abhinc biennium facta fuit, eo tempore habuit causam, quo cœpit esse: sed nunc habet causam, quæ fuit. Res si in con-

tinenti fiat, habet causam præsentem. Alioquin non necesse est, ut præsens semper sit efficiens. Victoria verò futura habet causas suas in futuro.

7 *Causati actu existentis est causa actu existens, potestate existentis est causa talis.*

Prius membrum canonis verum est, si effectus in actione consistat, vel sit per emanationem, ut est visio, pullatio, intellectio. Non enim procedit de effectu, qui in opere consistit, ut hoc monasterium, illud templum adhuc est actu, nec tamen architectus amplius existit. Posterius membrum sine exceptione verum est: ut qui hodie est potestate consul, hodie quoque habet causam in potentia illius dignitatis.

8 *Dato uno inconvenienti, sequuntur infinita.*

Εὐὸς ἀέπε δδοὶς πολλα συμβαίνει. Sic Paulus 1. Cor. 13. colligit multa absurda ex hoc uno absurdo: Non est resurrectio mortuorum. Sic peccatum originis esse substantiam, absurdum est. Hinc enim sequitur, 1. Deum creasse peccatum. 2. Hominis animam & corpus in peccati substantiam esse transmutata.

9 *Particulares effectus ad particulares causas sunt reducendi.*

Quomodo
causa parti-
cularis de-
terminet u-
niversalem?

Particulares effectus hoc loco specialiter dicuntur, qui producuntur à causis particularibus, hoc est, creatis, & præsertim sublunaribus. Deus enim & corpora cœlestia dicuntur causæ universales; quia communiter concurrunt ad hæc inferiora. Intelligendus autem est propositus canon, quoad determinationem & specificationem, non quoad indifferentiam & communitatem. Nam actio causæ primæ, quæ est simpliciter universalis, determinatur quoad speciem à causa secunda, verbi gratiâ, actio hominis est à Deo. Sed hætenus est indifferens & generalis, quatenus à Deo est. Specificatur autem ab homine. Interim hæc specificatio non fit sine auxilio Dei. Atque hinc est, quod effectus denominatur proximè à causa particulari: ut si quæretur, quæ sit causa filii, non respondetur Deus, vel cœlum, sed pater. Est enim quæstio de causa specificante, seu proxima. Causa autem particularis est proxima, causa uni-

versalis

verſalis remota. Ab illa tamen ſpecificatione & determinatione non excluditur cauſa univerſalis, ſed maxime concurrir. Quamvis enim cauſa particularis ſpecificet actionem cauſæ univerſalis : tamen effectus particularis plus debet cauſæ univerſali, quàm particulari. Ratio : quia cauſa univerſalis eſt cauſa cauſæ particularis. Accipit igitur effectus particularis à cauſa particulari denominationem, aſſimilationem & ſpeciem atque gradum naturæ ; ſed hæc omnia beneficio cauſæ univerſalis.

10 Cauſatum non cognoscitur diſtinctè, niſi cognitis cauſis.

Confuſa quidem cognitione cognosci poteſt ſine cauſis, at diſtincta minimè.

Cauſatum eſt vel primi, vel ſecundi generis.

Cauſatum primi generis eſt finitum, & effectum.

Finitum eſt cauſatum, quod propter finem eſt. Aliàs dicitur medium, item deſtinatum : quia nempe ad finem ordinatum eſt.

Sic publico cultui divino deſtinatum eſt ſabbatum : confirmationi fidei noſtræ deſtinata ſunt ſacramenta.

Ejus canones ſunt :

1 Sublatis mediis tollitur finis.

Ut virtute ſublata tollitur felicitas ; diaphano, viſus ; cibo, vita animalis ſecundum naturam tollitur.

2 Poſitis mediis non neceſſario ponitur finis.

Quia in plurimis natura, vel voluntas deſtituit opus inchoatum, aut jam affectum. Sic non omnis, qui coëmit liberos, evadit doctus ; nec qui mercatur, evadit dives continuo. Ita ſæpe ſegetes fallunt ſpem agricolæ ; & multi aſſecuri media, ſine excidunt.

Effectum eſt, quod ab efficiente eſt.

Effecti vox nunc ſtrictè accipitur, ut hoc in loco ; nunc latè, pro cauſato ; ut apud Ramum, & ſuprà in quibusdam Maximis.

Ejus canones ſunt :

1 *Effectum est indignius causâ efficiente, nisi illud idem effectum fuerit causa finalis efficientis.*

Sic sentire est aliquid præstantius sensu, & illuminatio candelâ.

2 *Posito effectû, qui ab unicâ causâ potest effici, ponitur efficiens esse, aut fuisse.*

Ut posito sensu, anima: posita domo, qui ædificavit. Si vero à pluribus effici possit, ut morbus ex saturitate, inedia, labore, inopia ex bello, incendio, naufragio; posito effectû ponitur aliqua istarum causarum.

3 *Sublato effectû tollitur efficiens.*

Canon hic verus est in iis, quæ agunt necessitate nature, non in iis quæ voluntate. Sic sublato calore tollitur ignis, & luminc, Sol; eclipsi, interpositio terræ. At non sublata scriptione tollitur philosophus scribens.

4 *Posito effectû, quod est in fieri, ponitur causa actû, & remoto removetur.*

Sic posita calefactione ponitur ignis, & effigiatione, pingens. Aliter censebis de effectû, quod est in esse, ut loquuntur. Operatio consistit in fieri, opus est res consistens in esse, ut jam dicetur.

Effectum est primò operatio seu actio, vel opus.

Operatio est motio ipsius efficientis.

Estque rei singularis circa singularem, juxta illud: Actiones sunt suppositorum.

Estq; vel productio: ut creatio, generatio: vel conservatio; ut est gubernatio, quâ Deus mundum regit: vel corruptio, sive illa sit totalis, sive partialis:

Ut est corruptio memoriæ ab intemperantiâ, excæcatio mentis ab avaritiâ.

Deinde actio est vel immanens, ut est intellectus, vel transiens, ut est scriptio.

Opus est res motu facta.

Dicitur *ἐργον, αἰτίον, ἀποτέλεσμα*. In hoc distinguenda sunt quatuor: 1. operans. 2. principium seu vis efficiendi. 3. operatio. 4. opus ipsum. Huc pertinent dicta, scripta & facta.

Secundò effectum est, vel unius efficientis tantum; *ut dies est effectum Solis, sacramentū Dei*; vel plurimum. Et hoc vel æqualiter se habet ad suas causas; *ut creatio se habet ad tres personas SS. Trinitatis*; vel inæqualiter; *ut crucifixio Christi se habet inæqualiter ad Deum & Iudeos*. Et hoc est vel principale, vel instrumentale.

Effectum principale est vel univocum; *ut filius est effectum patris*; vel æquivocum; *ut mundus Dei est opus*.

Instrumentale, *ut est conversio hominis ad Deum, qua dicitur effectum instrumentale, quatenus pendet à causâ tali, putâ Deo, qua utitur instrumentis*.

Tertiò effectum est per se, vel per accidens.

Effectum per se est vel naturale & definitum; *ut dies est effectum Solis*; vel voluntarium & indefinitum; *ut creatio est effectum Dei*. Et utrumque est vel per emanationem, *ut intellectio, splendor Solis*; vel per transmutationem seu motum:

Ut filius est effectum patris, mundus effectum Dei. Huc etiam pertinent effecta mixta ex naturali & voluntario, ut ambulare, comedere, bibere.

Effectum per accidens est præternaturale, *ut odium est effectum veritatis*; vel involuntarium; idque vel inopinatum, *ut thesaurus inventus à fosfore*; vel coactum, *ut comestio carnis suilla Eleazari*.

Has divisiones non tractamus prolixius per definitiones & canones, quia ex doctrinâ causæ efficientis intelligi possunt. Plenam tractationem vide in *Logicâ Polani*.

Causatum secundi generis est materiaturum, vel formatum.

Materiatum est, quod ex materiâ est: ut dictio in literis & syllabis, nubes ex vapore.

Formatum est, quod per formam est: ut homo per animam suam.

Utriusque canones sunt:

1 Quod convenit composito, convenire etiam materiæ probabile est:

Ut, glacies est frigida. E. & aqua.

2 Posito composito, poni materiam & formam necessarium est:

Ut si domus est, sunt lapides, ligna &c. itemq; illorum dispositio artificialis.

3 Sublato composito tollitur materia & forma, non quoad rem, sed quoad relationem.

Destructâ domo, manent lapides; sublato homine manet anima rationalis, scil. quoad essentiam absolutam, non respectivam. Nam relatio expirat.

Cap. 10. Subjectum.

EXpositum est argumentum consentaneum seu conjunctum primum, causa & causatum: nunc exponendum est conjunctum secundarium, quod cum themate suo minus principaliter cohæret.

Estq; vel primæ, vel secundæ classis.

Secundarium primæ classis est subjectum, & adjunctum; Græcè ὑποκείμενον & προσκειμενον.

Subjectum est, quod vi subjectionis thema ut adjunctum arguit.

Ejus canones in genere sunt:

1 Non-subjecti nulla sunt adjuncta.

Alii sic enunciant: Non-entis nulla sunt qualitates, nulla actiones.

actiones. Sic domus solis reverâ non est. Ergò neq; aurea, neq; argentea est. Hinc rectè Cato:

Cùm sis incautus, nec rem ratione gubernes,

Noli fortunam, quâ non est, dicere cacam.

Interim si rem aliquam fingamus esse, accidentia illius erunt quidem, sed ficta.

2 *Essentia subjecti non est de essentiâ adjuncti, & vice versâ.*

Sic homo & scientia se habent tanquam subjectum & adjunctum; & hominis forma seu essentia non est de formâ seu essentiâ scientiæ, vel contrâ. Hic canon concludit de rebus creatis, at de Deo non item. Nam proprietates divini ab ipso Deo reipsâ non distinguuntur. Ratio: quia Deus est subjectum analogicè consideratum, & ipsius proprietates sunt adjuncta analogica: h. e. à nobis concipiuntur per modum priorum adjunctorum, cùm sint ipsa divina essentia, quæ ob summam simplicitatem non potest esse subjectum recipiens in se adjuncti diversi. Cæterùm in canone intellige essentiam absolutam, non respectivam, quatenus subjectum & adjunctum sunt relata.

3 *In rerum naturâ pauciora sunt subjecta, quàm adjuncta.*

Intellige hunc canonem, non de relatione (sic enim sunt paria & numero æqualia) sed de reali existentiâ, hoc sensu: Subjectum non multiplicatur ad multiplicationem adjuncti. Potest siquidem unum subjectum infinita habere adjuncta.

4 *Subjecti officium est aliis substare tanquam fundamentum.*

Sic materia prima est subjectum generationis & omnis mutationis; paries est fundamentum albedinis vel nigredinis; corpus naturale in physicis est fundamentum omnis tractationis.

5 *Posito seu affirmato subjecto, ponuntur seu affirmantur adjuncta; & sublato seu negato tolluntur & negantur:*

Ut David est homo. Ergò & capax scientiæ. Datur nume-

rus. Ergo & scientia de numero. Destructis substantiis seu speciebus panis & vini, destruuntur ipsa accidentia. Sublato numero, tollitur Arithmetica. Nota, quod duplex sit destructio, rerum & relationum. Destructo homine destruuntur omnia humana, quoad rem & relationem. Destructo homine divite, destruuntur divitiæ, ut vestimenta, prædia, non quoad rem, sed quoad relationem.

Subjectum dividitur in genere, & in specie.

Vox subjecti explicata.

Subjectum est vel topicum, vel axiomaticum. Illo modo strictè accipitur pro peculiari loco inventionis. Hoc modo latè accipitur pro parte antecedente propositionis. Ita causâ, potest esse subjectum axiomaticum; ut, Deus creavit mundum. Subjecto topico adjunctum, axiomatico prædicatum respondet. Deinde subjectum aliud dicitur inhærentiæ, ut *τοῦ ἀνθρώπου ἡ σοφία*, item subjectum informationis, ut substantia respectu accidentiū, homo respectu eruditionis; aliud prædicationis, *κατηγορίας*, denominationis, cum genera de speciebus, & species de individuis prædicantur; ut, homo est animal, Socrates est homo. Quanquam enim accidentia de substantiis, ut eruditio de homine, pietas de Abrahamo, prædicantur; tamen ibi *κατ' ἑξοχὴν*, intelligitur prædicatio univoca, in quâ non solum nomen, sed & definitio rei essentialiter de subjecto prædicatur, quod fit si genera & species prædicantur; nō æquivoca, quâ accidentia dicuntur de subjectis æquivocè, h. e. nomine tenus, non autem definitione. Nec enim definitiones accidentium possunt competere substantiis. Sed hanc divisionem subjecti hoc loco non curamus, utpote qui subjectum hîc contradistinguimus adjuncto.

Subjectum in genere recipit quinque divisiones.

Primò est subjectum per se, vel per accidens.

Subjectum per se est, cui adjunctum per se competit: ut, *homo est subjectum risibilis atque aris per se*.

Subjectum per accidens est, cui adjunctum competit per accidens.

Sic febris dicitur bona; vinum malum; flavum dicitur esse dulce; angelus dicitur corporeus; anima, sensibilis; tenebræ, visibiles, non per se, sed per accidens.

Secun-

Secundò subjectum est proprium, vel commune.

Proprium est, quod cum suo adjuncto reciprocat.

Dicitur *πρῶτον δεκτικόν, καὶ ὁ αὐτὸ, ὑποκείμενον ἐξ ἀνάγκης, ἄμωρον*, h. e. *primarium subjectum, per se necessarium, immediatum, item adaequatum*.

Sic animal est subjectum proprium sensus; homo risus; sonus est subjectum proprium auditus.

Subjectum commune est, quod non reciprocat cum adjuncto.

Aliàs dicitur subjectum *δευτερον, secundarium; & ὑποκείμενον ἀντιφάσεως, subjectum contradictionis*; quia potest habere & non habere suum accidens. Atque hic terminus opponitur illi, quo subjectum proprium dicitur *ὑποκείμενον ἐξ ἀνάγκης*; Sic homo est subjectum *ἀντιφάτικόν*, albedinis & eruditionis; quia ater & indoctus esse potest. Idem homo dicitur subjectum secundarium sensus, cujus primarium subjectum est animal. Aliàs dicitur *ἐμμεσον, mediatum*, item *inadaequatum*.

De hâc subjecti divisione est canon:

Quale est subjectum, tale est adjunctum.

H. e. adjuncta imitantur naturam subjecti sui, & subjectum habet proportionem cum suis adjunctis. Hic canon fallit in adjunctis communibus, nisi velis generalem proportionem intelligere, quæ subjecto communi cum suo etiam adjuncto intercedit: v. g. homo iste est longus. Ergò & vestimenta ipsius fuerint longa. Anima est immortalis. Ergò & scientia, quæ est animæ. Cave propria subjecti & propria adjuncti confundas. Sic enim non valet canon. Non enim sequitur: Anima est substantia. Ergò & scientia. Nam est proprium animæ, substantiam esse; & proprium scientiæ, esse accidens. Huc pertinet tritum illud: *Prædicata debent esse talia, qualia subjecti & adjuncti natura permittit*.

Tertiò subjectum est totale, vel partiale: *Γραμμή, ὅλκον ἢ μερικόν*.

Totale est, quod se habet per modum totius:

Sic totus homo est subjectum miseriæ; objectum gustus totale est sapor & sapidum; totale objectum physicæ est corpus naturale, quatenus naturale. Hoc objectum dicitur adæquatum, quia nec excedit adjunctum, nec ab illo exceditur.

Partiale est, quod se habet per modum partis.

Sic anima est subjectum partiale felicitatis vel miseriæ. Ratio, quia non sola est felix, vel misera; sed hoc competit etiam alteri ipsius parti, adeoque toti composito totaliter. Sic partiale objectum gustus est dulcedo & dulce; partiale objectum physicæ est homo. Hoc objectum dicitur inadæquatum. Sæpè tamen subjectum proprium philosophis totale, & commune partiale dicitur, alio sensu.

Quartò subjectum est primarium, vel secundarium.

Primarium est, cui competit adjunctum originaliter, seu primario: *aliàs dicitur principale.*

Sic sapientia competit Deo primario, & sensus animali.

Secundarium est, cui competit adjunctum minus principaliter: *sic homini competit sapientia secundario, item sensus.*

Quintò subjectum est absolutum, vel limitatum.

Subjectum absolutum est, cui adjunctum competit simpliciter sine ullâ limitatione seu restrictione:

Ut homo est subjectum absolutum risus, persona Christi est subjectum absolutum officii mediatoris, animal absolutum est subjectum sensus. Dicitur aliis subjectum quop.

Subjectum limitatum est, cui adjunctum tribuitur secundum quid, certâ adhibitâ limitatione.

Sic corvus dicitur niger, æthiops albus, non absolute, sed secundum quid. Ille quidem ratione pennarum, hic ratione dentium. Sic corpus naturale dicitur objectum physicæ, non simpliciter, sed secundum quid, videl. certâ restrictione, quatenus est naturale. Hujus subjecti usus singularis est in loco de per-

de personâ Christi. Sic Christus dicitur esse natus ex Mariâ virgine, passus, crucifixus &c. non ἀπαλῶς, sed κατὰ π. Hanc limitationem Græci patres vocârunt prædicationem κατὰ ἄλλο καὶ ἄλλο. Hoc subjectum aliis dicitur subjectum quod, Christus est passionis subjectum quod, sed sancta ipsius caro est subjectum quo. Animal est subjectum sensus quod, sed oculus est subjectum quo. Nam animal propriè sentit, adeoq; videt; oculus verò dicitur videre, non subjectivè, sed instrumentaliter. Non subjectivè, h. e. non tanquam subjectum quod. Est enim solummodo subjectum quo, quod est minus principale, & instrumentum subjecti quod.

Subjectū in specie est vel recipiēs, vel occupans. Illud dicitur rei & receptionis, hoc objectionis subjectum.

Recipiens est, quod recipit adjunctum suum.

Græcis δὲ καὶ κόν.

Hic notentur canones:

1 *Unum subjectum recipere potest multa accidentia, eaq; diversa, etiam eodem tempore.*

Itaque non sequitur: Est dives, Ergò non est doctus. Nec hoc: Est eruditus, Ergò non est pius. Nec hoc: Puella est formosa, Ergò non pudica.

2 *Unumquodq; recipiens recipit secundum modum receptivitatis sue.*

Sic cantharus non recipere potest aquam eâdem quantitate, quâ dolium. Et nos in alterâ vitâ cognoscemus Deum pro modulo creaturæ.

Subjectum recipiens est vel inhæisionis, vel adhæisionis.

Subjectum inhæisionis est, quod recipit in se adjunctum. Dicitur etiam subjectum recipiens in se, subjectum in quo, καὶ ὅ, materia in qua, subjectum inhærentiæ, item subjectum ὅ, cuius.

De hoc est canon:

Idem numero subjectum capax esse potest contrarium diverso tempore, & in gradibus remissis.

Sic homo est hodiè sanus, cras æger; item valetudinarius

est sanus & æger in gradibus remissis, h. e. quodammodo sanus & æger: quod non potest dici de sanitate perfectâ, & extremâ ægrotatione. Alii dicunt: *Remissa qualitates conveniri possunt in uno subiecto*. Infra dicemus aliquid de gradu excellenti & remisso.

Subiectum inhæſionis est vel substantiale; quod recipit in se substantiam; *quomodo sanguis dicitur esse in venis, cibus in ventriculo, vinum in vitro*: vel accidentale, quod in se recipit accidens. Et hoc est *ἐκείνου* vocatur subiectum inhæſionis; quoniam accidentia magis inhaerent subiectis suis, quàm substantiæ. Et sic accipi debet vulgatum *φιλοσοφηµία*: Nulla substantia est in subiecto inhærentiæ.

Subiectum adhæſionis est, quod recipit adiunctum suum ad se vel circa se.

Alio nomine dicitur *subiectum cui, adhaerentia, & attributionis, seu denominationis*: quæ postrema appellatio est eadem *πολλὰ ἅς λεγούµεν*: quâ de re videris *Keck. l. i. Syst. Log. c. 20.*

Estq; vel adjacentiæ, vel circumstantiæ. Illud quidam vocant *recipiens ad se, hoc circa se*.

Subiectum adjacentiæ est, quod recipit adiunctum ad se: (diadematis

Uti homo est subiectum divitiarum, vestium, armorum,

Subiectum circumstantiæ est, quod recipit adiunctum circa se:

Uti homo est subiectum aëris ipsum undiq; ambientis, & rex subiectum satellitum, qui ipsum circumstipant.

Subiectum occupans est, circa quod versatur adiunctum. *Communiter dicitur obiectum, materia circa quam, materia de quâ, subiectum circa quod; & sine adiectione, subiectum, item materia, item subiectum obiectivum.*

Estq; primò vel per se, vel per accidens.

Obiectum per se est, circa quod res suâ naturâ versatur: *uti bonū est voluntatis obiectum.* Per

Per accidēs est, circa q̄ res versatur ex accidenti:
ut intellectus versatur circa falsum, voluntas circa malū.

Deinde est vel internum, vel externum.

Internum objectū est, quod intrinsecūs objicitur rei in illo occupatā; externū, quod extrinsecūs.

Sic Arithmetica objectum internum est numerus, externum, res numerabilis; Logica subjectum internum est modus disserendi, externum est quodvis thema: Geometria subjectum est magnitudo, externum, res mensurabilis.

De utroq; est canon:

Nullum objectum est contrarium adjuncto occupato.

Hinc Aristot. objecta non *εναντία*, sed *ἀντιθέτα* dixit. Sic color non est contrarius oculo seu visui, nec visus colori. Ex hoc fundamento Scaliger reprehendit Vivem statuentē, malum esse voluntati contrarium. Nā voluntas circa bonum & malum versatur; circa illud quidē ut appetendum, circa hoc autem ut averſandum. Ergo malum, quatenus objectum est voluntatis, nō est eidem contrarium, nisi relativē contrarium dicere velis objectum & adjunctum. Sed talem contrarietatem non intelleximus in proposito canone. Deinde objectum potest adjuncto esse contrarium per accidens.

Præterea utrumque objectum, tam internum, quàm externum, est vel liberum, vel adstrictum.

Liberum est, circa quod versatur res vel persona extra disciplinam.

Sic objectum liberū dicitur quodlibet individuum, circa quod aliquis versatur; ut hæc turris, hoc corium, Alexander Magnus, Abraham Patriarcha. Quamvis enim his individuis possimus applicare præcepta artium, non tamen illa in artibus tractantur.

Adstrictū est, quod in disciplinā aliquā tractatur.

Hoc etiam dici potest *systematicum*. Vulgò vocatur *subjectum disciplinae*. Et hoc vulgò faciunt triplex: tractationis, in-
formationis, & operationis. Subjectū tractationis est, in cu-
jus explicatione versatur disciplina. Dicitur alio nomine *subjectum doctrinae*, seu *doctrinale*, & *demonstrationis*: quia proponitur in disciplinā ad docendum & demonstrandum. Sub-

Subjectum
disciplinae
est triplex.

jectum informationis est, in quo perficiendo & dirigendo disciplina occupatur. Subjectum operationis seu usus est, in quo disciplina quoad usum suum exercetur. Sic in Arithmetica subjectum tractationis est multitudo quatenus est multitudo; subjectum informationis est hominis intellectus; subjectum operationis est res numerabilis. Sic vulgò docetur de objecto. Nos μεθοδικώτερον sic proponi posse hanc doctrinam arbitramur.

Objectum est vel internum, vel externum.

Utrumq; est vel rei, vel disciplinæ.

Subjectum rei est, quod est rei alicujus, quæ non est disciplina, objectum.

Subjectum disciplinæ internum est subjectum tractationis. (operationis)

Subjectum externum est vel informationis, vel

De subjecto tractationis est hic canon:

Subjectum scientiæ duas habet partes; una est instar materiæ, & dicitur res considerata; altera instar formæ, & dicitur modus considerandi.

Res considerata potest esse communis multis scientiis, sed modus considerationis cuiq; scientiæ est proprius. Sic ens est commune subjectum multarum disciplinarum: sed modus considerandi in aliis disciplinis est alius, & restringit communitatem illam.

De subjecto operationis est hic canon:

Quod est subjectum tractationis in unâ disciplinâ, in aliâ potest esse subjectum operationis:

Ut ens in Metaphysicâ est subjectum tractationis, in Logicâ est subjectum operationis.

Cap. II. Adjunctum.

Adjunctum est, quod vi adjunctionis thematizatur, aut subjectum arguit.

Adjunctum alio nomine dicitur adjacens, quæ vox respondet Græcæ προσκειµενον. Aliàs appellatur attributum. Sic misericordia & justitia Theologis dicuntur attributa Dei. Vulgò appellatur

appellatur
am sub
dicitur
adjecti
nunqu
vocatu
topicu
cui pro

1
Phr
quid d
tione,
nem vi
none p
tera, y
ut in
rere &
Baldu
Balde
rias.
aliqui

2
sting
Sic
sunt
ri poss
nimir
justiti
differ
ratio
simpl
essent
eident
bus e
juncti
extrin
ternu

appellatur

appellatur accidens. Sed hæc vox est angustior æquo. Nā etiam substantiæ possunt referri inter adjuncta, ut paulò pòst dicetur. Nonnunquam vocatur ἐπίθετον, quod Grammatici adjectivū vocant: quæ appellatio nonnunquam major, nonnunquā est minor æquo. Sæpè etiā pars secunda, propositionis vocatur adjunctū. Et ideò quidam adjunctum faciunt aliud topicum, aliud axiomaticū. Nos hoc loco accipimus adjunctū pro loco inventionis, quatenus opponit subjecto topico.

Ejus canones in genere sunt isti:

1 *Dici de aliquo requirit inesse.*

Phrasis ista, *dici de aliquo* triplicē habet sensum. Nam aliquid de aliquo dicitur 1. λογικῶς, seu ὀντως, verè & cum ratione, κατ' ἀλήθειαν. 2. δοξαστικῶς, κατὰ δόξαν, secundum opinionem vulgi. 3. ψευδολογικῶς, mendaciloquē. In proposito canone phrasis accipi debet in primā significatione. Phrasis altera, *requirit inesse*, etiam κατὰ πάρας, latè, accipienda est: ita ut τὸ inesse non tantū significet in hæerere, sed etiam adhærere & adesse quomodolibet. Exempla canonis furto hæc: Baldus est doctus Jurisconsultus. Ergò doctrina juris est in Baldo: & contrā. Crassus dicitur esse dives: Ergò habet divitias. At sæpè aliquis dicitur fur, & tamen non est: quia sæpè aliquis dicitur δοξαστικῶς vel ψευδολογικῶς.

Aliquid dicitur de aliquo tribus modis.

2 *Adjunctum à subjecto in rebus creatis reipsā distinguitur.*

Sic scientia & divitiæ realiter differunt ab homine, h. e. sunt tales res, quæ seorsim ab homine considerari & defini-ri possunt. At idiomata divina solâ ratione à Deo differunt, nimirum ratione ratiocinatâ, quæ dicitur virtualis. Sic justitia, veritas, omnipotentia sunt ipse Deus; duntaxat differunt virtute seu effectis & objectis ad extra. Cujus rei ratio est: quia Deus omni modo est simplex, non admittens simplicissimā illam, ut ita dicam, compositionem, ex esse & essentia; multò minùs crassam illam, quæ est è subjecto & accidente. Hic oritur quæstio, an etiam adjuncta propria in rebus extra Deum differant realiter à subjecto? Nam de adjunctis communibus non est tanta controversia: quippe quæ extrinsecus accidunt subjectis suis: at propria habent internum principium sui esse. Quidam tuentur negativam; sed

Quomodo attributa divina differant à Deo?

affirmativa simpliciter est vera. Nam propria, putà risibilitas hominis, & ipsa ratiocinandi facultas, ita differunt à suis subiectis, ut res à re differt.

3 Unius adjuncti plura esse possunt subiecta.

Non ergò valet argumentatio: Aqua est frigida. E. terra non est frigida. Nec ista valet: Virginitas est bona. E. conjugium est malum. Nec hæc: Plato fuit philosophus. E. Aristoteles non fuit. Nam frigiditas, bonitas, & scientia philosophica multis subiectis inesse possunt.

4 Adjunctum subiecto est numerosius & copiosius.

H. e. plura sunt adjuncta in rerum naturâ, quàm subiecta. Constat n. unum idemq; subiectum infinita propemodù adjuncta sustinere posse. Neq; valet objectio: Subiectum & adjunctum sunt relata. E. vi illius relationis tot erunt adjuncta, quot subiecta. Nam relatio quidem facit, ut subiectū & adjunctū sint numero æqualia quoad respectū, sed non quoad realem existentiam. Retrocede ad c. anteced. canonem gener. 3.

5 Attamen omne adjunctum suo subiecto est levius.

Hic canon respondet antecedenti, & cum micâ salis accipi debet, hunc in modum. Omne adjunctum sustinetur quasi à subiecto. Et ratione hujus sustinentiæ passivæ est levius subiecto, non ratione pretii estimationis, aut quantitatis. E. contrario subiectū est fortius adjuncto, ratione sustinentiæ activæ, quatenus sustinet adjuncta. Itaq; mera est sophisticatio, si dicas: Hic scyphus est repletus aureis numis ad summum usque ab infimo. Ergò numi illi aurei sunt leviores ipso scypho continente ipsos.

6 Adjuncta non possunt esse sine subiecto.

Hic canon universè valet de omnib. adjunctis quoad relationem, non de omnibus quoad existentiam. Sic pallium, quatenus est adjunctum, non est sine subiecto suo nempe homine: attamen sine eo esse potest quoad existentiam realem, quatenus est pannus. Maximè tamen valet canon de accidentibus, de quibus dici solet: *Impossibilis est existentia accidentium sine subiecto.* Itaq;

Posito adjuncto, necesse est subiectum esse:

Ut si scientia est, necesse est esse tale ens, quod illam recipiat: si ebrietas uspiam existit, necesse est existere hominem ebrium.

ebrium. Hoc axioma est universè verum quoad relationem, non quoad rerum existentiam. Maxime intelligi debet de accidentibus, ut & prius illud.

7 *Remotis omnibus adjunctis necessario removetur subjectum.*

Sic si omnia adjuncta à gallinà vel alio quovis animante abstuleris, ipsa gallina vel quodvis animans stare non potest. Ratio manifesta est: quia omnia adjuncta conservant subjectum, maxime proprium, quod tolli nequit absq; subjecti destructione.

8 *A divisis adjunctis ad conjuncta semper valet consequentia firmiter, non quidè materialiter, sed formaliter.*

H. e. valet consecutio beneficio formæ syllogisticæ, non autem materiæ. Hæc enim nō semper est favens, sive sequax. Valet etiam interdum secundum materiam, sed contingens est ista consecutio. Sic hæ consecutiones sunt bonæ formaliter, seu juxta formam syllogisticam: Ille sutor est claudus. Et iste sutor est bonus. E. quidam qui est bonus, est claudus. Sic: Ille homo est facetus. Et idem iste est orator. E. quidam qui est orator, est etiam facetus. Item: Adolescens ille est Grammaticus. Et idem ille est probus. E. quidam probus est etiam Grammaticus. At materialiter nō procedunt ista. Non enim sequitur: Ille sutor est bonus. Et idè est claudus. E. bonus est claudus, seu claudus est bonus. Non sequitur: Est orator. Et est bonus. E. est bonus orator. Nam bonitas in antecedente referebatur ad animum, in consequente seu conclusione refertur ad oratoriam. Ibi moraliter, hîc artificialiter accipitur. Itaq; à divisis ad conjuncta valet consequentia formaliter, h. e. si materia sit disposita juxta leges tertiæ figuræ. Materialiter verò tum demum valet, quando materia est indulgens seu sequax, & tamen nihilominus talis consequutio est contingens.

Adjunctum dividitur in genere, & in specie.

In genere sunt septem divisiones adjuncti.

Primò adjunctum est necessarium, vel contingens. *Illud Græcis dicitur ἀναγκαῖον, hoc οὐκ ἐξ ἑβρῶος.*

Necessarium est, quod necessariam habet copulam cum subjecto:

Sic tempus est hominis adjunctum necessarium, item lux descriptionis ordinatæ; sensus est adjunctum occupatum necessarium rei sensilis, intellectus rei intelligibilis. Nota hic obiter, necessarium & essenziale differre. Omne quidem essenziale est necessarium; sed non contrà, omne necessarium est essenziale. Sic homini cibus est necessarius, at essentialis non est.

Adjunctum contingens est, quod contingenter cum subjecto cohæret.

Sic adoratio religiosa est adjunctum occupatum contingens, respectu Dei. Potest enim Deus esse Deus sine ista adoratione: sic studiosum esse, est adjunctum receptum contingens.

Ejus canon est:

Sublato adjuncto contingente, non illicò tollitur subjectum.

Non enim sequitur: Mopsus non est doctus, Ergò non habet animam. Nec hoc: Non est studiosus. Ergò non est homo.

Secundò, Adjunctum est vel substantiale, ut *vinum in vitro*: vel accidentale, & dicitur peculiariter *accidens*.

Sic patet, adjunctum latius patere, quàm accidens. Non ergò valet sophisticatio: Adjunctum est. Ergò accidens. Nam adjunctum tam generalem habet significatum, ut comprehendat & substantiam, ut aureus numus est substantia, & tamen est adjunctum cistæ; & accidens.

Tertiò, Adjunctum est proprium, vel commune. *Illud Græcis ἰδιον, hoc κοινὸν* dicitur.

Proprium adjunctum est, quod uni tantum subjecto competit.

Estque vel simpliciter, vel secundum quid proprium.

Proprium simpliciter est, quod cum subjecto certæ speciei reciprocatur: *aliàs dicitur* primariò & absolutè proprium.

Ejus canones sunt:

1 *Subjectum & adjunctum proprium inter se sunt vicissitudinaria.*

Verba sunt Scaligeri, quorum sensus hic est: Proprium cum suo subjecto convertitur: ut, Spiritus sanctus est omnipotens, Ergo est Deus. Et, Est Deus, Ergo omnipotens. Sic, Ovis balat: & quidquid balat, est ovis. Intellige balatum, qui fuit ex internis principiis, non fictum. Itaque

1 *Cui tribuitur proprium, ei quoque subjectum proprii tribuitur.*

Hoc est, cui convenit adjunctum proprium, ei quoque subjectum convenit; & contra, cui non convenit adjunctum proprium, ei nec subjectum tribui potest: ut, Est animal risibile. Ergo & est homo.

2 *Proprium unius speciei est incommunicabile alteri speciei realiter diversa.*

Ratio: quia proprium non excedit suum subjectum; ut risibilitas non potest egredi ex homine, & transire in bestiam. Nam risibilitas intra hominis ambitum continetur. Hinc dicunt: *Subjectum & adjunctum proprium sunt equalis ambitus.* Sic corpus est subjectum adæquatum quantitatis, & quantitas illius adjunctum proprium. Nullum enim corpus extra quantitatem, & nulla quantitas, scilicet proprie dicta, extra corpus reperitur. Hic quidam philosophi comminiscuntur speciosam distinctionem. Propriorum, inquiunt, à specie ad speciem realiter distinctam communicatio est impossibilis: verbi gratiâ, propria hominis non possunt communicari cum bestiâ, ut ridendi & ratiocinandi facultas. Nam si talis communicatio fieret, ex homine fieret bestia, atque ita natura rerum evertetur. At, inquiunt, propriorum communicatio ab unâ parte ad aliam ejusdem subjecti partem non est impossibilis. Sic vita, quæ est in animâ, communicatur cum corpore: quæ vita est animæ proprietas, & ita cum corpore communicatur, ut corpus ipsum revera dicatur vivere. Sic lux est proprietas ignis, & eadem communicatur cum ferro ignito, quod reverâ dicitur lucidum. Hæc est, ajunt, communicatio propriorum à parte ad partem

Disputatio
de commu-
nicatione
propriorum.

eiusdem compositi. Hanc communicationem probare conantur è Scaligeri *exerc. 307.* & dicunt: partes compositi v. gratiâ, animam & corpus ita esse comparatas, ut invicem aliquid accipiant, & vicissim dent. Hanc vocant vicissitudinariam dationem & acceptionem, quâ utraque pars tendit ad perfectionem compositi. Pergunt, & faciunt communicationem iterum duplicem. Aliam dicunt esse *μίξις*, participationem, aliam *συνδυασμόν* seu *συνδυασμός*, hoc est, conjunctionem seu unionem. Priorem illam impossibilem esse contendunt, posteriorem non item. His ita disputatis concludunt, proprietates nonnullas *ἔλόν*, ut omnipræsentiam, omniscentiâ, & alias communicatas esse cum humanâ Christi naturâ. Hanc dicunt communicationem à quasi parte ad partem unius compositi, non à specie ad speciem: item ajunt esse *συνδυασμόν*. His ita paucis occurrendum esse statuo. 1. Aut concedunt: unum idemque numero accidens non posse migrare de subjecto in subjectum: aut non. Si illud, distinctio communicationis non facit ad propositum. Si hoc, evertunt primum illud principium: *Impossibile est idem esse & non esse*. Si enim idem numero accidens est in duabus subjectis partibus (sic enim illi loquuntur) est unum & non unum. Si est proprium hujus partis, & tamen communicatum est cum illa parte, est proprium non proprium. Quapropter proprium non potest communicari ullo modo; neq; cum specie, neq; cum parte. 2. Si proprium unius partis communicari potest cum proprio alterius partis, etiam essentia illius cum essentiâ hujus communicari potest. Ratio consequentię: quia propria licet non sint *συγκατάθετος τῆς οὐσίας*, tamen sunt aliquid ita *παρεπόμενον τῇ φύσει*, ut sit nexus essentialis inter essentiam & proprietatem. Atqui essentia unius partis non potest communicari cum essentiâ alterius. *Εὐδηλον*. Intelligitur enim essentia specifica, seu signata, ut essentia animæ. Ergo nec proprietas unius partis potest communicari cum altera. 3. Exempla allata quod attinet, falsum est, quod vita animæ cum corpore, & lux ignis cum ferro ignito sit communicata per *μετέθεσιν*. Est enim simplex *μετέθεσις*. Probenitur, eandem numero vitam esse in anima & corpore. Hoc illi præsupponunt. Sed probent. 4. Vicissitudinaria illa inter

inter animam & corpus datio & acceptio ἰδὲν πρὸς ἑπὸς.

5. Distinctio communicationis in *μίξις* & *συνδυασμός*, hoc est, participationem & conjunctionem, in hoc negotio nulla est. Si enim proprietas unius partis cum alterâ communicatur per *συνδυασμόν*, etiam essentia ipsius communicabitur. Et verò *συνδυασμός* improprie statuitur species communicationis, cum sit ipsius causa. Nam *συνδυασμός* est unio. Unionem sequitur communio, ut causam effectus. 6. Si maximè obtinerent, proprium finitum unius partis cum parte altera posse communicari: tamen non possent obtinere quod volunt, nimirū propria ἢ *λόγος* communicata esse cum carne. Ratio: quia proprietates divinæ sunt unum quid, id est, ipsa essentia divina. Si dicant, alio modo Deum esse omnipotentem, alio modo carnem Christi; ecce ipsi agnoscent, proprietatem Dei eandem numero non esse communicatam cum carne Christi. Si verò dicant, eandem numero esse, carnem Christi facient infinitam, hoc est, ex homine facient Deum. Sed redeamus ad carceres nostros. Sequitur canon secundus de proprio.

2 *Proprium est secundum naturæ momentum.*

Sic loquuntur Scholastici: Primum ~~naturæ momentum~~ est essentia. Ab hac fluit proximè proprium; & ideo vocatur secundum naturæ momentum. Proprietatem sequitur operatio. Hinc existit arctissima unio inter hæc tria, essentiam, propria essentialia, & operationes: quæ tria requiruntur ad cujusque rei perfectionem.

Duplex natura
momentum,

Proprium simpliciter est vel perfectum, vel imperfectum.

Perfectum est, quod convenit omni subjecto, soli & semper.

Hoc in in Scholis vocatur *proprium in quarto modo*: ut est quantitas respectu corporis naturalis, & potentia proximè emanantes à formâ, ut risibilitas, potentia intellectiva, volitiva.

Ejus canones tres sunt:

1 *Subjectum sine contradictione non potest concipi sub negatione proprii perfecti.*

Ratio: quia non potest subjectum concipi sub negatione formæ seu essentiæ suæ. Interim tamen subjectum potest concipi non concepto adjuncto, hoc est, subjecti seu compositi alicujus substantialia, qualia sunt materia & forma, possunt concipi, tametsi non comprehendatur mente adjunctum proprium. Ratio perspicua est: quia subjectum definiri potest absque adjuncto proprio. Sed adjuncta propria non possunt concipi, nisi concepto subjecto proprio. Ratio: quia non solum insunt subjectis, sed ita insunt, ut extra illud esse nequeant. Eapropter adjuncta propria definiri non possunt, nisi vel expressâ, vel subintellectâ mentione subjecti. Hinc illud: *Adjuncta definiuntur per additamenta*, hoc est, insertionem suorum subjectorum; sive hoc fiat explicitè, sive implicitè. Si hoc verum est de adjuncto in communi, verissimum erit de hoc adjuncto, videlicet proprio.

2 *Propria perfecta ne ad momentum quidem separari possunt à suis subjectis.*

Ratio: quia si tollerentur ad momentum à subjectis suis, etiam tolleretur forma ad momentum, adeoque illo ipso momento subjecta essent & non essent; id quod implicat contradictionem. Si tollas ratiocinandi facultatem ab homine, tolles causam proximam illius, nimirum animam; quâ positâ ponitur effectus. Hinc *Theodor. dialog. 3. Proprietatum deletio naturæ negatio est*; & Theologi; *Qui tollit proprietates, tollit naturas.*

3 *Perfecta propria primò insunt universalibus.*

Sic risibilitas primò inest homini, secundariò Petro. Ratio: quia propria emanant ab essentia speciei. Sed accidentia primò insunt individuis, & universalibus conveniunt per singularia.

Proprium imperfectum est, quod quidem soli inest, & omni, sed non semper. *In Scholis vocatur proprium tertii modi.*

Sic ridere & flere proprium est hominis. Hoc proprium recipitur quidem cum subjecto, sed imperfectè.

Proprium secundum quid est, quod certo dun-

taxat

taxat respectu uni subjecto tribuitur. *In Scholis vocatur proprium secundi modi:*

Sic proprium hominis est, esse bipedem, respectu quadrupedum. Caterum non solum adjunctum receptum est proprium: sed etiam occupatum. Sic Logica dicitur adjunctum proprium occupatum quoad modum disferendi: visus est proprium adjunctum occupatum lucis & coloris; auditus soni; olfactus odoris. Hæc enim sunt propria sensilia. Præterea hætenus traditi canones loquuntur de adjuncto proprio accidentali recepto; non de proprio substantiali recepto quale est hic famulus; vel occupato, quale subjectum est, hic concionator.

Commune adjunctum est, quod multis simul subjectis competit; *sive sit substantiale, sive accidentale.*

Ut commune regis adjunctum receptum est locus; quia non soli regi, sed etiam aliis competit. Logica est adjunctum occupatum commune respectu mentis humanæ, quam dirigit. Homo est adjunctum commune occupatum circa contemplationem mundi. Visus est commune adjunctum occupatum circa magnitudinem, motum, numerum, & reliqua sensilia communia, ut loquuntur Physici & Optici. Hic duo singulariter adnotanda veniunt: 1. *Proprium primi modi* pertinet ad adjunctum commune: ut heroicum bellatorem esse commune potest esse multis hominibus. 2. Vulgò accidens & proprium dicuntur prædicabilia, & ita hæc duo à se invicem distingui debent: Accidens prædicamentale est vel essentialiale, vel accidentale, seu non-essentialiale. Accidens essentialiale dicitur proprium sine adjectione. Accidens non-essentialiale dicitur accidens sine adjectione. Non igitur inane est discrimen, quod Logici tradunt inter accidens prædicamentale & prædicabile. Illud est genus hujus. Nec est ἀδόλεξια, quando accidens dividitur in essentialiale & accidentale. Nam inter accidens & subjectum est vel nexus essentialis, vel accidentalis. Essentialis, ut inter hominem & ratiocinandi facultatem: accidentalis, ut inter hominem & eruditionem. Illud accidens dicitur essentialiale, & proprium καὶ ἀντικείμενον. Jam vel ipse judica, an-

Observatio
necessaria
de vocabu-
lo Acciden-
tis.

non posterius possit appellari accidens accidentale, seu accidens simpliciter, citra ullam ἀδολειαν. Cautè igitur accipies illud: *Accidentia predicantur de subiectis accidentaliter, non essentialiter*. Nam hîc τὸ essentialiter restringitur ad genus, speciem & differentiam, quæ dicuntur prædicari essentialiter per excellentiam. Vide infra l. 6. c. 3.

De adjuncto communi accidentali sunt canones quinque:

1 *Accidens commune non reciprocatur cum subiecto.*

Hîc enim non est æqualis ambitus. Ita sapientia latius patet quàm homo; seu, quod idem est, reperitur extra hominem.

2 *Accidens commune ita est comparatum, ut sine ullâ contradictionis implicatione subiectum possit concipi sub ejus opposito.*

Sic possum concipere hominem sub opposito sapientiz, vel calamitatis; & tamen propterea non definit esse homo.

3 *Accidens commune potest inesse pluribus subiectis specificè diversis.*

Sic albedo multis inesse potest subiectis: eadem, inquam, albedo specie, sed non numero. Nam etiam idem accidens commune numero non potest multis inesse: quia hoc implicat contradictionem, esse unum numero (quæ est unitas maxima) & tamen inesse multis, seu migrare è subiecto in subiectum. Neque hîc admittimus suffugia, quæ paulò antè rejecimus; nimirum quòd hic canon valeat de subiectis totalibus, nò de partialibus, quasi duæ partes unius subiecti possint habere unum idemq; numero accidens etiam commune. Etiam subiectâ re ipsâ & specie non diversa, ut Aristoteles & Theophrastus, non possunt habere unum idemque numero accidens, ob causam & suprâ & modò dictam.

4 *Accidens commune inest magis individuis, quàm universalibus.*

Sic v. g. albedo speciei inest, quia individuo inest: ut homo est albus, quia Socrates est albus.

5 Acci-

5 *Accidens commune recipit gradus.*

Potest enim aliquis esse magis, vel minus albus. At in propriis res ita se non habet. Nec enim unus est magis risibilis altero.

Quartò, Adjunctum est separabile, vel inseparabile. *Illud χωριστὸν, hoc ἀχώριστον dicitur.*

Separabile est, quod faciliè separatur à subjecto.

Sic pallium & pileus faciliè separantur à corpore hominis, item, sanitas, somnus, sessio. Sic ignavus studiosus est adjunctum occupatum faciliè separabile à libris & studiis.

Inseparabile est, quod difficulter separari potest, et si separari nihil repugnet.

Sic nigredo est adjunctum corvi inseparabile: & artifex peritus est adjunctum occupatum, quod non faciliè separari potest à suo objecto.

Quintò, adjunctum est perficiens, vel destruens. *Illud naturale, hoc præternaturale dicitur. Illud Græcis σωτηριόν, salvativum, seu perfectivum; hoc φθαρτικόν, corruptivum, dicitur.*

Adjunctum perficiens est, quod est secundùm naturam subjecti:

Ut virtus, eruditio, justificatio hominis gratuita. Sic angelus bonus est adjunctum occupatum circa salutem hominis electi.

Adjunctum destruens est, quod corrumpit subjectum:

Ut malum, morbus, pœna divina. Sic Diabolus est adjunctum occupatum destruens Ecclesiam Dei.

Sextò, Adjunctum est remotius, vel propinquius.

Remotius est, quod à subjecto magis distat, alio adjuncto interposito.

Sic vis fermocinandi est adjunctum hominis remotius; quia

hæc facultas sequitur facultatem ratiocinandi. Ita homo est adjunctum occupatum remotius circa statuum.

Propinquius est, quod propius ad subjectum accedit, nullo adjuncto interveniente:

Ut vis ratiocinandi est adjunctum hominis valde propinquum: & statuarius est adjunctum occupatum circa statuum propinquius.

Septimò, Adjunctum est affirmatum, *ut doctrina, virtus*; vel negatum, *ut indoctus, malus, non-homo*.

Fuerunt divisiones adjuncti in genere: in specie illud est receptum, vel occupatum.

Adjunctum receptum est, quod à subjecto recipitur.

Hoc alio nomine dicitur *otiosum*, Græcè *ἀεργον*, item, *adjunctum quiescens*: & occupatum Græcis dicitur *ἐνεργητικόν*, *actuum, operosum*. Sic sapientia in homine dicitur adjunctum otiosum, quia non versatur circa subjectum occupans: at pius, qui occupatur in meditatione verbi divini, dicitur adjunctum occupatum. Non inficias eo, accidentia recepta non plane esse otiosa (nam sapientia in homine est actuosa) sed Philosophi vocarunt illa otiosa comparatè; quia non sunt sic *ἐνεργητικὰ*, ut adjuncta occupata.

Adjunctum receptum est vel inhærentiæ, vel adhærentiæ.

Adjunctum inhærentiæ est, quod à subjecto intrinsecus recipitur, ei que inest: *alio nomine dicitur adjunctum internum, receptum in rem, inhærentis & inhærens. Sic virtus est adjunctum inhærentis, quia inest subjecto.*

Adjunctum adhærentiæ est, quod à subjecto extrinsecus recipitur, ei que adest: *alias dicitur adjunctum externum, adherens, adhesionis, receptum ad rem.*

Est quoque; vel adjacens, vel circumstant: quorum illud à subjecto ad se, hoc circa se recipitur.

Sic vestes sunt adjunctum adjacentiæ seu adjacens; fateriles sunt adjunctum circumstantiæ seu circumstans regem.

Adjunctum occupatum est, quod circa subjectum occupatur:

Ut studiosus circa literas, sutor circa calceum, Logica circa modum disferendi.

Cap. 12. Antecedens, concomitans, consequens.

Argumentum consentaneum seu conjunctum secundarium classis secundæ est antecedens, concomitans, & consequens.

Hic locus inventionis à multis prætermittitur. Non rectè. Si enim dari possunt exempla argumentorum conjunctorum, quæ neq; ad causam & effectum, neq; ad subjectum & adjunctum referri possunt; necessariò dandus erit locus aliquis tertius, distinctus ab illis. Sed verum est antecedens, ut patebit ex appositione exemplorum jam jam subjiciendorum. Ergò.

Argumentum antecedens est, quod vi solius antecessoris consequens arguit ut thema.

Antecedēs
quid in Logi-
cis?

In definitione hac notentur illa verba, *vi solius antecessoris*. His ostenditur, quid sit antecedens hoc in loco, nempe illud, quod tempore rem antecedit (hæc enim est sola illa antecessio) ita ut neque ejus sit causa, nec effectum. Verbi gratiâ. Crepusculum matutinū est. Ergò dies sequitur. Item: est crepusculum vespertinum. Ergò nox sequitur. Sic: Naturaliter dormit. Ergò evigilabit aliquando. Item: Est puer. Ergò aliquando evadet vir. Sic: est studiosus bonarum literarum. Ergò evadet doctor. Item: Mortuus est. Ergò propediem sepelietur. Item: negatè: mulier non est gravida. Ergò non pariet. Item: arbor non floret. Ergò nec fructus feret. In his exemplis spectatur nuda antecessio temporis, non causalis, non subjectiva aliqua.

Estque necessarium, vel contingens.

Necessarium est, quod necessariò antecedit.

Ejus canon est :

Posito antecedente necessario ponitur consequens.

Sic crepusculum matutinum est necessarium antecedens diei statim consecuturi. Ergo & sublato antecedente, necessario tollitur consequens: ut, Arbor non floruit hoc anno. Ergo nec feret fructus. Necesse enim est prius florere arbores, quàm fructus ferant. Quidam Theologi docent, bona opera non esse causam salutis, sed necessarium antecedens, videlicet necessitate præcepti. Verùm est & ibi alia necessitas, videlicet medii & signi. Sunt enim etiam necessaria necessitate medii & signi. Itaq; dici possunt causa instrumentalis, sive causa sine quâ non.

Antecedens contingens est, quod antecedit suum thema contingenter.

Ejus canon est :

Posito contingente antecedente, non necesse est poni consequens, & eo sublato non necesse est tolli consequens.

Sic antecedens contingens est: Mortuus est. Ad hoc enim contingenter sequitur sepultura. Non enim necessarium est, ut mortuus sepeliatur. Nam mortui apud veteres cremabantur, vel etiam projiciebantur. Sic non necessaria sunt hæc inter sese: Puer est. Ergo vir evadet. Mori enim potest in ætate juvenili. Rubedo vespertina antecedit serenitatem postridianam contingenter. Et illâ sublatâ non tollitur necessariò serenitas postridiana. Ita eclipsis antecedit obitum magnorum principum.

Concomitans.

Concomitans est, quod arguit suum themavi solius connexionis: *aliàs connexum dicitur.*

In definitione dicimus, *ut solius connexionis*, ut excludatur relatio & affectio alterius argumenti.

Estque necessarium, vel contingens.

Concomitans necessarium est, quod necessariò coëxistit cum suo connexo.

Ejus canon est :

Posito vel sublato connexo necessario, necesse quod est alterum poni vel tolli.

Sic

Sic necessariò connexa sunt causa secunda & prima, minus principalis & principalis, finis & efficiens, materia & forma, propria unius subjecti, partes diversæ unius compositi, jam coëxistētes. Sic omnipotentia & eternitas necessariò connexa sunt, tanquam propria. Ergo positâ illâ ponitur hæc, & sublatâ illâ tollitur hæc, & vicissim. Sic ventriculus & jecur sunt partes necessariò connexæ.

Concomitans contingens est, quod contingenter coëxistit cum suo connexo.

Ejus canon est:

Posito vel sublato connexo contingente, non necesse est alterum quoq, poni vel tolli.

Sic doctrina & probitas sunt connexa contingentia, quatenus uni subjecto insunt. Efficiens & materia coëxistunt contingenter ex parte efficientis, sed non ex parte materiæ. Nam non omnis efficiens deposcit materiam, at omnis materia præsupponit efficientem. Caput, brachia, & pedes, sunt connexa contingentia, quatenus non omne quod caput habet, statim etiam habet brachia & pedes.

Argumentum consequens est, quod vi solius consecutionis thema suum ut antecedens arguit. Consequēs
quid in Lo-
gicis?

Dico, *vi solius consecutionis*, h. e. quod ita sequitur rem aliquam, ut neque sit ejus causatum, neque adjunctum. v. g. Mulier peperit. Ergo gravida fuit. Arbor fructum tulit. Ergo floruit. Jam vir est. Ergo puer fuit. Institutionem cœnæ Dominicæ consecuta est Christi passio. Christi passionem consecuta est mors: mortem sepultura: sepulturam resurrectio: resurrectionem ascensio in cœlos: ascensionem deniq; sessio ad dextram Dei Patris. Hanc subsequetur necessariò reditus ad iudicium universale.

Consequens est necessarium, vel contingens.

Necessarium consequens est, quod thema suum necessariò consequitur.

Hujus canon est:

Posito vel sublato consequente necessario, ponitur vel tollitur antecedens.

Sic extremum iudicium necessariò consequetur universalem resurrectionem mortuorum: hyems autumnum: hyemem ver. Intellige necessitatem vel absolutam & simplicem, vel ex hypothesi.

Consequens contingens est, quod thema suum contingenter consequitur.

Ejus canon est:

Posito vel sublato consequente contingente, non necesse est poni vel tolli antecedens.

Sic febris sequitur horrorem & lassitudinem; pluvia pallorem lunæ, aut matutinam rubedinem cœli; institutio bona, generationem bonam; senectus juventutem.

Et hic est locus antecedentis, concomitantis, & connexi, quem obsignamus tritis illis regulis Logicorû: *Omnia causa est antecedens, sed non omne quod est antecedens, est causa: Omnis effectus est consequens, sed non omne consequens est effectus: Omne connexum est relatum, sed non omne relatum est connexum, scilicet prout à nobis fuit definitum.* Omnia enim argumenta relata sunt, neque tamen omnia connexa sunt.

Cap. 13. Argumenta dissentanea seu disjuncta in genere.

*disensio in consensu
est ut consensio
et absolutæ vel
modo quodam: dicitur
dissentaneis
sensio vel absolu-
ta, ut in oppositis
modo quodam
in dissensu.*

Fuit argumentum simplex consentaneum: sequitur dissentaneum, quod vi solius dissensionis arguit suum thema. Alias disjunctum.

Et sic finiri potest, quod vi argutionis à themate disjungitur; vel, quod vi solius disjunctionis arguit suum thema. Intellige dissensionem seu disjunctionem primam; quæ specialis est & propria horum argumentorum. Est enim etiam orta dissensio. Sic patet, quare sub initium hujus libri dissensio constituta sit communis affectio argumenti, & nihilominus hic constituatur species. Confer cum cap. 3. hujus libri circa finem.

Hujus argumenti canones generales sunt tres:

1 *Argumentum dissentaneum arguit negativè.*

Ratio canonis sumitur ex ipsâ definitione. Si enim dissentaneum

taneum argumentū arguit suum thema vi solius dissen-
sionis, certè in dispositione axiomaticā cum eo conjungi non
poterit, sed necessariò disjungetur. Et ideo vocavimus argu-
mentum disjunctum: quia distrahitur à suo themate per ne-
gationem. e. g. Aulicus non continuè est pius: homo erudi-
tus non illicò est dives: arbor nō est lapis: pater non est filius:
Diabolus non est Deus: homo non est non-homo: cæcus
non videt. Alii sic efferunt canonem: *Omnia dissentanea e-
nuntiantur negando*. Item: *Dissentaneorum alterum de alte-
ro nunquam predicatur affirmatè*.

2 *Dissentanea sunt equalis notitia & claritatis.*

Necessaria
monitio de
dissentaneis.

Non intelligitur hîc generalis illa notitiæ æqualitas, quæ
omnibus argumentis vi relationis competit. Nam sic omnia
argumenta, quatenus relata, sese mutuò constituunt & defi-
niunt. Non etiam intelligitur æqualis notitia, quæ est ex me-
rito seu parte rerum. Sic enim falsus esset datus canon: quia
contraria positiva seu affirmantia sunt notiora negativis. Om-
nis enim affirmatio est mensura negationis: sic bonum est
malo prius, & notius, ejusq; mensura quoad cognitionem.
Sed hîc intelligitur equalis notitia ratione dissen-
sionis, ideoque antecessionis & consecutionis axiomaticæ & syllogisti-
cæ. Atq; hæc est nostra sententia, quam sic firmamus. In con-
sentaneis locum habet prioritas & posterioritas. Dico enim:
Deus creavit mundū: homo est eruditus. At non possum in-
vertere, sine notoriâ falsitate. In dissentaneis illa antecessio
& cōsecutio locū non habet vi dissen-
sionis. Sicut enim dico,
formosus non est facundus, lapis non est arbor, pater non est
filius, virtus non est vitium, homo non est non-homo, cæcus
nō est vidēs: ita possum invertere, & dicere facundus non est
formosus, arbor non est lapis &c. Atq; hanc expositionē esse
veram, inde patet, quia argumentum, quatenus argumentū,
vi argutionis suæ, debet esse notius themate. Et ita dissen-
taneum arguens est notius dissentaneo arguto. Interim verum
est consuetarium, quod deducitur è proposito canone: *Dis-
sentaneorum alterum ab altero aqualiter arguitur*: hoc est,
quantū valet & arguit unum, tantum valere & arguere po-
test alterum: e. g. si dicas lapis est argumentum, & arbor est
thema quod ab isto argumento arguitur, hætenus lapis vi
argutionis activæ magis arguit: at si dicas, lapis est thema, &

arbor est argumentum, jam arbor æqualiter arguit lapidem. Quantum enim ibi arguebat lapis, tantum hic nunc arguit arbor. Sic si dicas: Est lapis. Ergo non est arbor: item, Est arbor. Ergo non est lapis: itidem est æqualis argutio, quemadmodum modò explicavimus. At contra in consentaneis est illustrior argutio à causâ ad effectum, & à subjecto ad adjunctum, & obscurior ab effecto ad causam, & ab adjuncto ad subjectum. Tale quid in dissentaneis non fit, quatenus sunt dissentanea. Dico, quatenus sunt dissentanea: quia si induant vestem consentaneorum, secus se res habet. e. g. Dissentanea sunt, Deus & mûdus, quatenus est alia Dei, alia mundi essentia. Hactenus igitur unum non est notius & illustrius altero, vi illius disensionis. Nam æqualiter Deus à mundo, & mundus à Deo dissentit. Ideò dico: Deus non est mundus; &, mundus non est Deus. Sed quando Deus & mundus considerantur ut consentanea, dico: Deus creavit mundum, non contra. Hic alterum est altero notius & illustrius. Sic enim Deus habet rationem cause, mundus effecti.

ἡ ἐναντία πρὸς ἀλλήν
καὶ ἄλλος παρὰ τὸν ἄλλον

3 *Dissentanea juxta se posita clarius elucescunt.*

Hoc est, dissentanea suâ antithesi, seu mutuâ oppositione clariora evadunt: seu, unum in collatione magis notificat alterum. verbi gratiâ, pax & bellum sunt quidem dissentanea, & æquè inter se manifesta, alterumque ab altero æqualiter arguitur; at si juxta se posueris & dixeris, pax non est bellum, tum disensio illa longè clarior est. Sic enim habes propositionem, ut suprâ illam è Logicis appellavimus, exercitam. Scis quidem jam antè, quid sit bellum, quid sit pax: sed cum alterum ad alterum adhibetur spectaturque, clarior existit cognitio. Sic formosum & facundum esse sunt dissentanea ratione Ulyssis. Hæc disensio clarior erit, si enunciaris: Quamquam Ulysses facundus fuit, non tamen formosus. Sic enim habes propositionem exercitam, hoc est, Logicè & directè explicatam. Quando verò dico, facundum esse & formosum sunt diversa: tantum habeo propositionem signatam, quæ convertenda est in exercitam. Sic signatæ propositiones sunt: arbor negatur de lapide, substantia affirmatur de homine. At exercitæ sunt: arbor non est lapis, homo est substantia.

Cap. 14. *Diversa.*

Argumentum dissentaneum est diversum, vel oppositum.

Diversum est, quod ratione dissentit à suo themate.

Vox diversi est ambigua. Sumitur enim generatim & speciatim. Generatim diversa dicuntur, quæcunq; non sunt eadem. Et hoc modo in Metaphysicis ens dividitur in idem & diversum. Speciatim diversa dicuntur, quæ ratione dissentiunt; Græcis τὰ λόγῳ διαφέροντα. Ratione dissentire idem est, quod definitione dissentire. Sic ratione differre sumitur pro eo, quod est definitione distingui. *Crell. in isagog. Log. pag. 64.*

Sic Aristoteles ens & unum re ipsâ unum esse dicit, ratione tamen distingui, hoc est, definitione. *4. Metaph. cap. 2. text. 3.*

Quod & explicatum habet *Scaliger exercitat. 307. sect. 15.* Unum, verum, bonum, inquit, sunt affectus ipsius entis, una sanè res atq; eadem cum ipso ente, sed & ab eo, & inter se distinguuntur per definitionem. Itaque rationis distinctio nunc non est, quæ pendet ab operatione intellectus, prout in Metaphysicis accipitur: sed est distinctio, quæ fundamentum habet in definitione tantum, ita ut diversa sint, quæ solâ definitione, non etiam re subjectâ, dissentiant.

Canones hujus argumenti sunt quatuor;

1 Diversa ita dissentiunt, ut tamen eidem subjecto simul tribui possint eodem tempore:

Ut pauper & eruditus, dives & pius, dives & impius, consul & pater, philosophus & Christianus, doctus & pius, sunt diversa. Sed unde hoc cognosco? Respond. 1. Ex definitione: quia paupertas & eruditio &c. differunt solâ ratione.

2. Ex hoc canone, qui illustrat definitionem: quia possunt tribui eidem subjecto, eodem tempore.

2 Diversa affirmatè non disponuntur.

Hoc axioma colligi poterat è canone primo generali hujus capituli: sed quia multi hanc controversiam movent, placuit specialiter aliquid dicere hanc in sententiam. Quidam contendunt, diversa posse disponi affirmatè, & adducunt hæc exempla: Quanquam formosa est, tamen pudica est: Quan-

An diversa
possint dis-
poni affir-
matè?

quam formosa est, tamen lasciva est: Quanquam eruditus est, tamen est pius. Sed sciendum est, quod diversa affirmantur disposita in consentaneorum abeant castra: nimirum considerantur ut connexa contingentia, vel adjunctum disponitur cum subiecto accidentali, hoc sensu: Formosa est lasciva: item pius est beatus. In quibus exemplis accidens est subiectum attributionis, non inherentiæ, nisi quatenus connotat substantiam. Hæc tamen consensus non tollit diversitatem: ut formositas & facundia etiam tum manent diversa, quando in Pericle sunt simul. Vide infra lib. 9. c. 4. Sic Salomon petebat à Deo cor obediens. Sed Deus dabat ipsi non solum cor obediens, quod petebat: sed etiam longam vitam, divitias & honores, quæ non petebat. Hæc diversa suam naturam, in Salomone sunt conexa. Cum Athenis agerentur Panathenæa, Attici senem ludibrio habebant, invitantes tanquam admissuri. Verum ubi venisset, eum non admittebant. Is perambulatis fere jam omnibus, tandem ad Lacedæmonios spectatores cum venisset, omnes ex sedibus asurgentes locum illi cesserunt. Eo facto delectatus populus plausu virtutem comprobavit. Inter hæc est Spartanis quidam: Sciunt Athenienses quæ sint honesta, at non faciunt. Hic scire honesta, & facere honesta, sunt diversa. Sed si quis & sciat & faciat honesta, jam

*diversa non sunt
nec quædam vel ut
mutua, vel ut
lativa: Ita pendet
consensus, hæc sunt
oppositio nec in
mutua nec in
positio nec in
negio necessaria.*

sunt connexa contingentia: nunquam idem sunt. Hinc maxime: *Licet diversa competere possint eidem subiecto, tamen non sunt idem*: Subiecto quidem sunt idem, at non definitione.

3 Omnia diversa possunt transire in opposita.

Quatenus nimirum distinguuntur re, seu subiecto. Ita certe pietas & eruditio opposita esse possunt, nimirum disparata. Nam primò possunt esse in diversis subiectis. Deinde pietas non solum eruditioni, sed etiam aliis rebus opponi potest.

4 Ex diversis tam necessario, quam contingentem concludi potest.

Sunt multi, qui existimant, diversa duntaxat usum habere in declarando & amplificando, non item in probando. Errant Testor exempla, in quibus argumentum ex diversis sumitur, evidentem probandi vim habet. Sumo autem hæc est multis paucis: 1. Quidam homo non est doctus. Omnis homo est animal. Ergo quoddam animal non est doctum. 2. Quoddam flavum non est

An usus diversorum possit esse logicus?

non est dulce. Omne flavū est corpus. Ergo quoddā corpus non est dulce. 3. Ulysses nō fuit formosus. Ulysses fuit facundus. Ergo quidā facundus non est formosus. 4. Salomon non fuit pauper. Salomon fuit pius. Ergo quidā pius non est pauper. Hi sunt syllogismi negativi, in quibus propositio est tum particularis, tum propria, congruentes ad quintum modum figuræ tertiæ. Non igitur est consequens: Syllogismi negativi, quorum propositio sit universalis, non possunt confieri ex diversis. Ergo, diversorum usus nullo modo est syllogisticus. Alioquin hoc verum est, è diversis nullam consequentiam extrui posse extra hanc tertiam figurā. Ratio hujus est: quia diversa, quā diversa, leviter dissentiunt. Itaq; eorū uno affirmato alterum nec affirmatur, nec negatur; & uno negato alterum nec affirmatur, nec negatur. v. g. non sequitur: Abraham est dives. Ergo & pius. Vel. Ergo nō est pius. Nec sequitur: Non est Philosophus. Ergo est pius. Vel. Ergo nō est beatus. Sunt hic scopæ dissolutæ: & si fiat dispositio syllogistica plena in primā figurā, vel major non erit universalis, vel erūt puræ negativæ. e. g. Quidam homo est probus: quia dives. Dispositio plena hæc erit: Qui est dives, idē probus. Hic homo est dives. Ergo probus. Major universaliter accepta est falsa. Si informetur particulariter, vitiū erit in formā. Si quis adferat hoc exemplum: Quod est error, vel timor, id non est scelus. Factum Ligarii est error, vel timor. Ergo non est scelus: dicam esse argumentum ex disparatis. Nam diversa illa, error, timor, & scelus, in isto syllogismo non considerantur ut diversa, sed ut opposita.

Cap. 15. Contradicentia.

Argumentum oppositum est, quod re dissentit à suo themate.

Re dissentire idem est, quod subjecto dissentire. Intellige **Opposita.** subjectum non inhærentiæ, sed attributionis. Si enim intelligendum esset subjectum inhærentiæ, oppositio restringenda foret ad solas substantias. Nullum enim accidens potest esse subjectū accidentis; intellige inhærentiæ. At potest esse subjectum attributionis, sicuti triangulum dicitur subjectum æqualitatis angulorum duobus rectis, ut sunt verba *Zabar.* in 1. post. contex. 151.

Ejus canones in genere sunt:

1 Opposita, quatenus talia, sunt simul.

Implicaret enim contradictionem, esse oppositum, & tamen non habere oppositum. Ais: At idem sibi ipsi potest opponi, non quâ idem, sed diverso respectu; ut idem quâ pater, opponitur sibi quâ filius; & quâ videns, opponitur sibi quâ cæcus; & quâ sanus vel sapiens, opponitur sibi quâ æger vel insipiens. Resp. Etiam tum opposita sunt simul.

2 Opposita non possunt eidem tribui, secundum idem, ad idem, & eodem tempore.

Græci eleganter sic enunciant. Opposita 1. non conveniunt $\tau\acute{o}\ \alpha\upsilon\tau\acute{o}\varsigma$, sed $\alpha\lambda\lambda\omega\ \kappa\acute{\alpha}\iota\ \alpha\lambda\lambda\omega$, alteri & alteri: ut, doctum esse, alii, indoctum, alii convenit. 2. non $\kappa\epsilon\iota\ \tau\acute{o}\ \alpha\upsilon\tau\acute{o}$, h. e. secundum unam eandemque partem, sed $\kappa\epsilon\iota\ \alpha\lambda\lambda\omega\ \kappa\acute{\alpha}\iota\ \alpha\lambda\lambda\omega$, secundum aliud & aliud, ut mortale esse & immortale convenit homini $\kappa\epsilon\iota\ \alpha\lambda\lambda\omega\ \kappa\acute{\alpha}\iota\ \alpha\lambda\lambda\omega$. 3. non $\omega\epsilon\varsigma\ \tau\acute{o}\ \alpha\upsilon\tau\acute{o}$, h. e. eodem respectu, sed $\omega\epsilon\varsigma\ \alpha\lambda\lambda\omega\ \kappa\acute{\alpha}\iota\ \alpha\lambda\lambda\omega$, ad aliud & aliud relatè; ut Abraham est pater & filius. 4. non $\epsilon\upsilon\ \alpha\upsilon\tau\acute{o}\varsigma\ \chi\epsilon\acute{o}\nu\omega$, eodem tempore, sed $\epsilon\upsilon\ \alpha\lambda\lambda\omega\ \kappa\acute{\alpha}\iota\ \alpha\lambda\lambda\omega\ \chi\epsilon\acute{o}\nu\omega$; sic hodie sanus, cras æger esse potest idem homo.

3 Oppositorum uno affirmato alterum præcisè negatur.

Si enim Socrates est homo, non est lapis.

4 Opposita quatenus opposita de se invicem prædicari non possunt.

Neg; obstant hæc exempla: generatio unius est corruptio alterius: amicitia mundi est inimicitia Dei: summum jus est interdum summa injuria: otium viri boni est negotium: quidam vir est non vir: quædam civitas est non civitas: hostium dona sunt non dona: quidam habens divitias, non habet divitias: quidam felix est non felix: item, cæci vident, surdi audiunt, muti loquuntur. Non, inquam, hæc exempla evertunt canonem: quia primum exemplum non formaliter, sed causaliter seu effectivè est intelligendum, reliqua verò non enunciant oppositum de opposito; quia vel est ambiguitas, vel tropus in terminis.

5 Opposita, dum uni tertio tribuuntur, non sunt opposita respectu illius tertii, licet inter se mutuo sint opposita.

Sic cum

Sic cùm dico: Herodes est vulpes & homo; vulpes & homo sunt quidem opposita inter se mutuò, sed non respectu tertii, cui conveniunt. Hac enim ratione sunt cõsentanea. Ita albus & niger sunt opposita, respectu dentis, in quo non possunt esse simul. At si dicam, æthiops est albus dentes, & niger cutem, non sunt opposita amplius respectu illius tertii, licet inter se sint opposita. Hinc decidi potest illa quæstio, *Qualia disponantur argumenta in illâ propositione de Filio Dei: Deus est homo: Si extra Christum considerentur hæc duo, Deus & homo, accensenda erunt disparatis; at in Christo non sunt opposita, sed essentialiter consentiunt. Una enim persona constituitur ex divinâ & humanâ naturâ, tanquam ex membris duobus unius integri.*

6 Opposita esse possunt sub eodem genere:

Nimirum vel propinquo, ut virtus & vitium sunt habitus; vel remoto, ut fortitudo & timiditas.

7 Opposita opponuntur juxta formas, quibus à se invicem distant.

Non igitur opponi debent juxta genus, communes causas & communia adjuncta. Nam eatenus sunt consentanea. Non ergò valet: Calor est qualitas. Ergò frigus non est qualitas. Pater est robustus. Ergò filius non est robustus.

Argumentum oppositum est primum, vel secundarium.

Primum est, quod omnium fortissimè opponitur suo themati.

Oppositum primum est contradicens, quod vi contradictionis suum thema arguit.

Sic non-homo arguit hominem, non-loqui arguit ñ loqui.

Ejus canones sunt:

1 Contradictio est omnium oppositionum prima.

Est enim hæc oppositio inter ens & non-ens. Unde & primum principium cognoscendi hoc esse statuitur: *Impossibile est idem esse & non-esse.* Itaq;

Contradictio est omnium oppositionum mensura.

Manifesta est hujus consecrarii ratio ex canone illo modo dato. Si enim est prima, utiq; mensura. Nam quod in aliquo genere est primum, id est mensura reliquorum. Hinc Scholastici: *Omne oppositum includit in se virtualiter oppositi negationem.* Item: *Quanto reliqua oppositiones plus participant de contradictione, tanto habent plus de oppositione.* Atq; hæc causa est, quod contradictioni primum locum dedimus in categoriâ oppositorum. Nam quia est prima, utiq; & simplicissima, atq; adeo generalior. Cæterum intelligitur hæc contradictio incomplexa, non complexa; quarum illa vocatur topica, hæc axiomatica.

2 Contradictio caret simpliciter omni medio.

Medium
quinq; mo-
dis dicitur.

Medium statuitur quintuplex à philosophis. ^{2. Affectionis} 1. *Negationis extremorum seu subjecti*, quod sic interjacet inter extrema, ut in neutrum illorum cadat, quale medium dicitur esse spiritus inter calidum & frigidum. ^{3. Participacionis} 2. *Participacionis extremorum*, quale medium est repot inter frigus & calorem, quia de utroq; aliquid participat. ^{4. Locis} 3. *Locis, seu positionis*, quod est medium interjacent inter terminum à quo & terminum ad quem. ^{5. Affectionis} 4. *Perfectionis*, seu proportionis inter excessum & defectum: in quali medio virtus dicitur consistere. ^{6. Affectionis} 5. *Affectionis*, ut sunt omnia media, per quæ assequimur finem. In canone intelleximus medium in primâ & secundâ significatione: quo sensu alii dicunt esse medium duplex, medium subiectum seu anonymum, & mediam formam, seu medium nominatum.

3 Uno contradicentium affirmato, alterum negatur necessario; & uno negato, alterum necessario affirmatur.

Id probatur per canonem tertium. Si enim omnis contradictio est sine medio, profectò tertium inter illa non poterit dari, ideoq; uno affirmato alterum negabitur, & contrâ. Et hæc quoq; causa est, quod contradicentia nunquam simul possint esse vera. Si enim hoc verum est, homo est homo; quæ prædicatio identica non est nugax; oppositum non erit verum, homo est non-homo.

4 Nega-

4 *Negatio simplex in contradictione adeò ampla est, ut neget ubiq.:*

Hoc est, in nullo certo subjecto: ut si dicam, homo, non-homo, hæc negatio simplex adeò ampla est, ut omnia complectatur, præter id, quod fuit affirmatum. Hinc philosophi: *Negatio est quasi genus eorum, quæ sub negatione continentur:* ut non-homo est quasi genus lapidis, asini, & cæterorum, quæ non sunt homines. Nam omne quod non est sub affirmatione, id reperitur sub hujus affirmationis negatione. Itaque

Quò affirmatum est superius, & aliud, eò plus sub se comprehendit; & quò inferius, eò minus; contra negatum quò est inferius, eò plus; & quò superius, eò minus comprehendit sub se.

Alii sic efferunt: *Quandò minor est ambitus negationis, tantò major erit ambitus affirmationis:* ut non-entis ambitus est minor: ergò entis est major. Nam hic *τὸ ἐνς* est superiori, imò summo loco. *Et quandò minoris est comprehensionis affirmatio, tantò majoris negatio:* ut si dicam, Aristoteles, ambitus affirmationis est minor, & negationis (non-Aristoteles) ambitus est major. Nam hic negatio est inferior, ideoq; plus comprehendit. Cæterum illa nomina non-homo, non-Deus &c. vocantur *ἀόριστα* indefinita, & stant pro uno termino.

5 *Contradictio est instrumentum disserendi excellentissimum.*

Multi existimant, contradictionis simplicis nullam esse in Logicis utilitatem. Canon contrarium loquitur. Ratio canonis est: quia contradicentium usus est: 1. In omni disputatione, quâ adversarius deducitur ad absurdum. 2. In distributionibus. Nam cum genus per differentias oppositas dividimus, semper altera duarum est pura negatio alterius, & nil significat positivi. Sub hac tamen comprehenduntur positivæ. Vide librum de distributione.

Cap. 16. Relata.

Argumentum oppositum secundarium est,
quod minùs fortiter opponitur themati.
Estq; directè, vel indirectè oppositum.

Directè oppositum est, quod uni tantùm op-
ponitur.

Estq; vel positivè, vel privativè oppositum.

Argumentum positivè oppositum est, quod ar-
guit suum thema tanquam aliquid positivè exi-
stens.

Estq; vel relativè, vel contrariè oppositum.

Relativè oppositum argumentum est, quod ar-
guit suum thema vi oppositionis tanquam corre-
latum.

Canones hujus loci sunt:

1 Oppositio relativa est omnium debilissima.

Relativè
opposita.

Docent hoc in loco de relatione ejusque naturâ: id quod
Metaphysici est proprium. Hîc relata debent considerari
tanquam opposita. Et ita paucissima de illis præcipi debent.
Cæterùm canon ostendit debilem oppositionem relato-
rum, quam Scholastici ajunt non esse pugnacem, vel non
satis inimicam. Hoc omne accipies de ipsâ dependentiâ,
non de remotione seu oppositione ipsâ. Nam oppositio in-
ter relata est satis firma, si in se consideretur: ut Pater non
est filius æquè atque tenebræ non sunt lux. Sed oppositio
illa dicitur debilissima, quia unum ab altero dependet: id
quod non fit in reliquis speciebus oppositorum.

*Relata quæ sunt
id in abstracto, non
sunt, si d quæ sunt
formali.*

2 Relativè opposita non habent medium.

Intellige medium participationis. Non enim datur res,
quæ partim pater sit, partim filius. Datur tamen medium
negationis extremorum; ut lapis, qui nec pater est,
nec filius. Plura de relatis, quæ relata
sunt, infra in libro 7. cap. 7.

Cap. 17.

Cap. 17. Contraria.

Argumentum contrariè oppositum est, *Contraria*
quod arguit suum thema vi oppositionis
tanquam contrarium: *ubi strictè accipitur vox con-*
trarium.

Ejus canones generales sunt:

1 *Contraria seu adversa sunt pellentis naturæ.*

Aliàs sic effertur hic canon: *Contraria in se mutuo agunt expellendo.* Sic enim philosophus: *φθαρτικὰ ἀλλήλων τὰ ἐναντία.* Itaque formæ substantiarum non sunt sibi invicem contrariæ; quia nulla forma formam destruit. Ergò nec anima rationalis in homine destruet formam sensitivam, nec hæc vegetativam. Objicis: At forma gallinæ destruit formam ovi. Respon. Imò non destruit, sed ab alio principio destruitur forma ovi, cui succedit forma gallinæ.

2 *Contrarium est aliquid alicui, vel primò, secundùm se, vel secundùm aliquid quod in se participat.*

Sic qualitates per se sunt contrariæ, ut calor & frigiditas: at ignis aquæ est contrarius non per se, sed per accidens, nimirum propter qualitates.

3 *Contraria sunt in eodem prædicamento:*

Ut si unum ad qualitatem pertinet, etiam alterum ad qualitatem pertinere debet.

4 *Quidquid alicui contrarium est, id per essentiam, quâ id est, quod est, contrarium est.*

Seu, contrarium est aliquid alicui per formam. Neque hinc sequitur, substantiam substantiæ, vel formam formæ esse contrariam: sed hoc duntaxat, quòd contrarietas in substantiâ reperiatur virtualiter, tanquam in primâ radice, à quâ procedat; non formaliter. Illa contrarietas non pugnat cum substantiæ perfectione, sed dicit, substantiam aliquid eminentius habere, quo efficiat contrarietatem. Sicut Sol dicitur calidus: ita dicitur essentia contraria essentia.

Contraria sunt mediata, vel immediata.

Contraria mediata sunt, quæ medium interjectum habent: *sive illud sit medium negationis, sive participationis.*

Sic album & nigrum habent alios colores intermedios; bellum & pax medium quoque habent, nempe inducias; sic calidum & frigidum habent medium tepidum. Et quidem in his est medium nominatum seu participationis, quod aliàs vocatur media forma. Sed inter virtutem & vitium est medium anonymum, seu negationis extremorum, quod etiam dicitur medium subiectum; estque id, quod nec virtus est nec vitium.

Canones ejus sunt:

1 *Non necesse est, ut alterum contrariorum medietatum insit subiecto.*

Ratio: quia habent medium. Ideò non est necesse, omne corpus esse vel album, vel nigrum, cum possit esse vel rubrum, vel viride, vel alterius coloris.

2 *Extrema sunt contraria secundum se, media vero extremis contraria sunt secundum gradum participationis:*

Ut album & nigrum sunt contraria secundum se: sed rubrum sic contrariatur albo, quia magis participat nigrum. Sed virtus non est medium participationis. Ergo suis extremis contrariatur, non per modum medii, sed per modum extremi: quia scilicet virtus stat pro uno extremo, quod est bonum.

3 *Contrarium non potest esse in contrario.*

Hoc est acroama philosophicum. Sed quando dicimus, contraria possunt esse in eodem subiecto in gradibus remissis, item successivè; loquimur populariter. Nam si contraria sint in uno subiecto. v. g. si quis sit simul lætus & tristis, si quid simul calidum & frigidum; licet illa extrema in se sint contraria, tamen non sunt contraria respectu illius tertii, sed potiùs adjuncta consentanea. Deinde, quando dicimus, contraria posse esse in eodem subiecto successivè, intelligimus subiectum capax utriusque contrarii, non autem illud, cui

unum

et impossibile duo
metadictoria, nisi
distingueretur leg. p. una
distinctione, v. g. si
alibi varia.

unum contrarium per naturam necessario inest. Sic ignis est quidem calidus, sed non potest esse frigidus: at aqua modò est calida, modò frigida, & quidem in summo sive excellenti gradu: quia scilicet ille per naturam est determinatus ad unam qualitatem, ista verò est indifferens ad utramque.

Contraria immediata sunt, quæ medio carent.

Itaque

Necesse est ut semper alterum insit in subjecto per naturam ad illud suscipiendum comparato:

Ut numerus par & impar sunt contraria immediata. Idèò necessarium est, omnem numerum esse vel parem, vel imparem.

Cap. 18. Privantia.

Argumentum privativè oppositum est, quod arguit vi privationis suum thema tanquam habitum.

Privatio est negatio habitus qui jam fuit, vel esse debuit in subjecto nato eum recipere. Privatio.

In hac definitione privatio more recepto dicitur negatio, quod sic accipiendum. Negatio philosophis est duplex, negans & privans. Negans est, quæ tollit subjectum cum adjuncto. Et huiusmodi negatio dicitur simplex. Scholasticis malignans. Negatio privans est, quæ tollit quidem adjunctum seu habitum, sed relinquit subjectum, cui additur. Et hæc dicitur negatio *neg. 6. 7.* In hac materiale à formali accuratè distingui debet. His additur negatio infinita, vel infinitans, ut loquuntur Scholastici. Sed illa revocari potest ad simplicem. Hic notabis, synecdochicam esse appellationem huius Topici. Nam privantia sic dicuntur à contrarietatis parte alterâ, videlicet privatione, ita ut nomen speciei tribuatur generi.

Privationis canones hi sunt in genere:

1. *Privatio præsupponit habitum.* in privatis. sint termini habitus.
Verus est hic canon de privatione Logicâ, non de Phycâ,

qualis privatio tribuitur ovo respectu pulli. Et hæc dicitur non simpliciter negationem, sed cum negatione aptitudinem. Illa simpliciter dicit absentiam seu carentiam habitus, & requirit tres condiciones. 1. ut subjectum sit aptum naturam ad formam recipiendam, juxta regulam: privatio & habitus sunt circa idem subjectum. Ideo lapis non dicitur cæcus. 2. ut privatio attribuaturs ei parti, in quâ potest esse forma: sic homo non dicitur cæcus, quod non videat pedem vel manu. 3. ut eo tempore forma absit, quo adesse poterat vel debebat per naturam. Ideo infans non recte dicitur mutus, nec catulus recens natus, cæcus: sed homo dicitur mutus, qui jam consecutus est annos illos, quibus loqui poterat. Ideo definitur privatio Logica, quod sit absentia formæ, quæ jam fuit vel esse debuit in subjecto *περὶ οὗτον*.

2 Privatio nulla est essentia alicujus rei positive.

Ut enim nullum esse habet, ita esse nullum dare potest. Dicitur autem privatio habere nullum esse, scilicet positivum. Nam privatio consideratur vel formaliter, vel consequenter. Formaliter est carentia, adeoque nihil ejus; cujus est privatio, sed consequenter est habitus, & ita non est in classe privantium; sed adversorum.

Privatio est totalis, vel partialis. Illa dicitur ἀπλῶς *privatio & ἐντελής*, hæc πῶς & ἀτελής.

Privatio totalis est, quæ tollit & habitum, & potentiam ad habitum:

Ut cæcitas totalis dicitur, quæ humorem crystallinum, non solum habitum tollit. Dicitur aliàs *privatio potentie*, fatis aptè.

Ejus canones duo sunt:

1 Privatio totalis est planè destructiva.

Itaque præter naturam. *Ἐὐδηλον.*

2 A privatione totali ad habitum non datur regressus:

Videl. per naturam, licet detur per omnipotentiam Dei. Hic disputatur: an ab ullâ privatione ad habitum eundem numero fiat reditus? Resp. Per naturam non potest. Attente divina potest. Si enim Deus potest reproducere idem numero

numero corpus, etiam eundem numero habitum. Ille enim est causa eminentissima.

Privatio partialis est, quæ tollit actum: unde & privatio actus, item privatio secundum quid dicitur, item privatio habitus: licet Polanus privationem habitus à privatione actus distinguat. Sed malè.

Canones ejus duo sunt:

1 *A privatione actus seu habitus ad habitum facilis datur regressus.*

Sic tenebræ sunt privatio lucis, somnus privatio sensationis externæ. Et ab his datur ordinarius & facilis regressus ad habitum.

2 *Privatio partialis sæpe est media:*

Hoc est, nunc bona, nunc mala. Itaque nunc secundum naturam, nunc præter naturam; uti somnus, de quo Poëta

Menti deus utilis ægra

Somnus.

Dixi, *sapè*. Nam interdum non est salvativa, sed maxime corruptiva: ut peccatum originale est privatio justitiæ originalis, quæ inesse debebat. Et hujusmodi privationes ita privant, ut substituant contrarium habitum. Itaque per naturam non datur facilis ab iis regressus ad habitum, sed vel per institutionem, vel auxilium Dei speciale, ut ita privationis *ἀδωαμία*, & hanc consequens *δωαμία*, tollatur & infringatur.

Cap. 19. Disparata.

Sequitur argumentum indirectè oppositum, quod multis pariter opponi potest thematis, & dicitur disparatum.

Hic placet tribus verbis indicare, cur titulos capitum in Disparata classe argumentorum dissentaneorum, in plurali numero posuerimus, v. g. diversa, contradicentia &c. cum tamen in contextu præceptorum in singulari numero dixerimus ar-

gumentum diversum, oppositum &c. Utrumq; dicitur rectè, licet posterius sit ἀνεπίσημον. Etenim in dissentaneis, v. g. diversis est unum quod arguit, & unum quod arguitur. Illud dicitur argumentum, hoc thema. Quia verò thema interdum induit vestem argumenti, dicimus in plurali argumenta diversa. Vel, quia argumentum est principalius themate, illius quoq; nomen prævalet. Vel denique, pluraliter loquimur, ut significemus non agi de hoc vel illo relato, vel disparato; sed esse tractationem generalem: ita ut ad hunc locum omnia relata reduci possint. Sed hoc videatur alicui minutum. Videamus definitionem disparati argumenti. Disparatum argumentum nobis est finitum, quod multis pariter opponi potest thematis. Hic notanda sunt duo. 1. Vocula *pariter*. 2. Phrasis illa, *opponi potest*. Vocula *pariter* est necessaria, & idem valet, quod eadem ratione. Sic lapis *pariter opponi potest* arbori & aquæ. Deinde diximus *opponi potest*, non, *opponitur*: quia videl. non semper actu ipso opponitur disparatum argumentum multis thematis, licet possit: ut quando dico, panis & corpus Christi sunt disparata; hic panis non solum corpori Christi opponi potest, sed etiam aliis rebus. Hoc est, quod dicit *Libavius l. 1. Logica emendata pag. 78*. Agnoscuntur disparata ex affectione, quam non habent ad unum tantum, sed ad plura simul, à quibus dissentiant vi pari; quanquam ex hypothesi ita tractari possint, ut etiam duo sint tantum; sed manente affectione disparatâ, & potentiâ, quâ poterant multis simul opponi. Quibusdam disparata dicuntur repugnantia. Sed alii distinguunt illa à disparatis, & repugnantiam dicunt esse inter disparatum unum & alterius proprietatem, vel inter duas pluresve proprietates disparatorum & contrariorum: ut electum esse, & excidere gratiâ Dei; nigrum esse, & disgregare visum; prudentem esse, & non posse dissimulare iusam.

Canon de disparatis est unicus:

Disparatorum uno affirmato, negantur reliqua omnia:

Ut, est vestis cœrulea. Ergò nec flava, nec alba, nec viridis &c.

Sed non

Sed non negato uno affirmatur quodvis ex reliquis, verum aliquod saltem, idq. indeterminatum:

Ut, Non es homo. Ergo es dea. Est argumentatio Vergilii, in qua negato uno disparato affirmatur illud, quod quidem signis presentibus colligebatur, quasi è disjuncto & hypothesi processisset: aut homo es, aut dea &c.

Ex omnibus tamen aliis simul negatis, affirmatur reliquum, siquidem unum esse necesse est:

Ut cœruleum est cœlum. Quia nec flavum, nec rubrum, nec album &c. vel compendio, quia reliquorum colorum nullus apparet. Sic, absinthium est amarum: quia nec dulce, nec pingue, nec austerum, nec acerbum, nec acre, nec acidum, nec falsum, neq; etiam hæc simul.

Cap. 20. Comparata in genere.

ATque tale est argumentum simplex; sequitur comparatum.

Argumentum comparatum est, quod cum suo themate comparatur in uno tertio.

Ejus canones in genere sunt:

1 *Comparatio non tollit rerum distinctionem, sed Comparata. supponit.*

Non enim possent res comparari inter sese, nisi distinctæ essent: ut Christus & Pastor, Ecclesia & vinea, Sol & Luna, non possent inter se conferri, nisi essent entia à se invicem distincta.

2 *Comparatio quævis fit in aliquo tertio, quo res inter se conveniunt, vel differunt.*

Ratio: quia extrema considerantur vel simpliciter, ut Deus & mundus, lapis & homo, pater & filius: vel in collatione. Si igitur collatio differt à simplici consideratione, & ibi non est tertium, necessum est ut hic sit tertium: ut Christus & Pastor conferuntur in hoc tertio, quod curent quisq; suas oves. Hinc illud: *Qua in uno tertio conveniunt, inter se conveniunt; & contra.*

3 *Omnes res mundi universi inter se comparari possunt.*

Etiā axiomata & syllogismi & methodi. Sed sic induunt vestem terminorum simplicium. Hinc axioma aliud dicitur verius & certius altero; syllogismus alius perfectior altero; hæc methodus illā melior. Hinc etiā sæpe in probandā quæstione controversā integrum axioma sumitur pro argumento seu medio termino ex loco comparatorum: ut, impii non faciunt bona opera. Q. arbor mala non fert fructus bonos. Maritus suam uxorem diligere debet. Q. Christus Ecclesiam suam diligit.

4 *Comparata sunt æquè nota, & non æquè nota.*

Comparata sunt æquè nota respectu æterni.

Sunt æquè nota, quatenus cōsiderantur secundum ipsam cōparationis naturam, seu quatenus comparata sunt. At non sunt æquè nota, quatenus extra cōparationem, secundum suam essentiam absolutam considerantur. Sic enim alterum altero & alicui & alicubi potest esse notius & illustrius, vel quoad sensualem, vel quoad intellectualem cognitionem. e. g. ovum ovo est simile. Hic utrumque notum est vi cōparationis, quæ facit ut si unum noveris quale sit, noveris & alterum, tametsi alterum non videris. Id tamen quod vidisti, tibi dicitur notius, quoad cognitionem sensualem. Ita si dicas: homo est bulla: utrumque extremum tibi æquè notum est vi cōparationis, licet alterum possit esse notius secundum essentiam absolutam. Ita si Creusæ umbram conferas cum vento in levitate, Creusæ & venti æqualis fuerit notitia, non quidem ex Creusæ & venti naturâ, verum ex levitatis ratione in quâ conferuntur; quæ utrobique æqualis est. Objicis: Argumentum semper est notius themate. Ergo & in comparatis hoc locum habet. Respon. Omnino argumentum, quatenus arguit, notius est themate. Hoc addeò verum est, ut privatio, quæ arguit habitum, tanquam arguens arguto sit notior, non tanquam privatio: sic relatum quâ relatum arguens est notius correlato. Et hoc etiā valet in comparatis, neque evertit hanc illorum *ἀπορροή* quia comparata dicuntur esse æquè nota vi cōparationis, quæ non evertit formalem rationem argumenti, sed duntaxat

duntaxat ipsi addit novum respectum: ita ut prærogativa argumenti per specialem illam comparatorum affectionem non evertatur.

5 *Comparatio habet duas partes integrales, propositionem & redditionem.*

Illà Græcis *ἀντιλογία*, hæc *ἀντιδοσις* dicitur. Propositio est prior comparationis pars, continens argumentum: redditio est pars posterior continens thema: ut homo est flos. Hic propositio & redditio ponuntur implicite, & sic evolvuntur. Sicut flos citò oritur & interit: ita & homo. Verum itaq; est de omni comparatione, quòd duas illas partes habeat, non de explicità tantùm, ut nonnulli volunt.

6 *Comparatio est implicita, vel explicita.*

Implicita dicitur etiam contracta, quæ partes suas non distinctè, sed breviter proponit, idque vel sine notis, ut Christus est pastor: vel cum notis, ut gratia principum est similis vitro. Explicita seu explicata comparatio est, quæ partes suas quatuor terminis distinctè & plenè explicat: ut ex illo Cicetonis; Honos alit artes, omnesq; incenduntur ad studia gloria: sic elicies plenam comparationem: Ut cibus ad corpus se habet, sic honos ad artes. Ergò honos artium cibus, & cibus corporis similiter dicitur, ut patet ex descriptione quatuor terminorum hæc;

Cibus.	Corpus.	Honos.	Artes.
<hr/>			

Vel potius sic, ut appareat homologorum terminorum permutatio:

Cibus		Corpus.
Honos		Artes.

Deinde ex eodem exemplo dices: Ut incendium ad materiam aut fomitem, sic gloriam esse ad studia, ut monstrat hæc terminorum descriptio:

Incendi.		Fax vel fomes.
Gloria.		Studia.

Sæpe autem, quod hic notandum est, duæ vel tres similitudines explicatæ surgunt ex unâ contractâ. *Dua*, ut ex illo: Ut sementem feceris, ita & metes. Hic duplex proportio sic est describenda:

Agricola. — Sementis. — Messis.
 Homo. — Benefactum. — Gratia.

Similitudo hæc est: Sicut agricola sementem facit, ita qui alteri beneficium præstat. Et sicut agricola pro præmio accipit messem: ita & benefactor præmium habet gratiam. Tres similitudines ex illo Ciceronis surgunt: *Memoriâ vestrâ, Quirites, nostræ res alentur, sermonibus crescent, literarum monumentis inveterascent, & corroborabuntur.* Surgunt, inquam, hoc modo: ut sata planta alitur sive nutritur, nutrita crescit, crescens inveterascit & corroboratur: sic res gestæ memoriâ innotescunt, notæ commemorantur, commemoratæ autem literarum monumentis mandantur & posteritati commendantur. Descriptio est cujusdam æquationis ordinatæ hoc modo:

Planta — Alimentum. — Incrementū. — Robor.
 Res gestæ — Intellectus. — Sermo. — Historia.

Hoc exercitium est perelegans juxtâ & perutile. Si igitur occurrat comparatio contracta, vide quot modis una res cum aliâ possit conferri. Ita si dicam: Ira est incendium animi; considera naturam incendii, in quâ deprehendes flammam, ardorem, & jactum flammarum. Sic ergo describas proportionem:

Incendiū. — Flamma. — Ardor. — Jactus flammarū.
 Ira. — Furor. — Rubor in facie. — Atroces oculi.

Nequē solum hæc ratio in similibus, sed etiam in aliis comparatorum speciebus locum habet, licet in similibus sit copiosior & illustrior.

7 *Explicata comparatio est prior contracta.*

Ratio est manifesta: quia contractum dicitur, quod partes distinctè consideratas involvit. Itaque

Omnis explicata duci potest in contractam; & omnis contracta reduci in explicatam.

Hoc patet è canone 6.

Cap. 21. Paria.

ARgumentum comparatum est, vel primariū, vel secundarium.

Illud

Illud vulgò comparatum in quantitate, hoc in qualitate dicitur apud Ramum. Sed sine ratione. Videris hâc de re *Timplerum lib. 2. Logic. c. 6. q. 5.*

Comparatum primarium est, quod suum thema arguit vi comparationis firmioris.

Ejus canon est:

Comparatio primaria alia est rerum, alia rationum. Comparatio est rerum vel rationum.

Comparatio rerum est, cum res incomplexæ seu termini simplices inter se comparantur in aliquo tertio, tanquam pares, vel impares. Comparatio rationum seu probabilitatis est, cum sententiæ seu propositiones inter se conferuntur, tanquam pariter vel impariter probabiles: ut si gloriam conferas cum divitiis, comparationem instituis inter res: at si dicas, probabilius est aliquem amare suum amicum, quàm amare inimicum: inter verisimilitudinem seu probabilitatē enunciationum instituis collationem. Comparata ratione rerum habent locum in usu & axiomatico & syllogistico: ut, Sol major est Lunâ, vita plus est quàm victus, doctrina minor est quàm probitas: sed comparata ratione probabilitatis in usu syllogistico duntaxat locum habent.

Argumentum comparatum primariū est par, vel impar.

Par est, quod thema suum vi paritatis arguit.

Argumentum par est vel propriè, vel impropriè dictum.

Par propriè dictum est, quod arguit suum thema vi paris quantitatis.

Estque vel rei, vel rationis.

Par rei est, cum par quâtitas attèditur in reipsâ.

Ejus canones sunt duo:

1 *Quantitas, quæ in his paribus attenditur, est attributum limitatum æqualitate vel essentia, vel affectionis.*

Exemplum prioris: Plato est æquè homo, ac Aristoteles. Exemplum posterioris: Johannes est æquè peritus ac Conradus. Sensus canonis igitur hic est: Dum res par cum pari confertur, attenditur eadem quantitas seu idem gradus, vel

essentia, vel affectionis, quæ est vel numerus, vel magnitudo, & hæc vel extensiva est, vel intensiva. In eadem quantitate seu gradu essentia comparantur tres personæ SS. Trinitatis. Intellige quantitatem intensivam, quæ dicitur perfectio- nis & virtutis, non extensivam, quæ dicitur quantitas molis. In eadem quantitate numeri comparantur Sacramenta Ve- teris & Novi Testamēti. In eadem quantitate magnitudinis comparantur duæ lineæ æquales. Et hæc est magnitudo ex- tensiva. In eadem quantitate magnitudinis intensivæ com- parari possunt duo theologi vel medici æque docti & exer- citati. Itaque *de paribus idem est iudicium. Et quod valet in re paribus, idem quoque in re compari.*

2 *Ad locum comparatorum pertinent argumenta dissentanea seu opposita paria, hoc est, talia argumenta, quæ ducuntur à contrario sensu.*

Olevi an. pag. 49. Dialog. Valetque argumentatio per re- gulam Ciceronis 5. *Tuscul. Contrariorum contraria sunt consequentia*: ut Virtus est laudanda. Ergo vitium vitupe- randum. Pater est qui genuit. Ergo filius, qui genitus est. Ejusmodi argumentum à pari est *συμπαράλογον ἐναντίον, con- junctio contrariorum*. Itaque *consequentia valet, cum op- positio fit legitime secundum differentias oppositas. Nam tum par est ratio, & termini sunt reciproci in antecedente.* At non valet, cum oppositio fit secundum genus, aut com- munitia accidentia. Tum enim termini non sunt recipro- ci. Non ergo sequitur: Tutores debent benefacere pupi- lis. Ergo qui non sunt tutores, non debent eis benefacere. Nam benefacere est adjunctum tutoribus commune cum quibusvis hominibus. *Deinde regula valet in perfectè con- trariis.* Non ergo sequitur: Mala opera damnant. Ergo bona salvant. Ratio: quia non sunt pariter contraria mala & bona opera. Illa perfectè mala, hæc imperfectè bona sunt. Hic velim te scire, Logicos constituere duplicem oppositionem seu consecutionem oppositorum. Consecutionem oppo- sitorum aliam faciunt indirectam seu inversam: quæ Græcis dicitur *ἀνὰ πάλιν ἀνολύθησις*, ut: Vita æterna est hæreditas. Ergo non comparatur nostris meritis. Deus interdicat & o- dit peccatum. Ergo non est ejus author: aliam directam, quæ Græcis est *ἐναντία, & ἐπὶ ταῦτα ἀνολύθησις*, Latinis ar- gumentum

gumentum oppositorum parium, in quo fit oppositio per propria: ut, Qui habent spiritum Christi, sunt ejus. Ergo qui non habent spiritum Christi, non sunt ejus. Item: Qui perseverant ad finem, erunt salvi. Ergo qui non perseverant ad finem non erunt salvi.

Par rationis est, cùm par quantitas probabilitatis attenditur.

Ejus canon est:

Si duæ propositiones sint æquè probabiles, unâ positâ alteram quoq. poni consentaneum est:

Ut, Error fertur in cæteris ut humanum quid. Ergo etiam ferendus est in philosopho. Antè diximus, comparisonem probabilitatis non facere ad explicationem, sed duntaxat ad probationem, h. e. non habere usum in dispositione axiomaticâ, sed tantum in syllogisticâ. Exemplum hujus rei jam dedimus de paritate probabilitatis. Vulgò dicitur argumentum ab eo quod pariter est: at argumentum à pari simpliciter dicitur argumentum à pari.

Par improprie dictum est comparatum, quod cum themate confertur citra quantitatem in aliquo tertio attributo, sive absoluto, sive respectivo.

Ejus canon est:

Paria improprie dicta sunt ea, quæ conveniunt causâ, causato, subjecto, adjuncto, toto, partibus, genere, specie, definitione, & aliis terminis.

Hinc fit ut entia inter se comparata, dicantur eadem & diversa, vel essentialiter, vel accidentaliter. Essentialiter eadem & diversa, conveniunt & differunt essentiâ genericâ, specificâ, & numericâ. Accidentaliter eadem & diversa conveniunt & differunt accidenti aliquo, ut quantitate, qualitate, actione, passione, relatione. Similiter hinc fit ut alia dicantur eadè & diversa causâ, sive finali, sive efficiente, sive materiali, sive formali: alia causato, ut finito, effecto &c. alia subjecto, sive recipiente, sive occupate: alia adjuncto &c. Ex his comparatio parium proprie dictorum est, cùm res convenit cum re, aut essentiâ, aut numero, aut magnitudine, sive ex-

rensiva illa sit, sive intensiva. Reliqua inter se paria dicuntur
impropriè: ut cùm Angelus & homo dicuntur pares causâ
efficiente & finali, item quibusdam effectis & adjunctis.
Hæc aliis Logicis dicuntur eadem: ut Sacramenta V. & N.
T. sunt eadem causâ efficiente: disputatio & concio sunt ea-
dem fine; videlicet gloriâ Dei: piper & zingiber sunt eadem
effectu: Fides & charitas sunt eadem subiecto: Plato & Ari-
storeles sunt eadem adjuncto, ut tempore vel eruditione:
Baptismus & S. Cœna sunt eadem genere: Fides Abrahami
& Pauli est eadem specie.

Cap. 22. Majora & minora.

Argumentum impar est, quod thema suum vi
imparitatis arguit.

Estque vel propriè, vel impropriè dictum.

Impar propriè dictum est, quod arguit suum
thema vi imparis quantitatis.

Estque majus, vel minus.

Majus est, quod quantitate excedit.

Estque vel rei, vel rationis.

Majus rei.

Majus rei est, cùm majoritas attenditur in i-
psâ re.

Ejus canones sunt:

1 *Quod suâ naturâ tale est, magis tale est, quàm id
quod per participationem:*

Ut Sol est lucidior speculo, & ignis calidior aquâ fervente.
Sic potus frigidus melior est calido.

*Quod per se est tale, magis est tale, quàm quod per ac-
cidens:*

Ut exercitium & cibus modicus sunt salubriora uestione
aut amputatione brachii.

3 *Cui magis inest causa, ei magis inest effectus:*

Sic juvenis est robustior sene.

3 *Cui magis convenit definitio, ei magis convenit de-
finitum:*

Ut pri-

Ut primæ substantiæ magis convenit definitio substantiæ, quàm secundæ. Ergo illa magis est substantia. Sic utile definitur, quod ad finem conducit. Ergo id quod magis conducit, est utilius.

5 *Quod magis proprium est rei, eidem est melius:*

Ut homini uti ratione est magis proprium, quàm uti sensu. Ergo & melius.

6 *Proprium melioris rei est melius proprio rei deterioris:*

Ut proprium hominis est melius proprio bruti.

7 *Plura bona sunt anteponenda paucioribus:*

Ut literæ cum virtute iisdem fine virtute.

8 *Quod simpliciter & universè bonum est, melius est eo, quod alicubi bonum est:*

Ut valere melius est, quàm curari, & lux tenebris, quia hæc sunt tantùm meliores noctuæ, vel furi.

9 *Quod à suo contrario magis remotum est, magis tale est, quàm quod minùs ab eo remotum est.*

Sic sub polis frigus est intensius, quia plaga illa est remotior à zonâ calidâ: temperantia magis virtus est, quàm continentia, quia illa nullâ vitii contagione inquinatur, hæc non sine ancipiti luctâ cum cupiditatibus configit.

10 *Quod semper, vel ὅτι ποτὶ, ut plurimum, est utile, magis tale est, quàm quod aliquando:*

Ut justitia est melior fortitudine.

11 *Quod ad plura conducit, melius est, quàm quod ad pauciora:*

Ut aqua quàm vinum, vel mel.

12 *Cui magis insunt media ad finem, eidem magis inest finis:*

Ut ille doctior, cui plus ingenii, plus studii, plus otii, plus librorum.

13 *Quod inest meliori & honoratiori, est melius:*

Ut quod inest in animo, quàm quod in corpore est.

14 *Quod prioribus inest, praestantius est, quàm quod posterioribus:*

Ut sanitas quàm robur. Sanitas enim consistit in aëtica seu æquali proportionē humorum, qui dicuntur ideo primæ compositionis; at robur in nervis & ossibus, quæ faciunt ad secundam compositionem, situm est. Sic bonitas prius inest Deo, quàm creaturæ.

15 *Quod propter se expetitur, praestantius est eo, quod expetitur propter aliud:*

Ut pax bello, vita victu, sanitas exercitio corporis.

16 *Bonum obvium, & frequens, & quod ad manum est, melius est eo quod raro aut agrè est utile:*

Ut panis est utilior turdis: & aqua, quæ ad manum est, siticuloso melior est vino, quod non habet. Cæterum hic canon, ut & reliqui, intelligendus est cæteris paribus. Alioqui possunt esse falsi. Nam sæpè accidit, ut quorum raro fit copia, sint optima.

17 *Quod circa praestantius objectum versatur, praestantius est, quàm quod circa minus præstans:*

Ut Theologia præstantior est Philosophiâ.

18 *Quod per se bonum est, aut causa boni, aut inest allicui, melius est eo, quod per accidens:*

Ut valetudo optabilior est medicinâ, virtus formâ, iustitia amicorum quàm hostium.

19 *Quod naturâ bonum est, melius est eo, quod non naturâ bonum est:*

Ut vita quàm mors est melior. Sed hic canon referri potest ad 18.

20 *Cujus conjugatum est melius, id quoque melius censetur:*

Ut justè agere est melius quàm fortiter. Ergo & iustitia est præstantior fortitudine.

21 *Quod si omnes haberemus, altero non sit opus, præstan-*

præstantius est, quàm id, quo obtento altero indigeremus:

Ut iustitia quàm fortitudo: abundantia rerum est melior pecuniâ. Aliàs sic effertur hic canon: *Quod quis cum habet, non desiderat alterum; melius est eo, quod cum adeptus est quispiam, altero indiget.*

22 *Causarum finalium postrema est utilissima:*

Ut felicitas est melior virtute, pace, opibus, &c, ut Philosophus ait, toto fortunæ instrumento.

23 *Que ordinantur ad meliorem finem, sunt meliora:*

Ut artes liberales meliores sunt sellulariis.

24 *Bona stabiliora sunt meliora fluxis:*

Ut aurum argento, virtus auro melior.

25 *Bona quæ sunt sola expetenda, meliora sunt iis quæ cum aliis:*

Ut prudentia est melior imperio: quia prudentia sine imperio optabilis est, non contrâ.

26 *Finis est magis expetendus, quàm ea quæ ad finem:*

Ut victoria quàm bellum.

27 *Eorum quæ ad finem conducunt, id quod ad finem propius accedit, est dignius:*

Ut metere frumentum, quàm serere.

28 *Quod rei bonæ est similis, aut meliori similis, id melius:*

Ut vita cœlebs est similior vitæ angelicæ. Cæterum canon intelligendus est de bono in se, non eo, quod est bonum alii.

29 *Quod Deo placet, melius est, quàm quod hominibus.*

Ratio est manifesta.

30 *Id simpliciter est melius, quod melior disciplina præcipit.*

Ut id, quod Theologia præcipit, melius est eo, quod Philosophia jubet.

31 *Quod sapienti, docto, & experto seni placet, melius est quam quod insipienti, indocto aut juveni placet.*

Majus probabilitatis.

Majus probabilitatis est, cum major rei probabilitas spectatur:

Ut, si terrena loquentem non capitis, quomodo intelligitis loquentem cœlestia? Hic inter se conferuntur duo ista enunciata, intelligere loquentem de terrenis, & intelligere loquentem de cœlestibus.

Canon hujus loci est:

Si id, quod verisimilius inesse videtur, non inest, multò minus verum erit id, quod minus verisimile est esse.

Itaque syllogismi omnes hujus loci concludunt negative. Cum igitur in conclusione seu parte consequente sunt verba *multò minus*, est argumentum ab eo quod est magis, seu à magis probabili: ut, Qui Deum non audit, multò minus hominem audiet. At Judæi Deum non audiunt. Ergo multò minus hominem audient.

Argumentum minus est, quod quantitate exceditur.

Estque vel rei, vel rationis.

Minus rei.

Minus rei est, cum minoritas rei attenditur:

Ut avicula est minor homine.

Minus rationis.

Minus rationis est, cum minor rei probabilitas attenditur:

Ut si homines possunt dare bona liberis petentibus, quantò magis Pater cœlestis?

Canon hujus loci est:

Si id, quod minus verisimile est esse, tamen est, multò magis erit id quod magis verisimile est esse.

Itaque hic perpetuò affirmatè concluditur. Proinde in conclusione seu parte consequente ponuntur verba *multò magis*: ut, Qui fallere consuevit patrem, multò audebit cæteros. Æschinus fallere consuevit patrem. Ergo multò magis

rò magis audebit fallere cæteros. Hic etsi pater est major, tamen illa majoritas rei non attenditur, sed minor probabilitas : ideoque dicitur argumentum esse ductum à minùs probabili. Diligenter itaque cavendum, ne majorem vel minorem rem accipias pro majore vel minore probabilitate.

Impar improprie dictum est, quod citra quantitatem arguit suum thema impariter in attributo aliquo tertio sive absoluto, sive respectivo.

Quando res cum re confertur in impari essentiâ, nûmero, vel magnitudine, dicitur comparatio imparium proprie dictorum : at quando res cum re confertur in impari causâ, effecto, subjecto, adjuncto, genere &c. dicitur comparatio imparium improprie dictorum. Confer cum cap. antecedentis canone ultimo.

Cap. 23. Similia & Disimilia.

ARgumentum comparatum secundarium est, quod suum thema arguit vi comparationis levioris.

Estque vel simile, vel disimile.

Simile argumentum est, quod arguit suum thema vi similitudinis.

Estque proprie, vel improprie dictum.

Simile proprie dictum est, quod arguit suum thema vi similis qualitatis & finis.

Ejus canones sunt :

1 Ratio similitudinis etiam sumitur ex fine :

Ut quia idem est finis *oris* in animali, qui *radicis* in plantâ ; *pastoris* in grege, qui *episcopi* in Ecclesiâ, illa censentur similia.

2 Similitudo explicata est disjuncta, vel continua.

Similitudo
disjuncta, vel
conjuncta.

Disiuncta versatur inter quatuor terminos reipsa inter se distinctos; quorum ut primus se habet ad secundum; ita tertius ad quartum. v.g. Sicut gubernator se habet ad navem: ita magistratus ad Rempublicam. *Continua* est, quæ versatur inter tres terminos aptè inter se distinctos & affectos, ita ut sicut primus se habet ad secundum; ita secundus ad tertium: ut, sicut lex magistratui: ita magistratus populo præest. Tres hic sunt termini; lex, magistratus, populus.

3 *Similium sunt similia consequentia.*

Hic canon est probabilis, & agit de usu similium, quem habent in probando. Afferunt autem illa magis dissentienti pudorem, quàm assentiendi necessitatem. Aliis locis credimus necessario, similibus libenter, ait Molinæus. Data, verbi gratiâ, quæstione, an intellectus regat totam animam, sume aliquid, quod sit simile subjecto quæstionis, puta oculum. Hinc argumentaris. Oculus regit totum corpus. At intellectus est oculus animæ. Ergò. Sic: Princeps debet subditos suos defendere. Q. Paterfamiliâs familiam suam defendere debet. Item: Ratio non est submovenda à linguâ. Q. Nauclerus peritus non est submovendus à navi. Hæc notanda sunt contra illos, qui simpliciter asserunt, similia non habere ullam vim probandi, sed tantum explicandi & amplificandi. Verum est, argumenta ex loco similium ducta non esse necessaria & scientifica. Sed à negatione modi ad negationem rei non valet consequentia. Itaque illud vulgatum: *Simile non probat, sed illustrat; non simpliciter, sed secundum quid accipi debet.*

4 *Similitudo non debet extendi extra scopum disserentis.*

Hic canon in analysi magnum habet usum, & monet, ut in primis scopus similitudinis perpendatur: quod in primis in lectione sacrarum literarum observandum est, ubi habet locum illud Thomæ: *Theologia allegorica non est argumentativa*, si scilicet scopus non observetur.

5 *Similitudo est instrumentum Logicum maxime accommodatum ad genus docendi exotericum & populare.*

Ratio: quia similitudo continet res maxime obvias sensibus. Ua-

bus. Unde fit, ut sit aptissima ad docēdum populum: ut si doceas, melius accipi doctrinam sensim, quàm confertim, simili vasorum angusti orificii, quę superfusam humoris copiam respuunt, sensim instillatam admittunt. Et, tyrannum esse excindendū, quia ut vomica crescit phthisi corporis, ita hic dispendio Reip. Aut ingratum similem esse lagenis: utpote qui beneficia infusa faciliē admittit, reddit verò multo cum murmure & querelis.

6 *Proportio similium inter se est vel inversa, vel alterna.*

Græci illam dicunt ἀναλογίαν ἀνάπαιλιν, hanc ἐναλλάξ. Proportio ἀνάπαιλιν est, quando invertitur ordo aut ἀναστάσεως, aut ἀποδόσεως tantum, aut etiam terminorum. Hinc canon: Si quædam similia fuerint, ἀνάπαιλιν, hoc est, inversè similia erunt: ut, si quemadmodum aurum se habet ad ignem, sic fides se habet ad periculum: ergo ut fides ad periculum, sic aurū ad ignem. Proportio ἐναλλάξ est, quando similitudinis datæ antecedens antecedenti, & consequens consequenti comparatur. Hinc canon: Si quædam similia fuerint, alternè similia erunt: ut, si quemadmodum aurum se habet ad ignem, sic fides ad periculum: ergo etiam ut aurum ad fidem, sic ignis ad periculum. *Oleivian. lib. 1. Dial. pag. 54.*

Argumentum simile improprie dictū est, quod citra similem qualitatem & finem arguit suum thema, tantum simili motu & relatione.

Sic omnes res totius mundi possunt comparari in simili effecto, subjecto, materiâ, efficiente &c.

Argumentum dissimile est, quod vi dissimilitudinis arguit suum thema.

Estq; proprie, vel improprie dictum.

7 *Simile proprie dictum est, quod arguit suum thema vi dissimilis qualitatis & finis.*

Ejus canones duo sunt:

1 *Dissimilibus dissimilia conveniunt.*

Itaq; magnam habent vim ad refutandum: ut si quis probet, omnia debere esse communia inter homines, quia inter

bruta sunt omnia communia, aptè respondeas, hominem esse dissimilem bruto.

2 *Dissimilia etiam habent vim probandi.*

Fundamentum hujus canonis jactum est in proximè antecedente. Exempla sunt: Christus est pastor bonus; quia non fuit mercenarius. Uxor leniter à marito est tractanda; quia non est inftar mancipii.

Dissimile improprie dictum est, quod arguit suum thema vi dissimilis motus aut relationis.

Per motum intellige actionem & passionem. Per relationem, argumenta Logica, excepto fine, item adjuncto.

Cap. 24. *Conjugata.*

TRactavimus argumentum primum: nunc tractabimus ortum, quod arguit suum thema perinde ut primum, ex quo ortum est.

Sic bonitas & bonum sunt argumenta orta ex causa & causato formali. Confer hanc definitionem cum cap. 3. hujus libri.

Argumentum ortum est primi, vel secundordinis.

Argumentum primi ordinis est conjugatum & notatio.

Argumentum conjugatum est, quod arguit suum thema vi conjugationis.

Conjugata. Conjugatio est, quâ res affinis ab affini deducitur, & à nomine alterius denominatur.

Canones duo sunt:

1 *In conjugatis Logicis non nominum, sed rerum origo attenditur.*

Malè igitur conjugata à nonnullis vocantur argumenta nominalia. Nec enim affinitas nominum, sed rerum procreantur notionem Logicam. Interim illa rerum societas nominum societate exprimitur. Itaq; Logicus illam primariò & per se hanc secundariò & ex accidenti spectat.

2 In conjugatis unum est principium, reliqua principia. Itaque

Omnia ad causam & effectum reduci possunt.

Conjugatio est primaria, vel secundaria.

Conjugatio primaria est, quâ concretum deducitur ab abstracto.

Ejus canones sunt:

1 *Abstractum est conjugatum denominans.*

Zabarella dicit: Abstractum est forma, unde subjectum aliquod denominatur. Itaque

Abstractum exprimitur nomine simplicem significandi modum habente.

Sic humanitas significat solam humanitatem, quasi per se coherentem extra hominem.

2 *Concretum est conjugatum denominativum:*

Ut loquuntur, vel potius denominatum, seu, est subjectum, quod ab abstracto sic denominatur. Hinc concreta exprimuntur nominibus, quæ compositum significandi modum habent: ut homo, quantus, qualis. Hæc enim nomina & formam significant, & subjectum; ut vox, homo, & humanitatem, & hominem significat.

3 *Abstractum est concreti forma.*

Hoc clarum est è primo canone. Itaque

In conjugatis Logicis concretum ab abstracto deducitur.

Atque ita differunt conjugata Logica à Grammaticis, in quibus substantivum ab adjectivo deducitur. Hinc rectè Scalig. lib. 1. de caus. ling. Lat. c. 65. ait: Quantum à quantitate est, si rem spectes: contra quantitas à quanto, si vocem.

4 *Concretum synonymum essentialiter predicatur, ut homo de Socrate; at paronymum accidentaliter, ut album de eodem.*

5 *Posito uno conjugatorum ponitur & alterum, & remoto uno removetur alterum.*

Si justus est, justitia est, & si justitia est, etiâ justus est, hoc est, posito justo ponitur justitia &c. Hinc argumentamur: Justus est, Ergo justitiâ præditus est; & contra.

6 *Quod uni conjugatorum competit, etiam competit alteri suo modo; & quod uni non competit, nec alteri suo modo:*

Ut, justitia est laude digna. Ergò & justus. Item, justus Deo placet. Ergò & justitia. At non sequitur: Justitia est virtus. Ergò & justus est virtus. Ideò in canone addidimus, *suo modo.*

Conjugata secundaria sunt concretum & modus aliquis, seu casus: *Ut, sapiens & sapere, vel sapienter agere.*

Ex Aristotele distinguere possis conjugata in paronyma, seu denominata, & casus. Paronyma sunt conjugata illa primaria, ut justus à justitiâ denominatur. Casus Aristoteli sunt tantum adverbia & verba, ut *justè & sapienter à justus & sapiens.* Nos vocamus conjugata secundaria, de quibus hi sunt canones.

1 *Positis casibus, necessario ponuntur conjugata, à quibus orta sunt:*

Ut, grammaticè loquitur. Ergò est Grammaticus. At positis conjugatis primariis, non necessario ponuntur casus, nisi illa ponantur in actu. Non enim necessario sequitur: Justus est. Ergò facit justa. Non, inquam, hoc sequitur necessario, nisi justus aliquis supponatur talis actualiter. At hoc valet: Justus est. Ergò justitiâ præditus est. Nam hæc conclusio infert habitum, qui à formâ proximè pendet.

2 *Ordo in conjugatis hic est: primò abstractum; secundò concretum; tertio modus seu casus:*

Ut, justitia, justus, justè. Itaque

Abstractum est fons caterorum, & concretum est causa modi.

Vulgò dicunt: In abstractis secundariis casus pendet à concreto, & utrumque ab abstracto. Atque hic est locus conjugatorum, quem Aristoteles vocat *ἐν τῷ ἀρχαίῳ* & *ἐν τῷ ἐνδιάμεσῳ*, commodissimum.

Cap. 25. Notatio & Nomen.

NOtatio est argumentum, quod suum thema, Notatio.
videlicet nomen, arguit vi interpretationis
ex ipsius origine.

Ejus canones sunt :

1 *Notatio Logica rationem investigat notationis
Grammaticæ.*

Itaq; illa hanc præsupponit, v. g. homo dicitur ab humo,
ait Grammaticus. Hic subsistit. At Logicus rationem illius
notationis ostendit, & ait: Ex materiâ est notatio.

2 *Unius nominis plures esse possunt notationes, aliæ
tamen aliis probabiliores.*

Sic Parçæ aliis dicuntur, quòd minimè parcant; aliis, quòd
parcant. Utraque verisimilis, sed posterior verisimilior. *Sca-*
liger lib. 3. poet. cap. 90. Nam fermè præpollent notationes ex
argumentis prioribus: ut notatio ex causâ potior est nota-
tione ex effectis, & hæc potior notatione ex adjunctis: & in
universum notatio ex consentaneis potior notatione ex dis-
sentaneis. Jam verò si Parçæ dicantur quòd minimè par-
cant, est notatio è dissentaneis. Interim sic accipe illâ obser-
vationem, ut tamen etiam habeatur ratio convenientiæ ver-
balis, hoc est, ut vox cum voce conveniat quoad literas.
Non enim valet: sedus à ferio dicitur. Est notatio ex effecto.
At si dicatur ab adjectivo *foedus*, est notatio ex adjuncto
ritu. Ergò illa notatio prævalet huic. Non, inquam, hoc va-
let. Nam hæc posterior est adproba: quia plures literæ re-
tinentur, salvâ originis ratione Logicâ. At in illâ duæ dun-
taxat retinentur literæ. Et hanc regulam opponendam esse
censemus nonnullis ineptis philologis, qui dictatoriam sibi
arrogant licentiam in originibus nominum vestigandis, ex-
tritis fermè omnibus è voce, cujus originem quærunt, lite-
ris. Exempli sunt odiosa. Itaque illis adducendis super-
sedeo.

3 *Notatio est vel æqualis cum nomine, vel eo latior.*

*capitulum autem
a secundis ad tria
e legitur catholice*
Æqualis est, quæ cum nomine recurrit. Et tum est recipro-
catio: ut, Est animosus, Ergò animi plenus. Et, Est animi ple-
nus, Ergò & animosus. Si verò notatio sit latior nomine, à
nomine ad notationem tantum affirmativè ducitur illatio:
 ut, Testamentum est, Ergò mentis testatio. A specie enim ad
 genus affirmatè solùm concluditur. At nomen hîc ut species
 est, notatio ut genus. Si fortè datum exemplum non sit ad
 salivam, hoc habe: Pactum est, Ergò pactio est. Nam pa-
 ctum à pactione est, sicut effectus ex causâ. *Igitur à notatio-*
ne ad nomen tantum ducitur negativa: ut, Non est mentis
testatio, Ergò nec testamentum. Non est pactio, Ergò nec
pactum. Negato enim genere negatur quælibet ejus species.
 Cæterum notatio æqualis aliâs dicitur *propria & adequata,*
 latior dicitur *communis.*

4 Cui competit nomen, eidem & nominis notatio; &
 cui hac disconvenit, eidem & nomen ipsum:

Ut, Est homo, Ergò ex humo sumtus. Sic: Non est ex
 humo sumtus, Ergò nec est homo.

5 In nominibus propriis argumentum à notatione
 est infirmum, nisi divinitus sint imposita.

Non est firma consequentia: Ille vocatur Johannes, Ergò
 graciosus est. Sed firma est hæc consequentia: Primus homo
 vocatus est Adam, Ergò ex terrâ sumtus fuit. Ratio: quia hoc
 nomen à Deo ipso fuit impositum.

Nomen est argumentum, arguens notationem
 tanquam thema.

Cap. 26. Totum & pars.

ARgumentum ortum secundi ordinis est
 quadruplex, totum & pars, genus & species.

Totum.

Totum est argumentum, quod vi relationis suæ
 partem ut thema arguit.

Ejus canon est:

Quicquid affirmatur de toto, quatenus omnes partes
compre-

comprehendit, idem affirmandum erit de partibus omnibus comprehensis: & quicquid de illo negatur, etiam de his:

Ut quod dicitur de totâ domo, idem dicendum de partibus omnibus comprehensis. Sic quod dicitur de homine, idem de animâ & corpore comprehensis.

Totum est essentialiale, vel integrale.

Solent addere tertiam speciem, videlicet totum universale, ut est genus & species. Verum accuratè loquendo genus & species non sunt totum propriè dictum: quia non habent partes propriè dictas. Vide *Molinaum libr. 2. Logic. cap. 5.* Est quidem genus affine toti, at non idem quod totum.

Totum essentialiale est, quod constat ex partibus essentialibus.

Aliàs dicitur *totum physicum, & substantiale*: ut, homo constans ex animâ & corpore. Sunt tamen qui hoc totum distinguunt in substantiale & propriè dictum, quod ex materiâ & formâ propriè dictis componitur, ut est homo: & in accidentale & impropriè dictum, quod dicitur componi è materiâ & formâ impropriè dictis. Sic Resp. in politicis dicitur constare ex magistratu & subditis tanquam materiali, & ex horum unione per leges, tanquam formali.

Ejus canon est:

Posito vel remoto toto essentiali, necesse est poni vel removeri partes essentielles:

Ut posito homine, ponuntur corpus & anima.

Totum integrale est, quod constat ex partibus integrantibus:

Ut est corpus hominis. Aliis dicitur integrum. Atq; hoc adversè opponitur mutilo, relativè partibus suis.

Ejus canones sunt:

1 Posito integro, necesse est poni omnes & singulas ejus partes.

Intellige integrum perfectum. Ratio est in promptu, quia partes integrales se habent ad totum integrale per modum materiæ; unde & partes materiales appellantur. Itaq; posito

materiato, scil. perfecto, materiā poni necessum est. Sic posito corpore hominis perfecto, ponuntur ipsius mēbra omnia & singula. Alii sic enunciandum censent hunc canonē: *Posito toto integrali, necesse est poni omnes illius partes integrales.*

2 *Sublato integro, necesse est omnes partes tolli:*

Non quoad realem existentiam, sed quoad relationem. Ita sublato corpore hominis, tolluntur omnes & singulæ ipsius partes, non quoad realem existentiam, sed tamen quoad relationem. Et sublata domo, non necesse est singulas partes tolli quoad existentiam. Subtilius sic dices: *Sublato toto integro, necesse est omnes partes tolli, vel aliquam saltem.* Omnes quidem: si integrum accipiatur pro partibus compositis. Aliquam saltem: si intelligatur partium unio seu compositio. Totius enim integralis unione sublata, necesse non est interire singulas ejus partes. Alii sic enunciant canonem: *Remoto toto integrali, remouentur omnes illius partes principales.*

Totum integrale est primò simile, vel dissimile. *Illud aliàs homogeneous, istud heterogeneous dicitur.*

Totum simile est, cujus partes omnes sunt ejusdem nominis & naturæ cum toto:

Ut aqua, terra, sacra Scriptura, caro, terra Lemnia. Hic enim quælibet pars aquæ, terræ, sacra Scripturæ, carnis, terræ Lemniæ, est aqua, terra, sacra Scriptura, caro, terra Lemnia.

Ejus canon est:

Quidquid prædicatur de toto homogeneo, prædicatur etiam de singulis partibus.

Excipe ea, quæ prædicantur de toto aliquo, quatenus totum est. Non enim si totum homogeneous, ut puta mare, continet omnes partes maris, aut ambit terram, iccirco de unaquâq; parte hoc verum erit. Nec hoc valet: Aër ambit terram. Hic aër, qui est in pyxide, est aër. Ergò hic aër, qui est in pyxide, ambit terram. Alii sic efferunt hunc canonem: *Quod toti homogeneo absolute considerato tribuitur vel adimitur, id etiam singulis illius partibus tribui vel adimi necesse est.*

Totum

Totum dissimulare est, cujus partes sunt diversi nominis & naturæ à toto. *Tale totum est corpus humanum, item arbor, mundus.*

Secundò totum integrale est vel continuum, vel discretum.

Totum continuum est, cujus partes communi termino copulantur: *ut, corpus humanum, linea.*

Totum discretum est, cujus partes nullo communi termino copulantur: *ut grex, exercitus. Appellatur etiam totum numerale, collectivum, & per aggregationem. Nota, totum integrale etiam dividi in substantiale, ut est corpus, & accidentale, ut est ecclesia. Illud propriè dictum, hoc impropriè dictum vocatur.*

Pars est argumentum, quod arguit totum tan- Pars.
quam thema vi relationis suæ.

Ejus canones sunt:

1 *Positis omnibus partibus simul, ponitur totum.*

Sic anima & corpus simul si sint, constituunt hominem.

2 *Quod est partis, quâ pars, id etiam est totius secundum illam partem:*

Ut hominis corpus est mortale. Hoc tribuitur homini secundum illam partem. Alii sic enunciant canonem: *Quod convenit parti, convenit toti secundum quid, & ex parte.*

3 *Quicquid affirmatur de partibus omnibus comprehensis, idem quoque, affirmandum erit de toto, quatenus omnes partes comprehendit; & quicquid de illis negatur, etiam de hoc.*

Confer hunc canonem cum primo hujus cap. canone. Ratio canonis est: quia partes omnes simul acceptæ cum toto convertuntur.

Pars est essentialis, vel integralis.

Pars essentialis est, ex quâ totum secundum essentialiam constituitur: *ut materia & forma, velut cor-*

pus & anima hominis. Aliàs pars formalis dicitur

Pars integralis est, ex quâ totum integrum secundum quantitatem componitur: unde & pars quantitatis, pars quantitativa & materialis dicitur.

Estq; primò vel similis, vel dissimilis.

Similis est, quæ idem nomen cum toto obtinet:

Ut gutta non minùs est aqua, quàm universum mare.

De hac est canon:

Quod convenit partibus similibus seorsim sumtis, convenit etiam toti similari.

Sic philosophi colligunt aquæ rotundam esse superficiem, quòd singulæ guttæ ultrò in rotunditatem formantur.

Pars dissimilis est, quæ diversum à toto nomen obtinet: ut quodlibet membrum corporis est pars dissimilis.

Estq; vel principalis, vel minùs principalis.

Principalis est, sine quâ integrum esse non potest.

Tales partes corporis sunt caput, cor, ventriculus, jecur, pulmones: item parietes & fundamentum sunt tales partes ædificii. Aliàs dicitur *pars necessaria*.

Minùs principalis est, sine quâ totum esse potest:

Ut homo potest esse sine digito, brachio, pilis, domus sine cancellis, exedris.

Deinde pars integralis est continua, quæ cum aliis partibus communi termino copulatur; ut caput est pars continua collo; vel discreta, quæ cum aliis partibus communi termino non copulatur; ut littera quævis est pars discreta vocis.

Ad extremum nota, toti & parti accidere, ut considerentur ordinariè in corporibus, & spiritibus creatis; extraordinariè in mysterio SS. Trinitatis, & incarnationis.

Cap. 27. *Genus & Species.*

JAm dicendum est de genere & specie.

Genus est argumentum, quod prædicatur in Genus.
quid de speciebus tanquam terminante.

Ejus canones sunt in genere septem:

- 1 Genus non est unius speciei.
- 2 Genus latius patet, quàm species.
- 3 Genus est prius specie, ordine naturæ, & distinctæ cognitionis.
- 4 Genus est inseparabile à suâ specie.
- 5 Cuicunque individuo genus tribuitur, ei tribui oportet alterutram vel aliquam speciem.
- 6 Cui genus adimitur, ei necesse est adimi omnes species.

7 Quod tribuitur vel adimitur generi, idem speciei.

Excipe quæ prædicantur de genere, quatenus est genus.

Generis tres occurrunt divisiones.

Primò genus est vel summum, vel subalternum.

Illud etiam ultimum & postremum dicitur. Quod enim est primum descendendo, est ultimum ascendendo.

Genus summum est, quod tantum est genus, & nunquam species. Aliàs generalissimum dicitur.

Estque vel simpliciter summum; ut ens: vel secundum quid, quod respectu certi alicujus prædicamenti est tale. Hoc sensu philosophus numerat decem ἀνώτατα γένη.

Genus subalternum est, quod ita est genus, ut collatum ad superius genus sit species. Aliàs dicitur genus medium, vel intermedium. Sic animal respectu hominis est genus, respectu corporis aut viventis est species.

Secundò genus est remotum, vel proximum.

Genus remotum est, quod longius à specie distat:

Ut corpus vel vivens est hominis genus remotum. Non enim habet speciem immediate, sed mediatè sibi subordinatam.

Genus proximum est, quod speciem sibi immediate habet subordinatam:

Ut animal est proximum hominis genus.

Hujus canon est:

Genus proximum omnia superiora genera suo ambitu includit.

Sic animal in arbore substantiæ omnia superiora, ut corpus vivum, mixtum ex elementis, corpus simplex, & substantiam naturalem includit.

Tertiò est genus perfectum, vel imperfectum.

Perfectum est, quod essentiam suam ex æquo communicat singulis speciebus.

Dicitur etiam synonymum & univocum. Sic animal est genus hominis & bruti. Nam brutum æquè est animal atque homo.

Ejus canones sunt duo:

1 *Genus perfectum habent omnia, qua directè in predicamentis collocantur.*

2 *Genus perfectum est in speciebus, non ut tota earum substantia, sed ut pars substantiæ.*

Hic notetur duplex generis natura. Una, quâ genus consideratur ut totum, continens potentiâ & confusè omnes species; altera, quâ genus consideratur ut pars speciei, quæ tum consideratur ut totum actu continens ipsum genus. Erit genus, quâ totum, notius est speciebus cognitione confusâ; quatenus pars, est ignotius: vicissim, quatenus est totum, est ignotius cognitione distinctâ; quatenus pars, est notius, juxta canonem: *Totum est notius partib. cognitione confusâ, at cognitione distinctâ est ignotius.*

Genus imperfectum est vel analogicum, vel æquivocum.

Melinam

Molinaus dividit genus in univocum & æquivocum, seu synonymum & homonymum. Et æquivocum dicit esse duplex, simpliciter & secundum quid æquivocum. Sed durum nobis videtur genus analogicum dicere æquivocum secundum quid.

Genus analogicum est, quod uni speciei primum, aliis verò propter primam speciem competit:

Ut ens respectu substantiæ & accidentis est genus analogicum. Nam substantia sibi principaliter entitatem vendicat: accidens verò eam habet in ordine ad substantiam. Aliàs appellatur genus *αὐτὸ ἐνὸς*, vel *αὐτὸ ἐν*; item *ἡγεῖα αὐτοῦ τοῦ ὅτι ὅσων*. Huc retuleris genus locale, quod vocant. Et hoc tribuunt entibus collectivis, qualia sunt Respublica, Ecclesia, exercitus. Vide *Keckerman. in System. Logic.* ad locum generis.

Genus æquivocum est, quod dicitur de pluribus, quæ nihil habent commune præter nomen.

Sic theologia falsa dicitur theologia; & homo pictus dicitur homo. *Molinaus* contendit, animal analogicè dici de vivo & picto. Sed prior sententia magis probatur. Quamvis enim animal pictum habeat figuram animalis; illa tamen ipsa non est nisi æquivoca.

Species sequitur, quæ est argumentum vi relationis suæ arguens genus tanquam thema. Aliàs dicitur pars subjectiva toti, & simpliciter pars subjectiva: & tum pars propriè dicta vocatur pars componens totum.

Species duplicem relationem sustinet, unam respectu generis, alteram respectu individui. Utraq; hîc est spectanda.

Ejus canones in genere sunt hi:

1 *Omnis species est res universalis, aliisq; sibi subordinatis essentialiter communicabilis.* Species.

Sed hoc ipsi non competit, in quantum species est, sed in quantum est genus. Etenim species accipit, genus dat.

2 Cui omnes species adimuntur, ei etiam genus adimittitur: sed non cui una vel altera species adimittitur, ei etiam statim genus adimittitur:

Ut, hoc sequitur: neq; est corpus, neq; spiritus, Ergo nec est substantia creata. At non procedit: Non est corpus, Ergo nec substantia creata.

3 Quidquid omnibus speciebus tribuitur, vel adimittitur, id etiam generi tribui, vel adimi necesse est:

Ut quod tribuitur rationali & irrationali, idem animali.

4 Quidquid uni speciei tribuitur, vel adimittitur, id etiam generi particulariter tribui, vel adimi necesse est.

Sic quod tribuitur homini, tribui etiam potest generi, sed secundum quid, seu particulariter.

5 Species sola definiuntur.

Genus verò non definitur, quia genus, sed quia species.

Species est perfecta, vel imperfecta.

Species perfecta est, quæ est sub genere perfecto: aliàs univoca.

Estq; subalterna, vel infima.

Subalterna est, quæ diverso respectu est species & genus.

Ideoq; continet sub se individua mediatè. Sic animal collatum ad superiora est species, ad inferiora est genus.

Species infima est, quæ nunquam potest esse genus: aliàs dicitur species specialissima, & proxima individuis:

Ut homo, fraxinus. Ramus speciem specialissimam vocat individuum. Sed hæc est nova acceptio. Rarò hæc species vocatur ἐλάχιστον γένος, infimum genus, ut 3. Metaph. cap. 4.

Canones de specie infimâ sunt duo:

1 Nulla species infima in alias species dividi potest per differentias essentielles & specificas.

At dividi potest per accidentales. Sic quidam homo dicitur doctus vel indoctus, dives vel pauper.

2 Ad spe-

2 *Ad speciem infimam constituendam sufficit individuum.*

Ita Sol, Luna, mundus, terra &c. sunt species infimæ; & homo erat species animalis, etiam ante fœminæ creationem. Ad genus verò constituendum, una species non sufficit, sed ad minimum debent esse duæ. Alii sic efferunt canonem: *Species infima potest conservari in uno individuo.*

Species imperfecta est, quæ genere imperfecto continetur.

Estq; generis analogici, vel aquivoci. Illa analogata & analogica, hæc æquivoca dici potest.

Illius canones duo sunt:

1 *Sub genere imperfecto, species una est principalis, altera minùs principalis.*

Principalis habet perfectam generis participationem, nec ab alterâ specie pendet: at minùs principalis pendet à principali. Sic substantia est princeps species entis; accidens minùs princeps.

2 *Species principalis est mensura speciei minùs principalis.*

Si enim pendet à principali, etiam illam habet pro mensurâ. Si quis ergò velit perfectè cognoscere speciem minùs principalem, allaboret priùs ut cognoscat principalem; cui tantum debet species minùs principalis, quantum debet ipsi generi. Ita substantiæ tantum debet accidens, quantum ipsi enti.

Et ita quidem spectatur species respectu generis & individui, de quo hæc pauca notanda axiomata.

1 *Individuum est speciei infimæ immediatè subordinata res singularis, nec alii inferiori secundum naturam communicabilis:*

Ut Petrus, Paulus, hic lapis.

2 *Individuum primariò & per se existit, agit, & sentitur.*

Huc pertinent axiomata: *Essentia primò universalibus, existentia verò primò singularibus competit: Actus sunt suppositorum, sive singularium: Actiones ut sunt à singularibus, ita etiam circa singularia.*

3 *Individua non solum sunt substantiarum, sed etiam accidentium.*

Hinc individuum aliud dicitur substantiale, aliud accidentale. Interim accidens est individuum propter substantiam: ut hæc scientia est individuum, propter hunc scientem.

4 *Individuum est vagum, vel signatum.*

Signatum est, quod certo aliquo signo, veluti nomine proprio, vel pronomine demonstrativo, vel periphrasi quidam est determinatum: ut Paulus, hic canis, filius virginis pro Christo, & evertor Carthaginis pro Scipione. *Vagum* est, quod certo aliquo signo non est determinatum, ita ut dubium sit, de quonam sit illud intelligendum: ut quidam homo, pro certo homine; quidam urbs; pro unica urbe. Item, Apostolus pro Paulo, poeta pro Homero, philosophus pro Aristotele. Quomodo hæc individua sunt intelligenda, contextus planum facit.

Cap. 28. Testimonium & testatum.

EXpositum est argumentum insitum: ultimo loco exponendum nobis est argumentum assumptum.

Argumentum assumptum est, quod arguit suum thema vi assumptâ à qualitate testatoris. *Aliàs dicitur inartificiale.*

Est quidem argumentum artificiale, quatenus pertinet ad artem: sed hoc significatu non accipi debet hoc loco. Nam dicitur peculiariter inartificiale, quia beneficio artis non eruitur ex naturâ thematis disertabilis, sed aliunde assumitur. Confer cum *cap. 3. huius libri. pag. 73.*

Argumentum inartificiale est testimonium, vel testatum.

An testimo- Quidam existimant, testimonium esse complexum quidam
ideos;

ideoq; locum ei non esse dandum inter argumenta incom-
plexa. Testimonium, inquit, est nihil aliud quàm senten-
tia testans. Respondent quidam sic. Axioma, quatenus con-
fertur cum alio, induit rationem argumenti comparati, &
sic consideratur ut terminus simplex: neque tamen de illo
præcipitur in serie argumentorum. Sic etiam testimoni-
um se habet. Sic solent quidam respondere. Sed minùs re-
ctè. Hâc enim ratione de axiomate, item syllogismo & me-
thodo docendum esset inter argumentorum tractationem.
Nam si testimonium est axioma, & tamen de illo docetur
tanquam de argumento, etiam de axiomate in genere do-
cendum fuerit in doctrinâ Topicâ. Nos igitur sic respon-
demus. Testimonium est argumentum simplex, non mate-
rialiter, quatenus spectatur tota sententia, sed notionaliter,
quatenus est argumentum simplex, *faciens ad explicandum,*
demonstrandum, & amplificandum. verbi gratiâ, Christus
est verus Deus. Quia dicitur *Johan. 1. Et sermo ille erat,*
Deus. Hoc testimonium probat, non quatenus est integra
dispositio axiomatica; sed quatenus consideratur tanquam
medius terminus, hoc est, quatenus illi sententiæ accidit, ut
possit esse argumentum probans.

Testimonium est argumentum assumptum,
quod arguit testatum ut suum thema.

Testimonium primò est vel rei, vel personæ.

Testimonium rei est, quod res aliqua perhi-
Estq; vel naturale, vel supernaturale. (bet.

Testimonium rei naturale, est vel sensus vel ex-
perientiæ naturalis.

Testimonium sensus est, quod sensus dicat.

Estq; vel internum, vel externum.

Internum est, quod dicat lex naturæ, item con-
scientia,

Atque hoc testimonium est necessarium & certum, pri-
mo, ut loquuntur, certitudinis gradu. Sic testimonio le-
gis naturæ & conscientiæ probantur prima principia
theoretica & practica, qualia sunt: *Totum est majus sua*

parte; Deus est; Impossibile est idem esse & non esse; Quod tibi fieri non vis, alteri ne feceris; Parentes sunt colendi. Nimirum Deus nobis indidit intellectum primorum principiorum, ita ut illa negare non possimus, dummodo rationis sumus compotes. Accendit, inquam, lumen naturale in mentibus nostris, quo lumine videmus evidentiam istorum principiorum primorum.

Testimoni-
um sensuū
exteriorum
an certum?

Testimonium externum est, quod dicant sensus externi.

Hoc testimonium etiam est infallibile & certum, non secundo certitudinis gradu, sed itidem primo. Nam si sensus externi sint integri, non decipiuntur circa propria objecta. Hinc est, quod sacra Scriptura hoc testimonio utitur. Salvator *Luc. 24.* discipulis suis fidem facturum se non esse spectrum, provocat ad testimonium sensuum: *Palpate, inquit, & videte, spiritus carnem & ossa non habet.* Sic Angelus *Marc. 16.* probaturus Christum verè resurrexisse, utitur testimonio visus: *Videte, inquit, locum, ubi posuerunt eum.* In quotidianâ conversatione audias illas formulas perſæpe: Hisce meis oculis vidi; audiui meis auribus; vidi ipsum, tetigi hanc rem &c. Hoc testimonium sensuum rejiciunt Pontifici, dum blaterant, in Missâ fieri transubstantiationem panis & vini in corpus & sanguinem Christi, ita ut non nisi accidentia panis & vini maneant: cum tamen visus, tactus, & gustus contrarium demonstrent.

Testimonium experientię est, quod suppeditat experientia.

Et hoc testimonium in naturalib. dependet à testimonio sensuum exteriorum, & per illud verificatur. Intellige hic experientiam tum universalem, quam omnes habent, tum particularem, quæ est paucorum. Sicut enim illa certa est respectu omnium; ita hæc respectu illorum, in quibus est. Et ideo experientiæ datur locus in classe principiorum acquiritorum. Sic experientia testatur, ignem esse calidum; Deum severiter punire scelerata; Solem lucere.

Testimonium rei supernaturale est, quod sensus & experientia supernaturalis dicat.

Et hoc

Et hoc est infallibile modo certitudinis plus quàm primo, ut ita loqui liceat. Si enim testimonium sensus in naturâ est certum primo certitudinis gradu; quid verat, quò minùs liceat dicere, testimonium hoc, quod sensus supernaturalis & experientia supernaturalis dictant, esse certum plus quàm primo certitudinis gradu? Ita spem liberationis divinæ non pudefacere, testatur nobis in afflictione constitutis sensus internus, isq; suavissimus, charitatis Dei erga nos, effusus per Spiritum sanctum, qui datus est nobis: *Rom. 5. v. 5.* Ita spiritus noster testatur verum esse, quod nobis Spiritus sanctus dictat, nempe nos esse filios Dei. *1. Johan. 5. v. 6.* Sic experimur super naturam evecti, providentiæ & justitiæ divinæ documenta admiranda, quæ mundus experiendo non cognoscit.

Testimonium personæ est, quod suppeditat persona aliqua:

Ut Paulus Apostolus, Cicero. Mortui resurgent. Q. Paulus id testatur.

Secundò testimonium est vel favorabile, vel non-favorabile.

Favorabile est, quod meretur fidē cum favore.

Estq; divinum, vel humanum.

De hac divisione in genere est canon:

Testimonium divinum firmissimum est; humanum eatenus firmum, quatenus author & exactam rei scientiam, & veritatem, quæ utraq; cum rectâ ratione conjuncta est, possidet. Testimoniū divinum.

Scientia propterea requiritur, ut scias quid dicas; veritas autem ideò, ut velis, juxtà ac intelligis, proloqui. His duabus conditionibus si testimonium humanum polleat, tam ex hoc, quàm ex divino affirmatè & negatè concluderis. *Affirmatè*: ut, Deus testatur fore ultimum judicium. Ergò erit. Et, Aristoteles scientiâ & veritate nixus affirmat, quatuor esse elementa. Ergò sunt. *Negatè*: ut, Scriptura sacra nihil habet de purgatorio. Ergò nec est. Et, Aristoteles nixus scientiâ & veritate testatur, animam non esse mortalem. Ergò nec est.

Testimonium divinum est, quod Deum authorem habet.

Estq; vel immediatum, vel mediatum.

Immediatum est, quod à Deo ipso citra operam ministrorum ipsius est profectum:

Idque vel per visionem, vel per vocem, vel per sortes, vel per instinctum divinum. Ita *Matth. 3.* est testimonium Dei Patris: *Hic est filius ille meus dilectus, in quo acquiesco.* Sic multa testatus est per *ὁράματα*, seu visiones, exhibitas Patriarchis & Prophetis; multa per somnia *θεόπνευτα & μαντήλια*, qualia fuerunt Josephi, Pharaonis, Nebucadnezaris; multa per *χρηματισμόν*, ut *Matth. 2. v. 12. Luc. 2. v. 26.* per sortes, *Jos. 7. Jon. 1. v. 7. Act. 1. v. 26.*

Testimonium divinum mediatum est, quod Deus per ministros suos, quibus illud immediate inspiravit, protulit.

Hujusmodi sunt testimonia bonorum Angelorum, Prophetarum, Christi ipsius in carne manifestati & in terris docentis, & Apostolorum. Alii testimonia Prophetarum & Apostolorum vocant mixta, quòd sint à Deo per homines nobis loquente.

Canones de testimonio divino sunt duo:

1 *Omnia testimonia divina aequè sunt ἀντίπιστα & ἀξιόπιστα:*

Hoc est, omnia testimonia divina parem probandi vim habent: si scil. in orthodoxo & genuino sensu citentur. Nam testimonia divina malè intellecta, aut in sensu falso & depravato accepta atq; allegata, non sunt testimonia divina, juxta illud: *Verbum Dei stolidè intellectum non est verbum Dei.* Tum demum autem in sensu genuino accipiuntur, cum interpretationis regulam statuimus analogiam fidei & charitatis, h. e. ipsam S. Scripturam.

2 *Deus ipse, atque adeò tota sacra Scriptura universis testibus, quicunque produci possunt, equipollet; ac proinde testimonium ejus est καθολικόν, verè universale.* Itaque

1 *Quicquid Prophetæ, vel Apostolus, vel Evangelista ex inspiratione divinâ dicit, non est particulare seu singulare, sed universale. sc. & testimonium. & æquipollens universali.*

Potest quidem dici singulare, respectu personæ ministerialis, at non respectu testatoris auctoritativi. Et hinc est, quòd unius Prophetæ vel Apostoli testimonium est validissimum ad probandum.

2 *Argumentatio à testimonio divino fit negativè duobus modis.*

Primò, quando Deus in verbo suo aliquid disertim & conceptis verbis non esse testatur: ut testatur se nolle, ut honorem habeamus diis alienis. Deinde, cùm filet de eâ re, quæ est controversa: ut, hoc non est pro articulis fidei habendum, verbi gratiâ, quòd Papa Romanus sit caput Ecclesiæ: quòd Missa sit sacrificium: quòd fides prævisa sit causa electionis ad vitam æternam. Ratio: quia Deus nusquam in verbo suo hoc testatur. Sed non valet argumentatio à testimonio particulari negativè, cùm alii contrarium testantur. Non enim sequitur; Matthæus & Marcus nihil scripserunt de circumcisione Christi. Ergò Christus non est circumcissus. Etsi enim Matthæus & Marcus id non scripserint, Lucas tamen consignavit & Paulus Apostolus. Itaque de postremo hoc argumentationis modo accipiat illud: *A non scripto ad non esse, non valet consequentia.* Item: *Ab autoritate non licet argumentari negativè.* Hic notandum est, quòd à testimonio divino in philosophicis non liceat argumentari negativè: ut, non sequitur. Deus non dixit, bis bina esse quatuor. Ergò nec hoc est verum, bis bina efficere quatuor. Est igitur usus testimonii divini in philosophiâ duntaxat affirmativus.

Testimonium humanum est, quod hominem, quâ homo est, authorem habet.

Dicitur in definitione, *quâ homo est.* Nam si vel Deus ipsius ministerio utatur, & immediatè ipsi aliquid inspiret, est testimonium divinum; vel Diabolus ipsius operâ abutatur, est diabolicum.

Variis modis dividitur testimonium humanum. Has divisiones *ὡς ἐν τύπῳ* adumbrabo.

1 Est dictum vel factum. Dictum est *lex superiorum; apophthegma, magnatum; gnoma, sapientum; proverbium, vulgi*. Factum *potest esse varium*.

2 Est proprium, vel alienum. Proprium est *vel confessio, sive voluntaria, sive coacta; vel iusjurandum*. Alienum est *vel ab amico, vel ab inimico*.

3 Est mutuum, vel non-mutuum. Mutuum est, cum unus alii dat testimonium, & vicissim accipit ab eodem: *ut, Christo Johannes testimonium dedit, & Johanni vicissim Christus*. Non-mutuum quid sit, è dictis claret.

4 Est vel vivæ vocis, *per testes*; vel vocis mortuæ *per scripturas, quæ sunt instrumenta, vel privata, vel publica; & hæc vel originalia, vel transumpta*. Illa dicuntur *Protocolla, Authentica & Imbreviaturæ*; ista dicuntur *Copiæ*.

5 Est antiquum, vel novum.

6 Est universale, vel particulare.

De his divisionibus sunt hi canones:

1 *Omne testimonium humanum est contingens.*

Ratio: quia testes, à quibus dignitatem suam habet, partim naturali ad labendum & errandum propensione, partim voluntariâ morum mutatione & inconstantia laborant. Jam qualis est testis, tale testimonium.

2 *Testis humanus alius est ministerialis, alius auctoritativus.*

Ministerialis est, cum homo pius Deo est testis. Sic *Esa. 42. v. 35. 37*. Vos testes mei estis, dicit Jehova. Sic Johannes Baptista & Apostoli perhibuerunt Christo testimonium. Hi fuerunt testes ministeriales, qui non dare potuerunt auctoritatem ei, cui testimonium perhibuerunt. At homo dicitur testis auctoritativus, cum testimonium perhibet in foro, in Scholâ &c.

3 *Testi-*

3 *Testimonium universale, privato; liberum, coacto; antiquum, novo; testimonium viri prudentis, vel probi, vel gravis, testimonio imprudentis, vel improbi, vel levius; testimonium, quod homo contra se profert, citra coactionem, ei quod pro se profert; quod homo contra amicum, vel pro inimico profert, ei quod pro amico, vel contra inimicum profert; testimonium, quod artifex sincerus de re ad artem suam pertinente profert ei, quod ab alio artis experte profertur; præferendum est.*

Hic canon constat conglobatione multorum canonum, quos vulgò sic proferunt: *Quæ plurimi, aut sapientiores tenent, vera esse probabile est: Antiquissima sunt certissima & exploratissima: Aut contrà, Novissima quæque sunt verissima & optima.* Hi duo canones sic conciliantur: In rebus quæ ad pietatem & mores spectant, antiquissima esse præferenda: eadem in iis, quæ ad ingenium, industriam, artes, vitæque commoditatem pertinent, à recentioribus superari. In moribus item antiquitas, in vocibus novitas sequenda est, hoc est, consuetudo, seu consensus eruditorum. Sed continuemus explicationem canonis nostri per alios, ut cœpi-
mus: *Quidquid homines fide digni dicunt, id ita esse probabile est: Testimonium inimici pro inimico multum valet: Testimonium amici pro amico saepe suspectum est: Testimonium inimici contra inimicum suspectum est: Testibus levibus & conductitiis, aut ultrò ad testimonium dandum sese ingerentibus aut obtrudentibus nihil credendum: Testibus in propriâ causâ deponentibus non credendum facile: Unicuique artifice in suâ arte credendum est.*

4 *Testimonium humanum in Philosophiâ & Theologiâ non sufficit ad probandum ullum thema philosophicum vel theologicum, nisi prius rationibus, vel testimoniis divinis fuerit stabilitum.*

Non igitur, quis dicat, in Philosophia debemus primò vel solum attendere, sed primò, quid dicatur. Et in Theologiâ consensus orthodoxus magni est faciendus, si sit verè orthodoxus, hoc est, conveniat cum normâ SS. literarum.

Quòd si testimonia humana hoc tali fundamento nitantur, videlicet rationis sanæ in Philosophiâ, & sacræ Scripturæ, in Theologiâ; autoritas magni facienda est, ne fortè alicui obijciatur illud: *Qui respuit auctoritatem fide dignam, arrogans est & nimium audentius.*

5 *A testimonio humano nec universali, nec particulari valet consequentia negativè.*

Non enim valet: Nullus Geographorum scribit de loco inferni. Ergò nullus est. Sic non valet: Ado Viennensis & alii historici nihil scribunt de fœminâ, quæ sub nomine Johannis octavi Papatu Romano functa sit. Ergò fœmina in sede Romanâ non sedit. Etsi enim Ado, & alii quidam nihil de eo meminerint, tamen Martin. Polonus, Sigebertus, Antoninus archiepiscopus Florentinus, Platina, & alii quàm plurimi historici hanc historiam literis consignatam ad nos transmiserunt. Non pugnat hic canon cum illo, quem suprà dedimus ad divisionem testimonii secundam. Nam ibi testimonium, quod affertur ut medium, non concipitur negativè, ut hic factum.

Sequitur testimonium non favorabile, quod est diabolicum.

Estque verum, vel falsum.

Verum est, quod fidem meretur sine favore illius, qui perhibet.

Hoc enim fidem meretur non ex parte causæ efficientis, sed ex merito veritatis. Tale est Pythonis testimonium de Paulo & comitibus ejus, eos esse servos altissimi, viam salutis annunciantes. Talia fuerunt multa oracula, & responsa demonum, Sibyllarum, magorum &c.

Falsum est, quod nullo modo meretur fidem.

Hujus loci sunt duo canones:

1 *Etsi diabolus non semper mentitur, semper tamen est mendax & fallax.*

Itaque etiam eo ipso, dum verum dicit, fallendi studio ducitur. Proinde testimonium ipsius, etiam si in se verum sit, ta-

fit, tamen respectu testis, à quo proficiscitur, nullam vim probandi habet.

2 *Testimonium diaboli, quod pro se & confederatis suis profert contra inimicos suos, nullam vim probandi habet: sed quod contra se & confederatos suos pro inimicis suis profert, vim aliquam probandi habet.*

Habet illam vim non respectu testis, sed rei testatæ. Hic canon fundatur in illo generali: *Testimonium inimici pro inimico multum valet.*

Sequitur testatum, quod est argumentum arguens testimonium ut thema.

Hujus natura clara est è doctrina testimonii. Hic est liber secundus de argumento simplici, seu incomplexo communi, cujus hic estotypus.

Argu-
mentis
radi-
ant

Definitio. cap. 1.

Communes affectiones. cap. 2.

Confide-
ratio,
quoad

Diviso-
nem, in

Generc. cap. 3.

Specie.

Inf-
cuma

Ordinis.

Assutium. 649. 28.

**Sim-
plex**

Consent
Ranch

**Prima
Tiem**

1

Species

Externa

Finis. cap. 5.

Materia. 5. 7.

Forma. ca.

Causatum. cap. 9.

Section
darius

Secundariancedens.comomit

cap. 13.

Diversum. cap. 14

Primum: Contradicens. cap. 15

Relatum, c. 10.

Quinn { *Dire-*
darius } *S possi-*
 tum { *Confessio* & *m*

Privatum. cab. 18.

Indirecte: Disparatum. cap. 19.

ma-§ Par.cap.21.

Impar. cap. 22.

Standardism } Simple } Cap. 23
Dilemma }

10-24.

Spencer

Feb 26

exp. 2001
5. CAD. 27

1

LOGICORUM LIBER TERTIUS

De

ARGUMENTO SIMPLI-
CI PROPRIO.

Cap. 1. Prædicamentum in genere.

TRadidimus argumenti simplicis communis naturam: jam trademus naturam argumenti simplicis proprii.

Argumentum simplex proprium est, quod dirigit materiam, ex quâ discerendum est, particulatim: & uno nomine dicitur prædicamentum.

Dicat aliquis: Annon adhuc versaris in Logicæ parte generali? Cur igitur doctrinæ generali immisces propriam seu particularem? Resp. Dicitur argumentum proprium seu particulare in sensu comparato; non quòd ipsum non sit generale, sed quòd non sit æquè generale atque illud, quod diximus commune. Si quis gnarus sit primæ Philosophiæ, facillè videbit quid rei sit. Metaphysica est disciplina generalissima; & tamen dividitur in partem communem & propriam, seu generalem & specialem. Cæterùm hîc disputatur, An de prædicamentis in Logicâ docendum sit; & si sit, quo loco? Resp. ad 1. Omnino de prædicamentis in Logicâ docendum est; quia sunt instrumenta discerendi æquè atque causa & causatum, subjectum & adjunctum &c. Neque tamen alia est prædicamentorum in Logicis, quàm in Metaphysicis facies, nisi quòd accidentalem solummodò considerationem mutat Logicus. Essentialia enim categoriarum non mutat, nec mutare debet Logicus, nisi Metaphysicam falsitatis arguere velit. Hinc *Fortunatus Crell. in isag. Logic.* ait, quòd in Logicâ id agatur in tractatione prædicamento-

rum, ut primis notionibus secundæ accommodentur. Deinde rudiùs & vulgariùs debet tradi in Logicis de prædicamentis, quæ Metaphysicus ad limam subtilitatum accuratius exigit. Verbo me expediam: Si doctrina causarum est Logicæ considerationis, etiam doctrina prædicamentorum. Sed illud. Ergo & hoc. Probatur consequentia: Si entis differentiæ generales evadere possunt instrumenta disserendi, quidnî & propriæ ipsius differentiæ evadant talia instrumenta? Par certè est ratio, nisi contrarium probetur. Hinc infero: Sicut causa in Metaphysicis consideratur ut notio prima, in Logicis ut notio secunda: ita & prædicamentum. Jam respondeo ad 2. partem quæstionis; & ajo, prædicamentis non esse assignandum locum primum in Logicâ, sed illa omninò postponenda esse suis generalibus, sicut in Metaphysicis fieri videmus. Non video, quomodo doctrinæ de prædicamentis in Logicâ possit esse generalior doctrinæ de causâ, causato & ceteris locis, quæ in Metaphysicâ est specialior. Profectò notionēs secundæ accommodandæ sunt primis. Id si fiat, nostra sententia prævalebit. Idem fecit *Olevian.* in sua Logica, & causam huius sui facti reddit pag. 79.

Canones de prædicamentis in genere quatenus sunt Logicæ considerationis, duo sunt:

1 *Prædicamentum in Logicâ consideratur, tanquam classis, quæ summa rerum genera, & quacunque illorum complexu continentur, comprehendit.*

Ipsa vox, prædicamentum, Græcè *κατηγορία*, est Logica. Metaphysicus enim substantiâ & novem genera accidentis non tam vocat categorias, quàm quasi species entis. Interim videas in Metaphysicis etiam sic appellari. Tu verò si statues; hoc vocabulum, *prædicamentum*, speciebus entis tantum accommodari propter usum Logicum. Prisci enim Logici summa illa genera à prædicatione sic denominarunt, quoniam iis ad prædicationes conformandas nos uti posse viderunt. Atque hinc videre est, cur prædicamentum à nobis vocetur argumentum proprium; quia scilicet Logicus illud considerat tanquam dispositionem generum & specierum, quæ certè sunt species argumentorum. Sic v. g. prædicamentum substantiæ in Logicâ consideratur, quatenus est sum-
mum ge-

mum genus : & ideo dicitur argumentum proprium. Hinc duo syllogismi. Syllogismus primus est talis. Genus quatenus est instrumentum, est Logicae considerationis. Substantia in Logicis est tale genus. Ergo est Logicae considerationis. Excipies : Ergo ad locum generis pertinet tanquam exemplum. Non enim omne quod genus est, est in Logica tradendum. Resp. Certè valeret argumentatio, si substantia consideraretur ut genus, quod non est instrumentum, quale est animal : sed Syllogismus contrarium ostendit, videl. quod sit genus tale, quo quis uti possit tanquam instrumento dissecandi. Syllogismus secundus hic est. Si prädicamentum, v.g. substantia, est dispositio generum & specierum, est argumentum proprium. Sed illud est. Ergo & hoc. Ratio cõnexi : quia hæc est specialis consideratio thematis, si illius genus investigetur, itemque species oppositæ. Deinde prädicamenta etiam propria dicuntur argumenta, quia determinant argumenta communia. Nam si velis inquirere quæstionis simplicis, vel compositæ causas, effecta, subjecta, adjuncta, & cætera argumenta, perlustrare debes prädicamenta : ut, si de homine sit docendum, inquires quas causas habeat in prädicamento substantiæ, quantitatis, qualitatis, actionis &c. de quibus sine hac directione nunquam cogitaturus fuisses.

2 *Prädicamentum in Logicis non consideratur tanquam index naturæ, sed tanquam instrumentum cognoscendi naturas rerum.*

Vulgò dicunt : *Prädicamentum est index naturæ.* Hoc verum est, si spectentur res ipsæ, quæ in illis disponuntur. Sic enim prädicamenta repræsentant totam rerum universitatem, quemadmodum tabulæ geographicæ repræsentant ipsas regiones. Et hæc consideratio est propria primæ Philosophiæ. Logicus autem prädicamentum adhibet tanquam normam, cujus beneficio possit convenientias seu genera & differentias rerum investigare, res ipsas non tradit, ut ex ipsâ tractatione patebit.

Prädicamentum est substantiæ, vel accidentis.

Omne, qd sub perfectam definitionē cadit, perfectè potest cognosci. Intellige perfectionē, quæ cadere potest in homi-

Prädicamentum quomodo dicitur argumentum proprium?

nem corruptum. Omne autem id, quod in aliquo prædicamento est, cadit sub perfectam definitionē. Habet enim genus & differentiam. Quod igitur est vel substantia propriè dicta, vel accidens propriè dictum, id definiri potest perfectè, ut quidam Logici definitionem perfectam considerant. Quare si velis naturam alicujus rei penitus investigare, omnium primò vide, num sit substantia vel accidens. Dixi autem, quod est substantia propriè dicta, vel accidens propriè dictum: quia multa reducuntur ad prædicamentum substantiæ vel accidentis, quæ propriè talia non sunt. Hæc de re sunt canones:

1 *Quinque modis aliquid dicitur esse in prædicamento, directè, analogicè, collateraliter, reductivè, quod Græcis est δι' αὐτῶν ὄν, vel per accidens.*

2 *Directè & primariò in prædicamento est ens reale, simplex, per se unum, universale, completum seu totum, & voce certâ significatum:*

Quid sibi velint hi termini, è Metaphysicis discas oportet.

3 *Analogicè in prædicamento est Deus.*

Quod enim directè est in aliquo prædicamento, id est compositum è genere & differentia. At Deus immunis ab hæc compositionis specie.

Item analogicè in prædicamento sunt transcendentia.

4 *Collateraliter in prædicamento est differentia.*

Alii dicunt, differentiam κατὰ τὸ πλάτος, non κατὰ τὸ βάθος, in prædicamento esse.

5 *Reductivè in prædicamento sunt* 1. *Entia concreta; ut justus, doctus. 2. Aggregativa & collectiva; ut Respublica, exercitus, acervus. 3. Partes; ut manus, ramus.*

6 *Per accidens in prædicamento sunt: 1. Entia complexa:*

Ut integræ propositiones, quæ referuntur ad prædicamentum, in quo sunt extrema; ut, homo est animal, refertur ad categoriam substantiæ, quia uterque terminus est in substantia:

stantiâ: at hæc propositio, homo est justus, refertur partim ad substantiam, partim ad qualitatem.

2 *Entia intentionalia:*

Ut sunt colores intentionales, quales apparent in speculis, & in vitris.

3 *Notiones secunda:*

Ut zodiacus, axis, Nominativus. Et hæc referuntur vel ad prædicamentum qualitatis, tanquam conceptus; vel ad illa prædicamenta, in quibus sunt res illæ, quarum sunt notiones.

4 *Relatiqnes rationis:*

Ut dextrum & sinistrum in columnâ.

5 *Privationes:*

Quæ reducuntur ad prædicamentum suorum habituum.

6 *Ficta possibilia:*

Ut mons aureus. Hæc reducuntur ad prædicamenta illarum rerum, è quibus finguntur esse composita.

Itaq; plane excluduntur à serie prædicamentali: 1. Æquivoca ante factam distinctionem. 2. Ficta impossibilia.

Vide hæc de re Keckermannum accuratè, more suo, tractantem *lib. 1. syst. Logic. cap. 2.*

Cap. 2. *Prædicamentum substantiæ.*

Prædicamentum substantiæ est, in quo disponuntur genera, differentiæ & species illarum rerum, quæ per se subsistunt.

Ejus canones sunt:

1 *Deus est in prædicamento analogicè.*

Purissima Dei simplicitas & infinitas obstat, quò minùs directè possit collocari in aliquo prædicamento. Etenim omne quod in prædicamento est directè, id est compositum ex genere & differentiâ, ut ante diximus.

Deus an in prædicamento?

2 *Christus in hoc prædicamento est itidem analogicè:*

Quatenus videl. est persona singulariter mirabilis & mi-

Christus an in prædicamento?

rabiliter singularis, constans duabus naturis; infinita & finita, potest, sed non directè, in hoc prædicamento collocari. Sed quatenus ipsi tribuuntur relationes, in prædicamento relationis esse dicitur à Theologis. Alii dicunt, Christum in prædicamento substantiæ esse directè, quatenus est homo; & analogicè, quatenus est Deus.

3 Substantia finita est summum hujus prædicamenti genus.

Hoc est, simplex illa natura, omnibus creaturis cõmunis, est summum genus univocum hujus prædicamenti. Sententia Peripatetica est, solas compositas & corporeas substantias pertinere ad hoc prædicamentum; ita ut non solum Deus, sed etiam intelligentiæ & anima hominis excludantur. Sed unica hæc ratio contra illos militat. Illud est summum genus hujus prædicamenti, quod univocè dicitur de omnibus sibi subjectis. At substantia finita dicitur univocè de spiritu & corpore, seu de omnibus creaturis. Ergo illa est summum hujus prædicamenti genus. Si tamen dicas, substantias primas magis esse substantias quàm secundas, substantia hoc respectu non erit genus synonymum, sed *æquale*.

4 Genera proxima hujus prædicamenti sunt spiritus, materia, forma, cælum, stella, elementum, meteorum, metallum, lapis, arbor, frutex, herba, animal.

5 Differentiæ hujus prædicamenti sunt spiritus & corpus: spiritus absolutus & determinatus, seu separatus & conjunctus: corpus incompletum & completum: corpus completum simplex & mixtum: simplex vel alienum à mixtione, vel ordinatum ad mixtionem: mixtum vel imperfectè, vel perfectè: perfectè mixtum vel inanimatum, vel animatum: animatum vel vegetans, vel sentiens: sentiens vel rationale, vel irrationale.

6 Scala rerum cognoscendarum in hoc prædicamento hæc est: Deus, Angelus, Anima humana, Materia, Regia cœlestis, Regnum minerale, Regnum vegetabile, Regnum animale.

7 *Proprietates substantie sunt: 1. non esse in subje-*
cto. 2. non recipere magis & minus. 3. non contrariari,
sed disparari.

Sic Hector non inest alii subjecto; non magis est homo
 quam Paris; & illi opponitur disparatè.

Sic tractanda sunt prædicamenta in Logicis. Disputa-
 tiones subtiliores relinquantur Metaphysico. Cæterum u-
 sum hujus tractationis cognosces ex libro ultimo hujus in-
 stitutionis Logicæ.

Cap. 3. Prædicamentum quan- titatis.

PRædicamentum accidentis est primum, vel
 secundarium.

Primum est accidentis absoluti, vel respectivi.

Prædicamentum accidentis absoluti est quan-
titatis, qualitatıs, actionis, & passionis.

Prædicamentum quantitatis est, quo disponun-
 tur genera, differentiæ & species quantitatis.

Illius canones sunt:

1 *Quantitas & numerus transcendentales hoc prædi-*
camento non continentur, nisi analogicè.

Quantitas transcendentalis tribuitur angelis: qui sunt
 quanti, at nō quantitate prædicamenti, ut ait Scalig. Nume-
 rus transcendentalis est in SS. Trinitate, spiritibus, aliisq; re-
 bus non quantis quantitate prædicamentali.

2 *Quantitas intensiva, qua aliàs dicitur virtutis,*
item gradualis, improprie collocatur in hac serie.

Sic etiam Deo tribuitur quantitas virtutis, seu perfe-
 ctionis.

3 *Quantitas per accidens dicitur ἀπαρῶνς est in hoc*
prædicamento.

Sic actio aliqua, ut puta concio, dicitur quanta ob tem-
 pus longum, aut breve, quo duravit.

4 *Quantitas illa per se, propria est hujus prædicamenti, illiusq; genus generalissimum.*

5 *Quantitas per se, sed abstracta, est illud genus.*

Nam ista quãtitas est simplex illa omnibus per se quantis, communis natura. Quantitas autem concreta non est ita simplex; & proinde nonnisi ratione formalis sui est in hoc prædicamento.

6 *Genera & species subalterna sunt continua & concreta quantitas.*

7 *Quantitas continua quinque species habet: quæ sunt; linea, superficies, corpus, locus, & tempus.*

Punctū an
in prædica-
mento?

Quantitas
mathema-
tica quæ sit?

Punctum, principium lineæ, in hoc ipso prædicamento collocatur, sed reductivè. Corpus in hoc ipso prædicamento est; non quatenus est substantia ex materiâ & formâ constans: sed quatenus est trina dimensio, quæ accidens est. Trinam istam dimensionem sic accipe. Mathematicus res considerat ἢ ἀφαιρέτως. Non igitur lineam vel superficiem materiata, sed mente conceptam. Finge igitur ab oculo tuo lineam fluere vel produci in longum tantum, ad cælum usque. Fluxus iste puncti, sive lōgītudo ista, est linea Mathematica. Sicut autem Mathematici imaginantur, lineam fieri ex fluxu puncti in longum: ita superficiem ex fluxu lineæ in latus constituunt: ut, finge lineam illam, quæ ab oculo tuo in cælum producitur, in latus fluere, & superficiem habebis: cujus extrema erunt duæ lineæ, sicut extrema lineæ duo puncta sunt. Rursum, sicut lineæ ex fluxu puncti; superficies ex fluxu lineæ: sic corpus ex fluxu superficiem in profundum fieri dicitur; cujus extrema sunt duæ superficies, ut nihil aliud sit corpus Mathematicum, quàm trina dimensio, ut dicebamus. Vide *Crellium in isagog. Logic. lib. 1. part. com. ad prædicamentum quantitat. Porro tempus est quantitas continua; quia longum quiddam est, cujus partes, præteritum & futurum, seu prius & posterius continenter cohærent per intermedium τὸ νῦν seu momentum, quod ad quantitatem reductivè pertinet. Locus quoque quantitas est; quia est superficies, & quia τῶ λόγῳ, ratione, corpori respondet. Sicut enim corporis partes, quæ in loco sunt, continenter*

tigenter cohererent : ita quoque loci partes, quibus corporis partes continentur, & quæ partibus loci respondent. Hæc superficies non excludit relationem loci ad locatum. Hic observa lineam, superficiem, & corpus dici abstractas quantitates abstractione Mathematicâ; locum & tempus abstractione Physicâ.

8 *Quantitas discreta duas habet species, numerum & orationem.*

Numerum intellige numerantem, & numeratum. Illum primariò, hunc secundariò. Unitas verò, principium numeri adeoq; pars ejus, ad quantitatem & ipsa refertur, sed reductivè, quod de puncto & momento diximus. *Oratio* tripliciter considerari potest: uno modo, quo in mente concepta manet; altero, quo profertur; tertio, quo scribitur. Philosophi vocant *mentalem*, *vocalem*, *scriptam*. Sola vocalis ad hoc prædicamentum pertinet. Illa enim est mensura syllabarum, prout ore proferuntur. Sic enim quædam producuntur, quædam corripuntur. Sic, inquam, vocalis oratio, dum distinctos sonos, & syllabas certo quodam modo profert, eas metiri dicitur, perinde ferè, atque cùm mensurâ aliquid metiris. Reliquæ duæ species orationis ad qualitatem referuntur: altera scripta ad quartam, altera ad primam speciem.

Unitas an sit in prædicamento?

9 *Quantitas non est genus synonymum, sed ædēs ē.*

Nam sicut prima substantia magis est substantia, quàm secunda; & sicut habitus magis est qualitas, quàm dispositio; & sicut relatio secundùm esse magis est relatio, quàm illa, quæ secundùm dici est: ita quoque linea sive corpus magis esse videtur quantitas, quàm oratio.

10 *Individua in hoc prædicamento sunt, hæc linea, hæc superficies &c.*

Objicis: At suprà dictum est, individua in prædicamentis non contineri. Resp. Individua sub propriâ conditione ingreditur prædicamenta Logicè considerata, ut ait *Crellius in uag. Logic.* quatenus nimirum id hic agitur, ut notiones secundæ primis accommodentur. At in prædicamentis Metaphysicè consideratis individua collocantur indirectè.

11 *Differentiæ hujus prædicamenti sunt magnitudo & multitudo; magnitudo intensiva & extensiva, seu quantitatis & molis; magnitudo molis incompleta & completa: multitudo absoluta, & concreta.*

12 *Quantitatis proprietates sunt: 1. nullam haberi efficaciam. 2. non recipere magis & minus, sed majus & minus. 3. esse fundamentum relationum mathematicarum, ut sunt par & impar, æquale & inæquale, proportionari, &c.*

Cap. 4. Prædicamentum qualitatis.

PRædicamentum qualitatis est, quo genera, differentiæ & species qualitatis disponuntur.

Ejus canones sunt:

1 *Qualitatis species sunt quatuor primariæ; habitus, potentia naturalis, qualitas patibilis, & figura.*

2 *Habitus est incompletus, vel completus.*

Incompletus dicitur peculiari nomine dispositio. Completus dicitur simpliciter habitus.

3 *Habitus infusus à Deo, non comparatur crebris actionibus, sed tantum acquisitus.*

De hoc habitu docet Logica Christiana. Pertinent igitur ad habitum virtutes, vitia, disciplinæ liberales & illiberales.

4 *Potentia naturalis sub se habet vim & imbecillitatem naturæ: illa dicitur activa, hæc passiva.*

Vis naturalis estabilitas nobiscum nata, quâ idonei sumus ad actiones quasdam præstandas. Imbecillitas vero est, quâ naturâ sumus inepti ad quasdam actiones. Ponuntur in hac secundâ qualitatis specie omnes inclinationes, habilitates, habilitatumque privationes, quibus unaquæques

que res apta est vel inepta ad agendum, ut vires herbarum, gemmarum. Huc pertinet etiam peccatum illud, quod pravam concupiscentiam Theologi vocant, quâ proclives ad malum naturâ sumus, & inepti ad bonum.

5 *Qualitas patibilis est, quæ partim passionis circa sensus est effectrix (unde & efficiens dicitur) partim à passione oritur.*

Sic dulcedo mellis, amaritudo aloës, dicitur patibilis qualitas, quia passionem efficit in sensu. Sed colores hominis dicuntur qualitates patibiles, quia oriuntur à passione, ut pallor ex morbo, nigror ex adustione Solis. Hoc accipe de coloribus inductis, ut ajunt, non de nativis. Huc pertinent affectus, ut iracundia, misericordia; item frigus, calor, humiditas, siccitas, raritas, densitas, sapor, odor, color, sonus. Affectus tamen alio modo referuntur ad prædicamentum passionis. Nam affectus consideratur, vel quatenus efficit in homine perturbationem, vel quatenus est ipsa passio.

6 *Figura propriè tribuitur rebus artificialibus, ut circulo, quadrato; forma rebus animatis, ut equo, bovi.*

Fortunatus Crellius in isag. Logic. Pertinent igitur huc omnes figuræ mathematicæ, omnes externæ rerum formæ, & ideo omnes res artificiales, ut testudo, olla, pulpitum &c. His enim rebus ars nihil aliud confert, quam figuram.

7 *Summum seu ultimum hujus prædicamenti genus est qualitas, sive simplex illa omnibus qualitatibus communis natura, complectens sub se quatuor illas celebres & modo enumeratas species.*

Est autem genus analogicum: quia non æqualiter tribuitur habitui & dispositioni; nec æqualiter habitui animi & corporis, qualis est sanitas vel morbus.

8 *Habitus, potentia, patibilis qualitas, & figura, sunt species subalternæ respectu summi generis; genera respectu inferiorum.*

9 *Species habitus, sunt habitus animi & corporis. Habitus animi est vel intellectus, ut scientia, prudentia, ars: vel voluntatis, ut virtus, vitium. Et hæ sunt species infimæ: quia sub se tantum individua, hanc scientiam, hanc artem, hoc vitium complectuntur.*

10 *Potentia naturalis species, sunt vis & imbecillitas in rebus naturalibus, tum manifesta, ut potentia appetendi, sentiendi, visibilitas, vires in gemmis, lapidibus &c. tum occulta, ut ἰδιόσυρρασία, qualis est in magnete erga polum arcticum & ferrum; item σωμαθία, qualis est inter vitem & ulmum, & denique ἀντιπάθεια, ut inter vulpem & amaras amygdalas.*

11 *Qualitas patibilis, & figura non ita diffusa sunt.*

Illius species sunt prima: ut lux, calor, frigus. & orta seu secunda: ut, raritas, sapor, odor, color: hujus, naturalis & artificialis.

12 *Proprietates qualitatis sunt 1. recipere contraria. 2. recipere magis & minus, id est, gradum intensum & remissum. 3. esse fundamentum relationum physicarum & ethicarum, ut similitudinis & dissimilitudinis, causæ & effectus.*

Cap. 5. Prædicamentum actionis.

PRædicamentum actionis est, quo ejus genera, differentiæ & species disponuntur.

Ejus canones sunt:

1 *Ad hoc prædicamentum referuntur actiones Dei analogicè.*

Actiones
Dei qui cō-
siderandæ?

Nam accuratè loquendo actiones Dei non sunt prædicamentales,

mentales, sed transcendentales, h. e. non habent se per modum accidentis alicujus, sed tanquam actus simplices. Actus autem est transcendens, non accidens.

2 *Summum genus hujus predicamenti est actio, quatenus est communis natura actibus creaturarum.*

Hic canon fluit ex primo.

3 *Genera & species subalterna, sunt actio spiritualis vel corporea; & corporea vel cœlestis, vel elementaris; & elementaris vel inanimatorum, vel animatorum; & actio animatorum vel in genere est sensus & appetitus, vel in specie est brutorum, & hominis; rursus actio hominis vel naturalis, vel habitualis seu acquisita.*

4 *Species specialissima sunt generatio, corruptio, alteratio, motus localis, augmentatio, deminutio, phantasia, memoria, visus, risus, contemplatio, praxis, poiesis &c. Individua sunt, hæc generatio, hæc θωεία, hæc δίδασκίς.*

5 *Proprietates actionis sunt: 1. recipere contraria. 2. recipere magis & minus.*

Cap. 6. Predicamentum passionis.

PRædicamentum passionis est, quo ejus genera, differentia, & species disponuntur.

Ejus canones sunt:

1 *Nihil rerum divinarum pertinet ad hoc predicamentum, nisi equivocè, non analogicè, hoc est, quoad nomen tantum.*

Sic quando dicimus, Filium à Patre genitum, Spiritum sanctum à Patre & Filio ut unà spirantibus spirari; item Deum adorari, contemni &c. non significamus passionem ullam respectu Dei, sed lucem, ut verbis Scaligeri utar, tenebrosis vocabulis exprimimus.

2 *Passio est summum hujus predicamenti genus, quatenus est communis natura passionibus creaturarum.*

Hic canon fluit ex primo.

3 *Genera & species subalterna sunt passio vel extrema, eaque tum perfectiva, tum defectiva vel media: & utraq, spiritualis vel corporalis &c.*

Hic nota, quid velimus nomine passionis mediae, nimirum omnem illam, quae est indifferens, ita ut possit nunc bona, nunc mala esse, qualis est somnus, ira.

4 *Species specialissima sunt, dependentia à primo ente, amor vel odium primi entis, calefactio passiva, nutritio, letitia, timor & similes affectus, febris & alii morbi.*

5 *Individua sunt, hac letitia, hac calefactio, hac voluptas, hoc desiderium.*

Colophonis loco nota, quòd verbalia in IO nunc activè, nunc passivè accipiuntur, ideoque modò in categoriâ actionis, modò in categoriâ passionis collocantur; ut gubernatio vel activè, vel passivè significat. Ad extremum nota, quosdam actionem & passionem adnumerare accidentibus respectivis. Sed tu scias, relationem secundùm dici in actione & passione habere locum, ideoque principalius aliquid esse in utraque, quod absolutum est: vel certè respectus ibi est transcendentalis.

Cap. 7. *Predicamentum relationis.*

PRædicamentum accidentis respectivi est, quòd genera, differentiae & species relationis disponuntur.

Hic relata considerantur, non ut dissentanea, sed ut consentanea.

Ejus canones sunt:

Relata secundùm esse & dici.

1 *Relata secundùm dici, secundario referuntur ad hoc predicamentum; relata secundùm esse ad illud propriè pertinent.*

Relata secundùm dici sunt, quæ quoad id, quod sunt, h. e. quod

quod ad naturam & essentiam ipsorum attinet, in absoluto prædicamento sunt; ut scientia & similes habitus qui in qualitate sunt, & secundariò atque ex consequenti ordinem ad aliud, tanquam ad terminum, secum adferunt: vel quæ in proprio prædicamento collocantur, quoad id quod sunt, secundariò autem huc referuntur. Sic positio est in prædicamento situs, secundariò autem ordinem secum adfert & respectum. Relata secundùm esse, vocantur vera & mera relata, quæ quo ad id, quod primò sunt, ad aliud tanquam terminum referuntur, & quorum esse est referri, ut pater filius, dominus servus. Illa Græcis *τὰ αὐτὰς τὴν οὐσίαν τὸ λέγειν*, ista *τὰ ἑτέρας τὸ εἶναι* dicuntur. Illa primò & principaliter in absoluto aut alio aliquo prædicamento continentur, & secundariò huc referuntur: ista sunt, quæ referuntur totâ suâ essentiâ, & ad hoc solum prædicamentum pertinent.

2 *Relatio prædicamentalis univocè & transcendentalis analogicè pertinet ad hoc prædicamentum.*

Scholastici, patres illi sublimioris scientiæ, relationem Relatio prædicamentalis & transcendentalis
ita dividunt. Transcendentalis est, quæ tribuitur enti. Illud enim dividitur in absolutum & respectivum. Hæc non est accidens, quia transcendit omne prædicamentum. Hujusmodi relationes in divinis ponimus, si illæ sint ad intra, si ad extra. Prædicamentalis autem relatio, tanquam ens debilissimæ entitatis, in Deo non habet locum. Nullum enim accidens primo enti tribui debet. De utroque tamen accipies illum canonem: *Relatio non componit, sed distinguit*; qui verè est aureus. Sic paternitas vel magistratus non reddit hominem compositiorem: sed eum distinguit ab aliis. Hinc illud: Relata non sunt *ἀλλό τι*, sed *ἄλλὰ τι*.

3 *Relatio rationis ad hoc prædicamentum pertinet per accidens.*

Vide supra cap. 1. canon. 6. Relata dividuntur in realia, & Relata rei
rationis. Relata realia sunt, quæ respectum & ordinem inter & rationis.
se habent, semotâ omni mentis cogitatione; qualia sunt pater & filius, dominus & servus. Relata rationis sunt, quæ habent inter se respectum totum ab animo pendentem, illa sic

comparante. Sic dextrum & sinistrum in columnâ sunt relata rationis. Relata rationis ab hac categoriâ excluduntur. Hic cave, limitem, testamentum & alia consilio hominum instituta & ordinata voces entia vel relata rationis. Nam illa sunt relata rationis, quæ extra animum nihil sunt, seu quorum relatio tota à mente comparante pendet.

4 *In hoc predicamento sunt relata mutua & non-mutua, item equiparantia & disquiparantia.*

Relata mutua & non mutua.

Relata mutua dicuntur, cum unum æquè atq; alterum ab altero pendet realiter, ut pater & filius, dominus & servus. Non-mutua sunt, cum unum ad alterum refertur realiter, alterius autem relatio tota à mente comparante pendet. Sic scientia & scibile sunt relata non-mutua. Scientia ad scibile refertur, licet nullius cogitatio accedat: scibile verò ad scientiam non refertur, nisi à mente hominis. Talia sunt sensus & sensibile, habitus & id cuius est habitus, *πίσις & τὸ πῖσι.* Stat enim in his relatio ex unâ tantum parte, hoc est, realis est; ex alterâ verò parte tantum rationis est. Porro relata

Relata æquiparantia & disquiparantia.

æquiparantia Scholasticis sunt, cum neutrum altero superius vel inferius, dignius vel indignius est: sed inter quæ est summa æqualitas, unde & idem nomen obtinent, ut duo amici, duo similes, duo æquales: uti sunt tres personæ SS. Trinitatis. Vocantur etiam *relata unius vocis*, seu nominis. Relata disquiparantia sunt, cum alterum superat alterum. Et hæc dicuntur etiam relata *superpositionis & suppositionis*, item *diversi nominis*, seu plurium vocum. Talia relata sunt pater & filius, dominus servus, præceptor discipulus.

5 *Fundamentum & subjectum relationis non sunt in predicamento hoc.*

Relatio est accidens adeò infirmæ entitatis, ut nisi alio firmiore fulciatur, substantiæ ceu subjecto inhærere non possit. Sed non solum subjecto, quâ accidens, sed etiam quâ debile accidens, loco fundamenti alio accidente indiget, cuius adminiculo substantiæ insit. Subjectum igitur relationis, ut cuiusvis accidentis, est substantia; fundamentum verò, quod aliàs dicitur materiale, non substantia ipsa, sed absolutum quoddam accidens in illâ substantiâ, quo intercedente, relatio substantiæ, ut subjecto, inest. Sic paternitas non pro-

xime

xime inest ipsi substantiæ seu personæ patris, sed interveniente alio accidente, quod est qualitas. Paternitas enim illi substantiæ, tanquam subiecto, inest, ob vim & *esse* generandi. Sic duplum & dimidium relata sunt. Inest hæc relatio substantiæ propter numerum. Sic decem boves pares sunt respectu quinque. Relatio ista bobus seu substantiæ inest, intercedente numero. Pares enim & impares dicuntur boves propter numerum. Sunt autem duo solum prædicamenta apta huic officio, ut relationum realium fundamenta sint, videl. quantitas, non quidem continua, sed discreta, quæ dicitur numerus; item qualitas. At relationum rationis fundamentum est mensura. Quidquid igitur ad aliud refertur, id aut ob quantitatem, aut ob qualitatem, aut ob mensuram refertur. Sic duplum & dimidium relata sunt ob quantitatem discretam, præceptor & discipulus ob qualitatem.

6 Relatio ipsa, terminus relationis, & duo relata sunt in hoc predicamento.

Relatio est forma & essentia relativi, differens ab eo tanquam abstractum à concreto. Hinc quot sunt distincta relata, tot etiam distinctæ sunt relationes: ut pater decem habens filios, decem habebit paternitates, decem illis filiis respondentes. Nam aliud est respectus ejus ad filium minusculum, aliud ad grandiolem, aliud ad medios. Hæc relatio dicitur ipsum formale. Relata à quibusdam vocantur duo relationis termini, unus à quo, alter ad quem. Termini illis dicuntur ideo, quod in iis relatio terminetur & desinat; qui nequaquam absolutum quid sunt, sed relatum. Absolutum enim, quæ absolutum est, nullam relationem terminat. Sed terminus nobis hic dicitur finis propter quem est relatio. Sic terminus limitis seu limitationis est ipsa agrorum distinctio; terminus Baptismi est confirmatio & obsignatio ablutionis peccatorum per sanguinem Christi. Quod si terminum priori modo accipias, unum idemque; diverso respectu & terminus & subiectum appellari poterit. Sic pater erit subiectum, in quo paternitas oritur; filius autem terminus, in quem desinit: contra filius erit subiectum filiationis, pater ejusdem terminus. Verum prior sententia mihi magis

probat. Exemplum hoc habet. Conjugii subjectum est mas & foemina. Fundamentum est qualitas illa à Deo indita, quæ omnes res appetunt conservationem speciei. Relatio est mutua ille respectus inter extrema. Relatum est maritus, correlatum uxor. Terminus est mutua vitæ societas ad generis humani propagationem, & bonorum malorumve ad vitæ solatium communio. Hic vides, subjectum esse in prædicamento substantiæ; fundamentum in prædicamento qualitatis; relationem, duo relativa seu extrema & terminum in prædicamento relationis. Hic nota, in assignando correlato nova vocabula sæpe fingenda esse. Sic non dices, Ala est avis ala, sed ala est alati ala. Hæc enim sunt ἀντιστοιχία, hoc est, reciproca, non illa. Nam ala latius patet quam avis: quia multa sunt, quæ alas habent, sed aves non sunt. Sic caput est capitati caput, & peccatum actuale peccati, hoc est, illius quod peccatum habet, est peccatum. Sicut enim positio positi est positio, & actio acti, hoc est, patientis est actio: sic etiam peccatum actuale illius erit peccatum, quod peccatum habet. At originale peccatum ad qualitatem pertinet.

7 *Supremum hujus prædicamenti genus est relatio, hoc est, simplex illa, & omnibus realibus relationibus communis natura, complectens sub se tanquam species & genera subalterna relationes secundum dici & secundum esse; sub quibus mutua & non mutua, equiparantia & disquiparantia relatio continetur.*

8 *Præter modo assignata genera subalterna & species, sunt etiam duo illa, relatio ex naturâ & ex institutorum divino, tum humano.*

9 *Species specialissima sunt paternitas, filiatio, ordo æconomicus, politicus, ecclesiasticus, scholasticus, emptio, venditio, commodatio, quævis obligatio &c.*

Individua sunt, hæc paternitas, hic ordo æconomicus &c.

Cap. 8. Prædicamenta secundaria.

Fuerunt accidentis prædicamenta primaria: superfluent secundaria, numero quatuor, videl. Quando, Ubi, Situs, & Habitus.

Categoriam Quando constituit quantitas sive tempus, quatenus illi novus iste modus, quod substantiæ, quæ in tempore est, tanquam subiecto extrinsecus adhæreat, accedit. Itaq; ñ Quando est nihil aliud, quàm tempus, quatenus substantiæ accedit, quæ in tempore est. Sic ñ Ubi nihil aliud, quàm locus, sed cum modo isto, quod rei locatæ seu corpori tanquam subiecto accedit. Situs seu positus est nihil aliud, quàm locus respiciens non totum corpus, sed certas locati partes. Quemadmodum enim ñ Ubi dicit ordinem totius locati ad totum locum, nullâ partium habitâ ratione; sic positio ordinem partium locati ad partes loci. Habitus deniq; nihil est aliud, quàm quarta species qualitatis, tantum modum istum adjiciens, quod substantiæ tanquam subiecto accedat, & de illâ in concreto prædicetur. Atq; hæc placuit adjicere propter novatores illos, qui quatuor hæc prædicamenta ad Indos ablegant.

Nunc videamus quatuor illorum canones:

1 *Supremum genus prædicamenti Quando est ñ Quando simpliciter, sive temporeum & in tempore esse; complectens sub se Quando præsens, præteritum, & futurum; in anno, die, mense &c. esse, istorumq; individua.*

Species itaq; & genera subalterna sunt Quando præteritum, præsens & futurum; species specialissimæ sunt in anno, in mense, die, horâ esse; individua verò, in hoc anno, die, horâ esse.


2 *Supremum genus prædicamenti Ubi est ñ ubi sive locatum esse: species & genera subalterna sunt commune & proprium ubi; species infima in templo esse, in muséo esse; individua, in hoc templo esse, in hoc muséo, in Galliâ, Italiâ &c.*

3 Genus supremum (quod & postremum dicitur) prædicamenti, situs est positio illa omnibus positionibus communis; cujus genera & species subalterna sunt, positio naturalis & voluntaria; species infinita, accumbere, erigi: individua, hujus lapidis erectio, hic accubitus.

4 Genus supremum prædicamenti habitus, est ipse habitus, sive simplex illa & omnibus habitibus communis natura; complectens sub se habitum ornamenti & necessitatis, domesticum & militare &c. tanquam species & genera subalterna; individuis proximas species, tunicatum, armatum esse; & deniq; individua, hoc tunicatum, hoc armatum.

Sic tractavimus prædicamenta Logicè, tanquam argumenta propria, hoc est, generum & specierum locos. Methodus hæc tabellâ comprehenditur.

TYPUS LIBRI TERTII



LOGI.



LOGICORUM LIBER QUARTUS

De DEFINITIONE.

Cap. I. *Definitum in genere.*

Sic se habet argumentum simplex sive incom-
plexum: sequitur complexum.

Argumentum complexum est, quod dirigit
materiam ex quâ disserendum est, tanquam termi-
nus in dispositione.

Estq; tum definitio, tum distributio.

Nova hæc alicui videri possit sententia, quòd definitio
& distributio accensentur terminis complexis. At firma ra-
tio hoc suadet. Consentiant Logici majorum gentium in
hanc definitionis definitionem: Definitio est oratio, quid
res sit declarans: vel est oratio, quæ essentiam aliquam de-
clarat. Si est oratio, utique non est terminus simplex. Hæc
enim *ἀποφάνει*. Esse autem orationem, inde patet: quia u-
num tantum nomen non potest esse definitio. Nam definitio
distinctè debet subicere intellectui, quod nomen definiti-
ti confusè proponit. Unde cùm de omni essentiâ, quæ definiti-
one explicatur, duo conceptus formari possint; alter conve-
nientiæ, quò essentia, quæ declaratur, convenit cum aliis; al-
ter differentiæ, quo ab eisdem distinguitur; sit necessariò, ut
omnis definitio duab. minimùm vocibus constare debeat;
alterâ, quæ gignat in mente conceptum convenientiæ; alte-
râ, quæ distinctionis. Objicis illam definitionem peccati,
quæ est Johannis Apostoli: *ἡ ἀμαρτία ἐστὶν ἡ ἀνομία*; ubi uni-
ca vox est. Sed tenendum, unicâ istâ voce contineri & genus
& differentiâ. Complectitur enim & materiale peccati,
quod est actio, & formale, quod est illegalitas.

Definitio &
distributio
sunt termi-
ni cōplexi.

Definitio est argumentum complexum, vi affectionis suæ arguens definitum ut thema. *Græci dicitur λόγος, ὅς, δεισμός.*

In hac definitione genus & differentiam paucis explicabimus. Genus est *argumentum complexum* sive dispositum. Græci dicerent ἐν τῇ συμπλοκῇ. Dispositio illa non est axiomatica, sed semiplena. Dum enim dico, animal rationale, definitionem habeo, at non axioma. Et quamvis definitio significet rem unam, tamen est terminus complexus. Et vero peculiaria præcepta sunt tradenda de genere & differentia. Quapropter non sine causâ proprium sibi vindicatum hoc instrumentum nobilissimum. Differentia continetur illis verbis: *vi affectionis suæ definitum arguens seu explicans ut thema.* Affectio illa est ipsa explicatio activa, quæ definitio apta est ad explicandum definitum. Atque hinc patet, definitum non esse partem definitionis, si quidem definitio sensu philosophico accipiat. Præterea definitum sic est thema, ut etiam possit inducere rationem argumenti, & vi affectionis suæ, quæ est explicabilitas, ut ita dicam, arguere definitionem ut thema. Quapropter de definito prius nobis erit dicendum, quàm definitionis naturam explicemus.

Definitum.

Definitum est, quod definitione explicatur.

Ejus consideratio est generalis, & specialis.

Generalis consideratio continetur duobus canonibus.

1 *Omne ens potest suscipere rationem definiti.*

Hoc quidam negant. Ineptè. Non enim est consequens: Multæ res non possunt perfectè definiri. Ergo non omnium rerum haberi possunt definitiones. Nam dum dicimus, omnem rem posse suscipere rationem definiti, intelligimus definitionem non perfectam, sed definitionem in genere, quatenus etiam esse potest imperfecta. Proinde verus manet ille canon Aristotelis 9. *Metaph. cap. 6.* quod cuiusq; rei perfecta definitio non sit querenda.

2 *Omne definitum debet habere rationem entis, seu aliquid entitatis.*

Ratio: quia τὸ ἀπὸ ὧς μὴ ὅς non potest cognosci. E. nec definiri.

finiri. Si verò quis definiat entia ficta, jam illa considerantur tanquam intelligibilia ratione fundamenti sui, quod habent ut si quis fingat montem aureum, fictionis fundamentum est mons & aurum.

Cap. 2. Definitum in specie.

Definitum in specie est verbale, vel reale.

Verbale est, quod explicatur per vocem.

Aliàs dicitur nominale. Et hoc differt à notato, de quo egimus libro 2. Nam notatum hic latius patet, ut infra dicemus. Deinde hic induit novam relationem. In libro 2. tradebatur ratio notatum ex loco aliquo primo explicandi; hic traditur modus notatum per suam definitionem jam inventam explicandi. Itaque hic supponitur notatio, ibi invenitur.

Definitum reale est, quod per attributa realia explicatur.

De hoc sunt isti canones:

1 Non est eadem rerum, quæ definiuntur, natura.

Res enim quædam sunt necessaria, quædam contingentes. Necessariæ sunt, quæ ita se habent à naturâ, nec à casu aut voluntate humanâ mutari possunt. Hæ ad leges definiendi examinari ut possunt, ita debent. Res contingentes sunt, quæ pendent ab operatione seu voluntate hominis. Hæ res aut sunt tales simpliciter hominum voluntate, & ita etiam mutantur pro voluntate hominum; aut sunt tales voluntate hominum secundum quid, ut sunt artes, scientiæ, virtutes, & alia innumera, quæ quidem specificationem accipiunt à voluntate hominis, sed ita, ut homo illorum essentialia non mutet. Quod attinet ad res priori modo contingentes, illæ quæ tales non patiuntur sese constringi legibus horisticis. At res posteriori modo contingentes omnino habent certas definitiones. Neque enim justitia verbi gratiâ Aristidis in definitionem venit, sed justitia prout in se est formaliter & naturâ suâ. Interim tamen res illæ contingentes priori modo etiam certas habent & catholicas definitiones, dum res, quæ definiuntur, in eo

Rerum definiendarum natura varia.

permanent statu. Sic limitis alicujus definitio est catholica, quamdiu ille limes permanet in suo esse, ut loquuntur.

2 *Definitum habet nexum necessarium cum definitione.*

**Necessitas
definitionis, quæ
vocetur in
Scholis.**

Hæc vocatur *necessitas forma*, item *definitionis*, in Scholis. Hic canon loquitur de rebus illis, quarum essentia ab immutabili Dei & naturæ ordinatione pendet: non autem de rebus, quarum essentia à mutabili hominum ordinatione pendet.

Definitum reale est perfectum, vel imperfectum.

Perfectum est, quod perfectâ definitione explicari potest.

Ejus canones sunt:

1 *Omne definitum perfectum est per se & directè in aliquo prædicamento.*

Ratio canonis est; quia perfecta definitio constat genere & differentia. Quod verò in nullo est prædicamento, non habet genus.

2 *Omne quod perfectè definitur, est species.*

Ratio canonis est manifesta ex priori; quia nimirum omne definitum requirit genus.

3 *Tot sunt species definiti perfecti, quot sunt species prædicamentorum principalium.*

Hinc definitum aliud substantiale, aliud accidentale dicitur. Addimus autem in canone, *prædicamentorum principalium*: quia res, quæ sunt in quatuor posterioribus prædicamentis, vel non sunt definibiles, vel si definiendæ sunt, reducuntur ad principale aliquod tanquam mensuram minis principalis.

Definitum imperfectum est, quod imperfectâ definitione explicari potest.

Estque imperfectum vel ex parte conceptus, vel ex parte rei.

Defini-

Definitum imperfectum ex parte conceptus est omnis res singularis, atq; ita etiam Deus, ens illud singularissimum in essendo.

Neminem offendet hæc locutio, qui scit quid hoc in loco intelligamus per definitum imperfectum. Non dicimus res singulares esse imperfectas suâ naturâ: quin potius contrarium dicimus, illas longè perfectiores esse rebus universalibus. Sed dicimus esse imperfectè definibilia ista entia. Ratio; quia rei singularis forma nos latet. Deinde Dei essentia est infinita, ideoque à nobis perfectè cognosci nequit. Adde purissimam simplicitatem, quæ omnem compositionem, atque ita etiam illam quæ est ex genere & differentiâ, quæque in definitione perfectâ requiritur, excludit.

Deus quare
non possit
definiri?

Definitum imperfectum ex parte rei est, quod aliquâ imperfectione laborat.

Sicut res singulares ob suam perfectionem nobis incognitam, perfectè definiri non possunt: sic contrâ res imperfectæ ob imperfectionem suam perfectè definiri non possunt. Nam quia definitio explicat essentiam rei, & verò homo rebus non dat essentiam; omnino necessum est, ut homo res ita cognoscat atque definiat, prout suâ naturâ sunt.

Definitum imperfectum ex parte rei est 1. Genus summum. 2. Res incompleta. 3. Ens collectivum. 4. Ens imaginarium. 5. Privatio.

Evolvamus singula. Genus summum dicitur imperfectum, non imperfectione aliquâ privativâ, uti vocant, sed negativâ, quæ tota consistit in comparatione ad res singulares. Res incompleta, ut materia, forma, & pars, dicitur imperfecta in comparatione ad totum. Ens collectivum quî possit imperfectum dici, fortè miretur aliquis. Nam quis mundum, vel Philosophiam, vel Ecclesiam, & similia entia collectiva argueret imperfectionis? Responsio est in promptu. Entia collectiva non sunt in uno aliquo prædicamento, & habent essentiam compositissimam. Quò quid autem compositius (loquor cum Scho-

lâ) eò imperfectius. De ente imaginario seu ficto & privatione res omni caret difficultate, quare vocentur themata imperfecta. Itaque accedamus ad ipsam definitionem.

Cap. 3, Definitio verbalis.

Definitio sequitur, quæ est verbalis, vel realis. Illa Græcis ὀνοματώδης, hæc πραγµατώδης dicitur.

Definitio
nominalis.

Definitio verbalis est, oratio quidditatem nominis explicans: aliàs nominalis: item quid vocis, dicitur.

Estq; primaria, vel secundaria. (clarat.

Primaria est, quæ vocem è suâ notatione detrahit; non est ipsa notatio. Aliàs dicitur κατὰ τὸ μολογίαν, ut *Fides* est id, quo fit id, quod dicitur. *Nobilis* est, qui virtute suâ est noscibilis.

Secundaria est, quæ definitum per aliam vocem notio-riorem explicat: *sive illa sit ejusdem, sive diversa lingua.*

Dicitur aliàs definitio κατὰ λέξιν, & κατὰ συνωνυµίαν, item κατὰ ἀντιλέξιν; ut, *Evangelium* est bonus nuncius. *Sarcularæ* est adnascentes arboribus furculos adimere. *Angariare* est cogere ad currendum vel ferendum aliquid. *Esse sub legē* Paulo Apostolo est esse sub maledictione legis. *Sedere ad dextram Dei Patris*, est omnia nomine Patris administrare in cœlo & in terrâ, & imprimis in Ecclesiâ. *Deitatem in Christo* habitare corporaliter, est illam personaliter in Christo unitam esse assumpto corpori.

De utraq; hæc definitione nominis, est canon:

In definitione nominis interdum genus additur:

Ut, *homo* est animal ex humo sumtum; *Logica* est ars dicta κατὰ τὸν λόγον. *Centaurium* est herba, quam in linguâ Germanicâ nominamus tausentgilden; *Triangulum* est figura tres angulos habens.

*Cap. 4. Leges definitionis realis
perfectæ.*

Definitio realis est, quæ quid res sit explicat.

Estq; perfecta, vel imperfecta.

Perfecta est, quæ definitum accuratè explicat.

Ea consideratur in genere, & in specie.

Definitio
realis per-
fecta.

Definitio perfecta in genere habet undecim canones, seu *leges horisticas*: & quatuor vias, quibus investigatur.

Undecim canones hi sunt:

1 Unius rei una est definitio:

Scil. essentialis, quæ Scholasticis dicitur *quidditativa*. Ratio canonis est; quia definitio perfecta explicat essentiam. Essentia verò una est cujusq; rei. Ergò & explicatio essentiae. Possunt tamen plures esse unius ejusdemq; rei definitiones in tribus, ut loquuntur, casibus.

1 Si definitum sit homonymum. Sic vita modò sumitur pro esse viventis substantiali; modò pro actu secundo seu operatione proficiscente à tali *etna*. Duplex igitur ejus danda est definitio.

2 Si una eademque res variis modis consideretur. Ita sacramentum accipitur modò relativè, pro visibili signo gratiæ invisibilis, ut Augustinus loquitur; modò absolutè, pro signo & signato simul, hoc est, pro actione composita ex visibili acceptione signorum, & invisibili fruitione rerum signatarum.

3 Si una eademque essentia aliis atque aliis verbis concipiatur. Tum multæ sunt definitiones unius rei, non sensu, sed verbis discrepantes.

2 Verba definitionis sunt perspicua, & quoad ejus fieri potest, propria.

Perspicuitas quidem est unicum legitimæ definitionis re-

quisitum. At proprietas verborum non adeò est necessaria. Nam defectus vocabulorum propriorum persæpe nos cogit uti impropriis, sed perspicuis. Nec enim omne vocabulum improprium continuò est obscurum.

3 *Genus ita debet esse comparatum, ut rem definitam separet ab omnibus, quæ sunt extra ipsum.*

Hinc genus vocatur fons & fundamentum quidditatis. Sic animal separat hominem ab omnibus, quæ non sunt animalia.

4 *Differentia definitum ab omnibus aliis, quæ genus suo ambitu continet, separat.*

Sic π rationale separat hominem ab omnibus aliis, quæ continentur ambitu generis nempe animalis simpliciter.

5 *Quidditas simplex non absolvit definitionem.*

Species, quæ definitur, composita est, ut suprà planum fecimus. Quod si ita est, simplex quidditas nequaquam absolvere poterit definitionem; hoc est, nec solum genus, nec sola differentia. Hæ namque sunt quidditates simplices. Nonnunquam tamen reticetur genus, idq; duas ob causas.

Genus interdum reticetur in definitione.

1. Si in methodicâ aliquâ tractatione paulò antè genus sit expressum. Sic in Logicis causa definitur interdum omisso genere, cuius in proximè præcedentibus facta est mentio.

2. Si definitum unâ voce non possit exprimi; ut, corpus artificiosum est, quod ab artifice compositum est. Hic omittitur genus, videl. π corpus. Hic enim non violatur ille canon: *Definitum non ingrediatur definitionem.* Ratio: quia destitui-mur vocabulis, atq; ita vocabula, quæ suppetunt, surrogantur in locum eorum, quæ non suppetunt. Non igitur vitiosas dices definitiones, ut quidam scioli faciunt, in quibus repetitur vox prior definiti. v.g. Adjunctum proprium est adjunctum; syllogismus categoricus est syllogismus; hic homo verbi gratiâ, Cato, est homo &c. Quando autem genus reticetur, vocatur contractio seu præcisio.

6 *Genus & differentia in eodem sint predicamento, in quo est definitum. Itaq;*

1. *Accidens non potest esse genus substantia, vel contrà.*

Sic

Sic crasis tanquam accidens non potest esse genus anime; nec nubes potest esse genus iridis. Nubes enim est substantia, iris autem est *εἰκασία* seu imago rei.

II. Accidens absolutum non potest esse genus accidentis respectivi, vel contra.

Sic fides justificans non habet pro genere actionem seu opus; nec Dialectica, quatenus est habitus, instrumentū. Hic tamen duæ sunt exceptiones. 1. Relatum potest habere genus ex absoluti accidentis prædicamēto, si non suppetat proprium genus in categoriā relationis. Ita dominus non debet definiri homo; quia genus ipsius in prædicamento relationis occurrit, videlicet homo in statu eminentiæ; cui additur differentia habens servum. At Cœna Domini, quatenus pro totā illā solennitate sumitur, genus habet actionem sacram. Non enim occurrit genus in prædicamento relationis, quo exprimi possit totus ille ritus. Sed hîc dici potest, illa relata induere naturam accidentium absolutorum. 2. Absolutum potest habere genus è categoriā relationis, si diversimodè consideretur. Sic Dialectica absolutè considerata est ars; sed cum adhærente respectu considerata, est instrumentum. Sic Aristoteles naturæ genus fecit principium. Nimirum naturam consideravit, non absolutè, sed respectivè, secundum propriam causalitatem.

7 Definitio debet esse libera ab omni nunc & tunc.

Hoc est, definitio conveniat omni & semper. Itaq; voculæ illæ syncategorematicæ, *plerumque, semper, nunquā, aliquando, interdum* &c. definitioni non debent inseri: ut, homo est animal semper rationale; quasi scilicet possit esse tempus, quo homo sit animal irrationale. Excipe sequentia definita *τὸ τιμὸν, necessarium, contingens, impossibile, proprium*. In his enim voculæ, *aliquando, semper, perpetuo*, exprimuntur, tanquam ad essentiam definiti pertinentes: ut, axioma necessarium est, quod semper verum est: contingens, quod ita verum est, ut aliquando falsum esse possit: Impossibile est, quod de nullo unquam verum esse potest: Proprium adjunctum est, quod omni, soli, semper convenit. Præterea ex hoc canone deducitur etiam hoc consecutarium: Signa universalialia & particularia, ut *omnis, quidam* &c. nec

definitio præponenda, nec definitioni inferenda sunt. Est itaque ridicula definitio, si dicas: Omnis Dialectica est ars bene disserendi; vel, homo est quoddam animal rationale. Interim tamen istæ particulæ universales & particulares ingrediuntur definitionem, quatenus in definitione aliquid determinant: ut, plebs est reliqua omnis multitudo exceptis senatoribus: iustum generale est, quod erga omnes homines semper & ubique præstandum est. Sic particula *quidam* interdum inferitur definitioni propter excellentiam: ut, feudum est ususfructus quidam rei immobilis sub conditione fidei.

8 *Definitio negans fermè est vitiosa.*

An definitiones negantes oēs sint vitiosæ?

Ratio: quia non explicat essentiam definiti, sed non-essentiam, hoc est, non ostendit quid res sit, sed quid non sit. Vanæ igitur sunt hæ definitiones: Disimile est, quod non est simile: accidens est, quod neque est genus, neque species, neque differentia, neque proprium. Dixi in canone *fermè*. Nam definitiones negantes tolerantur in rebus perfectissimis, cuiusmodi est Deus; & imperfectissimis, qualis est materia prima. Harum enim rerum proprietates positivæ nos latent. Vide Scalig. *exerc. 112. sect. 2.*

9 *Definitio est res una, non copulâ, sed naturâ.*

Itaque partes definitionis, genus & differentia, non debent connecti conjunctione copulativâ. Si enim copula intercederet, significaretur res quidem una, sed per accidens, cum ex partibus definitionis debeat fieri unum naturâ, ut est in canone, seu unum per se. Quare non dices, Homo est animal & rationalis. Neque tamen ideò rejicimus *definitiones per concomitantiam*, quas vocant, in quibus minus generale magis generali, proprium proprio, & effectum effecto interdum jungitur per conjunctionem & vel voculam *cum*: ut, Ira est cupiditas vindictæ cum ebullitione sanguinis circa cor. Hic cum principali & generali jungitur minus generale. Fides est lumen in intellectu & fiducia in corde; hic proprium proprio adjungitur. Equus est animal domabile ad vehendum & trahendum. Hic effectum additur effecto per copulam &.

10 *Definitioni non admiscenda est distributio.*

Itaque

Itaque in definitione non debent poni particulæ disjunctivæ, aut, vel, sive &c. Vitiosa igitur est illa definitio: Quantitas est magnitudo vel multitudo. Non enim definitio, sed distributio est. Excipe 1. Definita communia ab uno, quæ vocant Philosophi, hoc est, genera analogica, seu species analogicas. Sic bonū rectè finitur, quòd sit perfectio expetibilis vel sui tantum gratiâ, vel gratiâ alterius. 2. Cùm partes definitionis unâ voce non possunt exprimi: ut, scandalum est dictum aut factum, quo proximus offenditur. 3. Cùm utimur præcisione. Exempla passim in his institutionibus Logicis occurrunt.

II Definituri inspiciant ideam, non individua.

Hoc est, qui definire cupiunt rem aliquam, ii considerent id, quod est perfectissimum. Aliàs sic effertur hic canon: *Perfecta definitio constet genere proximo & differentiâ specificâ.* Sumitur autem differentia specifica propriè & per se ab omnibus argumentis, quæ definito à priori sunt essentialia, sive sint causæ internæ, sive non. Quòd si essentialia à priori nos lateant, substituenda sunt essentialia à posteriori. Proinde magnum errorem errat Ramus, quando definitionem perfectam docet esse definitionem constantem è solis causis essentialiam constituentibus, quales causæ genere & formâ comprehenduntur. Ut enim nihil de hoc dicam, quòd genus non possit esse causa suæ speciei, illud falsissimum est, quòd differentia specifica in definitione perfectâ semper obtineat formæ rationem: ut ipse usus, qui optimus est discerendi magister, clarissimè testatur, & nos in sequentibus ad oculum demonstrabimus.

Hæ sunt undecim leges de tropo definitionis perfectæ, quas quidam comprehendunt hisce duabus:

1 Definitio sit adæquata suo definito:

Hoc est, cum eo reciprocetur, ut neque latior sit, neque angustior.

2 Definitio constet ex attributis, veris, affirmatis, essentialibus seu per se, propriis, & quantum fieri potest, simpliciter prioribus & notioribus.

Cap. 5. Modus investigandi Definitionem perfectam.

Via definitionem perfectam investigandi est quadruplex, videl. per divisionem, resolutionem, notationem & definitionem contrarii.

Modus investigandi definitionem per divisionem.

Via divisionis est, quâ definiuntur inferiora.

Ideoque descendit à summis per intermedia ad infima usque, hoc est, ad speciem definiendam. Et hæc methodus definiendi accuratior est, & naturæ ordini, perfectæq; disciplinæ conveniens.

Ejus canones duo sunt:

- 1 *Definitum referatur ad suum predicamentum.*
- 2 *Quod definito proximè adjacet in serie predicamentali, est ipsius genus proximum: quod autem dividit genus, id differentia est. Itaque*

Sumatur primùm id, quod communius est, latiusque patet, quàm res definienda. Deinde illud ipsum dividatur. Mox differentia, quæ rei convenit, addatur primo attributo. Rursus, si nondum oratio reciprocabitur cum re propositâ, dividatur id totum, quod assumptum est, tandemque eò usque fiat progressio dividendo, donec oratio propria efficiatur, quæ nullam in rem aliam transferri possit. Exempli gratiâ; Si hominem definire velis, accipies primò summum genus prædicamenti, in quo est homo, puta substantiam, quæ omnium latissimè patet in hac categoriâ. Dices igitur; *homo est substantia*. Sed quia substantiarum aliæ sunt corporeæ, aliæ incorporeæ, addes: *corporea*. Sed quia substantiarum corporearum aliæ sunt simplices, aliæ compositæ, addes: *composita*. Rursus quia compositarum aliæ tantum sunt, aliæ vivunt, addes: *vivens*. Verùm ne id quidem satis est. Viventium enim quædam nihil sentiunt, ut plantæ; quædam sentiunt. Ergò adjungendū est, *sentiens*. Sed hoc adhuc communius. Nam eorum quæ sentiunt, quædam expertia sunt rationis, quædam rationem participant. Addes igitur; *rationale*, seu *rationis particeps*. Quod satis erit. For-

secat lib.

seca lib. s. inst. Dial. cap. 7. Eodem modo procedes in definiendis accidentibus. e. g. Fortitudo sit definienda. In quonam illa est prædicamento? Qualitatis. Fortitudinis igitur genus est qualitas. Sed calor etiam est qualitas. Verùm patibilis. Fortitudo autem est habitus. At saltatoria etiam est habitus. Sed corporis. Fortitudo autem animi. Sed habitus animi duplex est, intellectualis, ut sapientia, & moralis, seu voluntatis. Fortitudo est habitus voluntatis. At audacia etiam est habitus voluntatis. Sed vitium. Fortitudo est virtus. Sed & iustitia est virtus, verùm quæ circa alteri tribuendas res debitas versatur. Fortitudo autem est virtus, quæ versatur circa res *φοβεράς*. Estne talis alia virtus? Nulla. Differt igitur fortitudo hoc objecto à cæteris virtutibus. Proinde invenisti definitionem fortitudinis.

Via resolutionis est, quâ definiuntur superiora, seu magis universalia. Modus constituendi definitionem per resolutionem,

Ideoque ascendit ab inferioribus ad superiora. Hæc methodus definiendi etsi non adæquè perfecta est ut prima, tamen inventionis ordini est accommodata; eâque plurimum utitur Socrates apud Platonem.

Ejus canon est unicus:

In definiendo aliquo genere spectabis definitiones specierum. Ex his tolle propria specierum; & communia, quæ supererunt, constituent definitionem generis.

Hic canon nititur isto fundamento: Definitiones specierum constant ex attributis communibus & propriis. e. g. homo est substantia, corporea, vivens, sentiens, rationalis: brutum est substantia corporea, vivens, sentiens, irrationalis. In his definitionibus omnia sunt communia excepto ultimo attributo. Si jã velis definire animal per viã *ἀναλύσεως ὀρεστικῆς*, detrahe proprium utriusque attributum, hoc est, differentiã specificã hominis & bruti, & remanebit definitio animalis. Fonseca hanc resolutionem vocat collectionem seu considerationem similium; quã facit duplicem. Primum, si velis infirmæ alicujus speciei definitionem colligere, inspicias in individuis illius rationem aliquam, ob quam nomine talis speciei nominentur, eaque erit definitio talis speciei. Hâc arte colliges definitionem magnanimitatis, quæ in Socrate &

Lyfandro fuit, hanc fcilicet effe, æqualiter fecundam & ad-
verfam fortunam ferre. Hoc enim uterque fecerunt. Sed
hic modus non eft hujus loci, fed eft proprius accidentium.
Deinde, ait Fonfeca, fi velis colligere definitionem alicujus
generis, videbis, num rationes diverfarum fpecierum, ha-
bentium idem commune nomen, conveniant fecundùm ta-
le nomen in unâ aliquâ ratione, quæ fimpliciter una fit, nec
ne. Nam fi convenerint, ea erit definitio generis: fin minùs,
tale commune nomen erit æquivocum utrique fpeciei. Et
hic modus eft idem cum noftrâ refolutione, cujus exem-
plum modò dedimus. Potefit igitur etiam vocari via feu me-
thodus definiendi per collectionem.

Modus cõ-
ftituendi de-
finitionem
per notatio-
nem.

Via notationis eft, quâ ex nominis notatione
provehimur ad ipsius rei definitionem.

Eftque duplex.

Prima originem vocis attendit, quæ fermè dat
differentiam, cui fi addatur genus, proba erit de-
finitio:

Ut, definiturus Arithmeticam, inquireat in ipsius nota-
tionem. Dicta eft illa ἀριθμῶν, à numero. Huic no-
tationi addatur genus, & emerget definitio Arithmeticæ: eft
fcientia benè numerandi; feu, eft mathesis numerorum. Sic
Physica à φύσις, naturâ, eft dicta. Sic ergò finies illam: Phy-
fica eft fcientia rerum naturalium, feu naturæ. Ethica dicta
eft à nomine ἠθικῶν, mores fignificante. Dicas ergò: Ethica eft
prudencia morum.

Secunda eft, quando ex definitionibus concre-
torum colliguntur definitiones abftractorum, &
contrà.

Exempli gratiâ: Si beatus eft vir, qui timet Dominum;
beatitatis ratio formalis confiftet in timore Domini. Si
pius eft, qui fine hypocrifi Deo, patriæ & parentibus debi-
tum cum reverentiâ cultum præftat; pietas erit ftudium cum
summâ reverentiâ colendi Deum, patriam & parentes. Hoc
eft, quod Aristoteles in Ethicis dicit: *Prudentia quid fit,*
ita intelligemus, fi quos nominemus prudentes, cognoveri-
mus. Sic

mus. Sic & ex abstracti definitione colligitur definitio concreti: ut, Geometria est ars bene metiendi. Ergo Geometra est artifex bene metiendi artem callens.

Via contrarii est methodus investigandi definitionem per alterius contrarii definitionem.

Modus cōstituendi definitionē per contrarium.

Intellige hīc contrarium laxè, quatenus substantiis etiam tribuitur contrarietas. Exempla hujus methodi *οερισμός* sunt: Justitia est virtus, quæ suum cuique tribuit; Ergo injustitia est vitium, quod nulli suum tribuit. Homo est animal rationale. Ergo bestia erit animal irrationale. Causa est, à quâ causatum pendet. Ergo causatum est, quod à causa pendet. Hic debemus abstinere, quoad ejus fieri potest, terminis negativis; id quod in allatis exemplis factum.

Cap. 6. Ratio definiendi substantiam.

Definitio perfecta in specie est vel substantiæ, vel accidentis primarii.

Definitio substantiæ instituenda est juxta hos canones:

Ratio definiendi substantiam.

1 *Substantia naturalis incorporea, ut angelus & anima, definitur genere, proprietatibus, & effectis propriis: in specie angeli boni & mali definitio adjicit ad illa modò dicta causas bonitatis & malitiæ, & consequentia.*

Observa, animam hīc considerari absolute, quatenus est spiritus; non relatè, quatenus est pars compositi. Ita enim infra considerabitur in loco de partis definitione. e. g. *Angelus* est spiritus finitus, à societate corporis liber, definiens sibi locum, motu celerrimo se promovens. *Angelus bonus* est spiritus finitus, qui ex gratiâ Dei in statu innocentie permansit ad devotam & indefessam nominis divini celebrationem, & promotionem salutis piorum. *Angelus malus* est spiritus finitus voluntate propriâ à Deo deficiens, Dei ac hominum osor, confusionis & omnis improbitatis author,

ideoq; æterno exitio destinatus. *Anima* (scil. absolutè considerata) est spiritus finitus ad societate corporis à Deo destinatus. In hâc definitione non dicitur, quòd sit forma corporis: (hoc enim non competit animæ solutæ à corpore) sed exprimitur appetitus ipsius; qui duplex quidem est, desiderii, & complacentiæ: sed ille hîc exprimitur, iste competit animæ, quatenus jam actû informat materiam.

2 *Substantia naturalis corporea universalis est perfecta definitionis capax.*

Intellige perfectionem, quanta in hominem in hoc mortali corpore, tanquam materiâ fæculentâ, commorantem, cadere potest. Alioqui verum est, quod universa Philosophorum turba testatur; nullam formam nobis plenè & planè notam esse.

3 *Substantia universalis definitur vel ἀπλῶς, vel ἐν θεωρήσει:*

Hoc est, vel simpliciter & absolutè, genere & differentiâ essentiali: vel ex appositione, seu per additamentum, puta ex genere & proprio. Prior illa definitio est essentialis à priori; posterior est essentialis à posteriori, verbi gratiâ, homo est animal rationale; & homo est animal risibile. Hîc nota, terminum ἐν θεωρήσει, etiam aliter accipi; sic nimirum, ut accidentia quæ proprium & determinatum subiectum habent, dicantur definiri per additamentum. Cum enim dependeant ab alio, iis additur aliquid, quod non pertinet ad naturam definiti.

Cap. 7. *Modus definiendi accidentia primaria.*

Definitio perfecta accidentis primarii, est quantitatis, qualitatis, actionis, passionis & relationis.

Quid sit accidens primarium, & quòd illius definitio perfecta detur duntaxat, non etiam secundarii, suprà à nobis dictum & demonstratum est.

Inge-

In genere de accidentis definitione hi sunt canones.

1 *Accidentis definitio investigari potest per demonstrationem.*

Modus definiendi accidentia.

Exempli gratiâ. Grammaticus quærit, an nomen sit declinabile? Illud affirmat, hâc usus demonstratione; quia variatur per casus. Ex hac demonstratione existit definitio declinationis: Declinatio est variatio per casus. Si velis eclipsin Lunæ definire, forma quæstionem compositam: an luna patiatur eclipsin? Hic Luna subjectum est, eclipsis adjunctum. Quærat medium, seu causa propter quam luna patiatur eclipsin. Causa illa est terræ interpositio diametralis. Huic causæ addatur definitio essentialis, quæ est privatio luminis in Lunâ. Hinc prodit eclipseos lunaris definitio: Eclipseos Lunæ est defectus luminis solaris in Lunâ, ob interpositionem terræ diametralem.

2 *Accidentia communia possunt definiri sine subiecto, in quo insunt:*

Ut, nigredo est color ortus ex principatu (seu participatu) obscuri. Interim sciendum est, quod in genere lateat subiectum; ut hic subjectum nigredinis, videl. superficies, latet in genere ipsius, quod est color. Hic igitur observanda regula: *Quæ sunt in definitione generis, non debent repeti in definitione speciei.* Quando subjectum ita omittitur in definitione accidentis, dicitur definitio *εξ ἀφαιρέσεως*: sed quando additur, dicitur definitio *ἐν προστίθεως*; ut, tonitru est sonus in nube propter extinctionem ignis: risibilitas est aptitudo hominis ad risum, orta ab anima rationali.

3 *Accidentis differentia sumitur vel à formâ, vel à subiecto proprio & propriâ causâ externâ, eaq; vel efficiente tantum, vel finali proximâ tantum, vel utrâque simul.*

A formâ; ut si fides salvifica definiatur assensus fiducialis. A subiecto & efficiente tantum: ut, hilaritas est affectus vultus à lætitiâ procedens. A fine tantum: ut, Logica

est ars modum discedendi tradens. Dum dico à *sine tantum*, excludo efficientem, non objectum, quod etiam in hac Logices definitione est positum. A causâ efficiente & finali proximâ simul: ut, Sacramentum est signum externum à Deo annexum federi ad obsignationem promissionis utrinque factæ.

In specie nunc videamus modum definiendi singula accidentia.

Modus definiendi quantitatem habet hunc canonem:

Quantitas in genere sumpta duntaxat est definibilis, & definitur mentione subjecti & efficientis.

Quantitas consideratur vel in genere, vel in specie. In genere considerata est aliquid completum, & definitur eo modo, ut diximus *suprà* libr. 3. cap. 3. e. g. Quantitas est accidens corporis ortum ab extensione materiæ. Sed in specie considerata est vel abstracta, vel concreta. Abstractè considerata est ens incompletum, ut linea, superficies &c. Nam non habet subjectum; quia consideratur ab illo sejuncta. Itaque infra de modo definiendi quantitatem hoc modo sumptam, dicendum erit; ut & de ratione finiendi quantitatem concretam.

Modus definiendi qualitatem quatuor habet canones, prout quatuor sunt ipsius species principales:

1 *Habitus definitur genere, sine, & subjecto occupante seu objecto primario:*

Ut, Physica est sciëntia contēplandi corp^o naturalē: Libertas est virtus moralis mediū tenens in dando & accipiēdo.

2 *Potentia naturalis definitur mentione generis, subjecti, causæ efficientis & finalis proxima:*

Ut, *πεν* est naturalis inclinatio, quâ parentes bene volunt liberis, quam Deus indidit cordibus, ut esset vinculum humanæ societatis, & commonefactio de suo amore erga genus humanum: Ingenium est potentia secunda intelligendi, orta in homine ex dispositione bonâ corporis, atq; adeo sanguinis, spirituum, cordis & cerebri.

3 *Qualitas patibilis definitur genere, subiecto, causâ efficiente & finali:*

Ut, Color est qualitas afficiens seu patibilis corporis, orta ex contemperatione lucidi & opaci: Odor est qualitas afficiens corporis mixti, orta ex prædominio sicci sapidi, temperati cum humido.

4 *Figura definitur itidem ex genere, subiecto, efficiente & fine.*

Ut, Pulchritudo est figura amabilis, in corpore orta ex bonâ proportionem partium & suavitate coloris, ad ornandum mundum, & gratiam amoremque corpori conciliandum.

Modus definiendi actionem idem est, qui in qualitatibus. Definitur enim genere, subiecto, efficiente & fine principali:

Ut, Contemplatio est operatio hominis ex applicatione mentis ad res, quarum scientiâ homo perficiatur.

Modus definiendi passionum continetur hoc canone:

Passio perfectiva & media definitur genere, causis & subiecto; corruptiva verò, ut maligna privatio.

Exemplum prioris est: Somnus est passio cessationis ab operationibus in animali, orta ex alimentario & utili humore cerebrum imbuente & perfundente, spirituumque animalium meatus quasi congelante. Exempla posterioris passionis vide infra cap. ult. hujus libri.

Modus definiendi relata duos habet canones:

1 *Relatio definitur genere, relato, correlato, fundamento, & termino:*

Ut, Conjugium est unio mariti & uxoris, ad prolis procreationem, & vitæ bonorumque jucundam societatem, mutuo consensu sancita.

2 *Relatum definiendum est per suum correlatum.*

Ut, pater est qui filium, filius qui patrem habet: vel addito genere, pater est persona in statu eminentiæ, filium habens &c. Priores illæ definitiones dicuntur circulares.

Cap. 8. Definitio imperfecta arbitraria.

Definitio imperfecta sequitur, quæ definitum imperfectè explicat: *aliàs dicitur descriptio.*

Imperfectè explicare est 1. leviter, populariter, adeoque ex argumentis definito nullâ ratione essentialibus, rem aliquam explicare. 2. ita explicare naturam definiti, in quantum à nobis cognosci potest.

Canon hujus loci est unicus:

Quò magis vel minus à legibus perfecta definitionis recedit definitio imperfecta: eò magis vel minus est imperfecta.

Nimirum hæc est omnium imperfectorum natura, ut magis vel minus imperfecta censeantur, prout perfectio, tanquam mensuræ, sunt propiores, vel ab eodem remotiores.

Definitio imperfecta est arbitraria, vel necessaria.

**Definitio
arbitraria.**

Arbitraria est, quæ pendet à voluntate artificis.

Sæpè artifices adferunt definitiones imperfectas, cum possint habere perfectas. Istiusmodi definitiones ideò dicuntur imperfectæ arbitrariæ; quia pendunt ab arbitrio artificis, qui propter certas circumstantias, utputa auditorum ruditatem, non utitur definitionibus quidditativis, sed descriptivis.

Hæc est trium modorum.

Primi modi est, quæ genere caret, vel habet genus metaphoricum, undecunque etiam differentia sit desumpta:

Ut, magistratus est lex loquens; lex est mutus magistratus; fides est illud, quo extant quæ sperantur, & quæ demonstrant quæ non cernuntur. *Hebr. ii. vers. 1.*

Secundi

Secundi modi est, quæ quidem genus habet, sed differentiam imperfectam :

Ut, homo est animal mortale politicum; vel, est animal mortale, capax disciplinæ. Si velis cognoscere, num definitio hoc utroque modo sit imperfecta, repete illa quæ suprà diximus de perfectâ definitione, cum in genere, tum in specie. e. g. modò allata hominis definitio examinetur ad regulas speciales de modo definiendi substantiam; quòd si deprehendatur ad illas non congruere, censebitur imperfecta. Non autem congruit; quia π mortale est additum. Alioqui si dicatur simpliciter, animal politicum, vel capax disciplinæ, quod alii vocant, disciplinabile; erit definitio perfecta à proprio. Nam proprium in definitione perfectâ ponitur tanquam essentiale à posteriori. Essentiale à priori est principium rei constitutivum; à posteriori, quod essentiam rei constitutam immediatè sequitur.

Imperfecta tertii modi est, cum abstracta definiuntur per concreta & vicissim.

Ut, ens est, quod essentiam habet; essentia est forma seu actus entis, quatenus est ens; sen, essentia est, à quâ aliquid denominatur ens; homo est animal, quod habet humanitatē; humanitas est forma, à qua aliquis denominatur homo &c. Hæ definitiones in Metaphysicis, Phisicis, quoad qualitates, & Ethicis quoad virtutes & vitia, locum habent. Dicuntur imperfectæ, quia licet abstractum sit forma concreti, tamen à nobis nō satis exprimitur, quid sit abstractum, utputa humanitas &c. Dicuntur autem imperfectæ arbitrariæ; quia etiam accuratiores haberi possunt, quàm illæ sunt: ut, justitia est actus iusti quatenus iustus, imperfecta est finitio; hæc perfecta, justitia est virtus, quæ suum cuique tribuit.

Cap. 9. Definitio imperfecta ex parte conceptus.

Definitio imperfecta necessaria est, quæ est ob rei definiendæ naturam talis: *videlicet vel ob ejus summam perfectionem, vel ob imperfectionē.*

Estque talis vel ex parte conceptus, vel ex parte rei.

Imperfecta ex parte conceptus est, quæ est ex nostri conceptus imperfectione, & rei perfectione.

Estque omnium rerum singularium, adeoque Dei, entis illius singularissimi, & cujusque individi creati.

De priori est canon.

Dei nec est genus, nec differentia.

Definitio essentiam rei explicat *κατὰ πολυμερές*, ut loquuntur. Essentia autem Dei partes nullas habet; ideoque nec genus, nec differentiam. Habet tamen quasi genus, & quasi differentiam, hoc est improprie. Nam *τὸ* quasi est vocabulum improprietatis. Genus est analogicum, videlicet ens, substantia, vel spiritus. Differentia specifica sumitur vel ex illis differentiis primis entis, quales sunt infinitum, independens, illoca, actus purus &c. vel à proprietatibus & operationibus. Exemplum prioris est: Deus est ens independens, vel ens increatum. Posterioris exemplum hoc est: Deus est essentia una, simplex, immutabilis, immensa, æterna, omnisapiens, sola bona, verax, omnipotens, beata, Pater, Filius & Spiritus sanctus; creator, redemptor, & sanctificator. Hæc descriptio est à proprietatibus, tribus personis, & operibus principalibus. Hic oritur questio, quare hæc definitio vocetur imperfecta ex parte conceptus, cum debeat potius ita appellari ex parte rei? Nam Deus ob purissimam simplicitatem nullo modo potest definiri, in se consideratus. Respon. Dicitur imperfecta ex parte conceptus, non ut innuatur, Deum posse in se consideratum definiri, sed ut modus cognitionis, quæ Deum non dico comprehendimus, sed apprehendimus, significetur, hoc sensu: Definitione nos essentiam Dei quadantenus explicare conamur, *καθ' ὡς ἀληψιν*, juxta conceptum nostrum. Quia verò conceptus noster imperfectus est, etiam definitio illa imperfecta est. Quod si conceptus noster simplex esset, nullo modo cognosceret Deum adminiculo definitionis, sed simplici intuitu. Hic

tu. Hic obiter & velut in transcurso notetur, Deum sine omni discursu, & definitione etiam, solo simplici intuitu omnia cognoscere. Omnis enim syllogismus, omnis item definitio, arguit intellectum compositum.

De posteriori definitione, videlicet individui creati, sunt hi canones.

1 Individuum definiendum, est vel substantia, vel accidens.

2 Individuum substantiale est vel rationale, vel non.

3 Individuum rationale est persona, ut Themistocles, Julius Cæsar, Angelus Gabriel: & ejus descriptio petenda est ex effectis præcipuis & adjunctis, loco item & tempore:

Ut, Julius Cæsar fuit primus ille Imperator Romanus author monarchiæ illius, dictator perpetuus & Pontifex maximus, qui ordinavit annum, quo hodie etiam nunc utimur, & primus Germanos atq; Britannos oppugnavit &c. Augustus Cæsar, primus ille, qui firmavit Imperium, Julii successor, qui triumphatum gessit cum M. Lepido & M. Antonio &c. Istiusmodi descriptiones dicuntur definitiones *καὶ ἐκ τῶν ἐφ' ἑαυτῶν*.

4 Individuum non-rationale dicimus omnē substantiā singularem præter personam, puta præter hunc hominem, vel hunc angelum. Hoc ita definiendum, ut vel definitio generalis illi applicetur, vel circumstantia illius recitentur; ut cause, adjuncta, antecedentia, cognata, adversa &c.

Sic Rhenum definiturus, potest illi accommodare definitionem fluvii, & differentiam à locis, quæ alluit, præcipuis, petere hoc modo: Rhenus est fluvius, seu perennis aquarū decursus, suos fontes habens in monte, qui modernis dicitur Vogel; Rauracos primū, deinde Alsatia utramque, Nemetes, Vangiones præterfluens, circa Batavorum fines in tria cornua divisus, totidemque ostiis partim in Mosam fluvium, partim in Oceanum sese exonerans. Sic hæc alce ab aliquo capta in Borussia definiri potest animal valde timi-

dum, epilepsia obnoxium, affine cervo, cujus nervi, cornua & ungula magnum habent usum in curanda epilepsia hominis, capta à principe, vel nobili Borussia hoc vel illo in loco &c.

5 *Individuum accidentale definitur appositione generis, causae efficientis, finis, propriorum, & effectorum.*

Ut, nativitas Christi est generatio hominis extraordinaria, quâ secunda deitatis persona assumpsit naturam humanam, ad officium propheticum, sacerdotale & regium. Eodem modo fortitudo Alexandri Magni, prudentia Themistoclis, justitia Aristidis, & cætera accidentia singularia definiti possunt.

Cap. 10. Definitio imperfecta ex parte rei.

Sequitur ultimo loco definitio imperfecta ex parte rei, quæ talis est ob definiti imperfectionem.

Estq; rei universalis admodum, partis, entis collectivi, accidentis, cōcreti, imaginis & privationis.

Res admodum universalis, uti sunt genera illa summa, definiuntur vel sine genere, vel loco generis perfecti habent imperfectum & accidentale, undecunque differentia sumatur:

Ut, ens est quod essentiam habet; vel ens est, quod ab intellectu concipitur tanquam notissimum; substantia est ens per se subsistens. Hæc definitio imperfecta est; quia ens est genus summum & substantia imperfectum, quod *libr. 2. diximus analogicum.*

Partem definiendi modus his continetur canonicibus:

1 *Pars essentialis definitur ex respectu, quem habet vel ad totum compositum, vel ad alteram partem.*

Hoc modo definimus materiam & formam. v. g. anima rationalis

rationalis est spiritus intelligens, gaudens societate corporis, seu informans corpus humanum, seu informans hominem: corpus humanum est substantia ab animâ informata. Hic cavere oportet, ne partem ponamus pro genere integri. Vitiose igitur judicantur hæ definitiones: Animal est anima corpori conjuncta; vel, Animal est corpus animâ præditum.

2 *Pars integralis definitur materiali, formali, fine seu actionibus propriis, & accidentibus:*

Ut, Cor est pars corporis, officina spirituum vitalium, figurâ pyramidale.

Ens collectivum est vel substantia collectiva, vel accidens collectivum. (fectior.

Substantia collectiva est perfectior, vel imper-

Perfectior est, quam Deus certo quodam ordine ex variis substantiis in unam collectis constare voluit.

Ejus canon est:

In collectivis perfectis generi addatur formale, quod est relatio seu dispositio, itemque causa efficiens & finalis:

Ut, Mundus est compages omnium creaturarum, à Deo ordinatissimè & pulcherrimè concinnata, ut ipse quotidie magis magisq; coleretur.

Substantia collectiva imperfectior est, quæ talis est ex hominis ordinatione.

Estq; vel magis, vel minus ordinata.

Magis ordinata, ut exercitus, definitur genere & differentiâ sumtâ ab ipsâ ordinatione, efficiente & fine:

Ut, Exercitus Belgicus est multitudo hominum collectorum ab ordinibus confederatis, divisus in tot signa, hujus vel illius gratiâ.

Minus ordinata, ut est acervus tritici, loco differentiarum habet finem:

Ut, Acervus tritici est substantia collectiva, constans è multis tritici granis sese mutuò contingentibus, serviens sustentationi hujus vel illius familiae.

Accidens collectivum definitur è materiali, & formali, quod est ordo inter accidentia illa in quum collecta, itemque causâ efficiente & finali:

Ut, Philosophia est compages scientiarum, prudentiarum & artium, profecta à Deo, ministerio hominum eruditorum, ad id, ut hominis cum intellectus, tum voluntas perficiatur.

Accidens concretum sic definitur: Referatur ad prædicamentum, in quo est accidens abstractum, & differentia petatur ex canonibus accidentium perfectorum suprâ traditis:

Ut hic denarius est quantitas concreta. Describitur itaque subjecto & causâ suâ; ut, Hic denarius est numerus, ex decem thaleris, vel equis, collectus. Nam numerus in genere definitur, multitudo ex unitatibus collecta. Ergo hic numerus est multitudo ex his vel illis unitatibus collecta. Sic consiliarius est in prædicamento qualitatis. Ergo juxta canonem de habitus definitione sic describatur: Consiliarius est persona jurata, electa à principe propter singularem virtutum splendorem, ut ipsius adjumento commodius & facilius Rempublicam administrare possit.

Imago est vel notio, vel figmentum congruum. Notio est vel naturalis, vel artificialis.

Naturalis est imago repræsentans rem extrinsecum: *ut iris in nubibus*. Hæc definitur ex relatione, subjecto, in quo fit repræsentatio, causâ efficiente & finali:

Ut, Iris est imago naturalis Solis in nube inæqualiter disposita, & orta ex radiorum solarium variâ reflexione ad mutationem aëris constitutionis indicandam.

Imago artificialis est notio secunda. *Notio prima etiam est imago artificialis, sed hæc pertinet ad definita*

finita perfecta. Notio secunda est hujus loci; & definitur genere, relatione, fundamento & termino:

Ut, Prædicamentum est notio secundæ logicæ, disponens & distinguens res omnes per certos ordines ordinisquæ gradus.

Figmentum congruum est, quod à poëtis excogitatum est ad similitudinem verarum rerum, idque delectationis & commovendi affectus gratiâ: & describitur ex genere, materiali, formali, fine, & propriis.

Genus quidem invenitur, si illud figmentum reducatur ad prædicamentum, in quo est ens, cujus similitudo est in illo figmento. Materiale ejus plerumque est collectivum quid. Formale est figmenti significatio, seu ipsa relatio. e. g. Sirenes sunt monstra marina, partim humano, partim piscino corpore prædita, quæ adeo molliter cecinerunt, ut navitas præternavigantes ad se pellicere & in extremum dare exitum potuerint, quibus repræsentare voluerunt præsci poëtæ naturam voluptatis. Sunt tamen, qui scribunt Sirenes reverâ esse entia in naturâ.



Privatio hîc intelligitur destructiva, & definitur genere, habitu, objecto & causâ efficiente:

Ut, Cæcitas est privatio visus immisâ homini à Deo propter peccatum. Vel etiam simpliciter per oppositum definiri potest istiusmodi privatio: ut, Cæcitas est privatio visus; Paupertas est privatio divitiarum.

Satis de definitione, instrumento illo Logico faciliè palmario. Nunc methodum hujus libri brevi tabulâ completamur.

ADUMBRATIO LIBRI QUARTI DE DEFINITIONE.

Definitio considera-
tur quoad



LOGICORUM
LIBER QUINTUS

De

DISTRIBUTIONE.

Cap. 1. Distributum.

Definitionem excipit distributio, quæ est argumentum complexum vi relationis suæ arguens distributum tanquam thema.

Hic duo notanda sunt. 1. Cur definitio præcedat distributionem? 2. Cur distributio annumeretur argumentis complexis? Ad 1. resp. Definitioni princeps constituitur locus, partim ob dignitatem ejus, partim quia hic est ordo naturæ. Dignitatem si spectes, dicendum tibi erit, omnes scientias propriè & per se comparari per definitiones. *Arist. 2. post. c. 17.* At nulla scientia propriè & per se per distributionem comparatur, sed ex accidenti. *Zab. 4. de method. c. 13.* Quo etiam nomine definitio omnium anchorarum firmissima dicitur. *Scal. ex. 110. f. 1.* Ordo naturæ quoq; postulat, ut definitio in methodico systemate præcedat distributionem. Nam in definitione componimus, in distributione resolvimus. Atqui in compositione procedimus à causis ad effectum; in resolutione contrà ab effectu ad causas. Ad 2. resp. Si distributio est terminus incomplexus; jam non erit distributio. Nam distributio est resolutio totius in partes. At hoc non esset, si unicus esset terminus. Confer cum *cap. 1. libri superioris.* Nam quæ ibi diximus de naturâ definitionis, ea naturam distributionis quoq; illustrent.

Distributum est, quod in partes resolvitur.

Sicut libro superiore diximus de definito, ita & hic nobis dicendum est de distributo; quod arguitur à distribu-

Doctrina
definitionis
est prior do-
ctrinâ dis-
tributionis.

tione tanquam thema, necnon induere potest vestem argumenti. Sed tum propriè consideratur ut totum, de quo
libr. 2.

Ejus canones in genere sunt duo:

1 Infinita sunt, quæ distributionem effugiunt.

Nam si omnia & singula distribui possent, omnis pars haberet partes, & fieret progressus in infinitum; qui absurdus. Itaque duntaxat id, quod habet rationem totius, potest distribui: sive illud sit totum per se, sive per acci- dens.

2 Distributum omne habeat partes.

Ratio hujus canonis petitur ex antegresso; quia scilicet omne distributum est totum in partes resolvable. Idcirco veritas malè dividitur in theologicam & philosophicam, quasi aliquid verum possit esse philosophicè, quod falsum esse possit in Theologiâ, & contrà. Veritas enim non est totum, sed simplex & impartibile. Eodem nomine rejicitur illa quasi-distributio omnipotentia in formalem & participatam. Nam omnipotentia est simplicissimum quid, quod nullo modo in partes dividi potest.

Distributum est verbale, vel reale.

Distributum verbale est vox ambigua, quatenus in suas partes dispescitur.

Partes autem ejus sunt ipsæ significationes variae.

Ejus canones duo sunt:

1 Vox ambigua quinque criteriis cognoscitur.

Nam 1. vox est ambigua, cujus oppositum est ambiguum: ut, infidelitas dicitur multis modis. Ergò & fides. Inimicitia multis modis dicitur. Ergò & amicitia. 2. Vox, quæ tribuitur rebus diversorum prædicamentorum, est ambigua: ut nomen *cancer* est ambiguum; quoniam interdum significat substantiam, videlicet animal; interdum accidens, ut morbum. 3. Vox, quæ tribuitur rebus diverso respectu, est ambigua; ut, vox temporis & loci est ambigua. Nam tempus & locus dicuntur vel absolutè, vel relatè, ut in Physicis didicimus. 4. Vox, quæ nunc latè, nunc stricte sumitur, est ambigua: ut philosophia; mundi, fidei, electionis

&c. voca-

et vocabula laxè & strictè accipiuntur. 5. Cùm unum è conjugatis est ambiguum, etiam alterum est; & cùm vox primitiva, ut loquuntur Grammatici, est ambigua, etiam derivativa talis erit; ut, sanitas multis modis dicitur. E. & sanum. Collocare non uno modo accipitur. E. nec localitas, nec locus: & vicissim. Vide infra *lib. ult. cap. 20.*

2 *Varia significata vocis sunt partes distributi verbalis.*

Vulgò in Logicis pars ita definitur, ut solùm rebus possit applicari. Verùm vocabulum partis latius est extendendum, ita ut etiam partes quædam sint verbales. Sed hæc est venialis locutio, ut ajunt.

Distributum reale est res certà, quatenus in suas partes distribuitur.

Cap. 2. Distributio verbalis.

Distributio est etiam verbalis, vel realis; prout diximus de distributo.

Distributio verbalis est, quâ vox ambigua in suos significatus distinguitur.

Aliàs dicitur distinctio nominis.

Ejus canones hi sunt:

1 *Distributio verbalis est primum benè de re aliquâ disferendi principium.*

Ratio: quia vox ambigua est insidiosa & inimica rerum considerationi: ideoque præpedit solidam rerum intelligentiam, nisi primo loco excutiat.

2 *Distributio verbalis sit perspicua & vera:*

Hoc est, naturæ rei distinguendæ & usui probatorum authorum sit consentanea. Non igitur probandæ sunt distinctiones obscuræ, fictitiæ, erroneæ & vanæ, quales sunt illæ: cælum significat vel ipsam Dei majestatem, & ita dicitur æternum & omnipotens, vel certum locum; item omnipotentia est vel absoluta, ut Dei, vel limitata, ut Papæ. Ex hoc turbido fonte posterioris distinctionis profluxit illa formula, quæ hodiè præfigitur multis libris Romæ & Bononiæ

impressis, quâ Paulus quintus vocatur *omnipotentia Pontificia conservator acerrimus*.

Distributio verbalis est vel vocis, vel orationis ambigua.

Distributio vocis ambigua est, quâ vox incompleta diversas res significans, distinguitur in sua significata: *ut, philosophia, fides, justitia, justificatio*.

Distributio orationis ambigua est, quâ oratio diversas res significans distinguitur.

Sæpè namque occurrit sententia, quæ diversum sensum & interpretationem admittit: *ut edere carnem Christi, descendere ad inferos, sedere ad dextram alicujus*.

Cap. 3. Leges perfectæ distributionis.

Distributio realis sequitur, quâ totum reale in suas partes resolvitur.

Ejus traditur tum divisio, tum methodus.

Divisio, quòd sit perfecta, vel imperfecta.

Perfecta est, quâ totum per se in suas partes resolvitur.

Ejus tum leges, tum species considerandæ sunt. Leges distributionis hæc sunt.

1 *Subjectum rei non debet fieri membrum distributionis:*

Ut, Medicina non debet distribui in morbos & remedia; nec Theologiæ partes constitui debent Deus, & opus Dei. Hæc enim est subjecta medicinæ & theologiæ materia. Quapropter sic dicendum; theologiæ partes duæ sunt, prima est de Deo, altera de operibus Dei. Possunt tamen illæ formulæ excusari, si quis dicat esse præcisionem.

2 *Distributio verbalis non confundatur cum reali.*
Quando igitur dicimus, Theologia est vera, vel falsa; non
statuen-

statuendum est, hanc talem esse distributionem realem. Est enim distinctio æquivoci.

3 *Distributio habeat partes inter se dissentientes, & cum toto consentientes.*

Consentire quidem debent cum toto: quia partes distributionis non debent distributum perimere. Itaq; cū dico, Homo est vivus vel mortuus; vectigal est legitimum, vel illegitimum; non distribuo rem, sed vocem. Ratio: quia pars secunda in his distributionibus non consentit cum toto. Nam homo mortuus non est homo; & vectigal illegitimum non est vectigal. Sed eadem partes debent inter se dissentire, ut ne una alteram includat. Intellige hic disensionem vel rei, vel rationis. Fateor, accuratissimæ sunt distributiones, in quibus partes dissentiant reipsa. Sed cū id non semper obtineri queat, nec simpliciter sit necessarium; aliquando disensio rationis sufficit; ut, castigatio est vel mollior, vel asperior. Sic nec vitiosa est distributio, in quā triangulum & quadrangulum opponuntur. Quamvis enim triangulum insit quadrangulo; inest tamen solum materialiter, non formaliter. Ita in quaternione inest unitas, sed solum materialiter, non formaliter. Est enim ibi duntaxat una formalitas, quā est talis numerus, & à quā denominatur. At malæ sunt distributiones animalis in natans & album, in rationale & bipes: cū idem possit esse & natans & album, & rationale & bipes. Hunc canonem illustrant illa axiomata: *Contradistinctum includit contradistincti negationem: Partes distributionis separari debent, per oppositas differentias: Partes debent esse sumta ex eodem predicamento, in quo est totum*, ut si totum sit substantia, partes quoque tales esse debent.

4 *Distributio sit adequata suo distributo:*

H. e. neq; latior sit, neq; angustior, sed reciproca. Aliās sic effertur hic canon: *Distributio debet exhaustire totum distributum*. Vitiosa igitur est distributio

1 Quæ angustior est suo distributo, h. e. in quā pars aliqua deest, quæ diviso inest: ut ceremoniæ non rectè dividuntur in pias & impias; quia quædam sunt adiaphoræ, ut aperire caput ad pronuntiationem nominis Jesu.

Qualis dis-
sensio par-
tium requi-
ratur in le-
gitimā dis-
tributione?

2. Quæ latior est suo distributo, hoc est, quæ non solum distributo competit, sed pluribus. Sed hîc cauto opus est. Solent enim quidam nasuti, inscii, inepti, ignavi, carpere has distributiones; Logicæ partes duæ sunt, generalis & specialis: axioma est simplex vel compositum: argumentum est primum vel ortum. Hæ, inquit, distributiones sunt latiores distributo. Scilicet, acutum videtis superbi disputatores! Ignoratis in divisionibus vocabula generalia esse restringenda ex ipsâ naturâ distributi? Ignoratis, verba esse accipienda secundum subjectam materiam? Generales sunt hi termini transcendentés, primum ortum, simplex compositum, absolutum respectivum, generale speciale, perfectum imperfectum. Itaque determinationem & specificationem accipiunt à speciebus. Hinc argumentum rectè dicitur esse primum vel ortum, itemque jus primum vel ortum; axioma dividitur in simplex & compositum, itemque syllogismus & alia infinita eodem modo distinguuntur. Syllogismus rectè dividitur in perfectum & imperfectum. Sed & methodus, & animal quoque rectè sic dividitur. Ita non solum Logicæ partes constituuntur duæ, generalis & specialis, sed etiam primæ philosophiæ, philosophiæ naturalis, & omnium disciplinarum Mathematicarum. At pars generalis Logicæ, non est pars generalis Metaphysicæ. Sed sit! Sunt enim ignavorum & ignavorum omnia plena.

5. *Distributio constet ex partibus, quantum fieri potest, paucissimis.*

Itaque dichotomia præcipuam laudem obtinet, si non sit coacta, neque memoriam obruat multitudine seu repetitione suâ. Fit enim interdum, ut venando dichotomias, constituamus sex vel septem divisiones, ubi poterat unica trichotomia nobis rem eleganter ob oculos ponere.

6. *Distributio non faciat saltum.*

Hoc est, fiat in partes immediatas & proximas, non in remotas. Vitiosa igitur est distributio, quâ corpus dividitur in hominem, bestiam & arborem; quia multa membra interjecta transiliuntur. Est enim corpus proximè aliud simplex, aliud mixtum.

7 *In partibus distributionis enunciandis servetur ordo didascalicus:*

Hoc est, id præponatur, quod cognitione prius est. Dices igitur, syllogismus est perfectus vel imperfectus, causa est per se vel per accidens: non contrà. Interdum tamen fit secus, quando videlicet de parte principali multa dicenda sunt, de minùs principali perpauca.

8 *In distributione non una tantùm pars nominanda, & altera illius negatione significanda.*

Nam si unam duntaxat partem nominaveris, & alteram, vel reliquas illius negatione significaveris, non videberis propriè explicare partes, in quas dividitur. Ratio est: quia negatio alterius partis non solum non est differentia, ut testatur Aristoteles, sed nullo etiam alio modo propriè pars est, sive componens totum, sive subjectiva toti. Hinc *Scal. ex. 65. f. 1.* docet, differentias rerum constituere species. Non autem constituunt nisi positivæ. Tribus tamen de causis cogimur dividere rem in partem unam, & in negationem alterius partis. Prima est, ut faciamus divisionem necessariam, & quam nemo negare possit. De quâcunque enim re vera est affirmatio aut negatio. Altera est, quia sæpenumero reliqua pars caret nominibus positivis: quo fit ut ad negativa sit confugiendum: ut cum dividimus substantiam in corpoream & incorpoream, & animal in rationale & irrationale; quia ignoramus veras differentias. Tertia est, si partes, in quas divisio immediatè facienda est, fuerint plures, quàm perspicuitas divisionis ferre possit. Tunc enim omnes præter unam significandæ sunt nomine negativo: ut si dicas, bestiarum quædam sunt pennatæ, quædam implumes. *Fonseca lib. 4. instit. Dial. cap. 12.* Huc pertinet canon: Cum genus per differentias oppositas partimur, semper altera duarum est pura negatio alterius, & nihil significat positivum. Sub hac tamen comprehenduntur positiva differentia. Semper tamen affirmatio priori loco ponenda.

An in distributione possit habere locum negatio partis alterius?

Cap. 4. Divisio.

Species perfectæ distributionis sunt duæ, divisio & partitio.

Solet vulgus Logicorum confundere hæc vocabula, divisionem cum distributione, & utramq; cum partitione. Sed probi Latini hanc confusionem abominantur. Hos & nos secuti sumus. Vide *Quintil. l. 7. inst. orat. c. 1.*

Divisio est distributio perfecta generis in species.

De hæc tres sunt canones in genere:

1 *Divisum sit genus, non autem species infima.*

Ratio canonis est clara ex definitione divisionis, item ex illo: *Species, quâ species, non dividitur in species.* Itaque species infima nunquam cadit sub hanc divisionem: & species intermedia non dividitur, quâ species, sed quâ genus. Non igitur est divisio, si dicas, Homo est mas vel fœmina; intellectus est agens vel patiens; ecclesia est visibilis vel invisibilis. Nam homo intellectus, & ecclesia, sunt species infimæ. Hic tamen notes, speciem infimam à philosopho etiam vocari genus infimum, ut 3. *Metaph. c. 4.* ἐξ αὐτῆς γέννη, πρὶν ἐπὶ τοῖς αὐτοῖς, δὲ ὡς ἀνθρώπος.

2 *Cum specierum propria nomina nulla sunt, appellantur nominibus numeralibus ordinis.*

Sic dicimus, troporum genera duo sunt, primum & secundum. Item argumentum est primi vel secundi ordinis. Differentia entis est primæ, secundæ &c. classis.

3 *Divisio esse judicatur, cum genus predicari potest de partibus seu speciebus suis συωνύμως, in casu recto.*

Sic cum animal dicitur esse homo, vel bestia, est divisio; quia τὸ animal prædicatione synonymâ dicitur de homine & bestiâ.

Divisio est primaria, vel secundaria.

Primaria est 1. quæ fit per differentias essentielles & proprias inter se dissentientes. 2. quando genus univocum seu perfectum dividitur.

Prioris exemplum est, cum animal per rationale & irrationale dividitur in hominem & bestiam. Posterioris exemplum est idipsum; vel hoc, corpus est vivum vel inanimatum.

Divisio

Divisio secundaria est. 1. quæ fit per differentias accidentales, sive proprias, sive communes, inter se dissentientes. 2. quando genus analogicum seu imperfectum dividitur.

Illius exemplum est, cum animal per differentias accidentales dividitur in gressile, volatile, reptile & natatile. Huius exemplum est, cum substantia dicitur esse prima, vel secunda. Hæc dicitur Alberto, Cajetano & Toletio divisio analogi in analogata; quia substantia prius primæ, quæ maximè est substantia, ut ait Philosophus, quàm secundæ competit. Sic bonum dividitur in honestum, jucundum, & utile.

Cap. 5. Partitio.

Partitio est distributio perfecta totius compositi in suas partes.

Vulgò dicitur distributio integri in membra, vocabulo nimis angusto. Est enim hoc vocabulum speciei. Quare non rectè tribuitur generi. Ejus canon est:

Partitio censetur esse, quando totum non potest in casu recto, sed in obliquo, sive paronymos, dici de suis partibus:

Ut, hominis partes duæ sunt, corpus & anima. Non possum dicere, corpus est homo, sed hominis, scil. pars.

Partitio est vel totius essentialis, vel totius integralis.

Partitio totius essentialis est, quâ totum essentialis in partes suas resolvitur.

Estq; primaria, vel secundaria.

Primaria est, quâ totum essentialis propriè dictum resolvitur in materiam & formam, scil. proximam, ut constare potest è cap. 3. can. 6. e. g. homo in corpus & animam rationalem.

Secundaria est, quâ totum essentialis impropriè dictum, resolvitur in suum materiale & formale:

Ut, oratio in voces & significationem; ecclesia in homi-

nes efficaciter vocatos, & horum cum capite Christo & inter sese unionem.

Partitio totius integralis est, quâ totum integrale in suas partes integrantes dispescitur.

Estque item primaria, vel secundaria.

Primaria est, quâ integrum propriè dictum in partes resolvitur:

Ut, corpus humanum in artus & ventres; & ventres in summum, medium, & infimum, ut loquuntur anatomici.

Secundaria est, quæ totum integrale impropriè dictum resolvit in partes:

Ut, verbum Dei dividitur in legem & evangelium; lex in duas tabulas, aut decem præcepta; comœdia in protasin, epitasin & catastrophem.

Cap. 6. Distributio imperfecta.

Distributio imperfecta est, quæ distributum in partes impropriè dictas resolvit: seu, quæ à naturâ perfectæ distributionis aliquo modo recedit.

Estque duplex. 1. Quâ species infima in sua individua distribuitur.

Hæc dicitur imperfecta; tum quia differentiæ commodæ & oppositæ inveniri non possunt, per quas species in individua, quæ plerumque numero sunt infinita, dividatur: tum quia in artibus & disciplinis nullus est illius usus: ut cum homo dividitur in hunc & illum, puta Johannem, Petrum, Paulum &c.

2. Quâ totum per accidens in partes suas resolvitur.

Et hæc est vel causativa, vel effectiva, vel subjectiva, vel adjunctiva.

Causativa est, quâ causa distribuitur in sua causata: ut, finis in sua finita, efficiens in sua effecta, materia in sua materiata, forma in sua formata.

Exempli

E.g. 1. Eruditio comparatur partim naturâ, partim curâ.
 2. Deus alios eligit, alios reprobât; verbum Dei aliud terret
 conscientias, ut lex; aliud consolatur terribas, ut evangelium;
 animalium aliud est viviparum, aliud oviparum. 3. Ex ar-
 gillâ fiunt urcei, ollæ, cacabi &c. 4. Anima alia est in plan-
 tâ, alia in animali.

Effectiva est, cùm causatum dividitur in suas
 causas: ut, finitum in suos fines, effectum in suas
 efficientes, materiatur in suas materias, forma-
 tum in suas formas.

Exempli gratiâ. 1. Prædia sunt urbana, vel rustica: homi-
 num alii resurgunt ad vitam, alii ad mortem æternam: disci-
 plinæ sunt contemplatrices, vel operatrices; & hæ activæ,
 vel factivæ: rerum domesticarum aliæ ad necessitatem, a-
 liæ ad commoditatem, aliæ ad voluptatem pertinent. 2. Do-
 ctrina alia est divinitus infusa, alia præceptis & usu ac-
 quisita: Scriptura est prophetica, vel Apostolica: calor vel
 à Sole est, vel ab igne; fames alia est ex sterilitate, alia ex
 vastatione; animal est vel univocum, natum ex parentum
 efficacîâ, vel æquivocum, natum ex putredine; jus est di-
 vinum, vel humanum. 3. Siclus Legis erat aureus, vel argen-
 teus: poculum aliud est aureum, aliud argenteum, aliud stan-
 neum, aliud ligneum. 4. Animal est rationale, vel irrationa-
 le: linea vel recta est, vel obliqua.

Distributio subjectiva est, cùm subjectum, si-
 ve recipiens, sive occupans in sua adjuncta dis-
 tribuitur:

Ut, verbum Dei aliud est *ἡ γὰρ φωνή*, aliud *ἡ ὁρμή*: fœdus
 Dei est vetus, vel novum; sensibile aliud est objectum visus,
 aliud olfactus &c.

Hic sunt duo canones:

*1 Subjecti per sua accidentia divisio potest institui se-
 cundum omnia ferme accidentium genera:*

Ut, ex quantitate hominum alii sunt gigantes, alii py-
 gmæi, alii medii: ex qualitate est homo doctus, vel indo-
 ctus: fidelis, vel infidelis: alius naso simo, seu repando, alius
 aquilino, alius retoito, alius recto: ex actione, quidam

mercator, quidam concionator, quidam caufidicus &c. ex passione, quidam martyr, quidam patiens poenam meritam: ex relatione, quidam est dominus, quidam servus; ex quando, alius puer, alius juvenis &c. ex ubi, alius Europæus, alius Asiaticus &c. ex situ, alius sedens, alius stans, alius ambulans &c. ex habitu, alius armatus, alius inermis; alius splendide vestitus, alius sordide, alius mediocriter,

2 *Distributio è circumstantiâ loci & temporis potest & subjectiva & adjunctiva dici diverso respectu.*

Hic canon intelligitur ex priori & ex sequenti definitione distributionis adjunctivæ. *Ex loco*: ut, animalia quædam degunt in terrâ, quædam in aquis, quædam sunt *ἀμφίβια*; gentes aliæ habitant ad ortum Solis, ut Persæ; aliæ ad occasum, ut Hispani; aliæ ad meridiem, ut Itali; aliæ ad Septentrionem, ut Dani; vel, hominum alii habitant in zonâ extremâ, alii in mediâ. *Ex tempore*: ut, flores aut hyberni sunt, aut verni, aut æstivi, aut autumnales; officia alia sunt juvenum, alia seniorum, alia constantis ætatis; sunt & extrema quædam studia senectutis, ut ait Cicero.

Distributio adjunctiva est, cum adjunctum, sive receptum, sive occupatum, in sua subjecta dividitur:

Ut, lux alia est Solis, alia ignis; virtus alia est ethnicorum, alia Christianorum; color & figura corporis est alia Germanorum, alia Italorum &c. febris alia est in humoribus, alia in spiritibus, alia in partibus solidis; morbus alius capitis, alius cordis &c. peccatum aliud in Deum, aliud in proximum, aliud in nos ipsos committitur; dilectio alia est Dei, alia proximi. Huc etiam referri possunt, ut modo diximus, divisiones è circumstantiâ loci & temporis. Nam locus & tempus considerantur, vel ut accidentia, quatenus accidunt substantiis; vel ut subjecta, quatenus tam tempus, quàm locus dicitur recipere. Si tamen distributionem ex loco velis dicere subjectivam solùm, & illam ex tempore adjunctivam, non admodum repugnabo, sed hoc dabo usui dis/ceren-

disserendi. Ad extremum solent quidam speciebus duabus imperfectæ distributionis adjicere tertiam, quâ videlicet totum aliquod distribuitur in partes Logicas, quales sunt genus & differentia, subjectum & accidens: itemque in partes Metaphysicas, quales sunt esse & essentia, natura & suppositum, actus & potentia.

Cap. 7. Methodus investigandi distributionem.

EXtremo loco nobis tractanda est methodus investigandi distributionem; quæ constat his canonibus.

1 *Distributurus rem, videat num sit universalis, vel singularis.*

Res universalis & potest, & debet distribui, vel in partes, putà Logicas, quales sunt genus & differentia; vel in Metaphysicas, uti sunt actus & potentia; vel Physicas, quarum aliæ essentiales, aliæ integrales. *Res singularis* est vel simplex, vel composita. *Simplex* est solus Deus. Hic nec ut genus, nec ut totum essentiale, nec ut totum integrale considerari potest. Proinde nec dividi: unde vocatur *totum perfectionale*, & *totaliter totum*. Interim dicere possumus, doctrinam de Deo dividi posse, in partem de essentiâ, & partem de personis, & partem de operibus ipsius.

Res singularis composita, est substantia vel accidens.

Substantia singularis composita est vel incorporea, ut hic angelus, & hæc anima; vel corporea, ut Rhenus, Cesar. Hic angelus & hæc anima dividi possunt in partes Logicas & Metaphysicas. Individuum corporeum in partes integrantes dividi debet, dummodo sit totum. Accidens singulare, ut passio Christi, item in partes resolvitur.


2 *Distributurus totum, videat num sit propriè, vel impropriè dictum.*

Totum propriè dictum est vel genus, vel totum essentiale, vel integrale. Hoc perfectè distribui potest juxta doctrinam à nobis traditam. *Totum impropriè dictum* est vel causa, vel causatum, vel subjectum, vel adjunctum. Et hoc distribuetur juxta doctrinam capitis penultimi. Hæc etiam breviter libro proprio de distributione tractasse sufficiat. Quamvis autem illius methodus non sit prolixa, ideoq; cuivis obvia: tamen pro more nostro librum hunc *ὑποσημειώσαι* tabellari consignabimus.

METHODUS LIBRI QUINTI.

De

DISTRIBUTIONE.





LOGICORUM
LIBER SEXTUS

De
AXIOMATE.

Cap. 1. *Partes axiomatis.*

Actum est de termino, nunc de axiomate agendum.

Axioma est instrumentum noëticum, in quo thema simplex cum argumento disponitur.

Axiomatis vocabulum est sat cōveniens. Quamvis enim fit à verbo *ἀξίωμα*, *dignum judico*; tamen per synecdochen speciei apud Græcos sæpe sumitur in genere pro judico, sentio, existimo. Hinc à Stoicis sumitur pro quâlibet sententiâ, licet à Peripateticis usurpetur stricte, pro sententiâ, quæ digna est, cui fides adhibeatur. Vulgò vocant *propositionem*: sed nec propriè hoc fit. Propositio enim dicitur tanquam proposita conclusioni. *Zabar. 1. poster. anal. ad cont. 13.* Aliis dicitur *enunciatum*, *enunciatio*, *effatum*, *pronunciatum*. Porro in definitione diximus, quòd thema simplex cum argumento disponatur. Hæc est vera ipsius differentia, quâ distinguitur cùm à definitione & distributione, tum à syllogismo. Illud; quia in definitione & distributione, quatenus definitum & distributum seorsim accipis, id quod debes, non est dispositio plena, non axiomatica; utpote in quâ disponitur genus cum differentiâ, & pars cum parte, non tanquam thema cum argumento, sed tanquam argumentum geminū stans pro uno, & arguens definitum & distributum tanquam thema. Hoc; quia in omni syllogismo thema seu quæstio complexa disponitur cum argumento. Ramus definit axioma, quòd sit dispositio argumenti cum argumēto &c. in quâ definitione vox argumenti ponitur pro themate; quia nimirum thema potest inducere affectionem argumenti. Unum

vocabulum
axiomatis
num sat cō-
veniens in
Logicâ?

adhuc monendum restat. Nos terminum distinguimus ab axiomate. Alii vulgò axioma vocant terminū complexum. Sed non satis philosophicè. Ratio dicta est *libr. 1. cap. 3.* Terminus enim propriè significat id quod terminat aliquid, & inde per metaphoram ponitur pro materiâ orationis. Itaque terminus in Logicis per alium tropum ponitur pro instrumento noëtico, quod regit materiam ad disserendum propositam. Jam verò axioma non dirigit istam materiam, sed formam, videl. dispositionē terminorum, ut & syllogismus & methodus. Moneamus & hoc. Thema simplex, quod est in axiomate, non excludit terminorū multitudinem, sed op-ponitur themati composito, quale est in syllogismo: sicut nec argumentum hīc est unicus terminus, sed & multiplex esse potest, pro uno tamen generali putatur: ut, quicumque electus est ad vitam æternam, servabitur: desiderare auxilium gratiæ, est initium gratiæ.

Axiomatis considerandæ sunt partes, species, & communes affectiones.

Communibus affectionibus ultimum assignamus locū, quia multa in illarum doctrinā occurrunt, quæ sine doctrinā partium & specierum intelligi non possunt. Non igitur generaliter accipies illud: *Communes affectiones in methodicâ tractatione precedant species ipsas.*

Partes axiomatis sunt, ex quibus illud constituitur.

Suntque materia, & forma.

Materia a-
xiomatis.

Materia axiomatis est realis, vel verbalis.

Illa dicitur signata, hæc signans. Omne siquidem axioma constat signatis, & signis; etiam mentale.

Materia realis, sunt termini reales vocibus significati.

Suntque subjectum & prædicatum.

Subjectum est pars antecedens, continens thema: *aliàs dicitur suppositum*, pars antecedens, & subjectum attributionis.

Prædicatum est pars consequens, continens argumen-

gumentum : *aliàs* attributum, adjectum, oppositum, & pars consequens dicitur.

Canones de subjecto & prædicato hi tenendi :

1 *Omne axioma in duas tantum partes materiales reales resolvitur.*

Partes illæ sunt antecedens, & consequens. Non sunt plures. Tot enim sunt axiomatis partes, in quot axioma resolvitur, juxta illud celebratum : *Eadem sunt principia compositionis & divisionis.*

2 *Vocabula hæc, subjectum & prædicatum, etiam ad compositum axioma transferri possunt.*

Peripatetici docent subjectū & antecedens, prædicatū & consequens esse *ισοδυναμικά*. Contra hanc sententiā disputant nonnulli; & contendunt, omne quidem subjectum esse antecedens, & omne prædicatū esse consequens, sed non vicissim; eò quòd subjectum & prædicatū duntaxat axiomati simplici, cōposito non item, præsertim cōnexo, nisi valde impropriè, cōveniant. Sed hæc cēsura est nauci. Nam subjectū in genere sic finitur, quòd sit prius axiomatis membrum, de quo aliquid prædicatur : prædicatum, alterum axiomatis membrum, quod de subjecto prædicatur. *Fons. lib. 1. inst. Dial. cap. 14.* Cum his definitionibus coincidunt illæ, quæ à nobis sunt traditæ.

3 *Subjectum realiter differt à prædicato.*

Ratio: quia thema & argumentum realiter inter se differunt. Subjectum autem continet thema, sicut prædicatum continet argumentum. Objicis prædicationes identicas, in quibus idem de seipso prædicatur. Resp. Prædicatio identica est vel nugax, vel intensiva. *Nugax est, in quâ idem simpliciter de seipso prædicatur.* Et hæc est inanis tautologia: ut cum dico, ensis est ensis, scapha est scapha. Hic est idē prorsus & voce, & significatione. Proinde inepta tautologia & battologia. *Intensiva est, in quâ idē secundum quid de seipso prædicatur; quod vel est idem voce, & significatione diversum, ut Deus est Deus; vel est voce diversum, & idē significatione, ut Evangelium est lætum nuntium.* Hæc prædicatio non est nugax, sed prædicatum intendit significationē

Prædicatio
identica
duplex.

subjecti, ut infra explicabitur; ita ut etiam hîc sit realis distinctio inter subjectum & prædicatum. v.g. Deus est Deus, hoc est, Deus semper sibi est similis, benefaciendo piis, & puniendo impios. Ecce in subjecto vox Deus accipitur *ὁ θεός*, in prædicato *ὁ θεός*! Objicis definitionem, quæ non realiter differt à definito? Objicis item axiomata, in quibus attributa divina dicuntur de Deo? Resp. Hæc oportet excipere à regulâ, quæ à potiori denominationem facit, non à duobus vel tribus singulariter se habentibus.

4 Subjectum accipit manifestationem à prædicato, prædicatum subjecto lucem infert.

Ratio: quia prædicatum continet argumentū, subjectum habet thema. At omne argumentum, quâ tale, notificat.

5 Talia sunt prædicata, qualia esse permittuntur à suis subjectis.

Hunc canonem cōmendat Melanchthon. Facit enim ad rectam multarum rerum intelligentiam. e. g. dico, Deus est spiritus; item angelus est spiritus. Canon propositus ostendit, quomodo prædicatum utrobiq; sit accipiendum, ita nimirum, ut specificationem accipiat à subjecto.

6 Subjectum & prædicatum in axioma non semper se habent uno modo.

Nam utrumq; est. 1. Vel simplex, vel compositum. Simplex, quod uno termino seu unâ voce cōtinetur, ut homo est animal, homo est risibilis. Compositū, quod pluribus vocibus continetur, ut homo quatenus animal, sentit; virtus placet Deo. Ibi subjectum, hîc prædicatum est compositum. 2. Positivum, ut Deus, lumen, visus; vel privativum, ut tenebræ, cæcitas. 3. Universale, ut homo, equus; vel singulare, ut Paulus, Bucephalus. 4. Finitum, ut homo, planta; vel infinitum, ut non-homo, non-planta.

Verbalis materia axiomatis sunt voces, quibus termini reales significantur.

Estq; categorematica, vel syncategorematica.

Categorematica sunt voces, quæ rem certam absolute significant: ut nomen & verbum.

Canones hujus loci sunt:

1 *Nomen & verbum sunt voces principales, quas oportet in axiomate spectare.*

Hic canon è Grammaticâ lucem accipit, ubi vox dicitur alia esse primaria, ut nomen & verbum: alia secundaria, ut adverbium, præpositio &c. Interim loco nominis sunt & alia voces, quæ sustinent vicem subjecti: ut, Ego sum Jehova: Amare est turpe seni: Credens servatur: Nunc est dies: Per significat interdum causam efficientem principalem: Papæ est vox admirantis.

2 *Axioma rectum & indicativum est norma aliorum axiomatum.*

Axioma rectum est, in quo nomen ponitur in casu recto; indicativum, in quo verbum ponitur in modo indicativo. Jam sicut casus rectus est mensura obliquorum, & modus indicativus est norma imperativi, cōjunctivi, & reliquorum modorum: sic & axiomata recta sunt norma obliqui, & indicativum imperativi vel subjunctivi axiomatis. Cum ergo hæc talia axiomata occurrunt: Adolescentis est majores natu reveri; Ordine discere, & evades doctus: Cum Gothi Romam occupassent, bibliothecæ instructissimæ incendio perierunt: probanda & examinanda sunt per axiomata recta & indicativa, & quantum fieri potest, ad illa reduci debent, quoties accuratè veritas & falsitas est indaganda.

3 *Modi indicativi tempus præsens est norma reliquorum.*

Hinc illud: *Propositio de tempore præterito, vel futuro, verificatur propter propositionem de tempore præsenti.* Hic canon intelligi potest ex antecedente.

- Syncategorematica materia sunt voces, quæ modum rei significant.

Tales sunt, *omnis, nullus, quidam, præter, quâ, quatenus*, itemq; omnes voces secundariæ seu invariables & sine numero, ut Grammatici vocant.

Forma axiomatis est princeps, vel minùs princeps.

Forma axiomatis.

Illa dicitur signata, hæc signans.

Forma princeps est dispositio thematis cum argumento : seu *subjecti cum predicato*.

Hæc dispositio debet esse legitima, hoc est, cōgruere cum ordine rerum extra mentem. Itaque falsum axioma non nisi æquivocè dicitur axioma, sicut homo mortuus dicitur homo. Hinc patet, quòd dispositio non sit genus axiomatis.

Dispositio est vel compositio, quâ thema cum argumento conjungitur; vel divisio, quâ thema ab argumento disjungitur :

Ut cùm dico, homo est animal, compono; at divido, cùm dico, homo non est stipes. Cæterū hæc dispositio axiomatice est vera vel falsa, necessaria vel contingens &c. Sed de his infra dicemus in distributione axiomatis.

Forma axiomatis minùs princeps est vinculum, nota externa dispositionis.

Multi disputant, vinculum, seu copulam, non esse partem axiomatis, sed ineptè. Nam copula ad propositionem ita necessaria est, ut nulla sine eâ consistere possit. Ratio, quia prædicatum, nisi copula sit adjuncta, vel ei inclusa, nihil manifestat. Est autem necessaria, tanquam forma secundaria, seu subserviens primariæ.

Vinculum est vel verbi, vel conjunctionis.

Vinculum verbi est, cùm subjectum cum prædicato vi verbi substantivi *Sum* disponitur. *Vulgo* copula verbalis.

Verbum substantivum *Sum* est omnium verborū simplicissimum, adeoq; primum & irresolubile. Omnia enim verba in illud resolvuntur. Et hinc ipsi est hæc prærogativa, quòd in aximate sustineat vicem subscudis alicujus, ut ita dicam. Si dicas, verbum *existo*, item *so*, habere etiam vim copulandi; ut, Socrates existit sapiens, Socrates fit sapiens; ridebo. Nam primò est insolēs Latinis auribus si dicas, Socrates existit sapiens. Deinde *so* fungitur vice prædicati, quia sumitur pro efficio: *so* *existo* itidem fungitur vice prædicati, & quod illi adjungitur, est determinatio prædicati. Denique in utroque verbum substantivum est implicitè.

Vincu-

Vinculum verbi est explicitum, vel implicitum.

Explicitum est, cùm verbum substantivum *sum* medio loco ponitur inter subjectum & prædicatum:

Ut, Deus est omnipotens. Dixi, *medio loco ponitur*. Si enim ponatur solum, non est copula: ut si dicam, Deus est. Huc pertinet distinctio propositionis in binariam & trinariam, item distinctio *inter 2^o est secundi & tertii adjecti*. Est tertii adjecti vocatur ipsa copula: ut, homo est animal: & hæc propositio est trinaría, quia constat tribus, videlicet subiecto, copulâ, prædicato. Est secundi adjecti dicitur verbum substantivum, non *ουδεὶς* vel *ουδεὶς*, *copulativè*, sed *καὶ*, quod barbari Latini dicerent, *prædicativè*, ponitur: ut, homo est. Et hæc est propositio binaria, quia constat duobus vocabulis. Huc pertinet canon: *Ab est tertii adjecti ad est secundi adjecti valet consequentia*: ut, homo est animal. Ergo est.

Vinculum verbi implicitum est, cùm idem includitur prædicato:

Ut, Ignis urit, hoc est, est urens. Quidam docent, vinculum includi subiecto. Sed perperam. Ratio: quia copula subservit manifestationi subiecti. At illa manifestatio est à prædicato.

Vinculum conjunctionis est, cùm subjectum cum prædicato disponitur vi conjunctionis:

Ut, Si Deus est justus, est alia post hanc vita.

Cap. 2. Axioma affirmatum & negatum.

Sequuntur species axiomatis, quæ sumuntur partim ex formâ, partim ex materiâ illius. *Illas formales, has materiales dicamus.*

Formales species axiomatis, sunt tum principales, tum minùs principales.

Species principales sunt, quòd omne axioma sit affirmatum vel negatum; verum vel falsum; simplex vel compositum.

Axioma affirmatum est, in quo prædicatum cum subiecto coniungitur:

Ut, homo est animal. Alii sic definiunt: Axioma affirmatum est, quo aliquid esse affirmatur: ut in allato exemplo non solum *homo animal*, sed ipsum *esse animal* affirmatur de homine. Illi volunt *homo est*, non esse mediū inter subiectum & prædicatum, neque esse *ἁπλοῦς καὶ μέγας*, neq; *ἁπλοῦς καὶ τῆς ὑπερβαίνει*, sed esse *συνηγμένης*, q. d. com prædicatum.

Canones axiomatis affirmativi sunt tres:

1 *Axioma affirmatum est prius negato.*

Ratio: quia affirmatio est instar habitus, negatio instar privationis. *Scalig. exerc. 6. sect. 2.* Hinc affirmatio dicitur mensura negationis.

2 *Affirmatio est difficilius negatione.*

Ratio: quia difficilius est rem construere, quàm destruere, componere, quàm dividere. Nam constructio rei perfecta requirit omnes & singulas partes; ad destructionem autem vel unius partis principalis sufficit amotio.

3 *Affirmationis fundamentum est rerum consensio.*

Itaq; consentanea disponi debent affirmando. Videamus exempla per singulos locos. Fit axioma affirmatum 1. Ex fine & finito: Homo conditus est ad cognoscendum & colendum Deum. 2. Ex causâ efficiente & effecto: Deus creavit mundum. 3. Ex materiâ & materiato: E terra factus est homo. 4. Ex formâ & formato: Homo præditus est animâ rationali. 5. Ex subiecto recipiente & adjuncto recepto: Homo est risibilis, homo est doctus. Item ex objecto & adjuncto occupato: ut, Medicus versatur circa morbos. 6. Ex antecedente & consequente: ut, Ex puero fit senex. 7. Ex connexis: Summè sapiens est summè bonus. 8. Ex definitione & definito: ut, Homo est animal rationale. 9. Ex distributione & distributo: ut, Animal est aut homo, aut bestia.

Axioma negatum est, in quo prædicatum à subiecto disjungitur.

Canones ejus sunt:

1 *Veritas affirmati axiomatis est fundamentum veritatis negati.*

Alii sic enunciant: *Veritas axiomatis negati concludi non potest, nisi ex veritate alicujus affirmati.* Item: *Vera negatio pendet à verâ affirmatione.* Non enim rectè dicerentur bona opera non justificare, nisi verum esset, solam fidem justificare. Videris Fonsecam de illo canone 4. *Metaph. ad cont. 15.*

2 *Negatio vehementius negat, quàm affirmatio affirmat.*

Alii sic enunciant: *Firmior est veritas negationum, quàm affirmationum.* Hoc non est accipiendum de firmitate entitatis, sed asseverationis seu prædicationis.

3 *Axioma negatū est, cū particula negandi vel toti axiomati præmittitur, vel copula immediate additur.*

Ut, Nulli electi damnantur; conjugium non est sacramentum. Non igitur est axioma negans: Populus qui non est intelligens, cōturbabitur, *Hos. 4. v. 14.* quia negatio inserta est descriptioni partis antecedentis. Nec hoc: Cæcum est quod non habet visum; quia definitio affirmatur de definito. Nec hoc: Substantia non producit nisi à substantiâ; quia particula *non* per tmesin hîc ponitur, ita ut hic sit sensus, substantia nonnisi (hoc est, tantum) à substantiâ producit. Sic hoc axioma; primus homo potuit non peccare, est affirmans & verum; sed hoc, primus homo non potuit peccare, est negans & falsum. Uno verbo: Axioma negatum censetur, cujus vinculum negatur. Nam quando dico, Nullus homo est lapis, & nullus est vocula syncategorematica, quæ præponitur quidem toti propositioni, sed tamen convenit vinculo, ut res ipsa loquitur.

4 *Negationis fundamentum est rerum dissenso.*

Itaq; argumenta dissentanea negando sunt disponenda. Fit igitur axioma negatū 1. Ex diversis: Ut, Judas fuit Apostolus, & non fuit salvatus. 2. Ex contradicentibus: ut, videns non est non-videns. 3. Ex relatè oppositis: ut, pater non est filius. 4. Ex privantiis: ut, vita non est mors. 5. Ex cōtrariis: ut, virtus non est vitiū. Hîc aliquis non ab re roget, quid ergò sit

statuendum de argumentis comparatis & ortis? Respon. In lib. 2. distinximus prædicationem in signatam & exercitam. Si species prædicationem signatam, omnia argumenta sunt dissentanea, ideoque negativè disponenda, hoc modo: causa non est effectum, genus non est species &c. nisi velis disponere in casu obliquo: ut causa est effecti causa. Si species prædicationem exercitam, argumenta consentanea affirmando, dissentanea negando sunt disponenda. Reliqua, prout participant de consensione vel disensione, ita & disponenda sunt. e. g. 1. Species & genus affirmatè disponuntur: ut, homo est animal. 2. Totum essentiale & pars essentialis affirmando disponuntur: ut, homo habet corpus organicum: at non, homo est corpus organicum. 3. Sic & totum integrale & pars integralis: ut, caput est membrum corporis humani; at non sic, caput est corpus humanum. 4. Paria & similia disponuntur affirmatè: ut, bestia æquè est animal, ac homo: homo est bulla. 5. Notatio cum notato disponitur affirmatè: ut, Philosophia est studium sapientiar: vel negatè: ut, lucus non lucet. 6. Conjugata disponuntur affirmatè: ut, sapiens sapienter agit. 7. Imparia disponuntur affirmatè: ut, virtus moralis est præstantior intellectuali: vel negatè, homo non est æqualis Deo. 8. Disimilia disponuntur negatè: ut, non ut pastor bonus curat oves, sic & mercenarius: non ut dominus ad servum, sic maritus ad uxorem se habet. 9. Denique quando definitio negativè prædicatur de re aliquâ, illa res non habet rationem definiti: ut, asinus non est animal rationale. Et sic est disensio. Confer cum *cap. 13. hujus libri.*

Cap. 3. Axioma verum & falsum.

SEcundò axioma est verum vel falsum.

Quidam hanc distributionem hoc nomine reprehensum eunt, quòd veritas cujusque axiomatis sit affectio, ut quæ legitimam dispositionem sequitur. Sed ad hoc sciendum est, veritatem esse duplicem, incomplexā & complexam. Incomplexa est attributū cujusq; entis. Ut enim unūquodque est ens, ita & verum. Hæc non habet contrariè oppositum.

Veritas est duplex, non essentiā, sed modo considerationis.

positum. Cōplexa veritas est affectio dispositionis axiomatice, cum rerum inter se habitudine congruens; ita ut forma interna veritatis complexæ sit conformitas seu congruentia dispositæ propositionis cum rebus ipsis. Hinc Philosophus: Vera oratio minimè est causa, cur res sit; sed res potius causa est, cur oratio sit vera. Huc etiam facit illud Cæjetani: Veritas inest in rebus, ut in causâ; in oratione externa, ut in signo; in intellectu autem, ut in subiecto. Cùm igitur mens nostra intuetur rerum vel jungendarum, vel sejungendarum affectionem, constituit veram propositionem. At cùm eadem pervertit rerum affectionem, & componenda disjungit, vel disjungēda coniungit, oritur axioma falsum, juxta canonem: *Consentanea negatè, & dissentanea affirmatè disposita, constituunt axioma falsum*. Ex his patet, axioma rectè dividi in verum & falsum. Interim non retractamus, quod paulò antè diximus, axioma falsum æquivoce esse axioma. Confer cum *lib. 5. cap. 3. can. 2.*

Axioma verum est, quod disponit res secundum naturalem ipsarum habitudinem.

Uniuscujusque axiomatis constitutio pendet ex aptitudinē simpliciū conceptuū, hoc modo. Quæ naturâ sunt conjuncta in rebus, ea & nos per artem conjungere; & quæ naturaliter disjuncta sunt, ea & nos dividere per artem tenemur. *Scal. lib. 7. de caus. ling. Lat. c. 142.* Si igitur hanc rerum habitudinem observemus, verum axioma constituetur, ut & ex antè disputatis patere potest.

Axioma verum est vel necessarium, vel contingens.

Necessarium est, quod ita verum est, ut aliter se habere non possit: ideoq; parit scientiam.

Axioma necessarium.

Distinguunt hîc quidam axioma necessarium in simpliciter & secundum quid tale. Illud dicunt, quod immutabiliter est verum: ut, homo est animal, homo non est bestia. Hoc dicunt, quod certo duntaxat respectu est verum: ut, Paris rapuit Helenam, sapiens non peccat; quatenus nimirum spectatur tempus præteritū, & quatenus sapiens est sapiens. Sed sciendum est, hæc axiomata potius esse contingentia. Nam axioma necessariū dicitur æternū à Philosopho, quo ipso si-

gnificat inseparabilem nexum prædicati & subjecti, seu immutabilem eorum ad se invicem dispositionem. At in datis axiomatis non est huiusmodi æternitas, ut paulò post patebit ex definitione axiomatis contingentis.

Canones de axioma necessario sunt:

1 *Axioma necessarium pendet vel à consensione argumentorum, vel à dissensione perpetuâ.*

Atque hoc est, quod modò diximus de axioma æterno; quod ita scilicet verum est, ut nunquam potuerit, vel possit aliter se habere.

2 *Necessarium axioma non tantum affirmatum est, sed etiam negatum.*

Εὐδελον ex antecedente.

3 *Axioma necessarium differt ab essentiali.*

Ratio 1. Q. necessarium etiam negatum est, essentialē non item. Nam negatio non est ullius rei essentialis. 2. Q. omne essentialē necessarium, sed non omne necessarium essentialē. *Scalig. exerc. 6. sect. 2.* Nam illa duntaxat axiomata sunt essentialia, quæ sunt necessaria secundo necessitatis gradu.

Axioma necessario verum quatenus affirmatum est, tres habet necessitatis gradus, κατὰ πᾶν, καθ' αὐτὸ, καὶ διὰ τὸ πρῶτον.

Vulgò vocantur leges axiomatice, item leges Ramæ. Posterior appellatio est inepta. Harum enim legum semina & initia sunt à Deo; quæ in mentibus hominum & naturâ ipsâ tanquam scintillæ emicuerunt; unde necessitate urgente, & utilitate suadente, sunt arreptæ & propagatæ. Appellationes earum apud Aristotelem extant, sed tantum ad demonstrationem adhibitæ: 1. *post. cap. 4.* Ramus eorum usum longè generaliore & eminentiore ostendit; quâ in re partim rectè, partim præposterè fecit. Rectè quidem: quia generaliore usum illarum esse docuit. Præposterè verò, dum nimis generalem illum usum fecit, & rigorem quendam Philosopho indignū invexit. Dum enim voluit omnia artium præcepta ad illas examinare, miserrimè artes mutilavit, tollendo scilicet ex iis contingentiam. Nos igitur

igitur sic statuamus. Tres illæ leges sunt plusquam aureæ, si examinanda sint axiomata, & necessaria à contingentibus discernenda; proinde & in artibus constituendis adhibendæ, sed ita, ut axiomata contingentia etiam juxta necessaria habeant locum. Nam disciplinæ sic debent res proponere, uti sunt. Sunt autem res vel necessaria, vel contingentes. Plura in hanc sententiam vide infra *libr. 7. cap. 2.* Cæterum quidam vocant *leges determinandi propositionem*. Sanè eleganter. Hæ enim leges determinant propositiones, vel secundum partes, ut *καὶ πᾶν*; vel secundum totum, ut reliquæ duæ; ut quoad ejus fieri potest, perfecta habeatur cognitio.

Lex *καὶ πᾶν* requirit, ut prædicatum sit verum de omni subiecto, omni loco, & omni tempore.

Græci dicunt *καὶ πᾶν ὑποκειµένον, ἔπ' αὐτὸ ἔχον*; ut, homo est animal. Ramo dicitur *lex veritatis*. Huic opponitur τὸ *καὶ µὴδὲν*, & *καὶ ποῦ*, quod verum est de nullo, ut homo est lapis; vel aliquo, ut homo est doctus.

Lex *καθ' αὐτὸ* requirit, ut prædicatum affirmetur de subiecto per se :

Hoc est, ut sit nexus essentialis, seu ut prædicatum subiecto sit essentialis, vel à priori, vel à posteriori. Est enim nexus essentialis, vel quando alterum est de essentiâ alterius, vel quando alterum ab alterius essentiâ pereimmiter quasi fluit. Tunc ergò axioma judicabis esse *καθ' αὐτὸ*, quando genus de specie, forma de formato, proprium de subiecto, adeoque definitio de definito dicitur: ut, homo est animal, homo est præditus animâ rationali, est animal risibile, est animal rationale. Vulgò quatuor dicendi modos per se constituunt, hoc modo: 1. cùm prædicatum constituit essentiam subiecti, vel in toto, ut homo est animal; vel ex parte, ut animal est homo, vel bestia. 2. cùm prædicatum sequitur essentiam subiecti; ut, corpus est quantum. 3. cùm existentia de subiecto dicitur: ut, Deus est. 4. cùm causa per se, propria, tum efficiens, tum finalis de effecto dicitur, vel contrâ; ut, Lunæ eclipsis fit per diametralē oppositionē Solis & terræ: Sacramenta nobis obfignant fœdus divinū. Huic legi opponitur τὸ *καὶ συμβέηκός*, quod verum est per accidēs: ut, Evangelium movet seditiones. Hæc *lex justitiæ* Ramo dicitur. Non

rectè. Nam lex iustitiæ est lex methodica, non axiomatica. Methodus enim de homogeneis præcipit.

Lex $\kappa\epsilon\iota\theta\acute{o}\lambda\alpha\ \sigma\pi\acute{\omega}\tau\omicron\nu$ est, quæ vult ut prædicatum cum subiecto reciprocetur, seu æquale sit cum ambitu, ut loquuntur.

Hoc fit si forma de formato, & proprium de subiecto, & definitio de definito prædicetur: ut, homo est animal rationale, & animal rationale est homo. Hic enim prædicatum in locum subiecti, & subiectum in locum prædicati transit. Ratio appellatur *Lex sapientiæ*; non rectè. Nam lex sapientiæ, quæ præcipit, ut generale generaliter, speciale specialiter doceatur, non axiomatica est, sed methodica.

Axioma verum contingens est, quod ita verum est, ut aliter se habere possit: *ideoq; parit opinionem.*

Hoc pendet à contingente terminorum vel consensione, vel disensione.

Axioma cō-
tingens.

Axioma contingens est vel per se, vel per accidens tale.

Axioma per se contingens est, in quo prædicatum verum est de subiecto per se, sed mutabiliter:

Ut, Vinum calefacit: Evangelium est odor vitæ ad vitam. Hæc per se vera sunt, ita tamen ut oppositum evenire possit. At necessarium $\kappa\epsilon\iota\theta' \alpha\iota\omega\tau\omicron$ sic est verum per se, ut impossibile sit ipsius oppositum evenire.

Axioma per accidens contingens est, in quo prædicatum verum est de subiecto, sed præter naturam vel intentionem ipsius.

Ut, Vinum frigefacit; Evangelium est odor mortis ad mortem; Christus quibusdam est causa damnationis. Hic nota illud Scholasticorum:

Enunciatum potest esse necessario verum in sensu composito seu conjuncto, quod tamen non est necessario verum in sensu diviso.

Exempli gratiâ: enunciatum hoc, Calidum non est frigidum, verum est necessario in sensu composito, quatenus nimirum calidum est calidum: at in sensu diviso non est necessario

cessariò verum; quia fieri potest, ut id, quod jam est calidum, alio tempore sit frigidum. De æqualiter, plerumque & rarò contingentibus tractat primus philosophus.

Axioma falsum est, in quo prædicatum cum subjecto disponitur contra naturalem rerum habitudinem.

Confer hanc definitionem cum modò dictis de axiomate vero.

Estq; vel necessariò, vel contingenter falsum.

Necessariò falsum est, quod ita falsum est, ut verum esse non possit.

Aliàs dicitur propositio impossibilis: ut, homo est lapis; pius damnatur. Hæc sunt necessariò falsa, quatenus spectantur in sensu composito. Est enim ἀπὸ τοῦ αὐτοῦ, ut homo sit homo & lapis sub formâ hominis, item ut pius quâ pius damnetur.

Contingenter falsum est, quod ita falsum est, ut certo respectu verum esse possit:

Ut, Christus est causa damnationis. Hoc enim est per se falsum, sed ita ut per accidens possit esse verum.

Cap. 4. Axioma simplex & compositum.

Tertiò axiomata sunt vel simplex, vel compositum.

Illud vulgò propositio categorica, hoc hypothetica dicitur.

Axioma simplex est, quod continetur vinculo verbi: *sive, in quo unum de uno prædicatur.* Axioma simplex.

Canones ejus duo sunt:

1. *Simplex axiomata est vel simplicissimum, vel non-simplicissimum.*

Simplicissimum est, quod in alia simpliciora resolvi nequit: ut, homo est. Hoc propriissimè est unum per se. Non-

simplicissimum est, quod in simpliciora resolutionē patitur; ut, Homo est animal. Simplex est hoc axioma, sed tamen resolvitur in hæc duo: homo est, animal est. Et quidem ex virtute axiomatis non-simplicissimi inferitur simplicissimum, si subjectum sit ens: ut, homo est animal. E. homo est. At si subjectū sit non-ens, non licet: ut non sequitur: chimæra est actu non-ens. E. chimæra est, vel, est actu. Hinc *Zabar. l. 2. de prim. mat. c. 3. cis finem ait*: cum enim de non-ente possit aliquid verē enunciari, non licet ex veritate enunciationis inferre ejus subjectum esse ens, quia potest esse non-ens.

2 Axiomate simplici quodlibet argumentum enunciari potest.

Hoc notetur contra Ramum, qui scribit, plenas comparationes & distributiones non posse enunciari axiomate simplici. Nam ex omni comparatorum, etiam plenorum genere confici potest axioma simplex, quemadmodum testantur hi syllogismi: Sicut se habet aurū ad ignem, ita fides amicorum ad res adversas. Sed igne exploratur aurum. E. rebus adversis exploratur fides amicorum. Item: Sicut se habet lex ad magistratum, ita magistratus ad subditos. Sed præesse debet magistratui lex. E. præesse debet subditis magistratus. Hi ceteri syllogismi sunt simplices; quanquā mutari possint facillimē in compositos. Deinde distributio est unum argumentum quod verbi vinculo conjungitur distributo, ut testantur hi syllogismi: Omne corpus animatum est planta, aut animal. Nullum metallum est planta aut animal. E. nullum metallū est corpus animatum. Item: Omne animal est homo aut bestia. Nulla stella est homo aut bestia. E. nulla stella est animal. Confer cum *l. 7. c. 4.* Sunt etiam, qui existimant, diversa non posse disponi axiomate simplici. Sed & hoc falsum est si considerentur illa simpliciter in se, sine respectu ad subjectū ali-quod tertium, cui alterum tribuatur, alterum adimatur. v.g. Quidam sapiens non est pius: quidam formosus non est facundus. Summa: axioma simplex est, in quo unum argumentum de themate suo prædicatur vi vinculi verbi substantivi. At hoc fit in comparationibus plenīs, distributionibus & diversis enunciandis. E. Objicis: at distributio est argumentum complexum. Resp. Sed complexio illa non est axiomatica, ut supra aliquoties dictum.

Axioma

Axioma compositum est, quod ex enunciatis simplicibus vinculo conjunctionis inter se colligatis constat.

Ejus canones sunt:

1 *Omne compositum in duo vel plura simplicia resolvi potest.*

Ratio est manifesta: quia omne compositum est resolubile in sua componentia. Si ergo dicas, Poëta & prodesse volunt, & delectare, potes hoc axioma compositum in duo simplicia resolvere.

Tradunt vulgò & hunc canonem hoc in loco:

In omni composito non tam necesse est negari conjunctionem, quàm necesse est negari predicatum.

Ratio: Quia axioma negatum est, quo aliquid esse negatur, seu quo consequens ab antecedente disjungitur. e. g. hæc axiomata composita sunt negata; Aut dies est, aut non est dies; homo fide, & non operibus justificatur; si infans destitutus est usu rationis, non est homo. In his enim exemplis, inquirunt, consequens dividitur ab antecedente per particulam *non*. Sed hæc sententia non potest consistere. Vide *lib. seq. cap. 7. de syllogismo connexo*. Consequens in exemplis allatis non dividitur ab antecedente, sed cum eo coniungitur, verbi gratiâ, sensus primi axiomatis est: Omne tempus ita se habet, ut ipso durante sit aut dies, aut nox.

2 *Axioma compositum judicatur verum vel falsum, necessarium vel contingens, æquè atque simplex, juxta normas capitibus superioribus traditas; non solum ex copulatione, connexione, discretione & disjunctione verâ vel falsâ, necessariâ vel contingente.*

Duplex igitur est modus examinandi compositum axioma quoad veritatem & falsitatem, necessitatem & contingentiam. Prior est principalis, posterior minus principalis. Hinc regula: Axiomatis compositi necessitas pendet ex necessariâ partium dispositione. Et hic modus est proprius axiomatis compositi. Hic canon dignus est, qui excutiat. Cum dicimus, axiomatis compositi veritatem & necessita-

tem æquæ atque simplicis, examinari juxta normas superioribus capitibus traditas, hic est sensus: Modus examinandi axioma est vel generalis, vel specialis. Generalis est, quilocum habet in axiome simplici, & composito: & traditus est capite superiori. Modus specialis, est proprius simplicis, & compositi. Simplicis: quod in eo veritas & necessitas pendeat ex habitudine terminorum inter se: ut, Deus est bonus, Socrates est doctus. Et hunc modum non intelleximus in canone, quasi in compositi axiomatis examine locum habere possit: sed priorem illum generalem. v. g. hæc propositio est necessaria: Si asinus habet alas, potest volare: quia dispositio partium est necessaria, cum tamen utriusque partis termini inter se dissentanei sint, ac proinde falsa enuntiata constituent. Compositi axiomatis veritas & necessitas pendet specialiter ex partium dispositione. Eamus per singulas illius species. Axioma copulatum judicatur esse verum, cum singulæ partes, quæ in eo copulantur, verè prædicantur de antecedente; vel cum de ipsis singulis verè prædicatur consequens. Falsum autem esse judicatur, cum vel una pars falsò prædicatur, vel cum de unâ parte falsò prædicatur. Sic connexivum judicatur esse verum, non cum vel antecedens, vel consequens illius verum est: sed cum consequens cum antecedente verè connectitur, tanquam effectum cum causâ; intelligendo has voces Logicè: quâ ratione præmissæ sunt causa conclusionis. Discretivum judicatur esse verum, cum & antecedens, & consequens ejus verum est. Sic disjunctivum, cum disjunctio est necessaria, & perfecta, ita ut nullum membrum possit addi.

4 *Compositum axioma vim à simplici aliquo sortitur.*

Ratio: quia simplex est causa materialis compositi. verbi gratiâ, hoc axioma; si asinus haberet pennas, volaret: esset infirmum, nisi hoc simplici firmaretur; quidquid habet pennas, volat.

Axioma simplex, est vel congregativum, vel segregativum.

Congregativum est, cujus partes conjunctione congregativâ disponuntur.

Estque

Estque copulatum, vel connexum.

Copulatum est, cujus conjunctio est copulativa: *Ut, Socrates fuit philosophus, & vir bonus.* Axioma copulatum.

Ejus canones sunt:

1 *Axiomatis copulati modi tres sunt: 1. ubi antecedens continet copulativam conjunctionem. 2. ubi consequens. 3. ubi & antecedens & consequens.*

Exemplum primi modi: Cæsar & Cato equitant. Secundi: Aristoteles ambulat & disputat. Terti: Aristoteles & Plato ambulant & disputant. Ad modum secundum quidam referunt axioma distributivum, quòd in eo unumquodque prædicatorum verè subjecto adjungatur. Sed hoc falsò dicitur. Nam in axiome distributivo de distributo enunciat distributio universaliter: at partes distributionis non item: ut, Omnis enunciatio est vera vel falsa, est enunciatum verum. Falsum autem est, si dicas: Omnis enunciatio est vera: vel, Omnis enunciatio est falsa. Alii tamen hoc referunt ad axioma disjunctum, quæ sententia nullo modo potest consistere, ut mox dicetur.

2 *Axioma copulatum verum est, quando omnes ejus partes verae sunt; falsum, non solum si ambae partes falsae sint, sed vel ob unam saltem partem falsam:*

Ut, verum est: Deus & misericors est, & simul justus. At falsum: Lapis & corpus animatum est, & propriè crescit. Item: Quidam homo est verè pius, & Deo non placet.

3 *Oppositio copulativa aestimatur ex negatione additâ conjunctioni:*

Ut, Et fide justificamur, & operibus, est falsum copulatum, cui sic contradices: Non & fide justificamur, & operibus.

4 *Copulati axiomatis vim habent comparativa & relativa.*

Ut, Qualis rex, talis grex; Non minor est virtus quàm quærere parta tueri; Ubi Deus, ibi alumna ejus patientia.

Axioma connexum est, cujus conjunctio est connexiva.

Ejus canones sunt:

1 *In connexivo omni consequens in antecedenti virtute constituitur.*

Itaque consequens antecedentis veritatem sequitur. Et si antecedens non sit, nec consequens erit. Huc pertinet illud tritum: *Conditionalis nihil parit in esse*, hoc est, nihil affirmat, nisi vi antecedentis.

2 *In conditionali seu connexo axioma, utraq, pars potest esse falsa:*

Ut, si asinus volar, habet pennas. Nihilominus tamen connexio est vera. Itaque hujus axiomatis veritas & falsitas non pendet ex partium veritate & falsitate, sed ex partium inter se connexionem. Si verum est hoc enunciatum, Si Deus est author peccati, non est summè bonus. At hoc falsum: Si Deus est omnipotens, potest mentiri. Nulla enim est connexio.

3 *Axioma connexum parit vel scientiam, vel opinionem.*

Scientiam, quando est necessaria connexio: ut, si homo est, naturâ Logicus est; si homo est asinus, est quadrupes. Opinionem, cum connexio est contingens: ut, si me amas, dabis mihi hunc librum.

4 *Hoc axioma omnia argumenta disponi possunt, exceptis diversis.*

Ratio: Quia diversa leviter consentiunt, & leviter dissentiunt. Connexio autem requirit vel summam consensionem, vel summam disensionem. Vide cap. de diversis in libr. 2.

Axioma segregativum est, cujus conjunctio est segregativa.

Estque vel discretum, vel disjunctum.

Discretum est, cujus conjunctio est discretiva.

Ejus canones sunt:

1 *Axioma*

1 *Axioma discretum, duo argumentorum genera enunciat, consentanea & diversa.*

Consentanea: ut, Quanquam formosa est, tamen est pudica. Quomodo hæc dicantur consentanea, vide supra lib. 2. cap. de diversis. *Diversa:* ut, Quanquam Ulysses non est formosus; tamen est facundus. Falsum ergo est, quod opposita axiomate discretivo enuncientur. Magnum enim vitium est, si opposita enuncientur per conjunctionem discretivam. Nec minus est magnum, si ea, quæ perpetuæ sunt consensionis, hic discernantur. Omnis enim propriè dicta discretio est eorum argumentorum, quæ ita consentiunt, ut etiam dissentire; vel ita dissentiunt, ut etiam consentire possint. Hic velim te observare, conjunctionem SED in axiomate discretivo non esse adversativam, sed discretivam, quia non opponitur adverbio negandi NON, sed conjunctioni discretivæ QUIDEM: ut, Æsopus fuit ille quidem ingeniosus, sed fuit deformis, vel, Æsopus non fuit ille quidem formosus, sed tamen fuit ingeniosus: Deus quidem misericors est, sed tamen etiam justus est.

2 *Vera discretio est, si omnes illius partes veræ sint & discretæ; falsa, si omnes, aut saltem aliqua sit falsa.*

Ut, verum est: Quanquam Deus est misericors, tamen etiam est justus. Falsum: bestia quidem non est homo, sed tamen rationalis: Licet Judas fuerit incredulus, tamen non damnatur.

3 *Per discretum non ridiculum eleganter contradicitur falso connexo.*

Ut, Si Deus permittit peccatum, est author peccati. Sic contradices: Et si Deus permittit peccatum, tamen non est author peccati.

Axioma disjunctum est, cujus conjunctio est Axioma
disjunctum.

Ejus canones sunt:

1 *Disjunctum omne est verum, cum ejus una pars vera.*

Suprà diximus, omnis axiomatis compositi firmitudinem & efficaciam pendere ab uno aliquo simplici. Itaque

falsum est disjunctum axioma, non solum cum omnes partes disjunctionis sunt falsæ, sed etiam cum omnes sunt veræ. Ideo tria requiruntur, ut verum extruas disjunctum. 1. ut partes omnes inter se dissintiant. 2. ut una pars cum subjecto consentiat, & de eo affirmetur. 3. ut reliqua, vel reliquæ à subjecto dissintiant. Itaque ineptum & ridiculi plenum fuerit, extruere disjunctionem ex necessario connexis: ut, Socrates aut est homo, aut rationis particeps. Vera igitur sunt hæc disjuncta: Homo aut est rationalis, aut irrationalis: Socrates aut est bonus, aut non bonus. Falsæ; Equus aut animal est, aut bestia; Socrates aut homo est, aut corpus naturale; Sol aut sanus est, aut ægrotus; Lapis aut cæcus est, aut videns.

2 Disjunctivum accipit robur & vim à distributivo:

Ut, Binarius numerus aut est par, aut impar, disjunctivum est; quia omnis numerus aut est par, aut impar; quod distributivum est. Hinc patet, distributivum esse axioma simplex; quia supra diximus, compositum axioma accipere vim suam à simplici aliquo. Itaque qui distributivum axioma ad disjunctivum referunt, præclare ineptiunt. Rationes discriminis hæc sunt: 1. Disjunctionis una pars duntaxat vera est, distributionis autem omnes; ideoque in axiomatice dispositione stant pro uno argumento. 2. In distributivo subjectum non est nisi unum: ut, animal est rationale, vel irrationale. At in disjunctivo subjectum non necessario est unum, sed sæpe etiam multiplex. In hoc enim conveniunt copulatum & disjunctum, quod & subiecta & prædicata admittunt indeterminata & multiplicia. Quod verò hinc quidam colligunt, distributivum axioma esse referendum ad copulatum, eò quod habeat prædicatum multiplex, jam supra diluimus. Paucis nos expediamus: Axioma simplex continetur vinculo verbi, & unum argumentum de uno enunciat; compositum contra. At distributivum continetur vinculo verbi, ut cum dico, Animal est vel rationale, vel irrationale, conjunctio vel non copulat hoc loco, sed non est. Deinde unum de uno dicitur; quia non rationale & irrationale constituunt unum prædica-

prædicatum. Nam in doctrinâ axiomaticâ non seorsim spectantur hæ partes, sed conjunctim, seu in complexione meristica. Objicis: Axioma distributivum in duo resolvitur. Ergo est compositum. Respon. Tum expirat relatio illa, videlicet quod sit distributivum, & consideratur ut copulativum. Itaque nos impugnamus hanc sententiam, quod distributivum, quâ tale, possit esse copulativum. Alioqui non negamus, quoddam axioma simplex posse considerari ut compositum. exempli gratiâ, retineamus illud, Animal est homo, vel bestia. Si hîc distributio tanquam unicum argumentum enunciatur de distributo, est axioma simplex: at si distributionis partes exponantur, ut factum est à Dn. Piscatore, in tabellâ adjectâ, erit axioma copulatum.

Hæc de axiome simplici, & composito secundum species ipsorum; quas inter se si compares, perfectissima erit simplex in formâ & materiâ; perfectione sequetur copulativa; mox connexiva; dehinc discretiva; ad extremum disjunctiva; quem ordinem & nos secuti sumus.

Placet hîc inferere tabellam de axiomatis distributione, quam Clarissimus vir, Dominus Johannes Piscator, senex venerandus, nobiscum communicavit; qui distributionem relativi axiomatis majori ex parte mutuatus est ex Logicâ Rami illustratâ à Gossuino Wallerleidero.



*Categoricum, quod
vinculo xei bi
substantivi co-
tinetur*

Simplex, quod unicam sententiam continet: ut, Deus est iustus.

*Compositum, quod
plures senten-
tias continet*

*Copula-
tivum*

Implicite

Expresse: ut, Saccharum est dulce & album.

*Comparativum: ut, Sicut aurum probatur igne, sic fides
rebus adversis. Id est, Aurum probatur igne, & simili-
ter fides rebus adversis.*

Temporis: ut, Postquam advenit quod perfectum est,

tunc quod ex parte est, abolebitur. 1. Cor. 13. v. 10.

Locis: ut, Ubi non est consilium, ibi perit populus. Prov. 11.

v. 14. Ubi est cadaver, ibi congregantur aquilæ. Mat.

thæ 24. v. 28.

*Causæ: ut, Quoniam fecisti istud, maledictus eris &c. Ge-
nes. 3. v. 14. Quia auscultasti voci uxoris tuæ &c. ma-*

ledicta erit terra &c. Gen. 3. v. 17.

*Discretivum: ut, Ulysses fuit quidem facundus, sed non fuit formo-
sus. Id est, Ulysses fuit & formosus, & non facundus.*

Distributivum: ut, Animal est aut rationale, aut irrationale. Id est,

Animalium quoddam est rationale, & quoddam irrationale.

*Preceptivum: ut, Quamquam Deus est misericors, tamen punit pecca-
tores. Id est, Deus est misericors, & nihilominus punit peccatores.*

Disjunctivum: ut, Homo est aut rationalis, aut irrationalis.

Hypotheticum: seu connexivum, quod vinculo conjunctionis connexivæ continetur: ut, si Deus est iustus, punit peccata.

Cap. 5. Species formales axiomatis minùs principales.

Sequuntur axiomatis species formales minùs principales, videlicet quòd axioma sit purum, vel modificatum; synonymicum, vel paronymicum; identicum, vel non-identicum; naturale, vel non-naturale.

Axioma purum est, in quo copula componit prædicatum cum subjecto absq; ullo horum modorum substantialiù, nempe necesse, contingens, possibile, impossibile. *Dicitur etiam axioma absolutum, item propositio de inesse.*

Modi sunt varii, ut docet Petrus Hispanus. Est alius nominalis, qui fit per adjectivum, ut homo niger, albus; alius adverbialis, qui fit per adverbium, quod est adjectivum verbi, ut est apud Priscianum. Adverbialis alius determinat verbum gratiâ compositionis, ut isti sex: necessariò, contingenter, possibiliter, impossibiliter, verò, & falsò: alius determinat verbum gratiâ verbi; ut, fortiter agit, currit velociter; alius determinat gratiâ temporis; ut hodiè, cras; alius ratione modi, ut adverbia optandi, hortandi. Sed à Logicis duntaxat considerantur illi, qui determinant compositionem, scilicet axiomatis. Hispanus numerat sex hujusmodi modos, sed recentiores Logici quatuor, quos in definitione recensuimus, enumerant. Exemplum axiomatis puri est: quidam homo est probus, vel, quidam homo moritur.

Axioma modificatum est, quod unum habet è quatuor solennioribus modis: *aliàs dicitur propositio modalis, & axioma determinatum.*

Estq; vel compositum, vel divisum.

Axioma modificatum compositum est, quando modus habet locum prædicati:

Sive in communi sermone locetur in principio, sive in fine: ut, hominem esse animal, necesse est; figulum fieri regem, est contingens; cœlo sereno tonare, est possibile; electos ad vitam æternam perire, est impossibile: necesse est Deum odisse peccatum.

Axioma modificatum divisum est, in quo modus interponitur inter subjectum & prædicatum:

Ut, Electos ad vitam æternam est necesse servari; hoc est, Electi ad vitam æternam ita se habent, ut necesse sit eos servari; ludimagistrum contingens est fieri principem; hoc est, ludimagister ita se habet, ut contingat eum fieri principem; persecutorem Christianorum possibile est converti ad fidem Christianam; animam hominis impossibile est interire. Posterior modificatio est propriè dicta & magis modificatio, quàm prima. Nam ibi modus propriè determinat compositionem prædicati cum subjecto, ut intelligatur, quàm arctè cohæreant: ut, Homo necessariò est animal, hic significatur, quòd compositio animalis cum homine sit necessaria, ut ait modò laudatus Hispanus.

Axioma synonymicum est, in quo prædicatum dicitur de subjecto *συνώνυμος*, univocè:

Ut, Homo est animal; Socrates est homo; justitia est virtus.

Axioma paronymicum est, in quo prædicatum de subjecto dicitur *παρωνύμιος*, denominativè:

Ut, Homo est rationalis, Socrates est prudens, nix est alba, Petrus est armatus.

Axioma identicum est, in quo idem de seipso prædicatur.

Estq; vel nugax, vel intensivum.

Nugax est, in quo simpliciter idem de eodem prædicatur;

Cujusmodi est, quod voce & significatione est idem: ut, ens est ens, proditor est proditor, scapha est scapha.

Intensivum est, in quo secundùm quid idem de eodem prædicatur;

Cujus-

Cujusmodi est, quod vel voce est diversum, significatione idem: ut cùm definitio dicitur de definito, homo est animal rationale; vel voce idem, & significatione diversum: ut, homo est homo, hoc est, errori obnoxius, mutabilis, fragilis; mundus est mundus, hoc est, fallax, mendax, tumultuosus; simia est simia, etiamsi gestet aurea insignia; asinus est & manet asinus, etiamsi aureas gestet clitellas; consul ille est consul &c.

Non-identicum est, cùm subjectum & prædicatum diversis vocibus diversas res significantibus efferuntur:

Ut, Homo est mortalis; homo est homo per animam rationalem.

Axioma naturale est, in quo prædicatum cum subjecto disponitur secundum naturalem rerum ordinem.

Aliis dicitur *propositio ordinata & directa*: ut, homo est animal, Socrâtes est doctus.

Axioma non-naturale est, in quo prædicatum cum subjecto disponitur contra naturalem rerum ordinem. Dicitur *aliâs* propositio inordinata, indirecta, præter & contra naturam: ut, *quoddam animal est homo; omne risibile est homo.*

Sic autem rectificabis axioma non-naturale. Illud est verum & naturale subjectum, quod extra propositionem in ipsâ rerum naturâ subjicitur; & id est verum ac naturale prædicatum, quod in ipsâ rerum naturâ alteri inest. Si ergo dicam, Quidam homo est Petrus; nihil fecisse benignè est; & ex *Johan. i.* Deus erat Sermo; juxta traditionem observationem sic rectificabis ista axiomata non-naturalia; Petrus est homo; benignè facere

est nihil; Sermo erat

DEUS.

Cap. 6. Axioma commune & proprium.

Vidimus species axiomatis formales: nunc videbimus materiales, quæ sumuntur ex illius materiâ.

Hæ sumuntur ex materiâ axiomatis partim reali, partim verbali.

Ex materiâ reali axioma est commune, vel proprium, finitum vel infinitum, absolutum vel determinatum, purum vel mixtum, perspicuum vel obscurum.

Axioma commune est, cujus subjectum est universale.

Estq; definitum, vel indefinitum.

Definitum est, quod signum universalitatis habet subjecto expressè additum.

Ejus canones sunt:

1 *Et si signum quantitatis non apponitur nisi subiecto, tamen vim suam spargit per totum axioma.*

Significat enim subjectum, ut subjacens illi prædicato. Ideò particula negans præposita signo facit axioma negatum. Quòd si voces illæ Syncategorematicæ, quæ vocantur à Logicis signa, adjiciantur prædicato, ut in illis exemplis: Deus vult omnes homines salvos fieri; Deus vult quosdam damnare; non vicem signorum obeunt, sed tantum faciunt ad determinationem prædicati, ut in illo primo exemplo: Deus vult omnes homines salvos fieri, scilicet omnes eos, quos salvat, ut Augustinus interpretatur: vel, ut alii, Deus vult omnis generis salvos fieri.

2 *Signum est vel affirmans, vel negans.*

Exempla jam jam adferemus.

Axioma definitum est vel universale, vel particulare.

Hæc

Hæc distributio competit axiomati definito principaliter; at indefinito, quatenus reducitur ad definitum.

Universale est, in quo prædicatum universaliter dicitur de subiecto universali: ut, *omnis homo est animal*. Axioma universale.

Aliis dicitur *generale*. Petrus Ramus hanc divisionem ad axioma simplex restrinxit. Sed quo id jure, nullus dum video.

Ejus canones sunt:

1 *Signa universalis sunt affirmantia, vel negantia.*

Affirmantia sunt; omnis, nemo non, nullus non, quicumque, universi: quotquot, unusquisque, semper, ubique, cunctus. *Negantia* sunt; nullus, nemo, non ullus, ne unus quidem, nihil, nequicquam, nunquam, nusquam, nullatenus &c. Adverbia, nunquam, nusquam, semper, ubique, etiam faciunt axioma universale: ut, Nusquam tuta fides.

2 *Signum OMNIS subiecto præfixum facit axioma universale, sed non uno modo.*

Nam illa vox sumitur vel distributive, vel collective. Vox Omnis variè sumitur.
Distributive, cum significat subiectum in sua inferiora distribui posse. Et sic est nota distributiva vel in singula generum, vel in genera singulorum. *Distributiva in singula generum est*, quæ significat prædicatum distribui in singula individua subiecto contenta. *Estq; vel absoluta*, cum res distribuitur simpliciter sine ullâ restrictione: ut, omnis homo est animal: *vel limitata*, cum restrictio subintelligitur: ut, omne animal erat in arcâ Noë, scilicet omnis generis animalia quæ extra aquas degere poterant. Sic *Johan. 1.* Omnia per eum facta sunt, scilicet ea, quæ facta sunt, non autem increata. Sic *1. Corinth. 15.* omnia subiecta sunt pedibus ejus; ubi Apostolus addit restrictionem, præter eum, inquit, qui subjecit. Sic *Roman. 5.* Per unam justitiam gratia redundavit in omnes homines, scilicet qui iustificantur. *Johan. 3.* Sic DEUS dilexit mundum, ut Filium suum unigenitum daret, ut omnis qui credit in eum, non pereat. Hic ipsa Scriptura determinat universalitatem. Hæc eadem nota est *distributiva in genera singu-*

lorum, cùm prædicatum non in singula individua, sed in individuorum certos ordines & status distribuitur: ut, Christus curavit omnem morbum, hoc est, omnis generis morbos. Sic quidam explicant illud, quod antè paulò aliter explicavimus: Deus vult omnes homines salvos fieri, hoc est, omnis generis, sive non singula generum, sed genera singulorum. Denique vocula *omnis* sumitur *collectivè*, cùm subiectum in inferiora distribui non potest: ut, omnes planetæ sunt septem; omnes Apostoli fuerunt duodecim.

Axioma
particulare.

Axioma particulare est, in quo subiectum universale particulariter sumitur:

Ut, quidam pauperes sunt beati. Si mavis, sic defini; axiomam particulare est, in quo generale sumitur particulariter.

Ejus canones sunt:

1 *Subiectum axiomatis particularis est universale, sed signū particularitatis illud particulariter sumi significat.*

Nihil enim impedit, quò minùs de re universali possit aliquid prædicari non universaliter: ut, quoddam animal est creatum ad imaginem Dei.

2 *Signa particularitatis sunt affirmata, vel negata.*

Affirmata: ut, aliquis, quidam, nonnulli, plerique, interdum, plerumque, sæpe, ferè. Negata: ut, non omnis, non quilibet, non semper &c.

3 *Axioma particulare non potest fieri universale, licet possit exponi per universale.*

Multi statuunt axiomam particulare fieri expositione universale: ut, si dicas, quoddam animal intelligit, & subiectum ejus exponas per hominem. Sed sententia hæc absurda est. Nam particulare, quâ particulare, nunquam est universale, licet possit exponi per universale. Sic & universale axiomam potest exponi per particulare: ut, omne animal præter hominem est irrationale: nec tamen fit particulare.

Axioma indefinitum est, cujus subiectum signo caret.

Signo, inquam, universalitatis, vel particularitatis: ut, homo est mortalis, heroum filii noxæ.

Canones

Canones ejus duo sunt:

1 ~~Quod indefinite dicitur, non necesse est singulis convenire nisi in materia necessaria:~~

Ut, Cretenses sunt mendaces; architecti rejecerunt lapidem angularem Christum. At necessaria sunt hæc: Animal sentit: Homo est animal &c.

2 Si signum non sit appositum subjecto, sed determinet aliquam vocem predicati, non est axioma indefinitum.

Ut, Deus vult omnes homines salvos fieri.

Axioma proprium est, cujus subjectum est singulare: unde & propositio singularis dicitur. Axioma proprium.

Ejus canon est:

Pronomina, ego, tu, hic, is, quis, qui, ille, ipse, meus, tuus &c. quodvis nomen proprium, & periphrasis rei singularis sunt signa singularis axiomatis.

Exempli gratiâ: Hic homo disputat; Pompejus vicit Cæsarem; & Cæsar vicit Pompejum; Everfor ille Carthaginis deflevit excidium ejusdem. Nomen itaque *Deus*, cum propriè sine tropo sumitur, etiam constituit axioma singulare. Nam Deus est individuû, non species, non genus. At quando de sole, lunâ, terrâ, & id genus aliis corporibus naturalibus quædam dicuntur, non sunt axiomata singularia. Ratio: quia hæc talia corpora non sunt individua, sed species infimæ, quæ actu habent unicum duntaxat individuum, ut lib. 2. de genere & specie docuimus. Contrarium statuas per melicer.

Cap. 7. Axioma finitum & infinitum.

Sequitur axioma finitum & infinitum.

Axioma finitum est, quod constat terminis finitis:

Ut, omnes electi salvantur, homo est justus, fides justificat.

Axioma finitum & infinitum.

Infinitū est, quod constat ex terminis infinitis:
 Ut, Non populus Dei factus est populus Dei; populus Dei factus est non populus Dei; non moveri est quiescere; quiescere est non-moveri; corpus non-quantum, est non-corpus. Hæc axiomata sunt affirmata: negata ista; homo non est non-homo; Deus non est non-justus; homo non potest non-mori. Neq; verò hæc doctrina de axioma infinito est inutilis. Facit enim ad discernendum axiomata infinita à negativis: ut, hæc propositiones, Deus potuit non creare mundum: Deus potest ad tempus non punire malos, sunt affirmantes & veræ, sed istæ negantes & falsæ; Deus non potuit creare mundum, Deus non potest punire malos. Utilitatem hujus doctrinæ vide libro 7. cap. 4. circa finem.

Cap. 8. Axioma absolutum & determinatum.

Axioma absolutum & determinatum.

Sequitur axioma absolutum & determinatum.
Axioma absolutum est, quod est expers omnīs determinationis à signo non ortæ:

Ut, Omnis homo est animal, justitia est virtus.

Determinatum est, quod habet determinationem à signo non ortam.

Determinatio axiomatis est duplex; alia orta à signo, alia non orta à signo. A signo orta: ut, Deus piis remittit omnia peccata. Hic enim signum, vox *omnia*, determinat prædicatum. At reliquæ determinationes non oriuntur à signo, de quibus nunc dicemus.

Axioma determinatum est exclusivum, exceptivum & restrictivum.

Has propositiones Scholastici vocant *exponibiles*: quia videlicet obscuræ sunt, ideoq; egent expositione.

Axioma exclusivum.

Axioma exclusivum est, quod constat aliquo syncategoremate exclusivo:

Cujusmodi sunt, solus, unus, solūm, tantūm, duntaxat, unicè, præcisè.

Estque

Estque exclusivum vel subjecti, vel prædicati.

Exclusivum subjecti est, cuius subjecto particula exclusiva est addita ad excludenda quævis alia:

Ut, Sola pietas hominem commendat Deo: Tantum Deus est increatus: Solus sapiens est dives.

Hujus canon est:

Particula exclusiva subjecti non excludit concomitantia, sed adversa:

Ut cum dico, Solus Pater est Deus, non excludo Filium & Spiritum S. sed tantum idola & falsos deos vero Deo oppositos. Sic cum dico, Tantum homo utitur ratione, non excludo infantem, sed tantum ea, quæ non sunt homo. Sic cum dico, Sola fides justificat, non excludo Deum.

Exclusivum prædicati est, cuius prædicato est addita particula exclusiva:

Ut, Reprobi agunt tantum male; dæmones credunt tantum historicè; Carthusiani tantum edunt pisces.

Axioma exceptivum est, quod constat aliquo syncategoremate exceptivo: Axioma exceptivum.

Cujusmodi sunt, præter, præterquam, nisi, nemo nisi &c.

Estque exceptivum subjecti, vel prædicati.

Exceptivum subjecti est, cuius subjecto addita est exceptio:

Ut, Omnia sunt Christo subjecta, excepto eo, qui subicit ei omnia; omne animal præter hominem est rationis expertus; nullus populus, excepto Christiano, ritè Deum colit: nemo est Christianus, nisi qui ad finem usque perseveraverit.

Exceptivum prædicati est, cuius prædicato addita est exceptio:

Ut, Deus creavit omnia præter se: Cælum tegit omnia præter se.

Axioma restrictivum est, quod habet additam particulam restrictivam seu limitantem: Axioma restrictivum.

Cujusmodi sunt, quatenus, quâ, in quantû, hoc respectu, secundum illud &c. Aliàs dicitur propositio reduplicativa.

Ejus canones sunt:

1 Limitatio sit comparata ad docendum.

Limitatio nihil est aliud, quàm distinctio & determinatio ejus, secundum quod prædicatû convenit subjecto, vel non convenit. Itaq; sic erit comparata, ut rem non involvat, non obscurer. Hâc in parte hodie peccatur à multis, qui comminiscuntur distinctiunculas pro lubitu.

2 Limitatio generalis concipi debet maximam partem terminis Metaphysicis.

Hujusmodi limitationes sunt; per se vel per accidens; absolute vel respectivè; eminenter vel formaliter; actu primo vel secundo &c.

3 Limitatio specialis concipi debet terminis ad quamq; rem propriè pertinentibus.

Et hæc est, vel simplex, vel composita. *Simplex* est, cum res limitatur per seipsam; dicitur Scholasticis *specificativa*: ut, animal, quatenus animal, sentit; ens, in quantum ens, est subjectum Metaphysices. Aliis dicitur *uniformis*. *Limitatio composita* est, quæ rem limitat per aliquid diversum à subjecto. Dicitur etiam *biformis*. Estq; vel *generica*, vel *partialis*, quæ & Synecdochica dicitur; vel *accidentalis*; cum nimirum res limitatur vel per suum genus; ut, homo, quâ corpus, videtur; vel per partem aliquam; ut, homo, quoad animam, est immortalis; vel per accidens aliquod; ut, ignis, quâ calidus, non quâ ficans, urit; vinum, quatenus moderatè sumitur, conducit ad valetudinem; Christus, quâ homo, est minor Patre; homo aliquis est magnus & parvus, pater & filius, diverso respectu. Quoties igitur occurrit limitatio, & cupis videre an proba sit nec ne; examina illam juxta hanc doctrinam. Si est bona; est vel generalis, vel specialis. Si specialis; est vel simplex, vel composita. Si composita; est vel generica, vel partialis, vel accidentalis. Aliæ limitationes non dantur præter has; vel si dantur, aut ad illas revocari possunt, aut inanes sunt.

*Cap. 9. Axioma purum &
mixtum.*

PEnultimo loco axiomata ex materia reali dividuntur in purum & mixtum.

Axioma
purum &
mixtum.

Axioma purum est, quod constat ex terminis unius disciplinæ.

Aliis dicitur *homogeneum*: ut, homo est animal; nullum metallum, est corpus animatum; Christus est Messias.

Axioma mixtum est, quod constat ex terminis diversarum disciplinarum:

Ut, omnis homo est ens; quidam homo est civis; Deus est numero unus.

Canon hujus loci est unicus:

In dijudicando, vel etiam rectè informando, axiomate, suscipiatur prima cogitatio, ad quam disciplinam pertineant ipsius termini.

Hic canon facit contra illos, qui existimant, distributionem axiomatis in purum & mixtum nullius esse usus. Imò verò non solum est alicujus usus, sed usus primarij. Si enim de quolibet themate judicandum est è propria sede; certè de partibus axiomatis idem statuendum fuerit. Vide *cap. 12. libr. 1.* hujus institutionis Logicæ. Solent quidam axioma purum dividere in proto-noëmaticum & deuteronoëmaticum. Illud alii vocant reale, hoc notionale. Illud dicunt, in quo sunt meri termini notionis primæ: ut, Plato est doctus, Deus est justus: hoc in quo sunt meri termini notionis secundæ: ut, genus est totum, species est pars generis. Sed Keckermannus notionale & deuteronoëmaticum vocat, in quo notio secunda de primâ prædicatur: ut, homo est species, animal est genus.

Cap. 10. *Axioma perspicuum & obscurum.*

Axioma
perspicuum
& obscurū.

Ultimo loco axioma è materiâ suâ reali est perspicuum, vel obscurum.

Hæc axiomatis divisio est materialis, & quidem sumta ex materiâ reali axiomatis. Nam de perspicuitate & obscuritate, quæ est in simplicibus vocibus, diximus *lib. 7.* At hîc agitur de perspicuitate & obscuritate, quatenus est in totâ ratione.

Axioma perspicuum est, quod sensum habet planum: *ideog₃ nullius interpretationis est indigum.*

Talia sunt prima principia, iisque proximæ conclusiones, item dicta quotidiano usu frequentata: ut, Bis duo sunt quatuor, totum est majus suâ parte, rotunda sunt capaciora quadratis.

Axioma obscurum est, quod sensum habet involutum: *ideog₃ interpretationis indigum est.*

Ejus canones sunt:

1 *Distinguere oportet inter τὰ ὁρατά, & τὰ νοερά, hoc est, scibilia & credibilia.*

Nisi hoc fiat, multa axiomata tractantia de rebus naturalibus, obscura nimium videbuntur. Πρῶτα examinentur ad normas Logicas, servatâ differentiâ inter res divinas & humanas.

2 *Propositio obscura reducatur ad certam disciplinam.*

Nam de unaquâque re judicare oportet è principiis disciplinæ illius, in quâ res ista continetur.

3 *Expositio optima suppeditatur à scopo.*

Intellige scopum primarium.

4 *Natura rei, de quâ agitur, suppeditat optimam expositionem.*

Nam modus prædicandi sequitur modum essendi.

5 Si axioma sit in contextu, series contextus perpendatur, & collatio instituaturs cum locis partim similibus, iisq; clarioribus, partim dissimilibus.

Cap. II. Divisio axiomatis è materiâ verbali.

Consideravimus species axiomatis, quæ sumuntur ex materiâ ipsius reali: nunc breviter consideremus illas, quæ sumuntur ex materiâ verbali.

Ex materia verbali axioma est proprium vel improprium, certum vel ambiguum.

Axioma proprium est, quod ornatus Rhetorici expers est:

Ut, Homo ridet, Deus est omnipotens.

Axioma improprium est, quod Rhetoricè est ornatum.

Estque vel tropicum, vel figuratum.

Tropicum est, quod constat ex vocabulis, vel merè, vel ex parte tropicis:

Ut, Herodes est vulpes, Christus est vitis. Meri tropi sunt in hoc axioma: Athenæ Patavinæ florent.

Figuratum est, quod figurâ aliquâ exornatum est:

Ut, Dum homo agnoscit, Deus ignoscit.

De utroque sunt canones:

1 Omne axioma proprium potest converti in improprium, & contrâ.

Hic non ex professo docendum est de tropo & figurâ: sed obiter attingenda est hæc axiomatis divisio.

2 Nullum axioma improprium rectè potest secun-

dum veritatem & falsitatem dijudicari, nisi mutetur in proprium.

Ratio: quia sermo proprius est prior improprio. Quod autem prius est aliquo, id mensura est.

Cap. 12. Expositio axiomatica.

Vidimus species axiomatis: nunc videamus communes affectiones, quæ naturam axiomatis consequuntur.

Illarum aliæ conveniunt axiomati per se & seorsum considerato, aliæ illi cum aliis axiomatis collato conveniunt.

Affectiones axiomati seorsum cōsiderato convenientes sunt expositio, & crypsis axiomatica.

Expositio axiomatica est, quo axioma secundum terminos suos declaratur.

**Examen
vulgare a-
xiomatis.**

Vulgò in examine cujusque propositionis tria quærent, videlicet *qua, qualis, quanta*. Particula *qua* de his tribus in primis quærit, simplexne sit an composita, naturalis an contra naturam, propria an figurata. *Qualis* de qualitate. Est autem qualitas propositionum, quod vel affirmet vel negent. *Quanta* de quantitate. Quantitas consistit in signis, ex quibus propositio dividitur in communem, particularem & singularem. e. g. *Verbum erat Deus*. Quæ, qualis, quanta, hæc propositio? Est enunciatio simplex, naturalis, propria, affirmans, singularis. *Deus est homo*, quæ, qualis, quanta? Simplex, naturalis, propria, affirmans, singularis. *Crell. in isag. Logic.* Sed hoc loco per expositionem axiomaticam non intelligimus illam quærendi formulam, sed cujusque axiomatis declarationem quoad terminos, ut è sequentibus patebit. Per terminos intellige partes axiomatis, subjectum & prædicatum.

Expositio axiomatica est terminorum vel acceptio, vel appellatio.

Acceptio

Acceptio terminorum est determinatio significationis, quam vox aliqua in axioma sustinet.

Acceptio terminorū in axioma-
te.

Scholasticis dicitur *suppositio*, & *supponere* idem ipsis est, quod accipi. v. g. cū dicitur, *Homo disputat*, ajunt in hoc axioma hominem supponere pro individuo, hoc est, accipi pro individuo. Si quis dicat, *Homo est mortalis*, dicunt vocem *homo* accipi pro vivo, non pecto, vel mortuo.

Acceptio terminorum est, vel materialis, vel formalis.

Acceptio materialis est, quā terminus in axioma accipitur pro literis & syllabis, è quibus constat, tanquam ex materiā: *aliās dicitur* acceptio seu suppositio technica.

Hujus canon est:

Subiectum axiomatis, de quo predicatur aliqua notio secunda, accipitur materialiter.

Alii sic efferunt: Quando prædicatū est terminus Grammaticus, Rhetoricus, vel Logicus, subiectum accipitur materialiter: ut, *Animal est nomen*; homo est nominativi casus; homo constat corpore & animā, est axioma simplex. In postremo hoc exemplo tota ista oratio, *homo constat corpore & animā*, accipitur *τεχνικῶς* pro subiecto.

Acceptio formalis est, quā terminus in axioma accipitur pro re significatā.

Dicitur formalis, quia attenditur forma vocis, nimirum ipsa significatio. Scholasticis dicitur *suppositio significativa*, item *personalis*, & *pro re ipsa*.

Acceptio formalis est propria, tropica, vel abusiva.

Acceptio propria est, quā vox in nativā significatione accipitur: ut, *Agnus est animal*, *turtur est avis*.

Estque naturalis, vel accidentaria.

Acceptio naturalis est, quā terminus in axio-

mate accipitur sine temporis certi respectu.

Aliàs dicitur *acceptio essentialis*, & *doctrinalis*. Essentialis quidem; quia termini in hujusmodi axiomatibus significant vel partes essentiae, vel propria essentiam immediate consequentia. Doctrinalis verò; quia in docendis disciplinis maxime locum habet.

Ejus canon est:

Subjecta & predicata accipiuntur naturaliter in axiomatibus, quae sunt sempiterna veritatis.

Exempli gratiâ: Homo est animal; homo est capax disciplinae; Deus est iustus &c. sunt axiomata quovis tempore vera; Ideò subjecta & predicata dicuntur accipi naturaliter. Dicunt vulgò, in istis axiomatis copulam absolvi à tempore, hoc est, nullam temporis differentiam importare, neque praesens, neque praeteritum, neque futurum.

Acceptio accidentaria est, quâ terminus in axiomate accipitur cum certi temporis respectu.

Hoc fit in axiomatibus, quae non sunt perpetuae veritatis: ut, Corpus Christi est gloriosum. Hic praedicatum accipitur accidentaliter, quia in statu exinanitionis corpus Christi non erat gloriosum.

Estque vel singularis, vel communis.

Acceptio singularis est, quâ terminus axiomatis accipitur individualiter.

Scholasticis dicitur *suppositio discreta*: ut, Christus est servator mundi; Deus loquitur; homo currit; Philosophi sententia est, Vitae additur quod somno inerti detrahis. In his axiomatibus subjecta accipiuntur singulariter seu discrete, hoc est, de certis individuis.

Acceptio communis est, qua terminus axiomatis sumitur pro re communi.

Estque determinata, vel confusa.

Acceptio determinata est, qua terminus accipitur pro re distincta:

Ut, Vir-

Ut, Virtutis alicujus est suum cuique tribuere. Hic subjectum accipitur pro certâ virtutis specie, nimirum iustitiâ.

Acceptio confusa est, quâ terminus accipitur indeterminatè seu indistinctè:

Ut, Homo est animal, omne vitium est detestandum. Hic prædicatum animal accipitur confusè. Nam aliud est rationale, aliud irrationale. Sic & *τὸ* omne vitium indistinctè accipitur. Huc etiam pertinet *acceptio distributiva*, sive terminus accipitur pro singulis generum: ut, omnis virtus laudem meretur; sive pro generibus singulorum: ut, omne animal fuit in arcâ Noë, hoc est, omnis generis animalia. Nam & hæc posterior propositio sic potest explicari. Aliiter quâ explicetur, vide suprà *cap. 6.*

Acceptio tropica est, qua vox accipitur in modificata significatione:

Ut, Vina coronant, hoc est, vasa, quibus continentur vina.

Acceptio abusiva est, qua vox accipitur in duâ significatione: Ut,

Hunc ego si potui tantum sperare dolorem:

Sperare, pro timere ponitur.

Appellatio terminorum est, qua termini in axioma aliquid important, quod primâ fronte non apparet.

Appellatio
terminorū
in axioma-
te.

Estque ampliatio, vel restrictio.

Ampliatio est, qua significatio termini aliquid ultra id pro quo accipitur importat:

Ut, Cor regis est in manu Dei. Hic subjectum *cor regis* ad totum genus humanum extenditur. Sic *Johan. 5. vers. 17.* Pater meus adhuc operatur, & ego operor. Hic verbum *operor* ampliandum est, & ad præteritum & futurum extendendum. Sic, Improbus Deo displicet; subjectum *improbus* appellat, hoc est, ultra hominem, qui improbus dicitur, importat etiam improbitatem. Sic in illis axiomatibus, Pauci norunt Imperatorem, Pauci norunt quid sit esse Christianum, & in illo Theodosii Magni, Nullum

novi episcopum præter Ambrosium ; termini *Imperatorem*, *Christianum*, & *episcopum* appellant, seu important aliquid amplius quàm vulgò significant : ita ut Imperator non accipiat solùm pro personâ, sed connotet omnia quæcunque Imperatori conveniunt, quatenus Imperator est; item Christianus & episcopus accipiantur non tantùm pro iis, qui tales sunt nomine & vocatione, sed etiam reapse tales, vitâ nimirum & factis.

Restriçtio est termini contractio.

Estque primaria, vel secundaria.

Restriçtio primaria est, qua terminus generalis propaucioribus accipitur:

Ut, *Psal. 119. vers. 96.* Omni perfectioni vidi finem. Hic subiectum est restringendum ad res creatas, quæ iudicio humano censentur perfectæ. Sic *Johan. 3. vers. 17.* Non misit Deus Filium suum in mundum, ut mundum judicet: hic verbum *judicet* non est amplè accipiendam, quasi nullo tempore Christus judicet aut judicaverit aut judicaturus sit mundum, sed strictè; nimirum restringendum est ad tempus exinanitionis. Illo enim tempore Christus non fuit missus ut judicaret, sed ut servaret. Ita cùm Christus dicit; *Doctrina mea non est mea*, sed ejus qui misit me, Patris; illud *non est mea* restringi debet hoc modo: Doctrina, quam annuncio, non est mea, quatenus sum homo vilis & nudus in oculis vestris. Sic *Johan. 5. vers. 22.* Pater non judicat quemquam; vox *judicat* strictè debet accipi, hoc sensu: Pater non judicat quemquam separatim à Filio. Sic *1. Cor. 15. vers. 22.* sicut in Adamo omnes moriuntur, *nimirum quotquot moriuntur*: ita & in Christo omnes vivificantur, *nimirum quotquot vivificantur*. Sic *Rom. 5. vers. 18.* Per unam justitiam gratia redundavit in omnes homines ad justificationem vitæ. Hic *omnes homines* intelliguntur non simpliciter, sed quotquot justificantur. Sic cùm homo dicitur toto corde Deum amare, id de toto *rege & re* sive toto accommodatæ acceptionis intelligi debet. Sic cælum tegit omnia, scil. quæ ipsi subiecta sunt.

Restriçtio secundaria est, quâ terminus ab aliâ re ipsi appositâ denominatur.

Estque

Estque vel formalis, vel materialis.

Restriçtio formalis est, quâ terminus denominatur secundum formale ipsius significatum:

Ut, Impius homo Deo displicet, scilicet quâ impius, non quâ homo.

Restriçtio materialis est, quâ terminus denominatur secundum materiale ipsius significatum:

Ut, Impius homo Deo placet, non quâ impius, sed quâ homo.

Cap. 13. Crypsis axiomatica.

CRypsis axiomatica est affectio axiomatis extraordinaria, seu præternaturalis.

Estque vel formalis, vel materialis.

Crypsis formalis est, quâ axioma est crypticum ratione connexionis; seu, modo prædicandi. Crypsis axiomatica.

Ejus canones sunt:

1 *A crypsi formali axioma denominatur improprium seu irregulare Logicum.*

Quàm necessaria est distinctio vocum in proprias & improprias, syntaxeos in simplicem & figuratam, seu analogam & anomalam, syllogismi in manifestum & nec-manifestum, methodi in rectam & deflectentem: tam necessaria est, ait *Goclenius in disp. 2. anni 1606.* distinctio veræ prædicationis in regularem seu canonicam, & irregularem. Hanc distinctionem tradunt etiam *Augustinus Hunnus in generalibus Logica præceptis*, *Beza*, *Scherbius in dissertatione contra Ramistas*, *Keckermannus*, & magnus ille *Melanchthon*.

Rationes adferunt duas potissimum. 1. Quidquid deflectit à regulâ Logicâ, est aut improprium & irregulare, aut falsum. Multæ propositiones Spiritus sancti, Aristotelis, Galeni, & aliorum, deflectunt à regulâ Logicâ. Ergo illæ propositiones aut falsæ sunt, aut improprie. Eas autem dicere falsas, impium est, si spectes propositiones in S. literis, & omnes

propositiones improprie in Logicis quæ sint?

Aristotelis &c. Propositiones deflecentes à regula Logica, dicere falsas, absurdum est. Ergò quædam propositiones sunt improprie. Assumptio paulò post probabitur inductione exemplorū. At enim, inquis, orationes quæ defleunt à regula Logica, sunt orationes Rhetoricæ. Resp. Exceptio pertinet eodē, quò regula. Regula, Logica est. E. & exceptio. Probatur major. Regula & exceptio sunt homogenea: ut, regula hæc, In o masculina sunt, Grammatica est. E. & exceptio hæc, Legio, regio &c. fœminina sunt, Grammatica est ex lege homogeniæ. Vide *topicorum legalium Everhard. locum. 9.* Hinc Philosophi dicunt: *Cuius disciplina est regula, ejusdem est exceptio.* Item interpretes regularum juris ajunt: *Exceptio est de regulâ.* Et alius dicit: *Exceptio cõtinetur sub regulâ, ut pars continetur in toto.* Profectò si regula est Rhetoricæ, non video quomodo exceptio possit esse Physicæ. 2. Si connexio seu synthesis impropria est, erit quoque propositio impropria. Sed illud. Ergò & hoc. Ratio consequentiæ est: quia, ut suprà disputavimus, dispositio est forma axiomatis. At illa dispositio est vel vera, vel falsa. Vera est propria, vel impropria. Propria est, cùm argumentum disponitur cum themate suo secundum regulas Logicas. Impropria est, cùm argumentum disponitur cum themate suo irregulariter: ut, flammæ in ore Apostolorum erant Spiritus sanctus. Figurata est hæc prædicatio, ait Goclenius, id est impropria, non quia singulæ voces sunt improprie (neque enim tropus est in voce *flamma*, neque in voce *ore*, neque *Apostolorum*, neque *erant*, neque *Spiritus sanctus*) sed quia enunciatio est irregularis synthesi, pro hac regulari: Cum illâ re visibili verè aderat Spiritus sanctus. Alii tamen statuunt tropum in prædicato, hoc modo, flammæ erant Spiritus sanctus, hoc est, signum Spiritus sancti. Et nos posteriorem explicationem amplectimur, quòd sit tropus in hac sententiâ. Sed contendimus nihilominus esse impropriam Logicè. Etsi verò hæc propositio figurata congruit cum regulari & propriâ in hermeneiâ, hoc est, interpretatione; tamen non in synthesi, hoc est, compositione, quæ impropria est. Cæterum diximus in canone, improprium seu irregulare *Logicum*. Nam est irregularitas alia Grammatica, alia Rhetorica, alia Logica. Hoc sensu alii prædicationem impropriam dividunt

dividunt in Logicam & Rhetoricam. Impropriam prædicationem Logicam definiunt, in quâ ratio enunciandi recedit à regulâ; Rhetoricam, in quâ prædicatum est tropo affectum. Ibi est improprietas prædicationis, hinc significationis.

2 *Non mutuo se excludunt axioma tropo vocis affectum seu modificatum Rhetoricè, & improprium Logicum.*

Hoc est, potest esse oratio & modificata Rhetoricè, & impropria Logicè. e.g. hæc propositio, Herodes est similis vulpi, vel est astutus instar vulpis, est regularis Logica. Ergò hæc, Herodes est vulpes, erit irregularis Logica, id est, in eâ vulpes prædicabitur de Herode non regulariter. Et eadem propositio est Rhetoricè modificata. Quando dico, Christus est salus nostra, pro, est author salutis; vinum est audax, pro, facit audaces; metus est mœstus, pro facit mœstos; est metonymia. Sed hæc metonymia non excludit prædicationem impropriam Logicam. Nam est præceptum Logicum; effectum non prædicatur de causâ efficiente, scil. directè seu regulariter. Ergò obliquè & irregulariter potest prædicari. Itaque hoc est iudicium Logicum; Quod causæ non inest, sed ab eâ separatum est, id recto casu nunquam de ea potest propriè prædicari. Audacia ut effectum non inest vino, ut efficienti, sed est extra vini essentiam. Ergò audacia de vino propriè prædicari non potest. Sic si dicam, Sermo Dei est vita, pro, vivificans; Fides est iustitia, pro, est instrumentum seu medium iustitiæ Christi apprehendendæ; Circumcisio est fœdus, pro, est signum fœderis, vel instrumentum per quod fœdus Dei semini Abrahamæ obsignatum est; quando, inquam, sic dico, tropus est metonymiæ. Sed hic tropus non excludit prædicationem Logicam impropriam. Nam Logicus docet, impropriâ compositione dici effectum de causâ. Præterea Logicus docet, accidens dici de subiecto propriè *παράνομα*, hoc est, voce concreti, verbi gratiâ: puella hæc est casta; non autem voce abstracti, hæc puella est castitas. Hoc, inquam, me docet una Logica, non Rhetorica. Sed Rhetorica me docet, tropum esse in voce *castitas*.

3 *Crypsis in attributione in enunciatum verum non inducit falsitatem.*

Sicut crypsis in syllogismo non infert inconsequentiam: sic anomalia attributionis non inducit falsitatem in axioma verum. Itaque utrumque verum est: tyrannus est effrenatâ nocendi libidine lupo similis; & tyrannus est lupus. In illo accidens tribuitur suo subiecto: in isto idem accidens eidem subiecto tribuitur, sed irregulariter.

4 *Eadem manet affectio subiecti ad prædicatum, & prædicati ad subiectum in propriis & impropriis attributionibus equipollentibus: tota earum differentia consistit in orationis diversâ conformitate.*

Verbi gratiâ, si dicam; Herodes est similis vulpi, propter astutiam, adjunctum suo subiecto tribuitur. Si dicam, Herodes est vulpes, unum idemque adjunctum de eodem subiecto enunciat. Nam quod ad sensum attinet, Herodes & vulpes non sunt disparata. Est enim prædicatio accidentalis. Objicis, ita confundi argumentum subiecti cum argumento disparatorum. Resp. Minimè gentium. Nam accidens tribuitur subiecto suo vel simpliciter, ut Herodes est similis vulpi; vel secundum quid, ut Herodes est vulpes. Idem iudicium esto de illis exemplis: Titius est similis asino, & Titius est asinus; homo est similis bullæ, & homo est bulla. Hic in priori axioma accidens tribuitur subiecto absolute & simpliciter; in posteriori comparatè & secundum quid. Prior igitur propositio est enuntiatio accidentalis absoluta, posterior est prædicatio accidentalis comparativa. Huc pertinet canon: *Disparatum improprie tribuitur subiecto, non ut disparatum, sed ut comparatum.*

5 *Prædicatio impropria est vel causalis, vel signata; vel metaphorica, vel synecdochica.*

Prædicatio impropria causalis est, quâ unum extremum alteri ad ejus causam designandam non repugnante loquendi consuetudine conjungitur. e. g. Ira est fervor sanguinis circa cor, est oratio vera sensu causali. Nec enim ira, quæ est affectio animi, proprie loquendo est fervor seu ebullitio, sed
existit

existit ex illâ ebullitione, & ebullitio illa existit ex irâ, sed diverso respectu. Huc refer & illa: Hic bolus est mihi mors, hoc est, mortifer: *Diser trunct sey mein tod*/pro, hic potus afferat mihi mortem; *εἰ μὴ αὖτε, καὶ ἴμεθα αὖτε*, hoc est, vestes sunt vir, pecuniæ sunt vir, pro, faciunt virum, id est, declarant qualis sit vir. Evangelium est vita æterna, pro, est causa vitæ æternæ. Hinc est, quod Scholastici toties in suis scriptis τὸ propriè esse vocant formaliter esse, & τὸ impropiè esse vocant esse causaliter, seu per modum causæ, item per necessariam connexionem: ut, philosophus 2. *Physicorum contextu* 15. dicit, Privationem esse quodammodo formam, hoc est, impropiè: quia privatio non est essentialiter seu formaliter forma, sed per necessariam connexionem seu per concomitantiam. *Zabar. lib. 1. de mat. rer. prim. cap. 7.* Averroës ait: motus est perfectio calidi. Hoc verum est, non formaliter (motus enim non est forma caloris) sed causaliter. *Zabar. l. 1. de calore cæl. cap. 3.* Impropiè igitur. Propria enim seu formalis propositio est: motus est productivus & conservativus caloris. Huc pertinent & illa: Eclipsis Lunæ est interpositio terræ inter duo lumina magna; Hæc axiomata vera sunt, sed impropiè. Nam Logicorum canon est, efficientem causam non dici de effecto directè, sed obliquè. Et rursus effectû dici de efficiente obliquè. *Philippus Scherbius in disert. contra Ramistas cap. 6.* propositiones causales distinguit ab effectivis. Exempla hæc adducit: Natura est ordo; pro, ubi natura est, ibi ordo; motus corporum cœlestium est vita sublunarium; immobilitas cordis est mors; naturalis philosophia est discussio dubitationum naturaliter de naturâ rerum subrepentium; rectè aciem instruere est vincere. Has improprias dicit, in quibus de causâ prædicatur effectum directè, contra canonem Logicum. Dolor est solutio continui; fames est sensus suctionis; dubitatio est syllogismus dialecticus antiphascos; scientia est syllogismus apodicticus. Has propositiones vocat improprias, in quibus de effecto prædicatur causa directè, cùm obliquè deberet. Hæ, ait Scherbius, quia in vulgus insolentiores, h. e. minùs usitate sunt, sæpe radunt aures imperitorum, qui faciliùs admittunt (ut magis usitatas & proprias) si pro *est* in prioribus quidem ponatur *efficit, est causa, fit propter hoc*, aut quid

simile: in posterioribus verò nascitur, ut, motus circularis corporum cœlestium est causa vitæ sublunarium, dolor nascitur è solutione continui. Sic impropria est, linea est fluxus puncti: propria, linea existit è fluxu puncti. Sic improprie sunt attributiones, vita bestię est sanguis; corpus est materia & forma; & vicissim; materia & forma est corpus. Jam si quæras, cur dicatur causaliter, Eclipsis est interpositio &c. at non dicatur causaliter, angelus est Deus? Responderi potest è datâ definitione prædicationis causalis; quia hîc loquendi consuetudo repugnat. Sic rectè dicitur, Deus est omnia, in sensu causali. Prædicatio impropria signata est, in qua signatum de signo prædicatur: ut, circumcisio est scædus. Huc refer locutiones Sacramentales, quas vocant Theologi. Prædicatio impropria metaphorica est, in quâ disparatum dicitur de disparato propter similem qualitatem: ut, Herodes est vulpes, tyrannus est lupus &c. De prædicatione impropria synecdochicâ vide paulò post. Cæterum Scholastici quidam has improprias prædicationes vocant extrinsecas & extrinsecus denominantes, quib. opponunt formales seu internas. Vide Titelmannum. Hunnæus prædicationem impropriam vocat prædicationem per concomitantiam, i.e. connexionem seu conjunctionem. Ratio: quia propositio impropria secundum proprietatem sermonis habetur falsa, sed tamen est vera, quia res significata per unum extremum denotatur cum re significatâ per alterum extremum simul existere. Quidâ omnes propositiones synecdochicas, quas vocamus in Logicis limitatas, vocant Logicè improprias: ut, homo est immortalis, scil. quoad animam; Christus est mortuus, quoad humanitatem. Deus est passus, *xpi a dno*. Verum hæ non sunt propositiones improprie Logicè: quia in iis regulariter dicitur de toto, quod ei convenit per & propter unam partem. Sed hæ sunt: Germani sunt bibuli; Cretenses sunt mendaces: quia hîc est cryptis signi particularis. Itaque quædam prædicationes synecdochicæ sunt Logicè improprie. Ex his efficitur 1. Non omnes prædicationes tropicas esse Logicè improprias, sed tantum quasdam metonymicas & synecdochicas, omnesque metaphoricæ. 2. Improprie Logicas prædicationes esse, cum aliquis horum canonum videtur violatus: Nulla causa est propriè suus effectus; nullus effe-

lus effectus est propriè sua causa; ideoque, nec causa de effecto, nec effectum de causâ potest prædicari *συνωνύμως*, uti prædicatur genus de specie; accidens *παρωνύμως* prædicatur de subjecto, non *συνωνύμως*, nisi impropriè; disparatum de disparato non prædicatur propriè. Unica hîc quaestio decidenda, quid statuendum sit de propositionibus inusitatis, quales sunt illæ de Filio Dei: Deus est homo, Verbum caro factum est? Resp. Propositiones inusitatae sunt singulares, ut ajunt Scholastici & Melanchthon; h. e. duntaxat locum habent in unico individuo, quod est Christus. Vocantur autem inusitatae; quia illarum exempla non sunt in totâ rerû universitate, seu quia res est inusitata, quæ enuntiatur. Non igitur istæ propositiones sunt Logicè impropriæ. Ratio: quia rei inusitatæ modus enunciandi est proprius, & congruit ad regulas Logicas. Objicis: Quando disparatum dicitur de disparato, est propositio *Λογικῶς* impropria. Sed in hac propositione, Deus est homo, hoc fit. Ergo. Respon. ad minorem. Filius Dei & Filius hominis sunt unum per œconomiam seu mysterium incarnationis. Sunt igitur consentanea, præsupposito incarnationis mysterio. Itaque cum dico; Christus constat ex *τῷ λόγῳ*, & humanâ naturâ; quasi partes, hoc est, analogicè dictas, prædico de toto. Partes enim cum toto consentiunt: ut, homo constat corpore & animâ. Dico, quasi partes enunciari de toto. Christus enim quasi *συνθετός* est ex *λόγῳ* & humanâ naturâ, non tanquam ex materiâ & formâ, sed modo singulariter mirabili & mirabiliter singulari. Sed quando dico, Deus est homo, Filius Dei est filius Mariæ, & vicissim, est prædicatio quasi partis, de personâ Christi ab alterutrâ naturâ denominatâ. Profectò blasphemix plenum est, si quis dicat, Filium Dei & Filium Mariæ esse disparata. Disparata enim differunt re, seu subjecto. At hîc est unum subjectum, sive una persona. Alii dicunt has inusitatas prædicationes esse identicas, cum dicimus: Filius Mariæ est Filius Dei, Homo est Deus. Nam, inquiunt, Hic Filius Mariæ, hoc est, Jesus Nazarenus, est Filius Dei, hoc est, *λόγος*, idem de se ipso aliter nominato prædicatur: una scilicet eademque persona denominatur à naturâ divinâ Dei Filius, ab humanâ hominis Filius; non alia persona appellatione Filii DEI,

Propositiones inusitatae quæ sunt

& alia appellatione Filii hominis notatur. Schegkius hanc propositionem, Filius Dei est incarnatus, seu, (ut loquitur cum barbaris) humanatus, reducit ad prædicationem accidentis de subjecto. *in 7. topic.* Fonsæca asserit esse prædicationem assumptæ speciei de individuo, si quis dicat, Deus est homo. Si cum grano salis istæ sententiæ accipiantur, tolerari possunt.

Crypsis materialis axiomatica est, quæ est ratione materiæ.

Sicut formalis fuit ratione dispositionis: sic materialis est ratione terminorum.

Estque vel defectus, vel redundantia, vel inversio.

Defectus est, cùm pars aliqua axiomatis deest.

Hinc axioma nominatur defectum, seu deficiens; quando nimirum deest vel subjectum, vel prædicatum, vel vinculum: ut, *Exod. 34. v. 28.* Et inscripsit tabulis verba fœderis hujus. Hic deest subjectum, nempe Jehova. *Matth. 24. v. 28.* Ubique fuerit cadaver, illic congregabuntur aquilæ: hic deest pars consequens axiomatis, nempe: ita ubi ego ero, & vos mecum eritis. Nota mala, optima; scil. sunt. Hic deest verbi copula. Deus electos ad vitam æternam vocat, justificat, glorificat. Hic deest copula conjunctionis.

Redundantia est, cùm præter partes essentielles aliquid accessit.

Huc pertinent *vocula exclusivæ*; ut, sola deitas est ubiq; sola fides justificat: *nomina adjectiva aut substantiva & adverbia determinantia*; ut, amicus certus in re incertâ cernitur; ego vidi Ciceronem pictum; prudenter cogitata, maturè perficienda: *vocula exceptivæ*; ut, Deus creavit omnia præter se; omnia sunt Christo subjecta, excepto eo, qui subiecit ei omnia: *vocula reduplicativæ*; ut, magistratus quatenus magistratus, est ordinatio Dei; homo quatenus est ratione præditus, est scientiæ capax; homo quoad animam est immortalis; *voces limitantes*; ut Evangelium parit seditiones, non per se, sed per accidentis; Papistæ sunt Catholici nomine tenus, non re ipsâ: *voces circumscribentes*; ut, omnes principes, qui

pēs, qui tyrannidem in suos subditos exercent, Deo & hominibus sunt abominabiles: *voces dilatantes*: ut, omnes creaturæ, nullâ prorsus exceptâ, sunt per Filium Dei conditæ: & *denique voces amplificantes*: ut, optat ephippia bos piger.

Inversio est, cùm partes transponuntur:

Velut, cùm prædicatum primo loco ponitur, vel copula: ut, tibi cen fortunæ, virtus: Est autem magnus quæstus, pietas suâ sorte contenta.

Cap. 14. Conversio axiomatica.

Sequuntur affectiones, quæ axiomati cum aliis collato conveniunt.

Suntque consensio, vel disensio axiomatica.

Consensio axiomatica est, quâ axiomata inter se conveniunt.

Estque consecutio, & æquipollentia axiomatica.

Consecutio axiomatica (*aliâs enunciativa*) est, Consecutio axiomatica. cùm unum axioma ex altero sequitur.

Estque vel conversio, vel collectio.

Illa dicitur aliis consecutio per conversionem, hæc absque conversione.

Conversio est, quâ ex subjecto axiomatis fit prædicatum, & ex prædicato subjectum.

Hinc axiomata duo existunt, quorum illud dicitur conversum, cujus versus transponuntur: hoc convertens, quod ex converso per partium transpositionem oritur. Hic requiritur, ut utrumque axioma sit verum, proprium, & iisdem terminis constet.

Conversio est triplex; simplex, per accidens, & per contrapositionem.

Conversio simplex est, quâ axioma converti-

tur eâdem quantitate & qualitate servatâ.

Sic convertitur axioma universale negativum, & particulare affirmativum: ut, nulla iustitia est injuria; & nulla injuria est iustitia. Item, quidam milites sunt pii; & quidam pii sunt milites. Axioma universale affirmans reciprocum etiam hoc modo convertitur: ut, omnis homo est animal rationale; &, omne animal rationale est homo. Sed in duobus prioribus modis hæc conversio habet locum primariò & per se ratione formæ: in postremo illo secundariò & ratione materiæ, ut & in proprio reciproco, quale est; Deus est omnipotens.

Conversio per accidens est, quâ axioma convertitur manente qualitate, sed mutatâ quantitate.

Sic convertitur primariò axioma universale affirmativum; ut, omnis homo est animal; &, quoddam animal est homo. Intellige axioma universale affirmativum, non-reciprocum. Secundariò hæc conversio locum habet in axioma proprio seu singulari non-reciproco: ut, verus ille Messias est filius David; &, aliquis filius David est verus ille Messias.

Conversio per contrapositionem est mutatio terminorum, manente quantitate, sed mutatâ qualitate.

Hæc primariò habet locum in axioma universali affirmativo, cujus negatur consequens, ut negetur antecedens: ut, Quicumq; credit in Christum, habet vitam æternam; &, quicumq; non habet vitam æternam, non credit in Christum. Sic, si est homo, est animal; &, si non est animal, non est homo. Secundariò locum habet in axioma particulari negato: ut, quædam virtus non est iustitia; &, aliquid quod non est iustitia, est virtus.

Cap. 15. Collectio axiomatica.

Collectio axiomatica est, quando ex uno axioma aliud colligitur:

Scilicet sine conversione. Mocenico dicitur *virtus collectiva*. part. 2. cont. 2. cap. 4.

Modi

Modi illius sunt septem:

1 Ex universali axiomate colligitur particulare:

Illud dicitur axioma subalternans, hoc subalternatum. Hujusmodi est illa collectio: omnis homo est mortalis. E. & quidam homo est mortalis, ut Franciscus, Paulus.

2 Virtute inductivâ axioma singulare auxiliatur constructioni universalis:

Ut, Hic homo est rationalis. Ergo omnis homo est rationalis. Quamvis enim illa prior enunciatio non sola sufficiat constructioni posterioris: tamen illius veritati favet, videlicet inductionis. *Mocen. d. l.*

3 Ex prædicato conjuncto inferuntur divisa:

Ut, Homo est substantia corporea sentiens. E. homo est substantia: & homo est sentiens. Valet hæc collectio, si prædicatum sit terminus positivus. Non igitur valet: Est homo mortuus. E. est homo. Est aurum falsum. E. est aurum. Ratio: quia in prædicato sunt termini privativi.

4 Ex prædicatis disjunctis non homonymis inferuntur conjuncta:

Ut, Homo est animal, & idem est rationalis. Ergo homo est animal rationale. Item, Socrates est homo, & est albus. Ergo Socrates est albus homo. Sed non valet: Iste est futor, & est bonus. Ergo est bonus futor. Nec hoc: Iste est Musicus, & est malus. Ergo est malus Musicus. Sunt enim hîc prædicata homonyma; quia bonum & malum non uno modo dicuntur. Nec hoc valet: Socrates est homo, & est rationalis. Ergo est homo rationalis. Nam prædicata hîc non sunt disjuncta, sed est negatio in priori axiomate.

5 A quatenus ipsum ad de omni valida est illatio:

Ut, Homo quatenus animal sentit. Ergo omne animal sentit. Peccatum, quatenus est divina pœna, bonum est. Ergo omnis pœna divina bona est.

6 Ex veritate unius ex oppositis axiomatis colligitur falsitas alterius; & ex falsitate unius, veritas alterius:

Ut, Verum est, quosdam homines non esse electos ad vitam æternam: Ergo falsum est, omnes homines esse electos ad vitam æternam. Sic, Verum est, omnes naturales Adami hæredes esse cum peccato originali conceptos: Falsum igitur, quosdam naturales Adami hæredes non esse cum peccato originali conceptos.

7 Ex universali affirmante colligitur universalis negans, & contrà:

Ut, Qui non credit in Filium Dei, jam condemnatus est: &, Qui credit in Filium Dei, non condemnatur; vel contrà. Sic, Qui habet Filium Dei, habet vitam æternam: &, Qui non habet Filium Dei, vitam æternam non habet. Item, Qui non diligit Deum, non novit Deum; &, Qui diligit Deum, novit Deum.

Cap. 16. Equipollentia axiomatica.

Equipollentia axiomatica.

Equipollentia axiomatica est axiomatum consensus in sententiâ, licet sit diversitas in verbis.

Nam diversitas verborum non semper importat diversitatem rerum.

De hæc notentur canones:

1 *Axioma tropicum rectè intellectum equipollet proprio:*

Ut, Homo est bulla, homo est similis bullæ.

2 *Axiomatum equipollentium unum potest esse altero magis emphaticum:*

Ut, Herodes est vulpes ἡμφαλὶκώτερος dicitur, quàm, Herodes est similis vulpi.

3 *Due negationes apud Latinos equipollent affirmationi:*

Ut, Nemo non optat sibi bonam valetudinem: &, omnes optant sibi bonam valetudinem.

4 *Axioma universale equipollet omnibus singularibus*

ribus sub ipso comprehensis; & contrà, omnia singularia equipollent suo universali:

Ut, Omnis homo est animal, æquipollet his axiomatibus: Petrus est animal, Paulus est animal &c.

5 *Axioma, in quo vocula OMNIS distributivè, vel collectivè accipitur, æquipollet particulari:*

Ut, Omne animal fuit in arcâ Noë, & omnes sensus exteriores sunt quinque.

6 *Affirmatio privationis, & negatio habitus æquipollent in subjecto πρὸς ὅτι, hoc est, habili:*

Ut, Socrates non est videns: &, Socrates est cæcus.

7 *Negatio præposita signo universali in linguâ Latinâ facit, ut æquipolleet suo contradictorio:*

Ut, Non omnis homo est electus, quidam homo non est electus.

8 *Negatio postposita signo universali, facit, ut æquipolleet suo contrario:*

Ut, Omnis homo non est justus, nullus homo est justus. Hic modus loquendi est receptus in linguâ Hebræâ; ut ex illo Paulino videre est: Ex operibus legis non justificabitur omnis caro.

9 *Axioma indefinitum æquipollet universali, cum significat ideam seu speciem, nec dari potest ὅτις; particulari, cum dari potest instantia; singulari, cum subjectum singulariter accipitur:*

Ut, Homo est animal, æquipollet universali, omnis homo est animal. Spurii sunt mali, æquipollet particulari, Quidam spurii sunt mali. Homo loquitur, æquipollet singulari, hic homo loquitur. Nam actus sunt singularium, non universalium.

10 *In modalibus æquipollent, necesse est rem esse, &, impossibile est rem non esse: item, possibile est rem esse, contingit rem esse: item, non possibile est rem esse, non contingit rem esse: item, necesse est rem esse,*

se, non possibile est rem non esse: item, non necesse est rem esse, possibile est rem non esse: item, impossibile est rem esse, vel non esse, non possibile est rem esse, vel non esse. (plici:

11 *Axioma verum connexum sæpe equipollet sim-*

Ut, Si est homo, est animal; omnis homo est animal. Si Deus est, misericors est; Deus est misericors.

12 *Axioma disjunctum equipollet quatuor connexis:*

Ut, aut dies est; aut nox; æquipollet his quatuor: Si est dies, non est nox; si non est dies, est nox: Si est nox, non est dies; si non est nox, est dies.

Cap. 17. Diversitas axiomatica.

Diversitas
axiomatica.

Sequitur dissensio axiomatica, quæ est axiomatum inter sese discrepantia.

Estq; vel diversitas, vel oppositio.

Diversitas est dissensio axiomatum sine pugna.

Estq; vel verbalis, vel realis, vel mixta.

Verbalis est, quæ tantum consistit in verbis.

Tales Polano sunt propositiones subcontrariæ, cum nimirum utraque est particularis: ut, quidam homines sunt electi, quidam homines non sunt electi. Sed in his exemplis est oppositio subcontrariæ: At in his axiomatis est diversitas verbalis: Christophorus imposuit Petro, Christophorus Petrum circumvenit.

Realis est, quæ consistit tantum in rebus:

Ut, Iste homo delectatur jure, iste homo amat jus: si in priori intelligatur liquor rei coctæ, in posteriori jurisprudentia.

Mixta est, quæ partim in rebus, partim in verbis consistit:

Ut, Ecclesiæ testimonium Scripturas commendantis, ab omnibus suscipi debet; & Scripturas à Deo prodiisse, non Ecclesiæ.

elefiz, sed Spiritus sancti testimonio persuademur. Hæc axiomata diversa tantum sunt, non contradictoria.

Cap. 18. *Oppositio axiomatica.*

Oppositio axiomatica est disSENSIO axiomatum cum pugnâ.

Hinc axiomata opposita vocantur axiomata *ἀντιταυτα*, Scholasticis *enunciationes incompatibiles*.

Estq; alia materialis, alia formalis.

Oppositio materialis est pugna duorum axiomatum ejusdem qualitatis ex solâ terminorum materialium oppositione resultans: Oppositio axiomatica.

Ut, Deus est justus, Deus est author peccati; Deus est Jehova, Deus potest mentiri; Corpus Christi est verum corpus, corpus Christi est ubique. Vulgo dicuntur enunciationes repugnantes, quarum videlicet prædicata repugnant. Huc quoque retulerim oppositionem disparatam, cum videlicet prædicata axiomatum sunt disparata; ut, pygmæi sunt volucres, pygmæi sunt homines; Socrates est homo, Socrates est lapis.

Oppositio formalis, est repugnantia duorum axiomatum, vel secundum qualitatem tantum, vel secundum quantitatem tantum, vel secundum utramque simul.

Oppositio formalis est principalis, vel minùs principalis.

Oppositio principalis est repugnantia duorum axiomatum, quæ constant terminis iisdem, de eodem, secundum idem, ad idem & eodem tempore intellectis.

Ejus canon est:

In oppositione axiomatice observanda sunt leges oppositionis topice.

Has leges enarratas vide *libr. 2. cap. 15.* hîc in definitione oppositionis axiomaticæ obiter duntaxat illas attingimus. Non igitur hæc axiomata sunt opposita: Appius erat cæcus, Appius non erat cæcus; si illîc de oculis corporis, hîc de oculo mentis, prudentiâ, intelligatur. Neque hæc sunt axiomata opposita: Æthiops est albus, æthiops non est albus; quia prædicatum dicitur de subiecto *ἄλλο ἢ ἀλλο*. Neque hæc sunt opposita: Paulus fuit Romæ, Paulus non fuit Romæ; quia prædicatum dicitur de subiecto *ἄλλο ἢ ἀλλο ἢ ἄλλο*.

Oppositio principalis est perfecta, vel imperfecta.

Oppositio perfecta est, in quâ duo axiomata inter se pugnant, non tantùm secundùm affirmationem & negationem, sed etiam secundùm veritatem & falsitatem.

Dicitur uno verbo *contradictio*.

De hac sunt canones:

1 Contradictio est æternæ disjunctionis.

Vulgo docent, quòd oppositio contradictoria sit norma omnis veritatis & falsitatis in quâvis disciplinâ. Rationem adferunt hanc; quòd necessariò una sic oppositarum sit vera, altera falsa. Notiones enim secundæ verificantur & fundantur in primis. Sed notio prima, super quâ fundatur oppositio contradictoria, est principium illud primum: Impossibile est idem simul esse & non esse. Falsum autem est hoc principium, si inter esse & non esse aliquod tertium daretur. Quòd autem Metaphysicus dicit, non posse idem simul esse & non esse: Logicus hoc modo profert: Contradictio est æternæ disjunctionis, hoc est, contradictionis pars altera semper est vera, altera falsa: vel, Contradictio dividit verum à falso. Itaque contradictoriæ immediatè dividunt veritatem & falsitatem; ita ut impossibile sit, utramque ejus partem simul esse veram, aut falsam.

2 Inter contradictoria axiomata, quæ sunt de rebus præteritis & presentibus, semper unum determinatè est verum, alterum est falsum. At in futuris contingentibus in se

in se consideratis (non in scientiâ Dei, apud quem omnis veritas est determinata, quia omnia sunt ei presentia) neutrum est determinatè verum, sed indeterminatè, id est, si partes contradictionis simul accipiantur:

Ut, Non simpliciter verum est, futurum ut cras pluat, nec etiam ut non pluat: sed verum est simpliciter ac necessarium, fore ut cras pluat aut non pluat. Huc pertinet illud: *Futurorum contingentium non est determinata veritas.*

Contradictio est vel primaria, vel secundaria.

Contradictio primaria est, secundum quam duo enunciata pugnant inter se, secundum qualitatem & quantitatem simul.

Talis oppositio est 1. Inter axioma universale affirmatum, & particulare negatum:

Ut, Omnes electi salvantur, Non omnes electi salvantur, vel, Quidam electi non salvantur. Utroque enim modo particularis negans effertur. Item: Omnis voluptas est bona, Quædam voluptas non est bona.

2 Inter particulare affirmatum, & universale negatum:

Ut, Quidam vocati salvantur, Nulli vocati salvantur.

Contradictio secundaria est, in quâ enunciata inter se pugnant secundum qualitatem, sed non secundum quantitatem.

Hujusmodi contradictio est 1. Inter duo axioma singularia:

Ut, Abraham vidit diem Domini, Abraham non vidit diem Domini: Alexander fuit major Philippo, Alexander non fuit major Philippo.

2 Inter duo indefinita, sed necessaria:

Ut, Homo est rationalis, Homo non est rationalis. Aristoteles negat, indefinitas propositiones opponi contradictioni. Sed loquitur de iis, quarum prædicata sunt contingentia: ut, Homo est pulcher, Homo non est pulcher. Hic enim intelligitur *αλλοτε καὶ ἄλλοτε*. At propositiones indefinitæ

necessariæ, quæ loquuntur de ideâ, ut cum Scholâ loquar, omnino contradictoriæ sunt.

3 Inter duo universalia necessaria:

Ut, Omnis homo est risibilis, Nullus homo est risibilis: Omnes infantes Christiani in N. T. sunt baptizandi, Nulli infantes Christiani sunt baptizandi: Omnis homo est lapis, Nullus homo est lapis: Omnes reprobi Deo reconcilianur, Nulli reprobi Deo reconciliantur.

Oppositio imperfecta est, in quâ axiomata duo inter se pugnant non secundum veritatem & falsitatem, sed vel secundum qualitatem tantum, vel secundum quantitatem.

Estque triplex, contraria, subcontraria, & subalterna.

Contraria est oppositio imperfecta inter duo universalia contingentia.

Dicitur aliàs oppositio inter duo axiomata pugnantia secundum qualitatem tantum: item inter axiomata universalia, quorum subiectum patet extra prædicatum: ut, Omnis homo est doctus, Nullus homo est doctus.

Canones ejus sunt duo:

1 Contrarietas admittit medium:

Ut, Omnis homo est fidelis, Nullus homo est fidelis. Datur hic medium: Quidam sunt, quidam non sunt fideles.

2 Duo contraria nunquam possunt esse simul vera, licet simul possint esse falsa.

Si enim possent esse simul vera, etiam particularia essent vera. Siquidem ex veritate universalis, colligitur veritas particularis. Particulare autem unius contrarii, contradicit alteri contrario: & sic duo contradictoria simul essent vera. Vide Keck. l. 2. Syst. Logic. maj. c. 7.

Subcontraria oppositio est inter duo axiomata particularia secundum qualitatem tantum pugnantia:

Ut, Quidam credentes salvantur, Quidam credentes non salvantur: Quidam homo est doctus, Quidam homo non est doctus. Hujusmodi axiomata possunt esse simul veraj
materia

matéria contingente, ut patet in posteriori exemplo: sed non possunt simul esse falsa. Huc refer axiomata indefinita contingentia: ut, equus est albus, equus non est albus. Nam axiomata sine notâ quantitatis in materiâ contingenti præsumuntur esse particularia.

Subalterna oppositio est inter duo axiomata secundum quantitatem tantum pugnantia:

Ut, Omnis homo est doctus, Quidam homo est doctus. Ex his axiomatis ambo possunt simul esse vera & falsa: ut, Omnis homo est lapis, Quidam homo est lapis: Omnis homo est animal, Quidam homo est animal.

Doctrina hæc de oppositione axiomaticâ à multis obscure tradita est. Nos conati sumus aliquam saltem lucem adferre, nisi his fundamentis. Oppositio axiomatum dupliciter debet considerari, in suâ formalitate, seu modo oppositionis, & in ordinatione ad finem. Si priori modo consideretur, quinque sunt illius species principes. Oppositio enim est pugna axiomatum. Non pugnant autem enuntiata, nisi per affirmationem & negationem. Igitur oppositarum unam semper affirmare, alteram semper negare oportet. Hoc autem fit quinque modis. Principio enim enuntiata pugnant secundum qualitatem & quantitatem simul. Hinc contradictio primaria, quæ vulgò κατ' ἐξοχήν contradictio dicitur. Deinde enuntiata pugnant secundum qualitatem tantum. Et hæc sunt vel singularia, itemque universalia & infinita necessaria: hinc *contradictio secundaria*: vel universalia contingentia; hinc *contrarietas*: vel particularia, & hinc *subcontrarietas*. Denique enuntiata pugnant secundum quantitatem tantum: & hinc oppositio subalterna. Hæc est formalis oppositio. Jam si considerentur oppositiones, prout ordinantur ad finem, qui est veritas, tripliciter se habent. Aut enim utrumque axiomatum oppositorum verum esse potest: aut utrumque vel verum, vel falsum: aut utrumque, licet non simul verum, tamen simul falsum: aut denique altero existente vero, alterum necessario est falsum. Hinc itidem quinque illarum species emergunt. Nam ultima oppositio subdividenda: Prior autem ordo, qui est ratione modi, huic ordini ferme est contrarius.

Oppositio minus principalis est, in qua duo axiomata secundum affirmationem & negationem pugnant, ita tamen, ut non omnes leges oppositionis seruentur:

Ut, Herodes est vulpes, Herodes non est vulpes: Christus est vitis, Christus non est vitis. Huc referes *τὰ φανταστικά*, seu apparentes contradictiones. Obijcis: Ergo axiomata subcontraria non habere idem subjectum, ideoque ad hanc oppositionem illa referenda esse. Respon. Falsum est, quod subcontraria axiomata non idem habeant subjectum. Nam in iis eadem res universalis, siue genus, siue species, particulariter accepta, loco subjecti ponitur.

Hæc jam de universâ axiomatum doctrinâ, cujus cognitio in principiis quidem terra insuavisque videri solet, qui verò processeris, emolumentum & voluptas discendi consequetur insatiabilis. Cui tamen modum facias moneo. Ni feceris, periculum non mediocre erit, ne in illis Dialecticæ gyris atque mæandris, tanquam apud Sirenios scopulos conseneskas. *Gellius noct. Attic. lib. 10.*

cap. 8. Subjiciamus typum hujus libri.



TYPUS

Axiomatis considerantur	Partes. cap. 1.							
	Species quæ sumuntur ex	Forma. Suntq;	Principales; quòd axioma sit	1	{ Affirmatum Negatum }	cap. 2.		
				2	{ Verum Falsum }	cap. 3.		
				3	{ Simplex Compositum }	cap. 4.		
			Minus principales. cap. 5.					
	Materia		Realis: unde axioma est	1. Commune vel proprium. cap. 6.				
				2. Finitum vel infinitum. cap. 7.				
				3. Absolutum vel determinatum. c. 8.				
				4. Purum vel mixtum. cap. 9.				
				5. Perspicuum vel obscurum. cap. 10.				
			Verbali. cap. 11.					
	Communes affectiones; quæ conveniunt axiomatici	Scorsim considerato : videlicet		{ Expositio. cap. 12.				
				{ Cryptis. cap. 13.				
		Collato cum aliis, ubi	Consenfio	{ Consecutio	{ Conversio. cap. 14.			
					{ Collectio. cap. 15.			
				{ Æquipollentia. cap. 16.	{ Diversitas. cap. 17.			
					{ Oppositio. cap. 18.			



LOGICORUM
LIBER SEPTIMUS,

De
SYLLOGISMO.

Cap. 1. *Materia syllogismi.*

EXpositum est instrumentum Logicum notū. **E**cum: nunc exponetur dianoëticū, quod cum discursu ad benè disserendum adhibetur: seu quonum axioma ex alio elucimus.

Estque cū syllogismus, tum methodus.

Syllogismus est instrumentum dianoëticum, quo thema compositum cum argumento ita disponitur, ut vi illius dispositionis ex antecedente necessariò inferatur consequens.

Vocabulum
syllogismi
explicatū.

Syllogismus est vocabulum mathematicum. Significat enim computationem. Nam συλλογισμός est comparare, seu multos numeros in unam summam colligere. In Logicis significat illud instrumentum, cujus beneficio cōclusio veluti summa ex præmissis colligitur: vel quia conclusio ex tribus terminis proportionalibus cōputatur, sicut in regulā aurā ex tribus datis & notis terminis elicitur quartus ignotus. Est autem è numero collectivorum: utpote habens suum materiale & formale. Præterea genus in hac definitione est *instrumentum*, hoc est, notio secunda Logica, omnis materiæ realis expers. Nam syllogismus à Philosopho naturali vel mathematico formatus, non est syllogismus instrumentarius, sed naturalis, vel mathematicus. Itaq; syllogismi, prout est Logicæ considerationis, genus neq; est dianoia, neque discursus. Nullum enim instrumentū Logicum est ipsa dianoia, hoc est, tertia mentis operatio, seu quod idem est, non est ipse

Genus syl-
logismi
quodnā sit?

est ipse discursus. Discursus enim est actio mentis, quæ ad-
ministrando instrumenti Logici melius perficitur; illativus qui-
dem administrando syllogismi, ordinativus verò administrando
methodi. Hinc Philosophi syllogismo accommodant tres cu-
jusque instrumenti conditiones; quarum prima est, ut non sit
pars rei, quæ eo efficitur; secunda, ut perfecto opere, à re vi-
cissim segregetur; tertia, ut subjiciatur operanti & ab eo di-
rigatur. *Piccolom. 2. Phys. acroas. ad cont. 18.* Hinc patet, quòd
nobilissimi hujus instrumenti Logici finis adæquatus sit
subsistere principali agenti, ut fabricet syllogismum realem,
seu formam syllogisticam in materiam aptam inducat. Ad
extremum notetur in definitione quod dicitur, *ut vi illius
dispositionis necessario inferatur &c.* His verbis indicatur,
omnem syllogismum esse necessarium ratione formæ. *Zab.
1. post. ad cont. 45.*

Syllogismi spectantur partes, communes affe-
ctiones & species.

Partes syllogismi sunt materia & forma. Vulgò
dicimus materiale, & formale.

Materia syllogismi est remota, vel propinqua. Materia syl-
logismi.

Illa dicitur ab aliis prima, hæc orta: aliis illa est simplex,
hæc complexa.

Materia remota sunt termini, in quos syllogi-
smus resolvitur.

Appellantur termini, quia syllogismus in eos resolutus
terminatur. *Fonsec. lib. 5. log. cap. 1.*

Termini sunt tres: major, minor & medius.

Hæc de re est canon:

In syllogismo sint tres duntaxat termini.

Ratio præcepti est; quia in syllogismo est quæstio compo-
sita. At illa duobus constat terminis. Horum terminorū dis-
positio ostendenda est. E. necessum est adsit tertius terminus.
Nam duo extrema non cohererent sine medio. Objicis, in sorte
plures esse terminos? Resp. Sorites est syllogismus congloba-
tus, qui si resolvatur in solitarios, constabit veritas canonis.
Alii solent contra canonem hunc asserere hoc exemplum: *Horis
matutinis homo verè est homo. At Philosophus est homo. E.*

Philosophus horis matutinis verè est homo. Sed frivolum est. Nam vel puero anniculo Logico *ὁ φθάλμιος* est, quòd hic tres (non autem duo tantum) sint termini, eò quòd vox *homo* aliter in maiore, aliter in minore accipitur. Nam in minore accipitur propriè, in maiore verò per metonymiam efficientis, vel adjuncti: quatenus significatur aptitudo atque facilitas ad ratiocinandum. Cæterum si malis dictioniam terminorum syllogismi, hanc habe: Terminus est extremus, vel medius. Extremus est, qui simul in conclusionem & præmissis ponitur. Estq; vel major, vel minor.

Major terminus est prædicatum conclusionis in propositione maiore dispositum.

Semper enim prædicatum conclusionis in maiori collocatur; diciturque terminus major; quia vel latius patet subiecto, ut homo est animal; vel saltem æquè latè, ut Deus est omnipotens; seu, ut ait *Mocenicus contemplat. 2. part. 3. c. 1.* quia si non plura comprehendit quàm subiectum, ab illius tamen universitate nunquam deficit.

Minor terminus est subiectum conclusionis, dispositum in minori propositione.

Semper enim subiectum conclusionis in minore situm reperitur; diciturque minor, quia ipsi essentialiter convenit, à prædicati universitate deficere posse, eam verò nunquam excedere, ut præclare ait *Mocenicus d. 1.*

Canon de utroque hoc termino notetur:

Termini duo, major & minor, sunt materia & conclusionis, & præmissarum.

Sed dispari ratione. Illic enim collectim, hîc divisim collocantur. Fieri enim non potest, ut ambo in unam aliquam præmissarum sese insinuent. Præmissæ enim fierent conclusiones in uno eodemque syllogismo. Objicis syllogismum compositum, in quo tota quæstio est pars altera propositionis compositæ, ita ut non possit ibi habere locum hæc appellatio. Ad hoc objectum infra respondebitur.

Medius terminus est, cujus adminiculo extremi inter se disponuntur.

Aristoteli dicitur *ὁ μέσος*; at conclusionis termini nunquam

ei di-

ei dicuntur *ὅροι*, sed *ἄκρα*. Dicitur medius, non quod mediam inter extrema sedem habeat, sed quia penes ipsum est virtus & efficacia inferendi conclusionem. Zabarell. de terminis sic dictus? *Medius terminus cur*

in figurâ syllog. cap. 2. Sine hoc igitur medio, quasi sequestro quopiam, dubiè adinvicem partes vel conjungi, vel seungi nequeunt. Vide *Scalig. exerc. 9.* Eodem sensu dicitur *medium probativum*, & simpliciter, *medium*. Dicitur aliàs *argumentum*: quia probat maiorem inesse minori, vel non inesse, hoc est, prædicatum inesse subjecto, vel non inesse. In Scholâ Ramæ dicitur *argumentum tertium*, vel quia disponuntur tria argumenta in syllogismo, videlicet duo in conclusione, ita ut hoc sit tertium; vel quod medius terminus sit veluti tertius, & arbitè honorarius componens partes dissonantes; vel quia duo extrema conveniunt in tertio, vel disconveniunt. Est quidem unicum argumentum in syllogismo, quod dicunt probativum. Sed in conclusione dicuntur esse duo argumenta, hoc est, termini, quorum unus alterum arguere potest.

Canones hujus loci sunt:

1 *Medius terminus non ingreditur conclusionem.*

Ratio: quia medius terminus unà cum quæstionis partibus est materia præmissarum, conclusionis autem efficiens immediatum. Efficiens autem non est pars effecti. Huc pertinet versus:

Lex generalis erit, medium concludere nescit.

2 *Medius terminus nonnisi unus esse potest.*

Ratio petitur ex modò dictis; quia omne efficiens immediatum est adæquatum, & proinde nonnisi unum.

3 *Medius terminus respuit omnem ambiguitatem.*

Ratio petitur è dictis; quia ambiguitas parit pluralitatem terminorum. Itaque neque hic, neque extremi debent mutari, vel mutilari; ita ut ne abstracti confundantur cum concretis, & protoonoëmatici cum deuteroonoëmaticis.

4 *Syllogismus est unus ob unitatem medii.*

Nam pluribus mediis datis plures dantur syllogismi ob medii mutationem.

5 *Medius terminus cum unâ saltem quæstionis parte consentiat.*

Nam in omni syllogismo oportet inesse connexionem
medii termini cum aliquâ saltem quæstionis parte, ut ne sint
scopæ dissolutæ. Itaque

Ex puris negativis nihil sequitur.

Sic non valet: Nullus infidelis Deo placet. Nullus electus
est infidelis. Ergo nullus electus Deo placet. Hinc patet,
quod syllogismi affirmati existant, si medius terminus cum
utroque consentiat; negati, si ab alterutro dissentiat; vitiosi,
si ab utroque.

Materia propinqua syllogismi sunt partes ejus
quibus immediatè constituitur, & in quas promi-
nè resolvitur:

Nimirum tria axiomata, seu tres propositiones resultan-
tes è legitimâ trium terminorum dispositione.

Suntque pars antecedens & consequens.

Illa dicitur propositio inferens, hæc illata. Alii vocant
præmissas & conclusionem.

Hic notentur canones:

1 *Pars antecedens habet virtutem effectivam.*

Nam vim suam in quæstionem quasi extendit ac jacula-
tur, ut ait *Mocenicus contempl. 2. part. cap. 4.* Itaque

Pars antecedens præstantior est consequente.

2 *Nihil est in consequente, quin antè fuerit potesta-
te in præmissis.*

Zabarell. 2. post. ad cont. 22. Ea namque est syllogismi na-
tura, ut non liceat in conclusione colligere id, quod in pro-
positionibus acceptum non sit. Quamobrem si in utraque
propositione nil aliud sumatur, quam quod prædicatum in
subjecto inest, nil certè aliud in conclusione inferetur, quam
quod major extremitas minori inest. Hæc enim est vis syllo-
gismi. *Zabarell. d. l.*

Antecedentis partes duæ sunt, propositio & as-
sumptio:

Quæ ab Aristotele vocantur *πρὸς ἄσκειν*, *præensiones*, quod
ad instar scuti conclusioni prætendantur: ab aliis *λήψεις*,
sumtio.

sumiones, quòd ad probandam conclusionem sumantur;
item *præmissa*, quòd antea conclusioni præmittantur.

Canones hîc notentur duo:

1 *Ne utraque præmissa sit particularis, vel negativa.*

Huc pertinent vulgati canones: *Ex meris particularibus nihil sequitur.* Item *Ex puris negativis nihil sequitur.* Ratio prioris est duplex. 1. Quia merarum particularium propositionum connexio repugnat utriq; principio syllogistico, de quo dicemus cap. sequenti. 2. *Q. in puris particularibus sunt quatuor termini.* Nam de alio subjecto major, de alio minor loquitur. v.g. Quidam homo est dives. Quidam homo est doctus. E. docti sunt divites. Item: Aulici sunt impii. David fuit aulicus. E. impius. Ratio posterioris est; quia merarum negativarum propositionum connexio repugnat principio syllogistico secundo. Vide suprà canonem 5. de medio termino, & paulò pòst, caput sequens.

2 *Retineatur idem genus prædicationis in utràque præmissa.*

Ratio: quia mutato genere prædicationis, statim oriuntur quatuor termini. Tum autem dicitur mutari genus prædicationis, cum major est propria vel proto-noëmatica, minor impropria vel deuteronoëmatica: exempli gratiâ; Panis comeditur ore. Panis est corpus Christi in S. Cœna. E. Corpus Christi comeditur ore. Item: Mus rodit caseum. Mus est syllaba. E. Syllaba rodit caseum. Item, Genus est notio Logica. Animal est genus. Ergò animal est notio Logica. Melanchthon hunc canonem sic effert: *Non valet consequentia, mutato genere prædicationis.*

Propositio est prior antecedentis pars, quæ ex majore quæstionis extremo & medio termino conficitur.

Dicitur vel simpliciter *propositio*, vel *propositio major*, vel simpliciter *major*. Hæc priorem locum obtinet; quia de ordinis methodici ratione magis universalia minus universalibus præponuntur. At *propositio* est quodammodo causa assumptionis.

Assumptio est altera antecedentis pars, quæ ex minore quæstionis extremo & medio termino è propositione assumpto nascitur.

Hinc patet, cur vociteretur *assumptio*, item *minor*, vel *minor propositio*.

Consequens est pars syllogismi, quæ ex antecedente inferitur.

Ante constitutionem syllogismi dicitur *πρότερον θέμα*, *quæstio*, item *thema conjunctum*: post syllogismi constitutionem *συμπέρασμα*, *conclusio*, & *complexio*.

Hujus canones sunt:

1 *Conclusio non est pars syllogismi, sed effectum præmissarum.*

An conclusio sit pars syllogismi?

Sunt qui negant esse partem syllogismi. Contra hoc sic disputa. In quod res artificiosa resolvitur, id est ipsius materia. At syllogismus tanquam res artificiosa resolvitur in antecedens & consequens. Ergo antecedens & consequens sunt materia syllogismi, & ea quidem proxima. Proinde sunt partes materiales, quas vocant. Contra sic pugnant nonnulli: Effectum rei non est pars rei. At conclusio effectum est syllogismi. E. non pars. Resp. ad minorem negando. Conclusio quidem est effectum præmissarum, sed non syllogismi. Intellige conclusionem quatenus est conclusio. Nam quatenus est quæstio nondum conclusa, non habet rationem effecti. Est enim sæpe ante præmissas, videlicet extra dispositionem syllogisticam considerata. Zabarella 1. post. ad context. 4. conclusionem constituit syllogismi partem principem. Conclusio, inquit, habet locum formæ, propositiones autem locum materiæ. Dicitur enim *συμπερασμός*, quasi *συμφορὰ ἐ λόγῳ*, *collectio rationis*, quæ tum demum fit, cum inferitur conclusio. Sic ille, sed perperam. Nam res artificiosa non resolvitur in materiam & formam, sed solum in partes materiales, quæ factâ resolutione remanent. Quare cum syllogismus resolvatur in partem antecedentem & consequentem, pars consequens nullo modo potest habere rationem formæ.

2 *Conclusio est ipsa quæstio virtualiter.*

Hoc est,

Hoc est, conclusio & quæstio non differunt realiter, sed ratione ratiocinatâ, idque virtualiter seu virtute, quia videlicet quæstio dubia ante constitutionem syllogismi facit ut ardeat inquirat medium; sed post constitutionem non amplius ipsum habet sollicitum. Potes & sic explicare canonem: *Conclusio est ipsa quæstio virtualiter, hoc est, illam continet, sicut semen virtualiter est ipsa arbor.* Itaque si velis iudicium ferre de syllogismo, omnium primò conclusionis rationem habeto. Potes eodem sensu dicere, quæstio est ipsa conclusio virtualiter, quatenus ex quæstione fit conclusio.

3 *Conclusio imitetur partem debiliorem antecedentis.*

Partis firmior, nobilior seu dignior in syllogismo, est affirmans & universalis; debilior, ignobilior seu indignior, est negans & particularis. Sensus igitur canonis est; *Si una ex præmissis sit negans aut particularis, conclusio etiam sit talis.* Ratio canonis est: quia effectus toto genere non potest melior esse suâ causâ. Itaque conclusio non potest dignior esse præmissis. Non ergo valet: *Quidam fideles salvantur. Omnes fideles sunt vocati. Ergo omnes vocati salvantur.* Hic syllogismus etiam alio laborat vitio, nempe quòd in tertiâ figurâ concludit universaliter.

4 *Major & minor ita inferantur in conclusionem, ut erant in præmissis.*

Ratio: quia extrema sumuntur ex conclusione, & disponuntur cum medio in præmissis. Itaque

1 *Non sit plus in conclusione, quàm in præmissis.*

Non igitur valet: Pro quibus satisfactum est, ii non tenentur satisfacere. Pro credentibus satisfactum est à Christo. Ergo credentes non tenentur satisfacere, nec facere bona opera. Hic observa sæpe præcisionem (ut vocant) in syllogismo habere locum, quando videlicet còclusio est certa, & adduntur hæc verba, *& per consequens*, seu *& ex consequenti*: ut, *Qui est omniſcius, est Deus. Christus est omniſcius. Ergo est Deus, & per consequens invocandus.* Quidam hanc præcisionem malunt appellare appendicem; quòd conclusioni annectatur alia conclusio per enthymema.

2 *Non sit minus in conclusione, quàm in præmissis.*

Non ergò valet: Quod est in meâ domo, est in oppido. Unicus fons est in meâ domo. E. unicus fons est in oppido. Inferendum enim erat: Ergò unicus fons, qui est in meâ domo, est in oppido. Hoc exemplum solent Logici cõmuniter adferre ad hunc canõnem illustrandum. Sed vitium istius syllogismi consistit in quaternitate terminorũ, propter homonymiam termini minoris. Nam π Unicus fons in assumptione intelligitur de fonte certo, q. dicatur unicus hic fons: at in conclusione non intelligitur de fonte certo, sed de fontium numero, quasi dicatur, unicus tantũ fons. Deinde si inferatur: Ergò unicus fons, qui est in meâ domo, est in oppido: medium inferitur in conclusionem. Quare substituamus hoc exemplum: Omnes peccatores pœnitentiã agentes: recipiuntur in gratiam. Quidam homines non recipiuntur in gratiam. E. quidam homines nō sunt peccatores. Hic committitur quod fuit in majore, videl. *agentes pœnitentiã*.

Cap. 2. Forma syllogismi.

Forma syllogismi est congrua medii cum extremis dispositio.

Alii dicunt, formam syllogismi consistere in debita consequentis ex antecedente deductione. Sed illa deductio consequitur congruam dispositionem. Itaq; dispositio syllogistica est forma syllogismi, sicut dispositio axiomatice est forma axiomatis, & methodica methodi.

Dispositionis syllogisticæ considerabimus fundamentum & adminiculum.

Fundamentum dispositionis syllogisticæ est intellectus principiorum & ordinis.

Alias dicitur *radix syllogismi*. Deus Optimus ille naturæ architectus indidit animis nostris lumen, quod dicimus naturæ. Illius luminis beneficio intelligimus veritatem & evidentiam primorum principiorum; qualia sunt: Torum est majus parte; Deus est; Quod tibi non vis fieri, alteri ne feceris, & similia. Sed & illius luminis beneficio videmus, quomodo conclusiones e principijs possint elici. Philosophi

vocant

vocat intellectum principiorum & ordinis. Atque hoc est fundamentum illud nobilissimum dispositionis syllogisticę.

Intellectus principiorum suppleditur duo principia regulativa, quę vocant.

Duo principia regulativa syllogismi.

Primum principium regulativum est dictum de omni & nullo, seu regula de omni & nullo.

Dictum de omni est fundamentum syllogismorum affirmatorum, & est tale: Quodcumque dicitur de omni aliquo, dicitur etiam de iis, quę sub eo continentur.

Hoc est principium, quo modus prædicandi enunciat, pendetque ab illo principio, quod est de modo essendi: Distum de omni.

Quodcumque aliquid omne continet, etiam ea continet, quę sub isto continentur: ut, Si Europa continet Galliam, etiam continet Lutetiam, quę est in Galliâ: si Sphæra octava continet Sphæram Saturni, etiam continet Sphæram Jovis, quę continetur Sphærâ Saturni. Hęc est illa notio naturalis, principium discursus affirmativi, quâ vel incultissimi homines in ratiocinando & sermonibus inter sese commutandis utuntur. Videamus exemplum:

Homo est animal: quia homo inest animali.

Socrates est homo: quia Socrates inest homini.

Socrates igitur est animal.

Cæterum paraphrasis istius regulę accommodata ad syllogismum sic habet: Quandocumq; major terminus seu prædicatum questionis dicitur de medio omni, etiam dicetur de minore termino seu subiecto conclusionis, quandoquidem istud subiectum cõtinetur medio. Hinc alii dictum de omni sic efferunt: Quodcumq; prædicatur de aliquo omni, dicitur etiam de iis, de quibus illud omne prædicatur. Nam prædicatum continet subiectum, & in Logicâ prædicari de aliquo, & continere illud, idem sunt. Sic quod dicitur de homine, tanquam de aliquo omni, dicitur etiam de iis quę sub homine continentur. Alii sic efferunt: Quodcumq; affirmatur de toto & genere, affirmatur etiam de parte & specie. Vulgò vocant totum in toto, item, inesse, item, dici de omni.

Dictum de
nullo.

Dictum de nullo est fundamentum syllogismorum negatorum, & est tale: Quodcunque negatur de universali, idem etiam negatur de particulari sub eo contento.

Alii sic efferunt: *Quodcunque nulli alicui convenit* (ut divinitas nulli creaturæ) *neque convenit iis, quæ sub illo continentur* (ut sub creaturâ Angelus.) Inde struitur syllogismus. Nulla creatura est divina. Angelus est creatura. E. Angelus non est divinus. Clariùs sic illustremus hoc dictum de nullo:

Homo non est brutum: quia homo non inest bruto.

Mulier est homo: quia mulier inest homini.

Mulier igitur non est brutum.

Hæc regula non liquidò conspicitur in omnibus syllogismis; sed tantum in syllogismis primæ figuræ apparet evidenter, & actu, in reliquis potentiâ & obscuriùs. Ut verò appareat evidenter, duo requiruntur; primum, ut propositio major sit universalis; deinde, ut minor sit affirmata: quæ duo sunt perpetua in primâ figurâ.

Principium
proportionis.

Intellectus ordinis suppeditat principium seu regulam proportionis, quæ sic habet: *Quæ in uno tertio conveniunt, inter se conveniunt; & contrà, quæ uni tertio non conveniunt, inter se non conveniunt.*

Illa regula in affirmativis, hæc in negativis valet. Hominum vitæ non satis esset, nosse simplices propositiones. Ideò Deus addidit hanc lucem, quam vocavimus intellectum ordinis & consequentiæ in syllogismo rectè coagmentatis membris. Semel itaque Deus monstravit meras, quas in dispositione syllogistica servare necesse est. Nam proportio, quæ naturali luce mentis judicari potest, ostendit consequentiam in syllogismis immotam esse. Proportio illa est maximè conspicua in syllogismis arithmeticiis, ut videre est in regulâ de tri, quam vocant proportionum, itemque auream, ubi tribus positis numeris quartum sequi necesse est: ut, Quot sunt libræ, tot sunt drachmæ. Hic sunt libræ decem. Ergò decem drachmæ erunt pretium. Proportio ista etiam evidens est in syllogismis geometricis. Nam si men-

suranda

furanda sunt duo jugera, ad cognoscendum an convenient magnitudine, applico decempedam ad utrumque, & dico: Viginti decempedæ sunt mensura hujus jugeri. Hujus quoque mensura sunt viginti decempedæ. Ergo sunt æqualia. Hæc applicemus ad doctrinam syllogisticam. Medium est quasi decempeda; duo termini conclusionis sunt ut duo jugera. Proposita igitur aliqua quæstione, ut an voluptas sit bonum; si quis eam velit affirmare, assumat medium seu tertium, in quo convenient illa duo extrema, videlicet *esse secundum naturam*. Dehinc distrahat quæstionem in partes, & cum utrâque seorsim componat medium; & quidem primò prædicatum conclusionis componat cum medio:

Omne quod est secundum naturam, est bonum. (nat: Nunc idem medium cum subjecto conclusionis compo-

Voluptas est secundum naturam.

Inde sequitur conclusio:

Ergo voluptas est bonum.

Admiculum dispositionis syllogisticæ est inventio medii.

*Inventio
medii syllo-
gistici.*

Hæc doctrina est æquodum necessaria. Hinc à quibusdam vocatur *umbilicus Philosophiæ*; quòd sicut infans in utero matris per umbilicum attrahit nutrimentum: ita etiam Philosophia per hanc doctrinam acquirat media syllogistica ad probandas suas quæstiones. Vocatur etiam *pons asinorum*; quòd rudia & stupida ingenia in eâ maxime sint exercenda. *Aristoteles 1. prior. anal. cap. 19. & 20. vocat δυνάμειν ἀποδείξεων, abundantiam propositionum, item δύναμιν ἢ ποιῆν τὸν συλλογισμὸν, facultatem faciendi syllogismum.*

De hæc medii termini inventionem sunt hi canones:

1. Quæstio primo loco expendatur seu præcognoscatur secundum sua extrema.

Expendatur autem quinque modis. 1. *An sit dubia, vel obscura seu minus nota?* Nam non omnis quæstio est dubia, & verò probatio syllogistica non tantum dirigitur ad certificanda dubia, sed etiam ad notificanda ea, quæ sunt minus nota, ut quæ sunt confusè nota. Quod si igitur quæstio sit nota cognitione confusâ, medium inveniendum est, ut cognoscatur distinctè. Hic quoque observandum est, quæstio-

nem dici dubiam duobus modis, vel simpliciter in se & in suâ naturâ, vel secundum quid respectu alicujus personæ. 2. *An sit utilis?* Nam de inutilibus non est disputandum. Inutiles autem quæstiones dicimus, quæ lædunt pietatē & honestatē seu bonos mores; item quæ sunt ita notæ, ut de iis dubitare nefas sit, qualia sunt prima principia. Si quis de iis quærat, inops rationis censeatur; ut, an nix sit alba, an bis bina sint quatuor. 3. *An sit affirmata vel negata?* 4. *An sit universalis, particularis vel singularis?* Atq; hoc ideo expendendum est, quia quæstiones aliæ facilius, aliæ difficilius probari possunt. Sic universalis affirmativa difficulter probatur, facillimè evertitur: universalis negativa facilius probatur & difficilius refutatur: particularis affirmans etiâ facilius probatur, difficilius evertitur: particularis negans probatu facilis, sed refutatu difficillima. Ratio hujus rei petitur ex illo canonē: *Quæstio illa facilius probatur, quæ in pluribus figuris & modis potest concludi; quæ verò in paucioribus, illa est probatu difficilior.* Vide Philosophū 1. prior. c. 26. cont. 1. & 3. Hinc 1. prior. c. 18. testatur, quòd quæstio syllogistica alia sit *διετηρητική*, facilis ad probandum; alia *διεπειρητική*, difficilis ad probandum. 5. *An sit pura, vel mixta?* Quæ sit quæstio pura, quæ mixta, traditum est libro primo. Postremū hoc ideo notandū est, quia medium syllogisticū quæstioni puræ semper debet esse homogeneū, h. e. ex eadē arte sumi, cujus est propria illa quæstio; ut ne committatur *μεταβασις ἐκ ἀλλοῦ γένους ἐν ἑτέρῳ*, transitus è genere in genus. At si quæstio sit mixta, mediū potest esse heterogeneū, h. e. potest ex aliâ disciplinâ sumi, cujus quæstio non est propria; nimirum ob terminum illum, qui ad eam disciplinam pertinet. e.g. sit quæstio theologica, an Christus sit verus homo? Hæc est quæstio theologica quidem, sed mixta; quia prædicatum est terminus physicus. Itaq; argumentum peti potest non solū ex naturâ subiecti, quod est theologiæ proprium, sed etiam ex naturâ prædicati, quod est terminus physiologiæ proprius.

2 *Ad medium syllogisticum inveniendum oportet locos inventionis in numerato habere.*

Hi enim loci servant amplissimā argumentorum penum, aut saltē indicant. Tota quidē philosophia, & facultates reliquæ, quas ita vocant, nobis suggerunt media; sed Logica tradit mo-

dit modum ea quærendi & discernendi; atque in eum finem omnia media, quæcunq; afferri possunt ad aliquid probandum, digessit in capita quædam & sedes argumentorū, quas diximus locos; ad quos quasi fontes inventionis digitū nobis intendit. Hinc patet, locos non tradere copiam argumentorum, quod multi opinantur, sed signare viam ea disquirendi. Iccirco qui locos vel ad unguem tenuerit, si ceterarum scientiarum planè fuerit expers, nihil plus fuerit consecutus, quàm qui forcipè, aut malleum coëmerit, destitutus omnibus quæ incutiantur aut evellantur. Sed animus jam subactus & excultus rerum multarum cognitione, tum demum quantus sit hujus artis usus, plenè perspiciet. *Molinaus lib. 2. in appendice.*

3 *Ad facilem inventionem mediū syllogistici utile est utrumque extremum questionis per loca inventionis seu genera argumentorum deducere, & postea ex iis eligere, quæ ad probandum maximè idonea videntur.*

Duo sentit hic canon. Primum est, ut quæstionis extrema deducantur per locos Dialecticos. e.g. sit quæstio, an Scriptura sacra sit supra Ecclesiam? Hic cogitetur de utriusq; extremi causis, effectis, subjectis, adjunctis, antecedentibus, connexis, cōsequentibus, dissentaneis, cōparatis, ortis, definitione, distributione &c. Quādo unus idemq; terminus medius utriq; extremo congruit, concluditur etiam, extrema inter se congruere, & existit syllogismus affirmatus. At cū medius terminus alteri extremo convenit, alteri non convenit, concluditur etiam, extrema inter se non convenire, & existit syllogismus negatus. Hic observandum est, sæpe unum idemq; medium ad plures invētionis locos referri posse, pro diversâ relatione seu affectione, quam habet ad extrema quæstionis. Nihil itaq; obstat, quò minùs un⁹ idemq; syllogism⁹ ad plures locos referatur: ut hic syllogismus: Omne animal sentit; omnis homo est animal: E. omnis homo sentit: si subjectū cōclusionis spectes, pertinet ad locū generis: si prædicatū. ad locū causæ efficientis, vel subjecti. Sic si probanda sit quæstio, an quidā affectus sit bonus, & argumentū sit amor; dici debet, illud argumentū esse petitū à specie subjecti seu antece-

dentis, & subiecto recipiente prædicati seu consequentis. Alterum, quod in hoc canone notandum venit, est de habendo delectu argumentorum. Hæc de re sunt duæ observationes.

1. *Certiora & meliora sunt media, quæ sumta sunt à naturâ prædicati.* Ratio, quia hic est terminus major, & potior.

2. *Non numero argumentorum certandum, sed pondere.* Quare non est, ut quis propositâ quâvis quæstione ad scribendum, vel loquendum, scrupulosè perlustret omnes locos, putans se ex singulis posse educere argumenta; sed postquâ aliquis locos præconceptos & probè meditados habuerit, ita ut animo ejus obversentur, loci appositi ad propositam quæstionem ingerent sese non vocati; usque adeò, ut sæpe non tam quærenda sit scribendi aut loquendi copia quàm modus. Non igitur necessum erit pulsare ostiatim, & omnia, ut ita dicam cum Fonscâ, latibula perscrutari: quandoquidem quæ aliquid verum & insigne habuerint, ad singulas quasi inclamationes, ex singulis locis quasi dato signo sponte prodibunt. Quin etiam tanta sæpe inutilium argumentorum turba, vel celeriter per omnes locos discurrentem sequetur, ut non mediocris labor sit ab eâ te expedire. Contrà verò quædam nonnunquam proponuntur quæstiones, ad quas tractandas pauci admodum loci suppeditabunt argumenta: quo fiet, ut quantumvis ad ostia reliquorum pulles, nihil inde subsidii sperare debeas. Itaque hæc locorum arte non sunt argumenta cogenda, ac per vim atque crines, ut dicunt, trahenda, sed quasi invitanda. Alioqui timendum est, ne via hæc & ratio, quæ faciliè exquirendis argumentis excogitata est, impedimento sit futura ingeniis; & argumenta, quæ ratio ipsa per se liberiùs discurrrens haud magno labore inveniret, his legibus quasi compedibus adstricta, nullo modo adsequatur. Neque enim eò quæsitâ est hæc ars, ut naturam præceptis quasi vinculis ligaret, sed ut incertis passibus vagantem ad viam reduceret, & paucis instructam detineret, ipsa tardior sequeretur, non anteiret. Vide *Fonsecam lib. 7. inst. dial.* Præterea hîc nota, quòd argumenta seu media syllogistica in tres classes ab Aristotele dispescantur. Omne enim medium juxta illius doctrinam est vel ἀναγόμενον, antecedens, vel ἐπὶ ἀποδείξει, consequens, vel ἀντιθέμενον, repugnans. Hinc Quintilianus docet, omnem quæstionem probari per antecedentia,

cedentia, consequentia, vel repugnantia. *Antecedentia* sunt omnia, quæ sunt angustiora, semperq; subjectorum locum obtinent. Sic individuum est prius specie, species prior genere, causa effecto, subjectum adjuncto. *Consequentia* sunt, quæ communiora sunt, quæque prædicatorum locum obtinent in axiomatibus; ut, species sequitur individuum, speciem genus, effectum causam, adjunctum subjectum, definitio definitum. In omni igitur argumentatione quæstiones affirmativæ è consequentibus & antecedentibus concluduntur. Sunt autem tres classes consequentium. Primæ classis consequentia sunt essentialia, ut genus, species & differentia specifica, quæ sequuntur ad quæstionem Quid. Secundæ classis consequentia sunt propria. Tertiæ classis consequentia sunt accidentia. *Repugnantia* sunt, quæ rei inesse non possunt; ideoque constituunt axiomata negata. Hujusmodi sunt omnia dissentanea. Appositione exempli illustremus hanc postremam doctrinam. Sit quæstio, *an peccatum damnetur?*

Subjectum quæstionis hujus est *peccatum*. Ejus

1 *Antecedentia* sunt adulterium, homicidium, avaritia, superbia &c. Nam si quæras, quid est adulterium? Respon. est peccatum.

2 *Consequentia* sunt defectus, actio mala, cogitatio mala, dictum malum.

3 *Repugnantia* sunt justificare, consequi vitam æternam. Prædicatum quæstionis est *damnat*. Damnationis

1 *Antecedentia* sunt defectus, actio mala, adulterium &c. Nam hæc omnia damnant.

2 *Consequentia* sunt ira Dei, æternum supplicium &c.

3 *Repugnantia* sunt gratia Dei, cœleste gaudium &c.

Conficiamus nunc syllogismum, & sumamus medium, quod est subjecti consequens & prædicati antecedens, ut est, *actio contra legem Dei*. Hoc medium jungamus primum cum prædicato quæstionis, cujus est antecedens, & existit major propositio: *Omnis actio contra legem Dei damnat*. Deinde jungamus cum subiecto quæstionis, cujus est consequens, & oritur minor propositio: *Peccatum est actio contra legem Dei*. Hinc inferitur conclusio: *Ergo peccatum damnat*. Vide *theatrum nostrum* pag. 172. 173. Addamus

his, quæ in compendio Gymnasii Logici antehac scripsimus. Cùm quatuor sint genera quæstionum, quæ proponi possunt, universè affirmantes, in parte affirmantes, universè negantes, & in parte negantes: quatuor documentis complecti possumus generalem medii inveniendi, argumentive rationem.

Primum documentum. Ut *questio universalis affirmativa confirmetur, quarendum est aliquid, quod idem sit antecedens prædicati, & consequens subjecti.* e.g. Si proposita sit questio: *omnisne justitia sit laudanda, annon?* cujus partem affirmativam probare velis, accipe *virtutem*, de quâ universè affirmatur *laudandum*, quæque universè affirmatur de *justitia*, & confirmabis institutum in *Barbara*, hoc modo:

Omnis virtus est laudanda.

Omnis justitia est virtus.

Ergo omnis justitia est laudanda.

Secundum documentum. Ut *questio particularis affirmativa confirmetur, quarendum est medium, quod idem sit antecedens prædicati & subjecti, aut consequens prædicati, & antecedens subjecti.* Hâc arte probabis, *quandam substantiam esse viventem*: vel sumto *animali* pro argumento, ut propositum concludas in tertiâ figurâ, hoc modo:

Omne animal est vivens.

Omne animal est substantia.

Ergo quædam substantia est vivens.

Tertium documentum. Ut *questio universalis negativa confirmetur, quarendum est medium, quod idem sit consequens subjecti, & repugnans prædicati: aut contrâ consequens prædicati, & repugnans subjecti.* Hoc documento probabis, *nullum hominem esse lapidem*; vel sumto *animali* pro argumento, ut concludas in *Celarent*, aut *Cesare*, hoc modo:

Nullum animal est lapis.

Omnis homo est animal.

Igitur nullus homo est lapis.

Vel ita:

Nullus lapis est animal.

Omnis homo est animal.

Igitur nullus homo est lapis.

Vel sumto sensus experte pro medio, ut concludas in *Ca-*
mestres, hoc modo:

Omnis lapis est sensus expers.

Nullus homo est sensus expers.

Igitur nullus homo est lapis.

Quartum documentum. Ut *quaestio particularis negati-*
va confirmetur, quarendum est medium, quod idem sit ante-
cedens subjecti, & repugnans predicati. Hoc pacto probabis:
Quandam substantiam non esse viventem: sumto lapide pro
argumento, concludendoq; in prima figura, hoc modo:

Nullus lapis est vivens.

Quandam substantia est lapis.

Igitur quadam substantia non est vivens.

In secunda, hoc modo:

Nullum vivens est lapis.

Quandam substantia est lapis.

Igitur quadam substantia non est vivens.

In tertia hoc modo:

Nullus lapis est vivens.

Omnis lapis est substantia.

Igitur quadam substantia non est vivens.

Cap. 3. Communes affectiones syllogismi.

VIdimus syllogismi partes; nunc videbimus il-
lius communes affectiones.

Communes syllogismi affectiones sunt conse-
quentia syllogistica, potestas seu potentia syllogi-
stica, & cryptis syllogistica.

Consequentia syllogistica est illatio consequen-
tis ex antecedente.

Nam hæc sequitur dispositionem syllogisticam; ideoq; **Consequen-**
principia regulativa antecedenti capite tradita, etiam huc **tia syllogi-**
referri possunt, sed secundario. Cæterum hinc genere do- **stica.**
cendum est de consequentiâ syllogisticâ, quatenus conside-
ratur indifferenter, hoc est, quatenus non est necessaria, vel

contingens (de hâc enim infra docebitur) sed quatenus omni materiæ syllogistica favet, ut loquuntur.

Consequentia syllogistica est formalis, vel materialis.

Consequentia formalis est, quæ syllogismo vi solius formæ inest.

Ejus canones sunt duo:

1 *Consequentia formalis in quâvis materiâ, etiam impossibili seu falsâ, potest esse legitima.*

Ratio: quia forma syllogistica, putâ dispositio, introduci potest non solum in materiam probam, sed etiam improbam. Jam verò consequentia formalis dependet à formâ. Manente igitur formâ, manet & ipsa. Interim syllogismus in materiâ improbâ est syllogismus, quemadmodum numus adulterinus est numus. Itaque

Qualis est forma syllogistica, talis etiam est consequentia formalis.

Si illa bona, & hæc; sin illa mala, & hæc talis. Ratio jam dicta est in exegefi canonis antegressi.

2 *Ex falso quandoq₃ colligitur verum ratione formæ syllogistica.*

Ex vero nil nisi verum sequitur, & ex falso nil nisi falsum sequitur, si spectes consequentiam materiale. At si spectes consequentiam formalem, ex falso quoque colligi potest verum. Hinc Zabara in 1. post. anal. cap. 2. rectè ait: Ex falso, quatenus falsum, per se sequi tantum falsum, per accidens autem verum, hoc est, ex propositionibus falsis contingere quidem ratione formæ syllogistica, ut ex iis quandoq₃ colligatur verum, sed non ratione materiæ, quatenus falsæ sunt. Non enim falsitatem habere talem vim, ut ex eâ necesse sit colligi verum. Atq₃ hoc est quod docet primus philosophus de ἀληθείᾳ veri, quòd illud non sit indigum falsi ad sui defensionem. Si igitur sic disputet aliquis: Omnis lapis est baptizandus. Omnis infans in fœdere Dei comprehensus est lapis. Ergò omnis infans in fœdere Dei comprehensus est baptizandus: veram conclusionem colliget ex falsis præmissis vi con-

vi consequentiæ formalis, seu legitimæ dispositionis, à quâ pendet consequentia formalis.

Consequentia materialis est, quæ syllogismo vi solius materiæ inest.

Ejus canones in genere sunt octo:

1 *Quidquid stat (hoc est, verum est) cum antecedente, stat etiam cum consequente; sed non contrà.*

Exempli gratiâ, si est homo, est animal; sed non contrà, si est animal, est homo.

2 *Quidquid repugnat consequenti, id etiam necessariò repugnat antecedenti; sed non contrà.*

Verbi gratiâ, si non est animal, non est homo; non autem, si non est homo, non est animal.

3 *Ex quocungq₃ sequitur antecedens, ex eo etiam sequitur consequens.*

Verbi gratiâ, si homo est animal, & animal est substantia, etiam homo est substantia. Sed hic canon valet in rebus essentialiter sibi subordinatis, terminis item propriis & proto-noëmaticis. Non enim est consequens: Si Christus est vitis & vitis est arbor. Ergò etiam Christus est arbor. Nec valet: Si homo est animal, & animal est genus. Ergò homo etiam est genus.

4 *Ex veritate axiomatis universalis affirmati, sequitur veritas axiomatis particularis affirmati, & falsitas universalis negati.*

Exempli gratiâ, si verum est, omnem creaturam suâ naturâ esse corruptibilem; sequitur etiam verum esse, quandam creaturam esse talem; & falsum, nullam creaturam esse talem.

5 *Ex veritate axiomatis universalis negati sequitur veritas particularis negati, & falsitas universalis affirmati:*

Ut, Si verum est, nullam bestiam esse rationalem, sequitur verum etiam esse, quandam bestiam non esse rationalem; & falsum, omnem bestiam esse rationalem.

6 *Ex veritate unius axiomatis equipollentis sequitur veritas alterius; & contrà ex falsitate unius sequitur falsitas alterius:*

Ut, Si verum est, Christum esse improprie viam, verum etiam est, Christum esse similem viæ: & rursus, si falsum est, Christum esse improprie viam; sequitur etiam falsum esse, Christum esse similem viæ.

7 *Ex veritate axiomatis conversi sequitur veritas convertentis; & contrà ex falsitate conversi sequitur falsitas convertentis, secundum omnes conversionis species.*

Exempli gratiâ, Si nulla stella est animal, etiam nullum animal est itella. Et, si omnis homo est animal, etiam quodcunque non est animal, non est homo.

8 *Ex veritate unius axiomatis contradictorii, sequitur falsitas alterius; & contrà ex falsitate unius sequitur veritas alterius.*

Ratio suprâ lib. 6. est dicta; quia impossibile est, duo contradictoria simul esse vera & falsa: ut, Deus est, Deus non est; homo est animal rationale, homo non est animal rationale. Si igitur verum est, Deum esse; falsum est, Deum non esse.

Potentia
syllogistica.

Potentia syllogistica est affectio syllogismi serviens illius confirmationi.

Aristot. 2. prior. accidentia syllogismi dividit in potentias & impotentias, seu, ut alii loquuntur, in virtutes & vitia. Ac potentias quidem recenset quinque, quarum prima dicitur potentia plura inferendi ex uno; altera, colligendi vera ex falsis; tertia, potentia probandi per circulum; quarta, probandi per conversionem; quinta, potentia probandi per impossibile. Nos paulò aliter istas potentias recensemus.

Potentia syllogistica est reductio, expositio, probatio per circulum, probatio per conversionem, & probatio per impossibile.

Reductio
syllogistica.

Reductio est mutatio syllogismi secundum formam

nam ad evidentius ostendendam illationis necessitatem.

Hic docetur in genere de reductione, non quatenus est propria secundæ & tertiæ figuræ. Non enim solum ibi reductio habet locum; sed etiam hypothetico & alii syllogismo convenit.

Reductio est directa, vel indirecta,

Reductio directa est, quæ necessitatem illationis ostendit solâ propositionum conversione & transpositione. *Usitate dicitur ostensiva.*

Hic nota, conversionem & transpositionem vocari instrumenta ostensivæ reductionis.

Reductio indirecta est, quæ necessitatem illationis ostendit per id, quo adversarius ad absurdum & impossibile deducitur: unde & reductio per impossibile, & ad impossibile seu absurdum ducens appellatur. *Exempla vide infra cap. 5.*

Expositio syllogistica est mutatio terminorum universalium syllogismi in singulares, ut illationis necessitas ad sensum eò evidentius pateat.

Expositio
syllogistica.

Græci vocant *ἐκθεσις*; vulgares Logici appellant *syllogismum expositivum*. Notetur hic quorundam error, qui statunt, expositionem duntaxat in figurâ tertiâ habere locum. Hic error confutatur ex fine expositionis. Inventa est illa, nō solum syllogismis imperfectis perficiendis, ut illi tradunt: sed ostendendæ necessitati illationis, ut illa ad sensum pateat. Siquidem ea nihil est aliud, quàm sensilis, sive ad sensum provocans explicatio. Fit igitur hoc modo (quod diximus) Si termini universales mutantur in singulares, verbi gratiâ, Omnis homo ratione est præditus. Omnis homo est animal. Ergo quoddam animal ratione est præditum. Istius syllogismi bonitas & necessitas expositione comprobatur, si loco medii universalis sumas singulare, quod sub eo continetur: Socrates est ratione præditus. Socrates est animal. Ergo quoddam animal est ratione præditum. Eodem modo ex-

poni potest hic syllogismus primæ figuræ: Præcurfor Christi non est ipse Christus. Quidam homo est præcurfor Christi. Ergo quidam homo non est ipse Christus. Exponitur hoc modo: Præcurfor Christi non est ipse Christus. Johannes Baptista est præcurfor Christi. Ergo Johannes Baptista non est ipse Christus. Ad summam: In omni syllogismo generali sunt propositiones exponibiles. Ergo & ibi locum habere potest expositio. Vide dissentientem *Arnisaum in Logic. Crell. pag. 384. 385.*

Probatio
per circu-
lum.

Probatio per circulum est, quâ conclusionem syllogismi jam facti sumimus tanquam majorem vel minorem, & cum eâ alteram præmissarum simpliciter conversam jungimus, ita ut alteram præmissarum relictam & demonstrandam concludamus. *Alii vocant circulum, item syllogismum in orbem seu circularem.*

Quemadmodum enim in circulo ab eodem puncto ad idem punctum per peripheriam fit reditus: ita hîc ab iisdem propositionibus ad earundem confirmationem per conclusionis probationem reditur. Hinc colligere est, circulum syllogisticum requirere terminos reciprocos. Videamus exemplum. Sit syllogismus: Omne risibile est rationale. Omnis homo est risibilis. Ergo omnis homo est rationalis. Hujus syllogismi major probari potest per conclusionem loco majoris positam, & minorem simpliciter conversam hoc modo: Omnis homo est rationalis. Omne risibile est homo. Ergo omne risibile est rationale. Similiter minor probatur per majorem simpliciter conversam, & conclusionem loco minoris positam: ut, Omne rationale est risibile. Omnis homo est rationalis. Ergo omnis homo est risibilis.

Probatio per circulum est vel per perfectum, vel per imperfectum.

Probatio per circulum perfectum est, quæ constat sex syllogismis:

Quorum primus probat conclusionem primam, secundus propositionem, tertius assumptionem, quartus assumptionis con-

onis convertentem, quintus propositionis convertentem, sextus conclusionis convertentem. Hic circulus in solo Barbara reperitur. c. g.

I.

Omnes justificati pacem habent cum Deo.

Omnes verè credentes sunt justificati. Ergò

Omnes verè credentes pacem habent cum Deo.

II.

O. verè credentes pacem habent cum Deo.

O. justificati sunt verè credentes. E.

O. justificati pacem habent cum Deo.

III.

Quicumq; pacem habent cum Deo, sunt justificati.

O. verè credentes pacem habent cum Deo.

E. omnes verè credentes sunt justificati.

IV.

Quicumq; pacem habent cum Deo, verè sunt credentes.

O. justificati pacem cum Deo habent. E.

O. justificati verè credentes sunt.

V.

O. verè credentes justificati sunt.

Quicumq; pacem habent cum Deo, verè credentes sunt.

Ergò quicumq; pacem habent cum Deo, justificati sunt.

VI.

O. justificati verè credentes sunt.

Quicumq; pacem habent cum Deo, justificati sunt.

E. quicumq; pacem habent cum Deo, verè credentes sunt.

Probatio per circulum imperfectum est, quæ constat paucioribus syllogismis, quàm sex.

Hæc locum habet in cæteris primæ figuræ modis, & in reliquis figuris, tamen non in omnibus illarum modis. Exemplum unicum sufficiat in Disamis: Aliquod animal est album. Omne animal est sensitivum. Ergò aliquod sensitivum est album. Circulus hic est: Aliquod sensitivum est album. Omne sensitivum est animal. E. aliquod animal est album. Vide Philosophum 2. prior. c. 6. 7. & Zabara in tabb. Logicis.

Probatio per conversionem est propositionis Probatio
falsæ in syllogismo positæ refutatio per oppositam per conver-
sionem.

conclusionis ejus loco positam, & retentam alteram præmissarum veram.

Aristoteles vocat ἀντιστροφὴν, *obversionem*, 2. prior. cap. 8. Vulgò statuunt speciem deductionis ad absurdum. exempli gratiâ, si quis sic inferat: Omnis regeneratus placet Deo. Omnis baptizatus est regeneratus. Ergò omnis baptizatus placet Deo. Hic retinetur major, sed conversa, & loco minoris, quæ falsa est, ponitur contradictoria conclusionis, & ita evertitur minor, hoc modo: Omnis qui placet Deo, est regeneratus. Quidam baptizatus non est regeneratus. Ergò quidam baptizatus non placet Deo. Si quis sic argumentetur: Nullus servus peccati salvatur. Omnis verus Christianus est servus peccati. Ergò nullus verus Christianus salvatur. Hic contraria falsæ conclusionis ponitur loco minoris falsæ, & sic concluditur veritas: Nullus servus peccati salvatur. Omnis verus Christianus salvatur. Ergò nullus verus Christianus est servus peccati.

Probatio
per impos-
sibile.

Probatio per impossibile est, quâ conclusionis alicujus, quam adversarius negat, cōtradictionem sumimus, & cum eâ propositionem manifestò veram atq; concessam ab adversario; quib. conclusio falsa, seu ñ impossibile concluditur, ex quo deinde primaria nostra conclusio, quam concludere constitueramus, hypotheticè efficitur.

Aristoteles vocat συλλογισμὸν δι' ἀδυνάτην, & εἰς τὸ ἀδύνατον, *sylogismum ducentem ad impossibile*. Sunt autem duæ argumentationes seu duo processus in syllogismo ducente ad impossibile. Prior processus est categoricus, concludens impossibile; secundus est hypotheticus. A nobis ista deductio statuitur affectio, non species syllogismi; quia nulla est questio, quæ ita probari non possit. Nulla siquidem est enuntiatio, cui non detur contradicens. Porro syllogismus ostensivus directè probat thesin, quam intendimus; at syllogismus ad impossibile probat quod impugnamus: & quò ineptior est conclusio & falsior, eò melior est syllogismus. Tali probatione utimur vel necessitatis gratiâ, videlicet apud eum, qui petit rationem eorum, quæ non possunt ostensivè probari.

bati, qualia sunt prima principia, & quæcunque sunt manifeste vera; vel voluptatis causâ, ut confundamus adversarium arrogantem. *exempli gratiâ*, esto conclusio: Omnes fide justificati pacem apud Deum habent. Hanc adversarius nobis negat. Vera igitur est *καθ' ἑαυτὴν* adversarii, quæ illi contradicit: Quidam fide justificati pacem apud Deum non habent. Hanc accipio, & cum eâ aliam manifestò veram, & efficietur impossibile falsum: Quicumque secundum spiritum, & non secundum carnem ambulant, ii pacem habent apud Deum. (Hæc enim est utrinque concessa.) Quidam fide justificati pacem apud Deum non habent. Ergò quidam fide justificati secundum carnem, & non secundum spiritum ambulant. Hoc autem fieri non posse utraque pars fatetur. Hinc igitur hypothetico conjuncto (disjunctus enim hic locum non habet) primaria nostra conclusio efficitur hoc modo: Si hæc conclusio falsa est, falsa etiam est alterutra præmissarum. Non major, quia utrinque concessa. Ergò minor. Vera igitur illius contradictio: omnes fide justificati pacem habent cum Deo, *ὅτι ἐν εὐδοκίᾳ*. Potes & hoc modo paulò aliter procedere. Sit hoc thema: omnis verus Christianus salvatur. Hoc negat adversarius. Probatur per impossibile, hoc modo. Aut verum est hoc thema, aut ejus contradictorium. Sed ejus contradictorium non esse verum probatur hoc syllogismo simplici. Omnis verè credens salvatur. Quidam verus Christianus non salvatur. Ergò quidam verus Christianus non est verè credens. Sed hæc conclusio est falsa. Itaque & alterutra præmissarum erit falsa. Sed major non est falsa: quippe quæ nititur expressis Scripturæ testimoniis. Ergò minor est falsa, & per consequens ejus contradictoria est vera: omnis verus Christianus salvatur; id quod erat principale thema. Ad hanc probationem referimus syllogismum oppositivum, quem vocant: ut, Omnia sacramenta sunt res externæ sub sensum cadentes. At quoddam sacramentum ex hypothesis adversarii non est res sub sensum cadens. Ergò quoddam sacramentum non est sacramentum. Sic disputari potest contra Papistas, qui nuda accidentia panis

remanere contendunt in sacrificio missæ, & corpus Christi sub pane latere credunt, & sensus falli vociferantur.

Crypsis syllogistica est recessus syllogismi ab ordinariâ & naturali dispositionis syllogisticæ normâ.

Estque defectus, redundantia, vel inversio syllogistica.

Defectus syllogisticus est, per quem pars aliqua syllogismi omittitur:

Idque vel brevitatis, vel evidentiae, vel ornatus, vel infirmitatis causâ. Sic docti viri enthymematicè disputant, quando breves esse cupiunt, vel cum res est sat evidens. Oratores ornatus causâ mutilant syllogismos. Sophistæ denique omittunt partem illam, quam magnâ infirmitate laborare vident.

Redundantia syllogistica est, per quam præter partes essentielles aliquid additur syllogismo: *idque vel probandi, vel amplificandi gratiâ.*

Inversio est, per quam ordo naturalis partium syllogismi immutatur: *idque ornatus causâ. Exempla vide infra cap. 14.*

Cap. 4. Figura prima.

Sequuntur species syllogismi, quæ sunt formales, vel materiales.

Formales sunt, quæ formam illius concernunt: & ita syllogismus est perfectus, vel imperfectus.

Syllogismus perfectus est, qui cum naturali dispositionis syllogisticæ normâ congruit.

Estque vel categoricus, vel hypotheticus.

Ille simplex, hic compositus dicitur. Singulariter hic ineptiunt Logici, etiam primæ classis, dum syllogismum compositum habent pro imperfecto. Fateor quidem esse imperfectum,

An syllogismus compositus sit

fectum, si conferatur cum perfectiori, nimirum simplici. Sed imperfecte. Hæc ratione figura prima sola fuerit dicenda perfecta. Hic ætus? igitur æstimemus perfectionem syllogismi è naturali & ordinariâ dispositione; cujus perfectionis tres gradus statuamus, summum in figurâ primâ, medium in figurâ secundâ & tertiâ, infimum in syllogismo composito. Imperfectionem autem æstimemus ex crypsi.

Syllogismus categoricus est, qui disponit quæstionis prædicatum cum medio termino in propositione, subjectum cum eodem in assumptione. Latine diceres prædicativum.

Dicitur, ut antè monui, simplex, vel quòd constituatur è simplicibus axiomatibus; vel quia quæstionis partes simpliciter & sigillatim in præmissis collocantur. Definitur etiam, quòd constet tribus propositionibus categoricis. Vulgò in syllogismo categorico dicunt esse figuram & modum, non quòd in composito hæc talia non sint, sed *ut dicitur* *in categorico*, quia in categorico sunt nobiliori modo. Alioquin in composito syllogismo etiam est utrumque. Nam forma syllogismi consistit in legitimâ deductione, & ea continetur cum certâ figurâ, quæ consistit in bona medii dispositione, tum modo, qui consistit in justâ contemperatione enuntiatorum in quantitate & qualitate: quæ duo etiam sunt in syllogismo composito.

Estq; primarius, vel secundarius. Ille *principalis*, hic *minus principalis* dici potest.

Primarius est, qui necessitatem illationis habet, & necessitatis evidentiam, ita ut medius terminus antecedit in propositione, sequatur affirmatus in assumptione. Dicitur vulgò prima figura, *Ramo* syllogismus explicatus secundus.

Hic obiter duo quærentur. 1. Quot sint figuræ? 2. Quæ sit prima figurarum syllogisticarum? Resp. ad 1. Tot sunt figuræ syllogisticæ, quot possunt esse medii termini collocati-ones simplices. At medius terminus triplicem duntaxat habere potest situm cum extremis quæstionis. Aut enim antecedit in propositione, & sequitur in assumptione, ut in figu-

Quot sint
figuræ syl-
logisticæ?

râ primâ: aut semper sequitur, ut in figurâ secundâ; aut semper antecedit, ut in figurâ tertiâ. Hinc versus memorialis:

Pri sub. præ: tenet altera bis præ: tertia bis sub.


Hoc est, In primâ figurâ medius terminus in majore est subiectum, in minore prædicatum; in secundâ figurâ prædicatum; in tertiâ semper subiectum. Galenus addit quartam figuram, in quâ medius terminus in minori subicitur, & in majori prædicatur, verbi gratiâ, omnis homo est animal. Omne animal est corpus. Ergò quoddam corpus est homo. Sed hæc dispositio Galenica procedit contra naturam & dictum de omni, quod jubet, ut terminus qui prædicatur in præmissis, itidem prædicetur in conclusione, & qui illi subicitur, & hîc subicitur. Totum hoc invertit quarta figura. Nam in exemplo allato, C O R P U S, subiectum conclusionis, in minori fit prædicatum, & prædicatum H O M O, in majori subiectum. Itaque medius terminus, A N I M A L, quodam modo de se ipso dicitur: quia dum de prædicato quæstionis dicitur, & prædicatum de subiecto, subiectumque rursus de medio, consequitur etiam, medium de se ipso dici. Quod enim majori majus est, id etiam minori majus est. Revera autem absurdum est, aliquid majori majus esse, minore verò minus, perinde ac si quis ipso principe major sit, famulo autem principis minor. Ita enim se ipso quoque major fuerit, quod est contra naturam, ut acutè disputat *Crellius in isagog. Logic. part. comment. lib. 3. cap. 5.* Ad summam, quarta figura est everfio & perversio primæ. Jam respondeamus ad quæstionem secundo loco propositam de ordine figurarum. Probamus autem ordinem Peripateticum hoc argumento. Figura prima est generalior reliquis duabus. Ergò & illis prior. Probat autem antecedens duplici ratione. 1. Vis & potestas syllogismi ex conclusione æstimati debet. Cum verò in primâ figurâ omnis generis conclusiones sequantur, illa utique ob suam universalitatem præcedere debet. Tertia enim figura tantum particulariter, secunda tantum negativè concludit: sed prima tam particulariter & universaliter, quàm affirmativè & negativè. Et hæc est illius prærogativa.

Ordo figurarum syllogisticarum.

tiva. 2. Regula prius nota esse debet quàm regulatum. At prima figura est regula reliquarum. Nam perfectissima est; quippe cùm dictum de omni & nullo contineat actu, quod in reliquis potentiâ tantùm invenitur. Atque hinc est, quòd reliquæ figuræ ad primam reducendæ sint, ut fiant eridenter. Nunc redeamus ad primam figuram, cujus canones hi sunt:

1 *Situs medii termini in hac figurâ omnium est naturalissimus, & ad concludendum accommodatissimus.*

Ratio prioris est; quia medius terminus in hac figurâ est propriè & reverâ medius. Etenim omne medium, quod est inter duo extrema secundùm altitudinem, id est, inter extremum superius & inferius, illud, inquam, medium debet habere aliquod extremum supra se, & aliquod infra se. Atqui medius terminus in primâ figurâ est talis. Habet enim terminum supra se, nempe prædicatum conclusionis in majore propositione positum, & habet terminum infra se positum, nempe subjectum conclusionis in minore propositione positum. Nam sciendum est, Logicos omne prædicatum appellare terminum superiorem, subjectum autem appellare terminum inferiorem, eodem sensu, quo diximus suprâ, prædicatum appellari terminum majorem, subjectum terminum minorem. Diagramma est tale:



Atque hinc etiam patet, cur hæc figura ad concludendum sit accommodatissima, quæ erat altera canonis pars.

2 *Modi figuræ primæ sunt quatuor.*

Modus syllogisticus est legitima duarum propositionum, & conclusionis dispositio secundùm quantitatem & qualitatem legitimam. Est autem qualitas legitima, ut vel utraq; præmissarum, vel minimùm altera sit affirmans (ex pu-

Modi figuræ primæ.

ris enim negantibus nil sequitur) quantitas legitima, ut vel utraque, vel minimum altera præmissarum universalis sit: quia nihil efficitur ex puris particularibus. Cæterum modi primæ figuræ continentur hoc versu:

Barbara, Celarent, primæ, Darii, Ferioq.

In his vocabulis mnemonice habenda est ratio vocalium: quâ de re sunt hi versus memoriales:

Afferit A, negat E; sed universaliter ambo.

Afferit I, negat O; sed particulariter ambo.

Sensus hic est:

A	} notat propositionem feu enunciationem	} Universalem affirmantem. Universalem negantem. Particularem affirmantem. Particularem negantem.
E		
I		
O		

Videamus exempla.

BAR	<i>Omnis qui aliena detinet, est fur.</i>
BA	<i>Omnis avarus aliena detinet.</i>
RA.	<i>Ergo omnis avarus est fur.</i>
CE	<i>Nullus serviens affectibus est liber.</i>
LA	<i>Omnis ambitiosus servit affectibus.</i>
RENT.	<i>Ergo nullus ambitiosus est liber.</i>
DA	<i>Omne respirans habet pulmones.</i>
RI	<i>Aliqui pisces respirant.</i>
I.	<i>Ergo aliqui pisces habent pulmones.</i>
FE	<i>Nullum viviparum est avis.</i>
RI	<i>Aliqua volucris est vivipara.</i>
O.	<i>Ergo aliqua volucris non est avis.</i>

Sunt quidem in unaquâque figurâ 36 modi pro varietate qualitatis & quantitatis, ut ostendit Crellius in Logicis: sed quatuor solum in hac figurâ sunt utiles, totidem in secundâ, sex in tertiâ.

3 Major in primâ figurâ semper sit universalis.

Ratio: quia in propositione majore continetur genus seu communius, in minore species, vel individuum, aut simile quod est angustius. Ut igitur fieri possit processus à communi ad angustius, omnino requiritur ut major sit universalis. Hoc patet è dicto de omni, quod in hac figurâ est evidentissimum.

dentissimum. Non igitur valet: Quidam peccator est electus ad vitam æternam. Omnis homo est peccator. E. omnis homo est electus ad vitam æternam.

4 *Minor semper debet esse affirmans.*

Ratio hujus canonis etiam petitur è dicto de omni. Nimirum hîc in minori debet fieri applicatio generis ad speciem vel individuum. At illa non fieret, si minor esset negans. Non igitur valet: Omne homicidium est puniendum. Nullum furtum est homicidium. Ergò nullum furtum est puniendum. Sed hîc cauto opus est. Videtur enim nonnunquam minor esse negans, cum reverâ sit affirmans, idque propterea, quia finita existimatur, quæ infinita est. Accidit hoc quoties particula negandi in majore inferitur subjeçti descriptioni, sive major illa sit affirmans, sive negans. Suprà libro sexto docuimus, quòd infinita non neget; quia videlicet verbum, non nomen, habet vim aliquid certi asseverandi, verumque à falso dividendi; ut si dicas, Judas non prodidit Christum, negatio est: at si dicas, Judas prodidit non Christum, affirmatio est, quâ aliquid incertum & infinitum affirmas. Exempli gratiâ. Quodcunque non est compositum, est immortale. Anima rationalis non est composita. Ergò anima rationalis est immortalis. Minor non est negans. Ratio; quia conclusio in qualitate & quantitate semper sequitur partem debiliorem. At conclusio hîc est affirmans. E. & utraq; præmissarum erit talis. Minor autem est infinita; quo fit, ut particula negandi præposita copulæ, non ad copulam, sed ad prædicatum pertineat. Liquet hoc ex majore, in quâ illa particula negandi non ad copulam, sed ad descriptionem subjeçti pertinet. Sic igitur minor erat formanda: Anima rationalis est non-composita. Huc pertinent & illa exempla: Qui non est doctus, non est mathematicus. Rusticus non est doctus. E. non est mathematicus. Item: Qui non colligit cum Deo, dissipat. Improbi non colligunt cum Deo. E. dissipant. Item: Nullum dogma nõ expressum in S. literis, est obtrudendû Christianis. At dogma Anabaptistarum nõ est expressum in SS. literis. E. dogma Anabaptistarum nõ est obtrudendum Christianis. In his exemplis minor habet axiomaticam crypsin, ideoq; sic rectificâda: Rusticus est non-

doctus: Impii colligunt non cum Deo: Anabaptistarum dogma est dogma non-expressum in S. literis. Atq; hinc patet, quàm necessaria sit doctrina de axiomatico infinito. Præterea termini isti, qui negare videntur, mutari possunt in affirmantes, ut cuius manifestum sit, minorem non esse negantem: ut in postremo exemplo: Nullū dogma quod Scriptura tacet, est obtrudendū. Dogma Anabaptistarum scriptura tacet. E. Sic ille syllogismus Phariseorum *Joh. 9.* Qui non servat Sabbathum, is non est à Deo. Christus non servat Sabbathum. E. Minor infinita est, & ideo affirmans, perinde atq; si dicam: Nullus homo non servans Sabbathum est à Deo. Christus est homo non servans Sabbathum. Ergo. Mutari etiam potest in terminos actu affirmantes: Qui Sabbathum violat, non est à Deo. Christus Sabbathum violat. Ergo.

Cap. 5. Figura secunda.

SYllogismus simplex secundarius est, qui necessitatem illationis habet non evidentem.

Estq; vel in secundā, vel in tertiā figurā.

Diximus capite præcedenti, figurā primā esse reliquarū mensuram. Sicut igitur mensuratū reducitur ad suam mensuram: ita & hæ figuræ reducuntur ad primā. Huic reductioni serviunt consonæ, quæ sunt in vocabulis modorum, & continentur his versibus:

Cesare, Camestres, Fesino, Baroco, secunda.

Tertia grande sonans recitat, Darapti, Felapton.

Adjungens Disamis, Datisi, Bocardo, Ferison.

Nomina horum modorum adeo artificiosè sunt composita, ut meritò mirari possimus veterum Logicorū ἀρχιτεκτων in his talibus excogitandis. In Græcā linguā nonnulli idem attemptarunt, & modos figuræ primæ vocarunt *ῥαμμοί*, *ῥαψι*, *ῥαφίδι*, *τεχνικός*; secundæ, *ῥαψι*, *κατεχε*, *μετέιον*, *αχολοι* &c. Vocabula illa sunt quidem *σημαντικά*, sed non ita apta ut Latina; quia non solum vocalium ratio habenda est, ut in Græcis factum, sed etiam consonarum. De vocalibus diximus ad canonem 2. cap. præced. De consonis hic dicemus. Nam illæ serviunt reductioni figuræ secundæ & tertiæ. Sunt autem

autem consonæ in istis vocabulis vel initiales B. C. D.F. vel intermediæ S.P.M.C. De posterioribus sunt hi versus:

S. vult simpliciter verii. P. verò per acci.

M. vult transponi. C. per impossibile duci.

Modi duarum figurarum posteriorum non adeò perspicue concludunt, ut necessitas colligendi statim appareat. Itaq; quisque eorum eget conversione aliquâ, aut evidenti deductione ad impossibile, aut expositione, aut certè pluribus conversionibus, quibus ipsa consequentiæ necessitas planè perspiciatur. Literæ igitur initiales istorum vocabulorum significant, per quæ modum perfectum quisq; imperfectus sit probandus, adeoq; perficiendus. B. namq; significat, probandum esse per *Barbara*. C. per *Celarent*. D. per *Darii*. & F. per *Ferio*. S. verò significat enunciationem, quam designat vocalis præcedens, convertendam esse simpliciter, P. verò per accidens. M. significat mutatione majoris in minorem, & minoris in majorem, quàm præmissarum transpositionem vocant. Fit autem in *Camestres* & *Disamis*. Deniq; C. post primam syllabam in dictione positum, significat modum talè non ostensivè seu directò probari posse, sed deductione ad impossibile; sumtâ videl. contradicente conclusionis in syllogismo perfecto, loco illius sumtionis, quæ designatur per vocalem præcedentem. Invenitur in duobus tantum modis in *Baroco* nimirum & *Bocardo*. Videamus singula.

<i>Cesare</i>	} probatur conversione & illatione suæ conclusionis in	<i>Celarent.</i>
<i>Camestres</i>		<i>Celarent.</i>
<i>Festino</i>		<i>Ferio.</i>
<i>Darapti</i>		<i>Darii.</i>
<i>Felapton</i>		<i>Ferio.</i>
<i>Disamis</i>		<i>Darii.</i>
<i>Datifi</i>		<i>Darii.</i>
<i>Ferison</i>	}	<i>Ferio.</i>

Baroco & *Bocardo* non probantur interventu conversionis, sed, uti diximus, deductione ad impossibile, Exempli gratiâ: Quod interit, illud est elementatum. Animus non est elementatus. Ergò non interit. Hic modus per impossibile sic reducitur in *Camestres* in *Celarent*: Quod est elementatum, non est animus. Quod interit, est elementatum. Ergò quod interit, non est animus. Hoc modo

utimur, cum adversarius præmissas quidē concedit, sed conclusionem ex præmissis sequi negat. Tum conclusio vel minoris, vel majoris locum occupabit. Atq; ita adversarium ad contradictionem adigimus. Præterea, si vocalem primam, secundam vel tertiam sequitur S, tum propositio, quæ vocali illâ denotatur, debet converti simpliciter: ut, in *Cesare* primam vocalem sequitur S. Quare prima propositio debet converti simpliciter, videl. in *Celarent*: ut, Nullus homo est lapis. Omnis adamas est lapis. E. nullus adamas est homo. Hic major convertitur: Nullus lapis est homo. Omnis adamas est lapis. Ergò. Cætera sunt è dictis plana.

Figura secunda.

Syllogismus in figurâ secundâ est, cujus medius terminus bis sequitur in præmissis, in alterutrâ negatus. *Ramo dicitur explicatus secundus*:

Ejus canones sunt:

1 *Modi secunda figura sunt quatuor.*

Nimirum utiles. Confer cum can. 2. cap. præced. Exempla modorum sunt hæc:

- CE Nulli reprobi salvantur.
 SA Omnes verè credentes salvantur.
 RE. Ergò nulli verè credentes sunt reprobi.
 CA Quicunque verè credunt, salvantur.
 ME Nulli temporarii salvantur.
 STRES. Ergò nulli temporarii verè credunt.
 FE Nullum compositum est æternum.
 STI Aliquid in homine est æternum.
 NO. Ergò aliquid in homine non est compositum.
 BA Omnes oves Christi in ovili manent.
 RO Quidam in Ecclesiâ in ovili non manent.
 CO. Ergò quidam in Ecclesiâ non sunt oves Christi.

2 *Major semper sit universalis.*

Non igitur valet: Quædam delicta puniuntur à magistratu. Ebrietas non punitur à magistratu. E. ebrietas non est delictum. Ratio canonis est; quia si major esset particularis, minor

minor universalis, fieret quandoque ut ex præmissis veris falsa efficeretur conclusio. Talis autem modus est inutilis: cum ex vero nonnisi verum consequatur. Exempli gratiâ. Quidam homo est albus. Nullus æthiops est albus. Ergò nullus æthiops est homo. Crellius etiam hanc addit rationem: quia si à particulari ad universale procederetur in hac figurâ, conclusio colligeretur universalis, contra præceptum illud: Conclusio imitetur partem debiliorem. Aliâ enim ratione in hac figura, quàm in tertia proceditur. Hic enim duo disparata aut opposita à se invicem removètur: ut ibi ex angustiori seu specie genus sive communius in parte concludimus. v.g. Quoddam animal sentit. Nullus lapis sentit. E. nullus lapis est animal. Arnisæus addit tertiâ ex dicto de Omni: In secundâ figurâ, ait, propterea removetur major de minore, quia medius remotus fuit ab omni parte majoris vel minoris. Nihil enim hic refert, sive major, sive minor negetur. Unde peculiare præ primâ & tertiâ figura habet hoc secundâ, ut minorem etiam admittat negativam.

3 Ex puris affirmativis in hac figurâ nihil sequitur.

Ratio; quia est disparatorum figura, quæ sibi invicem tribui non possunt. Hinc hæc figura est maximè ἀνασχετική, accommodata ad refutandum. Deinde, si ex utraq; præmissâ affirmante affirmans inferatur cōclusio, fiet ut ex præmissis veris falsum efficiatur: ut, Omnis homo est animal. Omnis asinus est animal. E. Omnis asinus est homo. Sic non valet: Omnis gallina est bipes. Omnis homo est bipes. Ergò omnis homo est gallina. Arnisæus tertiam rationem addit petitam ex dicto de Nullo. Tum enim, ait, ad secundam figuram trahit nos consuetudo ratiocinandi, quando medius latius patet utroque extremo; sicut ad tertiam eadem consuetudo nos rapit, quando medius utroque extremo est angustior. Jam non valet, quæ in uno tertio communi conveniunt, inter se conveniunt. Thomas hoc axioma sic limitat: Illa videntur esse idem inter se, quæ in uno tertio conveniunt, secundum rem & rationem. Aliâs homo & asinus conveniunt in uno tertio essentiali genere, nec tamen sunt idem inter se; quia secundum Thomam genus ratione differt à speciebus, secundum Scotum etiam reipsâ. Multò minùs

valebit axioma in doctrinâ hâc syllogisticâ, ubi commune quippiam latissimè sumitur, adeò ut nec essentialis sit majoris & minoris in illo cōvenientia. e.g. Omnis mathematicus est doctus. Omnis JCrus est doctus. Licet mathematicus & JCrus convenient in docto, tamen non conveniunt inter se. Falsum est enim: omnem JCrum esse mathematicum. Accidit tamen interdum, ut in secundâ figurâ affirmantes valent: ut, Omnis homo est rationalis. Omne risibile est rationale. E. omne risibile est homo. Sed consequentia valet: 1. nō propter formam, sed propter materiam. Hic enim sunt termini reciproci, qui se mutuò consequuntur, sine syllogismo. 2. non vi secundæ, sed primæ figuræ, quia major est reciproca. Semper enim in secundâ figurâ, si major constat ex terminis reciprocis, etiam affirmativa sequitur conclusio, vi primæ figuræ, in quam reducitur syllogismus, solâ majoris conversione, nimirum: Omnis homo est risibilis. Omnis doctus est risibilis. Ergo omnis doctus est homo. Converte hic majorem simpliciter, quia constat terminis reciprocis, & syllogismus concludet in primâ figurâ. Et hoc evenit ex dicto de Omni, quod in secundâ quoque figurâ continetur, sed per levem transpositionem actuatur, & actu apparet in primâ. Notetur canon: *Syllogismus ex puris affirmantibus in figurâ secundâ valet, cum major est convertibilis.* Itaq; tantum valet propter materiam. Quare dici possunt hujusmodi syllogismi secundæ figuræ; sed modo destituuntur, cum conclusiones sint non negatæ, sed affirmatæ. Huc refer & istos syllogismos: Qui non perseverant ad finem, non erunt salvi. E. electi perseverant ad finem. Item: Qui non habent Spiritum Christi, non sunt ejus. Electi sunt ejus. E. habent Spiritum Christi. Hic propositiones majores æquipollent affirmativis: Qui erunt salvi, ad finem perseverant: Qui sunt Christi, habent Spiritum ejus. Itaq; concludunt & hi syllogismi vi primæ figuræ: id quod è conclusione videre est, quæ affirmata est, licet major sit negata.

Cap. 6. *Figura tertia.*

Syllogismus in figurâ tertiâ est, cujus medium bis antecedit in præmissis, affirmatum in assumptione, ut existat conclusio particularis.

Hic syllogismus Ramo dicitur *contractus*. Malè. Ratio, quia nec semper invenitur cōtractus apud authores, nec hoc ei est essentialē, sed accidētale, quòd contrahatur. Obiter hîc notetur, nonnullos Logicos syllogismum simplicem facere alium antecessionis, alium consecutionis, & alium mistum. Antecessionis syllogismus ipsis est figura tertia; consecutionis, figura secunda, mistus, figura prima. Existimant illi, hoc ordine collocandas esse figuras. Sed teneatur, situm mediî hîc esse spectandû non ratione antecessionis & consecutionis, quoad extrema, sed ratione evidētiæ, quæ in figurâ primâ est maxima. Cæterùm canones figuræ tertiæ videamus.

1 *Modi figura tertia sunt sex:*

Exempla sũnt ista.

DA Omnes iustificati glorificantur.

RA Omnes iustificati sanctè vivunt.

PTI Ergò quidam, qui sanctè vivunt, glorificantur.

FE Nulli hypocrita glorificantur.

LA Omnes hypocrita sanctè vivere videntur.

PTON. E. quidam, qui sanctè vivere videntur, non glorificantur.

DI Quidam verè credentes graviter peccant.

SA Omnes verè credentes glorificantur.

MIS. E. quidam, qui glorificantur, graviter peccant.

DA Omnes verè credentes pacem habent cum Deo.

TI Quidam verè credentes graviter peccant.

SI. Ergò quidam, qui graviter peccant, pacem habent cum Deo.

Bo Aliqua ira non est vitiosa.

CAR Omnis ira rationem turbat.

DO. Ergò aliquid quod rationem turbat, non est vitiosum.

FE *Nulla iustitia est vituperanda.*

RI *Aliqua iustitia est severitas.*

SON. *Ergo aliqua severitas non est vituperanda.*

2 *Minor sit affirmans in tertiâ figurâ.*

Ratio; quia hîc fit processus à specie ad genus. Cum igitur de toto hîc prædicari debeat, quod prædicatur de parte, oportet partem affirmatè subjici toti: quoniam pars vel species nequit removeri à genere, sed illi affirmativè tribuitur. In minore verò medius subjicitur minori, ut pars toti. Oportet igitur id fieri affirmatè; sicut eadem ferè ratio exigebat affirmationem assumptionis in figurâ primâ. Non igitur valet: Omnis leo est animal. Nullus leo est homo. E. nullus homo est animal. Nec hoc: Omnis homo est animal. Nullus homo est asinus. E. nullus asinus est animal.

3 *Conclusio in tertiâ figurâ sit particularis.*

Cùm enim in hac figurâ à specie & angustiori, ad genus & cõmunius procedatur, non potest conclusio non esse particularis: cùm positâ specie, genus in parte solum ponatur. Non igitur valet, *Σεργει* sunt bonæ. *Σεργει* sunt affectus. E. omnes affectus sunt boni. Accidit tamen ut hîc nascatur universalis conclusio ob terminos reciprocos, aut quia syllogismus talis est potestate in prima figura. Convertit enim minorem in terminis reciprocis, jam syllogismus actu est in prima. e.g. ut, Omnis homo est animal. Omnis homo est rationalis. E. omne rationale est animal. Minor cùm habeat terminos convertibiles, simpliciter convertitur, & cùm syllogismus concludit vi primæ figuræ: ut, Omnis homo est animal. Omne rationale est homo. Ergo omne rationale est animal.

4 *Integrum prædicatum minoris inferatur in conclusionem.*

Non igitur valet: Annulus ambit digitum. Annulus continet gemmam. E. gemma ambit digitum. Sic enim inferendum erat: E. quoddam, quod continet gemmam, ambit digitum. Sed hic canon deduci potest ex illo: In syllogismo tres solum sint termini.

Cap. 7. Syllogismus connexus.

Fuit syllogismus simplex : sequitur compositus, in quo loco majoris ponitur composita propositio.

Dicitur etiam *hypotheticus*, hoc est, *suppositivus* : quia solū ex pacto concludit, hoc est, cum conditione, seu ex suppositione & cōventionē. Qui enim ita colligit: Si in curia est, non in urbe est: nihil concludere potest, nisi ex pacto. Eadem disjuncti est ratio; qui tum demum concludere potest, cum major partibus contradicentibus constar: ut, aut rationale est, aut rationis expers. Itaque patet, hypotheticum syllogismum nunc generaliter accipi, pro composito, qui concludit ex hypothesi: nunc specialiter pro conditionali seu connexo. Et sic distinguitur syllogismus hypotheticus contra disjunctum: at priori modo ipsius genus est.

Canones hīc sunt duo:

1 Syllogismus compositus pendet ex virtute alicujus simplicis.

Ratio est manifesta ex Metaphysicis, ubi docetur, compositum habere suas vires à simplicibus, è quibus compositum est. Itaque

Nullus syllogismus compositus firmus judicatur, nisi ejus confirmatio ad unum aliquem simplicium quadret.

Omne enim compositum, sicut ex simplicibus compositum est: sic & simplicium naturam sapiat necessum est.

2 In syllogismo composito tota quæstio est pars altera propositionis majoris, argumentum est pars reliqua.

Pugnare hic canon videtur cum cap. I. hujus libri canone de termino majore & minore. Ibi docuimus, fieri non posse, ut ambo termini quæstionis se insinuent in unam aliquam præmissarum. Sed sciendum est, in syllogismo composito propositionem majorem esse compositam. Hic igitur necessarium est, ut ambo termini sint in majore. Quod verò suprā diximus, id restringendum est ad syllogismum simplicem. Atq;

hanc ob causam Aristoteles syllogismum compositum vocat syllogismum κατὰ μέθεξιν, secundum transumptionem: quia minor è majore transumitur.

Syllogismus compositus est connexus, vel distinctus.

Syllogismus connexus est, qui constat ex antecedente & consequente conjunctis per conjunctionem connexivam.

Brevius: Cujus propositioni præfixa est conditio Si. Sed contra hoc videtur excipi posse: quâ de re vide infra *libr. ult. cap. 8.* Dicitur aliàs *conditionalis*, conjunctus, & hypotheticus κατὰ ἐξοχὴν. *Zabar. in tabb. Logic.*

Syllogismus connexus est constructivus, vel destructivus.

Observa constructionem hîc poni pro positione seu affirmatione, & destructionem pro remotione seu negatione: item *assumere* esse idem, quod repetere argumentû e propositione, tale scilicet quale est in propositione; tollere esse idem, quod contradicere, hoc est, vel negare partem affirmantem propositionis, quæ nimirum continet argumentû, vel eandem negantem affirmare. Clariùs: Antecedentis consequentisve affirmatio nihil est aliud, quàm affirmatio quòd antecedens consequensve sit verum, sive ipsum sit affirmatum, sive negatum: & negatio antecedentis vel consequentis nihil est aliud quàm negatio, quòd antecedens vel consequens sit verum: quòd nihil est aliud quàm contradictio.

Syllogismus connexus constructivus est, qui procedit à positione antecedentis ad positionem consequentis:

Ut, Si Socrates est homo, est animal. At Socrates est homo. E. Socrates est animal. Hîc affirmatur & antecedens in assumptione, & consequens in conclusione, h. e. affirmatur, utrumque illud verum esse. Sic: Si arbor non est animal, arbor non est homo. Sed arbor non est animal. Ergò arbor non est homo. Hîc similiter affirmatur & antecedens in assumptione, & consequens in conclusione. Sensus enim est, verum est, arbor em

borem non esse animal. Item, Verum est, arborem non esse hominem. Dicitur etiam *connexus primi modi*.

Syllogismus *connexus destructivus* est, qui procedit à remotione consequentis ad remotionem antecedentis :

Ut, Si Socrates est lapis, caret animâ. At Socrates non caret animâ. Ergò Socrates non est lapis. Hic negatur & consequens in assumptione, & antecedens in conclusione. Item: Si Socrates non est animal, non est homo. At est homo. Ergò animal est. Hic negatur similiter & consequens in assumptione, & antecedens in conclusione. Dicitur aliis *connexus secundi modi*.

Canones de syllogismo connexo sunt :

1 *Affirmatio & negatio in conditionalibus non debet æstimari ex partibus compositæ propositionis, sed ex totâ propositione.*

Rhodingus in suâ Logicâ, & alii affirmationē & negationem in conditionalibus æstimant ex consequente, ita ut dicant conditionalem esse affirmantem, si consequens sit affirmatum; si hoc sit negatum, illam dicunt negantem. Hunc errorem sat crassum & ego erravi: à quo me revocavit vir clar. dn. Johan. Piscator, Theologus & Logicus insignis, & post illum Philosophus acutissimus *Henning. Arnij. in Logic. Crell. pag. 477*. Sic ergò statue mecum. Sicut categorica non negat, licet subjectum vel prædicatum negetur: ita nec hypothetica negat, licet utraque propositio simplex, ex qua componitur, sit negata. Ad veram enim negationem requiritur, ut vis totius propositionis, seu conjunctio antecedentis, & consequentis negetur, quæ cum consistat in copulâ, seu vinculo conjunctionis, tum negata judicatur propositio, quâdo particula, componens propositionem, hoc est, ipsum vinculum negatur, ut hæc propositio, si asinus non habet pennas, non volat, est affirmata; quia duæ propositiones simplices: Asinus non habet pennas, asinus non volat: conjunguntur affirmatè. Ejus negatio est: Non si asinus non habet pennas, nō volat. Sic enim negatur consequens sequi ad antecedens. Summa: Affirmatio in conditionalibus æstimatur ex neces-

fariâ antecedentis & consequentis connexionē: ut, hæc conditionalis est affirmativa: Si Socrates non est animal, Socrates non est homo. Negatio verò estimatur ex negatione vinctuli, nimirum conjunctionis connexivę: ut, Non si Deus misericors est, non punit peccata. Affirmativa est: Si Socrates est homo, Socrates est animal. Negativa est: Non si Socrates homo est, animal est. Consequens hîc est affirmativum; & tamen connexum ipsum est negativum.

2 Examen consequentiæ in syllogismo connexo nullum est expeditius, quàm si reducatur ad categoricum.

Reducitur autem ad categoricum, si ratio consequentiæ possit dari. Eâ enim datâ, & loco majoris positâ, ex hypothetico fit categoricus: ut, Si homo est animal, sentit. Sed est animal. E. sentit. Hic hypotheticus bonus est; quia dari potest ratio consequentiæ in maiore per propositionē categoricam veram, quâ positâ loco majoris, talis extruitur categoricus: Omne animal sentit. Homo est animal. E. homo sentit. Sed in hoc syllogismo nulla potest dari ratio consequentiæ per propositionem aliquam categoricam: Si Christus sedet ad dextram Dei, suo corpore est ubique. At sedet ad dextram Dei. Ergò.

3 Duo duntaxat sunt modi syllogismi connexi.

Zabar. in tabb. Logic. me decepit aliquoties, item *Crell. in suâ Logicâ*; quorum uterq; plures modos syllogismi connexi recenset, quàm duos. Cõtra illos sic docuit me disputare Annisæus. Syllogismus hypotheticus tantum concludit, quantum accedit ad categoricũ, à quo vim concludendi emendicavit. Jam ad duas tantũ figuras, primam & secundam, revocatur. Igitur duæ sunt tantũ certæ & infallibiles ejus formæ: una, quæ respondet primæ figuræ, & affirmat minorem; altera, quæ secundæ, & negat minorẽ. Ibi fit progressus à positione antecedentis ad positionē consequentis; hîc à remotione consequentis ad remotionē antecedentis. Nam si antecedens quoq; removeris, ut removeri possit consequens, per reductionem deprehendes syllogismum negare minorem in primâ figurâ: si consequens posueris, ut ponatur antecedens, fiet affirmans vel infinitus in secundâ. Ex neutro verò syllogismo aliquid sequitur. Si homo est, animal est. Sed non est homo. E. nec animal. Resolve in primâ figuram: Omnis ho-

mo est

mo est animal. Hæc res (ut bos, equus) non est homo. E. nec est animal. Item: Si homo est, animal est. Sed animal est. E. homo. Consequentia non valet; quia posito genere, non ponitur quævis species: idq; deprehendes ex reductione ad secundam figurā, ubi affirmabit: ut, Omnis homo est animal. Hæc res est animal. E. est homo. Non valet: quia hæc res potest esse leo, vel equus. Ex his efficitur, duos dūtaxat esse modos concludendi per formā in syllogismo hypothetico. *Crellius* contrā sic docet, cujus sententiā summatim recensebo. *Consequentia syllogismi hypothetici est perfecta, vel imperfecta. Perfecta consequentia est*, si sicut consequens ad antecedens, ita vicissim hoc ad illud consequatur, quod fit cū illa duo reciproca sunt. Hujus species sunt quatuor. 1. Si sol ortus est, dies est. Sed sol ortus est. E. dies est. 2. Si sol ortus est, dies est. Sed dies est. E. sol ortus est. 3. Si sol ortus est, dies est. Sed dies non est. E. sol non ortus est. 4. Si sol non est ortus, dies nō est. Sed sol non est ortus. E. dies non est. Item: 1. Si verè credit, justificatus est. Sed verè credit. E. justificatus est. 2. Justificatus est. E. verè credit. 3. Sed justificatus non est. E. nō verè credit. 4. Sed non verè credit. E. non est justificatus. *Imperfecta consequentia est*, cū consequens sequitur ad antecedens, sed non contrā hoc ad illud: quod fit cū consequens latius patet quā antecedens. In hāc consequentiā itidē quatuor illę species sunt, sed duę solūm concludunt: ut 1. Si homo est, animal est. Sed homo est. E. animal. 2. Sed animal est. E. homo. 3. Sed animal nō est. E. non homo. 4. Sed homo nō est. E. animal non est. Ita sex modos concludendi in syllogismo hypothetico agnoscit *Crellius*. Pergit ille in hāc doctrinā hoc modo: In majore istius syllogismi propositione, vel affirmatio cum affirmatione cōponitur, h. e. utraq; compositæ pars, & antecedens & cōsequens, affirmās est: vel negatio cum affirmatione, h. e. antecedens ait, consequens autē negat: vel affirmatio cum negatione, quod fit cū consequens ait, & antecedens negat: vel negatio cum negatione, q̄ fit, cum utrumque, & antecedens, & consequens particulā negandi sibi adjunctam habet. Exemplū primi. Si homo est, animal est. Sed homo est. E. 2. Si homo est, bos non est. Sed homo est. E. 3. Si hoc vivū planta non est, animal est. Sed nō planta. E. 4. Si hoc animal non est, etiā homo nō est. Sed animal nō est. E. Quod

si sex illas species (ait Crellius) quas concludere diximus, in has quatuor duxeris (singulæ namque qualitatis respectu quadrifariam variari possunt) species habebis quatuor & viginti. Verum enim verò quantitatis quoq; respectu quadrifariam sex illæ species variari possunt: qua de re Averroem consule *in epist. in analyt. prior. c. 5. Sic Crellius*. Sed rectè hanc sententiã castigat Arnisæus. Nam quos modos Crellius tradit præter duos illos, à nobis indicatos, illi non pertinent ad formale considerationem, de quâ hîc agi debet, sed ad materiale. Nihil enim in illis syllogismis sequitur ratione formæ; quia semper in quâvis materia sequeretur, cum forma etiam in materiâ falsâ sit efficax; sed propter materiam, hoc est, ob terminos reciprocos. Jam an termini sint in maiore reciproci, non ex formali parte doctrinæ syllogisticæ percipi potest, sed ex materiali. Deinde si propter terminorum reciprocationem hîc licet multiplicare modos hypothetici syllogismi: eâdem de causâ Aristoteles debuisset plures modos in primâ & secundâ figurâ tradere: quia in materia reciproca valent affirmantes secundæ, & qui minorem negant in prima: uti supra vidimus. Maneat ergò fixum: duos esse modos syllogismi connexi. Connexus primi modi ponit consequens, ut ponat antecedens: connexus secundi modi tollit consequens, ut tollat antecedens. Uterq; tres differentias admittit. Aut enim propositionis utraq; pars est affirmata: aut utraque negata: aut una affirmata, altera negata.

4 Syllogismi κατὰ ἀρχὴν ἢ ψιν, vel μετὰ ἀρχὴν ἢ ψιν non faciunt diversitatem in formâ.

Aristoteles syllogismos ex hypothesi sic dividit. *1. prior. c. 30.* Quid verò sibi velint illi termini, non convenit inter interpretes. Nobis hæc explicatio probatur. Syllogismi κατὰ ἀρχὴν ἢ ψιν, seu κατὰ ποίωσιν, secundum assumptionem, qualitatem, sunt, qui probant aliquid à maiori, minori, vel pari: ut, vitium avaritiæ est fugiendum; quia incontinentia est fugienda. Si enim id fugiendum est, quod minus malum est, multo magis, quod majus malum est. Syllogismi κατὰ μεταλήψιν, ex cōcessione, ut Perionius vertit, vel ex transumptione, ut Boetius, cujus interpretationem reliqui Latini sequuntur, vel ut Monlorius, ex constituto, est quando quæstio probanda, ex constitu-

constitutione adversarii ad aliam transfertur, cujus probatio probat quoq; priorem quæstionē propter similitudinem. e. g. in 2. de cælo. Philosophus vult probare, astra esse rotunda: & quia astra sunt similia, quoad figuram, probat idipsum de luna, & ita quæstionem propositā: An astra sint rotunda, mutat in hanc: An luna sit rotunda. Si enim de luna probatum fuerit quòd sit rotunda, probatum quoq; erit de cæteris astris propter similitudinem. Alii syllogismum *καὶ ἀπὸ τοῦ αὐτοῦ* finiunt, in quibus minor propositio novum terminum assumit, qui in majori non cõtinebatur. Hujusmodi syllogismos adnumerant hypotheticis, & hoc adferunt exemplum; Ubi est Imperator, ibi aula. Viennæ est Imperator. E. Viennæ est aula. Sed istiusmodi syllogismi omninò sunt categorici. In categoricis enim perpetuum est, ut subjectum minoris in majori non contineatur.

§ Syllogismi implicitè compositi pertinent ad hypotheticos.

In his autē dicunt quidam majorem implicitè compositā esse, quæ quidem non habet præfixam conditionē Si, sed tamen ita est comparata, ut postulari possit ratio consequentiæ. e. g. Quicumq; Deum jubentur invocare in sanctis, ii debent invocare sanctos. At pii jubentur Deum invocare in sanctis. E. Sic scil. docent quidam. Verùm compositus syllogismus in propositione disponit totam quæstionē cum argumento: id quod non fit in allato exemplo. Aliter itaque definiendus fuerit syllogismus implicitè compositus. Vide infra lib. ult. cap. 8. circa finem.

Cap. 8. Syllogismus disjunctus.

Syllogismus disjunctus est, in quo consequens propositionis disjunctæ conjunctionem aut ab antecedente disjungit: seu, cujus propositio est disjunctiva. Sed contra hoc videtur excipi posse. Vide infra lib. ult. cap. 8. de exercit. syllog.

Ejus canones sunt:

1 Syllogismus disjunctus constat propositione disjunctivâ ex duobus membris inter se oppositis, vel ex pluribus reducibilibus ad duo.

Non semper duo solum membra ponuntur in propositione disjuncta; sed interdum etiam plura. Attamen illa plura reduci possunt ad duo, & verò debent, si vis disjunctionis ad oculum patere debeat. Exemplum sit hoc ex Cicerone desumptum. Rabirius aut fuit cum Saturnino, aut cum bonis, aut latuit. Atqui nec latuit, nec cum Saturnino fuit. E. fuit cum bonis. Quod si unum ex pluribus assumatur, reliqua in conclusione tollentur; ut si in exemplo proposito assumatur: At Rabirius fuit cum bonis: necessario inferetur hæc conclusio: E. nec cum Saturnino fuit, nec latuit.

2 *Criterion syllogismi disjuncti proprium est, quod legitimus sit.* 1. *Si propositio disjuncta constet partibus immediate oppositis.* 2. *Si una pars semper sit vera, altera falsa.*

Non igitur valet: Aut albus est, aut niger. Sed non albus. E. Nam propositio non constat membris immediatis, cum fuscus esse queat. Huc pertinet canon: *Si major in disjuncto syllogismo laboret insufficienti enumeratione specierum, nihil colligitur.* Nec valet: Aut es homo, aut animal. Sed es homo. E. non es animal. Nam propositionis partes ambæ sunt vere, seu consentaneæ, non autem dissentaneæ. Hic incidit questio nobilis, an propositio in syllogismo disjuncto debeat constare partibus omnibus affirmatis? Logici multi docent, quod hoc omnino sit necessarium, & adferunt hoc exemplum: Aut dies est, aut non est dies. At est dies. E. non est dies. Non valet, inquit, argumentatio hæc; quia propositio est negativè concepta. Sed errant, qui sic docent. Argumentatio allata non valet. Sed vitium est in eo, quod conclusio non rectè infertur. Conclusio autem, quæ ex illis præmissis sequitur, est hæc E. non est non dies: id est, E. falsum est non esse diem. Nam in syllogismo disjunctivo ex positione unius sequitur remotio alterius. Hic autem ponitur membrum prius, nempe, Est dies. E. removendum est posterius, nempe, Non est dies. Sensus est, si verum est esse diem, falsum est non esse diem. At verum est esse diem. Falsum igitur est, non esse diem. Porro & hic queritur: an disjunctiva contineat in se vim negativæ? Resp. negando. Continet n. in se vim affirmativæ: ut, Aut dies est, aut nox est: hæc disjunctiva continet in se vim affirmativarum, nempe 1. Si dies est,

dies est, non est nox. 2. Si nox est, non est dies. 3. Si nō est dies, est nox. 4. Si nō est nox, est dies. Si dicas, duas priores esse negativas, negabo. Affirmatur enim in illis consequentia consequentis de antecedente, sive connexio illius cum isto. Hoc probari potest vel unico exemplo: Aut dies est, aut nox est. At dies est. Non igitur nox est. Hic disjunctiva vim habet hujus connexivæ affirmatæ, Si dies est, nox non est. Educitur itaque conclusio affirmativa, Non igitur nox est. Hic & illud teneatur: si necesse esset, propositionem disjunctam constare ex omnibus partibus affirmatis, tum non esset verum illud *πολυπύκνωτον*, Quodlibet est, aut non est, esse disjunctum.

Ejus modi sunt quatuor:

Et hi omnes sunt validi, quia reduci possunt ad syllogismos categoricos.

Primus modus est à positione primi ad destructionem secundi:

Ut, Aut dies est, aut nox est. At dies est. E. non est nox. Reducitur ad primam figuram sic: Quando est dies, non est nox. Nunc est dies. E. nunc non est nox.

Secundus modus est à positione secundi ad destructionem primi:

Ut, Aut est dies, aut nox. At est nox. E. non est dies. Reducitur ad primam figuram: Quando est nox, non est dies. Nunc est nox. E. nunc non est dies.

Tertius modus est à destructione primi ad positionem secundi:

Ut, Aut est dies, aut nox. At non est dies. E. nox. Reducitur ad primam figuram: Quando non est dies, est nox. Nunc non est dies. E. nunc est nox.

Quartus modus est à destructione secundi ad positionem primi:

Ut, Aut est dies, aut est nox. At non est nox. E. est dies. Reducitur itidem ad primam figuram: Quando non est nox, est dies. Nunc non est nox. E. nunc est dies.

De his modis est canon:

Reductiones horum modorum in hoc constituta sunt, quòd hypothesis duo habet membra habentia vim contradictionis.

Nam ideò utrolibet posito alterum aufertur, & utrolibet ablato alterum ponitur. Duorum autem posteriorum modorum minores propositiones videntur quidem esse negatæ: tamen si benè consideres, sunt affirmativæ; quia infinitæ; quemadmodum etiam majores sunt affirmativæ, licet eandem negationem habeant. Confer cum *cap. 4. canone ultimo*. Quòd si nolis concedere istas enunciationes, At non est nox, Non est dies, esse infinitas: dic, illas comparatas cum propositione disjunctivâ, è quâ assumuntur, vim habere affirmativam. Sensus enim est: At verum est, nunc non esse noctem: item, Verum est nunc non esse diem. Interim rectè diceres esse infinitas. Cùm enim dicis: At non est nox, hic est sensus: At nunc est non-nox.

Cap. 9. Enthymema.

Fuit syllogismus perfectus; sequitur imperfectus, qui aliquâ crypti syllogisticâ constat: *Unde & crypticus dicitur.*

Estq; deficiens, redundans, vel inversus.

Syllogismus deficiens est syllogismus imperfectus, cujus dispositio est manca ob partis alicujus integralis defectum. *Dicitur eodem sensu defectus.*

Estq; enthymema, inductio, vel exemplum.

Goclenius & alii hanc divisionem tanquam vitiosam rejiciunt, eò quòd partes non sint dissentaneæ. Inductio enim & exemplum sub enthymemate continentur, ut species sub genere. e.g. Homo sentit, & bestia sentit. E. omne animal sentit: enthymema est, cui deest propositio connexa. Sic: Marius & Sylla temp. lacerarunt. E. etiam Cæsar & Pompejus laceraturi sunt: enthymema est, cui deest propositio connexa. Sed sciendum est, quòd enthymema specialiori significatu accipiat, quando opponitur inductioni & exemplo. Etenim in enthymemate specialiter dicto deest aliqua propositio

onum universalium: at in inductione & exemplo deest aliqua propositionum particularium, vel singularium.

Enthymema est syllogismus deficiens, in quo præmissarum universalium aliqua deest, mentis cogitatione relictâ:

Unde & *enthymema* dictum est, quasi ἐν ὁμῳ, id est, in animo.

Ejus canones sunt:

1 *Enthymemate vel vitatur tedium, vel queritur fides.*

Etenim altera præmissarum supprimitur vel ad compendium, cum est evidens; vel ad ornatum, cum impedit flumen orationis: vel ad occultationem & fugam, cum est infirma & dubia. Prioribus vitatur tedium, postremo queritur fides, ut est in canone. Enthymemate igitur utuntur 1. Viri docti, ut brevitati studeant. 2. Oratores, ut artificium tegant. 3. Sophistæ, ut fallant.

2 *Utra præmissarum desit in enthymemate, perspicitur ex ejus conclusionem.*

Nam si prædicatum conclusionis non appareat in antecedente, deest major propositio; si subjectum illius non adfit, deest minor. e. g. Animal sentit. E. homo sentit. Hic deest minor: quia subjectum conclusionis, *homo*, non apparet in antecedente. Sic ergo completur: Animal sentit. Homo est animal. E. homo sentit. Sed cum dico: Homo est animal. E. homo sentit: hic deest major, quia prædicatum conclusionis *sentit* non apparet in antecedente.

3 *Enthymema oratoribus est argumentatio constans ex verisimilibus, vel ex signis.*

Verisimilia vocant conjecturas, quæ ab iisdem ἐν ὁμῳ appelluntur; quæ nimirum sciunt homines ἐν τῷ πλεονέκῳ, ut plurimum evenire, non tamen semper. Enthymema ex verisimili est: Qui odio habetur, vicissim odio habet. Ergo hic illum odio habet. Hic deest minor: Hic ab illo odio habetur. Signa, σημεῖα, sunt vel certa, Aristoteli τεκμήρια, ut aurora signum Solis adventantis, & lac mulieris signum conceptionis; vel probabilia, ut pallor est signum diligentiae, vel probabilia.

& copia librorum est signum doctrinæ. Enthymema ex signo necessario vocant argumentationem ex signo insolubili, sicut id quod est ex signo probabili dicunt argumentationem ex signo solubili. Enthymema ex signo insolubili est: *Hæc mulier habet lac. Ergo concepit.* Et fit in primâ figurâ. Ex signo solubili est hoc enthymema: *Luna rubet. Ergo erit ventus.* Hoc enthymema fit in omnibus figuris. Cæterum *ἐν ὅττι* differunt à signis; quòd icota sunt enunciationes, & eæ quidem semper probabiles; at signa sunt res singulæ, & eæ quidem interdum necessariae.

Cap. 10. Inductio.

Inductio est syllogismus imperfectus, qui ex particularibus vel singularibus notioribus ostendit universale ignotius.

Inductio est perfecta, vel imperfecta.

Perfecta est, quæ sumit omnia particularia, vel omnia singularia; *Ideoq; necessario concludit.*

Estq; vel explicita, vel implicita.

Explicita est, quando nominantur sigillatim & expressè omnia individua:

Ut, Si omnium hominum nomina, quæ nunc extant, exprimamus, & postea colligamus, omnem hominem esse bipedem. Sic: Sem genuit liberos, Japheth genuit liberos, Cham genuit liberos. Ergo omnes filii Noachi, qui cum ipso in arcam fuerunt, genuerunt liberos.

Implicita est, quando aliqua tantum particularia vel individua exprimuntur, reliqua brevitate gratiâ per dictionem aliquam distributivam denotantur:

Ut, Petrus est bipes, & Socrates est bipes, & quilibet alius seu singulus homo est bipes. Ergo omnis homo est bipes. Talis est inductio philosophi *1. post. in princip.* Scientiæ mathematicæ fiunt ex præcedente cognitione, & sic unaquæq; aliarum

aliarum scientiarum. Ergò omnis scientia acquiritur ex præcedente cognitione.

Inductio imperfecta est, quæ non sumit omnia particularia, vel individua:

Ideoque non concludit necessariò: ut si sic dicam: Cervus habet cor amplum pro proportionem, & est animal meticolosum. Sic & mus, & dama. Ergò animalia quæ habent cor amplum pro proportionem, sunt meticolosa.

Canones de inductione sunt isti:

1 Inductio est argumentatio potens seu perutilis.

Ratio: 1. Q. fuit initium omnis scientiæ & cognitionis. Nam ex similitudine, quam sensus percepit in singularibus, ratio collegit universale. Atque sic constituta sunt præcepta disciplinarum, ut non immeritò Aristoteles ἐπαγωγὴν passum magnificè laudet. 2. Q. hæc viâ probantur prima principia, & quæcunque non possunt demonstrari per causas, & per universaliora. Neque enim aliter probes, omnem magnetem trahere ferrum, aut omne animal sentire, nisi ex enumeratione & quasi exhibitione individuorum magnetis, & specierum animalis: nempe quia terrestria, aquatilia, volatilia, amphibia sentiunt. Particularia enim & singularia omnia simul sumta æquivalent universali, ideoque obtinent locum medii.

2 Inductio non est tautologia.

Quamvis enim omnia particularia & singularia simul sumta idem sunt cum universali: nobis tamen non idem sunt, quibus particularia, vel singularia notiora sunt universalibus. Non igitur existimandum est in inductione idem per idem probari.

3 Inductio est syllogismus, quia in illâ conspicitur regula de Omni & Nullo.

Vide supra cap. 2. Aristoteles 1. post. cap. 14. ait: μὲν ἂν ἐπαγωγῇ, ἢ ἀποδείξει, discimus aut per inductionem, num sit syllogismus. & 2. prior. c. 23. ait: ἅπαντα πισδύομεν ἢ διὰ συλλογισμοῦ, ἢ ἐξ ἐπαγωγῆς; omnia credimus aut per syllogismum, aut per inductionem. Et multi Peripatetici docent, duo esse instrumenta Logica, quibus thema conjun-

Etum probetur, videl. inductionem & syllogismum; non scus ac duo instrumenta oratoria esse asserunt, enthymema & exemplum. Sed hic inductio negatur esse syllogismus perfectus, ita ut vox συλλογισμός ibi ἐπαγωγὴς sit posita. Hoc inde colligere est, quod inductio sit discursus illativus, in quo conspicitur dictum de omni & nullo.

4 *Inductionum affirmantium canon est: Quod convenit omnibus speciebus, convenit generi: negantium hic; Quod non convenit omnibus speciebus, non convenit generi.*

Universaliter, sed tantum particulariter: ut, Homo sentit, & bestia sentit. Ergo omne animal sentit. Equus est irrationalis, & asinus, & bos. Ergo quædam animalia sunt irrationalia.

Cap. II. Exemplum.

Exemplum est syllogismus imperfectus, quo ostendimus ignotum per particulare simile notum.

Estq; duorum modorum.

Exemplum primi modi est, quod affertur ad quæstionis universalis probationem:

Ut, Si probes, non posse esse duos summos principes in Republicâ, exemplo Marii & Syllæ.

Exemplum secundi modi est, quod affertur ad quæstionis singularis vel propriæ probationem:

Ut, Si probes, Cæsarem & Pompejum laceraturos Remp. quia Marius & Sylla rebus pariter constitutis Remp. lacerarunt. Perinde autem concluditur, siue unum singulare sit medium, siue plura. Semper enim exemplum erit, modò ne omnia singularia afferantur. Tunc enim esset inductio.

Utriusque modi exemplum est duplex: alterum rei gestæ, alterum fictæ & ut gestæ commemoratio: ne nititur. Posterioris rursus duo sunt genera; alterum dicitur parabola, alterum apologus.

Exem-

Exemplum primi generis est: Florentini civili bello Reip. administrationem amiserunt, itemq; Senenses ac Pisani. Ergo & Venetorum Resp. urut florentissima collabatur, si cives cum civibus depugnaverint. Exemplum parabolæ est: Non sibi consuluerunt vectores, qui gubernatores sorte delegerunt. E. non sibi consulet Resp. quæ sorte creaverit magistratus. Exemplum apologi est: membra insurgentia adversus stomachum, si ipsis nocuerunt. E. & subditi insurgentes adversus magistratum sibi nocēbunt ipsi.

Canones de exemplo sunt:

1 *Exemplum plus habet momenti ad persuadendum, quam necessitatis ad concludendum.*

Idcirco rudes, qui syllogismos non capiunt, exemplis capiuntur: quippe qui habent sensum exercitationem ratione. Hinc illud: *Mollissimè suadetur exemplis.* Et Plato in Lyfide exempla vocat vades præceptorum, seu disputationis, quasi spondeant pro eo quod est probandum. Quanquam enim illud Platonis intelligendum est de exemplis specialibus quæ vocant: tamen etiam ad exempla similia, de quib. hîc agitur, transferri potest. Dicimus autem exempla specialia, quibus illustantur præcepta: similia, quib. suadetur, vel dissuadetur.

2 *Exemplum nititur hoc principio probabili: Similibus convenire eadem aut similia, consentaneum est.*

Hinc scitè philosophus: Exemplum est inductio, inquit, imperfecta, ostendens primū inesse medio per simile tertio. e.g. Malum fuit Thebanis contra Phocenses bellum gerere. E. etiam Atheniensib. contra Thebanos bellum gerere malum erit. Hoc enthymema ostendit primum, videl. malum, inesse medio, quod est contra finitimos bellum gerere. Nam à singulari ad singulare non potest fieri transitus, nisi per medium universale, in quo hæc singularia continentur. Ostendit autem propositum enthymema primum illud inesse medio illi, per simile tertio. Simile tertio est: Thebanos contra Phocenses bellum gerere. Tertium est singulare, de quo probandum est quodd sit malum, videlicet Atheniensis contra Thebanos bellum gerere.

3 *Exemplum est prius inductione, inductio prior syllogismo.*

Ratio: Quia prius notum fuit unum singulare, quàm multa, & multa singularia prius innotuerunt universali. Intellige canonem de ordine inventionis, non doctrinæ. Nam syllogismus *καὶ ἐξ ἑνὸς* sic dictus, priori loco debet tradi; quia inductio definitur per syllogismum; & inductio ante exemplum; quia inductionis mentio fit in doctrinâ de exemplo, quod à quibusdam vocatur *inductio contracta*, sicut enthymema ab iisdem dicitur syllogismus *contractus*.

Cap. 12. Dilemma.

Sequitur syllogismus redundans, qui est syllogismus imperfectus constans propositionum plurium, quàm fit in perfecto syllogismo, coacervatione.

Ejus canon est:

Syllogismus redundans ex diversis syllogismis est compositus, quorum unus dicitur principalis, alter minùs principalis.

Principalis syllogismus continet & probat thema primum. Minùs principalis est, qui thema secundarium continet; & illud vel probat, vel illustrat. Dicitur vulgò prosyllogismus, vel *προσυλλογισμός*. Estq; vel approbativus, qui ad confirmandam aliquam syllogismi principalis præmissam adhibetur; vel amplificativus, qui ad illustrandam aliquam præmissam adhibetur.

Syllogismus redundans est dilemma, vel sorites.

Dilemma.

Dilemma est syllogismus redundans, qui factâ disjunctione membrorum, utrumvis concedatur, adversarium constringit.

Dicitur aliàs *syllogismus cornutus*, quòd utrinq; adversarium quasi cornibus petit: item *syllogismus crocodilinus*.

Tres illius sunt proprietates, de quibus totidem canones:

1 *Propositio dilemmatis constet ex membris immediate contrariis.*

Hinc

Hinc dilemma dicitur ratio bifurcata, seu interrogatio gemina, quâ sic asserimus nostra, aut impugnamus aliena, ut quancunque partem interrogationis eligat adversarius, causâ cadat. Sic Carneades adversus suum præceptorem Diogenem cui unam minam ob διδάσκειν dederat, disputabat: Aut benè, aut malè disputo. Si benè, cur pugnâs? Si malè, redde minam. Hîc etiam propositio potest esse negata, verbi gratiâ, Aut erro, aut non erro. Si erro, demonstra. Si non erro, quid me damnas? Sic: Aut crimen est esse Christianum, aut non est crimen. Si est crimen, cur Deus Christianum amat? Si non est crimen, cur illum odio prosequeris? Ratio hujus est: quia licet propositio sit disjuncta, tamen illam immediatè non sequitur assumptio, sed propositio connexa. Alioqui non posset formari syllogismus, ut suprâ cap. 8. can. 2. docuimus.

2 *Utrumq; membrum sit verum, ut neutrum ab adversario negari vel concedi possit, quin in manifestam incidat absurditatem.*

Ratio canonis patet è dilemmatis definitione.

3 *Dilemma sit ita comparatum, ut non possit inverti ab adversario, & retorqueri in eum, qui profert.*

Pulchrum hujus retorsionis exemplum est apud *Gellium. libr. 5. Noct. Attic. cap. 10.* Summatim illud referam. Euathlus in disciplinam Protagoræ se dedit, & dimidium mercedis jam tunc statim dedit, prius quàm disceret; pepigitq; ut reliquum dimidium daret, quo primo die causam apud iudices orasset & vicisset. Sed postquam Protagoras subodoraretur Euathlum id agere, ne reliquum mercedis daret, litem cum Euathlo contestatur, & coram iudicibus sic exorsus est. Stultissime adolescens, tuum erit pecuniam dare, sive contra te, sive pro te pronunciatum fuerit. Nam si contra te sententia lata fuerit, merces mihi debebitur, quia ego vicero. Sin verò secundum te judicatum erit, merces mihi ex pacto debebitur, quia tu viceris. Tum Euathlus: Sapientissime magister, inquit, ego non dabo quod petis, sive contra me pronunciatum fuerit, sive pro me. Nam si pro me sententia lata fuerit, nihil tibi debebo, quia ego

vicero. Sin contra me, nihil tibi ex pacto debebo, quia ego non vicero. Hujusmodi dilemmata vocantur ἀντιπρόσθετα, reciproca, quòd reciprocari seu retorqueri possint in eam, qui talia profert.

Cap. 13. Sorites.

Sorites.

Sorites est syllogismus redundans, in quo plures propositiones coacervantur, ita ut prædicatum prioris fiat subjectum sequentis, donec primum subjectum cum postremo prædicato componatur.

Dicitur etiam *syllogismus acervalis*: quia σωρὸς Græcis est acervus; item *gradatio soritica*.

Ejus canones sunt:

1 *Nulla præmissarum sit per accidens vera, aut falsa.*

Non igitur valet: Qui benè bibit, benè dormit. Qui benè dormit, non peccat. Qui non peccat, est beatus. E. qui benè bibit, est beatus. Nam prima præmissa est vera per accidens. Est & in eadem propositione fallacia homonymiæ. Nam benè bibere potest intelligi vel de potatione largâ, vel de moderatâ. Nec valet illud Epicureorum contendentium Deum nihil agere: Quicumq; agit, movetur. Quicumq; movetur, mutatur. Quicumq; mutatur, est corruptibilis. Qui est corruptibilis, non est Deus. E. quicumq; agit, non est Deus. Nam prima propositio universaliter accepta est falsa: quia loquitur duntaxat de actione physicâ.

2 *Sorites constet ex terminis per se & necessario subordinatis & homogeneis.*

Talis subordinatio datur 1. in eodem genere prædicamentali: ut, Homo est animal. Animal est corpus sentiens. Corpus sentiens est vivum. Vivum est mixtum. Mixtum est substantia. E. homo est substantia. 2. In connexionione causarum & effectorum per se: ut, Immodica ingurgitatio gignit malam χύλωσιν in ventriculo: mala χύλωσις gignit malam αἰμάτωσιν in hepate: mala αἰμάτωσις gignit malam ὀμώσιν in singulis

gulis membris: mala *ingurgitatio* alimenti gignit hydropem. E. immodica ingurgitatio gignit hydropem. At illegitimus est sorites: Homo est animal. Animal est genus. Genus est prædicabile. Prædicabile est notio secunda. E. homo est notio secunda. Hic enim confunduntur termini qui non sunt subordinati, nimirum notiones secundæ cum primis. Nec hic valet: Herodes est vulpes. Vulpes est animal quadrupes. Animal quadrupes est expers rationis. Animal expers rationis non est homo. E. Herodes non est homo. Nam hic confunduntur termini improprii cum propriis. Sorites negatus etiam admittitur, si congruat cum hoc canone. v.g. Socrates est homo. Homo est animal. Animal non est lapis. E. Socrates non est lapis.

Cap. 14. Syllogismus inversus.

Syllogismus inversus est, in quo ordo naturalis partium per transpositionem est mutatus.

Illius quinque sunt modi:

1 Conclusio ponitur primo loco, secundo propositio, tertio assumptio: Syllogismus inversus.

Ut, Nulla stella est animal. Omne enim animal sentit. Nulla autem stella sentit.

2 Conclusio primo loco ponitur, secundo assumptio, propositio tertio:

Ut, Nulla stella est animal. Non enim sentit. Omne autem animal sentit.

3 Propositio ponitur primo loco, secundo conclusio, tertio assumptio:

Ut, Omne animal sentit. Nulla igitur stella est animal. Non enim sentit.

4 Assumptio ponitur primo loco, secundo conclusio, tertio propositio:

Ut, Nulla stella sentit. Non igitur est animal. Nam omne animal sentit.

5 Assumptio primo loco ponitur, secundo propositio, tertio conclusio:

Ut, Nulla stella sentit. Omne autem animal sentit. Nulla igitur stella est animal.

Atque hæ sunt species syllogismi defumtæ à formâ. His veteres addiderunt *divisionem*,cujus exemplum est: Omne corpus aut est vivens, aut non vivens. Planta est corpus. Ergò planta aut est vivens, aut non vivens. Sed non est non vivens. Ergò vivens. Sed divisio ista non est comparata ad probandum, sed ad explicandum, ideoque non est species argumentationis. Ratio est, quia istiusmodi divisio semper aliquid supponit, quod non minùs dubium est ipsâ conclusionem; ut in proposito exemplo est manifesta petitio ejus quòd quæritur: quia non minùs dubium est, an planta sit non vivens, quàm an vivat: imò eadem prorsus est quæstio. Vel si ita placet; revocari potest ad figuram primam; vel aliam. Alii *enumerationem partium* constituunt peculiarem speciem syllogismi. Istam dicunt esse, cùm omnibus partibus remotis unicam, quæ residua est, ponimus; & hoc quidem, si conclusio sit affirmans: at si conclusio sit negans, omnes partes remonentur. Exemplum prioris est: Fundum quem habes, aut hæreditate possides, aut emisti, aut in vacuum venisti; aut dono accepisti, aut fraude occupasti. Sed non possides hæreditate, nec emisti, nec in vacuum venisti, nec dono accepisti. Ergò fraude occupasti. Exemplum posterioris est: Si est substantia, est vel Deus, vel angelus, vel anima, vel homo, vel animal irrationale, vel vegetabile, vel minerale, vel meteorum, vel corpus cœleste. Sed nec est Deus, nec angelus &c. Ergò nec est substantia. Verùm hæc enumeratio affinis est disjunctivo, ut prior, vel connexivo, ut posterior: vel certè reducitur ad syllogisimum perfectum; ut exemplum primum sic reducitur: Quicumque habet fundum, quem nec hæreditate possidet, nec emione &c. illum fraude occupavit. At tu habes hujusmodi fundum. Ergò.

Cap. 15. Syllogismus affirmatus & negatus.

Fuerunt species formales syllogismi, sequuntur materiales, quæ sumuntur ex illius materiâ.

Sumun-

Sumuntur autem ex materiâ vel indeterminatâ, vel determinatâ.

Nam materia syllogismi consideratur duobus modis; vel generaliter, quatenus est indeterminata; vel specialiter, quatenus est determinata.

Ex materiâ indeterminatâ syllogismus est affirmatus vel negatus, & uterque vel communis vel proprius.

Intellige materiam syllogismi proximam, videl. ipsa axiomata, seu propositiones. Sicut enim affirmatio & negatio &c. in quodvis axioma cadunt: sic & in quemvis syllogismo. Omnino siquidem necessum est, ut in quolibet syllogismo conclusio vel affirmetur, vel negetur.

Syllogismus affirmatus est, qui ex conclusione Syllogismus affirmatus. & præmissis constat affirmatis.

Ratio hujus præcepti est evidens è superioribus, ubi diximus conclusionem esse effectum præmissarum. Nunquam igitur illa affirmationem inducet, ut ita dicam, nisi propositio & assumptio ambæ affirmatione vestiantur.

Negatus est, qui constat ex conclusione & alterutra antecedentis parte negatis. Syllogismus negatus.

Non enim syllogismus negatus perinde est negatus, uti affirmatus est affirmatus. In omni enim syllogismo oportet aliquam minimum esse propositionem affirmatam. Ratio: quia cujusq; syllogismi principium, quo fundatur & extruitur, affirmationem alicujus propositionis postulat. Atque hoc est, quod suprâ tradidimus, quòd ex puris negativis nihil concludatur.

Cap. 16. Syllogismus communis & proprius.

OMnis syllogismus est communis, vel proprius; uti diximus cap. præced.

Communis syllogismus est, cujus conclusio est communis.

Estq; vel universalis, vel particularis.

Syllogismus
universalis.

Universalis est, cujus conclusio est universalis.

Hæc est definitio Peripateticorum, qui universalitatem & particularitatem æstimant ex conclusione, tanquam parte syllogismi principali, ut quæ contineat quæstionem. Ramus generalem syllogismum definit, qui constat ex propositione & assumptione generalibus. Itaq; secundum hanc posteriorem sententiam in tertiâ figurâ etiam erunt syllogismi universales. Sed Rami sententia non est probanda.

Syllogismus
particularis.

Syllogismus particularis est, cujus conclusio est particularis:

Seu, in quo alterutra tantum præmissarum est universalis. In omni enim syllogismo necesse est, unam saltem universalem esse, sicut & unam saltem affirmatam. Nam, ut supra diximus, ex puris particularibus nihil sequitur. Ratio, quia in puris particularibus nulla conjunctio, sed divisio mera consistit. At verò in omni syllogismo duplex requiritur conjunctio; una est, quam efficit medium; altera, quam illatio. Medium quidem copulat propositiones, illatio verò conclusionem cum propositionibus. *Zabar. 2. post. ad contex. 45.* Huc accedit, quòd in omni particulari est ambiguitas, quæ erroris mater.

Syllogismus
proprius.

Syllogismus proprius est, cujus conclusio est propria:

Ramus (ut dicitur canone 2.) malè definit, qui constat ex propositione & assumptione propriis. Aliàs dicitur *singularis*.

Ejus canones sunt:

1. *Syllogismus proprius est omnium figurarum communis.*

Itaque Ramus non est reprehendendus, quòd cuilibet figuræ binos proprios adjecerit. Sed nec Aristoteles reprehendendus, quòd omiserit. Nam illos existimavit concludere vi universalium, ut jamjam ostendemus. Deinde Aristoteles in doctrinâ syllogismorum sibi proposuit finem scientiam, ut ipse docet. At scientia non versatur circa singularia. Quamvis enim ratio nostra non tantum sit universalium, sed &

sed & singularium, ut acutè disputat *Scaliger, exerc. 307. sect. 16.* tamen est universalium principaliter. Proinde cùm Aristoteles scientiam (videl. principaliter dictam) sibi proposuerit finem in hâc doctrinâ, meretur excusationem. Quod autem syllogismus proprius detur in omnibus figuris, non solum in tertiâ, probatur inductione exemplorum. *In primâ figurâ sic formatur:* Messias est iudex vivorum & mortuorum. Jesus Nazarenus est Messias. Ergo Jesus Nazarenus est iudex vivorum & mortuorum. Item: Qui ex Mariâ virgine natus est, is est filius Dei altissimi. Jesus Nazarenus ex Mariâ virgine natus est. Ergo est filius Dei altissimi. Item: Nulla bestia est rationalis. Bucephalus est bestia. Ergo non est rationalis. *In figurâ secundâ hoc modo:* Messias tollit peccata mundi. Johannes Baptista non tollit peccata mundi. Ergo Johannes Baptista non est Messias. Item: Judas Iscariotes non docuit Evangelium post Christi resurrectionem. Judas author epistolæ canonicæ docuit Evangelium post Christi resurrectionem. Ergo Judas author epistolæ canonicæ non est Judas Iscariotes. *In tertiâ figurâ hoc modo:* Qui ex Mariâ virgine natus fuit, est filius Dei altissimi. Qui ex Mariâ virgine natus fuit, est Jesus Nazarenus. Ergo Jesus Nazarenus est filius Dei altissimi. Item: Caput Ecclesiæ catholicæ, est verus Messias. Caput Ecclesiæ catholicæ est Christus. Ergo Christus est verus Messias. Cæterùm hæc doctrina de syllogismo proprio opus est iudicibus, qui tractant causas singulares; item medicis, qui occupantur circa morbos singulares. Ne quid hîc dicam de explicatione doctrinæ Christianæ; quæ Aristoteli fuit ignota.

2 *Ex duabus singularibus propositionibus non elicitur particularis laxior in materiâ contingenti.*

Oportet enim conclusionis essentiam virtute præmissarum contineri. Itaque non valet illatio: Aristoteles fuit philosophus. Et idem fuit ethnicus. Ergo quidam ethnici sunt philosophi. Sed hæc: Ergo quidam ethnicus fuit philosophus. Maxima siquidem differentia est inter particularem

laxiorem, qualis est, quidam ethnici sunt philosophi; & particularem strictiorem, qualis est, quidam ethnicus est philosophus. Strictior enim hæc ex illâ tanquam generali rectè colligitur, non vice versâ: ut, Quidam ethnici sunt philosophi. E. & quidam ethnicus. Non vice versâ: Quidam ethnicus est Philosophus. E. & quidam ethnici. Itaq; particularis laxior est præstantior strictiori, sicut omnis propria particulari strictiori. Hic quæritur, quâ fiat ut ex duabus præmissis propriis in tertiâ figurâ vi formæ concludatur particulariter, cum in conclusione non plus possit esse, quàm in præmissis? Resp. 1. Quia in omni ente creato singulari est aliquid universale. Itaque ex eodem potest inferri universale signatum, seu particulari signo determinatum. 2. Quia in præmissis propriis latet virtualiter ista conclusio particularis. 3. Dux præmissæ propriæ in syllogismo æquipollent universalibus. Et hinc patet, definitionem Rameam syllogismi proprii non posse consistere. Nam hic syllogismus: Judas Iscariotes prodidit Christum: Judas Iscariotes fuit Apostolus. E. quidam Apostolus prodidit Christum. Hic, inquam, syllogismus constat ex præmissis propriis, & tamen nõ est proprius. Est quoque syllogismus proprius ex unicâ præmissâ propriâ: ut, Omnis homo est risibilis. Socrates est homo. E. Socrates est risibilis. Cæterum in canone diximus, *in materiâ contingenti*. Nam in materiâ necessariâ particularis laxior infertur è singulari: ut, Abraham fuit justificatus fide absque operibus legis. Abraham fuit peccator. Ergò quidam peccatores justificantur fide absq; operibus legis. Sed hæc illatio non fit vi dispositionis syllogisticæ.

3 *Singularis syllogismus rectè concludit, at non ille qui est ex puris particularibus.*

Ratio: Quia tres propositiones singulares loquuntur de certo subjecto; at in particularibus res habet aliter, ut supra vidimus.

4 *Syllogismus singularis in formâ respondet universali.*

Si nimirum exigatur ad dictum de Omni & Nullo, licet hoc obscure fiat. e. g. Socrates est homo. Sophronisci filius est Socrates. E. Sophronisci filius est homo. De omni seu toto Socra-

to Socrate dicitur, quòd sit homo. Quidquid autem de medio dicitur, etiam de quovis sub medio sumto dici potest, si-
ve reverà sit pars medii, siue ut pars sumatur. Sophronisci
autem filius sumitur ut pars medii, Socratis. Igitur per con-
sequentiam dicti de omni & nullo de ipso verum est, quod
in maiore fuit verum de medio. Nec obstat, quòd maior sit
singularis: quia vi & potentià dicti de omni est universalis.
Universaliter enim prædicatur maior de medio, quando de
omnibus partibus (siue sint verè, siue quasi partes) medii
prædicatur. At hîc de omnibus, quæ sub Socrate, ut partes,
accipi possunt, prædicatur π homo. Igitur prædicatio æqui-
poller universali.

*Cap. 17. Syllogismus purus &
mixtus.*

E Materiâ determinatâ syllogismus est primò
purus vel mixtus, deinde verus vel apparens.

Syllogismus purus est, qui constat ex meris ter-
minis ejusdem artis. Syllogi-
smus pu-
rus.

Estque vel protonoëmaticus, vel deuteronoë-
maticus.

Protonoëmaticus est, qui constat ex meris ter-
minis primarum notionum.

Aliis dicitur *realis*. c. g. Omnis justificatus pacem habet
cum Deo. Omnis verus Christianus est justificatus. E. omnis
verus Christianus pacem habet cum Deo. Est syllogismus
protonoëmaticus purè theologicus.

Syllogismus deuteronoëmaticus est, qui con-
stat ex terminis meris notionum secundarum. *Hic
dici potest* merè Logicus, seu merè notionalis.

Exempli gratiâ: Omne argumentum ad thema arguen-
dum est affectum. Omnis definitio est argumentum. Ergò
omnis definitio ad thema arguendum est affecta. In hoc syl-

Syllogismo sunt termini merè Logici. Huc refer syllogismos, in quibus sunt termini merè Rhetorici & Grammatici.

Syllogismus mixtus est, qui constat ex terminis diversarum disciplinarum.

Hic (*nobis*) est realis, vel notionalis.

Realis est, in quo sunt notiones primæ diversarum disciplinarum.

Exempli gratiâ: Omnis creatura est finita. Corpus Christi est creatura. E. corpus Christi est finitum. Hic est syllogismus mixtus realis, constans ex duobus terminis metaphysicis & uno theologico.

Syllogismus mixtus notionalis est, cujus conclusio & præmissæ habent aliquem terminum Logicum.

Hic syllogismus ab Aristotele sæpe vocatur Logicus, ab Averroë *inventionalis*. Hujus magnus est usus in disputationibus & disciplinarum constitutionibus. Nam notiones secundæ Logicæ sunt veluti normæ, quæ rebus ipsis sunt applicandæ, ut illarum veritas inveniatur, vel certè asseratur.

Canones ejus sunt duo:

1 *Tot possunt esse quæstiones, adeoque conclusiones notionales, quot sunt notiones Logicæ.*

Exempli gratiâ: quæritur, an Deus sit vox distincta vel ambigua, an sit genus, an sit definibilis &c. Item quæritur, an antichristus sit futurus certum individuum, an genus syllogismi sit oratio, an methodus possit observari in SS. Theologiâ?

2 *Quæstio notionalis probatur medio sumto ex definitione & proprietatibus notionis secundæ, quam in se continet.*

Exempli gratiâ: quæritur, an SS. Theologiæ systema methodicè possit proponi? Affirmatur ex definitione methodi: methodus est instrumentum dianoëticum, quo priora naturâ præponuntur. Intellige methodum doctrinæ. Jam accommodas hanc definitionē ad SS. Theologiam, & vides, Deum esse na-

esse naturâ priorem operibus suis, & concludis, methodum in eâ posse observari. Sic quæritur, an bona opera sint causa justificationis? Negatur ex illo canone: Nulla causa est posterior effectu. At bona opera sunt posteriora justificatione. Ergo. Ad summam: Si probanda sit quæstio notionalis, loco majoris sumitur definitio vel canon Logicus illius notionis, cujus mentio fit in ista quæstione tractanda.

Cap. 18. Syllogismus necessarius & contingens in genere.

E Materiâ determinatâ deinde syllogismus est verus vel apparens: ut diximus cap. præced.

Syllogismus verus est, cujus forma & materia bona est.

Estque necessarius, vel contingens.

Cum hâc divisione fermè coincidit illa Philosophi, tradētis, syllogismum esse apodicticum, dialecticum & sophisticum. Sed de apparente seu sophistico agetur infra libro 9.

De utroque conjunctim considerato sunt hi canones:

1 *Ex falsitate universalis axiomatis affirmati, in materia necessaria & impossibili, sequitur falsitas particularis affirmati & veritas universalis negati:*

Ut, Si falsum est, omnē bestiam esse rationalem, sequitur etiam falsum esse, quandam bestiam esse rationalem; & verum esse, nullam bestiam esse rationalem.

At in contingenti materia sequitur veritas particularis affirmati, & falsitas universalis negati:

Verbi gratiâ: Si falsum est, omnem hominem salvari; sequitur, verum esse, quendam hominem salvari; & falsum, nullum hominem salvari.

2 *Ex falsitate universalis negati in materia necessaria & impossibili, sequitur veritas universalis affirmati, & falsitas particularis negati:*

Ut, Si falsum est, nullum hominem esse risibilem; verum est omnem hominem esse risibilem; & falsum, quendam hominem non esse risibilem.

At in materiâ contingenti sequitur veritas particularis affirmati, & falsitas universalis affirmati.

Ut, Si falsum est, nullum baptizatum esse regeneratum, sequitur verum esse, quendam baptizatum esse regeneratum; & falsum, omnem baptizatum esse regeneratum.

3 Ex veritate particularis affirmati sequitur falsitas universalis negati; sed non particularis negati, nisi in materiâ necessariâ:

Ut si verum est, quendam hominem esse electum ad vitam æternam; sequitur falsum esse, nullum hominem esse electum ad vitam æternam; sed non sequitur, quendam hominem non esse electum ad vitam æternam.

4 Ex falsitate particularis negati sequitur veritas universalis affirmati, sed non particularis affirmati nisi in materiâ necessariâ.

Ut si falsum est, quendam electum ad vitam æternam non salvari, sequitur, verum esse, omnem electum ad vitam æternam salvari.

5 Ex veritate unius contrarii sequitur falsitas alterius, sed non contrâ ex falsitate unius sequitur veritas alterius, nisi in materiâ necessariâ.

Ratio: quia duo contraria axiomata possunt esse simul falsa. e. g. Si verum est, omnem creaturâ esse finitam, falsum est, nullam creaturâ esse finitam. Sed non, si falsum est, omnem hominem salvari, verum est, nullum hominem salvari.

6 Ex falsitate unius subcontrarii axiomatis sequitur veritas alterius subcontrarii; sed non contrâ ex veritate unius sequitur falsitas alterius, nisi in materiâ necessariâ.

Ratio; quia duo subcontraria possunt esse simul vera. v. g. si falsum est, quendam lapidem esse cæcum, verum est quendam lapidem non esse cæcum.

7 Ex necessario nil nisi necessarium infertur: necessarium autem ex quolibet, ut ajunt, hoc est, ex necessario, & contingenti, & impossibili colligitur.

Necessa-

Necessarium ex necessario: ut, si homo est animal, est substantia. Neccessarium ex contingenti: ut, si homo ridet, est animal. Neccessarium ex impossibili: ut, si omnis lapis sentit, & omnis homo est lapis, etiam omnis homo sentit.

8 *Ex contingenti nunquam colligitur impossibile, sed vel necessarium, vel contingens: contingens autem nunquam ex necessario, sed vel ex contingenti, vel ex impossibili.*

Ex contingenti contingens: ut, Omnis Grammaticus est Logicus. Quidam homo est Grammaticus. E. quidam homo est Logicus. Ex contingenti necessarium: ut, Quidquid sentit, est animal. Omnis homo sentit. Ergo omnis homo est animal. Contingens ex impossibili: ut, Omnis lapis sentit: Omnis homo est lapis. E. omnis homo sentit. Et hæ sunt regulæ generales de syllogismo necessario & contingenti.

Cap. 19. Demonstratio.

Syllogismus necessarius est, in quo medius terminus cum alterutro extremo necessario coheret (*hoc est, immutabiliter*) ad pariendum in homine conclusionis scientiam.

Scientia conclusionis hîc dicitur firmus assensus. Dicitur Scientia cō-
scientia, hoc est, cognitio rei, putà conclusionis, necessariæ. clusionis.
Nam scientia propriè dicta, est rerum necessariarū. Est autem conclusio in hoc tali syllogismo necessaria; quia medius terminus habet vim probandi necessariam, ita ut gignat vel unam vel utramque præmissam necessariam. Dicitur etiam
συλλογισμὸς ἐπιστημονικὸς, syllogismus scientificus.

Ejus canon est:

In syllogismo necessario vitetur transitus de genere disciplina in genus.

Græci vocant μετέβασις εἰς ἄλλο γένος. Sed hîc oportet accuratè distinguere conclusiones necessarias puras à mixtis. Quod si conclusio sit pura, hoc est, constans ex terminis unius disciplinæ, ex unâ quoque disciplinâ petendum erit

mediū: ut, homo est animal. Hæc est quæstio pura puta physica. E. & medium erit ejusdem disciplinæ. At verò si conclusio sit mixta, h. e. constans ex terminis diversarum disciplinarum, medium potest sumi ex diversis disciplinis, e.g. an panis eucharisticus est substantia, est quæstio mixta, constans subjecto theologico, & prædicato metaphysico. Potest igitur medium sumi ex utraq; disciplinâ. Tum siquidem nõ committitur *μὲν ἑκαστος εἰς ἄλλο γένος*, hoc est, *confusio diversarum disciplinarum in eodem syllogismo*.

Syllogismus necessarius est vel apodicticus, vel non-apodicticus. *Illum vocare licet demonstrativum, hunc monstrativum, vel dicticum: illum primum, hunc secundarium.*

Syllogismus apodicticus est syllogismus necessarius, cujus medium ex loco causæ externæ proximæ, vel effecti est desumptum. *Uno vocabulo dicitur ἀπόδειξις, demonstratio καὶ ἐξοχήν.*

Est autem causa proxima hoc loco, quæ unico gradu distat ab effectu. Ejus canones in genere sunt quatuor; è quibus primus est de præcognitionibus, ut vocant, secundus de conclusionibus demonstrabilibus, tertius de propositionibus demonstrationis, quartus de medio demonstrationis.

1 De tribus demonstrationis terminis præcognoscendum est, quid significant, & an sit de subjecto quæstionis & medio.

Præcognitiones ante demonstrationem.

Logici peculiariter hoc in loco vocant præcognitiones, quas ante singulas demonstrationes habere debet, qui discit. Et quidem de tribus demonstrationis terminis præcognoscendum est, quid significant, ut ne disputetur de ignotis: *an sit verò præcognoscendum seu præsupponendum est de subjecto quæstionis & medio, probandum de affectione.* Frustra enim quis mecum sic disleret, pygmæos esse cholericos, quia sint parvæ staturæ: si nobiscum non convenit, pygmæos esse. Atque in eo sæpe graviter peccatur in rebus maximis: ut si dicerem, Perfectè justo debetur vita æterna. Qui implet legem, est perfectè justus. Ergo illi qui implet legem, de-

gem, debetur vita æterna. Hic est error non in falsitate ullius propositionis, sed in temeritate præsuppositionis, quæ fit ante syllogismum, *Aliquis implet legem*, quam suppositionem adversarius non concedit.

2 *Illæ conclusiones sunt demonstrabiles, in quibus prædicatum est accidens proprium, cujus causa proxima potest assignari.* Quæ conclusiones sint demonstrabiles?

Ratio canonis petitur ex definitione demonstrationis. Confer hanc definitionem cum *lib. 2. canone 4. cap. 7. tit. de causâ immediatâ*. Itaque

1 *Substantiæ non demonstrantur*: ut, hominē esse corpus. Nam substantiarum causæ externæ necessariæ non dantur.

2 *Accidentia communia non demonstrantur*: ut, Equum esse album. Ea enim nec insunt necessariò, nec eorum est certa & perpetua causa.

3 *Accidentia inseparabilia, quæ non fluunt à formâ subjecti, & quorum certa causa non potest assignari, non sunt demonstrabilia*: ut, Bipedem esse in homine, album esse in cygno.

4 *Prima principia sunt ἀναπόδεικτα*: quia illis nihil est prius. Ea igitur duntaxat accidentia propria demonstrari possunt, quorum certa & proxima causa potest assignari, & quæ promanant à natura subjecti. Tales sunt hæ propositiones: Luna patitur eclipsin; stellæ scintillant; corpus Christi est locale; lineæ parallelæ nunquam concurrunt. Ex his patet, duo debere concurrere ad conclusionem demonstrabilem. 1. ut, prædicatū sit accidens proprium, *ἰδιον πᾶδος*.

2. Ut ejus causa proxima possit assignari. Hic incidit quæstio, an etiam demonstrationes perfectæ in theologicis supernaturalibus dentur? Quidā negant; & contendunt, exempla demonstrationū scientificarū in solis scientiis humanis dari; eò quod in illis solis conclusiones propriè sciantur, in theologiâ autē conclusiones necessariæ credantur, ut & principia theologica. Hinc ajunt, in theologiâ non dari demonstrationes scientificas propriè loquēdo, sed potiùs persuasiones ex creditis ad creditū. Sed hæc sententia est erronea. Nam sicut major est certitudo principiorū theologicorū quā philosophicorum: sic & demonstrationes multo certiores in theologiâ

An dentur demonstrationes in theologicâ arcanâ?

dantur, quàm in philosophiâ. Sunt igitur ἀπαίδευτοι, qui patrocinantur huic sententiæ, demonstrationes perfectas in theologiâ non dari. Illorum error ἐπαγωγικῇ ostensione refellitur. Conclusio theologica est: Deus est omnipræsens. Μείον omni exceptione & dubitatione majus: Quia est immensus, infinitus. Objicis: at ita idem per idem probatur; quia attributa divina sunt παντί. Respond. Sed unum est altero prius καὶ ἡ μείζων. Est & hæc conclusio theologica: In omnes homines mors transiit. Medium συνίσις, seu διολή: peccatum ἀρχαῖον seu radicale, ut vocant. Est & hæc conclusio theologica: omnes homines sunt concepti in peccato originis. Argumentum διολή est offensa seu inobegientia unius hominis. Per unius offensam in mundum introiit peccatum, ait Apostolus, medium cum quæsito conjungens. Est denique & hæc conclusio theologica demonstrabilis: Deus non est colendus imagine ipsi factâ. Ratio apodictica: Q. Deus hoc odit. Sed, inquit aliquis, nondum solutus est nodus. Nam principia & conclusiones theologiæ supernaturalis seu arcanæ non sciuntur, sed creduntur. Resp. Principia supernaturalia (ut & conclusiones) sunt duum generum; quædam duntaxat sunt πίστις, ut Deus est unus & trinus, Christus est θεῶν ἄνθρωπος. Et hîc destituit nos demonstratio scientiæ, sufficit demonstratio fidei. Quædam sunt ita πίστις, ut etiam sint ἐπιστήμη, ut Deus est omnipræsens. Deus decrevit ab æterno &c. Dantur igitur in theologiâ supernaturali demonstrationes scientificæ, quæ tamen omnes tandem resolvuntur in hoc principium, Deus dixit. Et hæc est fidelibus μέγιστη καὶ ἀληθεστάτη ἀπόδειξις, maxima & verissima demonstratio, ut ait Justinus martyr apologiâ secundâ pro Christianis; & ut ait Clemens Alexandrinus libr. 2. Stromatum, ἡ ἀνωτάτω ἀπόδειξις, suprema demonstratio. Hinc nascuntur tales demonstrationes: Quidquid sacra Scriptura asserit, id credendum est. At unum tantum esse Deum asserit in tribus personis: 1. Johan. 5. vers. 7. Ergo hoc credendum est. Item, Quemcunque sacra Scriptura asserit unum mediatorem Dei & hominum, is est verus mediator. Atqui Jesum Christum esse talem mediatorem asserit sacra Scriptura. Ergo Jesus Christus est mediator inter Deum & homines. Et hæc demonstrationes etiam in philosophiâ locum habent, si ibi ali-

quid pro-

quid probari possit testimonio divino. Non tamen hæ demonstrationes, quæ pro medio habent testimonium divinum, sunt syllogismi apodictici; sed dictici.

3 *Propositiones demonstrationis debent esse necessariæ, veræ, immediatæ & causæ conclusionis.*

Propositiones demonstrationis qui debeant esse comparatæ?

Videamus singula. Sint primò *necessariæ veræ*, juxta tres necessitatis gradus, κατὰ πᾶσι, κατὰ αὐτὸ, κατὰ λόγον πρῶτον. Nam quod debet gignere cognitionem certam, id necessariò verum sit oportet. Deinde sint *immediatæ*, seu primæ & indemonstrabiles, hoc est, quarum prædicatum inhæreat subjecto, non mediante alio aliquo subjecto, cui primò insit, aut aliquâ intercedente causâ, propter quam prædicatum insit subjecto. Est igitur hæc immedietas duplex. Aliæ enim propositiones sunt immediatæ ex parte subjecti, quarum prædicatum convenit subjecto, non mediante alio subjecto: v.g. homini convenit sentire mediatè, mediante scilicet animali; animali verò immediatè & primò. Aliæ verò sunt immediatæ ex parte causæ, quarum non potest assignari causa: ut, triangulum habet tres angulos, homo est rationalis. Harum enim propositionum prædicata ita arctè coherent cum subjectis, ut non possint ullo interjecto medio resolvi & demonstrari. Denique sint *causæ conclusionis*: non tantum causæ consecutionis seu consequentiæ conclusionis (hoc enim fit in omni syllogismo, ut diximus suprâ ad definitionem syllogismi) sed causæ tum affectionis, seu prædicati conclusionis, tum cognitionis, seu causæ cognoscendi conclusionem. Hoc utrumque erit, si propositiones demonstrationis sint priores & notiores conclusione tum naturâ, tum nobis. Hoc quâ fieri possit, acutè ostendit doctissimus *Molinaus lib. 2. Logic. cap. 2.*

4 *Medium demonstrationis est triplex; definitio accidentis proprii, causa proxima affectionis, & effectum proprium atque immediatum.*

Medium demonstrationis est triplex.

Duo quidem priora media locum habent in demonstratione perfectâ, ultimum in imperfectâ. Explicemus singula. Definitio accidentis proprii tribus constat partibus, genere, subjecto, & causâ; & demonstratio constat totidem parti-

bus, subiecto, affectione, & medio. Itaq; si subiectū affectionis fiat subiectum conclusionis, genus verò fiat prædicatum; & causa medium, habebis ex definitione demonstrationem. e. g. sit hæc definitio mortis: *mors est destructio vitæ animalis, ex calidi extinctione*. Ex ea fiet demonstratio hunc in modum: *Cujus calor vitalis extinguitur, ejus vitæ necessarium destruitur. Animalis calor vitalis extinguitur. Ergo ejus vitæ extinguitur*. Deinde causa proxima affectionis potest esse medium demonstrationis; eaque tum efficiens, tum finalis. Efficiens, ut: Quod obumbratur à terra, deficit lumine. Luna obumbratur à terra. Ergo deficit lumine. Finalis, ut: Quodcunque omnia illuminat, est per se lucidum. Sol omnia illuminat. Ergo sol est per se lucidus. Interdum longa series demonstrationū texatur necessum est, antequam ad immediata veniatur: ut, habitantibus sub æquatore aer est calidissimus, quia est tenuissimus: est tenuissimus, quia maximè disgregatur à Sole: rursus; maximè disgregatur à Sole, quia ejus radii ibi cadunt ad angulos rectos: radii ibi cadunt ad angulos rectos, quia Solem in æquinoctiis habent verticalem. Hic oportet, ut quiescamus: quia medium hoc postremum, nempe habere Solem in æquinoctiis verticalem, est ipsa definitio habitationis sub æquatore. In hac serie causarum seu mediorum totidem sunt demonstrationes, quot causæ, subiecto semper eodem manente in his demonstrationibus: ultima verò causa est primum principium, quia cætera ab ea pendent, in eaque novissimè quiescitur. Eadem series demonstrationum datur in causâ finali; in quibus primum principium est finis ultimus & summus; id est, per se expetendus, & non ob aliud: ut, animal habet pulmones, ut respiret; respirat ad refrigerationem cordis; animalis cor refrigeratur, ut servetur temperies caloris; servatur temperies, ad animale vitam conservandam. Præterea effectum proprium potest esse medium demonstrationis. Cum enim in omni demonstratione medium cum prædicato questionis cohereat, ut causa cum effectū, & verò causa aliquando sit nobis notior effectū, aliquando etiam effectus notior causâ, manifestè sequitur, non solum effectū demonstrari posse per causam, sed etiam in quibusdā vicissim causam per effectum. Cæterum dum di-

nam dicimus definitionem accidentis esse medium demonstrationis, non excludimus reliqua principia demonstrativa, sed includimus: quæ ut melius percipias, sic habendum est. Principia demonstrationis sunt vel axiomata, vel theses. Axiomata sunt principia per se nota, quæ sine expositione doctoris intelliguntur: ut, totum est majus sua parte; Deus est bonus; felicitas est expetenda; unicuique suum est reddendum; omne bonum est faciendum, omne malum fugiendum. Theses sunt principia, quæ quidem doctoris expositione non egent, sed tamen axiomatis sunt inferiora claritudine. Suntque vel definitiones, de quibus modò diximus, vel hypotheses, quas supponit demonstrator, tanquam veras, quibus nemo sanus contradicat: ut, omnes anguli recti inter se sunt æquales; humana societas non stat, nisi quidam regant, quidam regantur; vel denique postulata, quæ Græcis dicuntur *αἰτιμολογία*, quæ sunt theses, quibus demonstrator fidem haberi postulat, licet quibusdam videantur absurdæ: ut, Solem esse majorem terrâ.

Demonstratio alia est *πρὸς διάνοιαν*, propter quid, alia *πρὸς ὅτι*, quòd sit. Illa dicitur *à priori*, hæc *à posteriori*.

Hæc distributio probatur ex iis, quæ modò dicta sunt ad *ἐκτίθησιν* canonis quarti. Breviter rem totam attingemus. Omnis nostra cognitio à sensu incipit. Cum igitur prisca homines effecta singularia sensibus obversantia viderent, nec satis assequerentur primo intuitu, multiplici meditatione causas investigarunt, itemque universalia ex similitudine observatâ in singularibus collegerunt. Et hæc discendi via satis fuit operosa. Sed post causas inventas via discendi facta est compendiosior. Nam à causis incipientes possumus ex iis effectuum scientiam acquirere methodo longè præstantiori. Nam qui ex effectu cognito causam quaerit, cum adeptus est, quod intendit, nondum cognoscit causam, cur sit id quod quaerit, sed tantum cognoscit illud esse: ut qui cognitâ inæqualitate pulsus, ex eo concludit esse febrem, nondum scit cur sit febris, sed tantum scit esse febrem. Qui verò dicit, est febris: ergò est pulsus inæqualis; non solum cognovit inæqualitatem istam esse, sed etiam cur

fit. Ex gemino hoc procedendi modo nascuntur duæ species, vel (ut alii volunt) gradus demonstrationis; videlicet *δὲν*, à priori, & *ἵνα*, à posteriori; quarum illa perfectior, hæc imperfectior.

Demonstratio
ἵνα δὲν.

Demonstratio *δὲν* est, quâ cognoscimus causam proximam, cur res sit talis.

Hic objici solet: Cùm quæritur, an res sit, est quæstio demonstrabilis, seu conclusibilis; cùm autem quæritur, cur res sit, non est quæstio demonstrabilis, sed explicabilis seu declarabilis simplici enunciato: ut, Cur Luna patitur eclipsin? Respond. Q. terra diametraliter interponitur inter ipsam & Solem. Sed ténendum. Hanc ob causam quidam rejiciunt illas voces *ἵνα δὲν*, & *ἵνα* in hâc doctrinâ. Sed respondetur à Philosophis, ambiguitatem esse in voce *cur*, vel *δὲν* ut & *ἵνα*; quòd. Omnis demonstratio concludit quæstionem quòd, seu *εἴ ἐστι*. Sed demonstratio à priori dicitur *ἵνα δὲν*, quòd ipsam causam cognoscamus, propter quam res ita se habet. e. g. An Luna illo die patietur eclipsin? Hæc est quæstio demonstrabilis. Resp. Patietur: quia illo die terra diametraliter interponetur inter ipsam & Solem. Hæc vocatur demonstratio *ἵνα δὲν*, quia sic concludit quæstionem, ut simul causam indicet; cujus cognitio cùm sit nobilissima, ab illâ nomen sortitur hæc demonstratio.

Ejus canones sunt:

1 Positâ vel remotâ causâ proximâ & adequatâ affectionis propriæ subjecti, ipsam affectionem poni vel removeri est necesse.

Vel, cuicumque tribuitur vel adimitur causa proxima & adequata affectionis, ipsam quoque affectionem ei tribui vel adimi necesse est. Unde sequitur à causa adequata ad effectum valere consequentiam affirmativè & negativè. Non igitur omnis demonstratio est affirmata; sed multæ quoque sunt negatæ. v. g. Quidquid est ubique, est substantiæ infinitæ. Nulla creatura est substantiæ infinitæ. E. nulla creatura est ubique. Item: Omne rationale est risibile. Nulla bestia est risibilis. E. nulla bestia est rationalis.

2 In demonstratione διόν tria sunt; ὑποκείμενον, subjectum, πᾶσι, affectio subjecti, ἀρχή, causa. exempli gratiā:

1. Subjectum.

Homo est

2. Affectio.

rationalis.

3 Causa.

Quia rationalis.

3 Demonstratio διόν non solum est universalis, sed etiam particularis.

Hoc idem etiam verum est de demonstratione τὸ ὅτι. Universalis est, quæ probat accidens inesse subjecto suo primo, universali, & proprio, sive sit effectum, sive causa. Particularis est, quæ probat accidens inesse subjecto secundo, sive sit effectum, sive causa. Sic v. g. homo est primum subjectum rationalitatis, Socrates verò secundarium: quia convenit homini, quatenus est homo; Socrati verò non quatenus est Socrates, sed quatenus homo. Sic

(Animal. Subj. 1.

Sentit Homo. Subj. 2.

(Socrates. Subj. 3.

Sentire convenit Socrati, quia est homo; homini, quia est animal; animali verò primò, & quatenus est animal. Sic vicissim uni subjecto tribuuntur multa prædicata: ut,

Homo	{	Loquitur: quatenus homo.
		Sentit: quatenus animal.
		Alitur: quatenus vivens.
		Mensurabilis est: quatenus corpus.
		Per se subsistit: quatenus substantia.

Primum illud videl. τὸ loqui, convenit homini primò, & quatenus talis est, ideoque cum ipso reciprocatur: & cætera conveniunt ei secundariò, & propter aliud, nec cum homine convertuntur. Hinc igitur demonstratio alia dicitur universalis: ut, omnis justificatus pacem habet cum Deo. Omnis verè credens est justificatus. E. omnis verè credēs pacem habet cum Deo: alia particularis: ut, Quicumq; verè credit, est electus ad vitam æternam. Quidam homo verè credit. Ergò quidam homo est electus ad vitam æternam.

4 *Demonstratio òn est prior ordine demonstratione ðón, sed posterior dignitate.*

Prior ordine, scil. inventionis, itemq; cognitionis confusè. Priùs enim cognoscimus quòd res sit talis, quàm cur sit talis. At demonstratione ðón probatur, quòd res sit, demonstratione ðón, cur sit, seu propter quod sit.

Demonstratio ðón sumitur à causâ proximâ tum efficiente, tum finali.

Num sit demonstratio à materiâ & formâ?

Nam à causis internis, materiâ & formâ, sumi nequit. Nô à materiâ; quia mediû demonstrationis est causa affectionis seu prædicati, ut verò subjecti sit causa, nô requiritur. Materia verò prædicati seu affectionis aut est genus ipsius, ut coloris genus est qualitas patibilis; aut subjectû ejus, ut coloris materia est corpus. Illa dicitur materia interna, hæc externa à quibusdam. At neq; genus affectionis, neq; subjectû illius, possunt esse medium demonstrationis. Non genus; quia illud non est causa speciei. Non subjectû; quia subjectû conclusionis non potest esse medium. Falsus igitur Aristoteles, qui 2. post. e. 11. tradit, materiam posse esse medium demonstrationis. Sed nec à forma sumitur medium demonstrationis, sicut idem d. l. asseruit. Ratio; quia si forma prædicati esset medium demonstrationis, cõmitteretur petitio quæstionis: ut, Animal rationale est homo. Socrates est animal rationale. E. Socrates est homo. Minor enim non est notior conclusione, imò idem, ut ait *Molinæus in Logicis*.

Demonstratio à causâ efficiente proximâ sumta est, quæ pro medio habet causam efficientem proximam prædicati.

Ejus canon est:

Positâ causâ efficiente proximâ & adequatâ, necesse est effectum poni, & remotâ tolli.

Exempli gratiâ: Omnes libri immediatè divinitùs inspirati, sunt canonici. Omnes libri Prophetici & Apostolici, sunt immediatè divinitùs inspirati. E. sunt canonici. Item: Quidquid præditum est animâ rationali, illud est risibile. Omnis homo præditus est animâ rationali. E. omnis homo est ri-

etrisibilis. Item: Quidquid suâ substantiâ est ubique, id im-
mensa & infinita est substantia. Corpus Christi non est im-
mensa & infinita substantia. E corpus Christi suâ substan-
tiâ non est ubique. Hic observa, mediû hujus demonstratio-
nis esse posse causam efficientem extrinsecam, h. e. talem, quæ
non sit in eodem subjecto cum accidente: ut, Omnis stella,
quæ patitur interpositionem terræ, deficit. Luna patitur in-
terpositionem terræ. E. Luna deficit. Itaque

**Demonstratio à causâ efficiente, est vel ab effi-
ciente extrinsecâ, vel intrinsecâ.**

Extrinseca efficiens hic dicitur, quæ non est in eodẽ sub-
jecto, ut modò diximus, cum effectu: uti terræ interpositio,
aut aëris corruptio, sunt causæ extrinsecæ eclipses & pesti-
lentiæ. Intrinsecæ sunt, quæ sunt in eodem subjecto: quales
sunt formæ specierum, quæ per emanationem continu-
am produunt qualitates activas: ut, anima in animali
est causa intrinseca efficiens sensus & motus; & forma ma-
gnetis est causa attractionis ferri. Hujus generis quoque
sunt qualitates quædam activæ, quæ sunt causæ efficientes
mediæ aliarum qualitarum: ut, esse carnis tenerrimæ, in ho-
mine est causa tactus acutissimi; & in auro densitas, causa
summæ gravitatis. Exemplum causæ efficientis extrinsecæ
est: Quibus aër est corruptior, ii frequentibus cum morbis
conflictantur. Habitantibus in locis palustribus est aër cor-
ruptior. Ergò. Exemplum causæ efficientis intrinsecæ est:
Qui amat Deum, amat Dei imaginem, hoc est proximum.
Pii amant Deum. E. Item: Omne densissimum est gravissi-
mum. Aurum est densissimum. Ergò.

**Demonstratio *διόν* à causâ finali proximâ est,
cujus medium est finis proximus prædicati in con-
clusionē.**

Ejus canon est:

*Posito sine proximo & adequato, ponuntur media;
& remoto, tolluntur.*

Exempli gratiâ: Omne sacramentũ, quod est à Deo insti-
tutũ in hunc finem, ut sit sollemnis receptio in Ecclesiam Dei;

debet cōmunicari omnibus hominibus, tam infantibus, quā adultis, ad quos fœdus Dei & receptio in ecclesiam pertinet. At Baptismus est tale Sacramentum. E. Hæc apodixis furori Anabaptico opponi potest. Vide *Zachar. Ursinū*. Logicum absolutissimum, *tract. theol. tom. 1.* Sequēs demonstratio opponatur Pontificiis Bibliosacrifugis: Quidquid legi debet in publico Ecclesiæ cœtu ad ædificationem omnium in fide & vitâ, id est linguâ omnibus cognitâ legendum. Atqui S. Scriptura legi debet in publico Ecclesiæ cœtu ad ædificationem omnium in fide & vitâ. Ergò. Hæc demonstratio opponatur Copernico: Quidquid debet producere fruges, & animalia sustinere, id debet esse immotum. At terra debet hoc præstare. Ergò terra debet esse immota.

Demonstratio *τὴ ὅτι* est, quæ pro medio termino habet effectum vel destinatum, ut ex eo demonstretur efficiens aut finis, vel etiam causam remotam.

Estque duplex, perfectior, vel imperfectior.

Perfectior est, quæ demonstrat causam per effectum proximum:

Quod fit, cum medium est effectus, causa autem est prædicatum conclusionis.

Ejus canon est:

Posito effecto proprio & immediato, ponitur causa efficiens, & sublato, tollitur.

Valet igitur demonstratio hæc affirmativè & negativè, ut etiam illa a priori. Exempli gratiâ. Quodcunque moritur, illius calor naturalis extinguitur. Vegetantia moriuntur. Ergò vegetantium calor naturalis extinguitur. Item: Quicumque manducat carnem Christi, is Christum in se manentem habet. Infideles Christum in se manentem non habent. Ergò infideles carnem Christi non manducant. Sic quoque destinato posito ponitur finis, & sublato tollitur: ut, Credit in Filium Dei. Ergò salvabitur. Habet bonum ingenium, & studet diligenter. Ergò evadet doctus. Non diligenter studet. E. nec evadet doctus.

Demon-

Demonstratio *τὴ ἐν* imperfectior est, quæ demonstrat effectum per causam remotam:

Quod fit, cum effectum est prædicatum conclusionis, causa remota est medium.

Ejus canon est:

Positâ causâ remotâ, non necessario ponitur effectus, sed illâ sublatâ tollitur.

Itaque demonstrationes à causâ remotâ sunt ferè negativæ: ut, Quidquid respirat, est animal. Nulla planta est animal. E. nulla planta respirat. Item: Omnis faciliè calvescens est calidi temperamenti. Eunuchi non sunt calidi temperamenti. Ergò eunuchi non faciliè calvescunt. Causa proxima, cur eunuchi nō faciliè calvescant, est retentio humoris radicalis: remota, frigiditas, vel defectus caloris. Sic: Quodcunque inebriatur, bibit. Æsalones non bibunt. Ergò Æsalones non inebriantur. Hic potare non est causa *συνεχὴς* seu proxima ebrietatis (talis enim est perturbatio spirituum animalium in cerebro à vaporibus vini) eâ tamen sublatâ tollitur ebrietas. Huc quidam referunt hoc exemplum, quo probant, etiam interdum demonstrationem negativam habere locum: Quæcunque animam habent, nutriuntur & crescunt. Lapidēs animam non habent. Ergò lapides non nutriuntur & crescunt. Nam anima non est causa proxima nutritionis & incrementi, sed facultas vegetatrix. Hæc demonstratio admittit syllogismos secundæ figuræ, ut ex allatis paulò ante exemplis videre est. Ad extremum in doctrinâ de demonstratione notetur, quid sit *régressus demonstrationis*. Régressus iste seu reciprocatio demonstrationis, est, cum demonstratio *τὴ δὲ* reciprocatur seu convertitur cum demonstratione *τὴ ἐν*. Cum enim à causato, tanquam sensibus notigti, demonstratum est, causam esse; reciprocatione factâ causatum ex causâ faciliè demonstratur. e. g. Luna est globosa, quia per vices crescit & decrescit. Hic ex effectu causâ ostensa est. Jam permutato medio per régressum, ex causâ demonstratur effectum: Quod corpus, luminosum sphaericum est & rotundum, id mutuatio lumine crescit & decrescit. Atqui Luna est corpus tale. Ergò. Hoc exemplum vulgò adferunt: sed nobis non est ad salivam. Substituamus igitur

alia. Quod præditum est animâ rationali, illud est risibile. Omnis homo præditus est animâ rationali. Ergò. Hic regredior sicpote: Omne risibile est rationale. Omnis homo est risibilis. Ergò omnis homo est rationalis. Item: Omnis iustificatus pacem habet cum Deo. Omnis verè credens est iustificatus. E. omnis verè credens pacem habet cum Deo. Hæc est demonstratio à priori. Hanc converto cum demonstratione ab effectu: Quicumque pacem habet cum Deo, est iustificatus. Omnis verè credens pacem habet cum Deo. Ergò omnis verè credens est iustificatus. Usus huius reciprocatonis est geminus. 1. Potest huic causa esse notior effectu, illi verò effectus notior causâ. Itaq; pro personis nunc hæc nunc illa fiat demonstratio. 2. Potest aliquis unâ eâdemq; commentatione & discursu primùm per effectum causam invenire, deinde per eandem causam eundem effectum cum fructu demonstrare. Vide magnum illum oratorem Gallicanum *Molinæum*. l. 2. *Logic. cap. 3.* eundemque disputatorem exercitatissimum.

Cap. 20. Syllogismus necessarius non-apodicticus.

Syllogismus non-apodicticus, est syllogismus necessarius, cujus medium aliunde, quàm ex loco causæ externæ proximæ & effecti depromitur.

Potest vocari *dicticus*, ut & suprà monuimus. Nimirum hoc medium peti potest ex omnibus locis inventionis præter locum causæ externæ proximæ, itemque effecti immediati. Hic enim locus suppeditat media demonstrationis, ut diximus cap. anteced. Necessum igitur erit hîc percurrere loca illa à nobis tractata suprà *lib. 2. 3. 4. 5.* & id quidem sine tautologiâ facere poterimus. Nam suprà explicavimus illorum locorum naturam, quid videl. & quotuplex sit causa, causatum &c. item indicavimus aptitudinem illam, quâ possint referti ad extrema quæstionis. Nunc hoc loco duntaxat de his agimus, quatenus actu recipiunt relationem ad extrema quæstionis seu thematis conjuncti.

Medium

Medium igitur necessarii syllogismi non-apodictici sumitur ex argumentorum communium, ut vocavimus, classibus, è serie prædicamentali, definitione, & distributione.

Classes argumentorum communium constituimus decem, *sequentes methodum lib. 2.*

Hæ classes vocari possunt lumina argumentorum probantium seu demonstrantium.

Suntque 1. Causa & causatum. 2. Subjectum & adjunctum. 3. Antecedens, consequens & connexa. 4. Disjunctanea. 5. Comparata. 6. Conjugata. 7. Notatio. 8. Totum & pars. 9. Genus & species. 10. Testimonium.

De his locis videamus canones, quo nimirum modo ex illis petantur media dictica.

Canones de causâ & causato.

1 *A remotione causæ remotæ & necessariò ad causatum requisita, ad remotionem causati necessaria est consequentia.*

Probatio dictica è loco causæ & causati.

Verbi gratiâ, Non recipit speciem rei objectæ in oculum. Ergò non videt.

2 *Cujus causâ procreans est bona vel mala, illud est bonum vel malum; & retrò.*

Verbi gratiâ, virtus moralis est bona; quia crebra exercitatio actionum honestarum est bona. Vitium morale est malum; quia crebra exercitatio actionum turpium est mala.

3 *A positione unius causæ per se subordinatæ, sive sit finis, sive efficiens, sive materia, sive forma, ad remotionem alterius non valet consequentia.*

Sic à positione causæ primæ ad remotionem secundæ, vel à positione causæ secundæ ad remotionem primæ non licet argumentari. Non enim, si Deus est causa hominis, v. g. Alexandri Magni, Philippus non est illius causa. Idem iudicium esto de reliquis causis.

4 *Posito fine, ponuntur media ad finem;*

Ut, Quisquis Deum videbit, debet esse corde mundo. Electi videbunt Deum. E. debent esse corde mundo. At sublato fine, non necessario tolluntur media: ut negatâ doctrinâ, non necessario tolluntur libri.

5 *Positâ efficiente solâ sufficiente, ponitur effectus; & sublatâ, tollitur.*

Sic posito sole, ponitur dies; posito vitio, ponitur infelicitas. Sin verò ad effectum unum causæ plures requiruntur; non nisi positis omnibus causis, ponetur effectus. Ratio: quia omnes causæ junctæ, pro unâ ponuntur. Sic ad eandem parandam voluntas & facultas; ad fertilitatem terræ, cœli clementia, soli tractabilitas, & cultura conveniens requiruntur. Sunt autem res humanæ ita comparatæ, ut ad bonum efficiendum oporteat multa concurrere; at malum ex unius boni defectu exurgat; non secus ac bona valetudo ex leviculâ causâ corrumpitur.

6 *Sublatâ efficiente remotâ, aut causâ sine quâ non, tollitur effectus:*

Ut, non est potatio apud Indos. Ergò nec ebrietas. Ratio canonis est: quia, etsi talis causa sola non sufficit, tamen sine eâ effectus esse non potest. Ergò conclusio duntaxat negans inde sequitur.

7 *Cui materia tribuitur vel adimitur, eidem & materiæ tribui vel adimi est necesse:*

Ut, anima hominis non constat ex quatuor elementis. Ergò non est mixtum corpus. Cometa est corpus mixtum: quia constat ex elementis. Vulgò sic efferunt hunc canonem: *De quo materia proxima & adequata affirmatur aut negatur, de eo etiam materiæ affirmari aut negari est necesse.*

8 *Cui materia tribuitur, ei determinatam formam tribui oportet; & cui materia adimitur, ei & forma:*

Ut, Pygmæi habent corpus humanum. Ergò & formam. Aurum apparens non habet materiam auri. Ergò nec formam. Intellige canonem de formâ materiali, quæ non subsistit extra materiam. Hinc dicunt philosophi: *Sublatâ materiâ tol-*

teriâ tollitur forma materialis. Nam formæ separatæ aut separabiles à materiâ, ut animæ hominum, sublatâ materiâ non tolluntur.

9 *Sublatâ materiâ tollitur compositum:*

Ut, Si non sunt ligna, non est navis. Si apud Indos non est vinum, non est plena cœna Domini, ac proinde apud illos non est cœna Domini; quia cœna Domini non est mutila cœna. Ad affirmandum hic canon non valet: quia positâ materiâ, non statim ponitur idcirco compositum. Non enim est consequens: Ibi sunt ligna. Ergo & navis.

10 *Qualis materia, tale materiaturum:*

Ut, statua est ex ligno carioso. Ergo & ipsa cariosa est.

11 *Cui forma tribuitur vel adimitur, eidem & formatum:*

Ut, Pygmæi habent animam rationalem. Ergo sunt homines. Metalla non habent animam vegetantem. Ergo nec sunt corpora viventia.

12 *Cui forma tribuitur, eidem & determinata materia tribuitur; & cui illa adimitur, eidem & ista:*

Ut, Pygmæi habent animam rationalem. Ergo & corpus humanum.

13 *De quo causatum (sive finitum, sive effectum, sive materiaturum, sive formatum) affirmatur vel negatur, de eo etiam causam affirmari vel negari est necesse.*

Hic canon non solum concludit de causâ proximâ, sed etiam de propinquâ quavis & remotâ, cui nimirum proximè & essentialiter est subordinata. v. g. Quidam homines sunt pii; quia salvantur. Quidam homines non sunt pii; quia damnantur. Omnis cometa constat ex elementis; quia est corpus mixtum. Nulla stella constat ex quatuor elementis; quia non est corpus mixtum. Omnis planta habet animam vegetantem; quia est corpus vivens. Omnis creatura appetit esse; quia appetit sui perfectionem. Ad hunc canonem refer istos. 1. *Posito composito, poni materiam, necessarium est:* ut, si domus est, sunt lapides, ligna &c. 2. *Posito aut sublato composito, ponitur aut tollitur forma:* ut, posito homine ponitur anima rationalis. Sed sublato homine, anima rationa-

lis non tollitur. Canon igitur verus est de formis inseparabilibus à materiâ; non de separabilibus, ut sunt animæ humanae. 3. *Sublato effectu, tollitur efficiens*: ut calore, ignis; lumine, Sol. Canon hic verus est in causis, quæ agunt necessitate naturæ; non in iis, quæ voluntate; nec in iis, in quibus causa potest esse sine effectu: ut crapula sine morbo, philosophus sine scriptione. 4. *Sublatis mediis, tollitur finis*: ut, virtute sublata tollitur felicitas; diaphano, visus; cibo, vita animalis. At *positis mediis, non necessario ponitur finis*. Ratio: quia in multis natura, aut voluntas destruit opus inchoatum. Vide lib. 2. cap. 9. can. 1. & 2. de finito.

Canones de subjecto & adjuncto.

Probatio
dilectica
è loco
subjecto
&
adjuncto.

1 *Cui subjectum proprium tribuitur vel adimitur, ei etiam propria adjuncta tribui, vel adimi est necesse:*

Ut, Omne verum corpus est quantum & finitum. Corpus Christi est verum corpus. Ergo. Item: Nulla stella habet facultatem sentiendi; quia non est animal. Christus est Deus. Ergo omnipotens. Huc pertinet canon: *Negato subjecto, negantur accidentia*: ut, Purgatorium non est. Ergo nec calidum est.

2 *De quo adjunctum proprium affirmatur vel negatur, de eo etiam ipsum subjectum affirmari vel negari est necesse:*

V. g. Omnis planta est corpus vivens; quia habet facultatem nutriendi & crescendi. Deus non ducitur pœnitentiâ; quia non est homo. Alii sic efferunt hunc canonem: *Cui tribuitur vel adimitur accidens proprium, ei quoque subjectum tribui vel adimi est necesse*: Ut, Omne verum corpus est visibile. Corpus in pane latens, vel ex pane factum, non est visibile. E. nec est verum corpus.

3 *Cui tribuitur vel adimitur objectum adequatum, eidem tribuitur vel adimitur adjunctum circa istud objectum occupatum; & cui adimitur vel tribuitur adjunctum circa objectum occupatum, eidem ipsum objectum adimitur vel tribuitur.*

Exempli gratiâ, versatur circa modum benè disferendi.

Ergo est

Ergo est Logicus. Fundit pias preces. Ergo mentem convertit ad Deum, non ad creaturam. Christus est verus Deus. Ergo adorandus. Idolum non est adorandum. Ergo non est Deus.

4 Positis vel remotis circumstantiis, ponitur vel removetur subjectum; & posito vel remoto subjecto, ponitur vel removetur circumstantia.

Ut, Poma maturescunt. Ergo autumnus instat. Corpus est. Ergo locus est, in quo sit. Corpus Christi movetur localiter. Ergo est in loco.

5 Posito signo necessario & proprio, ponitur signatum.

Verbi gratiâ, Socrates pinguescit. Ergo bene nutritur. Vestigium lupi hîc apparet. Ergo lupus hîc fuit. Sic & remoto signo necessario & proprio, tollitur signatum: ut, non feblicitat. Ergo non laborat pleuritide. Sol nondum est ortus. Ergo needum est dies. Quidam hunc canonem de signo referunt ad locum antecedentis &c.

Canones de antecedente, consequente, & connexis.

1 Posito vel sublato necessario antecedente, ponitur vel tollitur ejus consequens.

Sic, est crepusculum matutinum. Ergo dies erit. Edit bona opera ex fide. Ergo salvabitur. Arbor non floret. Ergo fructum non feret.

2 Posito consequente necessario, ponitur antecedens.

Sic, juvenis est. Ergo puer fuit. Christus verè sepultus est. Ergo verè mortuus. Mulier peperit. Ergo gravida fuit.

3 Posito vel sublato connexo necessario, alterum quoque ponitur vel tollitur.

Exempli gratiâ, Deus est summè sapiens. E. & summè bonus. Homo est capax vitii moralis. E. & virtutis moralis. Non est capax virtutis moralis. E. nec vitii. Homo habet facultatem ridendi. E. & flendi. Bestia non habet facultatem ridendi. E. nec flendi. Hinc quia causa efficiens per se & finis,

Probatio dictica è loco antecedentis, consequentis & connexi.

itemq; materia & forma sunt connexa necessaria, ab efficiente per se ad finem, à materiâ ad formam, & vice versâ valet consequentia. Quidquid enim habet efficientem per se, habet etiam finem, & vicissim. Item, quidquid habet materiam, habet etiam formam, & vicissim. Similiter, quia ex effectis, subjectis & adjunctis, totis & partibus, quædam sunt connexa necessaria: hinc ab uno ad alterum, necessaria est consequentia affirmativè & negativè.

Canones de dissentaneis.

Probatio
dictica è lo-
co dissentaneorum.

1 A positione unius oppositi ad remotionem alterius necessaria est consequentia.

Solent hunc canonem etiam sic efferre: *De quo unum oppositorum verorum affirmatur, de eo non potest affirmari alterum, servatis omnibus legibus vera oppositionis.* v. g. Deus non est author peccati; quia est summè bonus. Nullus verus Christianus damnatur; quia salvatur. Irus non est dives; quia est pauper. Nullus homo est bestia; quia non est non homo. Nullus verus Christianus est filius Diaboli; quia Diabolus non est pater ejus.

2 Oppositorum immediatorum uno negato, alterum affirmari necesse est.

Prior canon verus est de omni oppositorum genere, hic de immediatis duntaxat: ut, Nos aut meritis nostris justificamur coram Deo, aut merito Christi. At non meritis nostris. Ergò.

3 Oppositorum, quatenus talia sunt, opposita sunt attributa.

Itaque si unum oppositorum sequitur ad unum, etiam alterum sequitur ad alterum: ut, Si virtus est expetenda, vitium est fugiendum. Si peccata Deo displicent, bona opera Deo placent. Si pius salvatur, impius damnatur. Vulgò dicitur argumentum à contrario sensu. Vide l. 2. cap. 21.

4 Si datur unum oppositorum, datur etiam alterum.

Ratio; quia opposita, in quantum opposita, sunt simul naturâ. v. g. si datur summa felicitas, datur etiam summa miseria; si datur virtus, datur etiam vitium. Obj. 1. Datur summum bonum, & tamen summum malum non datur. 2. Ante lapsum

lapsum erat felicitas, itemque virtus, & nulla tum erat miseria, nullum vitium. Resp. ad 1. Summum bonum transcendente datur: at summum malum transcendente non datur tanquam positivum quid. Datur autem summum malum morale. Ratio est, quia ens & bonum convertuntur. E. etiam summum ens & summum bonum. Sicut autem enti opponitur non-ens: ita bono opponitur malum. Sic videtur, quod summum malum summo bono opponatur contradictoriè. 2. Ante lapsum felicitas & virtus non considerabantur tanquam opposita miseriæ & vitio, sed tanquam affectiones creaturæ rationalis.

5 Posito uno contradicentium removetur alterum:

Ut, Gratis justificamur. E. non operibus. Nam est contradictio, si quis dicat, se gratis justificari, & operibus. Ubiquitas est propria divinæ naturæ. E. non est communis humanæ naturæ Christi. Hic canon fundatur in illo principio, quod est summum omnium axiomatum totius philosophiæ: *Contradicentia non possunt de eodem simul vera esse, seu, necessarium est, contradicentium alterum cuilibet rei convenire, alterum non convenire.*

6 Uno relato posito aut remoto, alterum ponitur aut removetur:

Ut, Deus est pater æternus. E. habet Filium coæternum. Christus semper est caput. E. semper habebit Ecclesiam. Non est cliens. E. non habet patronum. Non est pupillus. E. non habet tutorem. Nec tamen ideo probatur conclusio per æquæ ignotum: quia etsi relata singula pariter nota sunt, sunt tamen notiora simul sumpta quàm seorsim. Idcirco unum affert lucem alteri.

7 Posito uno contrariorum in gradu excellenti, removetur alterum:

Ut, Paries est albissimus. E. non est niger. Desperavit. E. nihil habuit consolationis.

8 Omne subjectum, quod suscipit unum contrarium, potest etiam suscipere alterum: & subjectum, quod non est susceptivum unius contrarii, nec est susceptivum alterius.

Objicis: Ignis est calidus. Ergo etiam potest suscipere frigus. Resp. Error est ex ignoratione, quid sit suscipere. Suscipere, verbi gratia, calorem dicimus, non id quod calidum est, sed quod calefit. Si igitur ignis posset de novo suscipere calorem, cum antè non haberet; posset etiam recipere frigus.

9 *Si duo sunt bona, majoris boni contrarium erit majus malum.*

Sic divitiæ & valetudo sunt bona. Si valetudo est majus bonum divitiis, morbus erit majus malum paupertate. Et, si amare est melius, quàm prodesse, odisse erit majus malum, quàm nocere.

10 *Uno ex privativis posito, removetur alterum; & uno remoto, ponitur alterum:*

Ut, Cæcus est. E. non videt. Indurus est vestimentis. E. non est nudus.

11 *A quocunq; removetur disparatum, ab eo removen-
tur omnia, quæ disparato insunt:*

Ut, Quicunq; perseverant in impœnitentiâ usq; ad finem vitæ, ii sunt reprobi. Electi non sunt reprobi. E. electi non perseverant in impœnitentiâ usq; ad finem vitæ.

Canones de comparatis.

Probatio di-
ctica è loco
comparato-
rum.

1 *Quæ in uno aliquo tertio inter se sunt eadem, illa
non simpliciter, sed secundum quid sunt eadem:*

Ut, Non sequitur, homo & bestia sunt eadem genere. E. simpliciter inter se sunt eadem.

2 *A pari ad par valet consequentia:*

Ut, Judæi sunt puniti ob idololatriam. E. & Christiani ob eandem punientur. Deus exaudivit Davidem precantem. E. & nos precantes exaudiet. Si pater non est contemnendus, nec mater. Si Abraham fuit fide justificatus, etiam omnes ipsius filii spirituales fide justificantur. Paria enim paribus conveniunt: & de paribus est idem iudicium.

3 *Cujus causa, effectum, subjectum, adjunctum, par-
tes, conjugata, definitio &c. sunt præstantiora, vel dete-
riora, illud ipsum est præstantius, vel deterius.*

Hic ca.

Hic canon est generalis, & complectitur multos speciales ab Aristotele traditos *lib. 3. topicorum.*

Canon de conjugatis.

Probatio di-
stica è loco

Si unum conjugatorum verorum de uno conjugato affirmatur vel negatur, etiam alterum de altero.

Conjugatorum enim sunt conjugata consequentia, & 1. Conjugatorum. duorum conjugatorum contrariorum conjugata sunt contraria. v.g. si albedo est color; ergò album est coloratum. Si cæcitas & visus sunt privativè opposita, etiam cæcus & videns. Si fortis est probus; fortitudo est probitas. Si opulentus non est felix; opulencia non est felicitas.

Canones de notatione.

1 De quo notatio vera & propria affirmatur, de eo etiam notatum affirmatur vel negatur, & vice versâ. 2. Notationis.

V.g. Est magni animi. E. est magnanimus. Est locuples. E. locis abundat. Non est locuples. E. locis non abundat. Hinc vulgò dici solet: *A notatione, qua notato est adæquata, valere consequentiā affirmativè & negativè.*

2 De quo notatio vera & communis negatur, de eo etiam ipsum notatum negatur: sed non contrā, de quo affirmatur, de eo etiam notatum affirmatur.

V.g. Non est mentis testatio. E. non est testamentum. Hæc argumentatio valet. At non valet ista: Est mentis testatio. E. testamentum. Hoc est quod l. 2. cap. 25. monuimus: *A notatione, qua latior est notato, valet consequentia tantum negativè.*

3 Quod de notatione propriè affirmatur vel negatur, id etiam de notato affirmatur vel negatur; & vice versâ:

Ut, Philosophia est expetenda; quia studium philosophiæ est expetendum. Theologia est discenda; quia est doctrina de Deo. Quòd verò quidam existimant, inter vocem & rem, nullum esse necessitatis nexum, falsum esse vel ex eo apparet; quòd nomina divinitus imposita suppedient firmum medium probandi: ut, Christus est Jesus. E. servabit populum suum à peccatis.

Canones de toto & parte.

1 *Posito aut remoto toto, necesse est poni, vel removere partes:*

Ut, Tota cœna pertinet ad laicos. E. & calix. Magistratus est custos totius legis divinæ. E. & primæ & secundæ tabulæ. Alii sic enunciant canonem hunc:

Probatio di-
ctica è loco
totius &
partis.

De quo totum affirmatur vel negatur, de eo etiam omnes partes, vel aliquam affirmari vel negari est necesse:

Ut, Nullum metallum constat corpore organico & animâ vegetante: quia non est corpus vivens. Socrates est homo. E. constat corpore organico & animâ rationali.

2 *De quo omnes partes affirmantur vel negantur, de eo necesse est totum affirmari vel negari:*

Ut, Omnis planta est corpus vivens: quia constat corpore organico & animâ vegetante. Nullum metallum est corpus vivens, quia non constat corpore organico & animâ vegetante.

3 *Quod convenit vel non convenit toti homogeneo, id etiam convenit vel non convenit parti:*

Ut, aqua est humida. E. & quælibet gutta est humida. Terra est sicca. E. & quævis illius particula. Excipe illa, quæ de toto dicuntur, ut totum est.

4 *A remotione unius partis essentialis ad remotionem totius essentialis necessaria est consequentia:*

Ut, Non habet corpus animatum. E. non est homo.

5 *Destructâ unâ parte integrali principali destruitur totum integrale:*

Ut, Non habet caput. E. non est homo. Hoc ædificium non habet tectum. E. non est domus. Cœna Domini apud Indos non habet vinum. E. non est cœna Domini. Cœna Domini apud Brasilienses non habet panem. E. non est cœna Domini.

Probatio di-
ctica è loco
generis &
speciei.

Canones de genere & specie.

1 *Quidquid universaliter de genere affirmatur, vel negatur,*

negatur, id etiam de specie affirmari vel negari est necesse:

Ut, Omne corpus vivens habet facultatem nutriendi. E. & animal. Metallum non est corpus vivens. E. nec aurum. Excipe ea, quæ prædicantur de genere ut genus est: puta, esse universalius specie, esse materiam in definitione. e. g. Animal est genus. Socrates est animal. Ergo Socrates est genus. Et in tali syllogismo major non est universaliter vera. Est enim quoddam animal, quod non est genus, nempe singula animalia. Alii sic enunciant canonem: *Quodcumque prædicatur de genere, prædicatur etiam de specie & individuo: Et, quod non convenit generi, non convenit speciei.*

2 Cui tribuitur genus, eidem & species tribuatur oportet, sed indeterminatè:

Ut, Est animal. Ergo est vel homo, vel brutum. Est peccatum. Ergo vel originale, vel actuale. Adjeci regulæ limitationem hanc, *sed indeterminatè.* Aliàs enim à genere ad speciem tantum negativè ducitur argumentum, juxta canonem: *A genere ad speciem non valet consequentia affirmando:* ut non sequitur, si est animal, est asinus; si est habitus, est ars.

3 Remoto genere remonentur species:

Ut, Nulla opera justificant. E. nec monastica. Papa ne episcopus quidè est. E. nec catholicus seu generalis episcopus.

4 Positâ specie ponitur genus:

Ut, Est homo. E. est animal. Vulgò dicunt: *De quo species affirmatur, de eo etiam genus affirmari necesse est.* Alii dicunt: *A specie ad genus valet consequentia affirmando.* Nam remotâ specie, non statim removetur genus: ut, Simia non est homo. Ergo non est animal. Logica non est scientia. Ergo non est habitus.

5 De quo omnes species negantur, de eo etiam genus negari necesse est:

Ut, Nullum metallum est corpus vivens; quia neque est planta, neque animal. Sacramentum N. T. est vel baptismus, vel S. cœna. Extrema unctio nec est baptismus, nec S. cœna. Ergo.

6 *Quod de specis affirmatur vel negatur, id etiam de genere particulariter affirmari vel negari est necesse.*

Ut, Quidam morbus est incurabilis; ut podagra inveterata, quam poeta vocat nodosam. Quidam affectus suâ naturâ est vitiosus; quia invidia. Effertur & sic canon iste: *Quodcumque convenit alicui speciei, convenit etiam generi ex parte.*

Probatio
dictica è lo-
co testimo-
nii.

Canones de testimonio.

1 *Qualis est testis, tale est testimonium.*

Si testis est verax, testimonium etiam est verum. Si testis est mendax, etiam testimonium est falsum. Hic tamen canon patitur exceptionem: ut, Diaboli testimonium fuit verum, cum dixit Jesum esse Filium Dei.

2 *A testimonio necessario ad testatum necessaria est consequentia:*

Ut, Vidi te in campo. Ergo ibi fuisti.

3 *A testimonio divino rectè intellecto, & appositè allegato, ad testatum necessaria est consequentia, tam negativè, quàm affirmativè, in rebus ad salutem pertinentibus:*

Ut, Scriptura testatur, fore judicium universale. Ergo certò erit. Scriptura nihil habet de ubiuitate corporis Christi glorificati. Ergo illud dogma est commentitium.

4 *Quod natura omnes docet, id verum est:*

Ut, Esse aliquod Numen; Pro patriâ esse pugnandum.

5 *Quod omnium sanorum consensu tenetur, & semper receptum fuit, id verum est:*

Ut, Animam esse immortalem.

6 *Quod sensus interni vel externi omnibus hominibus dictant, id verum est:*

Ut, Parentes esse colendos; Ignem urere. Per testimonium sensus interni intellige testimonium conscientia.

7 *Testimonium fidei est infallibile.*

Ratio: Quia Spiritus sanctus testatur unâ cum spiritu nostro. Sic ergo firmiter concludit fidelis: Credo me propter

et Christum esse in numero salvandorum. Ergo non confundar.

Sequuntur canones de medio dictico è prædicamentali serie.

Probatio dictica è prædicamentis.

1 *Positâ substantiâ propriè dictâ, ponuntur accidentia, & vicissim.*

Ratio 1. Quia substantia propriè dicta est creata; & quia creata, composita; & quidem composita è subiecto & accidente. 2. Quia accidentia nullo modo esse possunt extra subiectum inhærentiæ. Proceðit igitur consequentia: Alexander est substantia. Ergo præditus est accidentibus. Et: Alexander est præditus accidentibus. E. est substantia. Item: Maxima in illâ civitate vitia grassantur. E. & ibi sunt homines. At non valet: Deus est substantia. E. illius omnipotentia est accidens. Ratio: quia Deus dicitur substantia analogicè, καὶ ὁ ἀπολυσίον ἡμῶν.

2 *Quidquid ex entibus absolutis recipit contrarietatem, item magis & minus, est vel qualitas, vel actio, vel passio.*

Ratio canonis est: Quia nulla substantia, nulla item quantitas recipit contrarietatem, vel magis & minus: sed solâ qualitas, & actio, itemque passio, per & propter qualitates. Sic calefactio & frigeffectio sunt actiones contrariæ, quia calor & frigus sunt contraria. Et aliquid magis vel minus calefacit, prout magis vel minus calet, seu calidum est. Rectè igitur sic disputo: Eruditio recipit magis & minus. Ergo est vel qualitas, vel actio, vel passio. Item: Binarius non recipit magis vel minus. Ergo est vel substantia, vel quantitas. Item: Homini nihil est contrarium, quatenus est homo. Ergo est vel substantia, vel quantitas.

3 *De quo dicitur aliquid relative, de eo dicendum est, quòd sit etiam ens absolutum.*

Ratio: Quia relatio fundatur in absoluto aliquo. Hinc rectè colligo: Istud est pater. Ergo vel substantia, vel accidens absolutum.

6 *Quod de specis affirmatur vel negatur, id etiam de genere particulariter affirmari vel negari est necesse.*

Ut, Quidam morbus est incurabilis, ut podagra inveterata, quam poeta vocat nodosam. Quidam affectus suam naturam est vitiosus, quia invidia. Effertur & sic canon iste: *Quodcumque convenit alicui speciei, convenit etiam generi ex parte.*

Probatio
dictica è lo-
co testimo-
nii.

Canones de testimonio.

1 *Qualis est testis, tale est testimonium.*

Si testis est verax, testimonium etiam est verum. Si testis est mendax, etiam testimonium est falsum. Hic tamen canon patitur exceptionem: ut, Diaboli testimonium fuit verum, cum dixit Jesum esse Filium Dei.

2 *A testimonio necessario ad testatum necessaria est consequentia:*

Ut, Vidi te in campo. Ergo ibi fuisti.

3 *A testimonio divino rectè intellecto, & appositè allegato, ad testatum necessaria est consequentia, tam negativè, quàm affirmativè, in rebus ad salutem pertinentibus:*

Ut, Scriptura testatur, fore judicium universale. Ergo certò erit. Scriptura nihil habet de ubiuitate corporis Christi glorificati. Ergo illud dogma est commentitium.

4 *Quod natura omnes docet, id verum est:*

Ut, Esse aliquod Numen; Pro patriâ esse pugnandum.

5 *Quod omnium sanorum consensu tenetur, & semper receptum fuit, id verum est:*

Ut, Animam esse immortalem.

6 *Quod sensus interni vel externi omnibus hominibus dictant, id verum est:*

Ut, Parentes esse colendos; Ignem urere. Per testimonium sensus interni intellige testimonium conscientiarum.

7 *Testimonium fidei est infallibile.*

Ratio: Quia Spiritus sanctus testatur unam cum spiritu nostro. Sic ergo firmiter concludit fidelis: Credo me propter

per Christum esse in numero salvandorum. Ergo non confundar.

Sequuntur canones de medio dictico è prædicamentali serie. Probatio dictica è prædicamentis.

1 *Posita substantiâ propriè dictâ, ponuntur accidentia, & vicissim.*

Ratio 1. Quia substantia propriè dicta est creata; & quia creata, composita; & quidem composita è subjecto & accidente. 2. Quia accidentia nullo modo esse possunt extra subjectum inharrentiæ. Proceðit igitur consequentia: Alexander est substantia. Ergo præditus est accidentibus. Et: Alexander est præditus accidentibus. E. est substantia. Item: Maxima in illâ civitate vitia grassantur. E. & ibi sunt homines. At non valet: Deus est substantia. E. illius omnipotentia est accidens. Ratio: quia Deus dicitur substantia analogicè, καὶ τὸ πρὸ ληψιν ἡμῶν.

2 *Quidquid ex entibus absolutis recipit contrarietatem, item magis & minus, est vel qualitas, vel actio, vel passio.*

Ratio canonis est: Quia nulla substantia, nulla item quantitas recipit contrarietatem, vel magis & minus: sed sola qualitas, & actio, itemque passio, per & propter qualitates. Sic calefactio & frigefactio sunt actiones contrariæ, quia calor & frigus sunt contraria. Et aliquid magis vel minus calefacit, prout magis vel minus calet, seu calidum est. Rectè igitur sic disputo: Eruditio recipit magis & minus. Ergo est vel qualitas, vel actio, vel passio. Item: Binarius non recipit magis vel minus. Ergo est vel substantia, vel quantitas. Item: Homini nihil est contrarium, quatenus est homo. Ergo est vel substantia, vel quantitas.

3 *De quo dicitur aliquid relativè, de eo dicendum est, quòd sit etiam ens absolutum.*

Ratio: Quia relatio fundatur in absoluto aliquo. Hinc rectè colligo: Istud est pater. Ergo vel substantia, vel accidens absolutum.

Probatio di-
ctica è loco
definitio-
nis.

Videamus canones de medio dictico è loco de-
finitionis.

1 *De quo definitio affirmatur vel negatur, de eo ne-
cesse est ipsum definitum affirmari vel negari:*

Ut, pygmæus est animal rationale. E. homo. Transgressio
legis est peccatum. Avaritia est legis transgressio. E. pecca-
tum. Alii sic efferunt canonem: *Cui competit definitio, eidem
& definitum; & contrà.* Item, *Cui non convenit definitio, ei-
dem non convenit definitum.* Locum à definitione *Aristote-
les & Zabarella* non magnificiunt; eò quòd omnis hæc ar-
gumentatio principium petat; cùm definitio & definitum
idem sint. Vide *Zabar. de med. demonstr. cap. 5. & ad cont. 105.
l. 5. post. & l. 1. de materiâ cap. 2.* Sed potest hæc talis argu-
mentatio admitti saltem *καθ' ἑμῶς*. Nobis enim definitio
est notior definito; & iccirco nobis aliquid notificat & pro-
bat de definito.

2 *Quod de definitione affirmatur vel negatur, id
etiam de definito affirmari vel negari necesse est, & vi-
ce versâ:*

Ut, Ars benè disferendi modum tradens, homini est ne-
cessaria. Ergò & Logica. Ars benè disferendi modum tra-
dens, non est negligenda. Ergò nec Logica. Solent hunc ca-
nonem sic enunciare: *Quod convenit definitioni, vel non
convenit, id etiam definito convenit, vel non convenit.* Exci-
pe ea, quæ conveniunt definitioni, quatenus definitio est:
ut, Animal rationale sunt duæ voces. Homo est animal ra-
tionale. Ergò &c.

Probatio di-
ctica è loco
distributio-
nis.

Canones de medio dictico è loco distributio-
nis sunt hi.

1 *De quo distributum affirmatur vel negatur, de eo
etiam distributio affirmatur vel negatur, & vice versâ:*

Ut, Est corpus animatum. Ergò est vel planta, vel animal.
Non est corpus animatum. Ergò neque planta, neque ani-
mal. Stella neque est homo, neque bestia. E. non est animal.

2 *Sublatis omnibus divisi membris, tollitur divisum:*
Ut sublato homine & bruto, tollitur animal.

Cap. 21. Syllogismus contingens.

Superest syllogismus contingens, qui ex mediis terminis incertitudine probabilem tantum vim habet probandi conclusionem ad pariendum in homine opinionem. *Vulgò dicitur syllogismus dialecticus, topicus & probabilis.*

Medium hujus syllogismi ducitur è locis fermè iisdem, è quibus medium syllogismi dictici ducitur, sed alio modo; *nimirum juxta sequentes canones.*

Canones de causâ & causato.

1 *Quod de causâ affirmatur vel negatur, id non necesse est de causato affirmari vel negari, & retrò.*

Mediū contingens è loco causæ & causatæ.

Fundamentum hujus canonis est in explicatione illius canonis; *Qualis causa, tale est causatum.* Vide supra lib. 2. Non igitur valet: *Pictor est deformis. E. etiam pictura. Vinum est bonum. E. etiam ebrietas.*

2 *Positâ causâ efficiente remotâ (longinquâ) aut sublatâ, probabile est effectum poni aut tolli:*

Ut, *Nubes coguntur. E. pluet. Habet multos libros. E. doctus evadet.* Hinc illud. *A posse ad esse non valet consequentia:* quia posse est causa remota actus.

3 *Cujus causa corrumpens est bona, illud est malum; & cōtrâ, cujus causa corrumpens est mala, illud est bonum.*

Verbi gratiâ: virtutis moralis causa corrumpens est mala, nimirum malæ actiones. E. virtus moralis est bona. Item vitii moralis causa corrumpens est bona, nimirum actiones probæ. E. vitium morale est malum. Hic canon est contingens, non necessarius. Sæpe enim artifex corrumpit rem bonam; ut & in spherâ activitatis naturæ, ut loquuntur, videre est, ubi corrumpitur res bona, ut generatio alterius subsequatur.

4 *Positâ causâ impellente aut remotâ, contingens est effectum poni aut removeri:*

Ut, *Amat illam. E. ducet. Pulchra est. E. procum inveniet.*

Incessit illum convitiis. E. vapulabit. Duxit illam. E. amavit.
Procum invenit. E. pulchra fuit.

5 Positis aut remotis instrumentis contingentibus, probabile est effectum poni, vel tolli; & contra posito effectu vel sublato, probabile est instrumenta esse posita vel sublata:

Ut, Utitur medicamentis. E. convalescet. Habet multos libros bonos. E. doctus evadet. Deus convertit hunc hominem. E. usus est ministris Ecclesiæ.

6 Positâ vel sublata materiâ communi, probabile est poni vel tolli materiaturum, & contra:

Ut, In Germaniâ sunt multæ sylvæ. E. multæ naves. In Hungariâ sunt multi aurei. E. multæ aurifodinæ.

7 A fine voluntario ad media arbitraria probabilis est illatio:

Ut, Cogitat Francofurtum. E. conducet rhedam. Diligenter incumbit in studium theologiæ. E. adspirat ad gradum Doctoris.

8 Ab effectu contingenti ad causam probabilis est illatio:

Ut, Evasit doctus. E. habuit multos libros.

9 Quod convenit composito, convenire etiam materiæ probabile est:

Ut, Glacies est frigida. E. & aqua.

Mediū con-
tingens ē
loco subje-
cti & ad-
iuncti.

Canones de subiecto & adjuncto.

1 Posito vel remoto subiecto communi, probabiliter ponitur vel removetur adjunctum contingens:

Ut, Est mater. E. diligit liberos. Est mulier. E. garrula. Est Cretensis. E. mendax. Est senex. E. querulus.

2 Posito vel remoto adjuncto communi, probabiliter ponitur aut removetur subiectum:

Ut, Est nigra avis. E. est corvus. Splendidè vestitus est. E. est dives. Gladius & cristatus est. E. est aulicus. Non amat puerum. E. non estejus mater.

3 Posi-

3 *Posito objecto contingenti, probabile est poni ad-
iunctum occupatum; & remoto, tolli.*

Ut, Hic nulli sunt ægri. E. nulli medici. Multi sunt hic æ-
gri. E. multi medici. Narrat de ventis. E. est nauta. Versatur
circa arma. E. non est puella.

4 *Posito adjacente aut circumstantiâ loci vel tem-
poris, probabile est poni id, cui solet accidere; & remoto,
removeri:*

Ut, Laureatus est. E. est poëta. Incedit nitidiùs solito. E. est
spôsus. Martius est. E. ciconiæ advenerūt. Hora octava matu-
rina est. E. nō est ebrius. Noctu versat⁹ est circa edes. E. fur est.

5 *Posito signo contingenti vel communi, probabiliter
ponitur signatum; & remoto, removetur:*

Ut, Luna pallet. E. pluet. Febricitat. E. laborat pleuritide.
Non habet lac. E. non peperit. Non gestat telum cruentum.
E. non designavit homicidium. Habet frontem parvam &
depressam. E. est stupidus.

Canones de antecedente, consequente & connexis. Mediū con-

1 *Posito antecedente contingenti, probabiliter poni-
tur consequens:*

Ut, Vitulus est. E. erit vacca. Ver est. E. estas sequetur. Puer
est. E. erit juvenis.

2 *Posito consequenti contingenti, probabile est fuisse
antecedens; & remoto eo, probabile est, non fuisse:*

Ut, Cælum est jam serenum. E. heri circa vesperam fuit
rubicundum.

3 *De quo unū connexū contingens affirmatur vel ne-
gatur, de eo alterū probabiliter affirmatur vel negatur:*

Ut, Mendax est. E. etiam fur. Non est fur. E. nec mendax.

Canones de dissentaneis.

1 *De quo unum diversorum negatur, de eo non necesse
est alterum negari:*

Ut non sequitur, Ulysses non fuit formosus, quia facun-
dus fuit, nisi contingenter. Nam utrumque potest uni & ei-
dem subiecto tribui.

2 *De quo unum oppositorum verorum negatur, de eo*

Mediū con-
tingens è
loco ante-
cedentis,
consequen-
tis & con-
nexi.

Mediū con-
tingens è
loco dissen-
taneorum.

non necesse est affirmari alterum. Ideoq, à remotione unius ad positionem alterius non est consequentia necessaria, nisi ambo sint immediata.

Verbi gratiâ, non valet necessariò. Paries non est albus. E. est niger. Lapis non est cæcus. E. videt. At necessaria est illatio. Hypocrita non est verus Christianus. E. est falsus Christianus. Verus Christianus non est injustus. E. est justus. Vulgò dici solet: Contrariorum immediatorum uno negato, necessariò ponitur alterum, in eo, cui competunt, subjecto: at contrariorum mediatorum altero negato non necesse est affirmari alterum in eo, cui competunt, subjecto.

3 *Quod de uno relatorum affirmatur vel negatur, non necesse est de altero affirmari, vel negari:*

Ut, Pater est improbus. E. & filius. Uxor est casta. E. & maritus.

Canones de comparatis.

Mediū contingēs è loco comparatorum.

1 *Quod uni parium tribuitur, etiam alteri tribuitur probabiliter.*

Scilicet, hic canon loquitur de paritate probabilitatis, non rei. De hâc enim accipiendus est canon. 2. cap. antecedit. titul. de comparatis. Exempla canonis hujus sunt: Error fertur in cæteris, ut humanum quid. E. etiam in philosopho ferendus est. Sic Æneas à pari probat, sibi fas esse descendere ad inferos; cùm licuerit Herculi, Theseo, Orpheo. Sic si Demosthenes fuit orator, etiam Cicero.

2 *Cui unum ex paribus convenit vel non convenit, ei etiam alterum convenit, vel non convenit:*

Ut, Si parentes sunt amandi, sunt etiam honorandi: si virum sapientem decet incessus gravis, etiam oratio gravis: si improbus non est amandus, neque est honorandus. Alii sic efferunt canonem: De quo unum a què probabiliū affirmatur vel negatur, de eo etiam affirmatur vel negatur alterum.

3 *De quo minus negatur, de eo multò magis negatur majus:*

Ut Dia-

Ut, Diabolus non potest lædere corpus hominis sine permissione Dei. E. multò minùs animam lædet. Diabolus non potest producere pediculum suâ vi. E. nec hominem. Vulgò sic effertur hic canon: *Si rò magis non est, etiam non erit rò minus.* Vel: Si id quod magis videtur inesse, non inest, multò minus inerit id, quod minus videtur inesse.

4 *Quod de minori affirmatur, id probabile est multò magis de majori in eodem genere affirmari:*

Ut, Homo potest remittere de suo jure quantum vult. E. multò magis Deus. Sed cautus sis in hujusmodi argumentatione, ut ne Socini dogmatis patrocineris. Nam ille per consequentiam hanc extruit hanc sententiam: Itaque non opus fuit mittere mediatorem. Sed falsa est hæc collectio: quia in antecedente propositi enthymematis præsupponitur voluntas justa, hoc sensu: homo potest remittere de suo jure, quantum vult, scilicet, voluntate justâ. Nam si contra leges aliquid velit remittere de suo jure, jam non licebit. At, ais, Deus est supra legem, &, ut loquuntur alii, exlex. At, inquam ego, Deus ipse sibi lex est, hoc est, ita agit Deus, ut convenit ipsius justitiæ. Sed de his obiter. Potest & hic canon sic formari: *Si quod minus probabile est, verû est, multò magis verum erit, quod magis probabile est.*

5 *Quod de majori negatur, id probabile est multò magis de minori negari, servatâ eâdem analogiâ:*

Ut, Si Christus ipse, quamdiu in his terris vixit, non fuit liber ab ærumnis & miseriis, multò minùs discipuli ipsius erunt. Angeli non sunt puri coram Deo. E. nec homo. Huc pertinet illud vulgatum: *A majore ad minus argumentum affirmativè non valet:* quod licet in operationibus seu effectis verum sit: tamen in passionibus non semper valet. Nam ibi etiam affirmativè licet concludere: ut, Mundus Christum afflixit. E. & ejus discipulos affliget. Angeli sunt lapsi. E. etiam homines possunt labi. Sic & illud: *A minori ad majus non valet argumentum negativum;* limitatè verum est, hoc sensu: Si minus non potest aliquid, non sequitur, majus etiam illud non posse: ut non sequitur; Centum milites non possunt expugnare hanc urbem. E. nec tria millia possunt. Comes non potest alere hunc exercitum. E. nec princeps vel rex potest.

6 Quod de uno similium affirmatur vel negatur, id probabile est de altero etiam affirmari vel negari:

Ut, Si Demosthenes ob eloquentiam est laudandus, etiam Cicero. Thebanis malè cessit bellum cōtra vicinos. E. etiam Atheniensibus malè cedit. Vulgò dici solet: *Quod uni similis convenit, vel non convenit, id etiam alteri convenit, vel non convenit.* Item: *De similibus idem est iudicium.* Excipe 1. Si individua non sint ejusdē generis. Nec enim valet argumentatio ab individuo extraordinario ad commune: ut, Elias 40. dies jejunavit. E. & nos poterimus. 2. Si *individuum actiones sint malæ*: ut, David commisit adulterium. E. & mihi licet. Hic locum habet regula: *Non exemplis, sed legibus & regulis judicandum.*

7 De quo unum similium affirmatur vel negatur, de eo probabile est alterum affirmari, vel negari:

Ut, Si Christus est cibus noster spiritualis, est etiam potus noster spiritualis.

8 Similia similibus conveniunt. Itaque cui unum similitudinem convenit aut non convenit, ei etiam alterum convenit aut non convenit.

Verbi gratiā, Si grex ovium non est cōmittendus rei pecuariæ ignaro, neq; ecclesia est committenda rerum divinarum ignaro. Amicus verus rebus adversis probatur; quia aurum probatur igne.

9 Disimilia dissimilibus conveniunt. Itaq; quod uni dissimilium convenit, quatenus dissimile est, id probabile est alteri non convenire.

Verbi gratiā, Pastor bonus non deferit oves suas veniente lupo; quia non est instar mercenarii. Magistratus non debet crudelis esse erga subditos; quia nō est instar lupi. Deus mundum à se conditū perpetuò conservat; quia non est similis architecto, qui domū constructā non ampliùs curat. Huc pertinet vulgatus canon: *Qua analogia non sunt, iis nec analogia attributa conveniunt*: seu, *Qua proportionata non sunt, iis nec proportionalia attributa conveniunt.*

Canones de conjugatis.

1. Quod

1 *Quod de uno conjugatorum verorū affirmatur vel negatur, id probabile est de altero affirmari vel negari:*

Ut, Religio contemnitur: quia religiosi contemnuntur. Omnis literatus est honorandus; quia literæ sunt honorandæ. Sed hic cauto opus est. Vide lib. 2. caput de conjugatis.

Mediū contingēs ē loco conjugatorum.

2 *De quo unum conjugatorum verorum affirmatur vel negatur, de eo etiam probabile est alterum affirmari vel negari:*

Ut, Est verus Christianus; quia Christianè vivit. Non est verus Christianus; quia non vivit Christianè.

Canones de toto & parte:

1 *Posito toto, probabile est hanc vel illam partem contingentem poni:*

Ut, Est domus. E. habet cellam. Est vir adultus. E. habet barbam.

Totius & partis.

2 *Positâ aliquâ parte integrali vel remotâ, probabile est totum poni vel removeri:*

Ut, Vidimus aliquot domos ibi. E. est pagus. Est ibi fundamentum. E. domus.

Canones de testimonio humano.

1 *A testimonio humano, præsertim particulari, non valet argumentatio negativè:*

Ut, Aristoteles nihil scripsit de methodo in suo Organo. E. de methodo in Logicâ non est docendum. Galenus nihil scripsit de aquarum deffillationibus, & magisteriis Chemicis. E. de his in medicinâ non est tradendum.

Testimoniū humani.

2 *Testimonia publicorum sigillorum, Grammatica, practica (ut ethica de honesto, turpi &c.) historica probatorum authorum, theoretica rationibus munita, sunt firma.*

Hæc igitur rejicere est arrogantia, & stoliditatis.

3 *Testimonium vetus est dignius novo; & testimonium sapientium plurimum præferendum est testimonio unius.*

Ratio canonis est manifesta.

Canon de descriptione.

Descriptio-
nis.

A descriptione contingente, seu ex quibusdam communibus, ad descriptum probabilis est illatio:

Ut, Non est frutex major rubo, robustis virgultis, habens baccas rubras. E. non est cynosbatus.

Canon de distributione.

Distribu-
tionis.

Quod de distributo affirmatur vel negatur, non necesse est de distributione affirmari vel negari; & vice versa.

Verbi gratiâ, nō valet: Risibilitas inest homini. E. vel corpori ipsius, vel animæ. Animal est rationale vel irrationale. E. & homo est rationalis vel irrationalis. Neque corpus, neque anima hominis moritur. E. nec homo moritur.

Satis de nobilissimo illo instrumento Logico, quod quidam tanti faciunt, ut statuunt universæ Logicæ finem syllogismum, De apparente dicitur libro 9. Nunc libri septimi *χηματισμὸν* paucis adjiciamus.

TYPUS



LOGICORUM

LIBER OCTAVUS,

De

METHODO.

Cap. I. Methodus inventionis.

Sequitur methodus, quæ est instrumentū dia-
noëticum, quo res diversæ secundum prius &
posterius ordinantur; ad rerum cognitionem in
suo genere perfectam adipiscendam.

Vocabulum In hac definitione considerabimus definitū, genus, & dif-
methodi ferentiam. *Definitum* est Græcū, quod si interpreteris, trans-
explicatum: itum ab uno ad aliud significabit. Aliter autē à Rameis, ali-
ter à Peripateticis accipitur. Rameis quidem methodi vox à
syllogismi voce distincta est. Quibus iisdē & ordo à metho-
do distinguitur. Methodus enim est propter ordinem, ut ex
c. 17. lib. 2. Dial. Rami colligitur. Methodus nimirum est ipsis
præceptū, pro ordine in disciplinis efficiendo. *Talaus ad d. l.*
Itaq; methodus efficientis rationem, ordo autē effecti subit:
vel methodus mediū, ordo finis est, pro diversâ cōsideratio-
ne. Interim ordinis vox & Rameis non infrequēter pro me-
thodo capitur. *Talaus d. l.* Peripateticis autem methodi vox
duobus accipitur modis; generatim & speciatim. *Zabar. 1. de*
meth. c. 2. 3. Generatim accepta methodus nihil est aliud, quā
transitus ab uno ad aliud, ad rerum cognitionem adipiscen-
dam. *Idem d. l.* Et ita ordinē, & methodum in specie sic voca-
tam comprehendit. *Ibid.* Ordinis officiū est, unum ex alio de-
ducere sine ullā vi syllogistica. *Idem l. 2. de meth. c. 18.* Metho-
di autē officium est ratiocinari, & nihil aliud quā syllogi-
smus. *Id. d. l.* Confer *Crelliū in isag. Logic. part. propr. l. 1. c. 12.*
ubi inter alia sic scribit: *Quia methodus dicitur respectu scien-*
tiarum, & contemplantis philosophia, cui tota Logica manci-
pata est (in hac enim propriè transitus ille fit, qui vim demon-
strandi habet) ideo peculiari ratione & per excellentiā de-
monstrativo syllogismo convenit. Sic ille. Cæterum ordo cum
methodo

methodo seu syllogismo cōjunctus, inferendi robore seu potestate munitus est. *Zabar. l. 2. de meth. c. 18.* Iccircò ordini inferendi virtus est accidētalī, methodo essentialis. *Averroës*, qui *ἡγεμὴν* commentator dicitur, *lib. qui vocatur colliget.* Hinc ordo *methodic⁹* dicitur Peripateticis, ut distinguatur ab ordine generatim accepto; ubi velut in transcurso notabis, ordinis nomen Græcū esse. Dicebant militibus tribuni: *Haftenus tibi licet: hīc consistes: eò progrediē: huc revertere: ὅθεν δεῖ:* inde ordo. *Scal. l. 1. de caus. ling. Lat. c. 35.* In militiā igitur primū nata hęc vox; unde post in civitatē, & disciplinarum albū subsumta. *Scal. ibid.* Nos methodū & ordinem instrumentalē consideramus, ideoq; pro synonymis habemus.

Et ideo methodi *genus* fecimus *instrumentum*, non discursum ordinativum. Ratio est: quia ordo logicē consideratus non est dispositio, sed disponēdi modus, & ratio, seu regula. Genus methodi quoddam?

Piccol. in comit. polit. In disciplinis autē & reb. est dispositio, nō disponēdi modus. Ordo ille, ut in disciplinis est & rebus, non est Logicæ, sed Metaphysicæ considerationis. Cujus n. est docere res universas, ejus quoq; est docere rerum inter se ordinem & connexionem, tanquā necessariam affectionem. Res sic habet. Ordo consideratur 4. modis. 1. Originaliter in mente divinā. 2. Radicaliter in naturā, seu rebus. 3. Exemplariter in scientiis & artibus. 4. Instrumentaliter in Logicā. Vide *Piccol. introd. civil. philos. c. 12.* Qui in mente divinā, est causa & principium ejus, qui in rebus. Qui in mente divinā & reb. causa est ejus qui in disciplinis. Qui in mente divinā, qui in reb. & disciplinis, causa est ejus, qui in instrumentali disciplinā. Hinc rectē *Piccol. com. polit. part. 4. f. 2.* tradit, quòd nullus esset ordo instrumentalis, nisi is extitisset antē in rebus & disciplinis: & quòd nullus esset ordo disciplinæ, nisi esset ordo naturæ rerum. Hinc & illud colligitur, ordinem instrumentalem esse posteriorem ordine in scientiis & rebus, & priorē eodem. Posteriorem, quatenus acceptus est à rebus & disciplinis: priorē, quatenus adhibetur tanquā idea, vel etiā causa instrumentalis, ad disciplinas meliusculē ordinādas & constituendas. Præterea in genere definitionis additur, *dianoëticū*. Ordo igitur logicē acceptus est nobis instrumentū dianoëticum. *Dianoëticū* finimus, quo unum ex alio de ducimus. Et hoc methodo est cum syllogismo commune. Sequitur *diffe-*

Methodi
objectum,
forma &
finis.

rentia sumta ab objecto, formâ & fine. Objectū methodi sunt res variæ seu diversę inter se ordinandæ. Nec enim solum versatur circa axiomata, ut interpretes Rami colligunt e definitione methodi Rameâ; sed etiam circa themata simplicia, & argumenta, quibus illa themata explicantur. Ex his autem axiomata cōstituuntur. Hinc rectè *Polanus* tradit *l. 2. syntag. Logic.* in omnibus disciplinis, in quibus disponēdis ordo requiritur, duo esse themata & argumēta eorum. Quid? Ordo axiomatum pender ab ordine thematum & argumentorū. *Forma* methodi consistit in ordinatione priorum & posteriorum. Hinc *Fonsæcus. Metaph. c. 1. q. 3. f. 3.* Ordo, ait, omnis in priori & posteriori consistit veluti formâ & essentiâ. Sublato igitur priori & posteriori, ordo tollitur. Sed & hæc forma est finis methodi internus. *Externus finis* methodi vel ultimus est, putâ meliùs & faciliùs res cognoscere; vel subordinatus, vitare confusionem, itemq; rerum inter se convenientiam judicare; & denique illas memoriâ complecti. Cum enim methodus sit instrumentū, necessum est habeat finem aliquē. Omne enim instrumentū alicujus finis gratiâ est inventum, à quo etiam illius natura pender. Ex his, quæ hætenus dicta sunt, duo colligere possumus, videl. methodi difficultatem & præstantiam. Difficultas illius tanta est, ut maxima subtilitatis pars in libris sapientum, & æconomia seu dispositio dicatur subtilitatum professori; *exerc. 303. f. 9.* Præstantiam ostendūt necessitas & pulchritudo. Necessitas tanta, ut nulla mētis actio seu operatio difficilior & arduior sit, quàm illa, quæ in ordinis executione se ostendit. Compositio & divisio simplicium difficilis, difficilior discursus syllogisticus, difficillimus discursus methodicus, ajunt Logici. Et Rameis in ore est cōsimile: Labor invētionis est simplex; dispositionis axiomatice duplex; syllogistica triplex; methodicæ multiplex. Idè & instrumentum, quod talem actionem seu ordinationem adjuvat & dirigit, omnium difficillimū & præstantissimum esse necessum est. Ordinatio enim exerceri non potest sine mentis omnibus operationibus, sine invenendi theorematib. & axiomatis, & syllogismi operâ. *Talamus ad h. loc.* Itaq; in ordinatione omnes mētis operationes concurrunt, & ipsa ordinatio omniū ultima & perfectissima est. Atq; hinc consequitur, eandē quoq; pulcherrimā esse. Vide-
mus enim

Encomium
methodi.

mus enim nullum excellenter pulchrum esse inordinatum, ita ut ordo & pulchritudo se mutuò quasi amplexètur. Cùm itaq; Aristoteles in Organo suo nihil præcipiat de hoc nobilissimo instrumento Logico, ideò mancū & mutilum illud esse contendimus. *Zabar. l. 4. de meth. c. 22.* Illa enim disciplina instrumentalis perfectà esse nequit, quæ perfectissimum instrumentum, cujusmodi methodus est, omittit. Nullum siquidem totum sui aliquâ parte principe sublatâ, verè totum, sed mutilum est. Sed claudamus hanc commentatiunculam canone;

Methodus requirit, ut à priorib. notiorib. & facilioribus, ad posteriora, ignotiora & difficiliora progressus fiat.

Hic canon sumtus est è definitione methodi, adeoque ipsius formâ & fine.

Methodus alia est inventionis, alia doctrinæ.

Methodus
inventionis.

Qui nullam agnoscunt methodū inventionis, plus quàm stupidi sunt. Non enim fieri potest, ut eadem methodo disciplinæ inveniantur & doceantur. Deinde duobus modis res cognoscimus in disciplinis propositas, vel per inventionem, vel per doctrinam. Cùm igitur cognitio sit duplex, etiam methodus cognitionis erit duplex, ita ut alia in inveniendis & constituendis disciplinarum præceptis, alia in iisdem docendis & tradendis adhibeatur.

Methodus inventionis est methodus præceptis artiū facilius indagandis & constituendis inserviēs.

De hâc sunt canones:

1 Methodus inventionis est difficilior methodo doctrinæ.

Difficilius enim est invenire aliquid, quàm inventa docere.

2 Methodus inventionis requirit, ut à sensibilibus ad intelligibilia, à singularibus ad universalia, à specialibus ad generalia, ab infimis per intermedia ad suprema progressus fiat.

Ratio canonis est: quia disciplinæ sunt inventæ per inductionem. At inductionis virtus est ascensiva, ut loquuntur; hoc est, Inductio à singularibus tanquam infimis ascendit ad

Quatuor
instrumen-
ta methodi
invētionis.

universalia tanquā suprema. Cæterum illa inductio præsupponit tria, nimirum sensum, observationem & experientiā. Quare si ita placet, dicas methodum inventionis adhibere quatuor instrumenta, è quibus primum est simplex, videlicet *αἴσθησις*, reliqua tria sunt composita, videlicet observatio, experientiā & inductio. Sensus, philosopho *αἴσθησις*, licet ratione sit imperfectior; tamē eā est prior, quoad eum cognoscendi ordinem, qui homini accommodatus est, ut meritò philosophi approbent illud acroama: *Nihil est in intellectu, quod non prius fuerit in sensu*. Et verò est omninò magna certitudo notitię sensuales, ita ut quidquid homo sensu bene affecto & incorrupto percipiat, id ratū & firmū habere possit, ut philosophus præclare testatur 3. de gen. anim. c. 10. *ἡ αἴσθησις*, inquit, *διώκειν ἔχει ἐπισήμους*; sensus habet vim scientiæ, hoc est, adminiculo sensuum certam rerum externarum notitiam humana mens percipere potest, si convenienti ordine ascendat à sensibus ad rationem. Inter sensus autē præcipui sunt visus & auditus; quibus tanquam exquisitissimis homo rerum variarum & excellentium in naturā differentias percipit. Observatio est quædam sensualis notitiæ collectio, quam philosophus vocat *ἰσότης*. Nec enim satis est nos videre aut audire, nisi observemus, hoc est, mente retineamus, quæ semel atque iterum vidimus, audimus, aut aliis sensibus hausimus. Quæ quidem observatio, cum magnum sit sciendi adminiculum, *ἰσότης* vocatur 2. post. cap. ultim. & inter philosophiæ insignia & luminosa principia reponitur. Experientiā est plurium observationum collectio, & ad certum usum applicatio. Huic tantum tribuit philosophus 1. Metaph. cap. 1. ut dicat expertos majus aliquid & amplius in disciplinā consequi, quàm eos, qui præcepta sine experientiā sectantur. Hæc Græcis dicitur *ἐμπειρία*. Hæc de re præclara est sententia Rami lib. 7. schol. dial. c. 14. Utinam literis aureis, ait, atq; amplis & illustribus, proforibus scholarum omnium, vel potius firmā & stabili intelligentiā memoriāq; in mentibus magistrorum, duo ista verba scripta essent, 'ΕΜΠΕΙΡΙ'Α, 'ΙΣΤΟΡΙ'Α; ut quoties ea legerent & meminissent, omniū verorū dogmatū causam atq; originē legerent & meminissent; quæ præcepti originem veram demonstrarent; quæ præcepti usum certum declarent. Et ibidem

Ramus

Ramus annotat, locum illum apud Aristotelem diligenter animadvertendum esse, qui sic habet; *Principia itaque uniuscujusque rei constituere, est experientia & usus. Sic autem geologia, ἀστρολογικὴ ἐμπειρία, astrologica experientia, astrologica scientia principium est. Similiter reliquarum omnium artium & disciplinarum experientia, ipsarum principium est. Itaque si usu percepta sint, & experimento cognita, qua sunt in rebus, licebit hinc sanè demonstrationes facile promtèque exprimere. Etenim si nihil κατὰ τὴν ἰστορίαν, inquisitionem observationemque, ommissum sit eorum, qua ceriò ac verè rebus insunt, facile cujusque rei demonstrationem comperiemus.* Hic, inquam, locus (sunt verba Rami) non negligenter legendus, sed diligenter attenteque cognoscendus. Procreatrix & parens omnium artium ἐμπειρία καὶ ἰστορία est: verissimè dictum est. Porro inductio est mentis actio, quâ ex plurium observationum & experientiarum collectione universalis conclusio in intellectu efformatur, & velut regulâ quædam extruitur. Quatuor igitur sunt instrumenta inveniendarum & constituendarum disciplinarum, hoc ordine; αἰσθησις, ἰστορία, ἐμπειρία, ἐπαγωγή. Sumamus exemplum. Est præceptum physicum; homo est animal rationale. Hoc à priscis sapientiarum conditoribus hunc in modum est inventum. Viderunt sapientes illi mira hominis effecta, & audiverunt ipsum disputantem, loquentem, & similia tractantem. Hoc idem observarunt. Sed quia dubitarunt, an omne individuum sic se habeat, in pluribus imò omnibus hoc observarunt. Hinc per inductionem ex pluribus observationibus & experiètiis constituerunt primum hoc axioma, homo est animal; dehinc illud, est animal rationale.

3 *Methodus inventionis nihil importat in res, sed ex iis exportat omnem suam potestatem.*

Ratio dicta est in exegesi definitionis methodi: quia nimirum ordo in reb. est archetypus, at ordo instrumentalis est ectypus. Jam nihil debet esse in typo, quod non est in prototypo. Invenit autem philosophus res vel necessarias, vel contingentes. Necessariæ sunt, quæ ita sunt, ut immutabiliter sese habeant in naturâ suâ. Circa has videt philosophus sibi ita versandû, ut illas contèpletur. Res cōtingentes sunt, quæ ita sunt, ut pendeant ab hominis operatione. Has philosophus sic considerandas

esse statuit, ut non solum cognoscatur, sed etiam efficiantur. Atque sic constituit duo summa disciplinarum genera, videl. theoreticas & practicas; ubi sub practicis, latè accepto vocabulo, comprehendimus poëticas. Sicut igitur antegressus canon docuit inventionem singulorum præceptorum: ita hic docet inventionem limitum & finium, quibus continentur illa præcepta. Hos limites vocamus potestatem, secuti *Rogeriū Baconem Anglum*, qui scripsit de potestate mathematicâ, itè physicâ &c. Sic vocat ipsas scientias. Philosophi igitur potestas, quam in rebus invenit, est alia theoretica, alia practica. Cum dato canone illud philosophi 3. *de anim. cont.* 38. convenit: *τίμωλει γὰρ ἡ ἐπιστήμη ὡς τὸ πρᾶγμα*. Cum igitur *τὸ πρᾶγμα* sint vel θεωρητὶ, vel πρακτὶ, etiam potestas philosophi duplex erit, videl. contemplandi & operandi.

Cap. 2. Leges methodi doctrinæ.

Methodus doctrinæ est methodus facilior rerum doctrinæ inserviens. *Alio nomine dicitur* methodus didascalica.

Estque alia perfecta, alia imperfecta.

Illa dicitur acroamatica, exquisita, & sapientiæ: ista exotetica, popularis, & prudentiæ. Keckermannus vocat illam artificialem, istam inartificialem: alii illam necessariam, istam arbitrariam appellant.

Methodus perfecta est, quæ juxta rerum naturâ, & artis Logicæ normam dirigit tractationem.

Ejus occurrunt tum leges, tum divisio seu species.

Leges methodi acroamaticæ.

Leges methodi sunt, quæ inter varias res doctrinæ gratiâ propositas ordinem moderantur.

Duo sunt in disciplinis, & quavis legitimâ tractatione videlicet res, & ordo rerum. Leges, quæ moderantur ipsas res, sunt axiomaticæ, nimirum illæ, quæ docent discernere necessaria à contingentibus, & quæ docent tres necessitatis gradus, videl. *κατὰ παντός*, *καθ' αὐτό*, & *καθόλου πιθανόν*; de quibus suprâ, *lib. 6. c. 3.* Ordinem rerum moderantur leges methodicæ. Vulgus Logicorum quorundâ tres duntaxat leges axiomaticæ.

axiomaticas, quas modò recensuimus, statuunt, & totidem methodicas. Verùm hæc sententia non est simpliciter vera, si quidem velimus ἀπαιτολογεῖν. Tres duntaxat sunt leges axiomaticæ, si spectemus axiomata necessaria affirmata; sed quia etiam axiomata necessaria sunt negata, item multa sunt contingentia, & verò non solùm illa, sed etiam ista & hæc in disciplinis locum habent (illa quidem plurimùm, ista & hæc interdum) necessum est ut etiam aliæ sint præter illas tres. Has nos dicimus leges prudentiæ, ita ut hæc sit vera sententia: Leges axiomaticæ sunt vel sapientiæ, vel prudentiæ. Leges sapientiæ sunt, quæ in exquisitissimis tractationibus observantur, ut illæ tres modò dictæ. Leges axiomaticæ prudentiæ sunt, quæ moderantur axiomata necessaria negata, & contingentia. Hæ sunt anonymæ; quia scilicet non ita sunt excellentes, ut priores. Sunt autem duæ, 1. Axiomata necessaria negata etiam locum habent in disciplinis. 2. Axiomata vera contingentia per se etiam locum habent in disciplinis. Ratio hujus est: quia disciplinæ sunt ἐκλυπώσεις, ut ita dicam, rerum. Quales itaq; sunt res, siue sint incomplexæ, siue complexæ, tales debent esse disciplinæ. At res omnis est vera. Nam verum & ens convertuntur. Ergò & omnia axiomata in disciplinis erunt vera. Sed res vera est talis vel necessariò, vel contingentè. Ergò & sic se habebunt axiomata disciplinarum. Porro res necessaria est talis vel necessitate positivâ, vel negativâ. Ergò & axiomata disciplinarum sunt talia. Ad extremum res contingens est talis vel per se, vel per accidens. Quæ per accidens est talis, non habet locum in disciplinâ; sed res contingens per se potest inibi habere locum. Sic v. g. est axioma necessarium negatum; Deus non est author peccati. Et hoc est theorema theologicum. Aut igitur in theologiâ docendum, aut non. Si hoc; theologia erit manca: quia res theologica ab illâ exulat. Si illud; obtinuimus quod intendimus. Excipis: affirmatio est mensura negationis. Rectè, inquam; sed ideò non excluditur negatio. Quid? Multa sunt ita comparata, ut potiùs negativè sint docenda, quàm affirmativè. Sic & hoc axioma: Evangelium hominibus est odor vitæ ad vitam: in theologiâ proponitur, & tamen non est necessariò verum. Vide lib. 6. cap. 3. sed hæc (ut & antè protestari su-

mus) non ita accepta volumus, quasi temerè in disciplinis ponenda sint negata necessaria, & contingentia per se. Minimè. Hoc volumus. Si possint observari tres leges de gradu triplici necessitatis, utiliter observantur; si non possint, inutiliter adhibentur. Præterea & hoc adjiciendum censemus, nos niti hâc hypothesi, præcepta disciplinarum non debere esse nudas definitiones & distributiones; sed etiam regulas illis addendas, quæ in disciplinis theoreticis vocari possunt theoremata, in practicis canones. In definitionibus & distributionibus ferè semper adhiberi possunt tres illæ decantatæ leges: in regulis non semper. Huic rei vel illud vulgatum fecerit fidem: *Nulla fermè est regula, quæ non patiatur exceptionem*. Dixi, in definitionibus & distributionibus ferè semper posse observari leges illas: quia interdum negativis terminis cogimur uti in definitionibus & distributionibus; quæ de re vide *L. 4. cap. 4. can. 8. & lib. 5. cap. 3. can. 8.* Si cui hæc videantur inepta, per me licet suo abundet sensu. Nunc videamus, an etiam tres duntaxat sint leges methodicæ, videlicet homogeniæ, generalitatis seu antecessionis & consecutionis, & denique colligationis, ut vocant. Nobis placet negativa. Quamvis enim tres istæ sint præcipuæ & principales; tamen minùs principales non sunt excludendæ. Quare sic statuimus.

Leges methodi sunt principales, vel minùs principales.

Principales sunt tres, videl. lex homogeniæ, generalitatis & colligationis.

Lex homogeniæ.

Lex homogeniæ exigit, ut singulæ doctrinæ partes, quæ sub methodicâ dispositionem cadunt, sint cognatione aliquâ inter se junctæ, ob subjecti & finis, ad quæ respiciunt, identitatem. *Ideoq, prohibet, ne heterogenea eis admisceantur.*

Homogeneitas in Logicis quid sit?

Hic duæ quæstiones sunt decidendæ. 1. Quid sit homogeneitas Logica? 2. An hæc lex duntaxat in methodo disciplinæ alicujus sit observanda? Resp. ad 1. Omnia axiomata ordinata homogenea esse oportet. Sed hæc homogeneitas non est necesse, ut sit præceptorum ejusdè disciplinæ. Confer *Piccol. in Phys.*

in *Phys. introduct. c. 12.* Potest enim etiam esse in præceptis disciplinarum diversarum, si nimirum disciplinæ sint subalternæ. Subalternatio illa triplex; nimirum vel ratione principiorum, vel ratione subjecti, vel ratione finis. Subalternatio ratione principiorum est propria, vel impropria. Propria est, cum disciplina superior demonstrat principia inferioris ostensivè: quo modo medicina & geometria subalternantur physicæ; illa quidem subalternatione totali, hæc partiali. Impropria est, cum disciplina superior demonstrat principia inferioris deductione ad impossibile: quo modo Geometria subalternatur Arithmeticæ, & Metaphysicæ omnes inferiores disciplinæ. Subalternatio ratione subjecti est vel simpliciter, vel secundum quid talis. Illa quoque propria, hæc impropria dici potest. Illa locum habet in Mathematicis, ut monet *Zab. de trib. præcognitis c. 12.* hæc in Metaphysicis & Physicis. Ibi; quatenus Metaphysica probat principia inferiorum disciplinarum. Hic; quatenus physica specialis sumit sua principia ex physicâ generali. Primo illo subalternationis modo Musica subalternatur Arithmeticæ. Denique; subalternatio ratione finis est, cum finis disciplinæ inferioris est sub fine superioris. Et hæc est vel propria, sicut polemica subalternatur politicæ; vel impropria, sicut ethica physicæ: quâ de re videris *Fonsæcam in 4. metaph. cap. 1. quæst. 2. sect. 2. & philosophiam nostram restitutam pag. 415. 418.* Quod si spectes hanc subalternationem, præcepta diversarum disciplinarum possunt esse homogenea, non omnia quidem, sed illa duntaxat, quæ respiciunt illam subalternationem. Hoc ipsum quoque statuendum est de SS. theologiâ. Nam in illâ traduntur præcepta naturalia & supernaturalia; quæ non sunt heterogenea, sed maximè homogenea, idque; respectu utriusque principii, quod est in theologiâ, videlicet naturæ & gratiæ. Ideo diximus in definitione hujus legis, quod homogenea sint inter se conjuncta ob subjecti & finis, quæ respiciunt, identitatem. Hæc probè probeque observanda sunt, ut ne temerè judicemus de *μεταβάσει εἰς ἄλλο γένος ἐπισήμους*. Respon. ad 2. Homogeniæ lex non solum in disciplinâ methodicè tractandâ suum imperium exercere debet, sed in quâvis methodo doctrinæ perfectâ. Sic si velim explicare quæstionem alicujus disciplinæ accuratè, debeo id dare

Subalternatio disciplinarum triplex.

operam, ut homogenea adferam. Hic iterum cauto opus est. Sunt enim quædam themata mixta; quæ si tractentur è diversis disciplinis, nullo modo violatur lex *ὁμογενείας*. Sed hæc de re in libris superioribus aliquoties diximus. Ad summam: Illa sunt homogenea, quæ faciunt ad thematis principalis declarationem vel demonstrationem. e. g. doctrina de literis homogenea est in Grammaticâ; quia facit ad definitionis (hæc enim consideratur tanquam propositio, ut ita dicam, totius operis, juxta illud scitum; quod in oratione est propositio, in arte est definitio artis) Grammaticæ vel explicationem, vel, si ita vis, demonstrationem. Definitio enim Grammatices est hæc: ars benè seu purè loquendi. At doctrina literarum facit ad benè loquendum. Ergo in Grammaticâ est homogenea. Quare severa lex methodi est; ne quid Logicum in Grammaticis, vel Physicum in Ethicis tractetur. Quod si in disciplinâ subalternatâ aliquid doceatur, quod in subalternante est propositum, hoc fit alio modo, ut notum est. Præterea hæc lex non est extendenda ad commentarios & tractationes incidentarias in disciplinis. Nam sæpè usu venit v. g. in theologiâ, ut ex philosophiâ aliquid pro necessariâ explicatione sit adducendum in commentarii vicem. Idem in aliis disciplinis fieri videmus. Quare videndum, ne nimis calidè authorem aliquem arguamus *ταυτολογίας & ὑπερογενείας*. Ad extremum hic oportet distinguere inter rem consideratam & modum considerationis. Regula hujus loci est: *Quod in unâ arte est homogeneous, in alterâ est heterogeneous*: sed cum limitatione accipienda est. Vera scilicet est, si spectes modum considerandi; falsa, si rem consideratam. Nam res considerata potest esse communis multis disciplinis; at modus considerandi in aliâ disciplinâ est alius. Sic homo consideratur in physicis, quâ corpus naturale est; in theologicis, quâ civis ecclesiæ est; in ethicis, ut probè vivere debet. Summa: omnes fermè disciplinæ tractant de homine. Talia adduci possunt plurima. Nec tamen in unâ eademq; arte potest tractari de unâ re in diversis locis. Sic enim vel eadem res eodem modo traderetur, vel diverso. Si illud, esset tautologia. Si hoc, duplex esset modus considerandi unius rei in unâ disciplinâ: id quod pugnat cum unitate disciplinæ specificâ. Ex his patet multos huic legi

legi facere vim quadruplicem; dum alii non distinguunt disciplinas subalternatas à non subalternatis; alii restringunt hanc legem ad disciplinas; alii non distinguunt præcepta à commentariis; alii denique confundunt rem consideratam, tanquam materiam, cum modo considerationis, tanquam formâ.

Lex generalitatis præcipit, ut ea in docendo præcedant, sine quibus sequentia intelligi non possunt, & quæ sine sequentibus intelligi possunt. Dicitur etiam lex collocationis, & coordinationis, item antecessionis & consecutionis.

Lex generalitatis.

Hic obiter decidenda est quæstio in utramque partem agitata à Zabarella & Piccolomineo; unde nimirum sumenda sit ratio methodi doctrinæ, num ex naturali rerum antecedentium & consequentium ordine, an verò ex nostrâ meliori & faciliore cognitione? Respondemus per distinctionem, magistræ conciliationis, quòd ex utroque. Nam methodus doctrinæ consideratur vel ratione sui fundamenti, vel ratione sui finis. Fundamentum ipsius est ordo rerum seu disciplinarum, ut *cap. 1. hujus libri* diximus. Finis ultimus methodi est nostra faciliore cognitio. Sed & hic alia oritur concertatio. Nam quæritur, an ordo doctrinæ primariò debeat duci à naturali rerum ordine, secundariò verò conformari ad nostram faciliorem cognitionem; an verò contrà doctrinæ methodus perfecta (de hac enim agimus) sit sumenda primariò ex nostrâ faciliore cognitione, secundariò ex naturali rerum ordine? Prius vult *Keckermannus in cap. 1. de meth. can. 2. methodi artificialis*: posterius defendit *Timpterus l. 4. Logic. c. 8. q. 11*. Sententia Timpteri videtur verior. Rationem hanc damus. Methodus doctrinæ in disciplinis est ordo partium doctrinæ. Proinde duo, ut in omnibus aliis relatis, ita & in ordine illo distinguenda sunt, nimirum materiale & formale. Materiale methodi sunt res ordinatæ; formale est unio seu connexio partium. Hæc connexio respicit finem ultimum tanquam mensuram. Pendet igitur à fine ultimo. Sicut in regno, quod & ipsum ordo quidam est, distinguitur materiale, videl. pars imperans itemq; subjecta, à formali, quod est unio partium istarum; & sicut præterea

Unde sumenda sit methodi doctrinæ ratio?

unio illa mensuram habet finem ultimum, videl. actionem publicam virtutum moralium: ita in methodo finis ultimus, qui est facilior nostra cognitio, habet rationē mensuræ. Cur igitur, inquit aliquis, methodum doctrinæ perfectam sub initium hujus capitis ita finisti: *qua juxta rerum normam & artis Logica &c.* Resp. Sic omnino fuit finienda, ut distingueretur à methodo prudentiæ. Oportet autem finem ultimum in definitione methodi *cap. 1. expressum* hîc subintelligere. Et hæc etiam est sententia Zabarella *l. 1. de meth. cap. 6. & 16. & cap. 3. & 4. l. 1. apologia contra Francisc. Piccolominesum*, qui contrariam sententiam defendit *cap. 17. introductionis in gradus morales, & part. 5. comitis politici.* Objicitur, quod ars naturam imitetur, & scientiæ sint mensuræ non mensurantes res, sed à rebus mensuratae. Resp. Hoc nihil facit *æçs. 1. 1.* Nec enim hîc disputatur de fundamento methodi, sed de fine; quod sic ostendo. Instrumenti mensura est vel prima, vel ultima. Mensura prima est res seu materia, ex quâ constat; ultima est finis, ad quem dirigitur. Sic cultri ferrei mensura prima est ferrum, cujus naturam tanquam mensuram respiciat artifex oportet. Sed ultima ejusdem mensura est finis seu usus. Hunc nisi respiciat cultrarius, producet instrumentum incommodum, h. e. instrumentum non-instrumentum. Hoc ipsum cogita de methodo, quam diximus instrumentū Logices principale. Quod si hæc sententia non placet, per melioret dicas, in methodo doctrinæ ex æquo seu pariter spectari ordinem rerum & nostram cognitionem. Nam sicut seres habet in essendo: ita & in cognoscendo; si scil. intelligas cognitionem perfectam. Quod igitur primum est secundum naturam, id etiam ferè primum est secundum cognitionem distinctam. Porro hîc quæritur, quænam in methodo doctrinæ præcedere debeant? Respondetur uno verbo, *priora naturâ.* Prius autem naturâ, vel prius est, ut causa essendi posterioris: vel ut antecedens tantum, sed tamen etiam causa cognoscendi. Omne prius, quod continet causam essendi posterioris, continet etiam causam ejusdem cognoscendi. Unde enim res habet ut sit, inde etiam ut primò cognoscatur, ut scriptum legimus *2. metaph. c. 1.* Tales sunt quatuor causæ, ut finis, efficiens, materia & forma. Ad materiam referri potest genus, ad formam differentiæ essentielles, aut pro essentiali-

fentialibus acceptæ. Subjectum autem nullum, quâ subje-
 ctum, essendi principium est, est tamen causa cognoscendi:
 quia antecedens est notificans. Non enim omne antecedens
 est naturâ prius, sed tantum antecedens ut causa cognos-
 cendi. Sic, verbi gratiâ, thema præcedit argumentum, nec tamen
 naturâ prius est: ut causatum & totum, quatenus induunt
 rationem thematis, semper antecedunt suas causas & par-
 tes; tamen si causæ & partes priores sint causato & toto.
 Causa igitur cognoscendi duas postulat condiciones. 1. ut
 sit naturâ prior. 2. ut in alterius cognitionem nos invehat.
 Hinc etiam generalia hîc definiuntur, quæ sine sequenti-
 bus intelligi possunt, & sine quibus sequentia intelligi non
 possunt: seu, quæ sequentibus lucem adferunt, & quibus
 à sequentibus nulla lux adfertur: ut, Doctrina de literis
 in Grammaticâ est generalior, quàm doctrina de syllabis;
 quia illa sine hâc intelligi potest, hæc sine illâ non item,
 juxta regulam: *Omne definiens est prius definito*. Nam
 definitio est ex notioribus. Alii sic expediunt hanc rem:
 Semper ab eo, quod parit cognitionem distinctam, non
 confusam, incipiendum est: ut cognitio causæ parit cogni-
 tionem distinctam effecti. Ergo à causâ incipiendum, non
 ab effecto. Hîc enim non attenditur τὸ γνωστότερον ἡμῖν,
 sed τὸ γνωστότερον φύσει. Quamvis igitur effectum sit Prius natu-
 notius causâ nobis & secundum sensum; tamen non est tā dicitur
 notius seu prius naturâ. Verum esse naturâ prius, est phra-
 sis ambigua. Quare paucis illam liberemus ab ambigui-
 tate. Est autem tripliciter aliquid naturâ prius. 1. Ratio-
 ne existentiae realis, quod prius in naturâ existit, si non
 semper tempore, tamen generatione: sic elementa sunt pri-
 ora mixtis, & mixta animalibus, item domus civitate. 2. Ra-
 tione existentiae intentionalis, & instituti scopi. Sic naturâ
 prius dicitur, non quod prius in naturâ existit, sed quod
 prius à naturâ intenditur. Hoc modo quod præstantius est &
 perfectius, & compositius alio, id quoque ipso naturâ prius di-
 citur, juxta regulam: *Posteriora generatione, sunt priora natu-
 râ*. Sic rursus civitas ordine naturæ intendens prior, quàm
 familia. Unde patet & totum partibus esse prius, & partes
 priores toto. Huc etiam pertinet regula: *Quod generatione*

est ultimum, perfectione & instituto est primum; & quod instituto & perfectione est primum, generatione seu existentia est posterius. 3. Ratione præstantiæ essentialis vel accidentalis. Sic visus dicitur naturâ prior cæteris sensibus. 2. *de ort. & interit. contex. 7.* His ita constitutis quatuor quæruntur. 1. An semper ab universalibus ad particularia, à generalibus ad specialia sit procedendum in methodicâ tractatione? 2. An semper ab imperfectis ad perfecta, & à simplicibus ad composita sit procedendum? 3. An semper à facilioribus ad difficiliora, à dignioribus ad indigniora sit procedendum? 4. An semper progrediendum à consentaneis ad dissentanea, ab absolutis ad respectiva, ab essentialibus ad accidentalibus? Resp. ad 1. affirmatè. Quamvis enim particularia sint notiora universalibus secundum sensum & confusam cognitionem; tamen non sunt secundum rationem & distinctam cognitionem. Objicis: At omnia disciplinarum præcepta sunt universalia? Ajo: At dantur gradus generalitatis. Hinc dicimus, quòd in methodicâ tractatione sit progressus à generalissimis per subalterna ad specialissima seu infima. Deinde universalia non hîc dicuntur eo sensu, quo axiomata diximus universalia, quæ signum universale habent additum; sed eo modo, ut paulò antè diximus in definitione generalium. Resp. ad 2. distinguendo inter methodum perfectam disciplinarum, & thematum seorsim tractandorum: & rursus inter methodum disciplinarum syntheticam & analyticam. In methodo syntheticâ procedimus à simplicioribus; in analyticâ à compositis. In methodo thematum seorsim h. e. extra systema disciplinæ tractandorum procedimus à composito ad simplicius. v. g. à causato vel toto ad causam vel partes. Si enim thema tractandum, sit causatum, necesse est ut primo loco consideretur, quamvis sit compositum & perfectum. Resp. ad 3. A facilioribus & dignioribus tum demum est incipiendum, cum illa faciunt ad difficiliorum & indigniorum claram & distinctam cognitionem. Nam sæpè digniora sunt obscuriora intellectu, & singularia sunt faciliora universalibus, si spectes cognitionem sensualem. Resp. ad 4. afirmando. Nam consentanea dissentaneis, absoluta respectivis, & essentialia accidentalibus sunt priora & notiora naturâ.

Lex colligationis exigit ut singulæ doctrinæ partes benè inter se cohæreant, & transitionum vinculis, si longior intersit explicatio, colligentur. *Ideoque hiatum & dissolutionem doctrinæ prohibet.* Aliàs dicitur *lex connexionis.*

Est autem *transitio* alia perfecta, alia imperfecta. *Perfecta* est, quæ repetit breviter ea, quæ tractata sunt, & indicat breviter ea, quæ deinceps tractanda sunt: ut, Hactenus de Deo: nunc de operibus Dei. *Transitio imperfecta* est, quæ vel repetit tantum summam doctrinæ præcedentis; vel proponit tantum, quæ de re sequatur. Illius exemplum est: Satis de felicitate: Virtus est habitus cum rectâ ratione electivus. Istius exemplum est: Sequitur de vitâ æternâ. *Transitio* ista summoperè recreat ac reficit; non secus ac si viatori in herma seu mercuriali statuâ inscriptum esset, quantum itineris confecisset, & quantum conficiendum ipsi restaret. Cæterum utraq; *transitio* in methodo perfectâ locum habere potest. Nec enim ideò dicitur perfecta vel imperfecta, quòd locum habeat in methodo perfectâ vel imperfectâ: sed quia illa duobus membris, hæc uno solum constat.

Leges methodi minùs principales sunt duæ, videl. *lex brevitatis*, & *panarmonia*.

Lex brevitatis exigit, ut ne pars aliqua necessaria doctrinæ desit, neq; non-necessaria superfit.

Ideoque tam mutilationem, quàm inanem redundantiam doctrinæ, tanquam pestes methodi, prohibet. *Mutilatione* quidem nihil est malignius, quia fit ad fraudem doctrinæ & ingenii humani, cui non proponuntur res necessariae. *Redundantiâ* verò nihil est odiosius, quia tempus, cujus ἀνάλογον πολυτέλειαν, hominibus quasi furatur; dum nimirum illi intenti prolixis tractationibus, eadem ter, quater, & amplius legunt, necessaria negligunt magno suo malo. Sed hic duo præcipitia cavenda. I. *Imperfectio* non est habenda pro brevitate. Nam brevitatis conveniens est, quæ rebus tractandis est adæquata, ita ut nullam earum partem omitat. At *imperfectio* affectata in artibus non est brevitatis, sed Diaboli filia germana. Hoc perpendant omnes illi novi ho-

mines compendiographi (monstrosis rebus monstrosa querenda sunt vocabula) qui laborifugæ adolescentiæ corticem præceptorum & superficiem proponunt, nucleo neglecto, & corpore intacto. Audite hoc omnes, qui boni estis: Ars naturam immutare non potest, sed sequi debet. Quod igitur est in re tractandâ, hoc idem sit in methodicâ tractatione, & cogitetur ille tritus versiculus:

Non sunt longa, quibus nihil est quod demere possis.

Hæc non eò dicta velim, ut compendia bonarum literarum studioſæ juventuti è manibus excutiam, aut ut talium compendiorum authores traducam. Absit à me quàm longissimè pruritus ille calumniandi, morbus epidemicus, ô dolor! nostri ævi. Hos, hos, inquam, noto, qui aliis persuadent, compendia esse plena systemata. Compendium ego nihil aliud esse statuo, quàm præparationem tenellulorum ingeniorum ad plena systemata majori cum fructu legenda. Posteaquam enim ideam præceptorum semel menti impresserunt, mirum dictu, quàm magnâ cum alacritate quasi sitibundi properent ad plena systemata tanquam fontes. 2. Tautologia non omnis vitiosa. In præceptis *ταυτολογία* est plenum *ἀμεθοδίας*. At verò in commentariis *ταυτολογία* interdum non solum licet, sed etiam oportet. In iis enim *ταυτολογία* nihil est aliud, quàm repetitio necessaria, quæ tantum abest in vitio ut ponatur, ut potius arguat maturum artificis iudicium, & benè merendi de juventute, quam sibi formandam sumit, studium. Ad summam notetur illud: *Quod commodè potest fieri per pauciora, ne fiat per plura.*

Lex panarmonia.

Lex panarmonia flagitat, ut singulæ doctrinæ partes harmonicè inter se consentiant.

Ideoque prohibet, ne una alteram per *ἀντιλογίαν*, contradictionem, evertat. Hæc lex vocatur nobis minùs principalis, ut & modò dicta brevitatis lex: non quòd minùs principaliter in usu sint observandæ, sed quòd è tribus supra positis velut sequantur. Cæterum *παναρμονία* seu *συμμετρία* methodica est, quâ partes doctrinæ ita inter se conspi-

conspirant, ut quasi concentum & musicam olympicam, Platonica illâ multò jucundiozem, efficiant. Quid enim jucundius illo concentu, quo verum vero consonat? Quid suavius illâ harmoniâ, quâ diversæ partes ita inter sese aptantur, ut congruum sonum reddant omnes? Atque hinc est illa methodi cognatio, quam cum intellectu & memoriâ hominis intellectivâ habet; quâ de re Keckermannus cap.1. de methodo ad can.3. pulchrè ait; quòd ordo sit mater & lumen intellectus, & memoria; quia cum omnia, velut in catenâ annuli, inter sese cohæreant, & partes in se fluctuum marinarum altera alteram velut impellat, ut sese memoria & recordationi offerat; idèd nullum præsentius memoria subsidium, quàm apta rerum dispositio ac tractationis regulatus ordo.

Cap.3. Methodus synthetica & analytica in genere.

Divisio methodi perfectæ est, quâ alia est universalis, alia particularis. Vide Zabarell. lib.2. de meth.

Methodus universalis est, quæ systema integræ alicujus disciplinæ disponere docet.

Estque synthetica, vel analytica. Illa dicitur alio nomine ordo componens, item compositivus; hic, resolvens & resolutivus.

Petrus Ramus l.2. Dialect. cap.17. unicam tantum doctrinæ methodum esse docet, quæ ex Aristotelis sententiâ ab universalibus ad singularia, seu à generalibus ad specialia progrediatur. Sed hæc sententia est erronea. Ratio 1. Quia methodus doctrinæ alia est sapientiæ, alia prudentiæ: quam divisionem & ipse inauere videtur, quando docet de crypticis methodi. Certè si syllogismus rectè dividitur in perfectum & imperfectum; etiam methodus sic rectè distribuetur. Par enim utrobique ratio. Sicut enim syllogismus perfectus dicitur, quia

An methodus sit uni-

cryptin nullam admittit, & imperfectus, quia admittit ita & methodus alia perfecta, alia imperfecta dici debet.

2. Quia methodus alia est universalis, alia particularis, quæ distributio sic probatur. Ordo instrumentalis seu Logicus est imago ejus qui est in rebus. Res autem considerantur vel ut in disciplinis sunt ordinatæ, vel, ut extra disciplinas sunt ordinatæ. Ibi totalis est ordo, hic partialis. Sicigitur ex his fundamentis disputo. Res aliqua completa extra disciplinam considerata aut est ordinata, aut inordinata. Non hoc. Ergo illud. Probatur assumptio; quia confusio non est in rebus (omne enim ens ordinatum) sed ab intellectu hominis distorto. Si igitur res considerata extra disciplinam est ordinata, necesse fuerit, ut sit methodus Logica, quæ moderetur tractationem istius rei. Quid? Si res tractanda extra compagem disciplinæ sit confusa, lumine methodi opus erit. Excipis, unam eandemque esse methodum tractandi res in disciplinis & extra illas. Scilicet hoc heri persuaseris sapientibus, totum esse partem, vel affectionem totius esse affectionem partis. Sed hæc res infra appositione exemplorum dilucidior reddetur.

3. Quia methodus universalis alia est synthetica, alia analytica. Hoc sic probatur. Cùm natura sit ordinis fundamentum, ut aliquoties dictum est, arctè teneo accurateque defendo illud actio: Ordo in disciplinis petendus est ab ordine rerum, qui est in naturâ; quod Averroës sic enunciat: Ordo nostri intellectus sequitur ordinem rerum. 3. *disputat. quodlibet. 18. dub. 2.* Confer Scaliger exercitat. 2. Omnino quemadmodum in axiomatibus tenemur conjungere, quæ naturâ sunt conjuncta; & sejungere, quæ naturâ sejuncta: sic & in ordine eandem naturam sequi debemus. Itaque si contrâ molimur in disciplinis, ordinem naturæ invertimus; & in artem, cujus natura fundamentum est, impingimus. Ex his suppositis extruo majorem: Ordo, qui est in rebus & disciplinis radicaliter, debet tradi in Logicâ instrumentaliter. Jam subsumo: Atqui in rebus & disciplinis est ordo duplex. Ergo & in Logicâ duplex erit. Minorem probo: Finis ordinis, ut supra vidimus, est cognitio. Cognitio autem duplicis est generis. Aut enim propter se expetitur, quam adepti acquiesci-

quiescimus; aut propter operationem. Duplex autem illa cognitio pender à naturâ rerum & disciplinarum. Nam res sunt vel necessariae, vel contingentes; de illis tractant disciplinae theoreticae, de his practicae. Sicut ergò cognitio, cujus causâ ordinem adhibemus, gemina est: ita & ipse ordo geminus. Sed hinc, ais, non efficitur, ordinem in rebus esse duplicem. Ajo: Maxime verò hoc efficitur è dictis; quod sic ostendo. Duplex est cognitio. Ergò & duplex ordo in naturâ. Ratio consequentiae est: quia cognitio recta est ordo, vel saltem ordine fit. Sive illud, sive istud admittas, necesse habes fateri verum esse illud decantatum, etiam à nobis vel septies: Sicut se res habet in essendo, ita in cognoscendo, & vicissim: vel, modus cognoscendi sequitur modum essendi. At modus cognoscendi est duplex. Ergò & modus essendi. Probatur major: modus cognoscendi vel est proportionatus naturae, vel non. Si hoc, vitiosus est, vitio videlicet intellectus, qui ordinem rerum illarumque naturam per inscientiae nubeculam saepissimè non assequitur. Si illud, firmum est philosophema allatum. Probatur minor prioris syllogismi: Homo ordine perfecto aliquid cognoscens, debet primò cognoscere id quod prius est naturâ. At illud duplex. Dicitur enim aliquid prius naturâ, vel ratione existentiae realis, vel ratione existentiae intentionalis & instituti scopi. Nam, id quod prius est ratione praestantiae essentialis vel accidentalis, in methodo locum non habet, ut diximus cap. 2. Planius dicam: Omne principium solem intelligendi (ut loquitur *Guilielmus Ursinus part. 1. disputat. 16. aphor. 52.*) in principiatum ejaculatur. Id autem principium est duplex. Aut enim realiter praexistit in naturâ, & causa cognoscendi est; aut intentionaliter in naturâ praexistit, & item causa cognoscendi est. Intentionale principium est finis, & quidquid finis habet rationem, veluti totum. Omne enim totum prius intenditur. Est enim id cui intenditur opus & apparantur partes. *Scaliger exercitat. 307. sect. 21.* Hoc principio dum utitur natura, resolvit. Reale principium est omne illud, quod reverâ antè existit, & causa cognoscendi est: quo dum utitur natura, componit. Naturae igitur ordo est talis. Primò procedit

ab ente intentionali, veluti fine, ad media. Secundò mediis acceptis & erutis principiis, ad finem generandum aut consequendum festinat. Semper igitur natura à fine aliquo incipit, & in fine acquiescit, quem sibi per media idonea conciliat. A fine progrediens ad media resolvit, à mediis ad finem adeptionis componit. Resolutio autem & compositio reipsa & formis differunt. A compositione unus ordo compositivus, à resolutione alter resolutivus nuncupatur. Duplex autem & essentialiter distinctus; quia compositio & resolutio distinguuntur realiter. Proinde uterque ordo non potest in quavis disciplinâ legitime conscribendâ conjunctim observari, ut vult *Piccol. comit. polit. & philos. moral.* Objicis: At natura, ordinis Logici fundamentum, in quovis opere perficiundo utrumque ordinem enixe persequitur. Ergò & in quavis disciplinâ legitime conscribendâ utramque methodum conjunctim observare oportebit. Respon. Negatur antecedens. Non enim fieri potest, ut natura eo ipso quo componit, resolvat, & contrà. Ratio in prioribus est dicta: quia compositio & resolutio differunt realiter. Breviter, quæ diffusè diximus, colligamus. 1. In naturâ est duplex ordo. E. & in arte. 2. Distributio methodi sumta ex fine, est adproba. At hæc est talis. E. 3. Distributio sumta ex objecto, est bona. At hæc talis. E. Omnia sunt probata in antecedentibus. At, inquiūt, semper ab universalibus progredimur. E. unica methodus. Respon. Hæc est communis utriq; methodo conditio, à notioribus, ideoq; universalibus exordiri & progredi; sed aliter tamen synthetica, aliter analytica methodus ab illis progreditur. Synthetica progreditur à primis ad ultima; analytica ab ultimis ad prima transit, non tamen sub ratione ultimatis (ut ita dicam) sed quatenus quod est ultimum in executione, primum est in intentione: qualis est finis, qui nomen causæ meretur. Cæterum observa ambiguitatem in vocabulis. Synthesis hîc in specie significat ordinem, qui tradendis disciplinis contemplativis inservit: analysis ordinem significat, qui à notione finis incipit, & solis disciplinis practeis & poetieis tradendis convenit. Latè verò synthesis & analysis capiuntur pro duabus exercitationis Logicæ primariis speciebus, ita ut genesis & synthesis significant u-

num, vi-

num, videl. proprii operis constitutionem, analysis verò operis ab alio constituti resolutionem. Verùm satis disputatum est de methodi divisione. Res tota huc redit: Distinctio specierum non tollit unitatem generis. Unica igitur est methodus, respectu progressus illius, qui semper est à generalibus ad specialia, & in omni disciplinâ observatur, quatenus illi opponitur processus à specialibus ad generalia. Sed hæc unitas non tollit distributionem methodi, quæ unica manens distinguitur ratione termini à quo, itemque ratione finis & objecti, ut alia dicatur synthetica, alia analytica; alia universalis, alia particularis. Vide virum iudicio magnum Rodolphum Goclenium in problematis Logicis, problem. i. de methodo.

Methodus synthetica & analytica quædam habent communia.

De quibus hi sunt canones:

1. Methodus synthetica observat progressum à generalibus ad specialia; eundemq; observat analytica.

Methodus
synthetica
habet quæ-
dam com-
munia cum
analyticâ.

Hic canon probè notandus est, ne statuamus methodum syntheticam ab analyticâ eo differre, quòd altera observet progressum à generalibus, altera à specialibus. Res ita non habet. Methodus doctrinæ unica est, si spectes progressum ab universalibus. At duplex est, si progressus istius determinationem & specificationem, ut sic dicam, consideres. Pender autem illa specificatio à distinctione disciplinarum in theoreticas & practicas, inter quas est permagnum discrimen, sed ita, ut nihilo tamen minus sit convenientia. Hoc sic ostendo. Methodi syntheticæ ultimus finis est cognitio seu scientia. At cognitio solida à principiis primis seu remotissimis per minus remota seu propinqua ad proxima, quibus res demonstratur, progreditur. Cùm enim scire sit rem per causas cognoscere, omninò necessarium est, ut scientiæ, hoc est, disciplinæ contemplatrices non ab ultimis, sed à primis principiis initium faciant. Sed methodi analyticæ ultimus finis est opus seu operatio. Necessum igitur est, ut à notione istius operis exordietur. Alioqui tota tractatio vana esset, & incertum, quâ de re ageretur. Sic de arte ædificandi

præcepturus, primò omnium de fine sive domo cogitare debet, eamque bifariam prænoscere, & quid sit, & quòd fieri possit: deinde à fine ad principia; hoc est, partes, ut sunt parietes, recta; ab his tandem ad lateres, cæmenta &c. quæ remotissima illius artis elementa sunt, transire debet: in quibus ars docens desinit, & operans incipit. Sic ut igitur in disciplinis contemplatricibus principia sunt generalissima: sic in operatricibus finis est generalissimus, quippe qui mediis conciliat amabilitatem, ordinem, & mensuram.

2 Commune utriq; methodo, synthetica & analytica, est, conferre ad cognitionem.

Sed illa confert ad cognitionem tanquam ad ultimum finem: ista ad cognitionem, quæ non sit finis ultimus, sed quæ in operationem, tanquam ultimum finem postea dirigatur, confert. Hinc methodus synthetica vocatur demonstratio propter quid, seu à causis: analytica autem demonstratio ab effectu, quatenus nimirum finis qui est primus in intentione, est ultimus in generatione seu executione.

3 In utrâque methodo, synthetica & analytica, primo loco ponitur definitio disciplinæ; secundo loco illius distributio: tum subalterna definitiones & distributiones: tandem specialissima definitiones & distributiones ponuntur.

Hæc de re adscribam præclarum locum è Dial. Petri Ram. lib. 2. cap. 18. Quibus (scilicet artibus) ait, *quævis omnes regulæ generales sint & universales, tamen earum gradus distinguuntur: quantoque unaquaque generalior erit, tanto magis præcedet. Generalissima loco & ordine erit prima, quia lumine & notitiâ prima est: subalterna consequentur, quia claritate sunt proxima: atque ex his naturâ priores præponuntur, minus nota substituentur, tandemq; specialissima constituentur. Definitio itaque generalissima prima erit: distributio sequetur: quæ si multiplex fuerit, præcedet in partes integras partitio, sequetur divisio in species: partesq; ipsa & species eodem ordine sunt rursus tractanda, ac definienda, quo distributa fuerint:*

Præclarus
locus è Ra-
mo.

& transi-

& transitionum vinculis si longior inter eas interfit explicatio, colliganda sunt. Id enim auditorem rescit ac recreat. Hæc suam sententiam illustrat ibidem familiari exemplo. Omnes definitiones, inquit, distributiones, regula Grammatica reperta sint, atque unaquaque sigillatim judicata: omniaq; hæc documenta variis tabellis inscripta, unâ confundantur & conturbentur in hydriâ aliquâ, ut in Olla ludo fieri solet. Hic si quaras, qua pars Dialectica te doceat has regulas ita confusas disponere & in ordinem redigere: primò locis inventionis nihil opus est, cum sint omnia reperta: neque primo axiomatis iudicio, cum unumquodq; axioma probatum & æstimatum sit: neque secundo syllogismi iudicio opus, cum sint omnes singularum rerum controversiæ his de rebus disceptata & conclusa: sola methodus superest. Dialecticus igitur lumine methodi artificiosa, seliget in hæc urnâ definitionem Grammatica (id enim est generalissimum) & primo loco statuet: Grammatica est doctrina bene loquendi. Tum requirit in eadem urnâ partitionem Grammaticæ, & collocabit secundo loco: Partes Grammaticæ duæ sunt, Etymologia & Syntaxis. Deinceps in eodem vase definitionem Etymologia de vocibus separabit, & tertio gradu antecedentibus adiunget; tum vocis partes in literis & syllabis, speciesq; in vocibus numeri & sine numero requirit, exituumq; transitiones suis locis collocabit. Atque ita omnium etymologia partium definitiones, distributiones, colligationes, exempla deniq; specialissima in singulis disponet. Idemq; in syntaxi faciet. Hanc viam omnes artes sibi proposuerunt. Hactenus Ramus in dicto capite, profectò præclare; cujus capitis sensum bene pauci ipsius sectatores cognitum habent. Quibusdam tamen emunctæ naris philosophis non placet illa hypothesis de præceptis in urnam collectis & confusis, & postea per ordinem disponendis: eò quòd ista hypothesis statuatur, necessariò præcepta jam antè in ordine quodam fuisse, & inde postea exempta, & inter se conturbata. At non est quæstio, inquiunt illi, quomodo præcepta ex ordine ejecta in ordinem redigenda sint, sed quomodo ea, quæ nunquam in ordine fuerunt, ordine componenda. Rami hypothesin (sunt verba τῶν δεινῶν) vel septennis puer, præceptis ipsius instructus, persequatur; sed ordinem eorum facere, quæ nun-

quam ordinem habuere, tãtã est difficultatis, ut meritò hîc omnes philosophi difficultatem sentiant gravissimam. Sed de hâc censurâ nihil habeo nunc dicere: duntaxat insigni sententiæ Rami hoc addo; mirum in modum tum scribentem, tum legentem juvare, si methodus tabulâ aliquâ velut repræsentetur. Nam sicut in architectonicis modellus, ut vocant, sive sciagraphia, infinitas habet utilitates: sic & tabula aliqua synoptica, seu synopsis tabellaris, in omnibus tractationibus, non solum in disciplinis, sed etiam extra eas, innumera adfert commoda, quæ hoc loco percernere longum foret. Itaque jubemus quemlibet hujus rei periculum facere.

5 *In utrâq; methodo, syntheticâ & analyticâ sit triplex classis. Prima classis complectatur definitiones & distributiones unâ cum exemplis. Secunda contineat regulas, putâ theoremata, & canones, unâ cum exemplis. Tertia classis complectatur commentaria, quæ addantur tum definitionibus & distributionibus, tum regulis; & contineant rationem methodi, si sit dubia; explicationem item & questionum controversarum tractationem.*

Ad summam: In quâvis disciplinâ sint præcepta, exempla, & commentaria; ubi sub præceptis complector definitiones, distributiones, & regulas. Ratio canonis est. Longum est iter per præcepta, breve & efficax per exempla, ut ait Stoicæ philosophiæ princeps, Seneca. Itaq; præceptis addantur exempla, tanquam vates & vades. Quia verò circa præcepta suboriri possunt dubia, opus est commentariis, non illis, quæ sunt sex jugera longa, ut quidam facetè ait, sed succinctis & perspicuis. Quod verò quidam eliminant regulas è serie præceptorum, id omni caret ratione: cùm hominis ingenium plus alatur & judicium formetur expeditius regulis quàm nudis definitionibus & distributionibus. Neque valet *ἡ ἀποφύεσθαι*, regulas in definitionibus & distributionibus implicite contineri, ideoq; eruendas esse ab interprete. Nam primò falsum est, omnem regulam implicite contineri in definitione vel distributione alicujus rei, ut è Grammaticis vi-

ticis videre est. Deinde ut maximè concedamus, regulas implicite in definitionibus & distributionibus contineri; hinc tamen non efficitur, illas in arte nō habere locum. Ars enim versatur circa cognitionē claram & distinctam, non obscurā & confusam. Quare omnibus illis, qui regulas fastidiosè despiciunt, quique in ore habent illud *συχῶτον συλῶτον*, quo bonis viris, bonarum literarum illustratōribus, obijciunt obscuritatem, illis, inquam, meliorem mentem precor.

Cap. 4. Methodus synthetica.

Methodus synthetica est methodus universalis, quā cujusque contemplatricis disciplinæ Methodus
Synthetica. partes ita disponuntur, ut posito subiecto ad æquato tradantur principia ejus prima, passionēs (*seu proprietates & cōmunes affectiones*) & species; ut rei subiectæ cognitionem quā facillimè assequamur.

Exemplum evidens est in physicā; ubi primò docetur de subiecto, quod est corpus naturale: secundo loco de ipsius principiis: tum de cōmunibus affectionibus; dehinc de speciebus ipsius, ut puta corpore simplici & mixto &c. Eodem modo metaphysica & mathematica disciplinæ traduntur. De SS. theologiā difficilior est quæstio, utrā methodo illa sit docenda? Hanc alibi à nobis tractatam vide.

Canones hujus loci sunt:

1 Partes methodi syntheticae tres sunt; subiectum, principia, & affectiones.

Vide *Arist. 1. post.* ubi asserit, omnem disciplinam contemplativam in tribus versari; in subiecto, de quo demonstrationes fiunt: in ejus affectionibus, quæ in ipso inesse demonstrantur: & in principiis, ex quibus illæ demonstrantur. Hic observa, subiectum disciplinæ theoreticæ esse vel totale, ut in physicis est corpus naturale; vel parziale, ut sunt omnia ipsi subordinata, quæ dicuntur subiecta particularia. Utrumque subiectum intelligitur in proposito canone. Hinc dicunt, methodum syntheticam procedere à subiecto contemplationis universali ad particularia.

2 *Unitas disciplinae contemplatricis pendet ab unitate subjecti.*

Hæc vocatur unitas collectionis & universalitatis: quia subjectum est veluti radix & basis omnium eorum, quæ in scientiâ tractantur.

3 *Subjectum, principia & affectiones unius scientiæ, quoad rem consideratam, possunt esse ipsi communia cum aliis; sed quoad modum considerationis sunt propria.*

Subjecti partes duæ sunt in quavis scientiâ, videlicet, res considerata, & modus considerandi. Illa potest pluribus disciplinis esse communis, ut supra probavimus. Ille est veluti forma, quæ cuiusque scientiæ est propria. Et ab hac ratione formali omnia tum principia, tum affectiones, oriuntur, tanquam à communi radice. Quòd si subjectum est radix principiorum & affectionum; sequitur, principia & affectiones imitari naturam subjecti. Itaque sicut subjectum diversimodè acceptum, est commune & proprium: ita etiam principia & affectiones diversis modis considerata, sunt propria illius scientiæ, in quâ traduntur, & etiam pluribus scientiis sunt communia quoad materiale seu radicale suum esse: id quod evidentissimum est in disciplinis subalternatis subalternatione propriissimâ, qualis datur in mathematicis; ubi disciplina subalternata à subalternatè accipit subjectum, principia & affectiones. Sic. v. g. Musica ex Arithmeticâ, accipit subjectum suum, videl. numerum, sed alio modo consideratum. Ipsa n. numerum considerat concretè, quatenus sonorus est. At Arithmetica eundè considerat *non tunc abstractè*. Sicut autem subjectum sumit ex Arithmeticâ, ita etiam principia & affectiones subjecti, sed alio considerationis modo, qui solet exprimi per voculam *quâ* vel *quatenus*: ut, Musica est scientia de numero sonoro, quatenus sonorus. Arithmetica est scientia de numero, quatenus est numerus.

4 *Tres partes disciplinae contemplatricis oportet præcognoscere, subjectum affectiones & principia.*

Subjectum quidem præcognoscitur secundum sex suas conditiones. 1. Ut sit per se ens, non pendens à cogitatione vel operatione humanâ. 2. Ut sit præcognitum, & quid nomen significet, & quòd sit. Nam quid sit, declarat definitio

essentialis

essentialis è propriis causis. Itaque sic non debet præcognosci. 3. Ut habeat proprias affectiones. 4. Ut sit unum, unitate collectionis & universalitatis. 5. Ut consideretur tanquam fundamentum eorum, quibus substernitur, non ut alteri inhæret. verbi gratiâ, corpus naturale in physicis habet multa se superiora in arbore substantiæ, sed in loco (ut loquuntur) consideratur tanquam primum. 6. Ut habeat duas partes, rem consideratam, & modum considerandi.

Affectio præcognoscitur secundum tres suas condiciones. 1. Consideretur tanquam inhærens subjecto. 2. Consideretur tanquam per se & essentialiter inhærens, & essentiam subjecti propriam consequens. Nam est etiam communis essentia subjecti; ut, corpus naturale habet essentiam propriam, quâ corpus est; & communem, quâ est substantia. 3. Præcognoscitur, quid nomen ejus significet. *Principia* præcognoscuntur secundum duas condiciones suas; nimirum quod fiat, & quid significant nomina.

5 Disciplina contemplativa non probat vel constituit suum subjectum, nec probat principia sua: sed illud ab aliâ superiore constitutum, ista lumine alicujus superioris scientiæ demonstrata accipit.

Ratio canonis est. Subjectum consideratur in scientiâ, cujus est subjectum, ut aliis substans, non ut aliis inhærens. At demonstratio non est nisi illorum, quæ alteri inhærent. Ratio: quia id, quod demonstratur, alteri inesse demonstratur. Itaque subjectum scientiæ nec à priori, nec à posteriori demonstrari potest. Dissentit *Scotus*. Principia scientiæ quod attinet, illa sunt vel complexa, vel incomplexa. Complexa nullo modo demonstrari possunt in suâ scientiâ. Ratio, quia nihil est illis prius in illa scientia. Et ideo vocantur principia cognitionis; quia nihil est illis notius, per quod demonstrari possint. Principia autem incomplexa, quæ vocantur principia essendi, sunt ignota, ideoque demonstrabilia; non tamen à priori, sed à posteriori, ex effectu aliquo notiore.

6 Disciplina contemplatricis definitio & distributio sumta ex objecto, sunt exquisitissima.

Ratio hujus est: quia subjectum est fundamentum o-

mnium, quæ in scientiâ traduntur. Itaque definitio & distributio ex illo sumtæ, sunt adæquatæ; proinde omnibus numeris absolutæ.

Cap. 5. Methodus analytica.

Methodus
analytica.

Methodus analytica est methodus universalis, quâ ita disponuntur partes cujusq; disciplinæ operatricis, ut procedatur à fine ad principia seu media, per quæ ad finem illum pervenitur (*seu, per quæ finis in subjectum introduci potest*) ut cognitionem ejus ad operationem dirigamus.

Exemplum evidens hujus methodi ab Aristotele proponitur in Ethicis, ubi libro 1. à fine, videl. felicitate, progreditur ad subjectum, nempe hominis intellectum & voluntatem, & tandem sequentibus libris tradit media, per quæ finis introduci possit.

Canones ejus sunt:

1 Partes methodi analytica tres sunt, finis, subjectum & media.

Finis quidem, quatenus introducendus; subjectum verò, in quod ille finis introduci debet; media denique seu principia, per quæ finis in subjectum introduci potest.

2 Unitas disciplinæ operatricis pædet ab unitate finis.

Ratio: quia sicut subjectum est fundamentum disciplinæ theoreticæ; ita finis est fundamentum disciplinæ practicæ. Hoc ita patet. Finis est primū operationis principium. Proinde & mēsurā mediorū. Quare cū in disciplinis operatricibus finis ultimus sit operatio; necessum est, ut finis, tanquā mēsurā omnium mediorū, quæ in tali disciplinā docenda sunt, primo loco cognoscatur. Neq; enim mens nostra posset distinctè cognoscere media, nisi finē eorum, per quem sunt, cognosceret. Itaq; rectè dictū à philosophis: Intellectus operationis (barbari vocant operativū, Græci *πρακτικὸς νοῦς*) incipit à fine. Et hinc patet, etiā in methodo analytica observari progressum ab universalib. ad particularia.

3 In disciplinā operatrice præcognoscimus finem solummodo & subjectum.

Finis

Finis præcognoscitur, quòd sit, h. e. quòd produci possit, & quid sit. Finis habet duplicia accidentia; inventionem mediorum, & finis possessionem. Ea, quæ pertinent ad inventionem mediorum, ex quibus finis produci debet, præcognosci debent: at ea, quæ pertinent ad finis possessionem & conservationem, non debent præcognosci. *Subiectum* præcognoscitur tribus modis, quòd sit, quòd finis capax sit, & quòd habeat accidentia, quæ proximè ad finem pertinent. Media non præcognoscuntur, sed tractantur progrediendo ab universalibus ad particularia.

4 *Definitio disciplinae operatricis & distributio è fine sumta, sunt exquisitissima.*

Ratio petitur è canone 2. hujus capitis, collato cum can. 6. cap. anteced. Interim etiam haberi potest ratio subiecti, sed secundariò; at finis in considerationem venire debet primariò. Confer hæc cum iis, quæ diximus suprà ad lib. 1. cap. 1.

Cap. 6. Methodus particularis.

Methodus particularis est, quæ partem aliquam disciplinæ respicit.

Estque vel synthetica, vel analytica. *Hic alio sensu accipiuntur ista vocabula, ut monuimus ad cap. 3.*

Synthetica est, quâ aliquid nostro ductu componimus.

Estq; thematis simplicis, vel conjuncti.

Thematis simplicis tractatio progreditur ab explicatione vocis ad explicationem rei; & in hac à definitione & distributione ad consentanea, ab his ad dissentanea & comparata; singulis adjiciens testimonio.

Thematis conjuncti tractatio progreditur à quæstionis determinatione ad argumenta; in quorum serie primū proponit ea, quæ sunt ab autoritate, si quæstio sit vel theologica, vel juridica, vel grāmatica, quibus addit reliqua artificialia, prout unum

altero est generalius: at in quæstionibus aliarum disciplinarum argumenta artificialia pro natura suæ claritate præponit inartificialibus.

Methodus analytica est, quâ aliquid ab alio compositum resolvimus; primùm indicando scopum authoris; secundo loco partes, videlicet, thema & argumenta.

Hic observa, authores quosdam per scopum intelligere ipsum thema, seu quæstionem. Sed minùs accuratè. Sed de his in Logices parte speciali copiosius docebitur.

Cap. 7. Methodus imperfecta.

Methodus imperfecta jam sequitur ultimo loco, quæ ab artis Logicæ normâ recedit, ac pro prudentiâ & arbitrio docentis accommodatur captui discendum.

Estque vel minùs, vel magis imperfecta.

Minùs imperfecta est, quæ sic accommodatur discendum captui, ut nullam interim admittat crypsin.

Ejus canon est:

Summa lex prudentia esto, quæ se rebus sic accommodat, ut tamen fugiat nimiam accuratorem.

Suprà percensuimus leges methodi accuratæ: sed omnibus istis præest alia, quam modò diximus. De me hanc, & illæ suprà expositæ tollent libertatem methodicam, quam vocant. Qualem verò, inquit aliquis, tu hîc legem fingis? Non fingo, inquam ego, legem istam, sed è naturâ elicio. Principium naturæ est: τὸ λίαν ἀκριβὲς λυπεῖ, item τὸ λίαν ἀκριβὲς ψεύδεται. Hoc ipso monemur nostræ imperfectiōnis. Itaque quoties in methodo alicujus rei enucleatè tradendâ versamur, hæc lex nobis succurrere debet, ut sapientiam prudentiâ temperemus; & ita statuamus, nos non posse ordinem satis accuratum invenire. Hæc lex, ais, est Ethica.

Quid

Quid igitur Logica illā sibi curatio est? Ajo quòd non sit Ethica, sed Logica. Rationē assertionis do illam. In methodo crypticā dominatur etiam prudētia; neq; tamen illa ob id Ethicæ infertur. Idem cense de hāc methodo minùs imperfectā, quā in disciplinis omninò locum invenit. Sed quid illud sibi vult, quòd hāc talis methodus nullam dicitur admittere cryptin? Sanè nullam. Duntaxat recedit à normā præceptorum Logicorū de definitione & distributione suprà l. 4. & 5. traditorum. e. g. lex definitionis est: definitio affirmata esto, item à priori. Sed methodus minùs imperfecta etiam admittit negatam, & à posteriori, in casu (ut loquuntur) necessitatis. Nulla igitur in illā est cryptis, prout vulgò cryptes methodi recensentur, ut paulò pòst audies.

Methodus magis imperfecta est, quæ sic accommodatur discipulorum captui, ut admittat cryptin. *Et hac in arte non habet locum. Dicitur aliàs cryptica.*

Estque vel defecta, vel redundans, vel inversa.

Est enim triplex cryptis, hoc est, recessus à methodo perfectā; videl. defectus, redundantia & inversio. Nam tribus hisce modis recedimus à legibus methodi perfectæ. Prima illa lex, de methodo minùs imperfectā, solum recedit à legibus horisticis & meristicis.

Methodus defecta est, quæ omittit quædam homogenea & in docendo necessaria.

Methodus redundans est, quæ aliquid præter homogenea tractat; *sive id fiat repetitione homogeneorum, sive heterogeneorum additione.*

Nam etiam repetitio homogeneorum est heterogenea in disciplinis. Huc igitur pertinent amplificationes & digressiones.

Methodus inversa est, quæ ordinem partium doctrinæ immutat.

Quod sit, dum quæ priori loco tractari debebant, posteriori tractantur, aut contrā. Vulgò dicitur ὕστερον πρότερον, ὑστερον, ὑστερολογία. item πρότερον ὕστερον.

Canon hujus loci est unicus:

Crypsēs methodi vel singula seorsim, vel duae, vel omnes conjunctim adhibentur.


Hâc de re pulchrè monet Ramus, lib. 2. Dial. cap. 20. Hac igitur, ait, in variis axiomatis homogeneis suoq; vel syllogismi judicio notis methodus erit, quoties res perspicue docenda erit: at cum delectatione motive aliquo majore, in parte aliqua fallendus erit auditor, homogenea quadam rejicientur, ut definitionum, partitionum, transitionumq; lumina: quadam assumuntur heterogenea, velut digressiones à re & in re commemorationes; sed præcipue rerum ordo initio invertetur, antecedentiaq; nonnulla consequentibus postponentur. Itaque ad illam perfectæ methodi regulam hac alicubi imperfectior forma, non solum detractis rebus mutila est, vel superadditis redundat, sed ordinis sui quibusdam gradibus inversis præposita est. Sic ille. Nimirum hoc voluit dictum: oratoria & poetica à methodi præceptis sæpè quidem, sed licitè discedunt: quia eis non tam propositum est, cognoscere rerum ordinem, quàm delectare, & admirationem & quasi stuporem animis audientium injicere. Hic observa, quod dixi, licitè discedere oratores & poetas à normis methodi perfectæ. Nec enim sub titulo methodi prudentiæ, consilio & perturbatio est fovenda. Aliud enim est deambulare animi causâ, & in amœnam silvam secedere, aliud ruere in deserta, & extra omnem humanitatis cultum evagari.

Atque hæc etiam de methodi doctrinâ, elegantia, necessitate, naturâ & proprietatibus à nobis dicta sunt; ex quibus ferè omnes controversiæ circa hanc doctrinam intelligentur & decidentur. Superest, ut breviter adumbremus methodum illam brevem in loco de methodo observatam.

elo.

Hac
isimi
erit:
ignā
de
as
om-
nte
ad
for-
is re-
este-
poë-
unt:
ordi-
rem
icitē
etx.
per-
cau-
a,&
effi-
bus
gen-
is
us

TYPUS LIBRI OCTAVI DE METHODO




~~~~~

# LOGICORUM LIBER NONUS,

## De FALLACIIS.

### Cap. 1. Fallacia in genere.

**A**Dhuc de instrumentis veris: sequitur de instrumento apparēte seu falso, quod fallit sub specie veri: unde & fallacia dicitur.

Vocabulum  
elenchi ex-  
plicatum.

Aliās dicitur *elenchus*: quæ vox est in polysemis. Nam significat indicem, quomodo librorum elenchos appellamus; & argumentum seu argumentationem denotat. Et hoc sensu alius elenchus est verus, philosophicus & logicus, alius sophisticus & captiosus, quem philosophus vocat *ἐλεγχος ὁ ἀγωνισμὸς*, litigiosum & rixantem, quidam Logici *παρεξέλεγχον* elegāter. Nam *παρεξέ* significat extra, q. d. extra elenchi requisita vel leges. Præterea elenchus significat redargutionem seu reprehensionem, unde signa *ἐλεγμῶν* philosopho in Rhetoricis dicuntur, quæ refutari faciliè possunt, & opponuntur illis, quæ vocat in analyticis *δεικμῶν*. Hinc sophistici elenchi sunt sophistarū redargutiones, voce elenchi sophistici sumtā tum activè, tum passivè. Activè significat redargutionem veram, quā sophistarum fraudem detegimus: passivè significat redargutionem apparentem, quā sophistæ videri volunt nos cōvincere. Et hoc modo posteriori accipitur per synecdochen pro captioso syllogismo; & per aliam synecdochen pro certā syllogismi captiosæ specie, quæ dicitur peculiariter ignoratio elenchi. Nos hoc loco accipimus elenchum pro instrumēto Logico apparenti, quod opponitur instrumento Logico vero; unde tot illius species cōstituímus, quot recensuimus species instrumentorum verorum. Dicit etiam potest *sophisma*; quod vocabulum, ut & *fallacia*, καὶ ἑξοχήν, strictè accipitur pro syllogismo apparenti. Sed nos ampliamus, vel potius sensum generalem istarum

vocum

vocum attendimus. Potest igitur hæc Logicæ pars vocari *sophistica & elenctica*; & tot illius constitui classes, quot sunt instrumentorum Logicorum. Primam classem diximus antehac *athematicam*, secundam & tertiam *acategoreticam*, quartam *anoristicam*, quintam *ameristicam*, sextam *anaxiomaticam*, septimam *asyllogisticam*, octavam *amethodicam*; novis quidem vocabulis, sed tamen ita confectis, ut verè sint didactica.

Canones in genere notentur isti.

1 *Logica non docet fallacias, ut fiant, sed ut deprehendantur & vitentur.*

An de fallaciis in Logica docendum?

Hinc solvitur objectio: Vitium in arte est heterogeneum. Et doctrina fallaciarum in Logicis est heterogenea. Resp. ad antecedens, Vitium, quâ vitium, omninò heterogeneum est in arte; sed quatenus est apparens virtus, h. e. induit speciem virtutis, larva illi detrahenda est; id quod fieri non potest, nisi illius natura in arte explicetur, simulque ratio monstretur apparentiam illam detegendi. Ergo & præcepta malè disferendi, & præcepta solvendi hic tradenda sunt.

2 *Rectum per se est mensura recti, per accidens verò obliqui.*

Id sic patet. Rectum quod est, mēsurare potest aliud, q̃ est rectum: quia nimirum rectum recto congruit. Et hæc est mensura positiva seu affirmativa. Sed & idem rectum mēsurare potest obliquum; sed per accidens, & negativè; quatenus obliquum non est rectum, sed ab eo discrepās. Quare si quis accuratè velit obliquum cognoscere, necesse habet illud opponere recto. Sic enim contraria juxta se posita clariùs elucescent. Hinc solvitur objectio: Si rectum est index sui & obliqui, de fallaciis non fuerit docendum in Logicis. Ratio consequentiæ nulla est: quia scilicet falsi cognitio aliquo modo pendeat ex cognitione veri: tamē falsi cognitio mirum in modum illustrat cognitionem veri juxta canonem illum modò dictum: Contraria juxta se posita clariùs elucescunt. Accedit, quòd ingenium hominis non ita acutum videt, ut possit statim fucum deprehendere. Nam falsum sæpe specie & apparentiâ veri sic occultatur, ut subinde illi, qui sibi videtur Argi & totus oculus, decipiatur. Itaq; quatenus obliquum occultatur apparen-

tiâ recti, ex vero simpliciter cognosci & dijudicari non potest, nisi ratio detegendi fucum sit perspecta.

3 *Doctrina de fallaciis est finita, & certis terminis circumscripta.*

Vulgò dicunt, & rectè dicunt, ὅτι οὐκ ἔστιν ἀπὸ τοῦ πολυζήτου καὶ ἀπὸ τοῦ ἁπλοῦ. Sed hinc quidam minùs rectè colligunt, doctrinam de fallaciis esse infinitam & incertam, ideoq; in arte non tradendam. Nam consequentia nulla est in istâ collectione: quia licet fallaciæ sint infinitæ si spectes individuum; non tamen si spectes genera & classes illarum; quæ disponuntur ratione instrumentorum verorum.

*Cap. 2. Fallacia thematis.*

**F**allacia est vel noëtica, vel dianoëtica.

Fallacia noëtica est, quæ opponitur instrumento disferendi vero noëtico.

Estque vel termini, vel axiomatis.

Fallacia termini est vel thematica, vel categorica.

Fallacia thematica est, quæ circa thema committitur.

Estque vel circa thematis communes affectiones, vel circa ejus species.

Fallacia circa thematis communes affectiones est *μωρολογία*.

*Μωρολογία* *Μωρολογία* est fallacia, quâ thema ineptum proponitur; nimirû vel impium, vel alio modo noxiû.

Huc pertinent omnia illa themata, quæ sunt cōtra pietatem, bonos mores, sensum, experientiâ universale, & prima atq; cōmunissima principia. Hæc solvuntur increpatione seu objurgatione, apodixi seu rejectione, & ἐξέσθηνισμός, nihil *astimatione*. Talia sunt sat multa apud Scholasticos quosdâ. Quoties illa videmus tractari, uti poterimus his formulis: *Est disceptatio de lanâ caprinâ, est blasphemû, quod proponitur, est σκιαμαχία*, quæ dicitur fallacia, quâ sophista cum suâ

ip̄us

ipſus umbrâ colluctatur, vel etiâ diſputat de aſini umbrâ, ut de re nihili. Quâ de re eſt apud Plutarchum, hanc in ſententiam. Adoleſcens æſtatis tempore aſinû mercede conduxerat, ut eo ab urbe (Athenis) Megaram proficiſcens uteretur. Porro meridiè, cùm Sol acriter æſtuaret, & conductor & locator cupiebat ſub aſini umbram ſuccedere. Verùm alter alterum arcebat: cùm hiç diceret, aſinum conductum eſſe, non umbram: rurfus alter qui conduxerat, ſe plenum habere juſ responderet. Huc etiam pertinet proverbium, *de fumo diſceptare*. Sed multi ſunt nimium delicati, qui quamvis ferme ſubtilitatem damnant titulo curioſitatis. Quare ne erres, nota illam regulam: *Themata non ſunt proponenda, quæ nec ſcienti proſunt, nec ignorantibus nocent.*

Fallacia circa thematis ſpecies eſt vel circa thema verbale, vel circa reale.

Fallacia circa thema verbale eſt, quæ in verbis conſiſtit. *Aliàs dicitur* fallacia dictionis, item fallacia verbalis.

Hæc vulgò traduntur in doctrinâ de paralogiſmo ſeu ſyllogiſmo ſophiſtico, contra legem methodi, quæ jubet, ut generalia generaliter doceantur.

Eſtq; vel fallacia obſcuritatis, vel ambiguitatis.

Fallacia obſcuritatis eſt, cùm vel vox aliqua ſimplex, vel integra phraſis eſt obſcura.

Eaq; oritur vel ex inſolentiâ & vetuſtate, vel ex novitate, vel ex improprietate vocum.

*Ex inſolentiâ*; qualis eſt in vocabulo *meriti*, apud Patres orthodoxos, cui Papiſtæ aſſingunt novam ſignificationem. Patres ſiquidem *mereri* accipiunt pro *conſequi*, quando loquuntur de vitâ æternâ. *Ex novitate*; qualis eſt in vocibus quibusdam docendi diſcendiq; cauſâ excogitatis. *Ex improprietate*; qualis eſt in multis vocabulis tropicis.

Fallacia ambiguitatis eſt, cùm vox aliqua eſt ambigua.

Eſtque vel homonymiæ, vel amphiboliæ.

Fallacia homonymiæ eſt, cùm vox aliqua ſimplex eſt ambigua.

Ejus exempla quedam colligamus. Voces ambiguae sunt, *sanctus, ante, vivens, expectare, ῥόγη*. Hinc existunt fallaciae tales. Legati sunt sancti. E. Labienus Caesaris legatus est sanctus. In antecedente *sanctus* ponitur pro inviolabili, seu eo, qui liber est jure gentium ab omni injuriâ. In consequente ponitur pro eo, qui sceleris purus. Sic; Si nulla vacca parit ante, omnes pariunt simul. At nulla parit ante. E. omnes pariunt simul. Vox *ante* in propositione notat tempus, & idem est quod prius. In assumptione partem anticam corporis significat. Item: Non nisi vivens obiit. Imperator Matthias est vivens. E. Imperator Matthias obiit. Est homonymia in voce vivens; quæ in propositione significat eum, qui vivebat: in assumptione eum qui vivit. Potest & ad hoc sophisma sic respondere. Assumptio non assumitur è propositione. Sunt igitur scopæ disolutæ. Nam sensus propositionis est: Is qui obiit, tum obiit, cum esset vivens. Hinc oriuntur 5. termini. 1. Is qui obiit. 2. Obiit vivens. 3. Imperator Matthias. 4. Vivit. 5. Obiit. Sic Proculejus querebatur de filio, quod expectaret mortem patris. Respondebat autem filius: Ego verò non expecto, id est, non in hunc mortem tuam. Ibi pater: Imò rogo ut expectes, hoc est, ne acceleres mortem meam. Ita *ῥόγη* apud Græcos significat & virginem, & oculi pupillam. Hinc Diogenes, cum Didymon, qui vulgò audiebat adulter, curaret oculi virginis, dicebat: Vide ne corrumpas *ῥόγην*. In hujusmodi fallaciis solvendis locum habet jocus. Nam lusus lusu solvi potest. Sic cum Diogeni aliquis ita objiceret: Quod ego sum, tu non es. Ego sum homo. E. tu non es homo: ille faceret regessit: Incipe à me, & vera fuerit conclusio: Quidquid tu Diogenes es, ego non sum. Tu Diogenes es homo. E. ego non sum homo. Fallacia homonymiæ est in voce *sum*, vel in voce *quod*, quæ accipitur vel universaliter pro *Quicquid*, vel singulariter, pro *Illud individuum quod ego sum*. Oritur autem homonymia 1. Ex multitudine significationis; ut cum bona opera dicuntur justificare. 2. Ex Orthographiâ; ut si veritas & feritas confundantur. 3. Ex Etymologiâ; ut populus pro multitudine hominum & pro arbore. 4. Ex Prosodiâ; ut si quis leporem & leporem confundat.

Fallacia amphiboliæ est, cum integra phrasibus dubium sensum admittit.

Dicimus:

Dicimus potiùs amphibolia quàm amphibologia. Nam veteres Græci dixerunt tantùm ἀμφίβολον & ἀμφιβολία, à verbo ἀμφιβάλλω. Nam ἀμφιβολία ex eo dicitur, quòd oratio in duas quasi sententias conjiciatur. Alii existimant amphiboliam sic dici, quòd duæ voces, quæ tertiam aliquam ambiunt seu circumstant, alia in locum alterius trajiciatur: ut,

*Ajo te Æacida Romanos vincere posse.*

Hic vox te, & vox Romanos, circumstant vocem posse vincere: & utraq; earum potest vel ante, vel post illam collocari. Verùm nos latiùs extendimus vocabulum hoc, secuti non ignobiles Logicos. Cæterùm hæc fallacia est in conjunctis verbis, & oritur vel ex vocum obscuritate & ambiguitate, vel ex vitiosâ compositione & divisione, vel anticipati constructione & distinctione. e. g. Vulgo dicitur: Res sacræ in bonis nullius sunt. Hic phrasis est ambigua nullius esse. Non est hic sensus, quòd res sacræ sint omnium, seu communes: sed quòd non cadant sub commercium humanum & usum privatum. Sic amphibolia est Act. 3. v. 21. quem oportet cælum capere. Græcus textus sic habet: ὃν δὲ θεὸς ἔρευνον μὴ δέξασθαι, id est, δὲ ἵνα ὁ θεὸς δέξηται αὐτὸν, τὸν χεῖρόν. Est itaque inversio constructionis in pronomine relativo. In illo: Binarius & ternarius sunt numerus par & impar: Quinarius est binarius & ternarius: Ergò quinarius est numerus par & impar: est fallacia compositionis & divisionis. Est enim alia sententia in verbis disjunctim sumtis in majore, alia in conjunctim sumtis in minore. Huc pertinet & illud, quo filius parenti rudi volebat persuadere sex ova esse apposita, cùm duntaxat essent tria: Hic sunt tria ova, & unum, & duo. Ergò sunt sex. Hic etiam locum habet solutio jocularis & aculeata, qualem pater ille dedit filio. Ego, inquit, cum matre tuâ tria illa, quæ gallina peperit, ova comedam. Reliqua tria tu tibi habeto solus. Est tamen etiam fallacia compositionis & divisionis in rebus, de quâ infrâ. Hujus loci est solùm illa, quæ est in verbis. Amphibolia ex neglectâ distinctione syntacticâ est in illo, εἰς καὶ μέγας χεῖρας, quo Porpis Rhodius citharædus fuit notatus. Hic nisi inter voces singulas commata interponas, sententia videtur dicta in piscem; cùm tamen dicta sit in citharædum,



qui erat *nullus*, hoc est, nihili homo, *malus magnus*, hoc est, ingenti corporis mole, *piscis*, hoc est, mutus instar piscis. Aliis dicitur *amphibolia ex syntaxi*; ad quam refer pleraque oracula seu responsa dæmonis: ut, Ibis redibis nunquam peribis. Huc quidam referunt illud: Quod vidisti Titium percuti, eod percussus est. Atqui oculus est, quo vidisti Titium percuti; vel, oculis vidisti eum percuti. Ergo Titius oculo percussus est, non gladio. Sed hoc exemplum referri debet ad homonymiam; ita ut dicatur vocula *quo* aliter accipi in propositione & assumptione.

Fallacia circa thema reale est, quæ in rebus consistit.

Estq; vel falsitatis, vel ἐπεροζητήσεως, vel πολυζητήσεως.

Fallacia falsitatis est, cùm falsum thema assertur:

Ut cùm Papistæ in verbis cœnæ, Hoc est corpus meum, per pronomen *hoc* dicunt demonstrari vagum individuum: alii Papistæ aliud. Novem enim sunt discrepantes illorum interpretationes.

Fallacia ἐπεροζητήσεως est, quando thema alienum assertur, *h. e. tale, quod nihil ad rem facit.*

Dicitur etiam *elenchus alieni*, quem qui committunt, habentur bis ridiculi. Hâc de re Lucianus intelligendus est, dum refert, quod Demonax conspectis duobus philosophis pariter indoctis, quorum alter ridiculas quæstiones proponeret, alter aliena, neque quicquam ad rem facientia responderet, dixerit: Quid, amici? Annon horum alter hircum mulgere videtur, alter cribrum supponere?

Fallacia πολυζητήσεως est, cùm diversa themata confunduntur.

Possunt quidem themata multa proponi, verbi gratiâ, tria in unâ concione, sed cavendum est, ne confusio sequatur velut à tergo incautum.

*Cap. 3. Fallacia argumentorum consentaneorum.*

**F**allacia categorica, vel si malis, categorica est, quæ circa categorias (*sive argumenta*) committitur.

Dicitur vulgò *fallacia non argumenti ut argumenti*, item, *elenchus seu paralogismus falsi argumenti*.

Estq; circa argumenta simplicia, vel complexa.

Fallacia circa argumenta simplicia, est vel circa argumenta communia, vel circa propria.

Nolumus fallacias immiscere præceptis de instrumentis veris: quia nos docuit experientia, melius imprimi distinctis impressionibus præcepta de instrumentis veris & de apparentibus.

Fallacia circa argumenta communia est vel consentaneorum, vel dissentaneorum, vel comparatorum, vel ortorum, vel testimonii.

Fallacia consentaneorum est causæ, causati, subjecti, adjuncti, antecedentis, consequentis & connexorum. (specie.

Fallacia causæ consideratur vel in genere, vel in

In genere fallacia causæ est cum pro causâ ponitur, quæ causa non est. Fallacia causæ.

Dicitur fallacia *ἑὸν αἰτίαν ὡς αἰτίαν*, h. e. *non causa ut causa*.

1 Elenchus seu fallacia finis est, cum pro fine ponitur qui non est:

Ut, Deus frustra invocatur, quia scit etiam si nos non precemur, quibus indigeamus. Falsus hic est finis precum; cum sint alii veri, videl. Dei gloria, nostra proximiq; salus. Talem elenchem committunt Papistæ, cum dicunt, Ecclesiam à Deo in terris esse constitutam, ut sit iudex supremus controversiarum religionis.

2 Fallacia efficientis est, cum pro efficiente ponitur quæ non est. *Sic est elenchus causæ*

*Procreantis*, quando pro causâ procreante habetur, quæ non est. Talem elenchum commiserunt Judæi *Joh. 8. v. 41.* gloriantes se Deum habere patrem, cum haberent patrem Diabolum. Papistæ justificationis causam dicunt baptismum.

*Conservantis*; ut cum quis putat bonam valetudinem conservari immodicis exercitiis à cibo sumto.

*Corrumpentis*; ut cum quis putat, manè surgendo labefactari bonam valetudinem.

*Impellentis*; ut cum Epicurei dicunt, se peccare decreto & providentiâ Dei; & cum Papistæ asserunt, verbo Dei credendum esse propter Ecclesiæ auctoritatem.

*Instrumentalis*; ut cum dicunt nonnulli, Christum fuisse instrumentum Patris in creatione.

*Per accidens*; ut cum quis dicit, se ab alio coactum fecisse aliquid, cum tamen plenâ lubentiâ fecerit; vel cum quis prætendit, per imprudentiam aliquid à se factum, quod fecit de industriâ.

3 Fallacia materiæ est, cum pro materiâ ponitur, quæ non est:

Ut, cum verbi Dei materia dicitur esse litera & atramentum. Nam verbi Dei materia sunt præcepta, promissiones &c. sed quâ scriptum est, illius materia sunt literæ & syllabæ. Vocatur alio nomine error *παρεξ την μη ύλην, ως ύλην.*

4 Fallacia formæ est, cum pro formâ ponitur, quæ non est:

Ut, cum Papistæ charitatem statuunt formam fidei, cum sit fidei effectum.

Fallacia causæ in specie, est alia atq; alia secundum quatuor causarum genera. Itaq;

Fallacia finis in specie est:

1 *Cum finis confunditur cum causâ impellente*: Ut, Si quis misericordiam, pretium, prodigalitatem numeret in finibus, quæ sunt causæ impellentes. Nam misericordia movet, verbi gratiâ, Deum ut nos elegerit in Christo; pretium movet venditorem ut vendat; prodigalitas movet judicem,  
ut det

ut det tutorem. 2. *Cum finis voluntarius alligatur ad media arbitraria: ut, Abit Francofurtum nundinarum gratiâ.* Ergo emet sibi libros. 3. *Cum à positione unius finis argumentatio fit ad remotionem aliorum: ut, Ille in studiis suis spectat gloriam Dei. E. non spectat divitias.* 4. *Cum finis non adequatus ponitur pro adequato: ut cum finis Logicæ statuitur philosophiæ, non autem theologiæ, melior cognitio.*

### Fallacia causæ efficientis in specie est:

1. *Cum alicujus rei una constituitur causa, cum sint, vel possint, vel debeant esse plures.* Dicitur elenchus causæ insufficientis, item, fallacia ab enumeratione causarum non sufficiente: ut, Deus potest hoc facere. E. est. Non sequitur: quia non solum requiritur Dei potentia, sed etiam voluntas. Sic non est consequens: Habet multos libros. E. evadet doctus. Nam causæ insufficientes tanquam efficaces assumuntur. Nec valet: Non est doctus. E. non habuit fidelem præceptorem. Papistæ credunt omnia, quæ sunt in symbolo Apostolico. E. sunt vera Ecclesia. Sic non sequitur: Naturâ disserit & præceptis adjuvatur. E. est bonus Logicus. Nam etiam opus est exercitatione. 2. *Cum causa sine quâ non assertur pro verâ causâ.* Aristoteles 2. posteriorum, ut quidam volunt, vocat *πᾶσι πρὸς τὸ*, id est, non propter hoc, non hujus causâ. Sed nobis videtur, philosophum his verbis exprimere fallaciam non causæ ut causæ in genere. Sic si quis symbolum datum à quæstore dicat causam veram transitus, committit elenchum causæ sine quâ non, ut causæ veræ. 3. *Cum ponitur efficiens non adequata pro adequatâ: ut, Hic non est ignis. E. nec calor.* Non sequitur: quia ignis non est adequata causa caloris, sed etiam sol & motus. 4. *Cum à negatis causis adjuvantibus negatur effectum: ut, Deus non habuit ministros & instrumenta.* Ergo non potuit condere mundum. 5. *Cum à causâ voluntariâ argumentamur necessariò: ut, Deus ab æterno fuit causa potens seu virtute. E. & mundus fuit ab æterno, seu fecit mundum sibi coæternum.* 6. *Cum ea, quæ ex accidenti insunt causæ, in effectum transferuntur: ut, Orator est improbus. E. & oratio est improba.* Orator est homo, loquitur, cibo, & potu eget. E. & oratio est homo, loquitur &c. Orator reprehenditur in vitâ. E. & ora-

tio est reprehensibilis. Hæc non sequuntur. Ratio: quia conveniunt oratori non ut oratori, sed ex accidenti, quâ homo est. Hinc regula: *Ea, quæ per accidens causâ tribuuntur, in effectum cadere non est necesse.* 7. *Cum causâ universalis cum singulari, univoca cum æquivocâ confunditur:* ut, Deus creavit hominem. Ergo & homo est Deus. Non sequitur: quia Deus est causâ hominis æquivoca & universalis. Nec hoc sequitur: Sol producit ranam. Ergo rana est Sol. Nam canon ille: *qualis causâ, tale causatum:* valet in particularibus & univocis causis; ut, homo generat hominem. 8. *Cum relatio quæ causâ adjacet, confunditur cum relatione quæ adjacet effecto:* ut, Est pater. Ergo genuit patrem. 9. *Cum à causâ per accidens argumentamur tanquam à causâ per se;* seu, cum sumitur accidentarium pro causâ per se: ut, religio est causâ everfionis Rerumpublicarum; eloquentia pervertit jus & justitiam. Hic religio & eloquentia non sunt causæ per se illorum incommodorum, sed ex accidenti, quatenus nimirum homines malitiosè illis abutuntur ad perniciem aliorum. Hic solet responderi: *Tollatur abusus, maneat usus: A causâ per accidens ad causam per se non valet consequentia: Substantia rei distinguatur ab accidentibus.* Item,

*Usus habet laudem, crimen abusus habet.*

Huc pertinet causâ fictio, quæ Græcis dicitur *χρῶμα*, color, *χρῶμα πολιτικὸν ἔλεγε*, cum rei injustâ speciosa causâ prætextitur, pallium politicum, translatio causæ &c. ut cum Demades accusatus, quod decretum scripsisset inhonestum, de petendâ pace ab Alexandro, respondit, non suo stylo, sed Alexandri hastâ hoc decretum scriptum esse.

Fallacia materiæ in specie est, cum ex materiâ arguitur necessariò materiatur:

Ut, Adest aurum. Ergo & annulus aureus. Adest farina. E. & panis. Si materia sit, res effici potest, ait Logicus; non necessariò est. Ratio hujus: quia materia est radix potentia. Itaq; potiùs materia negata evertit effectum, quàm affirmata illud ipsum affirmat: ut, Panes pinsi non possunt; quia deest farina. Aureus annulus fieri non potest; quia deest aurum.

Falla-

## Fallacia formæ in specie est:

1. *Cum forma generica cum specificâ confunditur*: ut, Socrates est animal. Ergo est risibilis. Homo est corpus. Ergo sentit. Hic animalitas & corporeitas statuuntur formæ, è quibus emanent effecta illa propria; cum risibilitas emanet ab hominis formâ, & non sentire non à corporis, sed animalis formâ. 2. *Cum à positione unius formæ, ut generalis, totalis, vel substantialis argumentamur ad remotionem formæ specialis, partialis, vel accidentalis*: ut, Hominis forma est humanitas. E. non anima rationalis. vel, Anima est forma hominis. E. non humanitas. Utrumq; est verum. Anima est forma partialis, humanitas est forma totalis &c.

## Fallacia causati est:

Fallacia  
causati.

1. *Cum pro causato vero ponitur ementitum & falsum*: ut, cum peccatum dicitur à Deo oriri; cum Diabolus per-suasit protoplastis optabilia fore effecta comestionis fructus vetiti. 2. *Cum adjunctum rei dicitur esse ejus effectum*. Hæc fallacia est confusio disparatorum: ut quando non ridere confunditur cum risibilitate, non sentire cum facultate sentiendi. 3. *Cum effectum rei adventitium seu accidentarium ponitur pro proprio*: ut, si quis concludat vinum esse malum ex eo quod inebriati multa peccet. Vini proprium effectum est sitim restringere & lætificare cor hominis; accidentarium verò, inebriare. Hic notetur illud Logicorum: Uni alicui rei, quæ est causa per se sui effectus, possunt accidere varia, quorum respectu dicitur causa per accidens; quemadmodum ait philosophus 2. physic. cap. 3. ἀπὸ τοῦ ἐν ὁμολογίᾳ. Itaque abusus non sunt proprii causarum per se effectus, sed sunt effectus illarum per accidens. Atque hæc est fallacia effecti, quæ solvitur, demonstrato illo, quod non est effectum, pro effecto. Quod diximus de effecto, tu accipe idem de materiato, formato, & finito.

## Fallacia subjecti est:

Fallacia  
subjecti.

1. *Cum subjectū dicitur esse recipiens in se vel ad se, itē occupans q non est*: ut, cum panis eucharisticus statuitur subjectū recipiens in se corpus Christi. Est enim subjectū recipiens ad



se sacramentaliter, hoc est, recipiens ad se significationem corporis Christi. Potest etiam alio respectu dici, corpus Christi esse subjectum (est enim signatum) & panem esse adjunctum, quippe signum. Sic cum Papistæ Ecclesiam catholicam gloriantur esse Romæ, ubi est ecclesia Antichristi. Sic cum Ethicæ objectum dicitur Evangelium de Christo, est elenchus objecti; cum inventio & dispositio statuuntur objectum partiale Rhetoricæ, cum sint objectum Oratoriæ, quæ omninò distincta est à Rhetoricâ. 2. *Cum non adequatum subjectum, siue sit recipiens, siue occupans, ponitur pro adequato*, hoc est, latius vel angustius pro proprio: ut, Si deitas statueretur subjectum passionis, quæ est *ιδιωμεν* carnis; si ecclesia Theologiæ, terra Geometriæ, syllogismus Logicæ objectum adequatum diceretur. 3. *Cum subjectum denominationis confunditur cum subjecto inhesionis, subjectum quod cum quo, vel contrà*: ut si quis dicat, *λόγος* esse in se reverâ passum, quòd caro sit passa; vel si neget aliquis carnem esse passam, eò quòd *λόγος* non sit passus. Nam humana Christi natura ut non per se subsistit, sed in verbo: ita non est id quod primò sustinet *τὴν πύθιν*, sed verbum ipsum; tamen illa in naturâ humanâ inhæreant. Verbum igitur est subjectum denominationis, humana natura inhesionis. E. utrumq; rectè dicitur; Verbum est passum, Humana natura est passa. 4. *Cum subjectum esse dicitur, quod est species*: ut cum homo dicitur subjectum adequatum animalis.

Fallacia ad-  
juncti.

Fallacia adjuncti est:

1. *Cum rei tribuitur adjunctum aliquod, quod ei non convenit*: ut, Cum cælum dicitur rubere, quod convenit nubibus; cum calor dicitur calidus, quod convenit igni. 2. *Cum quod effectum rei est, statuitur ejus adjunctum*: ut si quis dicat, edere & bibere esse adjuncta animalis, creare esse adjunctum Dei. 3. *Cum communia adjuncta assumuntur tanquam propria, & imperfectè propria tanquam perfectè talia*: ut, Ille studiosus pallet. E. diligenter studet. Hunc errorem errant Papistæ, cum amplitudinem, continuam habere successionem, esse visibilem &c. statuunt notas proprias Ecclesiæ catholicæ. Sic ustio à quibusdam tribuitur igni tanquam perfectum proprium, cum sit imperfectum, uti vocant, quod tamen

ramen rectius dicitur effectum. Nam uſtuitas, ut ita dicam, ſeu *δύναμις* urendi eſt adjunctum ejus perfectè proprium. Dico uſtuitas. Hæc enim eſt facultas *ενεργητική* urendi. At uſtuitas eſt facultas urendi *παθητική*, hoc eſt, adjunctum corporum, quæ uri poſſunt. 4. *Cum externum πῶς pro interna affectione ponitur* : ut, videri pro viſibilitate. 5. *Cum acceſſorium pro nativo adhibetur* : ut cùm eruditio homini tribuitur eſſentialiter. 6. *Cum uno atque altero adjuncto ſumtis, quorum vis eſt imbecilla, neceſſarium concluditur* : ut, Habet barbam magnam, & gerit veſtem longam. Ergo eſt philoſophus. Eſt unius uxoris maritus. Ergo eſt epiſcopus. Hic eſt dives & formoſus. Ergo eſt beatus. Hic pro ſufficienti adjuncto ponitur, quod eſt inſufficientis. 7. *Cum adjunctum adequatum confunditur cum inadecuato* : ut, cùm viſus tribuitur oculis tanquam adjunctum adequatum, cùm tribui debeat homini.

### Fallacia antecedentis & conſequentis eſt:

1. *Cum antecedentia & conſequentia confunduntur cum cauſis & effectis*: ut cùm dico, Ex puero fit vir, non dicendum eſt, puerum eſſe materiam viri, ſed antecedens. 2. *Cum antecedentia vel conſequentia dicuntur, qua non ſunt*: ut, ſi purgatio animæ in purgatorio dicatur neceſſarium antecedens gloriæ in vitâ æternâ; cùm uſtio dicitur neceſſariò conſequi ignem. Sic cùm dies dicitur eſſe prior aurorâ, & reſiſtencia poſterior remiſſione peccatorum.

Fallacia antecedentis & conſequentis.

Fallacia connexorum eſt, cùm connexa pro non-connexis, vel contrà non-connexa pro connexis habentur:

Fallacia connexorum.

Ut cùm dico, Anima hominis poteſt ad tempus informare lupum. Hoc falſum eſt; quia forma æquè latè pater atque formatum, ita ut viciffim retrò forma & formatum inter ſe commeent. Itaque abſolutè neceſſaria eſt connexio inter hominem, quamdiu in vivis eſt, & animam rationalem. Itaque Diabolus facinat homines, qui *αυγαθόπυς* ſe eſſe exiſtimant. Contrà inter cauſam procreantem & effectum procreatum non ſemper neceſſaria eſt connexio. Non igitur ſequitur. Procreans eſt. Ergo & effectum eſt: ut, Mas & femina vivunt in legitimo matrimonio. Ergo

liberos habent. Validiùs itaque ab effecto procreato ad causam procreantem disputatur: ut, liberi existunt. Ergò è mare & foeminâ existunt. Si verò necessaria est procreantis & procreati connexio, utrinque æquè validè disputatur: ut, quia fides & Spiritus sanctus regenerans necessariò connexa sunt, ab utroq; ad alterum rectè disferitur: ut Spiritus sanctus regit Davidem. Credit igitur: & vicissim, Credit Spiritu sancto igitur regitur. Sol ortus est. Dies igitur: & Dies est. Sol igitur ortus.

*Cap. 4. Fallacia argumentorum dissentaneorum.*

**F**allacia dissentaneorum juxta singulas illorum species sic habet:

Fallacia diversorum.

**I. Fallacia diversorum est:**

1. *Cum pro diversis ponuntur, quæ sunt prorsus eadem:* ut, si quis dicat, hunc esse jurisconsultum, & tamen non esse æquitatis consultum; hunc esse physicum, & tamen non esse naturæ consultum. 2. *Cum pro diversis ponuntur quæ sunt opposita:* ut, si quis dicat sanitatem & morbum esse diversa. 3. *Cum diversa habentur pro oppositis:* ut, Ennius fuit fidei plenus. Ergò non fuit dives. Hæc consequentiâ nulla est: quia dissenso diversorum est levissima. Non enim infectâ & insitâ naturâ, sed tantum ratione alicujus subjecti, putâ personæ vel rei incidentis, dissentiunt. Quapropter quamvis simul non sint, esse tamen possunt: ut, forma & facundia ratione Ulyssis, in quò simul non fuerunt, considerantur ut dissentanea tantum; ratione autem Demosthenis vel Penclis (fuerunt enim illi & disertis & formosi) inter se quidem dissentiunt, sed in subjecto consentiunt. Talis elenchus est, cum aulicus negatur esse pius.

Fallacia oppositorum.

**II. Fallacia oppositorum in genere est:**

1. *Cum pro oppositis ponuntur quæ non sunt, opposita, sed vel consentanea, vel diversa, vel subordinata:* ut, cum doctus & improbus, formosâ & pudica dicuntur opposita, quæ sunt diversa. Sic, si quis dicat, philosopho aut theologo non convenire esse oratorem, opposita dicit, quæ sunt consen-

consentanea ratione certi subjecti. Sic si quis dicat esse opposita, Socratem & philosophum, Homerum & poetam, imperatorem & maritum, Crassum oratorem & senatorem, divitem esse & bonum esse. Non sequitur: Cicero est homo. E. non est philosophus. Nam homo & philosophia sunt diversa, sed ita conjunguntur in Cicerone, ut unum faciant per accidens, sintq; unum & idem subjecto. Non sequitur: Uxor est. E. virum amat. Nam nō verum est correlatum. Nec consequens indicat antecedentis necessitatem, cum etiam pelli- ci convenire possit. Huc pertinet *fallacia ex ignoratione elen- chi*, ἀγνοια ἔλENCHY. Hic observa, ignorationem elenchi duobus modis accipi. Nam in genere *ignoratio elenchi* di- cipoteft quælibet fallacia. Ratio: quia elenchus bonus di- citur quælibet argumentatio bona, sicut elenchus captio- sus dicitur quælibet argumentatio vitiosa. Vide 1. *Topic. cap. 1.* Quod si hoc modo in generali & latâ significa- tione accipiat, omnes fallaciæ ad ignorationem elenchi, tanquam ad commune domicilium revocari possunt. Sed accipitur etiam strictè, ut hoc in loco: & ita ignoratio elen- chi est argumentatio sophistica, in quâ sophista præter- mittit aliquam conditionem, quæ ad elenchi veri con- stitutionem est necessaria, sive ignoret ipse, sive is quem decipit. Verus autem elenchus in specie dicitur syllogi- smus contradictionis de unâ & eadem re ratione ejus- dem, ad idem, eodem modo, & eodem tempore; quæ sunt conditiones legitimæ oppositionis. Ignoratio elen- chi committitur in his exemplis: In crepusculo sunt te- nebræ. Ergo non lux. Hic contradictionem tollunt gra- dus; sicut etiam aqua tepida dicitur & calida & frigida. Filius Dei est immortalis. Ergo non est mortuus. Hic confunduntur partes proprietatibus distinctæ, vel potius quasi partes. Immortalis est Filius Dei secundum deita- tem, & secundum animam, mortuus secundum carnem. Bellum est destinatum paci; quia suscipitur propter pacem. E. non est adversum paci. Hic tollitur discrimen temporis. Bellum est destinatum paci futuræ, quo sensu bellum legiti- mum dicitur esse pax quæ sita, in officiis Ciceronis: sed bellū adversum est paci præsentī. Talem elenchū commiserunt Ju- dæi Joh. 8. v. 57. *Quinquaginta annos nondū habes, & Abra-*

*hamum vidisti?* Scilicet opinabantur Christum esse *ψιλλὸν ἄνθρωπον*. Talem elenchum committunt Antitrinitarii: Christus est minor Patre. Ergò non est Deus. 2. *Cùm opposita mediata confunduntur cum immediatis*: ut, Stola hæc non est nigra. Ergò est alba. Non est arbor. Est igitur lapis. Lapis non est videns. Ergò est cæcus. Hic inter nigrum & album est medium per *μεθεξιν*, participationem: inter arborum & lapidem est medium per *ἀποφασιν*, negationem: inter videre & cæcum esse est medium per *συναπόφασιν*, simul negationem utriusque. 3. *Cùm oppositio fit, non juxta propria, ut differentias, sed juxta genus aut communia accidentia*. Vulgò dicitur: Vitiosa est ἡ ἐπὶ τὰ αὐτὰ (sive τὰ αὐτὰ) ἀκολούθησις, id est, consecutio directa, seu ad eadem consecutio: ut, Homini à naturâ tributum est, ut se, vitam, corpusq; defendat. Ergò non leoni. Prodigalitas est vitium. Ergò non avaritia. Calor nimius incendit vulnus. E. frigus non incendit. Pater est literatus. Ergò filius non est literatus. Qui videt, vivit. Ergò cæcus non vivit. Justitia est virtus. Ergò quod non est justitia, non est virtus. Oppositis enim tribui potest idem (videlicet, quod ipsis commune est) etsi opposita eidem tribui non possunt. Ergò fieri potest, ut contraria idem consequantur, & quod uni convenit, alteri quoque conveniat. Hæc notanda sunt, ut scire possis quomodo valeat *argumentum à contrario sensu*, itemque illa regula Ciceronis: *Contrariorum contraria sunt consequentia*.

Fallacia cō-  
tradicientiū.

III. Fallacia contradicentium est, cùm oppositio non fit inter contradicentia, nec immediate:

Ut si opponantur justitia & prudentia tanquam contradictoria; vel justitia & injustitia. Illa enim non sunt contradicentia, sicut nec hæc. Non immediata oppositio est inter res genere diversas, ut inter unum & non-bonum. Nam unum & non-unum sunt contradicentia. Est quidem oppositio inter unum & non-bonum, sed non contradictoria. Nam omnis contradictoria oppositio immediata est.

Fallacia re-  
latorum.

IV. Fallacia relatorum est:

1. *Cùm tanquam relata opponuntur, quæ non sunt relata opposita*: ut, Filius in divinis non est à Patre; quia est à se ipso. Nam Filius & Deus non sunt relatè opposita; sed Fi-  
lius &

lius & Pater. Non igitur sequitur. Filius Dei est genitus à Patre. E. non est Deus à seipso. Sed hoc sequitur: E. Filius, quâ Filius, quoad personam, non est à seipso. 2. *Cum relatio confunditur cum modo considerationis absoluto*: ut, Relata sunt simul naturâ. E. Philippus non extitit prior in rerum naturâ quàm Alexander. Hic affectiones personarum relatæ confunduntur cum affectionib. absolutis. Metaphysicus diceret, essentiam absolutam confundi cum respectivâ, vel contrâ. Relata igitur sunt simul naturâ & tempore, quâ relatarur, Si adolescens mulier, videl. Martia, nubat scni, ut Catoni; persone quidem ipsæ tempore sunt inæquales, non tamen ipsarum affectiones relatæ. Non enim Cato ante fuit maritus quàm Martiam duxisset, quamvis diutius homo fuerat; nec Martia uxor, quàm ubi nupisset Catoni. 3. *Cum relationis subjecta confunduntur*: ut, David rex fuit pater. E. fuit pater Nathanis. Non sequitur, sed hoc: David rex fuit pater Salomonis. E. Salomon fuit illius filius.

V. Fallacia contrariorum seu adversorum est: Fallacia contrariorum.

1. *Cum confunduntur mediata cum immediatis*: ut in genere diximus ad fallaciam oppositorum. 2. *Cum gradus remissi confunduntur cum intensis*: ut non valet: In Davide est fiducia & gaudium auditâ consolatione. Ergò non est in eo trepidatio. Electi sunt regeniti. Ergò in illis non est lucta carnis & spiritus; quæ est Socini argumentatio. Nam utrumque simul esse potest in gradibus remissis: quia videlicet electi sunt regeniti imperfectè, ita ut pars regenita non tollat partem non-regenitam, licet edomet. Nam peccatum non est in sanctis quoad dominationem: unde peccatum rectè dividitur in regnans & non-regnans. Exemplo nobis sit Paulus, qui hanc luctam carnis & spiritus describit ad Rom. 7. ubi loquitur de se jam renato.

VI. Fallacia privantium est:

Fallacia privantium.

1. *Cum tanquam privantia ponuntur, quæ privantia non sunt*: ut, Ille bibit de nocte. E. non de die, vel contrâ: Bibit de die. E. non de nocte; cujusmodi lusus est in illo Martialis:

Nocturno foetere mero qui credit Acerram,  
Fallitur, in lucem semper Acerra bibit.



2. *Cum confunduntur gradus*: ut, Ille est doctus. Ergo non est indoctus. Non sequitur: quia privatio & habitus aliquando in gradibus remissis coincidunt. 3. *Cum sumuntur subiecta per naturam inepta*: ut, Lapis non est doctus. E. est indoctus. Mensa non est caeca. E. videt. Hic ἀλογον est defectum seu privationem alicujus alicui tribuere, quod κατὰ φύσιν habere nequit.

Fallacia disparatorum est, quando separantur, quæ disparata non sunt:

Ut, Christus est homo. Ergo non est Deus. Nam hic duo ista, Deus & homo per gratiosam *εισρομίαν* in Christo non sunt disparata, sed diversa, vel subiectum, vel adjunctum.

### Cap. 5. Fallacia argumentorum comparatorum.

**F**allacia argumentorum comparatorum succedit. *Estq;*

Fallacia  
parium.

I. Parium seu non parium ut parium; cum tanquam paria ponuntur quæ paria non sunt:

Ut, Viris eloquentibus & Jurisperitis patet aditus ad omnes honorum gradus. Ergo etiam Grammaticis patebit. Christus est invocandus. E. & Maria, illius mater gloriosa. Mala opera damnant. E. bona salvant. Gubernatores provinciarum vocant se proreges. E. & Papa se potest dicere vicarium Christi. Diluitur hic elenchus, cum monstratur impar ratio, seu imparitas.

Fallacia im-  
parium.

II. Imparium, seu non imparium ut parium:

1. *Cum ut imparia ponuntur, quæ sunt paria*: ut, cum ars boni Imperatoris præfertur arti boni oratoris. Est enim in utrâq; par dignitas, ut placet Ciceroni. 2. *Cum comparantur impariter, quæ sic comparari non possunt*: ut, si gladius dicatur acutior, quam ultima lyra chorda. Nec valet: Johannes est ebrius propter vinum. E. vinum magis est ebrium. Nec hoc: Ignis est calidus propter calorem. E. calor est magis calidus: vel, Martyres dolore afficiuntur propter ignem. E. ignis majore cruciatur dolore. Nā in primo exemplo non acutum dicitur de utroq; æquivocè. In secundo & tertio offertur tertium,

quod

quod uni extremorū non convenit, ut ebrietas non convenit vino, calidum esse convenit corpori, nō accidenti, & cruciari non convenit nisi animali. Est igitur fallacia comparationis, & quidem ex non minori tanquam minori, quā violatur canon: *Cui nō convenit absolutum, ei etiam nō convenit gradus comparativus vel superlativus.* Vulgo dicunt fallaciā à positivo ad cōparativum. 3. *Cum pro maiore habetur, quod minus non est:* ut, cū sacramenta verbo Dei præferuntur, & virtus intellectualis morali. Sic Pharisei pluris faciebant aurum templi, quā ipsum templum, & munus super altare, quā ipsum altare, *Matth. 23. v. 16.* 4. *Cum pro minore habetur, quod minus non est:* ut cū fides dicitur minor charitate, & Imperator comparatur Lunæ, Papa Soli.

### III. Similium:

Fallacia similium.

1. *Cum similitudo manifestè claudicat:* seu cū pro similibus habentur, quæ planè dissimilia sunt: ut, *Qui* aurem aliquis tetigit, totum videtur eum tetigisse. E. qui dolum vini aperuit, & parū vini inde abstulit, totum abstulisse dicitur. Ita Papa falsò se comparat Soli, Imperatorē Lunæ. Pontificii S. Scripturā blasphemè comparant cereo naso, regulæ plumbeæ, fabulis Æsopi, cothurno &c. 2. *Cum tanquam similia ponuntur, quæ sunt eadē, paria, vel imparia:* ut, si Pater & Filius in divinis dicantur ὁμοῖοι, non autem ὁμοούσιοι. Sic, si quis dicat hoc esse argumentum à simili: Bestiæ suos partus diligunt. E. & parentes diligere debent suos natos. Est enim argumentum à minori. 3. *Cum similitudo colorata, h. e. parum efficax, quæq; plus dissimilitudinis habet, ponitur pro plenā:* h. e. cū similitudo est obscurior, quā ut possit esse illustrando. Tales sunt illæ quorundā Scholasticorum: *Quemadmodū* equus est utilis ad itinerandum: ita Logica est utilis ad disputandum: *Quemadmodum* ignis se non comburit, sed alia: ita sine Logicā sciens ignorat se scire: *Quemadmodum* ignis comburens suæ combustionis ignorat causam: sic credentes aliquid scire sine Logicā, causam sui sciiti ignorant: *Quemadmodum* cygnus suum æmulum habet aquilam, murem elephas: sic Dialectica habet suos æmulos. Referrī huc possunt septem congruentiæ Durandi, quibus probare vult septem esse sacramenta: Septem sunt planeta, septem artes liberales &c. Ergo sunt septem Sacramenta.

4. *Cum similitudo falsò accommodatur, & citra scopum atque mentem authoris: ut, cum pascere à Pontificiis ponitur pro dominari. Sic enim explicant illud Christi ad Petrum: Pasce meos agnos. Johan. 21. v. 15. Sic cum 1. Timoth. 3. versu 15. Ecclesia dicitur columna & stabilimentum veritatis: Pontificii colligunt, authoritatem S. Scripturæ pendere ab authoritate Ecclesiæ. Committunt elenchum similem. Nam Apostolus hoc vult: Quemadmodum magnifica domus stabilitur & conservatur columnis suis: sic S. Scriptura, seu veritas cœlestis, in solâ Ecclesiâ conservatur. Quemadmodum igitur columnis semotis domus collaberetur: ita Ecclesiâ sublatâ è medio, tolleretur è mundo cœlestis veritas, utpote quæ extra Ecclesiam nullum habet locum. Hunc esse scopum illius similitudinis, patet ex regulâ: *Scopus loci aestimatur primariò ex naturâ rei, de quâ agitur.* Oportet igitur naturam veritatis cœlestis, & Ecclesiæ, de quâ utrâque hîc agitur, perspicere. Nam contra naturam rerum si sit *οἰκτος*, est *οὐκ ὀκτός*. Jam verò hæc est natura veritatis cœlestis, ut ad Ecclesiam se habeat tanquam causa instrumentalis ad effectum, tanquam definiens ad definitum. Nam Ecclesia definiri non potest sine verbo Dei: at verbum Dei definiri potest sine Ecclesiâ, quatenus illud consideratur à priori. Uno verbo: Verbum Dei est prius Ecclesiâ. Ergò non pendere potest ab Ecclesiæ authoritate.*

Fallacia dissimilium.

#### IV. Dissimilium:

1. *Cum dissimilia putantur, quæ non sunt:* ut, cum paria, imparia, similia, diversa vel contraria pro dissimilibus habentur. Talem elenchum committunt, qui contendunt corporis Christi dissimilem esse rationem quoad essentiam, & aliorum hominum: item dissimilem esse rationem quoad essentiam corporis Christi in statu exaltationis & in statu exinanitionis. Confusio diversorum cum dissimilibus hîc est frequentissima: ut, cum pietas & eruditio habentur pro dissimilibus, quæ tamen sunt diversa. Sic autem discernes. Dissimilia sunt, cum res binæ in dispari tertio comparantur, ut, sapiens & luna in mutabilitate. Diversa autem sunt, cum absoluta rerum disensio (nimirum levis illa) spectatur sine comparatione. Huc accedit, quòd sæpè diversorum alterum negationem significet; dissimilium

verò

verò neutrum. Nam hîc tantùm dissimilis duorum comparatorum affectio significatur. 2. *Cùm major inter res intercedit similitudo, quàm dissimilitudo*: ut, cùm homo dicitur dissimilis magno mundo. Est enim major similitudo inter hominem & magnum mundum, quàm dissimilitudo; ut patet ex hominis titulis, quibus insignitur; videlicet *μικρογίγνος*, *parvus mundus*, seu *breviarium* & *epitome mundi*, item *omnis creatura*, item *copula mundi*.

Observe, ad fallaciam comparatorum referri fallaciam *proportionalium*, in quibus affectio seu habitudo rationum consideratur; & *disproportionalium*, quæ sibi inter se proportionem non respondent. *Fallacia proportionalium est in illo*: Sicut se habet panis ad nutritionem corporalem: ita se habet corpus Christi ad nutritionem spiritualem. Sed panis non nutrit, nisi oraliter manducetur. E. nec corpus Christi nutrit, nisi oraliter manducetur. *Fallacia disproportionalium est in isto*: Non sicut se habet architectus ad domum, ita se Deus habet ad mundum. At architectus domum construit. Ergò Deus mundum non condidit. In priori exemplo mutatur proportionalitas, quam ita vocant. Sic enim concludendum erat. E. & corpus Christi nutrit spiritualiter, si spiritualiter manducetur. In posteriori exemplo disproportionalitas constituitur, quæ sunt proportionata. Disproportio enim non consistit in dissimili productione, sed in dissimili curâ. Itaque, sic erat assumendum: Sed architectus domo constructâ discedit, nec eam amplius curat. Hinc jam existit conclusio: E. Deus id non facit circa mundum, sed eum semel conditum, semper conservat. Hîc obiter moneo, Logicos distinguere inter proportionem & proportionalitatem. Proportio est convenientia duorum in aliquo tertio: ut, Octo ad quatuor habent proportionem duplam. Proportionalitas est duarum proportionum comparatio: ut, Sicut se habent octo ad quatuor, ita duodecim ad sex. Proportionalitatem istam alii vocant compositam similitudinem.

Vide *Aristot. lib. 1. topic. cap. 16.*

¶ 17.

Cap. 6. *Fallacia argumentorum  
ortorum.*

**F**allacia argumentorum ortorum est conjugatorum & notationis, totius & partis, generis & speciei.

Fallacia conjugatorum.

Fallacia conjugatorum est:

1. *Cum alterum conjugatorum est nomen proprium, alterum notat rem:* ut, Felix dicitur. E. feliciter vivit. Dicitur Urbanus. E. urbanè agit. 2. *Cum conjugata sunt voce tantum, non re & significatione.* Alii hoc sic enunciant: cum conjugata Grammatica cum conjugatis Logicis confunduntur: ut, Vinum est bonum. Ergò vinosi sunt boni. Caput somnum. E. est somnolentus. 3. *Cum conjugata disentiunt ob homonymiam:* ut, Homines sumus. E. humana (id est, caduca) spectare debemus. Hic concretum, *humana*, est ambiguum. Sic & in hoc exemplo: Christus pro nobis factus est peccatum. Ergò est peccator. In antecedente peccatum metonymico Hebraismo ponitur pro victimâ expiatrie peccati. 4. *Cum antecedens verum est & secundum quid:* ut, Mortales sumus. E. mortalia quærere debemus. Hic antecedens verum est *καὶ ὅτι*. Mortales nimirum sumus *ὅτι σῶμα*, non *τὴν ψυχὴν*, meliorem nostri partem. Huc refer & illud: Filius hominis est æternus Dei Filius. E. humanitas est æterna deitas. Deus est passus. E. deitas. Antecedens verum est *καὶ ὅτι*. In priori quidem exemplo gratiâ unionis & communionis personalis; in posteriori *καὶ ὅτι* αὐτο. Huc pertinet illud theologorum: Cōmunicatio idiomatum valet in abstracto, non in cōcreto. 5. *Cum ex actione infertur habitus:* ut, Inebriatus est. E. ebriosus est. Mentitus est. E. mendax est. Justū agit. E. justus est. Morbo corripitur. E. morbosus est. Hic ab actione ad habitum non licet argumentari. Nam una vel altera actio non facit habitum. Negata tamen conjugata habēt necessariam inferendi vim: ut, Non justum agit. Igitur non justus est. Intellige antecedens cum restrictione, ubi oportet. Affirmantia tum demum sunt necessaria, si habitus est constans & longo usu confirmatus: ut, Ille *λογικὸς* disputat. E.

rat. E. Logicus est. At non valet: David rapiens Uriæ conjugem, tyrannicè fecit. Igitur tyrannus fuit. Cambyfes iniquo judici cutem detrahens, ejusque filium in tribunali eâ strato collocari jubens, additis his verbis, Disce justè judicare; justè fecit. Igitur justus fuit. Utrumque falsum. Neque enim in Davide perpetuum injustè faciendi, neq; in Cambyse justè faciendi studium fuit. 6. *Cùm ea, quæ per accidens tribuntur concreto seu paronymo, tribuntur abstracto*: ut, Civis est generis communis. Ergò & civitas. Grammatici sunt rixosi. E. & Grammatica talis. Reges mali sunt. Ergò regnare malum est. Sancti sunt peccatores. Ergò sanctitas est peccatum. Rhetores sunt perniciosi Reipubl. E. & Rhetorica. 7. *Cùm conjugata è disparatis falsis concluduntur*: ut, Album est dulce. E. albedo est dulcedo. Hoc exemplū referri potest ad præcedentem elenchum. Nam cùm dico, Album est dulce, hoc est per accidens. Utrumq; inest lacti, tanquam communi subjecto. Sed & dici potest, in antecedente album & dulce non considerari ut disparata, sed ut consentanea, ita ut album sit subjectum attributionis, vel utrumque consideretur ratione alicujus subjecti, videlicet lactis. Huc refer & illud: Hæc virgo (ut Maria) est mater. E. hæc virginitas est maternitas. 8. *Cùm concretum tribuitur suæ formæ*; ut, cùm color dicitur coloratus, & calor calidus, & anima animata. Coloratum esse tribuitur corpori, calidū igni, animatum homini vel bestię, hoc est, subjectis seu concretis. 9. *Cùm dividuntur componenda*: ut, Psalteria optimè canit. E. optima est, & cantrix psalteria. Psalteria potest esse optima cantrix, licet ethicè sit pessima. 10. *Cùm in demonstratione definitiones cōcretorum per abstracta, & contrā adhibentur*: ut, Qui habet omnipotentiam, est omnipotens. At Deus habet. E. Justus est, qui justitiā præditus est. Aristides est justus. E. justitiā præditus est. Hujusmodi illationes bonæ sunt; at non faciunt demonstrationem Aristotelicam, quæ Græcis dicitur ἀναγωγὴ per excellentiam.

### Fallacia notationis est:

Fallacia notationis.

1. *Cùm notatio inepta & ridicula* (vulgò dicitur allusiva, item assonantia) *ponitur pro verâ*: ut, Etuit terram. E. est aratrum. Huc refer illa exempla: piger, quasi pedibus æger; lapis q. lapides; Αἰὼν quasi αἰὲς ὁν; Syndicus, qui singu-



la dicit: Adam q. *ausdam* / vel *hat dam*; *habet aggerē*, id est, *terrā*; Eva q. *eh bat* seu *vas*; *vas seculi* (nam hoc est *eh* apud Belgas) id est, unde prodiit seculum, hoc est, genus humanū; Lamech q. *lam eh*: *Bier* q. *bi ehr*, cujusmodi innumeræ sunt notationes apud Goropium Becanū in Antiquitatibus Antverpianis, qui nomina Hebraica propria in V. T. conatus est ad linguam Germanicam revocare, ut ostenderet illam esse omnium antiquissimam. 2. *Cum à notatione cōmuni argumentamur ad nomen vel affirmatè vel negatè*: ut, De meo factum est tuum. E. est mutuum. Non est mutuum. E. nō est de meo factum tuum. Non valet: quia in donatione etiā fieri potest de meo tuū. 3. *Cum in nominibus propriis, quæ divinitus non sunt impossibilia, ponitur vis argumenti*: ut, Dicitur Johannes. E. est graciosus. Dicitur Augustus. E. auget imperiū. Dicitur Cæsar. E. cæsus est ex utero matris. Hic obiter nota, falsum esse, quod scribunt, Julium Cæsarē dictum esse à cæso matris defunctæ utero. Nam mater illius adhuc erat in vivis, cum ille Pontificatum Maximum peteret, teste Svetonio.

Fallacia totius.

Fallacia totius est:

1. *Cum totum adhibetur, quod nō est totum*: ut, Cum animus dicitur esse homo, aut methodus dicitur ipsa Dialectica; cum sint partes. Sic falluntur Samosatēniani, cum totam humiliationē Christi putant consistere in solis passionibus; cum etiam consistat in assumptione carnis. 2. *Cum ex negato toto negatur qualibet pars*: ut, Non est hæres ex assc. E. nec ex beffe. Domus nō est. E. nec fundamentū. 3. *Cum quod in toto valet, valere dicitur in partib. sigillatim acceptis*: ut, Homo interiit. E. & animus ejus. Christus est ubique. E. & humana natura. 4. *Cum posito uno membro ponitur totum*: ut, Tyrāni possunt corpus occidere. E. & totum hominem. 5. *Cum totum essentiale confunditur cum integrali & partibus ejus*: ut, Habet manus, pedes &c. Ergo est homo.

Fallacia partis.

Fallacia partis est:

1. *Cum tanquam pars adhibetur, quod non est pars*: ut, Si struma alicujus hominis dicatur pars corporis; si doctrina malè discedi, quā talis, dicatur Logica pars; si Logica Dialectica pars esse dicatur, cum sit ipsum totū. 2. *Cum ex una atq. altera partibus inferitur totum*: ut, Multa in poetarum carminibus sunt inutilia. E. prorsus sunt inutilia. Æthiops est albus

albus dentes. E. & totum corpus. Excipe hanc argumētationem, quę vera est: Filius Dei est mortuus secundum carnē. E. Filius Dei est mortuus. At nō sequitur, ut diximus: Æthiops est albus secundum dentes. E. æthiops est albus. Ratio: quia res non potest denominari rectē à parte minùs principali.

### Fallacia generis est:

Fallacia generis.

1. *Cum tanquā genus ponitur, quod non est genus*: ut, differentia, accidens, subjectū, reciprocum, vel æquipollens, vel disparatum ac repugnans: ut, Peccatum est substantia. Hic subjectū pro genere ponitur. Si *ad opia* statuatur genus peccati, forma seu differentia dicitur esse genus; si candidum pro cygno ponatur, accidens dicitur esse genus; si Jehova dicatur genus veri Dei, æquipollens pro genere ponitur; si corpus dicatur genus Angeli, repugnans habetur pro genere; si scientia genus dicatur esse iustitię, disparatum habetur pro genere. 2. *Cum ex genere colligitur affirmatē una species*: ut, Animal est. E. homo est. 3. *Cum à genere particulariter sumto inferitur species qualibet*: ut, Aliquod animal est rationale. E. bestia est rationalis.

### Fallacia speciei est:

Fallacia speciei.

1. *Cum pro specie assumitur, quod species non est*: Ut, Si *conomica* dicatur species politices, cuius disparatum est, vel membrum, ut multi volunt; sic, si paries dicatur species albedinis, cuius subjectum est. Sic Papistę matrimonium, extremam unctionem, confirmationem, ordinem, pœnitentiam faciunt species Sacramentorum N. T. 2. *Cum negatā unā specie, genus universè negatur*: ut, Non est lupus. Ergò nulum animal est. 3. *Cum ex unā specie affirmatā, affirmatur universum genus*: ut, Homo est. E. omne animal est. 4. *Cum est insufficiens enumeratio specierum*: ut, Neque est animal, neq; spiritus. E. non est substantia. Multa hīc sunt inter animal & spiritum interjecta. Huc referunt fallaciam individui. 1. *Cum individua dissimilia judicātur similia*: Ut, Paulus perfectior Ecclesię receptus est in gremium Ecclesię. E. & Julianus Apostata. Elias quadraginta dies & noctes jejunavit. E. & nos poterimus idem. 2. *Cum vitiosa actiones certorum individuum applicantur aliis*: ut, Judas apostolus fuit proditor & damnatus est. E. etiam Petrus.

## Cap. 7. Fallacia testimonii.

Fallacia testimonii.

**F**allacia testimonii est:

1. *Cum testimonium est planè confictum, ῥέον, suppositum.* Hunc elenchum hodiè cōmittunt Pontificii, in quibus nominatim est Cæsar Baronius Cardinalis; item quidā antiquarii seu critici, qui sæpe allegant scripta authorū supposititia, vel etiam quæ nunquā ab ullo fuerunt visa. 2. *Cum testimonium incertum (ἄδελον Græci vocant) dubia fidei, non authenticum, sed apocryphum, h. e. occultandum, in publicum non proferendum, allegatur tanquam certū & authenticum.* Talem fallaciam committunt Pontificii, quando libros Scripturæ apocryphos, quos vocāt, canonicis seu ἐν δαθήκῃς æquant. Hic incidit quæstio, an & quatenus liceat uti testimoniis Patrum? Resp. Uti licet illis, at non niti. Uti, inquam, licet tanquā ornamentis, non firmamentis. Nam cū Deus non frustra volnerit conservata purioris & eruditæ antiquitatis testimonia, nostrū est non alperuari aut elevare, sed gratis animis illa cognoscere, sed his cautionibus. 1. Testimonia Patrum ea demū probanda sunt, quæ non sunt notha seu supposititia, non dubiæ fidei, non aliena, non contorta, non remotiora à quæstione, non mutilata, non depravata sophisticis glossis, quæ pugnant cum aliis ipsorū dictis, non obscura, non ambigua, non improprie & obiter dicta, nō inter se pugnantia, non destituta ratione manifestā & solidā. 2. Quando sunt γήσια, germana, scripturis σύμφωνα, analogiæ fidei consentanea, ex scripturis confirmata vel totidem verbis, vel bonā consequentiā sine sophisticā inde extructā, quando sibi ipsis constāt, quando œconomia partium orationis & λογιστική ἀνάγκη observantur, quando inter se aut omnes aut pleriq; & optimi Patres consentiunt, quando non suam privatā, sed publicam totius Ecclesiæ sententiam & confessionem recitant vel repetunt, quando ex instituto seu professo copiosè diligenterq; rem aliquā tractant. Cū igitur hæc talia afferuntur: Augustinus hoc dixit. E. verum est. Athanasius & Ambrosius hoc testantur. E. omninò hoc tenendū est: respiciendum erit ad determinationem quæstionis propositæ.

Testimoniis Patrum Ecclesiasticorum quomodo utendum?

fitæ. 3. *Cum testimonium humanum præfertur vel adæquatur divino.* Hoc est notoriæ impietatis, in quam quidẽ venibus eleganter dixit: *Contra divinas auctoritates humana ratione incedere, id quidem insanum: sine ratione autẽ, id longẽ insanius: ac verò & sine ratione & contra rationem adversus Deum latrare, id prorsus, supra quàm dici possit, insanissimum.* 4. *Cum testimonium calumniosè allegatur, videl. depravatam, perversum, truncatum, mutilatum, vel in peregrinam sententiam detortũ.* Hoc Logici vocant *crimen falsi*. Committitur autem crimen falsi ab aliquo tum demum, si fraude & malo animo aliquid omittat, addat vel affingat verbis authoris. Non igitur statim crimen falsi debet dici, quando aliquis salvo sensũ adducit testimoniũ authoris verbis cõtractis ad ea tantũ, quæ ad præsentem disputationẽ faciunt; vel si quis ex ignorantia, simplicitate, memorię lapsu adducat testimonium non plenum. Hoc factum dici quidẽ potest error & culpa, at non crimen. Non igitur statim falsarius est, qui verba formalia non recitat. Sicut enim non potest dici mentiri, qui in disputatione falsam propositionem affert *παραπλῆξας*, tentandi & explorandi gratiã, non decipiendi; aut qui putat se verum dicere, & tamen falsum dicit: sic nec ille statim falsarius, qui imperfectè citat authorem sine fraude & dolo. 5. *Cum author sibi non constat, sed de eadem re adversa scripsit, quæ conciliari non possunt, nec horum quicquam retractavit.* 6. *Cum testimonium interpretando corrumpitur:* ut, *Luce 24.* Christus factus est *ἄφωτος*. Ergo factus est *ἀόρατος καὶ ἁωτός*. Antecedens est mutilatum. Additum enim est, *ἀπ' αὐτῶν*. Sic cùm rigide servatur *ὅτι ἦν* contra naturam rei & scopum dicentis: ut, si quis illa verba Christi: *Hoc est corpus meum, καὶ τὸ ὅτι ἦν* accipiat, non *κατὰ διάνοιαν* sacramentalem. Idem elenchus committitur, cùm verba sunt dubia, & accipiuntur tanquam clara. In hoc casu ea sententia præferenda est, quæ ad subjectam materiam propiũ accedit, & per quam evitatur absurdum, juxta regulam: *Ex pluribus interpretationibus illam præferre oportet, per quam evitatur absurdum.* 7. *Cum testimonium humanum nullis suffultum rationibus, imò contra rationes manifestas adfertur:* ut, cùm privata unius vertiginosi hominis à publicâ Ecclesiarum ve-

rarum cōfessione dissentiens, opinio omnibus Ecclēsiis tanquam oraculum obtruditur; vel cū libertas philosophica eripitur homini libero, dum ille fascinator auctoritate alijus philosophi. 8. *Cū vetus lex vel cōstitutio adhibetur, quæ per novam est abrogata.* Nam posteriores cōstitutiones sunt potēiores prioribus, seu, Posteriora jura derogant prioribus. 9. *Cū quod plures dicunt sine ratione, imò contra rationem, præfertur illi, quod pauciores dicunt rationabiliter.* Quod major pars definit (vulgo dicitur) præferendum est definitioni minoris partis. Hoc non est verum universaliter. Nam multitudo errantium non parit errori patrociniū. Tum demum valet, quando plures & ii quidem sapientiores certis rationibus persuasi aliquid statuerunt. 10. *Cū vetustas ita amatur & obtruditur, ut non liceat in illam inquirere.* Hic teneatur regula: *Error vetustatis* (qui evidenter ostendendus est) *non præjudicat veritati.* 11. *Cū ab auctoritate cōcluditur negatē*: ut, Galenus nihil scripsit de morbo Gallico. E. hic morbus nō est. Veteres Geographi nihil scripserūt de antipodib. vel novo orbe. E. antipodes & novus orbis non sunt. Non valent hę argumentationes. At hoc sequitur: Nusiā in scripturis legimus, nos justificari corā Deo operibus legis. E. non justificamur operibus legis. Rursus hoc non sequitur: Non leguntur in N. T. infantes Christianorū esse baptizati. E. non fuerunt baptizati. Ratio petenda est ex hoc canone: *Non scriptū ejus qui potuit, voluit, debuit, scrivit scribere, vim & robur habet testimonii negando: ejus autē qui vel non potuit, vel noluit, vel nō debuit, vel nescivit, vim nullam habet negando.* Sic veteres nihil sciverunt de novo orbe. E. illorum testimonium non est aptum ad negativē concludendum. Apostoli nihil scripserunt de baptizatis infantibus Christianorum, quia noluerunt. Noluerunt, quia non opus fuit historicē illa persequi, cū manifesta dicta reliquerint, ē quibus discere possumus quid facto sit opus. 12. *Cū contra testimoniū sensuum externorū, itemq; conscientia, aliquid asseritur*: ut, cū Papistæ in Eucharistiā panē & vinū quoad substantiam aboleri asserunt; quæ tamen videtur, palpat, gustatur. Sic cū Epicurēi quidā negant esse Deū, contra quā dictat conscientia. 13. *Cū testimoniū mutuum rejicitur simpliciter*: id quod non rectē fieri vel exinde patet, quod

quod Johannes Christo testimonium dedit, & Christus vicissim Johanni. Itaque mutuum testimonium non est rejiciendum, quando utramque personam fide dignam esse constat.

### Cap. 8. Fallacia prædicamentorum.

**F**allacia argumentorum propriorum est circa prædicamenta. Fallacia prædicamentorum.

Hic in genere committitur fallacia,

1. *Cum res in prædicamento esse dicitur, in quo non est:* ut, justus in prædicamento substantiæ. 2. *Cum dicitur esse in prædicamento ratione materialis, ubi spectandum est formale, tanquam principale, à quo fit denominatio:* ut, cum testudo, quæ testudo, collocatur in prædicamento substantiæ, quæ ratione figuræ est in prædicamento qualitatis. 3. *Cum aliquid dicitur esse in prædicamento directè, per se & primariò, quod nonnisi analogicè, secundariò, per accidens, & reductivè est in prædicamento:* ut, cum Deus dicitur esse in prædicamento substantiæ directè, Cerberus in prædicamento aliquo per se &c. Vide hæc de re suprà lib. 3. c. 1. canones sex ad finem.

In specie fallacia hujus loci est,

#### I. Substantiæ:

1. *Cum quæ ipsi competunt ratione accidentium, dicuntur ipsi convenire formaliter & essentialiter:* ut, cum substantia substantiæ dicitur contraria, putà ignis aquæ, vel una substantia dicitur magis substantia quàm altera, ut Aristoteles magis homo quàm idiota. Hæc enim competunt substantiæ ratione qualitatum. 2. *Cum accidens dicitur esse substantia:* ut, cum locus ponitur in prædicamento substantiæ.

#### II. Accidentis.

1. *Cum accidens confunditur cum adjuncto, ita ut habeantur pro synonymis:* ut, si quis dicat, Equus est adjunctū respectu loci. E. equus est accidens. 2. *Cum accidens prædicamentale confunditur cum prædicabili:* ut, cum omniscientia Dei dicitur proprium, & sic colligitur: Proprium est accidens. At



omniscientia est proprium Dei. E. est accidēs. Hic responde-  
tur ad propositionem negando. Nam non omne proprium  
est accidens, scil. prædicabile. Nam ita propriū distinguitur  
ab accidente. Deinde non omne proprium est accidens præ-  
dicamentale, sed illud solum, quod realiter differt à subje-  
cto, qualis non est omniscientia Dei. Item cū quis ita col-  
ligit: Omne propriū est accidens. E. Porphyrius malè distin-  
xit proprium ab accidente. In hāc argumentatione itidem  
confunditur accidens prædicabile cum prædicamentali. Vi-  
de suprà lib. 2. cap. 11. 3. *Cū accidens absolutum confunditur cum respectivo, & contra*: ut, cū in S. Cœnā non distin-  
guitur actio à relatione: cū fides iustificat in negotio iusti-  
ficationis consideratur tanquam habitus, ubi debet conside-  
rari *ἐκ τῆς οὐσίας*.

### III. Quantitatis:

1. *Cū quantitas extensiva confunditur cum intensiva, & prædicamentalis cum transcendentali*: ut, Angelus est quā-  
tus. Ergo est corporeus. Non sequitur: quia Angelus non est  
quantus quantitate prædicamenti. Sic nec sequitur: Eruditio  
Johannis non est tanta, quanta est eruditio Petri. E. eruditio  
est res sensibilis. Ratio: quia eruditio recipit quantitatem intensi-  
vam seu virtutis, non extensivā seu molis. 2. *Cū soli quan-  
titati tribuitur actio*: ut, cū major lapis dicitur magis pre-  
mere, quā minor; cū medicamentū dicitur diversimodè  
operari pro diversitate dosi & ponderis; & utrumq; adscri-  
bitur quantitati. Non enim quantitas, quæ est ignava, utpo-  
te fluens ab ignavissimo ente, nimirum materiā, aliquid viri-  
um habet, sed quatenus est instructa variis qualitatibus, ut  
lapis ratione gravitatis majoris vel minoris, medicamentum  
ratione qualitatum coagmētatarum seu unitarū dicitur ve-  
hementer operari. Huc facit illud: *Virtus unita est fortius  
dispersa*. Numero tamen & lapidi, videl. limiti, tribuitur vis  
seu valor, sed *ἐκ τῆς οὐσίας, ex instituto*.

### IV. Qualitatis:

1. *Cū dispositio vel δύναμις φωνικὴ confunditur cum  
habitu sic ἐκ τῆς οὐσίας dicto*: ut, Est homo. E. doctus est literas.  
Iste puer tenet rudimenta Grāmatices. E. est doctus. Hoc nō  
sequitur nisi contingenter. At hoc sequitur: Est homo E. po-  
test doce-

test doceri, vel discere literas. 2. *Cum habitus ex una actione concluditur*: ut, Adolescens ille benè disputavit de syllogismo. E. est bonus disputator. 3. *Cum naturalia cum artificialibus confunduntur*: ut, Est Logicus naturâ. E. non opus habet arte Logicâ. Faber ferrarius fecit malleum. E. ars produxit substantiam.

#### V. Actionis:

1. *Cum actio transcendentalis confunditur cum prædicamentali*: ut, cum creatio mundi, vel generatio illa æterna, dicitur accidens ex eo, quòd utraq; est actio. 2. *Cum actio naturalis confunditur cum voluntariâ*: ut, Ille non disputavit in convivio. E. non est doctus.

#### VI. Passionis:

1. *Cum passio dicitur, qua non est*: ut, Filius Dei est genitus à Patre. E. est passus à Patre. 2. *Cum passio perfectiva non distinguitur à defectivâ*: ut, Pater est malum. E. & erudiri.

#### VII. Relationis:

1. *Cum relatio transcendentalis confunditur cum prædicamentali, exquisita cum minùs exquisitâ &c.* ut, cum respectus personales inter personas SS. Trinitatis examinantur ad canones hujus prædicamèti: & cum actio & passio dicuntur relata exquisita. 2. *Cum materiale à formali, fundamentū à subiecto non distinguitur &c.* ut, Ille cœpit esse pater ante duos menses. E. & tum cœpit esse homo. Sic cum paternitas dicitur fundari in substantiâ, committitur hic elenchus. Nam paternitatis subiectum est substantia, videl. homo: at fundamentum est accidens absolutum, quo interveniente relatio inest substantiæ; ut hoc in loco est qualitas, videlicet *divinus uis* *εὐγενεια* seu vis generandi. Nam ob hanc paternitas inest homini.

VIII. Prædicamentorum minùs principalium, Quando, Ubi, Situs & Habitus; cum prædicamentum Quando confunditur cum Tépore, Ubi cum Loco, Situs cum Ubi, Habitus cum quartâ specie qualitatis.

V. g. non tempus, sed temporeum esse; non locus, sed locatum esse; non tunica, sed tunicatum esse &c. sunt in his prædicamentis. Temporeū esse ad Quando; locatū esse ad Ubi; tu-

nicatum esse ad prædicamentum habitus spectat. Vide supra lib. 3. cap. ult.

### Cap. 9. Fallacia definitionis.

**F**allacia circa argumenta complexa sequitur:  
Estque horistica, vel meristica.

Fallacia horistica, seu definitionis est:

1. *Cum definitio nominalis habetur pro reali*: ut, Catechismus est puerilis institutio. Non est λόγος ὁσίας, sed διανοητική. 2. *Cum definitio nominalis habetur qua non est*: ut, Nathan propheta Davidem regem adoravit. E. religiosè invocavit. Hic major est omiſſa, quæ nititur falsâ definitione nominali adorationis; quasi videlicet, adorare sit religiosè invocare; cum vel more Persico significet prostrato corpore venerari; vel nostro, genu flexo aut aperto capite honorare, quæ dicitur adoratio civilis, ad distinctionem religiosâ. 3. *Cum à legibus definitionis realis aberratum est*; ubi præcipuæ fallaciæ sunt.

1. *Cum non adhibetur verum genus aut propinquum*: ut, cum Ethica definitur species philosophiæ practiciæ. Vox species non est adhibenda in definitione.

2. *Cum non adhibetur vera differentia*: ut, bellum est quod non est pax.

3. *Cum non convenit omni*: ut, homo est animal mortale bonis literis tinctum. Tum dices, est angustior definito.

4. *Cum non convenit soli*: ut, homo est animal bipes. Hic dices, est latior definito.

5. *Cum non reciprocatur, seu cum non est conversum vera*: ut, homo est animal. Hic dices ὁ ἄνθρωπος ἴδιος λόγος.

6. *Cum constat tropis obscuris & insolentibus*: ut, homo est pleonasmus totius mundi. Hic dices ὁ μὴ ἄνθρωπος, non intelligo, ὁ ἀσπερὶς ἔστιν ἐρμηνεία.

7. *Cum constat verbis non satis aptis*: ut, philosophia est habitus miscellaneus disciplinarū. Hic dices, τὸ παρὰ λόγον.

8. *Cum constat non necessariis*: ut, homo est animal rationale quod potest ambulare. Hic dices, ὁ λόγος πλεονάζει, definitio est nugax: vel, ὁ λόγος ἐκείπαι: ut, homo est animal quod discere potest literas.

9. Cum

9 *Cum definitum ingreditur definitionem* : ut, Litera est minima pars vocis è literis composita.

10 *Cum in definitione notionis prima ponitur notio secunda*: ut, Animal est genus hominis & bestia.

11 *Cum negativa sumuntur definitiones, ubi haberi possunt affirmativa*: ut, Dies est quando non est nox.

12 *Cum descriptio habetur pro definitione perfecta* : ut, Deus est spiritus simplex, immutabilis &c. Ad summam: Elenchus falsa definitionis est, cum leges horisticae violantur, de quibus supra lib. 4.

### Cap. 10. Fallacia distributionis.

**F**allacia meristica, seu distributionis, sequitur. Estque

1 *Cum partes distributionis inter se non dissentiunt* : ut, Corpus est mixtum vel sentiens.

2 *Cum partes non consentiunt cum suo toto*: ut, Substantia est bona vel mala; ens est verum vel falsum. Nam malitia & falsitas metaphysicè accepta non cadunt in substantiam & ens, imò ne Ethicè quidem. Sed hæc res altioris est indaginis.

3 *Cum pars in genere numeratur* : ut, Animalium aliud est rationale, aliud irrationale, aliud bos. Bos non est genus animalium, sed species seu pars subjectiva eorum, quæ sunt ἀλογα.

4 *Cum genus in parte numeratur* : ut, Voluptas est vel gaudium, vel delectatio, vel lætitia. Nam gaudii & delectationis voces aut latius patent quàm voluptas, aut æquè latè.

5 *Cum distributio fit in partes remotas* : ut, cum corpus hominis dividitur in quatuor elementa, cum membra corporis sint partes illius proximæ. Sed quid multis? Fallacia distributionis est, cum leges meristicae violantur, de quibus supra lib. 5. Existimas me hic τω βολογῶν? Ego non

existimo. Vide caput sequens  
in fine.

## Cap. II. Fallacia axiomatis.

Fallacia a-  
xiomatica.

**F**allacia axiomatica sequitur, quæ est circa axiomatis partes, species & communes affectiones.

Circa partes axiomatis est fallacia:

1. *Cum subjectum habetur pro predicato, & contrà: ut, Deus erat ille sermo; omnia sunt bona quæ Deus fecit. Si hic sermo habeatur pro prædicato, item quæ Deus fecit, est talis fallacia.* 2. *Cum prædicatum non differt à subjecto: ut, hortus est hortus.*

Circa species axiomatis est fallacia:

1. *Cum axioma affirmatum habetur pro negato: ut, Deus potuit non creare mundum; Qui non potest mutari, est Deus.* 2. *Cum axioma verum habetur pro falso, vel falsum pro vero: ut, cum hoc habetur pro falso à Socinianis, Deus necessariò punit peccatum; & hoc ab iisdem pro vero, Christus est mediator non merito, sed doctrinà & exemplo.* 3. *Cum axioma per accidens verum & falsum, sumitur ac si per se tale esset: ut, Evangelium est odor mortis ad mortem. Hoc est verum per accidens. Non igitur pro vero per se habendum. Homo est doctus; est axioma per accidens verum. Ergò non est habendum pro vero per se.* 4. *Cum axioma secundum quid verum aut falsum sumitur, ac si simpliciter tale esset: ut, Verus Testamentum est abrogatum; Christus est minor Pater; Voluntas congruens cum voluntate Dei est bona; Quod non amisisti, illud habes. Hæc sunt axiomata vera, sed limitatè seu secundum quid. Non igitur accipienda sunt simpliciter. Ita secundum quid vera sunt axiomata metaphorica & synecdochia; ut, Herodes est vulpes, homo est intelligens.* 5. *Cum axioma simplex habetur pro composito, & contrà: ut, Generatio fit in momento non successivè. Est axioma simplex, non compositum. Deus est immutabiliter bonus. Est axioma simplex, non compositum. Neque enim illius sensus est: Deus est immutabilis & bonus.* 6. *Cum violantur leges copulationis, connexionis, discretionis & disjunctionis axiomatice; de quibus lib. 6. cap. 4.* 7. *Cum dissentanea affirmando, & consentanea negando disponuntur: ut, homo est horologium;*  
homo

homo non est conditus ad imaginem Dei. 8. *Cum axioma purum cum modali confunditur*: ut, homo est doctus; & necessarium est hominē esse doctum; cū hæc duo habentur pro æquipollentibus. 9. *Cum particulare habetur pro universalis*; ut, homo est doctus: si hoc habeatur pro universaliter vero. 10. *Cum infinitum axioma habetur pro negato*: ut, corpus non-quantum est non-corpus. Hoc axioma est infinitum; proinde affirmatum.

Fallacia circa communes axiomatis affectiones est:

1. *Cum axioma ampliandū, accipitur pro restricto*: ut, Cor regis est in manu Dei. Hoc non ad reges restringendū est, sed extendendum ad omnes omninō homines. 2. *Cum axioma crypticum habetur pro non-cryptico*: ut, Omnes principes, qui tyrannidem exercent in suos subditos, Deo sunt abominabiles. Hoc axioma est crypticum; quia aliquid accessit partibus essentialibus. Id nisi observetur, haberi possit pro composito. 3. *Cum axiomata æquipollentia habentur pro diversis*: ut, homo loquitur, hic homo loquitur, sunt axiomata æquipollentia. Sic & hæc: Deus non potest non punire peccata, Deus necessariō punit peccata. Sed ut paucis multa complectar: Fallacia axiomatis est, cū violantur ea, quæ de partibus, divisione, oppositione, crypti &c. axiomatis dicta sunt. Tautologiæ notam hīc mihi impingis? Quæso considera illum canonem: Contraria juxta se posita clariùs elucescunt.

### Cap. 12. Fallacia syllogismi.

Sic est fallacia noëtica: sequitur fallacia dianoë-  
tica, eaque syllogistica & methodica. Fallacia syllogismi.

Fallacia syllogistica est, quæ committitur circa dispositionem syllogisticam.

Hic solummodò illæ fallaciæ tradendæ sunt, quæ cōmittuntur circa consequentiam *id est* *id est*, id est, propriissimè dictam, hoc est, syllogisticā seu formalem. Nam libro sequenti dicemus de fallaciis, quæ sunt circa syllogismum ratione materiæ.



Fallacia syllogismi est vel perfecti, vel imperfecti syllogismi.

Fallacia syllogismi perfecti est, vel ob figuram, vel ob modi neglectiorem.

Suprà diximus, quòd forma syllogismi consistat in legitima deductione seu diancèa syllogistica; quodque illa contineat certam figuram & modum. Figura consistit in mediæ dispositione legitimâ: modus in iustâ contemperatione enunciatorum ratione quantitatis & qualitatis. Sic igitur statuas, præter tres illas figuras καὶ ἐξ ὧν sic dictas, syllogismum hypotheticum & disjunctum etiam vocari debere figuras, & in utrâque illâ figurâ certos esse modos. Sic Ramus connexum facit duorum modorum itemque disjunctum. Verum quia hæc duæ syllogismi species vulgò censentur imperfectæ, inde factum est, ut figuræ & modi vocabulum ἐξ ὧν quâdam tribueretur simplici syllogismo.

Fallacia ob neglectiorem figuræ est, cùm figura vel prorsus nulla est, vel tantum apparens. *Dici potest fallacia figuræ syllogisticæ.*

Estque ex terminorum vel excessu, vel defectu.

Fallacia ex terminorum excessu est, cùm sunt quatuor vel etiam plures termini.

Estque vel expositionis terminorum, vel vitiosæ subsumtionis fallacia. *Nam ex hisce duobus oriuntur quatuor vel plures termini.*

Fallacia expositionis terminorum est, cùm terminorum est vitiosa expositio:

Ut, Episcopus est sacerdos. Asinus est episcopi. E. asinus est sacerdos. Huc etiam refertur vitiosa suppositio termini disparati: ut, Cælum non est terra. Deus est rex cæli. E. non est rex terræ. Hic vitiosa est suppositio mediæ termini *cæli*, unde quinque existunt termini, Cælum, terra, Deus, rex cæli, rex terræ. At enim, inquis, valet hoc, quia valet istud. Cælum non est terra. Enoch est in cælo. E. non est in terrâ Item: Austria est extra Hungariam. Matthias Imperator est in Austria. E.

stria. Ergo Matthias Imperator est extra Hungariam. Resp. Conclusio rectè infertur, non vi & necessitate formæ, sed vi materiæ: vel quia hic syllogismus est potestate geminus, seu syllogismi sunt duo crypticè involuti.

Fallacia vitiosæ subsumtionis est, cum in minore assumitur terminus extraneus:

Exempli gratiâ, Nemo nascitur artifex. Pistor est artifex. E. pistor non est natus. Sunt quatuor termini, homo, nascitur artifex, pistor, artifex, natus est.

Fallacia ex defectu terminorum, est vel subsumtionis non integræ, vel nugationis.

Fallacia subsumtionis non integræ est, cum assumptio omittit termini in majore positi expositionem, vel, si mavis, limitationem.

Ut, J Ctis peritis est habendus honos. Rabulæ sunt jurisperiti. E. rabulis est habendus honos. Item, Medici periti præferendi sunt J Ctis. Parabolani sunt medici. E. parabolanipræferendi sunt J Ctis. Nota obiter, *parabolanos* hîc dici, qui grassante morbo aliquo contagioso, ut peste, contemptâ vitâ ægrotis serviunt.

Fallacia nugationis est, cum idem terminus pro alio repetitur. *Dicitur* petitio principii; *item* cantus cu culi:

Ut, Cuculus cuculat. Coccyx est cuculus. E. coccyx cuculat. Vel, Cuculus coccyssat. Cuculus est cuculus. E. cuculus coccyssat. Sic: Si conventio facta est, facta est. At facta est. E. facta est. Item: Quod perpetuum est, immortale est. Anima est perpetua. E. immortalis est. Item, Quod summum habet calorem, est summè calidum. Ignis habet summum calorem. E. ignis est summè calidus. Item: Si animal rationale habet optimum tactum, homo habet optimum tactum. At animal rationale habet optimum tactum. E. & homo. In his exemplis non est verè medium; quia idem per idem probatur, contra regulam: *Aliud probatur per aliud*. Interim conclusiones veræ sunt; videl. materialiter, non formaliter. Non enim hîc est bonum medium

**Fallacia syllogismi ob neglectiōem modi est, cū syllogismus est nullius modi.**

Existit autem hæc fallacia ex quantitate vel qualitate vitiosâ. Ex quantitate, cū enunciatio communis pro speciali, seu universalis pro particulari, aut contrâ, est posita. Ex qualitate, cū enunciatio affirmans pro negante, aut contrâ est posita. Potest autem hæc fallacia dici *fallacia modi syllogistici*, seu *non-modi ut modi*.

Estque in syllogismo vel simplici, vel composito.

Nam hæc fallacia non habet locum in syllogismo imperfecto, nisi quatenus ille ad perfectum reducitur.

**Fallacia syllogismi simplicis.**

**Fallacia modi in syllogismo simplici est:**

1. *Cū ex puris negativis concluditur*: ut, Nullus infidelis placet Deo. Nullus verè Christianus est infidelis. Ergò nullus verè Christianus placet Deo. 2. *Cū ex puris particularibus concluditur*: ut, Quidam reges sunt prudentes. Midas est rex. Ergò Midas est prudens. Peripatetici hīc dicunt; Non adest dictum de omni, seu, Major in primâ figurâ non est universalis. At ex singularibus concluditur: ut, Abraham fuit iustificatus fide absque operibus legis. Abraham fuit peccator. Ergò, quidam peccatores iustificantur fide absque operibus legis. 3. *Cū major in primâ & secundâ figurâ est particularis*: ut, Quidam peccator est electus ad vitam æternam. Omnis homo est peccator. Ergò omnis homo est electus ad vitam æternam. Item: Quidam baptizatus credit. Nullus reprobus credit. Ergò nullus reprobus est baptizatus. 4. *Cū in tertiâ figurâ concluditur universaliter*: ut, Quidam baptizatus est infidelis. Omnis baptizatus est membrum Ecclesiæ. Ergò omne membrum Ecclesiæ est infidele. Interdum quidem est conclusio universalis, cū major est reciproca: sed illi syllogismi habent crypticam figuræ primæ dispositionem: ut, Omnes verè fideles sunt insiti Christo. Omnes verè fideles manducant carnem Christi. Ergò omnes qui manducant carnem Christi, sunt insiti Christo. Hic syllogismus concludit vi primæ figuræ: ut, Omnes verè fideles sunt insiti Christo. Omnes qui manducant carnem Christi, sunt verè fideles. Ergò omnes

omnes qui manducant carnem Christi, sunt insiti Christo. 5. *Cum in secundâ figurâ concluditur affirmatè*, seu cum purâ sunt affirmativæ; ut, Omne brutum est animal. Omnis homo est animal. Ergò omnis homo est brutum. Item: Omnis servus est in potestate. Omnis filius est in potestate. Ergò omnis filius est servus. Interim cum major est conversim seu reciprocè vera, aliquid infertur affirmatè. Sed hoc fit vi materiæ. Habent enim hi tales syllogismi crypticam dispositionem figuræ primæ: verbi gratiâ, Qui sunt ex Deo, verbum Dei audiunt. Oves Christi verbum Dei audiunt. Ergò oves Christi sunt ex Deo. In primâ figurâ sic formatur: Qui verbum Dei audiunt, sunt ex Deo. Oves Christi verbum Dei audiunt. Ergò oves Christi sunt ex Deo. 6. *Cum minor in figurâ primâ est negans*: ut, Ridere est hominis. Loqui non est ridere. Ergò loqui non est hominis. Interdum tamen minor *negatè dicitur* est negans, quæ rectè vocatur *affirmans infinitans*. Hoc accidit, cum subjectum majoris additam habet particulam negandi: ut, Qui non credunt, jam sunt condemnati. Hæretici non credunt. Ergò hæretici jam sunt condemnati. Sed & minor interdum verâ est negans, cum major est reciproca: ut, Omne corpus definitur loco. Nullus spiritus est corpus. Ergò nullus spiritus definitur loco. 7. *Cum in tertiâ figurâ minor est negans*: ut, Omnis leo est animal. Nullus leo est homo. Ergò nullus homo est animal. Item: Ebrietas est turpis. Ebrietas non est audacia. Ergò audacia non est turpis.

Fallacia modi in syllogismo composito, est vel in connexo, vel disjuncto.

Fallacia modi in syllogismo composito connexo est vel in constructivo, vel in destructivo.

Fallacia syllogismi connexi,

Quid sibi velint hi termini, notum est à l. 7. de syllogis. Constructivus habet hypothesin constituentem, destructivus destruentem.

Fallacia in syllogismo constructivo est cum sit progressus à positione consequentis ad positionem antecedentis:

Ut, Si est homo, est animal. Sed est animal. E. est homo. Hic connexus nullius est modi. Nam in connexo constructivo non ponitur, hoc est, affirmatè assumitur, consequens, ut ponatur, id est, affirmatè concludatur antecedens. Ratio: quia syllogismi compositi ii duntaxat boni sunt, qui possunt reduci ad simplices. At hic paralogismus reductus ad secundam figuram, gignit meras affirmantes: ut, Omnis homo est animal. Hoc est animal. E. est homo. Hæc enim hypothesis, Si est homo, est animal; æquipollet huic universali affirmativæ: Omnis homo est animal. Æquipollet, inquam, vel certè in eâ fundatur, & ex eâ deducitur bonâ seu firmâ consequentiâ. Interim in propositionibus reciprocis hoc ipsum fit, videl. ponitur consequens, ut ponatur antecedens: ut, Si est equus, hinnit. At hinnit. E. est equus.

Fallacia in connexo destructivo est, cùm fit progressus à destructione antecedentis ad destructionem consequentis:

Ut, Si est homo, est animal. Sed non est homo. E. non est animal. Hic connexus nullius est modi. Nam in connexo destructivo non tollitur seu destruitur, hoc est, negatè assumitur antecedens, ut negatè concludatur consequens. Ratio: quia talis paralogismus reductus ad primam figuram, habet minorem negatam: ut, Omnis homo est animal. Hoc non est homo. E. hoc non est animal. Interdum tamen tollitur antecedens, ut tollatur consequens; nempe cùm major propositio est reciproca: ut, Si ex mundo essetis, mundus vos amaret. Atqui ex mundo non estis. Ergò mundus vos non amat. Hoc exemplum solent vulgò adferre ex *Johan. 15. v. 19.* Sed non videtur syllogisticum esse, si quis verba Christi probè consideret. Et quæstio, quæ in isto exemplo concluditur, non est dubia, sed manifesta: ac proinde non indiget ullâ probatione. Sed in eodem capite vers. 22. est hujusmodi syllogismus: Si non venissem, & locutus essem eis, peccatum non haberent. Nunc autem veni & locutus sum eis. E. peccatum habent. Talis syllogismus formari quoque potest è posteriori connexo versiculi 20. Quanquam hi syllogismi peccant in formâ, quia tollunt antecedens, ut tollant consequens: tamen boni sunt potestate: quia fieri possunt boni, si propositio

positio convertatur. Tunc enim tollent consequens, ut tollant antecedens.

Hisce duobus modis fallaciæ in syllogismo conexo alii adjiunt hosce duos:

Sed non rectè. Cum enim duo duntaxat sint modi conexi legitimi, totidem erunt modi illius illegitimè dispositi. Vide dissentientem *Zabarellam in tab. logic.*

Fallacia in syllogismo disjuncto fit duobus modis:

Fallacia syllogismi disjuncti.

1. *Cum sit progressus à positione primi ad positionem secundam*: ut, Aut dies est, aut non est dies. At dies est. E. non est dies. Hic respondetur, conclusionem ex disjunctorum lege sic esse inferendam: Ergo non est non dies, hoc est, non est verum, non esse diem. Debet enim hic procedi à positione primi ad destructionem secundi. 2. *Cum sit progressus à positione secundi ad positionem primi*: ut, Aut dies est, aut non est dies. At non dies est. E. dies est. Consecutio hic neganda. Nam conclusio debebat esse negata: E. dies non est. Assumptio enim eadem est cum hac: At nox est.

Fallacia syllogismi imperfecti fit sex modis.

I. *Enthymema* vitiosum censetur, si antecedens sit falsum vel apertè, vel occultè; vel, si antecedens quidem sit verum, at consequentia falsa. Si antecedens sit apertè falsum, negatur simpliciter, nullâ factâ partis deficientis expletionem, nisi majoris certitudinis causâ aliquis id facere velit, & nisi *enim* ↓ *ad* ↓ sit in propositione omisâ. e. g. Petrus fuit Romæ episcopus. E. Papa Romanus est successor Petri. Respon. Antecedens est falsum. Deinde negari posset consequentia. Quod si antecedens enthymematis sit occultè falsum, expleatur pars omisâ, & postea respondeatur: ut, Deus habet brachium. E. est corporeus. Resp. Explenda est propositio major, & patebit quatuor hic esse terminos. Si denique consequentia sit falsa, ostendatur vitium: ut, Regimen Ecclesiæ est monarchicum. E. in his terris est ille monarcha. Resp. Negatur consequentia. Non enim regimen Ecclesiæ dicitur monarchicum eò, quod sit monarcha illius visibilis in his terris, sed ratione capitis invisibilis, quod est Christus. Hæc fallacia est frequentissima in recitandis dictis scriptu-



ra: ut, Christo data est omnis potestas: *Matth. 28. E. huma-*  
*na Christi natura est ubique.*

*II. Inductio vitiosa censetur, cum antecedenti opponi*  
*potest exemplum disimile & repugnans, sed tamen verum,*  
*non vitiosum:* ut, Athanasius fuit coelebs, item Ambrosius,  
 Basilius, Augustinus &c. fuerunt coelibes. Ergo omnes epi-  
 scopi fuerunt coelibes. Resp. At proferri possunt disimilia  
 exempla eorum, qui non fuerunt coelibes: ut Spiridonis, ut  
 Nazianzeni patris, ut Polycratis, qui profitetur se octavum  
 esse episcopum, natum ex maioribus episcopis.

*III. Exemplum vitiosum censetur, cum disimilis est ra-*  
*tio exemplorum, quæ conferuntur, vel cum exemplum in*  
*antecedente adductum, est falsum, aut contingens:* ut, Abra-  
 ham rectè fecit volens immolare filium Isaacum. E. & Aga-  
 memnon rectè fecit, quòd mactàrit filiam Iphigeniam. Resp.  
 nulla est consequentia, quia exempla sunt disimilia. Sic:  
 Jephthes sine mandato Dei immolavit filiam suam. E. & Aga-  
 memnon rectè fecit immolando suam. Resp. antecedens ha-  
 bet exemplum falsum. Nam Jephthes filiam suam non im-  
 molavit, sed tantum Deo consecravit, ut in perpetuà virgini-  
 tate manens Deo serviret. Et verò si antecedens maximè ve-  
 rum esset, tamen nihil firmi inde posset inferri; quia legibus  
 judicandum, non exemplis.

*IV. Dilemma vitiosum judicatur, si vel detur medium*  
*inter cornua ipsius, vel alterum eorum, aut etiam utrumq;* fa-  
 ciat contra adversarium; vel si assumptio sit falsa. e. g. Si Deus  
 Pater gignit verum Deum, gignit aut seipsum, aut alium Deum.  
 At neq; seipsum, ut conceditis. Neq; alium Deum; quia sic  
 gigneret vel conditorem cœli & terræ, vel non. Non illud;  
 quia verus Deus mundi conditor non nisi unus est. Non hoc;  
 quia Deus, qui non est conditor cœli & terræ, non est verus  
 Deus. Resp. Dilemma est sophisticum, quia non est imme-  
 diatum. Datur enim tertium, hoc modo: Si Deus Pater gignit,  
 aut gignit seipsum, aut alium Deum, aut aliam personam.

*V. Sorites judicatur vitiosus, si sint scopæ disolutæ, & si*  
*fallacia aliqua sit commissæ.* Vide infra *lib. 10. c. 14. tit. solu-*  
*tio multiplex:* & supra *l. 7. c. 13.*

*VI. Syllogismus inversus sæpe nobis imponit.* Itaq; partes  
 in ordinem naturalem redigantur, ut iudicium sit liquidius:  
 ut, Nequa-

ut, Nequaquam dubitandum est, sanctos demortuos esse invocandos. Nam amicos Dei invocandos esse nemo negat. Sanctos autem demortuos quis ignorat esse amicos Dei? Resp. Syllogismus ille est inversus, cujus partes in ordinē sic sunt redigendæ: Amici Dei sunt invocandi. Sancti demortui sunt amici Dei. E. sancti demortui sunt invocandi. Resp. Major propositio est falsa; quia adoratio religiosa soli Deo debetur. At invocatio est adoratio religiosa. E. soli Deo debita.

### Cap. 13. Fallacia methodi.

**F**allacia methodica est, quā methodus apparens Fallacia methodica.  
pro rectā obtruditur.

Estque circa methodum universalem, vel particularem.

Circa methodum universalem est fallacia in disciplinis tradendis, quoad formam & materiam.

Fallacia circa formam est confusio, perissologia, & hiatus.

Confusio fit:

1. Cum methodus synthetica confunditur cum analyticā, vel contrā: ut, si Ethica disponatur methodo syntheticā, & Geometria analyticā. 2. Cum specialia generalibus, particularia universalibus, propria communibus praponuntur: ut, si in Ethicis doceatur de virtute ante felicitatem. 3. Cum diversorum generum species vel affectiones inter se confunduntur: ut, si affectiones syllogismi in Logicis misceantur cum affectionibus axiomatis.

Perissologia est non-necessaria ac tædiosa, imò perniciofa, prolixitas.

Hæc maximè accidit tautologiā, h. e. eorundem intempestivā & frequenti repetitione.

Hiatus est, cum nulla est continuatio præceptorum, ubi esse debebat:

Veluti si post longam partis alicujus tractationem nulla adhibeatur transitio.

Fallacia circa materiam methodi est heterogeneia, & antilogia.

Heterogeneia est transitus in aliud genus disciplinæ;

Cùm videl. disciplinarum fines perturbantur: ut, si Metaphysica cum Logicis confundantur.


Antilogia est, cùm in eodem systemate pugnantia & seipsa evertentia dicuntur.

Fallacia circa methodum particularem est, cùm vel ordo nullus observatur, vel ordo accuratus, qui solùm in disciplinis habet locum:

Ut, si quis velit in oratione exquisitissimam observare methodum.

Utrobique autem, tàm in methodo universali, quàm particulari, committitur fallacia fallaciarum, quando prudentia non est summa lex.

Absolvimus ita doctrinam de fallaciis, quas tradidimus non eo fine, ut aliquis discat fallere, nisi *πειρασμός*; sed ut Logicæ eruditæ studiosus illas deprehendere & vitare possit. Typus hujus tractationis nobis claudat hunc librum penultimum.



LOGICORUM  
LIBER DECIMUS  
ET ULTIMUS.

IN QVO

PARS SPECIALIS

DE

USU INSTRUMENTORUM  
LOGICORUM.

*Cap. I. Logicæ specialis necessitas & distributio.*

**P**Ersecuti sumus cum Deo partem Logicæ generalis: superest nobis pars specialis, quæ tradit modum benè disferendi in specie. *Vocatur à Reckermanno Gymnasium Logicum, itemq; Logica specialis: ab aliis Critica.*

Logica generalis exposuit instrumentorum Logicorum naturam, & (ut ita dicam) fabricam atq; architecturam. Specialis deinceps exponet rationem utendi instrumentis Logicis in cognoscendis & recognoscendis omnibus ac diversissimis rerum disferabilium generibus.

Logicæ specialis præcognoscitur necessitas, & distributio.

(sitare usus.

Necessitas Logicæ specialis dependet à neces-

Quod si igitur evicero, usum Logices esse necessarium; parebit quàm necessaria sit Logica specialis. Nam si est usus Logices; ille considerandus erit vel in disciplinâ cuius est, vel extra disciplinam. Non hoc: quia quælibet ars sufficienter debet tradere media, quæ ad finem ipsius comode & expeditè consequendum sunt necessaria. Jam autem Logices finis est tradere modum benè disferendi. Modus disferendi, proprium & adæquatam illud Logicæ subjectum, consideratur in genere vel in specie. E. ut sit finis cum subjecto, & u-

triusq;

triusq; cum Logicâ reciprocatio, ut ita loquar, tradenda erunt præcepta de modo disserendi tum in genere, tum in specie. Ex his efficitur, specialia præcepta de Logicorum instrumentorū applicatione esse immediatè subjicienda præceptis generalibus: quia alioqui mediiorū, quibus ad Logicæ finem cõtendimus, fieret divulsio. Hinc & illud efficitur, usum Logices à præceptis de usu esse distinguendum. Usus præceptorum Logicorū separandus est ab ipsis præceptis de usu. Etenim usus ille est rationis functio, quâ præcepta artis animo comprehensa reb. extra artem cognoscendis opere ipso applicantur. Hunc usum Logica sibi non adscribit. Nam ille est cujusvis hominis eruditi, qui utitur Logicâ juxta præcepta generalia & specialia, effectū. Deinde usus vel præcedit artem, vel sequitur. Quatenus præcedit, est causa efficiens artis. Nā

*Per varios usus artem experientia fecit.*

Sed quatenus artem sequitur, illius effectum est. Hic igitur usus non est pars artis, vel essentialis, vel integralis. At præcepta de hoc tali usu, omninò sunt pars artis. Nam sine iis ars non potest dici essentialiter perfecta; id quod vel inde colligere est, quòd non omnis qui cognita habet præcepta Logica, v. g. de syllogismo, statim dextrè illis uti potest. Requiritur igitur ut specialis superveniat præceptio de ratione utendi seu applicandi hoc instrumentum. Suprà vidimus, instrumentū quodvis habere duo, videl. essentiā & actionē seu usum. Si dantur præcepta de essentiā seu naturā v. g. testudinis, lyra, mallei; etiam erunt tradenda præcepta de usu testudinis. Foret n. manca & imperfecta instrumenti cognitio.

Necessitas usus Logici comprobatur ratione, Necessitas  
usus Logici.  
authoritate & exemplis.

Ratio, quâ probatur usum Logices esse necessarium, sic habet.

Logica est habitus, prout consideratur in mente hominis. Habitus autem artificialis tribus acquiritur mediis, naturā, institutione, & exercitatione. *Aristot. 3. Rhet. cap. 12. & 1. polit. 13.* ubi ait: Σπηδαῖοι γίγνονται διὰ τριῶν· τὰ τελέα δὲ τῶν ἐστὶ φύσις, λόγος, καὶ ἔθος. Cui σύμφωνα, sunt ea quæ *Plutarchus* habet de institut. ἡ φύσις ἀνευ μαθήσεως τυφλόν. ἡ μαθήσεως δίχα φύσεως ἐλαπίς· ἡ δὲ ἀσκήσις χωρὶς ἀμφοῖν



ἀπλῆς. Ratio hujus est; quia natura facit habiles. Sed quia habilitas seu dispositio non sufficit, quippe quæ rudis est & imperfecta; secundo loco accedit institutio seu ars. Sed ne hæc quidem sufficit. Cum enim actio sæpe iterata faciat habitum, omnino requiritur exercitatio juxta præscriptum artis. At exercitatio illa gubernatur normis non solum generalibus, sed etiam specialibus. Atq; hinc distinctio Logices in generalem & specialem.

Authoritas, quæ usum Logices necessarium esse possumus probare, est tum generalis, tum specialis.

Generalis, est petita à dictis magnorum authorum illustribus, quæ de usu in genere loquuntur.

Philosophus 2. *Ethic. cap. 1.* ait, οἷον οἰκονομῶντες οἰκονομοῦνται, καὶ καθαίροντες καθαίρεται. Vetustus philosophus huic Aristotelis dicto succinit: ὁ λόγος, ait, ἀνδρῶν ἔργων σαφές. *Putridus est verborum apparatus sine opere.* Tertullianus dicit: *Non copia, sed usus.* Liceat & huc adscribere illud Francisci: *Tantum homo scit, quantum operatur.* Grammaticorum dictum est: *Purus Grammaticus* (qui scil. versatur in præceptis nudis) *est purus asinus.* Patres (citante Keckermanno) dixerunt, *Purus Logicus est purus hereticus*, h. e. qui contentus nudâ speculatione, Logicâ non applicat rebus, in omni disciplinarum genere novas & absurdas excogitat opinioniones. Notum est illud oratoris pro Rabirio: *Usus est optimus magister; & præclarum illud Senecæ, epist. 6. Longum ac difficile est iter per præcepta, breve & efficax per exempla.*

Specialis authoritas est in specie de praxis Logicæ necessitate.

Communis ille Germaniæ præceptor Melanchthon pag. ult. *Dial. anno 1528 edita*, sic ait: *Meminerint adolescentes, ad hæc præcepta consuetudinem disputandi, & styli exercitium adhibendum esse. Ita fiet, ut perspiciant vim atq; usum præptionum.* Ut enim ridiculus faber foret, qui multos malleos compararet, nõ ut iis uteretur, sed ut officinam copiose instructâ haberet; nec alium nosset ejus rei finem: ita sunt inepti, qui nullum existimant alium finem esse Dialecticæ, quàm ut habeant bibliothecam his libellis instructam. Producentia ars est ex scholâ in aciem, & ad magnas causas accommodanda. Idem

*videtur is, qui non addit usum & exempla regulis*  
 quod qui in tenebris egregiam picturam collocat. Keckerman-  
 nus in *præfat. Logic. special.* ait: Praxis artium intra artis ipsi-  
 um methodum, atq; ut sic dicam, medullas habere debet, non se-  
 jungi ab eâ, aut qualitercunq; assui velut mantissa quadam &  
 appendix. Usus est ipsa ἐπελξεῖα, ipse actus & perfectio, &  
 velut forma artis. Hic non disputo, quàm rectè hoc dicatur,  
 usus est velut forma artis (nam hyperbolicè hoc dictum esse  
 existimo) sed usum Logices cōmendo verbis philosophi non  
 infimæ classis. Petrus Molin. in *elementis Logicis* dicit, eos, qui  
 multa præcepta Logica colligunt, & interim tamē ad consti-  
 tuendum Logicum opus non accedunt, similes sibi videri iis,  
 qui multos malleos aut forcipes cōemunt, & interim nihil  
 habent, quod incudant aut evellant. Keckerm. ait, sibi hos ta-  
 les similes videri iis, qui multos loculos aut marsupia cōem-  
 unt, & nihil habent numorum, quod recondant.

Exempla vocamus hoc loco διαλύσεις & com-  
 memorationem illorum, qui Logicam exercue-  
 runt omni fermè seculorum memoriâ.

Hic igitur historia usus Logici, de periodis & conversio- Historia u-  
sus Logici.  
 nibus fuerit texenda.

Usus Logicæ consideratur in veteri & novo  
 Testamento.

In veteri Testamento consideratur secundùm  
 quatuor potestates, patriam, judiciariam, regiam  
 & sacerdotalem.

Tempore potestatis patria viguit exercitium Logica na-  
 turalis. 1. In inventione disciplinarum realium, Astronomiæ,  
 Geometriæ, Physicæ. Et quidem hoc inveniendi exercitium  
 heroïco isti mundi seculo maximè conveniebat. 2. In con-  
 sideratione visonum & oraculorum divinorum. 3. In dexte-  
 ritate docendi filios & posteros. Hæc de re videris apud Josè-  
 phum, Polydorum Virgilium, Guidonem Fabricium, & cæ-  
 teros, qui testantur, ex familiâ patriarcharum, inprimis A-  
 brahami, exercitia Logica & constitutiones omnium penè  
 disciplinarum devenisse ad vicinas gentes, nempe Ægyptios  
 & Phœnices, à quibus deinde in Græciam & Italiam, quasi

quodā mercimonio devec̃t̃ sunt. Et hoc exercitium hujus periodi promoverūt & juverunt quatuor ista: 1. Longævitas. 2. Firmissima valetudo. 3. Judiciū vegetū. 4. Firma memoria.

*Tempore potestatis judiciaria Logicam cum primis exercuerunt Moses, qui tinctus fuit omni sapientiā Ægyptiorum, Aharon & Levita. Taceo scholas Sacerdotum ac Levitarum, in quibus indubiē Logica fuit exulta & expolita.*

*Tempore potestatis regia in Logicis excelluerunt Propheta, qui instituerunt Scholas, Salomon, Chaldaei, Daniel, Magi Persarum, Pythagoras, ejusq; discipuli, qui usum Logicæ singularem habuerunt in Mathefi.*

*Tempore potestatis Sacerdotalis apud Judæos Logicam excoluerunt Ezra, Nehemias, & viri Sanhedrin: apud Ethnicos, Socrates, Plato, Stoici, Aristoteles, Cicero, Galenus, Alexander Aphrodisæus, Themistiū, Simplicius, Philoponus, & Graci Aristotelis interpretes, qui usum Logicæ Analyticum cum primis sectati sunt.*

Usus seu praxis Logices in N. T. consideratur quoad Ethnicos, & Christianos.

Christianorum duntaxat catalogum texere fert animus.

Ii sunt, vel veteres, vel recentiores.

Veteres sunt Doctores, vel Ecclesiastici, vel Scholastici.

*Ecclesiastici, qui dediti fuerunt exercitio Logico, sunt vel Graci, vel Latini. Graci, ut, Justinus Martyr, Athanasius, Damascenus, qui Logicam in disputando præcipuē exercuerunt; Basilius, Chrysostomus, qui Logicæ artis usum in oratoriâ facultate in primis posuerunt.*

*Inter Latinos excellit Augustinus, qui in vocum examine & distinctione est industrius, in rerum generibus investigandis, definitionibus ac divisionibus texendis dexter, in proprietatibus rerum exquirendis ingeniosus, in causis investigandis solers atq; acutus, in rerum collocationibus circumspectus, inq; oppositionibus perspicax: ut ait Erasmus.*

*Scholastici Doctores sunt, qui de Theologicis & Philosophicis materiis in Scholis docuerunt: quid illi præstiterint in usu Logicæ, monendum.*

*Tres sunt eorum atque computante Danæo in comment. in Lombardum.*

Vetus

*Vetus Scholastica incepit anno Domini 1000, usq; ad annum 1220, adeoq; duravit per annos 200. Hi Logicam exercuerunt collectione dictorum, quæ apud Patres occurrunt, & Analyfi librorum Petri Lombardi.*

*Media Scholastica cæpit ab anno Christi 1220, & duravit usq; ad Durandum, qui claruit anno Domini 1350. Hæc ætate ulus Logices præcipuus fuit positus in resolvendo textu Aristotelis, & in disputationibus in utramq; partem, pro & contra, ut loquuntur. Hujus ætatis præcipui scriptores fuerunt Albert. Magnus, Thomas Aquinas, Joan. Duns, Occamus &c.*

*Tertia Scholasticorum ætas est ab anno Christi 1330 usq; ad tempora Lutheri, hoc est, annum 1517: cujus periodi tempore magnæ doctrinæ theologicæ & philosophicæ, & plus quàm Cimmeriæ, tenebræ invaluerunt, præsertim in Logicis. Et hæc quidem de Scholasticis dicta sunt, quorum doctrina 400 & ampliùs annis Scholas totius Europæ possedit.*

Venio ad Logicos practicos recentiores, qui vel Peripatetici tantùm, vel Raméi tantùm, vel neutri.

*In Peripateticis Logicam exercuerunt resolvendo, commentando, emendando, Erasmius Roterodamus, Ludovicus Vives, Melanchthon, Jodocus Willichius, Johan. Sturmius, & inter theologos Lutherus, Zwinglius, OEcolumpadius, Capito, Bucerus, Bullingerus, Calvinus, Martyr, Ursinus, Sadeel, Zanchius, Danaus, & alii, qui ob summam artis Logicæ periti- am adversariis formidabiles extiterunt.*

*Raméi, qui usum Logices ostenderunt, maximè in analysi, sunt Freigius, Schönerus, Snellius, & alii.*

*Neutri sunt, qui utramq; Logicam, Aristotelis & Rami conjungunt, viri optimi & eruditissimi, in quibus facile Goclenius familiam ducit.*

Divisio Logicæ specialis sequitur.

Ejus partes duæ sunt; prima est de applicatione instrumentorum Logicorum adjuvandum intellectum; altera de applicatione eorundem adjuvandum memoriam & reminiscentiam.

Primam partem docendi causâ vocemus *intellectualem*,  
alteram *mnemonicam*.

*Cap.2. Applicatio intellectualis in genere.*

**A**pplicatio intellectualis consideratur in genere, & in specie.

De hâc primo loco præcipimus; quia intellectus est objectum informationis primum, memoria secundarium.

Applicatio intellectualis in genere est synthesis, seu *genesis*, vel *analysis*.

Synthesis &  
analysis.

Synthesis est, quâ opus aliquod ipsi constitui-  
mus juxta præcepta Logica.

Analysis est, quâ opus ab alio constitutū resolu-  
mus juxta præcepta, secundum quæ est constitutū.

Canones hujus loci sunt:

1 *A synthesi auspicabitur suam exercitationem candidatus Logices.*

Multi sunt, qui volunt usum præceptorum Logicorum jam cognitorum in bonis authoribus omnium primò demonstrandum esse. Sed ista sententia est perniciosa. Ratio: quia boni authores Logicum artificium sæpe texerunt, ita ut candidatus Logices illud primâ fronte pervidere non possit. Accedit, quòd methodus naturæ à compositione jubet nos progredi ad resolutionem. Itaque quamprimum cognita fuerint præcepta Logica superioribus libris tradita, cognoscantur hæc specialia, & in manus sumantur themata varia, quæ tractentur juxta canones hic traditos.

2 *A synthesi veniendum est ad analysisin, & ab hac rursus ad synthefin.*

Nimirum synthesis est duplex, inchoata & numeris omnibus absoluta. Inchoata præcedet praxin analyticam, tanquam faciliior. Nam si videamus, quomodo tractanda sint juxta præcepta de synthefi themata, & juxta illud præscriptum

scriptum aliquot tractemus; facilius & felicius progrediemur in analysi probatorum authorum. Sed quando erimus aliquamdiu versati in analysi, redibimus, ad synthefin, scilicet, non ita rudem, ut prior illa fuit, sed confirmatam & ferme perfectam. Nam dum videmus, quo modo authores hæc vel illa themata tractârint; incipimus defectus nostros in synthefi inchoatâ cognoscere. Hos ita cognitos emendamus, dum imitamur authores nostros probos, atque ita veluti *καλοειδῶς* ad synthefin redimus. Quare duobus hisce modis duntaxat nosmet exercere possumus in hac facultate; altero, examinandis & retexendis aliorum scriptis; altero, novis operibus cudendis. Haud verò facile dixeris, utrum horum sit difficilior, nisi ad datam à nobis distinctionem respexeris. Fonseca sic statuit: Autores graves multas sæpe argumentationes ita conjungunt, ut una duntaxat esse videatur: sæpe etiam adeò latè & diffusè, multis obiter interjectis verbis ac sententiis, unum argumentum idemque amplificant, ut credas esse complura. Itaque etsi nova scribere, magna res habeatur, semperque habita sit: arduum tamen atque difficile negotium suscipit, qui argumenta omnia, præsertim in scriptis veterum, suis locis reddere conatur; quippe cum illi, etsi magno artificio scripserunt, artem tamen studiosissimè dissimularint. Qui igitur aliorum scripta etiam atque etiam perlustravit, facile deinceps illorum imitatione & exemplo, in altero exercitationis genere, quod Dialectico quasi ultimam manum imponit, sese exercebit. Hæc sententia Fonseca vera est.

1. Si authores illos intelligas, qui non nudè, sed Rhetorico apparatu Logica exercitia pertractarunt.
2. Si synthefin inchoatam à consummatâ distinguas; quod omninò necessarium esse judicamus; & tu, scio, juxtâ mecum, qui hujus rei facies periculum.

### Cap. 3. Exercitatio thematica.

**A**pplicatio intellectualis in specie est partialis, vel totalis.

Hujus divisionis fundamentum sic habet. Instrumenta Logica considerantur in usu vel singula seorsim, vel univer-



sa conjunctim. Sicut igitur miles primò discit modum utendi gladio, dehinc sclopeto, tum hastâ, & similibus, & ultimo loco addiscit rationem utendi illis conjunctim: sic & faciet palæstrita, ut sic dicam, Logicus. Cognoscet primùm, què possit uti themate, argumento, axiomate, syllogismo, methodo; deinde cōdiscet rationem utendi iisdem conjunctim in effingendo, vel resolvendo aliquo opere. Hinc cōstare puto, quâ ratione inducti applicationē dianoëticam fecerimus aliam partialem, aliam totalem; cur item illi, non huic priorum locum dederimus. Observa, applicationis, usus & exercitationis vocabula nos promiscuè usurpare.

Applicatio partialis est, quâ seorsim singulorū instrumentorum Logicorum præcepta ad usum accommodantur, sine respectu ad certi alicujus operis confectionem.

Hanc *Timplexus pag. 881. Logic.* vocat generalem: cui opponit specialem, quam nos diximus totalem. Sed paulò aliter ille explicat utramq; hanc exercitationem. Posset etiam appellari *applicatio separata*.

Applicatio partialis est noëtica, vel dianoëtica.

Applicatio noëtica est, quæ versatur circa instrumenta noëtica.

Estque vel thematica, vel argumentosa, vel axiomatica.

Hic usus sum præcisione. Volui scilicet evitare subdivisiones aliquot, quæ è superioribus possunt repeti; videl. quòd applicatio noëtica sit vel circa terminum, vel circa axioma; & illa vel circa thema, vel argumentum &c.

Applicatio  
thematica.

Applicatio thematica est, quæ versatur in constituendis & dijudicandis thematibus secundum præcepta de illis tradita. Hic igitur consideratur constitutio, & dijudicatio thematis constituti.

Constitutio thematis gubernatur his canonicis.

The-

Thema tractaturus consideret illius

1 *Cōmunes affectiones; videl. bonitatem, & ad quā pertineat disciplinam. Et hæc erunt quasi præcognita.*

2 *Divisiones; num sit solitarium vel aggregatum; & si solitarium, num verbale vel reale &c.*

Exempli gratiā: thema sit *sylogismus*. Est thema utile, depromptum è Logicā: ideoq; secundæ notionis, tractari potest tanquā verbale & reale thema simul, ita ut sit aggregatū. Si consideretur ut thema verbale, est vox simplex, concreta, quatenus habet materiale & formale, Græca, ambigua, & quidē similitudinis ex merito rei &c. Si consideretur ut thema reale, est positivum, absolutum, universale, practicū, simplex &c. Jam cūm quæritur, An syllogismus sit vocabulum mathematicum, item, An syllogismus sit notio secunda? utrumquē thema est compositum, prius quidem verbale, posterius verò reale.

Dijudicatio thematis constituti gubernatur his canonibus.

1 *In lectione authoris prima cogitatio suscipiatur de themate.*

Nam si non cōstet de themate, Andabatarum more verfabimur in bonis authoribus, & verè in nos dici poterit illud: *Legere & non intelligere, est negligere.*

2 *Thema principale distinguatur à minùs principalibus.*

Invenitur autē thema principale ex scopo authoris principali, ut diximus *lib. 1. c. 2.* Sic igitur tibi hīc procedendum fuerit. Author instituit aliquid vel declarare tantū, vel demonstrare tantū, vel utrumque simul facere. Si primum; ipsius thema est simplex, & quidem vel verbale, vel reale, vel utrumque. Si secundum; ipsius thema est compositum. Si tertium; ipsius thema est aggregatum seu multiplex. Exempli gratiā: thema *capitis 1. Geneseos* est simplex reale; quia Moyses voluit explicare seu declarare hanc quæstionem, quomodo mundus sit conditus. Hoc est thema principale, quod reciprocatur cū toto isto capite. In oratione Ciceronis pro M. Marcello, Cicero voluit aliquid demō-

strare. Itaque thema ipsius est compositum. Scopus igitur ostendit, quale sit thema, num simplex, vel compositum; num principale, vel minùs principale: ut, Ciceronis scopus est in illâ oratione, demonstrare, suum esse Cæsari agere gratias pro Marcello restituto, non autem in perpetuum tacere, sicut sibi proposuerat. Hoc igitur est thema compositum principale istius orationis.

3 Invento themate principali, illud examinetur  
juxta communes affectiones & species thematis.

Exempli gratiâ: thema *cap. 1. Genesius* est solitarium, reale, theologicum, practicum; quia finis ipsius ultimus non est cognitio, sed actio &c.

*Cap. 4. Exercitatio argumentosa  
in genere.*

**A**pplicatio argumentosa est, quæ versatur circa argumenta, eaque applicat themati secundum præcepta de iis tradita.

Ea consideratur in genere & in specie.

*Omne argumentum est* Applicatio argumentosa in genere considerata,  
*ἐμπηκτικόν, ἢ* est argumentorum Logicorum usus in declaran-  
*δο, ἢ* do, demonstrando & amplificando.

Hâc de re est canon :

*Quodvis argumentum Logicum potest esse declarans,  
demonstrans, & amplificans.*

Animadvertendum est, locos Dialecticos, nō solum probationis, sed etiam declarationis & amplificationis suppeditare materiam. Hoc pauci norunt; quidam qui norunt, impugnant, existimantes Logicam sibi habere propositam duntaxat probationem. Sed hanc opinionem esse falsam, usus ipse ostendet. Maneat igitur salva hæc hypothesis: *argumenta Logica possunt esse declarantia, demonstrantia & amplificantia*: seu ex quovis loco inventionis eruuntur hæc talia argumenta.

Uſus argumentorum in declarando, eſt quo il-  
la decla-

la declarant thema simplex. *Possunt etiam appellari argumenta explicantia.*

Usus argumentorum in demonstrando positus, est quo illa demonstrant thema compositum.

Latè hic accipias oportet vocabulum demonstrationis, pro quâvis probatione: unde & *argumenta demonstrantia* alio nomine dicuntur *probantia*. Desumuntur autem è quovis loco inventionis syllogismi tum reales, tum notionales. *Reales*, quorum termini sunt res ipsæ extra mentem positæ, sed reductæ ad certum locum: ut, Deus est omnipotens. Q. creavit mundum. Hæc ratio est ab effectu. *Notionales*, quorum termini sunt notiones Logicæ in hoc vel illo loco usitate: ut, Quidquid causa dat effectui, id illa habet formaliter, vel eminenter. Atqui Deus nobis dedit intellectum. Ergo &c.

Usus argumentorum in amplificando positus, est quo illa amplificant thema utrumque, tum simplex, quod declaratum est, tum compositum, quod demonstratum est.

Observa, sæpe unum exemplum amplificationis ad diversa topica referri posse, ut patebit ex iis quæ deinceps adducemus. His ita constitutis, nostrum erit deinceps percurrere singula loca, & ostendere, quomodo suppedient nobis argumenta declarantia, demonstrantia & amplificantia.

### Cap. 5. *Usus doctrinae de causa finali.*

**A**pplicatio argumentosa in specie est argumenti incomplexi, vel complexi.

Applicatio argumenti incomplexi est argumenti communis, vel proprii.

Applicatio argumenti communis est consentanei, dissentanei, comparati, orti & testimonii.

Applicatio argumenti consentanei est causæ, causati, subjecti, adjuncti, antecedentis, consequentis, & connexi.

Applicatio causæ instituitur juxta quatuor causarum genera, videlicet finis, efficientis, materiæ, & formæ.

Primò igitur exequamur usum causæ finalis.

### I. Usus declarationis.

Usus declarationis explicatur brevibus notis causæ finalis, exemplis simplicium terminorum, & dispositione axiomaticâ terminorum.

Causæ finalis notæ sunt:

1. *Nomina*: inventio, scopus, finis, usus, meta, propositum, officium, comoditas, utilitas, fructus, emolumentum. 2. *Ablativi*: gratiâ, causâ. 3. *Adverbia*: quò, quorsum. 4. *Præpositiones*: propter, ad, in, pro, ob; Græca vocula εἰς. *Matth.* 8. v. 4. *Joh.* 1. v. 7. 5. *Conjunctiones*: ut, ne, ergò, igitur; ut, amoris igitur, benevolentiae ergò. 6. *Formula loquendi*: hoc fine, hoc consilio, hoc animo, hoc nomine, cui bono, cui usui, hunc in finem, huc tendit, facit, spectat ut, huc valet ut, non aliò spectat quàm ut; ad aliud refertur, tendit, conducit. 7. *Supina infiniti*: ut, ibo visum. Hæ notæ duplicem nobis præstant usum. Principio juvant nos in analysi bonorum authorum. Nam si ibi occurrant voces istæ, judicabimus causæ finalis lumen Logicum esse adhibitum. Sic nimirum tenera juvenus est informanda, ut è Græmaticis illis, tanquam notis, addiscat Logica adhuc ignota. Deinde juvant nos illæ ipsæ notæ in dispositione axiomaticâ. Nam si finis cum finito debeat disponi axiomaticè, habebimus hinc quasi sylvulam vocabulorum & formularum, quibus illam dispositionem dextrè concipiamus & efferamus. Taceo quòd hæc ipsa ratio multum facit ad copiam verborum. Quapropter & in sequentibus locis, ubi opus erit, has ipsas notas adferemus.

Exempla terminorum simplicium seu indispositorum ad hunc locum sunt ista:

| <i>Finis.</i>            | <i>Finitum.</i>   |
|--------------------------|-------------------|
| Gloria Dei.              | Actiones hominis. |
| Eucharistica annuntiatio | Cæna Domini.      |
| mortis Christi.          |                   |

Deo

Deo cultores post se relin- Conjugium.  
quere.

Domus. Ædificatio.

Perfectio hominis. Bonæ literæ.

Dispositio axiomatica est, quâ termini simplices componuntur vel dividuntur.

Et hîc quidem componuntur: ut, Omnes actiones hominis facere debent ad gloriam Dei. Cœna Dominica instituta est, ut mortem Domini annunciemus.

## I I. Usus demonstrationis.

Usus demonstrationis est, scire quomodo finis possit esse medium syllogismi.

*Est q̃ hic usus tum negationis, tum affirmationis: hoc est, syllogismi ex fine fiunt tum affirmantes, tum negantes; utq; in primâ aut secundâ figurâ. e. g.*

*Thema.*

*Argumentum à fine.*

Lex est admodum salutaris. Ut enim peccata agnoscerentur, lata est.

Charitas Christiana erga oēs Q. inprimis facit ad gloriam homines exercenda est. Dei.

Lectio SS. literarū in publicis Ecclesiâ cœtib. linguâ Q. servire debet ædificationi Ecclesiæ.

vernaculâ peragenda est.

Si disponantur argumenta cum suis quæstionibus, tales emergent syllogismi: Quod facit ad peccati agnitionem, est admodum salutare. Atqui lex lata facit ad peccati agnitionem. E. Quod facit inprimis ad Dei gloriam, id exercendū est. At charitas &c. Adde & hæc exempla: Non debemus ullum otiosum verbum dicere, ut omnes nostræ actiones sint ad gloriam Dei. Homo debuit erectâ creati staturâ, ad contemplationē cœlestium. Quisquis Deum videbit, munda debet esse corde. Electi Deum videbunt. E. Pupilla debuit admittere omnes colores. E. debuit esse sine colore. Notetur hîc canon:

*A fine petuntur argumenta laudis, vituperii, exhortationis, & firmæ demonstrationes, strictè accepto vocabulo.*



## III. Usus amplificationis.

Usus amplificationis est scire, quomodo finis possit servire themati augendo vel minuendo, extollendo aut deprimendo.

Hâc de re est canon:

*Finis amplificatur ἀντίθεσι, συγκρίσει, συναθροισμῷ, γνωμολογίᾳ, hoc est, oppositione, collatione, conglobatione, & autoritate.*

I. *Oppositione*; quâ fines contrarii inter se opponuntur ut, non ad hanc animale, sed ad illam verè vitalem vitam condidit nos Deus; non ut abdomen, sed ut salutem animæ curaremus. *Item*: Quid putas, ô homo? Num Deus te condidit propter ventrem, ut ad instar bruti abjectus esses & pronus ad pastum? Num fortè ut divitias corraderes? Num ut inani speculatione animum oblectares eâque tempus transmitteres? Ah falleris, & nimis quàm falleris, si ita tibi persuades! Propter gloriam suam condidit te Deus; tam præcellentem creaturam te condidit propter gloriam suam.

II. *Collatione*; quâ fines pares, impares, similes vel dissimiles inter sese conferuntur: ut, Gloria Dei est id unum quod quæro in studiis meis. Gloria, inquam, Dei Patris, qui me creavit; Filii, qui me redemit; Spiritus sancti, qui me sanctificat. Sed dum huc omnes meas actiones dirigo, ecce ante oculos obversatur proximus, cujus saluti ut me & mea consecrem, suadet prima illa, quam modò dixi, quamque omnes sapientes sibi præstituunt, meta. Nimirum simillimi mihi videntur, qui Dei gloriam se quærere gloriantur, dum proximi nullam rationem habent, omnibus illis, qui conjugium arctissimum vocant, in quo nulla est animorum consensus. *Item*: In studiis cunctisque actionibus nostris hoc unicè spectemus, ut benè sit corpori; neque solum corpori, sed etiam animæ: idque non solum in hâc vitâ, sed etiam, & id quidem præcipuè in alterâ, quæ post hanc æterna erit. At hæc omnia velimus propter Dei gloriam: propter gloriam dico misericordiæ, justitiæ, sapientiæ & omnipotentæ Dei, qui unus est beatus in secula.

III. *Conglobatione*; quâ varii fines inter se copulantur: ut, Dum

ut, Dum hic divitias, ille honores, iste voluptatem sibi cordi esse dicit, ego ad unius Dei gloriam & proximi ædificationem omnia mea studia compono. *Item*: Hoc sine studiis incumbis, ut cognoscas res præclaras? Benè facis. Sed si cognitionem dirigis ad actionem, rectiùs facis. Si & illam & istam ad Dei gloriam, rectissimè facis. *Hoc idem exemplum etiam sic variabis*: Incumbimus in studia humanitatis & pietatis propter cognitionem veri. Cognitionem veri quærimus propter actionem boni. Actionem boni volumus propter nostram felicitatem. Hanc velle debemus propter Dei gloriam. *Cum hac conglobatione concurrat syncrisis. Item*: ex 2. Tim. 3. Omnis Scriptura divinitus inspirata utilis est ad doctrinam veri, ad redargutionem falsi, ad institutionem in bono, ad correctionem mali, ad consolationem infirmi, ut perfectus sit homo Dei ad omne bonum opus perfectè instructus. *Huc pertinet ille Sorites*: Mercator vult iter propter commendas merces; mercium emtionem vult propter earum venditionem; venditionem propter lucrum. Ergo iter ipsum vult propter lucrum. *Huc pertinet artificiosus ille Sorites Augustini ad Psalm. 110.* ubi tali apostrophe ad Christum utitur: Ut resurgeres, mortuus es. Ut ascenderes, resurrexisti. Ut sederes ad dextram Patris, ascendisti. Ergo ut ad dextram Patris sederes, mortuus es.

I V. *Authoritate*; quâ rem propositam variis & iis quidem illustribus dictis amplificamus. Nota hoc loco, nos non tradere amplificationem oratoriam, sed Logicam, quæ non spectat delectationem aut motum, sed nudam doctrinam.

---

*Cap. 6. Usus doctrinae de causa efficiente.*

**U**Sus causæ efficientis est triplex, ut & causæ finalis fuit, & sequentium locorum erit.

I. *Usus declarationis,*

Hic occurrunt etiam notæ, simplices termini, & dispositio axiomatica.

## Causæ efficientis in genere signa sunt :

1. *Nomina*; causa, effector, author, institutor, magister, origo, initium, faber, mater, cibus, panis : ut, stylus est optimus dicendi magister & effector; quisq; faber est suæ fortunæ; optimum est cibus amoris; felicitas est panis invidiæ. 2. *Ablativi causales*; ut, Ephes. 2. vers. 8. Gratiâ estis servati; licentiâ omnes reddimur deteriores. 3. *Adverbia*; hinc, inde, unde, exinde. Exempla vide apud Polanum de rat. legendi auctores pag. 37. 4. *Propositiones*; secundum, propter, à, ab, per, in, ex. 5. *Formula*; unde oritur? unde promanat? unde existit? unde provenit? Acceptum alicui ferre, agnoscere aliquem auctorem alicujus rei; debere alicui suam eruditionem; agmē vel familiam ducere. 6. *Particula* eò: ut, Eum valde occupatum offendi. Eò ad eum admissus non sum.

*Causa procreantis nota sunt*; pater, mater, genitor, genitrix, conditor, ædificator, opifex, invētor, institutor, author. Item cū dicimus quippiā ab aliō produci, gigni, generari, condi, inveniri, institui, nasci, originem ducere, item ortum & initium; promanare, proficisci ab aliquo.

*Causa conservans exprimitur per nomina*; conservator, patronus, instaurator, custos, vindex, renovator, amplificator, confirmator, enutritor, eductor: & per verba, conservare, patrocinari, instaurare, custodire, vindicare, asserere, sartum tectum relinquere, avetruncare vel prohibere malum.

*Causa corrumpentis characteres sunt*; occidere, interimere, destruere, ædificare ad ruinam, ædificare ad gehennam, annihilare, diminuere.

*Efficiens solitaria has habet notas*: solus, nō aliunde quā, non aliter, nullo modo nisi, nonnisi; totum hoc, quantumcūq; est, quod certē maximum est, totum, in quā, est tuum; te solum habemus, nemo præter te solum, proptio Marte, suopte ductu, sine Theſeo: ut, Ecclesia non aliunde lucem habet, quā ex Dei verbo; hæretici ex scripturis solis, non aliter refeliuntur; nullo modo cognoscitur Ecclesia, nisi ex scripturis; non justificamur nisi ex fide.

*Efficientis principalis indicia sunt*; coryphæus, daduchus, princeps, antesignanus, vexillifer, dux, fons, radix, scaturigo, metropolis, alpha: ut, est alpha chori Pierii, ait Poëta;

Ingrati-

v. sine alieno auxi  
leg. pro. 6.

Ingratitudo est metropolis vitiorum. Nam ex ingratitude omnia peccata adversus utramq; decalogi tabulam prognata sunt. *Causam minùs principalem indicant phrasès*; non sine Mercurio, non sine Theseo, arare vitulâ alicujus.

*Causa impulsiva signa sunt* 1. *Nomina*; impulsor, suafor, author, consultor; ut, te authore hoc feci. 2. *Verba*; impelle, incitare, concitare, provocare, irritare, subigere. 3. *Formula*; alicujus suasu, instinctu, hortatu, provocatione aliquid facere; seductus ab illo hoc designavit. 4. *Ablativi quidam*; ut, Diabolus seduxit hominem odio Dei, & invidia felicitatis humanæ. 5. *Præpositiones*; ex, per, ab, propter, præ; ut, ex merâ invidia aliquid facere, præ gaudio vel ex gaudio abire, à superbiâ putare, à tristitiâ dormire, propter invidiam tradere *Matth. 27. vers. 18.* Vide item *Matth. 13. v. 44.* & *Luc. 22. vers. 44.* 2. *Maccab. 5. v. 21.* Hâc de re placet adscribere locū è magni illius theologi *Francisci Junii adversionibus in Bellarmini controvers. 2. lib. 4. cap. 8. not. 81.* Vox ἀπὸ, Varino teste, hâc significatione nunquam usurpatur, nisi ad significandum internam causam motus aut actionis, qua significatur regente verbo; ut in illo *Homeri Iliados μ*

Εἰ δ' ἐπεὶ δὴ ἔπον δ' ἀπὸ πονηρῆς ἀρετῆς,

Ἐξ ἀρετῆς δὴ ἐπεισὶ θεοὶ φρένας ὠλεσάντων αὐτοί.

quemadmodum & Latini utuntur vocibus ab, præ, ex: ut, præ gaudio vel ex gaudio abit, à tristitiâ dormiunt, à superbiâ putavit. Exempla vide in *Logicâ Parci*, pag 42.

*Causa adjuvantis & instrumentalis nota sunt*; mediū, organum, minister, administer; adjumento, ministerio, operâ alicujus fieri; fieri per aliquem: item *ablativus instrumenti*; ut, justificari fide, excipere manu.

*Causa naturalis characteres sunt*; naturâ, à naturâ, necessario, necessitate naturæ, immutabiliter: ut, apes naturâ mellificant; Deus necessario odit peccatum; Deus immutabiliter est bonus; Deus necessitate naturæ suæ amat bonum.

*Causa voluntaria indices sunt*; cū quis dicitur aliquid facere voluntate, volens, voluntariè, lubens volens, plenâ lubentiâ, præsentī animo, consilio, studio, liberè, libenter, promptè, datâ operâ, sponte, proprio motu, ex composito.

*Causa coacta indicatur*, cùm quis coactus, vi impulsus, violentiâ adactus, coactione, nolens volens, quod Homero est *ἐκ τῆς ἀνάγκης* *ὑποῦ*, fractâ voluntate &c. facere aliquid dicitur.

*Causa fortuita seu per imprudentiam, vel per accidens, hoc est, cause præter propositum efficientis, notæ sunt*; cùm quis casu, fortunâ, invitus, ignorans, ex ignorantia, ignoranter, inscius, fors, fortè fortunâ, temerè, fortuito, imprudens, imprudenter, nihil tale cogitans, aliud agens, absenti animo, cogitationibus peregrinantibus &c. aliquid fecisse dicitur.

Termini simplices quoad præcipua causæ efficientis genera, sic habent.

*Efficiens procreans.*

Deus.

Mens.

Deus.

Solon.

Statuarius.

*Efficiens conservans.*

Deus.

Spiritus sanctus.

Leges.

Sal.

*Efficiens corrumpens.*

Peccatum.

Diluvium.

Omissio fractionis panis in  
Cœnâ Domini.

Vetustas.

*Causa principalis.*

Deus.

Spiritus sanctus.

*Efficiens solitaria.*

Deus.

Fides.

Christus.

*Effectum procreatum.*

Mundus.

Ratio.

Vera sapientia.

Lex.

Statua.

*Effectum conservatum.*

Ecclesia Catholica.

Fides salvifica.

Respublica.

Carnes à putredine præser-  
vatae.

*Effectum corruptum.*

Imago Dei.

Animalia extra arcam.

Ceremonia Eucharistica.

Opera manufacta.

*Effectum cause principalis.*

Iustificatio nostri.

Fides iustifica.

*Effectum cause solitaria.*

Extensio cœli.

Iustificatio.

Satisfactio pro peccatis no-

*Efficiens*

|                                  |                                     |
|----------------------------------|-------------------------------------|
| <i>Efficiens socia.</i>          | <i>Effectum causa socia.</i>        |
| Septem electores.                | Rex Romanorum.                      |
| Natura, ars, exercitatio.        | Efficere artificem.                 |
| Mas & foemina.                   | Proles.                             |
| <i>Instrumentum.</i>             | <i>Effectum instrumenti.</i>        |
| Humana Christi natura.           | Miracula.                           |
| Corpus.                          | Actiones animæ.                     |
| Ministri verbi divini.           | Conversio hominis.                  |
| <i>Efficiens naturalis.</i>      | <i>Effectum naturale.</i>           |
| Aurum.                           | Sistere lepram.                     |
| Magnes.                          | Trahere ferrum.                     |
| Deus Pater, qui est causa a-     | Filius.                             |
| nalogica.                        |                                     |
| Anima.                           | Potentia intelligendi.              |
| Sol.                             | Lumen.                              |
| <i>Causa voluntaria.</i>         | <i>Voluntatis effectum.</i>         |
| Deus.                            | Misereri hominis.                   |
| Sacra Trinitas.                  | Creatio mundi.                      |
| Diabolus.                        | Lapsus.                             |
| <i>Causa necessitate coacta.</i> | <i>Effectum illius cause.</i> (nio. |
| Lucretia.                        | Succumbere Sexto Tarqui-            |
| Eleazarus.                       | Vesci carnibus.                     |
| Fridericus Barbarossa.           | Præbere Pontifici Romano            |
|                                  | collum calcandum.                   |
| <i>Causa inscia.</i>             | <i>Effectum illius cause.</i>       |
| Paulus Apostolus.                | Persequi Ecclesiam.                 |
| Vino obrutus.                    | Aliquem occidere.                   |
| <i>Causa fortuita.</i>           | <i>Effectum fortuitum.</i>          |
| Piscatores Megarenses.           | Invenire aureum tripodem.           |
| Fossor agri.                     | Invenire thesaurum.                 |
| <i>Efficiens remota.</i>         | <i>Effectum causa remota.</i>       |
| Motus coeli.                     | Progressio animalium.               |
| Bonitas naturæ.                  | Ars.                                |
| Lumen naturæ.                    | Logica.                             |
| <i>Efficiens proxima.</i>        | <i>Effectum causa proxima.</i>      |
| Anima sensitiva.                 | Facultas videndi.                   |
| Diametralis oppositio terræ      | Eclipsis lunaris.                   |
| inter solem & lunam.             |                                     |



Dispositio axiomatica quorundam terminorum modò recitatorum sic habet:

Deus creavit mundum.

Deus conservat Ecclesiam.

Peccatum destruit imaginem Dei.

Sal præservat carnes à putredine.

## II. Usus demonstrationis.

1. *E loco causâ procreantis & conservantis amplissima surgit messis & materia in laudando, vituperando, consolando & hortando*: ut, Salomon condidit hoc templum. E. est opus exquisitum. Majores ipsius fuerunt viri optimi. E. illi beneficiendum est. David ambulans per vallem umbræ mortis non timebit; quoniam Jehova est cum ipso. Crux patienter ferenda; quia est à Deo. Peccatum est fugiendum; quia est à Diabolo.

2. *A causâ principali & solitariâ laudes & vituperationes ducuntur insignes*: ut, Usus magni est faciendus; quia facit artifices. Papa frustra sibi sumit potestatem remittendi peccata; quia solus Deus remittit peccata. *Facit etiam ad excusandum*: ut, Euryalus est extra culpam cædis Sulmonis & Tagi; quia solus Nisus perpetravit.

3. *Instrumentis necessariis remotis remouetur effectum*; ut, Pisces non habent pulmones. Ergò nec respirant. Rex ille non habet nervum belli, pecuniam. Ergò nec geret bellum.

4. *Causâ naturalis permagnus est usus in physicis*: ut, Ignis est. Ergò urit. Hæmatites corpori est admotus. Ergò sistet sanguinem. Lepra latius non serpet; quia aurum potum prohibet.

5. *A causâ volütariâ sumuntur laudes & vituperia personarum, quando animus honesta vel inhonesta conatus est, licet effecta non dederit*: ut, Catilina est nequam; quia animus ipsi fuit Romam funditus evertere. Est author cædis; quia homicidam instigavit.

6. *Causâ necessitate impulsâ agens facit ad hortandum & excusandum*; ut, Diutius his locis commorari non possumus, & fortiter pugnandum est; quia frumenti aliarumque rerum egestas prohibet, & quocunque ire placet, ferro

ferro iter aperiendum est. Lucretia aliquo modo excusatur; quia coacta est ad stuprum. Quod dixit, pro indicto habendum est; quia calore iracundiæ impulsus dixit. Cavendum autem hic etiam atque etiam, ne imitati Epicureos providentiam Dei statuamus causam cogentem, ut ita pallium queramus sceleribus. Verum est, fiunt omnia necessariò, ex hypothesi decreti divini. Sed hinc non efficitur, nos cogi à Deo. Hic enim non intelligitur necessitas coactionis, sed necessitas infallibilitatis seu immutabilitatis, quæ non tollit contingentiam vel libertatem voluntatis.

7. Culpa deprecatur à causâ efficiente per imprudentiã, ignorantiam & casum fortuitum, uti loquuntur: ut, Ignosce pater; quia feci temerè.

8. Si medium sit causa efficiens proxima predicati, valet syllogismus ad affirmandum & negandum: ut, Luna est rotunda. E. illuminari potest per incrementa. Planetæ propè sunt. E. non scintillant.

### III. Usus amplificationis.

Declaratio vel probatio à causâ efficiente quatuor modis amplificatur, uti suprà de fine diximus:

I. Est Antithesis; ut, Unde sacrum illud sacrorum Bibliorum volumen suam traxit originem? Num ex officinâ cerebri humani procusum? Minime gentium. Num Prophetarû & Apostolorum arbitrio conscriptû? Ne hoc quidem. Spiritus sanctus inspiravit divina ista eloquia viris ad hoc à Deo sanctificatis, qui fuerunt amanuêses. *Item*: Deus Opt. Max. Deus, inquam, creavit mundû. Non illi præstò fuerunt Angeli. Hos ipsos enim condidit. Non ille usus est ferramentis, non vectibus, ut Epicurus somniavit. Nihil illi subsidii ex materiâ aliquâ amplâ & speciosâ. Non fatigatus fuit operando. Solo nutu, solo verbo **F I A T** hanc stupendâ machinam creavit. Hanc destruet solo verbo **P E R E A T**, quando ipsi visum fuerit. *Talis antithesis causarum efficientium est in illo camine Sannazarii*, cujus singulos versus centenis aureis numeravit senatus Venerus:

Viderat Adriacis Venetam Neptunus in undis

Sare urbem, & roto ponere jura mari.

Nunc mihi Tarpejas quantumvis Juppiter arces  
Objice, & illa tui moenia Martis, ait.

Si pelago Tybrim præfers, urbem aspice utramque,  
*Illam homines dices, hanc posuisse deos.*

*I I.* *Syncretis*: ut, Primi nostri parentes lapsi sunt. Diabolus illis lapsum suavit; nec solum suavit, sed ad illum ipsos impulit. Homines miseri assenserunt. Quid tu, si loco primorum parentum fuisses, aliud te facturum fuisse putas? Deus pro inscrutabili sua justitia, quam scrutari nefas, adorare religiosum, labi primos illos homines permisit. Non igitur permissionem Dei accusa, ô homo lumbrice miser, & assensionem protoplastorum excusatum i; sed te & Satanam rebellionis & criminis læsæ divinæ majestatis argue. *Item*: Multa debemus parentibus à quibus vitam hanc secundum Deum accepimus. Multa patronis, qui vitam nostram defendunt. Plura præceptoribus, qui bene vivendi rationem docent, adeoque animæ vitam è cineribus veluti excitant. Deo autem plurima, imò omnia, qui & nos, & parentes, & patronos, & præceptores imbre suarum miserationum perfundit singulis momentis, & sua in nobis coronat dona quam liberalissimè.

*I I I.* *Conglobatio*; ut, Philippus Rex Hispaniarum provincias Belgicas cōmisit Duci Albano gubernandas. Albanus introduxit inquisitionem Hispanicam, & leges fundamentales de avitâ libertate illorum violavit. Deus in cordibus multorum zelum pro religione accendit. Belgæ libertatem retinere proq; illam pugnare sibi proposuerunt, & summam rerum penes Wilhelmum principem Auracum esse voluerunt. Hinc exitit bellum illud toto orbe celebratissimum. *Hoc modo bella describuntur, & Sacramenta in Theologicis. Talis conglobatio est in illo exemplo*: Homines paulò ante diluvium in peccata pleno impetu despumabant præconem justitiæ Noachum contemnebant, in peccatis sibi placebant, illa quin etiam defendebant. Deus itaque prout est justus osor & ultor peccati, hunc sui contemptum punire volens, exercitum cœlestem instruxit & armavit potentissimè adversus homines illos immorigeros, & fenestris celi adpartis totam terrarum orbem cataclysmo perdidit. *In duobus hisce exemplis habes causas impellentes, principales & instrumentales*

*Instrumentales. Habet etiam hic locum Sorites, in quo conglombantur causa efficientes & effecta: ut, ex Rom. 5. Afflictio efficit patientiam. Patientia efficit probationem. Probatio gignit spem. Spes non confundit. Ergo afflictio non confundit. Item: Ingluvies parit cruditatem ventriculi, adeoque impedit primam concoctionem, quæ dicitur *χύλωσις*. Cruditas ventriculi gignit cruditatem sanguinis in hepate, officinâ illâ sanguinis mirabili, in quâ perficitur concoctio secunda, quæ dicitur *αἱμώτωσις*. Cruditas sanguinis gignit malam assimilationem in singulis membris, quæ est tertia concoctio, dicta *ὁμώλωσις*. Hinc existit *κακοχυμία*, depravatio humorum. Ad extremum sequitur hydrops, vel phthisis. Hanc mors. Ergo ingluvies est causa mortis, ideoque cane pejus & angue vitanda est, tanquam omnium morborum lerna, & mortis mater proxima.*

*IV. Testimonia; quæ ex authoribus describi debent. Itaque deinceps hunc quartum subtitulum non attingemus.*

## Cap. 7. Usus doctrinae de materiâ.

### I. Usus declarationis.

**N**Ota causæ materialis sunt: 1. Cum aliquid expressè dicitur esse materia alicujus: ut, Materia artium sunt præcepta. 2. Nomina lignorum, lapidum, metallorum, & aliorum materialium: ut, Dii gentium sunt lignum aut lapis. 3. Reg. 19. v. 18. 3. Desinentia in *eus*, quibus respondent Græca in *εος* & *ειος*; ut, aureus, *χρυσεος* & *χρυσειος*: item Latina in *inus*; ut, crystallinus, cupressinus. 4. Adverbia, unde, inde, hinc: ut, Georg. 1.

*Deucalion vacuum lapides jactavit in orbem*

*Unde hominum nati, durum genus.*

4. Propositiones de *ex*: ut, Mulier est gloria viri, quia est ex viro. 1. Cor. 11. v. 7. 8. Sed hic opus est cauto. Nam vocula *Ex* significare materiam intelligitur, quando è tali acceptance nihil absurdi sequitur. Tum enim est nota causæ efficientis. Sic Christus in Symbolo dicitur conceptus ex Spiritu sancto: & Rom. 11. v. ult. Nam ex eo (intelligit Deum)

Vocula *Ex*  
quando  
significet  
materiam?

& per eum, & in ipsum sunt omnia. Hic si velles accipere voculam *Ex* tanquam notam materiæ, absurditas intoleranda sequeretur, videl. Sp. S. & Deum esse materiam rerum. 5. Genus est symbolum materiæ. *Porphyr. isag. c. 3.*

II. *Termini simplices:*

| <i>Materia.</i>                   | <i>Materiatum.</i>                     |
|-----------------------------------|----------------------------------------|
| Duodecim gemmæ principis & aurum. | Nova Hierusalem.<br><i>Apocal. 21.</i> |
| Argentum.                         | Poculum.                               |
| Corpus.                           | Homo.                                  |
| Æs.                               | Domus Famæ.                            |

III. *Axiomata à materiâ & materiato.*

E jaspide & cæteris gemmis, & auro nova Hierusalem est extructa.

Poculum hoc est argenteum.

Homo constat corpore.

Domus Famæ est ænea.

II. *Ufus demonstrationis.*

I. *Si argumentum probans sit à materiâ subjecti questionis, syllogismus poterit esse tam affirmans quàm negans in primâ aut secundâ figurâ. Affirmans:* ut, Omne terrestrius est gravius. Aqua marina est terrestrior fluviali. E. aqua marina est gravior. *Negans:* Cujus scripti materia est humilis, illud scriptum non debet esse grave. Bucolicorum materia est humilis. E. Bucolica non debent esse gravia.

II. *Si argumentum sit à materiâ predicati questionis, syllogismus erit negans in Camestres vel Baroco:* ut, Si non sunt ligna, non est navis: Quo tempore Cain occidit fratrem suum Abel, non erat ensis: quia non erat ferrum. Hic non valet affirmatio: quia posita materiâ non ponitur iccirco compositum.

III. *Ratione subjecti etiam sic argumentamur:* Quod tribuitur vel adimitur materiæ, tribuitur etiam vel adimitur materiato: ut, Lignum est cariosum. Ergo & statua talis futura est. Farina non est bona. Ergo nec panis erit bonus ex illâ farinâ pistus.

IV. *Ratione predicati etiam sic argumentamur:* Cui tribuitur materia, ei & materiatum: Et, Cui adimitur materia,

teria, ei etiam materiatum adimitur: ut, Pygmaei habent verum corpus humanum. Ergò sunt homines. Saryri non habent verum corpus humanum. Ergò non sunt homines.

*V. Materia valet plurimum ad hortandum, laudandum & vituperandum:* ut, Homo est pulvis. Ergò non debet superbire. Nova Hierusalem in cælis tota est splendida; quippe quæ constat ex gemmis & auro. Idola gentium non sunt dii; quia sunt ligna & lapides. Pontificiorum doctrina non est acceptanda; quia conflata est ex puris putis traditionibus.

### III. Usus amplificationis.

*I. Antithesis:* Non ex materiâ aliquâ pretiosâ, non aliunde acceptâ Deus mundum produxit: sed è nihilo chaos, è chao indigesto pulcherrimum hoc opificium creavit. *Item:* Angeli non sunt producti è materiâ aliquâ crassâ, neque constant materiâ, uti homo constat corpore: sed aliquid simile habent materiæ, quam informat ipsorum forma. *Sic potest institui antithesis, inter palatia regum & cælestem Hierosolymam.*

*II. Syncreisis:* Tantam superbiam in hominem cadere? In hominem dico, cujus corpus est fragile: Totum, quantum quantum est, pulvis est. Unde enim amabo corpus ipsius ortum est? Ex sanguine. At sanguis unde? Ex elementis, atque ita ex terrâ. Cur igitur ciuitas erigis abjectissima terra? Cur cornua sumis portio terræ minima? *Item:* Dolendum est, hominem corpore suo abuti ad Dei contumeliam, proximi injuriam, & suam ipsius ignominiam. Corpore, inquam, tali, quod est domicilium formæ formarum nobilissimæ, animæ nimirum rationalis. Corpore, inquam iterum, cujus caput est veluti cælum terrestre; cujus cor est domicilium Dei; cujus manus subigere possunt totum mundum; cujus oculi spectare debent vestigia diuinitatis, quæ Deus architectus optimus, omnibus omnino creaturis impressit.

*III. Conglobatio:* Ex *Apocal. 21.* Cælestis illa Hierusalem, ciuitas illa Dei est aurum purum, & similis vitro puro. Et fundamenta muri urbis omni lapide pretioso ornata. Fundamentum primum est jaspis; secundum, sapphirus: ter-



rium, chalcidionius: quartum, smaragdus: quintum, sardonius: sextum, sardius: septimum, chrysolithus: octavum, beryllus: nonum, topazius: decimum, chrysoprasus: undecimum, hyacinthus: duodecimum amethystus. Duodecim autem portæ, duodecim margaritæ sunt, & singulæ portæ ex singulis margaritis sunt: & forum civitatis, aurum purum, tanquam vitrum pellucidum. Quid aliud ex his rebus lucidissimis, præstantissimis, constitui potest quàm ædificium lucidissimum, præstantissimum? quod si ipsam lucem, & excellentiam dixeris, adhuc minus dixeris. *Item:* Regia solis est lucidissima. Videas enim in illâ aurum & pyropum. Videas ebur & argentum. Cùm hæc talia sint naturâ suâ fulgida, domicilium ex illis extructum lucidissimum sit oportet. *Item:* Bacchylidis sententiæ multæ celebrantur ab Athenæo & Stobæo. Inter illas hæc est valde insignis, quæ requirit quatuor ad ornatum convivii; veram scilicet convivarum benevolentiam; modicum apparatus, non corpora boum; bonum vinum; & suave colloquium. Cùm ista quatuor in hoc nostro convivio concurrant, quis illud reprehendendum censebit? quis non ornatissimum dicet?

### Cap. 8. *Usus doctrinae de formâ.*

#### I. *Usus declarationis.*

**I.** *Nota causæ formalis sunt.* 1. *Cùm aliquid expressè dicitur esse forma:* ut, *Hominis forma est anima rationalis.* 2. *Nomina ista:* *Modus agendi, ablativus modi, via, ratio, ratio formalis.* 3. *Nomina substantiva, quæ dicuntur abstracta,* uti *desinentia in as & tia.* Sic *justitia est justæ formæ, pietas pii.* 4. *Phrasæ istæ:* *Hunc in modum, hoc pacto, eâ ratione.*

#### II. *Termini simplices:*

| <i>Forma.</i>     | <i>Formatum.</i> |
|-------------------|------------------|
| Anima rationalis. | Homo.            |
| Significatio.     | Vox.             |
| Actiōis honestas. | Virtus.          |
| Interna evocatio. | Ecclesia.        |

#### III. *Axiomata.*

## III. Axiomata è formato &amp; formâ:

Homo est rationalis.

Vox quælibet significat.

Virtus est actionis honestas.

Ecclesia est à Deo evocata internè.

## II. Usus demonstrationis.

I. *E loco forma omnium firmissimè disputantur dubia* Forma quo-  
*questiones.* Nam forma est causa efficiens proprietatum, modo sic  
 eoque hic locus parit scientiam in syllogismo demonstrati- causa effi-  
 vo. Iecirco argumenta, quæ sunt forma subiecti, sunt causa ciens?  
 efficiens prædicati: ut, Omne habens animam, alitur. Omne  
 vivens habet animam. E. omne vivens alitur. Hujusmodi  
 syllogismus est omnium nobilissimus, uti docuimus in ti-  
 tulo de demonstratione: & dicendus est syllogismus à cau-  
 sâ efficiente; quia in demonstrando non quæritur causa sub-  
 jecti, sed prædicati.

II. *Locus forma supeditat argumenta ex parte subiecti*  
*& prædicati questionis. Ex parte subiecti sic argumentabere:*  
 Quod affirmatur aut negatur de formâ, affirmatur vel ne-  
 gatur etiam de formato: ut, Anima rationalis sapit. E. & ho-  
 mo. Virtus non est reprehendenda. E. nec vir bonus. Mors  
 corporalis non incutiat piis timorem. Q. est transitus è vitâ  
 mortali in immortalem. *Ex parte prædicati sic disputabis:*  
 Cui tribuitur, vel adimitur, forma, eidem tribuitur vel adi-  
 mitur formatum: ut, Spongia caret ratione. Ergo non est  
 homo.

## III. Usus amplificationis.

I. *Antithesis:* Non anima aliqua, uti Cardanus somniat,  
 mundum informat: non per intelligentias assistentes est id  
 quod est: sed per convenientem & admirandam illam dis-  
 positionem, quâ nihil pulchrius excogitari potest, in æqua-  
 bili illo tenore consistit. *Sic potest antithesis institui inter*  
*formas rerum artificialium;* putà ædificii & ædificii, horti &  
 horti, urbis & urbis: ut, Venetiarum & Romæ. *Talis anti-*  
*thesis esse potest inter formam cœlestis Hierusalem* *Apoc. 21.*  
*v. 16. & nostrorum ædificiorum.*

II. *Syncretismus:* Esse est melius quàm non esse. Sed vivere  
 longè præstantius quàm esse. At sentire excellentius quàm

vivere. Intelligere verò tantò nobilius quàm sentire, quantò spiritus præstat corpori. Credere denique tantò perfectius quàm intelligere, quantò æterna caducis, immortalia mortalibus sunt potiora. Agite ergò mortales, quin agitis Deo gratias, qui vobis essentiam dedit; qui supra essentiam dedit animam vegetativam; qui supra vegetativam elargitus est sensitivam, & supra hanc, intellectivam; qui denique supra intellectivam animam donavit fidem, animam illam animæ, & rationem rationis, per quam sumus hæredes vitæ æternæ. *Scrites ex hoc loco talis est:* Anima rationalis est nobilior sensitivâ. Sensitiva est nobilior vegetativâ. Vegetativa est nobilior essentiâ. Ergò anima rationalis est nobilior essentiâ.

III. *Conglobatio hic est duplex. 1. Forma varia, videlicet generica, specifica & individuifica, unius formati commemorantur:* ut, Plato per essentiam est ens; Per animam vegetantem est vegetabile; per animam sensiferam est animal; per animam intellectivam est homo; per hanc animam est Plato. 2. *Forma totius primò recensetur, tum forma partium adjunguntur:* ut, Homo per animam rationalem est id quod est. Cor per facultatem, quâ calorem vitalem gignit & communicat cum reliquis membris, deprehenditur habere formam Solarem. Cerebrum ex facultate, quâ calorem animale communicat cum toto corpore, cognoscitur habere formam Lunarem. Et hoc modo singula corporis humani membra habent formas ab illis rebus in macrocosmo, quibus certâ proportionē respondent.

### Cap. 9. Usus doctrinæ de causato.

#### I. Usus declarationis.

I. **N**ota causati sunt: 1. *Nomina significantia motum & rem motu factam.* Motum: ut, actio, effectio, generatio, corruptio, alteratio, accretio, deminutio, motus localis. Rem motu factam: ut, fructus, soboles, præmium, merces, stipendium. Sic creatio est effectum Dei; mundus creatus ejusdem effectum est; stipendium, seu auctoramentum, peccati est mors:

*Fructus*

*Fructus honos oneris, fructus honoris onus.*

2. *Verba activa, item neutra actionem significantia: sic dependentia activè sumta, & passiva pradicatum ingredientia: ut, Charitas ædificat; Afflictio parit patientiam; Doleo vicem tuam; Præceptor hortatur nos ad pietatem & diligentiam; Turpia non dixeris, quia per verba turpia paulatim discutitur pudor. Excipiuntur hic verba activa & neutra, quæ sensum aliquem significant: ut, videre, audire, sentire, valere. Hæc enim ad categoriam adjunctorum referuntur. Sunt quidem propria effecta, si formam spectes: at si subjectum, cui insunt, adjuncta sunt. Sic verba ridere, balare, hinnire, grunnire &c. si significant actionem, ad locum effecti: sin facultatem, ad locum adjuncti referri debent. 3. *Verbum substantivum, pro adfero, aut quod vim ejus habet*: u, cedere, vergere. v. g. Hæc res tibi erit honori; Cedet in tuum commodum. 4. *In effectis numerantur consilia, cogitationes si ve deliberationes, etiam si ad exitum perductæ non fuerint, senatusconsulta, decreta, dicta, scripta, effecta virtutum & vitiorum, laudes & vituperationes, utilitates, commoda, detrimenta, præmia, absurdum, res gestæ. 5. Una eademq; res potest habere rationem effecti & finis. Sic Logicæ effectum est, directio mentis nostræ, & simul ejusdem finis. 6. Una eademq; res potest esse effectum, & adjunctum. Sic motus est effectum respectu moventis, adjunctum respectu corporis naturalis cui inhæret. Ita risus & effectum, & adjunctum est.**

Una res potest esse finis & effectum.

## II. Termini simplices per omnia causati genera:

*Finitum.*

Sabbatum.

Sacramenta.

*Effectum.*

Redemptio.

Corruptio memoriæ.

*Materiatum.*

Voces.

Planta.

*Formatum.*

Homo.

Vivere.

*Finis.*

Publicus cultus Dei.

Confirmatio fidei.

*Efficiens.*

Christus.

Ingurgitatio vini.

*Materia.*

Literæ.

Semen.

*Forma.*

Anima rationalis.

Anima.

## III. Axiomata è causato &amp; causâ, &amp; contrâ:

Publicus cultus Dei peragitur Sabbato.

Vinum intemperanter haustum corrumpit memoriam.

Literæ conjunctæ constituunt vocem.

Ubi est anima, ibi vita.

## II. Usus demonstrationis.

I. Unum idemq; potest esse causa & effectum ejusdem rei, ita tamen ut alterum sit causa efficiens, alterum causa finalis: ita divitiæ sunt effectum & causa finalis avaritiæ: domus est & effectum & finis ædificantis. Si ergo argumentum fuerit effectum prædicati, & finis ejusdem, dicas talem syllogismum esse à causâ, an verò ab effecto nihil interest: ut, Quod respirat, habet pulmones. Phocæ respirant. Ergo habent pulmones.

Usus finiti.

II. Positio vel sublato destinato proximo ponitur vel tollitur finis: ut, Credit in Filium Dei. Ergo salvabitur. Respuit salutares admonitiones. Ergo nunquam perveniet ad finem.

Usus effecti.

III. Effectorum locus dominatur & principem laudem obtinet in laude & vituperatione personarum. Non enim tam refert, quales fuerint causæ procreantes, & conservantes, putà majores, avi, parentes, nutrices, præceptores, quàm qualem se gesserit qui commendatur: ut, Julius Cæsar est summis accensendus Imperatoribus, non quia matris est ex lineâ virorum fortium, sed quia vicit gentes immanitate barbaras, locis infinitas. Judæi non merentur laudem, quòd fuerint posterì Abraham; sed vituperium, quia Christum repulerunt.

IV. Quæstiones practica ex loco effecti summâ cum laude disputantur, quando videlicet argumenta ducuntur ab utili vel inutili, jucundo & injucundo: ut, Sabbatum est sanctificandum. Q. disponit animam ad cultum Dei publicè peragendum. Q. contemptus ejus secum trahit contemptum reliquorum præceptorum. Q. recreat animam, si unâ cum aliis fidelibus *συνάγωγῃς* congregetur in conspectu Dei & angelorum, adeoque intueatur typum Sabbati æterni. Ebrietas est fugienda. Q. corrumpit sanitatem tum corporis, tum animi.

V. Quæ-

V. *Quæstiones theoretica sapissimè demonstrantur ab effectu, quæ dicitur demonstratio à posteriori; de quâ vide supra.* Exempla hæc habe: Omne corpus mixtum constat ex contrariis. Quia interitui est obnoxium. Pauci habent veram fidem. Quia pauci servantur. Prius argumentum est à subjecto antecedentis, & effectu consequentis. Posterius ab adjuncto antecedentis, & effectu consequentis. Oporteret autem hîc spectare prædicatum, seu partem consequentem quæstionis. Causam diximus *cap. proximè anteced. de usu formæ.*

VI. *Quod tribuitur vel adimitur materiato, tribui quoque vel adimi materia probabile est:* ut, Jaspis, sapphirus &c. gemmæ, quarum fit mentio *Apocal. 21.* sunt pretiosissimæ, & aurum est optimum metallum. Quia nova Hierusalem, quâ nullum præstantius est ædificium, ex illis est constructa. Æs inter metalla quàm maximè sonat. Quia domus famæ, quæ rumusculis & murmure est plena, est ænea. Corpus hominis est corruptibile. Ergo & elementa, è quibus constat, fuerint talia. Usus materiati.

VII. *Quod tribuitur vel adimitur formato, seu speciei, tribuitur quoque forma vel differentia:* ut, Christus habuit animam rationalem. Q. fuit homo. Homo non est ineptus ad disciplinam. Ergo neque mens ipsa ad disciplinam inepta est. Actionis honestas inter bina extrema vitia consistit. Q. virtus consistit inter talia extrema. Usus formati.

### III. Usus amplificationis.

I. *Antithesis, hoc in loco est triplex: 1. Duo dissentanea* *μεγαλὸν καὶ ὀλίγον* *opponuntur:* ut, Pax simultates tollit, bellum ferit; pax politias, œconomias, scholas & ecclesias florentissimas efficit, bellum nullas vel certè miseras reddit: pax iras compescit, bellum iracundiæ flammæ accendit: pax virtutis est altrix, bellum vitiorum est seminarium. 2. *Unius eiusdemque rei effecta* *κατὰ θεσιν καὶ ἀρεσιν* *ponuntur:* ut, Charitas proximum opis indigum adjuvat, non deserit; pax viriorem pascit, non occidit; nudum vestit, vestem ipsi non detrahbit; oppresso succurrit, non addit afflictionem; famam ipsius defendit, non lædit. 3. *Unius rei effecta primò recensentur ordine, deinde contraria subjiciuntur:* ut, *Galat. 5.*



*versu 19. 20. 21. 22.* Porro manifesta sunt opera carnis; quæ sunt, adulterium, scortatio, impuritas, protervia, idololatria, veneficium, inimicitia, lites, æmulationes, excandescencia, rixæ, disidia, hæreses, invidia, cædes, ebrietates, comestationes, & his similia &c. Et paulo post: At fructus spiritus, est charitas, gaudium, pax, lenitas, benignitas, bonitas, fides, mansuetudo, temperantia. *Hic crebra sunt illa antitheses, quibus admista sunt syncrises, ita ut virtutes & vitia consideremus tanquam arbores, & illarum fructus depingamus auditorio:* ut, Sobrietas est velut arbor cujus fructus sunt sanitas animi & corporis, timor Dei, cultus divini observatio religiosa: at intemperantiæ fructus sunt morbi animæ & corporis, contemtus numinis, & alia infinita. *Huc denique pertinent antitheses, quibus commemoramus primum effecta alicujus populi vel viri præclara, deinde, subjicimus inepta:* ut, Spartani reges suos in practicis disciplinis versari volebant; senatores prout virtute & honestate, non opibus aut potentiâ, antistabant, eligebant; ludiones, histriones, poetas amatorios, lenones tanquam bonorum morum corruptores procul urbe pellebant; Scholas magnificiebant; luxum & ebrietatem extremè detestabantur. Talia hæc sunt, quæ Remp. florentissimam faciunt & conservant. Illud tamen omninò justitiæ adversabatur, quod furandi ars Lycurgo auctore in istam Remp. introducta, ita ut nonnisi deprehensus fur pœnas lueret. Huic illud adde, quod neminem nisi sexagesimum annum supergressus esset, in senatum admittebant.

Ars furandi  
à Lycurgo  
introducenda.

*II. Syncrises:* Deus hominem creavit; creatum conservat; lapsum erigit; erectum sanctificat; sanctificatum glorificat. *Sic brevis est sententia: Alexander Magnus vicit Darium: quæ sic amplificatur καὶ οὕτως:* Alexander, non vitio, sed virtute Magnus, de Dario superando consilium iniit, militem conscripsit, arma cepit, se & suos ad dimicandum præparavit, Darii copias aggressus est, vires illius fregit, victoriam reportavit, gloriam sibi immortalem comparavit. O heroem fortissimum! Hunc utinam ignavi principes quotquot sunt sibi proponant speculum! *Item:* Justitia Resp. fundat; fundatas conservat, ornat, amplificat.

*Et sic*

Et sic quidem unius rei effecta inter se comparantur. Plurimum facta scipote inter se componuntur: Simson leonem discepfit, Christus Diabolum vicit: Simson portam loco motam asportavit, ut egredi posset, Christus effregit portas inferni & mortis, ut resurgere posset: Simson morte sua multos Philistæos interneconi dedit, Christus morte sua mortem hostibus, sibi & suis vitam attulit. Sic Alexander Magnus & Mauritius Imperator Belgicus, Paulus & Petrus &c. conferri possunt. Vide exemplum Virgilii: Excudent alii spirantia mollius æra &c. apud Ratum lib. 1. Dial. cap. 9.

III. Conglobatio. Insigne exemplum occurrit Psal. 29. à v. 3. usque ad 10. ubi recensentur effecta vocis Dei, hoc est, instrumentum. Item: Diabolus est mali author, nequitiae origo, rerum hostis, corruptor seculi, homini semper inimicus. Huic enim laqueos tendit, huic foveam fodit, ejus animam tentat, corpus affligit, cogitationes illi suggerit, affectus ejus occupat & bonos dissipat, errores serit, pacem turbat. Huc refer effecta virtutum & vitiorum; ut ebrietas apud Horatium. Item effecta herorum, qualia Cicero recenset in oratione pro M. Marcello, ubi Casarem laudat. Hæc conglobatio in demonstrandis questionibus est insignis: ut illa questio, An Deus omnia bene fecerit, hunc in modum demonstratur. Si quis fortè nunc adsit momus operum Dei, ille velim ut interroget singulas creaturas. Initium faciat à cælo. Illud protinus enarrabit gloriam bonitatis, sapientiæ & omnipotentiae divinæ. Dicet, suo motu, lumine & efficaciâ hæc inferiora secundum Deum regi: ostendet innumerabiles stellas, & in iis Solem principem, quodq; ille veluti sponsus è thalamo suo egrediat, ad terram tanquam sponsam suam fovendam & fecundandam, docebit. Pergat porro momus iste, & roget elementa, omniaque ex iis composita, & in iis disposita. Volucres aeris, pisces maris, bestias terræ, has, inquam, creaturas audiat sibi loqui momus ille. Erumpent omnes & singulæ in hæc verba: Si varietate caperis, hæc in nobis est omnimoda; si utilitas te movet, nos omnes collineamus hunc ad scopum, ô homo, tibi ut serviamus: Si pulchritudinem desideras, intueri pulcherrimam illam connexionem, & musicam

divinissimam, quâ inferiora superioribus, & contraria contrariis ita respondent, ut sit discordia concors. Pergent hæ creaturæ, & jubebunt ut in teipsum descendas, & conscientiam tuam constituas judicem in hac controversiâ. Tandem sic concludent: Quid est, Mome, quod Deus non fecerit benè, cùm Soi luceat, terra fruges producat, aqua potum ministret, aër corpori vigorem adferat, ignis calore vitam conservet? *Est & hic conglobatio effectuum, de quibus judicium suspendimus:* ut, Cardanus & Germani nonnulli exaraverunt genituram Servatoris nostri. Alii thema creationis mundi & diluvii crexerunt. Hæc facta extremæ amentię & audacię damnant multi. Multi citra vanitatem hæc facta disputant, eò quòd mirificè conspirantium siderum constitutio peritiores harum rerum artifices ducat ad altiore providentię DEI & rerum astronomicarum contemplationem. Ego non sum tantus, qui meum judicium hæc interponam.

### Cap. 10. Usus doctrina de subjecto.

#### I. Usus declarationis.

**I.** *Nota subjecti recipientis in se, sunt genitivi, quibus indicatur, cujus aliquid sit, si quidem sit bonum animi vel corporis.* Nam anima & corpus sua bona recipiunt in se, ut, anima scientiam & ignorantiam, virtutes & vitia; corpus sanitatem & ægitudinem, pulchritudinem & deformitatem. Sic virtutes & vitia in se recipiunt laudabilitatem & inhonestatem. Deus dicitur quasi subjectum, seu subjectum analogicum respectu proprietatum suarum.

*II. Nota subjecti recipientis ad se, sunt 1. Genitivi, quibus indicatur, cujus aliquid sit, si quidem sit bonum externum, quod dicunt fortunæ: ut, homo recipit ad se divitias, vestitum, comitatum. 2. Nomina substantiva & adjectiva locum significantia: ut, Christus est natus in Berhlehem; Cicero fuit Romanus; Prædium rusticanum. Hæc tamen alio modo accensentur classi adjunctorum. 3. Adverbia & prepositiones locū significantes, & vocabula significantia terminum*

*minum à quo & ad quem:* ut, Christus est in coelis; Nusquam  
ruta fides; Paulus profectus est Athenas.

III. *Nota subjecti occupantis, sunt 1. Propositiones, in, cir-*  
*ca, de:* ut, *Psalm. l. v. 2.* In lege Jehovæ delectatio ejus, & in lege  
ejus meditabitur dies noctesque; Evangelium agit de Filio  
Dei; Arithmetica versatur circa numerum. 2. *Formula ista:*  
*subijci operæ alicujus disciplinæ, obijci alicui, esse confide-*  
*rationis Theologicæ, Logicæ &c.*

IV. *Termini simplices per omnia subjecti genera:*

*Subjectum recipiens in se.*

*Adjunctum inharens.*

Christus.

Justitia imputata, quâ justi  
sumus coram Deo.

Sol.

Lux.

Anima.

Virtutes & vitia.

*Subjectum recipiens ad se.*

*Adjunctum adharens.*

Æger.

Medicina.

Fideles.

Arcana Jehovæ.

Homo.

Prædia, fundus, agri.

*Subjectum occupans.*

*Adjunctum occupatum.*

Ventus.

Nauta.

Ens quâ ens.

Metaphysica.

Voluptas.

Temperantia.

V. *Hinc axiomata è subjecto & adjuncto:*

Christus est justitia nostra. Hoc axioma etiam in sen-  
su causali accipi potest.

Sol est lucidus.

Ægroto administratur medicina.

Nauta disferit de ventis.

## II. Usus demonstrationis.

I. *A subjecto communi arguimus probabiliter, à proprio*  
*necessario.* Hoc verum est in tribus subjectorum classibus. Tres subje-  
in primâ classe sunt subjecta recipientia in se; unde sic etorum  
arguimus: Scientiæ & virtutes sunt dotes incorporeæ. classes.  
Quia insunt animo. Christus est omnipotens. Quia est  
Deus. Est argumentatio necessaria. Contingens est illa:  
Amar ardentem liberos. Quia est mater. In secundâ clas-  
se sunt subjecta recipientia ad se. Hic argues itidem ne-  
cessariò & contingenter. Necessariò: Divitiæ suâ naturâ non

sunt malæ. Quia filii Dei sæpè illas possederunt. *Contingenter*: Crines rubros odi. Quia homines mali illos habent. *In tertiâ classe sunt, subjecta occupantia*. Hic arguet etiam necessariò & contingenter. *Necessariò*: Adoratio religiosa non est transcribenda Mariæ. Quia debetur soli Deo. Adorat creaturas. E. est idololatra. Versatur circa instrumenta benè disferendi. E. est Logicus. *Contingenter*: Narrat de ventis. E. est nauta.

II. *Circumstantia loci exaggerat vel eleuat crimen*: ut Homicidium est commissum in templo. Ergò est valdè detestabile.

### III. Usus amplificationis.

I. *Antithesis est hic duplex, locorum videlicet, & obiectorum*. *Locorum*: ut, Christus cœli terræq; Dominus, non Hierosolymis urbe splendidâ, sed Bethlehemi, oppido humili natus est, non in augusto palatio, sed in angusto stabulo, & in eo quidem vix locum invenit, non in cunis auro & argento, gemmis & opere phrygionico resplendentibus, sed in præsepi repositus est. Sic ipse Christus *Matth. 8. vers. 20. Luc. 9. vers. 58.* ait: Vulpes habent lustra, & volucres cœli nidos: Filius autem hominis non habet, ubi caput reclinet: in quibus verbis etiam est syncripsis. *Primum exemplum elegantissimè tractavit Valens Acidalius lib. 1. Elegiarum sub titulo: Cuna natalitiae Christi Salvatoris*. *Antithesis diversorum est*: Veteres Germani, ut author est Tacitus, lucos & nemora consecrabant diis, non templa. Censebant enim ædificulis includi illos non posse. At veri Christiani extruunt Deo templa externa, & interna. Externa, ut publicus cultus Deo debitus *ὁρατός καὶ ἀφανής* peragatur. Interna, ut in cordibus suis audiant Spiritum S. concionantem. Hinc Demosthenes, liceat ethnicus, *pectus*, aiebat, *mortalium iustitiâ, verecundiâ & legum observantiâ communitum, templum esse Deo gratum, optimum & augustissimum*. Huc pertinet illud Lutheri, qui cùm in comitiis Augustanis disputaret cum Cardinali, & is moneret ut ad gremium Ecclesiæ Romanæ rediret, quod ni faceret, ipsum non inventurum locum in Romano Imperio, hoc dedit responsum: *Si non sub calo potero manere, tamen in cœlo*. *Antithesis obiecto-*

*objectorum*: Homines pii, non corpori curando se mancipant, sed de ornatu animæ cogitant: non terram sibi patriam esse statuunt, sed cælum: non arcas numis complent, sed cor suum divitiis illis, quas neque fures eripere, neque tineæ erodere, neque ferrugo consumere potest.

II. *Syncretismus itidem est duplex, locorum & subjectorum.*

*Locorum*: Si facinus hoc designatum esset inter privatos parietes, veniam aliquo modo mereri posset. Sed cum admissum sit in curiâ, in coronâ tot hominum lectissimorum, in loco sancto, non video quâ ratione sit excusandum. *Objectorum*: Voluptates quæris? Sed & hoc faciunt pecudes. Divitias corradis? Sed hoc est stolidorum. Bonas literas excolis? Sed & hoc ethnici fecerunt, & diligentius fecerunt, quàm tu facis & facere possis. Deum times? Hoc est illud, quod Abraham, quod David, quod innumerabiles alii sancti fecerunt, & centuplicem inde mercedem reportarunt. *Ad syncretismum pertinent laudes urbium, quando urbs cum aliis confertur, & iis præfertur propter amœnitatem, amplitudinem & commoditatem loci.*

III. *Conglobatio itidem est duplex, locorum & objectorum.* *Locorum*: ut, Brevis ista sententia, Pius ubique erit beatus, à subjectis locis amplificatur *Deuter. 28. vers. 3. 4. 5.* Benedictus eris in civitate, & benedictus eris ruri. Benedictus erit fructus ventris tui, & fructus terræ tuæ, & fructus jumentorum tuorum. Benedictus corbis tuus, & macera tua. Antithesis est *versu 16. 17. Psalm. 148.* amplificatur hæc propositio, Omnes creaturæ laudate Deum, ab enumeratione locorum. *Nuda est sententia*: Diabolus ubique tentat pios: quæ sic amplificari potest: Diabolus, leo ille rugiens, circumcirca obsidet pios. In foro illorum animos ad fraudem flectere conatur: in templo, vel aures, vel arcem illam rationis & fidei, animam, occupat, & advigilat, ut semen verbi divini vel non excipiant, vel exceptum suffocent. In curiâ suadet odium proximi. In convivio ingluviem commendat & persuadet, altercationes & jurgia accendit, calumnias dictat, ut ita res quæ latitiæ debebat esse ministra, fiat vi-



tiorum magistra. Quid multis? Diabolus supra & infra, ante & post, intra & extra, ad dextram & sinistram pios aggreditur ignitis suis telis. *Conglobatio objectorum in commendatione personarum & virtutum, itemque vituperatione personarum & vitiorum habet usum insignem*: ut, Abraham vixit piè erga Deum, quem cognovit, cognitum amavit ex intimo cordis affectu. Vixit iustè erga proximum, cui suum tribuit, quem non læsit. Vixit temperanter erga seipsum, curando animam & corpus eâ, quâ par est, diligentia. *Item: Fidei iustificatio magna est vis: Hac sententia sic amplificari potest*: Quznam est illa manus, quâ apprehendimus & adjudicamus nobis gratiam Dei in Jesu Christo? Fides. Quodnam est scutum, quo possumus ignita Diaboli tela excipere, excepta retundere? Fides. Quid porro est, quod homini electo demonstrat invisibilia, & ipsi repræsentat ea quæ sperantur? Annon fides? *Item: Cain primus ille parricida & patriarcha Diaboli, sævus fuit in fratrem Abelem. In fratrem autem? Imò in seipsum. Nam sanguinem suum effudit, dum fratris effudit, cauterium conscientia suæ inulsi, toti familiae labem adpersit. O facinus, quo nunquam Sol majus adspexit! Sed audite majorem sceleris istius immanitatem & turpitudinem. Impius fuit in parentes, quibus filium charissimum & tantum non vitam eripuit. Nihil dicam de impietate erga Deum. Vos ipsi hoc perpendite, si modò præ horrore animi perpendere potestis. In hoc exemplo est etiam synchysis.*

## Cap. II. Usus doctrinae de adjuncto.

### I. Usus declarationis.

**N**Ota adjuncti recepti in genere, sunt 1. Nomina adjectiva, quantitatem & qualitatem significantia, adeoque epitheta pleraque: ut, Scriptura est perfecta; urbs magna, amœna, celebris. De his adjectivis accipe vulgo jactatū illud: *Substantivū & adjectivum enunciant subiectum & adjunctum.* 2. Verba passiva, neutro-passiva, & significantia sensum: ut, Christus est passus; Virtus laudatur & alget; Voluptas perit; Animal

*Animal sentit, Leo rugit.* Huc pertinent versus, qui circumferuntur de proprietatibus animalium: quos vide in Logicâ Parei ad hunc locum. 3. *Verbum Habeo*: ut, Virtus omnia in se habet bona. 4. *Nomina substantiva Genitivum regentia*: ut, Fides est electorum Dei; Adolescentis est majores natu revereri. 5. *Adverbia*, quantiratis, qualiratis, & temporis: ut, Satis lufum est; Bellum feliciter geritur; Disputatio heri est habita. 5. *Nomina hæc*, ordo, signum, quantitas, qualitas, tempus, numerus. Hoc sensu dicimus, argumentum esse ab adjuncto ordine, signo, ab adjunctâ qualitate &c.

II. *Adjuncti inharerentis nota, sunt* 1. *Verba*, inhærere, Varils mo-  
inelle, non causaliter, ut Deus est in mundo, neque effectivè, dis res una  
ut mundus est in Deo, sed subjectivè, uti sapientia est in ho- dicitur alii  
mine. 2. *Bona animi & corporis*: ut, liberalitas & avaritia, inelle.  
pulchritudo & deformitas. 3. *Attributa Dei sunt adjuncta analogica.*

III. *Adjuncti adhærentis nota, sunt* 1. *Verba*, adhære-  
re, adesse, adjungi, circumdari, copulari. 2. *Omnia signa & conjectura.* Huc igitur pertinent Physiognomia, Chiroman-  
tia, & Medicinæ pars illa, quæ tractat de signis morborum.  
3. *Bona externa*, seu fortunæ: ut, agri, satellites. 4. *Prædicamentum Quando, Situs, Habitus*: ut dies, annus, sedere, ocreatum esse. Hoc sic accipe. Hæc prædicamenta non de-  
bent revocari ad hunc locum, sed possunt *παράδειγμα λόγῳ*  
ipsi subjici. 5. *Loci personarum*, ut vocant Rhetores: utputa, sexus, mores, ætas, educatio, disciplina, vitæ genus, patria, mors. 6. *Locus honesti*, necessarii, jucundi, utilis, inutilis, possibilis, facilis, tuti, periculosi. 7. *Locus externus ut est in subjectis, ita locus internus est in adjunctis.* 8. *Contactus physicus & virtualis.* Nam adjuncta non semper cohærent cum subjectis contactu corporali, sed sæpè virtuali: Si. inter vestem & corpus est contactus corporalis, inter panem eu-  
charisticum & corpus Christi est virtualis, seu pactionalis, sive sacramentalis, ut loquuntur scholæ Theologicæ. Sic pii uniuntur Christo mysticè.

Contactus  
duplex.

IV. *Adjuncti occupati nota, sunt varix.* Nam organa sensuum (vocantur *sensoria*, ut oculus, auris) artes & artifices, quatenus versantur circa sua objecta, censentur adjun-

et occupata: ut, Theologia occupatur circa Deum, Theologus itidem; morbi exercent medicum; lites dirimendæ occupatos habent causidicos.

*V. Termini simplices per singulas adjuncti species:*

| <i>Adjunctum adharens.</i>  | <i>Subiectum recipiens in se.</i> |
|-----------------------------|-----------------------------------|
| Peccatum originale.         | Homo.                             |
| Fides salvifica.            | Christianus.                      |
| Scientia, ars, prudentia.   | Anima.                            |
| <i>Adjunctum adharens.</i>  | <i>Subiectum recip. ad se.</i>    |
| Divitiæ.                    | Croesus.                          |
| Comitatus magnus.           | Dido venatum proficiscens.        |
| <i>Adjunctum occupatum.</i> | <i>Subiectum occupans.</i>        |
| Pius.                       | Lex divina.                       |
| Theologia.                  | Deus.                             |

*V I. Axiomata hinc disponuntur hoc modo:*

Omnis homo est peccator inde à momēto conceptionis.  
Croesus fuit dives.

In lege divinâ occupantur pii.

## I I. Usus demonstrationis.

*I. Ab adjuncto proprio arguimus necessariò, à communi probabiliter, secundum tres adjunctorum classes. In primâ classe sunt adjuncta inharrentia; ubi sic arguimus necessariò: Anima ad imaginem Dei est creata. Q. in illâ insunt divinæ virtutes. Corpus legitimâ crasi est temperatum. Q. est sanum. Christus est omnipotēs. Ergò est Deus. Hic lapis trahit ferrum. E. est magnes. Contingenter ita: Est avis candida. E. est cygnus. Est morosus. Ergò senex. In secundâ classe sunt adjuncta adharrentia; ubi sic arguimus necessariò: Est dives. Ergò est homo. Ut plurimum tamen hic arguimus contingenter: ut, Est dives. Ergò impius. Incedit nitidiùs solito. E. est sponsus. Hodie pluet. Q. mane cœlum rubuit. In tertiâ classe sunt adjuncta occupata: ubi sic arguimus necessariò: Est Logicus. Ergò versatur circa instrumenta bene disferendi. Contingenter ita: Est Theologus. Ergò non versatur circa instrumenta Logica. Non est nauta. E. non narrat de ventis.*

*I I. Thema quodvis, quod est subiectum, commendatur & vituperatur variè ab adjunctis. Ducuntur etiam ex hoc loco fir-*

loco firmissima svasionum & dissvasionum, adhortationum & dehortationum argumenta.

III. *Ab adjuncto proprio arguimus necessariò, ratione subjecti & predicati questionis. Ratione subjecti duobus modis. 1. Posito vel sublato proprio ponitur vel negatur subjectum*: ut, Hic lapis trahit ferrum. E. est magnes. Corpus Christi ex hypothese quorundam non est circumscriptum. E. non est verum corpus. 2. *Posito vel remoto uno proprio, ponuntur vel remouentur reliqua*: ut, Corpus Christi est visibile. E. est circumscriptum. Et, Corpus Christi non est omniscium. E. nec ubique. Hic tamen modus ad connexa pertinet. *Ratione predicati*: Cui tribuitur vel adimitur proprium, ei necessariò tribuitur vel adimitur subjectum: ut, Corpus Christi potest videri & palpari. E. est verum corpus. Luca 24. vers. 39. Baal non potest exaudire. E. non est verus Deus. 1. Reg. 18. Idola non possunt opem ferre. Ergò non sunt dii. Esa. 42. vers. 21. Jerem. 2. vers. 28.

### III. Usus amplificationis.

I. *Antithesis adjunctorum est quadruplex. I. Unius subjecti adjuncta varia recensentur* πᾶσι δὴ λως: ut, Avarus non est Christianus, sed infidelis, & idololatra, cui numus est deus summus: non est liber, sed servus pecuniæ: non est homo, sed canis, qui scæno assidet, quo nec ipse fruitur, & alia animalia, quò minùs illo fruuntur, arcet. II. *Duorum subjectorum contraria adjuncta alternatim ponuntur*: ut, Papa se vicarium Christi jactitat. Videte quàm egregiè hic vicarius repræsentet suum principalè! Christus fuit humilis, vicarius Christi est monarcha secularis. Christus fuit pauper, Pontifex Romanus affluit divitiis, quas patrimonium Petri esse gloriatur. Christus fuit justus & mitis, Pontifex est injustus & iracundus. Eat nunc Pontifex ille Catholicus & se jactet vicarium Christi, & se vocet servum servorum. Talis antithesis est 1. Cor. 15. vers. 42. 43. & 44. Ita erit & resurrectio mortuorum. Seritur corpus corruptioni obnoxium, suscitatur cum incorruptâ naturâ. Seritur scædum, suscitatur cum decore: seritur omnium virium expers, suscitatur potens: seritur corpus animale, suscitatur corpus spirituale. Est corpus animale, & est corpus spirituale.

*Hinc potest elici illa exhortatio: Quid igitur est homo Dei, quòd mortem tantò reformidas opere? III. Adjuncta uni-  
us subjecti ordine collocantur, quibus subjiciuntur alterius  
subjecti adjuncta: ut, Vita hæc angusto est circumscripta ter-  
mino; est multis miseriis obnoxia, & quidam calamita-  
tis Oceanus; est vitiorum abyssus, &, ut verbo dicam, est  
nihil, & si quid nihilo est minus. At vita post hanc est æ-  
terna; est supra quàm dici vel etiam credi potest beata; est  
omnis gloriæ & gaudii penu; est virtutum condus promus;  
&, ut paucis dicam (quò enim plura dico, eò minùs mi-  
hi dicere videor) vita illa est OMNIA, quæ cor homi-  
nis pii desiderare possit. IV. Tempus præsens opponitur præ-  
terito: ut in illo carmine Johannis Vitalis de Româ ui  
nunc est:*

*Qui Romam in mediâ quaris novus advenâ Româ,*

*Et Româ in Româ nil reperis mediâ:*

*Aspice murorum moles, præruptaq; saxa,*

*Obrutaq; horrenti vastâ theatra situ.*

*Hæc sum; Româ, viden' velut ipsa cadavera tanta*

*Urbis adhuc spirent imperiosa minas?*

*Vicit ut hæc mundum, visa est se vincere: vicit,*

*A se non victum ne quid in orbe foret.*

*Nunc victâ in Româ victrix Româ illa sepulta est,*

*Atque eadem victrix victaq; Româ fuit.*

*Albula Romani restat nunc nominis index,*

*Quaq; etiam rapidis fertur in aquor aquis.*

*Disce hinc, quid possit fortuna: immota labascunt,*

*Et quæ perpetuò sunt agitata, manent.*

Sic Germania prout nunc est opponi potest veteri illi. Si  
tamen hæc syncripsi subicere malis, non repugnabo.

*I I. Syncrifis ita habet. 1. Paria inter se comparantur  
ex hoc loco: ut, Quousque tandem, Antitrinitarii, sacras  
Scripturas in pravum sensum detorquebitis? Quousque  
Christi, non dico divinitatem, ut vos luditis, sed deitatem,  
sacrilego ore negabitis? Deus Pater est omnipotens, æter-  
nus, omniscius, in eum credimus, eum adoramus, in ejus  
cultum baptizati sumus. Sed & Filius Dei Jesus Christus  
est omni-*

est omnipotens, est æternus & omniscius; in eundem credimus, eundem adoramus, in ejusdē cultum baptizati sumus. Vultis ut singula probem? Ecce prodit in medium Johannes Evangelista, & nobis sic loquitur *cap. 1. &c.* Huic adjungit se Paulus, & reliqui Apostoli &c. Sed finis sit hujus mærationis. Neq; enim ego præ dolore loqui possum, quando vestram projectam audaciam coram intueor, neque vos, Antitrinitarii, hæc Spiritus sancti oracula perpendere in timore Dei, prout par est, sustinetis. 2. *Imparia ex hoc eodem loco inter se conferuntur*: ut, Alexander Magnus, Julius Cæsar & alii heroës fuerunt fortes. Nemo negat. Sed iracundiam qui vincit, hostem superat maximum, & omnibus illis longo intervallo est superior. *Item*: Laudet alius Romam ab antiquitate, & caput orbis fuisse dicat: alius Athenas mercaturam literarum & ipsius Græciæ Græciam fuisse ostendat: alius Babylonis amplitudinem laudibus ad cælum usque tollat. Ego Hierosolymorum sanctitatem vobis ob oculos ponere conabor, & efficiam ut intelligatis, unam hanc urbem reliquarum omnium laudes quantumvis magnas hoc suo fulgore perstrinxisse & velut obscurasse. *Item*: Quid est, Roberte Bellarmine, quod desideras in sacrâ Scripturâ? Num perfectionem? At illa perfectissima. Num perspicuitatem? Sed illa est lucerna & lampas clarissima pedibus nostris. Num sufficientiam? At illa est cornu copiæ, complectens omnia ad salutem necessaria. *Huic syncrismi talis antithesis subjungi potest*: Desinite itaque, Pontificii, desinite, inquam, Scripturam sacram vocare nasum cereum, regulam plumbeam & lesbiā, gladium hæreticorum, ænigmata Sphingis; desinite illi imperfectionem, obscuritatem, & alia, nescio quæ, sexcenta impingere. 3. *Syncrismi temporis hic eleganter locum invenit, quando cupimus ostendere, authorem alicujus rei nimis multum temporis impendisse alicui negotio*: ut, Johannes Haselbach professor Theologus in Academiâ Viennensi, anno Christi 1402. tam anfractuosis ambagium mæandris ineptâ affectatione rerum sacrarum interpretationem persecutus est, ut viginti & uno annis prima capitis prophetæ Esaiæ lectioni inhæsisse, necdum te- lam, quam orsus erat, pertexuisse memoretur. Hodie pro-



fectò in scholis sunt similes illius, qui quod unâ hebdomadâ absolvere poterant, trimettri, vel semestri vix absolunt; quod semestri poterant, vix anno ad finem perdunt.

*III. Conglobatio adjunctorum est varia. I. Præmittitur syncretis brevis, tum sequitur conglobatio:* ut, Si quis Apostolorum fuit instructus omnimodâ rerum divinarum scientiâ, si ullum commendavit diligentia indefessa, si obedientia, si prudentia, si patientia, si constantia, profectò Apostolus Paulus fuit. Quæ enim in aliis fuerunt singula, in ipso fuerunt universa. Atque ut incipiam ab ipsius scientiâ, hæc fuit imbutus in cælo tertio. Diligentiam ipsius prolixè persequuntur Acta Apostolorum &c. Quare ut concludam, sic statuetis, Apostolum Paulum micare inter reliquos, sicut Lunam inter ignes minores micare videtis. *II. Conglobantur adjuncta è comparatis:* ut, *Psalm. 18. vers. 3.* Jehova, petra mea & propugnaculum meum, & liberator meus; Deus fortis meus rupes mea, ad quem me recipiam; clypeus meus, & cornu salutis meæ, editus locus meus. *III. Varia nomina adjectiva tribuuntur substantivo eidem, ad naturam ejus exprimendam:* ut, Charitas est longanimis, patiens, nemini molesta, omnibus utilis, est ingeniosa & officiosa. *Item:* Judas ille Iscariotes fuit avarus, infidelis, apostata facerrimus, *αὐτοκτενὴς* & homicida flagitiosissimus. *Sic & varia substantiva accumulatur:* ut, Germania vetustate gentis, hominum numero, rei militaris disciplinâ, ingeniorum solertiâ, cœli salubritate, pecoris & metallorum copiâ, denique creandi Imperatoris jure excellens. *Hoc elogium legitur Roma in Vaticano. IV. Conglobatio, temporis est crebra:* ut, Christiani in rebus secundis non sunt insolentes, in rebus adversis non sunt pusillanimi, tempore pacis sunt quieti, tempore belli nemini sunt molesti. *V. Conglobantur adjuncta occupata:* ut, Sine Logicos disceptare de suo ponte asinorum; sine Metaphysicos disputare de suâ hæceitate; Physici investigent naturam primi mobilis. Tu memineris te esse Theologum, & rerum Theologicarum tractationem decere Theologum memineris. *VI. Urbes laudantur ab incolis & variis studiis hoc modo:* Domi militiæque clarissima Athenarum urbs supra  
alias de-

alias dedit innumeros, quorum fideli operâ, cautaque & diligenti administratione ad totius Græciæ principatum educata est. Floruit ibi Draco, primus legum Atheniensium fundator, civis probus & prudentissimus, juris divini & humani peritus. Vixit ibi Solon sapiens & mitis legislator. Aristides & Themistocles cives illius urbis fuerunt, meritis in patriam amplissimi, cui omnia alia longè posthabuerunt. Pericles, qui solus ferè Rhetorum aculeum in audientium animis reliquit, ibidem floruit. Prætereo alios. Innumeri enim sunt. Item: Literæ, arma & mercatura, tria illa diversissima studia ita fuerunt Athenis copulata, ut eorum quodlibet alteri de palmâ litem ambiguam fecerit. Tres scholæ fuerunt, Academia Platonis, Lycæum Aristotelis, & Stoa, in quibus quidem diversæ sectæ homines docuerunt, sed ita, ut singularem laudem urbi intulerint. Huc refer encomium Venetiarum, quod habet Georgius Fabricius:

*Urbs Venetum sæcunda viris, veneranda senatu  
Purpureo, & magna virtutibus amula Roma.  
Hac quamvis ipso fundata sit aquoris æstu,  
Tot tamen excelsas ades, tot regia tecta  
Una habet, Europa quot nostris nulla sub annis.  
Pro portis illi est Nereus, pro mœnibus aquor,  
Quadrupedumq; loco celeres subière carina.  
Templa, forum, turrim, campos, navale, tabernas  
Cernentes, strepitumq; urbis, populosq; frequentes,  
Artificumq; manus variorum, hominumq; labores;  
Unam collectum mundum miramur in urbem.*

V I I. Huc etiam pertinent tituli Imperatorum, Regum, Principum, virorum Illustrum, Amplissimorum, Clarissimorum; ubi non possum tacitus præterire insolentem impietatem Turcici Imperatoris, qui talem sibi arrogat titulum, prout ille continetur in epistolâ Amurathis ad Rodolphum II anno 1593, missâ. Amurath III hujus nominis, potentiss. invictiss. Imperator Constantinopol. Thraciæ, Illyrici, Græciæ, Terre sanctæ, Asiæ majoris & minoris, Assyriæ, Armeniæ, utriusq; Arabiæ, Syriæ, Ægypti, Sarmatiæ, utriusq; Turciæ, superioris & inferioris Palestiniæ, Mauritanie, Tuneti, Dominator & Princeps toti<sup>9</sup> orbis, omniumq; regnorum magni maris, Oceani

& terræ firmæ ab Oriente ad Occidentem, defensor & propugnator magni prophætæ Machumeti, Rex Mechæ & Algieræ, possessor sepulchri Christi omnium Christianorum Dei, in medio mundi centro Hierosolymis, Dominus in Europâ, Africâ, Asiâ, & Americâ, omniumq; insularum totius magni maris, cujus potentia formidabilis omnibus, vastator & irreconciliabilis in æternum universi Christianismi hostis, omniumq; qui se Christianos jactitant: Filius omnipotentis Dei, qui jussit & mentē illuminavit ad oppugnandum Christianos. Intoleranda hæc est Turcici istius canis impudentia. *VIII. Ad extremum huc pertinent descriptiones personarum à variis adjunctis:* ut est illa Christi ex Nicephoro: Porro effigies Dñi nostri Jesu Christi, sicuti à veteribus accepimus, talis propemodum, quatenus eam crassius verbis comprehendere licet, fuit. Egregio is vivoq; vultu fuit, corporis staturâ ad palmos prorsus septem. Cæsariem habuit subflavam, ac nō admodum densam, leniter quodammodo ad crispas declinantem: supercilia nigra, non perinde inflexa. Ex oculis subflavescentibus mirinca prominebat gratia. Acres ii erant, & nasus longior. Barbæ capillus flavus, nec admodum demissus. Capitis porro capillos tulit proluxiores. Novacula enim in caput ejus non ascendit, neq; manus aliqua hominis, præterquam matris in tenerâ duntaxat ætate ejus. Collum fuit sensim declive, ita ut non arduo, neque nimium extento statu esset. Porro frumenti referens colorem, non rotundam aut acutam habuit faciem, sed qualis matris ejus erat, paulum deorsum versum vergentem ac modicè rubicundam; gravitatem atq; prudentiam cum lenitate conjunctam placabilitatemq; iracundiæ expertem, præ se ferentem &c. *Hoc argumenti genere Fannium Chæream Cicero pro Roscio Comædo cavillatur:* Nōne ipsum caput & supercilia illa penitus abraâ, olere malitiam, & clamitare calliditatem videntur? Nōne ab imis unguibus usq; ad verticem summum (si quam conjecturam affert hominī tacita corporis figura) ex fraude, fallaciis, mendaciis constare totus videtur? qui iccirco capite & superciliis semper est rasis, ne pilum ullum viri boni habere dicatur.

Cap. 12. *Usus doctrinae de antecedente, concomitante & consequente.*

I. *Usus declarationis.*

**N**ota antecedentis, sunt, antequam, antecedere, prius, & omnes voces, quæ nudam temporis antecessionem significant.

II. *Nota concomitantis*, sunt, connexus, conjunctus, coherens, concomitans, & similia vocabula, quæ nudam connexionem exprimunt.

III. *Nota consequentis*, sunt, sequi, posterius, & omnia vocabula, quæ nudam consecutionem designant.

IV. *Terminorum simplicium exempla:*

| <i>Antecedens.</i>       | <i>Consequens.</i>          |
|--------------------------|-----------------------------|
| Crepusculum matutinum.   | Meridies.                   |
| Mors,                    | Sepultura.                  |
| <i>Concomitans unum.</i> | <i>Concomitans alterum.</i> |
| Justitia Dei.            | Misericordia Dei.           |
| Docere verbum Dei.       | Administrare sacramenta.    |
| Ventriculus.             | Jecur.                      |
| <i>Consequens.</i>       | <i>Antecedens.</i>          |
| Ultimum judicium.        | Resurrectio mortuorum.      |
| Ver.                     | Hyems.                      |

V. *Hinc axiomata* è compositione antecedentium, concomitantium & consequentium:

Crepusculum matutinum antecedit meridem.

Deus est justus & misericors.

Ultimum judicium certò sequetur resurrectionem mortuorum.

II. *Usus demonstrationis.*

I. In hoc topico una hæc cura, num antecessio, cõnexio, vel consecutio sit necessaria, an contingens. Hinc argumentationes necessariae contingentes: ut, *Facit verè bona opera. Ergò salvabitur.* Quæstio hæc disputata est ab antecedente necessario. *Hic homo habet epar. E. & ventriculum.* Est argumentum à connexis. *Homines judicabuntur in extremo die. E. resurgent.* Est argumentum à consequente. Et hæc

quidem argumenta sunt necessaria. Contingentia sunt illa: Est mortuus. E. sepelietur. Habet caput. E. & manum. Est lassus. E. febricitat. *Primum est ab antecedente, secundum à connexis, tertium à consequente.*

*I I. Si argumentum probans sit antecedens predicati questionis, syllogismus erit negans in Camestres & Baroco: ut, Hodie non instat iudicium extremum. Q. Judæi nondum sunt conversi ad fidem. Non sunt parietes. Q. non est fundamentum. Non sunt rami. Q. non est radix. Nullus ibi est horror, nulla lassitudo. E. nec febris. Qua argumentatio ad affirmandum non perinde valet. Est fundamentum. Ergo est paries.*

*III. Si argumentum sit concomitans predicati, syllogismus erit affirmans in primâ figurâ, aut negans in Camestres aut Baroco: ut, Non est plenilunium. Ergo non est Eclipsis. Est philosophus. Ergo pauper. Est superbus. E. stultus. Huic fœminæ papillæ tument. E. pubes adest.*

*I V. Si argumentum est consequens predicati, syllogismus erit affirmans in primâ figurâ: ut, Tabulæ fluctuant. Ergo fuit procella. Lac habet. Ergo peperit. Domus est. Ergo est fundamentum. Est superbus. Ergo est Grammaticus. Hic superbia sequitur Grammaticam.*

Hic locus oratoribus est valdè familiaris.

*V. Oratores in persequendis argumentis ductis ex hoc loco, mirificè exultant. Nam inde aperitur latissimus campus orationi: ut, probatur Milonem occidisse Clodium, ex antecedentibus: ut puta, ex odio, fulgore armorum, musitationibus, & taciturnis cum amicis colloquiis: Ex concomitantibus, ut gemitu, clamore, sanguine: Ex consequentibus, qualia sunt, pallor, fuga, titubans lingua, verba tertiata, fluxus sanguinis ex cadavere objecto homicidæ post dies plûsculos, & cætera id genus, quorum singula injiciunt suspicionem, plura faciunt fidem, feriuntque, etiam si non ut fulmine, tamen ut grandine.*

### III. Usus amplificationis.

*I. Antithesis. 1. Antecedentium: Cur quæso reformidas, homo Dei, afflictiones? Hæ antecedant oportet gloriam regni cœlorum. Impii in hâc vitâ suum habent regnum cœlorum, ut vulgò dicimus. Hôcne illis invidas? Est enim nihil aliud,*

aliud, quàm præparatio ad futuros cruciatus. Dum enim affluunt divitiis, copiis, & facultatibus, insolentes & cyclopi fiunt, adeoque ædificant ad gehennam. Tux autem afflictiones edomant ferociam carnis, & te præparant ad vitam æternam in hac vitâ inchoandam. Tenebræ illæ antecedunt lucem. Deus te ducit in infernum, ut ita magis tibi dulcescat vita futura. *Item*: Moriuntur pii, moriuntur & impii. Sed illis mors est janua vitæ, his est introitus è morte in mortem. Mors illorum antecedit vitam sicuti hyems ver, & seminis in agrum projectio atq; putrefactio messis. Mortem mors antecedit mortem æternam, sicut infortuniū aliquod minus prænuncium est majoris subsecuturi. 2. *Consequentium*: ut, Qui est sibi benè conscius, erecto est vultu & fronte liberali, sermone utitur rotundo & minimè perturbato, nullâ deniq; pallescit culpâ. At te producit demissio vultus, frontis rigor, pallor oris, verba teritata, & alia innumera, quæ sequi solent conscientiam malam, eamq; indicant non obscurè. 3. *Concomitantium seu connexorum*: ut, Fidem salvificam comitari videas chorum omnium virtutum. Primum adjungit se amor Dei; cum hâc concurret timor Dei, qui tantum abest, ut excludat amorem, ut cum eo adamantino vinculo colligatus videatur. Timorem Dei non dico subsequitur, sed statim amplectitur & velut osculo excipit dilectio proximi, quæ nullo unquam tempore à dilectione Dei separari potest. O harmoniam elegantissimam! O copulam sanctissimam! O fœdus arctissimum! Quid verò horum est in hypocritis? Crepant illi suum *Credo*, ut ita dicamus; interim volutantur in cœno peccatorum. Oderunt Deum, quem non colunt. Oderunt Deum; quia proximum oderunt. Hæc ubi regnant vitia, ibi mera infidelitas, primum illud primorum parentum peccatum, locum habet. Cum hâc enim cohærent contemptus Dei, injustitia, fraudes, calumniæ.

II. *Syncretismus*: 1. *Antecedentium*: Everfa est politia Judæorum juxta vaticinium Christi *Lucæ 9*. Ne igitur dubitate Epicurei, qui existimatis comminationes divinas esse inania quædam terribilia, excogitata à sacerdotibus, uti sunt vestra verba, ad populum utcumque retinendū in officio, & promissiones judicatis esse *ἡλγητα*, blandi-

Argumentatio illustris ab antecedente.



tias demulcentes animum, quales sunt de campo Elyfio, ne dubitate, inquam, ô homines ter & ampliùs infelices de ultimo iudicio. Veniet enim hoc, sicut everfio politiz istius evenit, quam increduli non putabant esse venturam. Idem quippe Deus utraque ventura esse prædixit. Daniel prædixit hoc idem Hierosolymorum excidium *cap. 9.* Danielis prophetiam repetiit summus Propheta Christus. Videtis autem Hierosolyma diruta. Cineres & rudera convincunt vos, ut fateamini Daniele & Christum vera prædixisse. Cum igitur idem Daniel *cap. 7. & 12.* & idem Christus *Matth. 23.* prædixerit futurum diem censorium, in quo producenda sint singulorum hominum tum mitium ovium, tum hædorum istorum scædorum facta, nolite, quæso vos & obtestor per salutem vestram, nolite miseri negare has prædictiones Danielis & Christi esse verissimas. 2. *Consequentium:* Deus

Insignis argumentatio  
a consequentibus.

est invocandus. Opus est igitur fide. Cum enim Deus sit spiritus, in spiritu & veritate vult invocari. Non igitur absque fide. Malè itaque precantur omnes ii, qui demurrant preculas non intellectas. Cum enim fides sit assensus fiducialis, necesse est, ut ille qui precatur cognitione aliquâ illarum rerum imbutus sit, quas à Deo petit. 3. *Concomitantium:* Qui fidem sine operibus sibi imaginantur, perinde faciunt atque illi, qui solem sine luce, corpus sine umbrâ, materiam sine formâ, ignem sine calore concipiunt. *Item:* Fides est una seu tota copulativa, principium est Theologicum. Si enim de virtute hoc rectè pronunciant Ethici, longè rectiùs de virtute virtutum, fide illâ salvificâ, hoc pronuntiabitur. Cum itaque hæc res ita se habeat, non video, quomodo illi sint boni Christiani, qui profitentur se credere remissionem peccatorum, & interim dubitant de gratiâ & favore Dei. Nec video, quomodo in Christum Servatorem credant, qui peccata sacrificio Missæ expianda esse scribunt. *Item:* Rectè Nazianzenus dixit contra Arrianos: Aut totum honora, aut totum abjice: non recipio dimidium pietatis, totum te volo esse pium. Et Tertullianus: Non est in unam partem inclinandum, & ab aliâ parte fugiendum: quoniam nec tenebit perfectam veritatem, quisquis aliquam veritatis exclusit portionem. Non igitur satis est credere Christum esse Deum, nisi etiam credas eundem esse hominem

hominem, & vicissim non satis est, ut credas Christum esse hominem, nisi etiam statuas firmissimâ fide, eundem esse verum Deum. Nostrium est, qui Christo dedimus nomen, totum Pascha edere, ut Deus præcepit veteri populo. *Exod. 12.* Totum Pascha edimus, quando integram doctrinam de Christo tenemus. Quia unus error pugnans cum fundamento, perturbat omnia. Sicut in catenâ si unum trahas anulum, reliqui sequuntur: ita in negotio fidei, si unum articulum credas, reliquos utpote coherentes credere quoque oportet.

III. Conglobatio. 1. *Antecedentium. Firmissima consolatio in Ecclesiâ sumitur à recordatione præteritorum beneficiorum hunc in modum.* Jacobus patriarcha *Genes. 32.* in suâ precatatione, cùm metueret hostilem adventum fratris sui Esau, sic fermè Deum compellavit: Domine Deus, tu antea mihi benefecisti, tu ex paupere divitem fecisti, & jam revocas ab exilio: defendisti me adversus socerum Laban, avarum & crudelem hypocritam. Quare

Paraphrasis  
verborum  
Jacobi patriarchæ.

nunc quoq; suscipe mei patrocinium, defende me, & meam familiam adversus Esavum fratrem meum, ne interficiat matrem cum filiis, adeoque debeat Ecclesiam. Ita David in Psalmis se erigit. Sic Paulus *2. Cor. 1.* Qui, ait, toties nos ex morte eripuit, deinceps quoque nos liberabit. Horum exemplo nos discamus ex recordatione præteritarum liberationum concipere certam & firmam spem de futuris liberationibus, & hoc modo interpretemur & nobis applicemus locum *Phil. 2.* Deus qui dedit nobis velle, dabit etiam perficere; Deus qui nos eduxit ex tenebris, & vocavit nos in admirandam illam lucem, pertexet telam inchoatam, inchoatumque beneficium perficiet, & domum extruet totam, ut dici solet. Nemo itaque dicat, non posse impleri quod cœptum est. Quid finem cœpti desperas? Omnipotens cœpit, omnipotens promisit se impleturum esse quod cœpit. Nemo in afflictionibus despondeat animum. Nam non deseret nos in periculo septimo, qui nos eripuit è sex antegressis. Nostri officii est rectè uti gratiâ primâ. Hanc enim comitatur secunda, si quis primâ rectè utatur. Sin, Deus aufert etiam primam. Ad summam: Deus ita in nobis sua dona coronat, ut hujus ferti flores non sinat à se in-

vicem separari. 2. *Consequentium* : Deus est invocandus. Ergò opus est fide. Si fide, ergò & verbo. Si verbo opus, ergò & doctoribus. *Hic est conglobatio argumentorum à consequentibus ad antecedentia. Plenius hoc exemplum à Rom. 10. evolvi potest hunc in modum* : Omnis qui invocaverit nomen Dei, salvus erit. Quomodo vero invocabunt, nisi credant ? Quia invocatio sine fide, est inanis verborum sonitus. Quomodo porrò credere possunt, nemine docente ? Nam Evangelium non nascitur nobiscum, sed est mysterium à seculis absconditum. Quomodo verò prædicabunt, nemine mittente doctores ? Nam fides ex auditu, auditus per verbum. 3. *Concomitantium* : Quà fronte audes negare te illum duriter tractasse, cum miserabilis gemitus ipsius, vox tua hostiles minas spirans, & sonitus, qualem verbera edere solent, sint audita à quàm plurimis ? *Item* : In amore omnia hæc insunt vitia : injuriæ, suspensiones, inimiciæ, induciæ, bellum, pax rursum.

---

*Appendix ad argumentorum consentaneorum praxin, de modis unitatis seu identitatis & diversitatis.*

**H**Æc est nobilis illa argumentorum consentaneorum praxis, quam obsignabimus celebratissimâ illâ coronide, de modis unitatis seu identitatis, & diversitatis, quorum praxin tergemina pro ratione methodi nostræ hætenus observatæ trademus.

I. Usus declarationis.

Thema simplex cum alio potest conferri, vel tanquam idem, vel tanquam diversum.

Idem dicitur thema secundum tres classes *sive* *syzygias* identitatis.

Primæ classis identitas est causalis & effectiva.

Identitas

Identitas causalis est, cum effecta inter se consentiunt unâ eademq; causâ :

Ut, Precatio & gratiarum actio conveniunt causâ efficiente, quæ est Spiritus sanctus : homo & bruta conveniunt materiâ & formâ remoris, nimirum elementis, naturâ & animâ : omnia arma in exercitu conveniunt in fine victoriâ.

Identitas effectiva est, cum causæ inter se consentiunt uno eodemq; effecto :

Ut, Angeli & pii in laudibus Deo decantandis : stellæ in cælo conveniunt sive sunt eadem effectis, quatenus in hæc inferiora agunt lumine, motu & influentiâ.

Secundæ classis identitas est subjectiva & accidentalis.

Subjectiva est, cum accidentia idem sunt subiecto :

Ut, Vis purgandi bilem & roborandi viscera, sunt eadem subiecto, quia insunt eidem rhabarbaræ : fides, spes, charitas sunt eadem subiecto, videlicet homine regenerato : officium propheticum, sacerdotale & regium idem est subiecto, videlicet Christo.

Identitas accidentalis est subiectorum, quæ accidentibus conveniunt :

Ut, Animal & homo conveniunt sensu, Aristoteles & Ramus eruditione, Petrus & Paulus fide, Johannes & Jacobus mortalitate. *Dicitur etiam identitas adjunctiva.*

Tertiæ classis identitas est antecessionis, consecutionis & cohæsionis.

Identitas antecessionis est, cum duo vel plura unam eandemq; rem antecedunt :

Ut, Stercoratio, & aratio antecedunt sationem; morbus & agnitio morbi antecedunt curationem.

Identitas consecutionis est, cum duo vel plura unam eandemq; rem consequuntur :

Ut, Flores & fructus arboris consequuntur reditum succi in arborem; sanctificatio & glorificatio sequuntur justificationem.

Identitas connexionis est, cum duo vel plura coherant:

Ut, Resurrectio carnis & ultimum iudicium cohererunt; fides & charitas sunt idem connexionem; sic materia & forma; generatio & corruptio; remissio peccatorum & imputatio iustitiæ.

Thema diversum dicitur itidem secundum tres classes, nempe diversitatis.

Verbi gratiâ: Theologia & philosophia differunt causis proximis, effectis, subjectis, adjunctis & antecessione. Sed cum contrariorum eadem sit doctrina, facillimè ex traditis de identitate colligi poterit ratio diversitatis. Cum igitur naturam alicujus rei declarare volumus, possumus illius convenientiam & differentiam hoc modo indicare: ut, fides convenit cum charitate causâ efficiente, subjecto, & adjunctis quibusdam: differt formâ & effectis. Cælum convenit cum terrâ causâ efficiente, materiâ remotâ, & fine: differt materiâ proximâ, formâ, effectis, adjunctis & antecessione. Atque hic modus declarandi magnæ est utilitatis.

## II. Usus demonstrationis.

Quando quæritur de convenientiâ & differentiâ rerum (quæritur autem sæpe) ex his topicis argumentorum consentaneorum peti debent demonstrationes sive probationes. Nam aliquoties monuimus nos vocabulum demonstrationis largè accipere. Sit quæstio, An philosophia conveniat cum Theologiâ? Hæc affirmatur è loco causæ efficientis: Q. utraque Deum habet authorem. Tum è loco finis: Q. philosophia est instrumentum subserviens Theologiæ. Jam verò instrumentum debet agere dispositivè, non contrariè. Adhæc è loco adjuncti. Q. utraque est bona. E loco concomitantium. Q. multi Theologi fuerunt & sunt præstantissimi philosophi. Sit probanda hæc conclusio: Virtutes ethnicorum differre à virtutibus Christianorum. Probatur à causâ efficiente proximâ, quæ in electis est fides salvifica, quâ destituti fuerunt ethnici. Item à fine. Q. piorum bona opera ad solius Dei gloriam referuntur. At ethnici suam gloriam quæsiyerunt. Porro à subjecto: Persona placet Deo

Deo in Christo. Ethnici autem non fuerunt membra Christi.

### III. Usus demonstrationis.

In diffusâ tractatione questionum tum theoreticarum, tum practicarum amplificatio ex modis identitatis & diversitatis instituitur luminosa & pathetica. Concurrunt autem hic antithesis, syncrasis & conglobatio. Sic si velis hominem dehortari à superbiâ, ita procedes: Eloquere quæso, homo miselle, eloquere, inquam, quâ de causâ superbias? Numne cum Alexandro Magno Jovis Ammonii filium te esse credis? Num forsan è nobiliore luto corpus tuum factum esse tibi persuades? Num anima tua est præstantior animâ hominis alicujus abjecti? Falleris ita si statuis. Eundem enim habes patrem, quem illi, quos tu alto supercilio despicias, sive Deum spectes, sive Adamum, sive majores tuos, qui ipsi mortales fuerunt. Porro ex eâdem massâ corpus tuum productum est. Tuum corpus æquè ac illius, quem fastidis, est esca vermium. Eadem terra tibi domicilium est & mater. Desine igitur artem nefariam contemnendi alios. Desine hujus tuæ insolentis superbiæ, & superbæ insolentiæ. Ita ostendi potest convenientia & discrimen Veteris & Novi Testamenti. Fidei justificati sunt veteres Patriarchæ, Prophætæ, Reges & credentes, fide inquam in Christum justificati sunt æquè atque nos. In eundem crediderunt Deum Unum & Trinum, in quem nos credimus. In eâdem fuerunt Ecclesiâ Catholicâ, in quâ nos sumus. Eandem vitam æternam expectarunt, quam nos credimus, non verò animos in terram Chananæam solum defixos habuerunt. Interim nos illis sumus longè longeq; feliciores. Nos enim in Christū jam missum credimus, illi promissum fide expectarunt. Illorum Ecclesia angustis terræ sanctæ finibus circumscripta erat, at Ecclesia N. T. universos totius mundi angulos occupavit. Illi ceremoniarum multitudine & difficultate premebantur: at nos sacramentis duobus, iisque facilibus per Dei gratiam utimur, & habemus ritus adiaphoros, nec multos, nec operosos, nec sumtuosos. Item: Certè aliquod est discrimen inter baptismum Johannis & Apostolorum sive nostrum. At non est tam magnum, ut Pontificii volunt.

Similitudo  
& differen-  
tia V. & N.  
Testamen-  
ti.

Discrimen  
inter bap-  
tismū Johan-  
nis & Apo-



stolorum,  
& conveni-  
entia.

Licet enim quoad circumstantiam & modum patefactionis Christi aliquod discrimen fuerit, non tamē quoad speciem. Specie unus idemq; baptismus fuit, cum ut illius, ita & horum eadem sit definitio, & causis omnibus uterq; conveniat. Causa efficiens baptismi princeps est Christus solus per Sp. S. Hic baptismum primò instituit in personā Johannis Baptistæ, cujus baptisma non esse ab homine, sed ex Deo & de cœlo, Christus ipse testatus est *Johan. 1. v. 23. 31.* Deinde verbo mandati & promissionis, institutum baptismum Johannis confirmavit. *Matth. 28. v. 19.* Materia baptismi est tum sacramentum, sive signum, tum res sacramenti, sive signatum. Signum est aqua, & ablutio corporis. Signatum est sanguis Christi, & ablutio animæ. At hæc omnia fuerunt in baptismo Johannis. Forma baptismi est analogia & unio illa sacramentalis inter signū & signatum. Et hæc fuit in baptismo Johannis. Finis baptismi est significare, obsignare & præbere sacramentaliter peccatorum remissionem, beneficium regenerationis & unionem nostri cum capite nostro Jesu Christo: item, esse testimoniū nostræ pietatis, esse signum discernens nos à profanis gentibus, & deniq; esse vinculum communionis Ecclesiæ, & reciprocae eorum charitatis, qui eodem lavacro tinguntur. Hos fines spectavit Johannes instituendo & administrando baptismum. Ex his efficitur, baptismum Johannis specie non fuisse distinctum à baptismo Apostolorum, ὁπρὲς ἰδεὶ δὲ ἔχει. Item: Homines pii non multum inferiores sunt Angelis bonis. Nam & illos & istos Deus confirmavit in statu gratiæ, & extra labendi periculum constituit. Et illi & isti laudant Deum Patrem & Patronum suum. Et illi & isti sunt membra veræ Ecclesiæ Catholicæ. Et illi & isti videbunt Deum de facie ad faciem in omnes seculorum æternitates. Summa: Sunt confervi Dei & σὺνθεολόγοι.

### Cap. 13. *Uusus doctrinæ de diversis.*

**J**Am dicemus de applicatione argumentorum dissentaneorum, & primò quidem de diversis.

I. *Uusus*

I. Usus declarationis.

I. *Nota dissentaneorum generales*, sunt particulæ, *Non*, *Sed*, ejusdem axiomatis partes connectentes: ut, *Non* operibus justificamur, *sed* gratis.

II. *Nota diversorum*, sunt, *Non* hoc *sed* illud; quam, etsi, licet, quantumvis, utur, quamvis, tamen; quidem, *sed* non; ut, *Non* est dives agri, *sed* ingenii. 2. *Corinth. 4. v. 16.* Etiam si externus noster homo corrumpitur, internus tamen renovatur indies.

II. *Termini simplices sunt:*

*Diversa*

|                   | Ratione                     |                           |
|-------------------|-----------------------------|---------------------------|
| Laudare in os.    | <i>Invidi.</i>              | Favere.                   |
| Placere Deo.      | <i>Virtutum ethnicorum.</i> | Placere ad salutē.        |
| Temperantem esse. | <i>Catonis.</i>             | Esse hæredem vitæ æternæ. |
| Dives.            | <i>Ennii.</i>               | Fidei plenus.             |

III. *Hinc axiomata è diversorum connexionē:*

Scio illum mihi non favere, utur me in os laudet: Virtutes ethnicorum, placuerunt quidem illæ Deo, *sed* non ad salutem.

Cato non est hæres vitæ æternæ, quantumvis fuerit temperans.

Quamquam Ennius non fuit dives, fidei tamen fuit plenus.

II. Usus demonstrationis.

I. *In genere de usu demonstrativo dissentaneorum hæc sunt notanda: Argumentamur à dissentaneis ratione subjecti & predicati. Ratione subjecti.* 1. Quod tribuitur uni dissentaneorum, adimitur alteri, non semper contrā. 2. Cui convenit unum dissentaneum, de eo negatur alterum, non semper contrā. *Ratione predicati.* 1. Cui adimitur unum dissentaneorum, ei tribuitur alterum. 2. Cui tribuitur unum dissentaneorum, ei adimitur alterum.

II. *Communis Logicorum opinio tenet, diversorum usum duntaxat esse axiomaticum seu exegeticum, non etiam syllogisticum seu apodicticum. Sed falsò, ut supra probatum est.*

*Diversorū usus est etiam syllogisticus.*

Non quidem ingredi possunt syllogismum in figurâ 1. vel 2. vel etiam connexum, in sensu nempe diviso, ut ego soleo dicere. At in figurâ tertiâ possunt disponi: ut, Salomon non fuit pauper. Salomon fuit pius. Ergo quidam pius non est pauper. Quidam homo non est doctus. Omnis homo est animal. Ergo quoddam animal non est doctus. Sed hîc obijcitur: Via analyseos ostendit in his talibus & similibus exemplis argumentum non esse è loco diversorum, sed è loco speciei: quia videl. quæstio probatur particulari exemplo adducto. e. g. Quidam facundus non fuit formosus: ut Ulysses. Respondetur: in omni syllogismo medius terminus duplicem sustinet relationem. Ad subjectum scilicet & prædicatum quæstionis refertur. Hîc autem videndum, utra relatio sit potior. Sic si disputem hoc modo: David debet agere gratias Deo. Q. ipsum liberavit. argumentum est à causâ impellente vel adjuncto antecedentis, & effecto consequentis. Logica autem jubet, ut principalior relatio attendatur, quæ hic est inter prædicatum quæstionis & medium terminum. Sic etiam in exemplis istis, quæ ad locum diversorum adducuntur, oportet attendere, quomodo medius terminus se habeat ad prædicatum. Certè habet se ad illud tanquam diversum. Hîc puto me operæpretium facturum, si communicem cum Logicæ studiosis, quod mihi in hac controversiâ versanti occurrit, quodque hætenus à nullo Logicorum observatum memini. Hoc ita habet. Diversa considerantur duobus modis, vel ut divisa sunt axiomaticè, vel ut conjuncta sunt axiomaticè, hoc est, non in sensu diviso, sed in conjuncto, ut quidem hoc loco accipimus istam phrasin. Ibi nullo modo possumus argumentari è diversis in figurâ ullâ, vel etiam syllogismo composito. Nulla enim est sequela: Si est doctus, non est pius. Hîc possumus argumentari in figurâ tertiâ, ita ut suprâ l. 2. ostendimus, & hîc repetivimus. Sed possumus etiam in figurâ primâ & syllogismo connexo argumentari ex hoc topico, si nempe duo diversa conjungantur, non disjungantur. e. g. Pii in afflictionibus sint bono animo. Q. etsi premuntur, tamen non opprimuntur. *Item:* Ille dux meretur laudem. Q. etsi non reportavit victoriam, tamen insignia victoriæ reportavit. *Item:* Viro bono, si peccet, ignoscendum. Q. etsi oppugnat

tur à Diabolo, tamen non expugnatur. Hinc syllogismi: Qui premuntur quidem, nec tamen opprimuntur, in afflictionibus debent esse bono animo. At pii &c. Vel: Si pii non opprimuntur, licet premantur, debent esse bono animo in afflictionibus. Sed verum est illud. E. & hoc. Hos syllogismos vocemus prolepticos seu occupativos. Atque hactenus ego sic sentio de diversorum usu dianoëtico. Dissentiunt alii. Sed nihil opus, ut comitia super hâc re convocentur. Notant hîc viri λογικάτοι, ex diversis etiam confieri syllogismum notionalem, uti nos supra in genere monuimus de usu demonstrationis. Hic syllogismus v. g. est è loco diversorum: Diversa dissentiunt solâ ratione. Pater & Filius non dissentiunt solâ ratione. E. non sunt diversa. Item: Pietas & eruditio dissentiunt solâ ratione. E. pietas & eruditio sunt diversa.

### III. Usus amplificationis.

I. *Antithesis.* 2. Cor. 4. v. 8. 9. In omnibus affligimur, at non coarctamur: hæsitamus, at non prorsus hæremus: persecutionem patimur, sed in eâ non deserimur: dejicimur, at non perimus. Item:

*Canescant alii mento, nos mente: capillo,*

*Nos animo: facie, nos pectore: tempora quippe*

*Virtutem non prima negant, non ultima donant.*

Item: Non probanda est mansuetudo atque clementia in principe populi rectore, quæ non habet admixtam severitatem illam, sine quâ Resp. administrari non potest. Interim princeps non sit sævus. Severum volo. Non sit lentus. Lenis esto.

II. *Syncretismus:* Quid tam distans, quàm à severitate comitas? Quis tamen unquam te aut sanctior est habitus, aut dulcior. Ita Cicero commendat Brutum. Item: Non facîle videas principem gravem & humanum esse simul. At Carolus ille Magnus consecutus fuit difficillimam illam societatem gravitatis cum humanitate. Nam gentes, quas ad fidem Christianam adduxit, eâ humanitate tractavit, ut illæ nihilominus ipsius severitatem fuerint reveritæ.

III. *Conglobatio.* Licet ambulavero in valle mortis, licet Deus decumanis afflictionum fluctibus me obruat, licet

mihi se contrarium ostendat: non tamen timebo mala, non tamen contra ipsum obmurmurabo, non tamen faciam aliquid contra ipsius voluntatem. *Item:* Scripsit Zwinglius in libro ad regem Galliarum, ethnicos virtutum studiosissimos frui gaudio in cœlis. Erasmus idem scripsit. Hic error non adeo exaggerandus est, quod faciunt quidam stentores. Quanquam enim error est, non tamen fundamentum salutis evertit. Ex infirmitate sunt lapsi magni illi viri, non ex malitiâ. *Item:* Scelus tu illud vocas Tubero? Cur? Isto enim nomine illa adhuc causa caruit. Alii enim errorem appellant, alii timorem; qui durius, spem, cupiditatem, odium, pertinaciam; qui gravissimè, temeritatem; scelus præter te adhuc nemo. *Sed hæc sunt opposita.* *Item:* Etiam si externus noster homo corrumpitur: internus tamen renovatur indies. Etiam si morimur mundo, & carnem nostram abnegamus: tamen Christo vivimus, & spiritum adoptionis accipimus. *Hic etiam est antithesis.*

### Cap. 14. Usus doctrinæ de contradicentibus.

#### I. Usus declarationis.

**I.** *Nota contradicentium*, sunt voculæ non, nihil, nullus, nemo &c. ut, homo, non-homo; aliquid, nihil, omnis, nullus; aliquis, nemo. Hic observandum. Nihil ut &c. in compositione accipi negativè & privativè. Negativè significat destructionem subjecti & accidentium: Privativè significat destructionem boni accidentis in subjecto reliquo. Illud est hujus loci. Notæ item hujus loci sunt, controversia, controversere, disceptare.

#### II. Termini simplices hoc loco sunt:

##### Contradicentia

|            |                |
|------------|----------------|
| Canonicus. | Non-canonicus. |
| Sanctus.   | Non-sanctus.   |
| Esse.      | Non-esse.      |
| Deus.      | Non-Deus.      |

#### III. Axiomata è binis contradicentibus composita:

Libros non-canonicos Ecclesia non potest facere canonicos. E non-

E non-sanctis Papa non potest facere sanctos.  
 Qui sunt, illi non dicendi sunt non-esse.  
 Deus non potest esse non-Deus.

## II. Usus demonstrationis.

I. *Ab unius affirmatione ad alterius negationem, & contrariab unius negatione ad alterius affirmationem concluditur.* Si ex Deo est, qui verba ejus audit, ex Deo non fuerit, qui non audit. Ii qui non credunt, non salvantur. Quia ii qui credunt, salvantur.

II. *Magna est vis hujus argumenti.* Nam 1. Adigimus adversarium ad absurdum & impossibile. Hic enim locus continet axioma, quod summum est omnium axiomatum totius philosophiæ, ac maximè universale: *Contradictiones non possunt esse simul vera de eodem.* 2. Hâc ratione imminuitur alicujus autoritas, cùm ille coarguitur sibi contradicere. Sic Cicero Atticum Epicuræum urget 1. *Tusculan.* cùm mortuos esse negaret, & tamen esse diceret. Jam mallet, inquit Cicero, Cerberum metueres, quàm ista tam inconsideratè diceres. Atticus: *Quid tandem?* Cicero: *Quem esse negas, eundem esse dicis. Ubi est acumen tuum?* Cùm enim miserum esse dicis, tum qui non sit esse dicis. Tum post longam disputationem Atticus ait: *Age jam concedo non esse miseros, qui mortui sunt, quoniam extorsisti ut faterer, qui omnino non sunt, eos ne miseros quidem esse.* Sic Terentianus ille Phædra elevat, Dori testimonium, quod ipse sibi contradicat propter sermonis inconstantiam, quo modò ait, modò negat.

Contradictionis vis quanta?

## III. Usus amplificationis.

I. *Antithesis.* Paulus Apostolus ait: Concludimus hominem justificari per fidem, sine operibus legis. Quid verò Patres Tridentini? Anathemate percutiunt omnes eos, qui solâ fide hominem justificari credunt. Item: Sacra Scriptura multis locis tradit, nostra bona opera in hac vitâ non posse esse perfectâ. At Pontificii quorundam sanctorum opera adeò perfectâ esse posse statuunt, ut illi possint facere opera supererogationis, atque ita aliis illa divendere. O cæcos! ô bardos! Quanta hæc est impietas? quanta superbia? Certè omnem Pharisaicam superbiam



longissimè excedit. *Item:* Sunt, qui scribunt & gloriantur, se retinere verba Christi testatoris in S. Cœnâ, dum ajunt hunc esse sensum verborum Christi, IN, CUM, SUB pane est corpus Christi. Paucis hoc videamus. Verba Christi sunt: Hoc est corpus meum. Falsariorum istorum glossa est: In, cum, sub pane. Profectò hæc duo enunciata immane quantum differunt? Paulina phrasis est: Panis quem frangimus, nōne est communio corporis Christi? Capernaitarum phrasis est: In pane latet corpus Christi. Jam videant ii, qui cor habent, quā benè consentiat illud dogma Capernaiticum eum veritatis cœlestis oraculis. *Item:* Hem Petre! Negas te Christum novisse, quem antea confessus es? Inficiaris te ejus esse discipulum, cujus discipulum te antea esse affirmasti? Deficis ab eo, à quo nunquam deficere voluisti? Tam inconsideratus es, Petre? Quid agis? *Item:* Arrige aures, Roberte Bellarmine, habeo quod te rogem. *Libro 2. de concil. author. cap. 17.* scribis Pontificem Romanum simpliciter & absolute esse supra Ecclesiam, & supra Concilium generale, ita ut nullum in terris supra se judicium agnoscat. *Libro 1. de concil. cap. 9.* tu ipse scribis, quartam celebrandi concilii causam esse suspensionem hæresium in Pontifice Romano: & secundam synodi convocandæ rationem esse schisma inter Pontifices Romanos. Ecce quā egregiè tibi constas! Modò ais, modò negas. Qui enim à Concilio damnari & judicari potest, ille non simpliciter & absolute est supra Concilium, sed omninò etiam est infra Concilium. Tu Cardinalis Reverendissime ipse assume & conclude. Ego ad alia festinabo.

*II. Syncretismus.* Refutare veritatem in philosophicis est immanis feritas. At disertis verbis obloqui spiritui Sancto in Theologicis, intoleranda est impietas. Sed non minor est impietas rectè & reapse illi contradicere: id quod faciunt ii, qui dicunt corpus Christi invisibili modo latere in pane eucharistico. Hoc enim perinde est, ac si dicerent, lux adest sed tenebroso modo, tenebræ adsunt, sed modo lucido. Certe qui dicunt corpus Christi esse ubique, verbis non dicunt, corpus Christi non esse verum corpus. At reipsâ dicunt, quod nolunt dictum. Si hæc non sunt pugnantia, corpus est immensum, nescio equidem quæ sint pugnantia.

*III. Con-*

III. *Conglobatio*: Qui Deum essentiâ suâ immensum esse negant, Deum faciunt non-Deum. Iidem licet verbis dicant, Christum esse Deum & mediatorem, tamen eundem reipsâ dicunt nō esse Deum, ideoq; nec mediatorem. Omnipotentiam isti stolidi tribuunt ei, cujus essentia est finita & circumscripta. Monstris hæc sunt similia. *Item*: Cerebrum in calcaneo gestatis, adversarii, quando Ecclesiam Romanam Catholicam esse plenis buccis jactitatis, quando Papam vicarium Christi, & successorem Petri esse scriptitatis, quando patrimonium Petri nobis objicitis. Potestne id universale esse, quod certis limitibus continetur? Potestne Ecclesia urbis esse Ecclesia orbis? An ille est vicarius Christi, qui est Antichristus, & Christi sicarius? Secedere à Petro, an est succedere Petro? Petrus non habuit patrimonium. Cur itaq; vestri Pontifices patrimonium Petri crepant? Increpet vos Deus!

### Cap. 15. *Ufus doctrina de relatis.*

#### I. *Ufus declarationis.*

**N**otæ *relatorum*, sunt omnia vocabula argumentorum & reliquorum instrumentorum Logicorum, item institutorum divinatorum & humanorum: ut, causa & causatum, subjectum & prædicatum, quæstio & argumentum, sacramentum & res sacramenti.

#### II. *Termini simplices hic sunt relatum & correlatum:*

##### *Relata*

| <i>Relatum</i> | <i>Correlatum</i> |
|----------------|-------------------|
| Pater.         | Filius.           |
| Vitricus.      | Privignus.        |
| Docere.        | Discere.          |
| Regula.        | Regularum.        |

Hic excellunt personæ & actiones personarum in quatuor ordinibus vitæ humanæ: ut, pastor & auditor, actor & reus, locare & conducere &c.

#### III. *Hinc axiomata è vniis relatis:*

Pater non est filius.

(discere.

Non est turpe docere alios, quod tibi honestum fuit

Regula non est inferior regulato.

## II. Usus demonstrationis.

Relatorum  
affectio est  
gemina.

I. *E relatis, pro geminâ ipsorum affectione, disputantur quaestiones affirmata & negata: Affirmata;* quatenus in illis spectatur consensio: ut, Debemus obedire Deo. Q. est Pater noster. Petrus vixit in conjugio. Quia habuit uxorem. *Matth. 8. v. 14. Negata;* quatenus in illis spectatur dissensio, fundamentum negationis: ut, David est Salomonis pater. E. non est illius filius. Accipere beneficia non est turpe. Q. dare est honestum.

II. *Oportet sumere argumentum, quod sit relatum praedicari quaestioni:* ut, Socii Romanorum non sunt subditi Romanis. Q. Romani non sunt eorum magistratus. Titius est cliens. Q. habet patronum.

## III. Usus amplificationis.

I. *Antithesis. Esa. 1. v. 2. 3. Filios educavi & extuli, ipsi autem deficientes rebellaverunt me. Agnoscit bos possessorem suum, & asinus præsepe domini sui: Israël non agnoscit, populus meus non animadvertit. Hic etiam est syncrasis imparium.* Similis autem est *Malach. 1. v. 6. Filius honorat patrem, & servus dominum suum: quod si pater sum, ubi est honor meus? & si dominus sum, ubi reverentia mei? Hic pertinet ille lusus: Est rex sine regno; est maritus sine uxore; est dux sine milite; est præceptor sine discipulo.*

II. *Syncrasis.* Servire aliis est miserum. Servire autem suis affectibus, miserrimum. Nam aliis qui servit, hominibus servit: at qui affectibus servit, Diabolo servit. Qui aliis servit, corpore servit, animum retinet liberum: at qui Diabolo servit, & corpus & animam illi mancipat. *Item:* Patres familiâs curent domum, reges subditis imperent, doctores in Scholis disputent: tu Deo servire memento. Deo enim servire libertas. *Item:* Absolom insidias struxit Davidi parenti suo, quem sciebat esse unctum Dei, Regem & Prophetam. Nihil ille legem naturæ, nihil verbum Dei curavit, homo infelicitissimus.

III. *Conglobatio.* O beatos electos, quibus Deus est pater & Dominus; quibus Filius est Doctor, Sacerdos & Rex; quibus Spiritus S. est arrha salutis. *Item:*

*Cum tuba magna Dei dicet taratantara, cuncti  
Se sistent homines, populus cum principe, doctor  
Atq; auditores, iudex ipsiq; clientes,*

Servum

*Servus cum Domino, natus cum patre, pupillus  
Cum tutore, Dei se sistunt ante tribunal.*

*Hic observa amplificationem hanc esse admodum luminosam, si quis percurrat quatuor ordines vite humana, & ex eis adducat res, personas & actiones, quæ tria in singulis statibus sunt adnotanda. e. g. Bellum agros, prædia, domos, omnemq; supellectilem domesticam devastat. Patres familiæ & reliqui domestici suum officium nullo modo facere possunt, quando miles omnia implet cædibus. Pulpita in Scholis trepidant ad aspectum militis: Exercitia Scholastica jacent. Verbum Dei in publico cœtu non annuntiatur. Auditores sunt dissoluti. Imperia corruunt. Principes regnis exuuntur &c. Huc pertinent commendationes urbium à magistratibus, à politico regimine, à disciplinâ Ecclesiasticâ, à statibus æconomicis rectâ constitutione à Scholarum celebritate: ut, Athenienses habebant Senatum quingentum virorum, qui regebatur à Senioribus quibusdam veluti ducibus, quos Prytanes vocabant. Sed & alius erat Senatus sanctior & augustior Areopagiticus, cujus nomen dum recenseo, quilibet intelligit quid velim. Peculiares porro magistratus erant, qui ædificia publica, fontes, portus, vias quoq; & earum mundiciem curabant. Otiosus in societate civili nullus tolerabatur, à quovis vitæ victusq; ratio exigebatur, unde & quomodo suos aleret. Mendicus nullus ibi reperiebatur, qui ostium stipem colligeret. Juventus quoq; in liberalibus & sellulariis artibus quam studiosissimè instituebatur. Verum præstat tacere, ut ne forte audiam illud: Cuivis facile est Athenas laudare.*

### *Cap. 16. Usus doctrinæ de contrariis.*

#### *I. Usus declarationis.*

*Nota adversorum, sunt, inimicū esse, adversari, destruerè, demoliri, expellere, è diametro opponi, è regione adversari, &c. distare. Huc pertinent res secundæ & adversæ, Deus & Diabolus, virtutes & vitia, quatenus vitia non privationem, sed contrariū actum notant. Hic observa, Bonum & Malū Metaphysicè opponi contradictoriè & privativè, sicut ens & non-ens opponuntur. Sed Ethicè opponi etiam possunt ut contraria.*

*Bonum &  
Malū duob.  
modis op-  
ponuntur.*

## II. Termini simplices sunt:

*Contraria, aliis Adversa.*

|              |              |
|--------------|--------------|
| Propriū.     | Commune.     |
| Res publica. | Res privata. |
| Dubitatio.   | Affertio.    |
| Sapientia.   | Stultitia.   |

## III. Axiomata è binis contrariis:

Proprium non est commune.

Reip. causâ non dicitur abesse, qui ob privatâ rem abest.

Dubitatio non est assertio.

*Virtus est vitium fugere, & sapientia prima**Stultitiâ caruisse*

## II. Usus demonstrationis.

I. *Potest sumi argumentum, quod sit contrarium subjecto questionis*: Dolor est fugiendus. E. voluptas est sequenda. Superbia est odiosa. Ergo humilitas est amabilis. Hujus rei ortus bonus est. Ergo ejus corruptio mala est. Hujus rei existentia est optima. Ergo corruptio illius est pessima. Christus fuit temperamento corporis perfectissimo. Ergo dolores quos tulit in morte, non potuerunt non esse maximi. Vide supra canonem: *Contrariorum contraria sunt consequentia.*

II. *Potest accipi argumentum, quod sit contrarium prædicati questionis*. Valetque hic modus ad affirmandum & negandum: ut, Odium est in appetitu concupiscibili. Quia amor est in eodem. In pecudes non cadit injuria. Q. in eadem non cadit jus.

III. *Utimur medio, quod sit contrarium immediatum prædicati, ut uno posito alterum tollatur, aut sublato ponatur*: ut, Nullus liber est servus. Libertus est liber. E. libertus non est servus.

IV. *Ad subjectum & prædicatum questionis pertinet hic canon*: Si duo sunt bona, ut divitiæ & valetudo, majoris boni contrarium erit majus malum: ut, Si valetudo est majus bonum divitiis, morbus erit majus malum paupertate: Et, Si amare est melius quàm prodesse, odisse erit majus malum quàm nocere.

V. Con-

*Y. Contraria habent medium, vel non habent.* Si habent medium, non necessum est sublato uno alterum poni: ut, Hæc tabula non est nigra. Ergo est alba. Non sequitur. Potest enim esse coloris alicujus medii, ut rubri, punicei. Si non habent medium, uno sublato alterum necessariò ponitur, & contra; ut, Est sapiens. Quia stultitiâ caret. Homo justificatur gratis. Ergo non operibus. Non dat operam virtuti. Ergo vitio.

Contrario-  
rum duo ge-  
nera.

### III. Usus amplificationis.

*I. Antithesis.* 2. *Corinth. 6. v. 14. 15. 16.* Ne impari jugo copulamini cum infidelibus. Quod enim consortium justitiæ cum iniquitate? & quæ communio lucis cum tenebris? Et quæ concordia Christo cum Belial? aut quæ portio fidei cum infidei? Et quæ consensio templo Dei cum simulacris? &c. Huc refer illud Titinnii poetæ apud Nonium.

*Sapientiâ guber. sam. navem torquet, non valentiâ.*

*Coquus magnû ahenû quando fervit paulâ confutat truâ.*

Hic nota *τὸ guber.* antiquè positû pro gubernator, & *sam.* pro *suam.* Item: Agite Christiani, audiamus vocem Christi, Doctoris nostri, non autè seductoris vaserrimi Diaboli. Cogitate quisnam vocet, & quos vocet. Quis vocat ad studium virtutis? Christus, qui est via. Quis vocat ad studiû vitiorum? Diabolus, qui ducit in avia. Quos vocat Christus? Via vocat errantes. Quos vocat Diabolus? Errones vocat errorum pater. Quis vocat ad studiû virtutis? Christus, qui est medicus. Quos vocat? *Ægrotos*, ut curet. Quis vocat ad studiû vitiorum? Diabolus ille *ἐπιχαιρηνγός*. Quos vocat? Vel *ægros*, ut magis affligat; vel sanos, ut de statu illo ipsos dejiciat. Quos vocat Christus? Peccatores. Læticia mœstos, panis vitæ esurientes, aqua vitæ sitientes invitat. Quin igitur accurrimus citato gradu. *Tales sunt antitheses multa inter bellum & pacem, justitiam & tyrannidem, avaritiam & liberalitatem, aliaq. virtutes & vitia, quæ δὲς διὰ πρὸς ἀντιθέσιν distant.*

*II. Syncriss.* Quidquid gloriæ est in hac vitâ, æstimari potest. At cœlestis gloria erit inæstimabilis. In hac vitâ virtus & vitium, bellum & pax, bona & adversa valetudo, inter se configunt ancipiti Marte. At in futurâ vitâ erit virtus sine mixturâ vitiorum, pax sine bello, sanitas sine morbo. Præ-



sentis vitæ gloria est veluti scænum: at futuræ vitæ gloria erit stabilis & perennis. *Item*: Pax in rebus humanis est fasciculus & compendium bonorum, bellum è contrario est illas malorum. Hoc si verum est de pace externâ & mundanâ, quid putas de pace internâ, quæ est conscientiæ cum Deo, quid item de æternâ illâ, dicendum erit? At bellum, quod militi Christiano cum Diabolo, peccato, & mundo intercedit, non item malum est ut illud externum. Est enim continuum exercitium pietatis, de quo poëta Christianus:

*Nunquam bella piis, nunquam certamina desunt,  
Et quicum certet mens pia semper habet.  
Certandum est, nulli veniunt sine Marte triumphi,  
Et nisi certanti nulla corona datur.*

III. Conglobatio. O miseram hominis in his terris conditionem! Quidni miseram? Perpetua ibi est vicissitudo rerum secundarum & adversarum, & harum quidam quasi principatus, vel ut rectius dicam tyrannis. Fac enim pacem, valetudinem, libertatem, consilium & sapientiam ad tempus aliquod habere locum. At non diu, nec sincera sunt illa. Nam bellum, morbus, servitus, casus & stultitia, vel statim illa bona loco cedere jubent tanquam tyranni, vel certè illis admista sunt. *In invitatio illa Christi Matth. ix. Venite ad me &c. sic ex hoc loco amplificari potest: Quis vocat? Redemptor. Quos? Captivos. Quis vocat? Medicus. Quos? Ægrotos. Quis vocat? Vita. Quos? Mortuos. Quis vocat? Via. Quos? Errantes. Quis vocat? Justitia. Quos vocat? Peccatores. Benedictio maledictos: Lux cæcos: Salus damnatos: Læticia mœstos: Panis esurientes. Quis itaq; nõ accurrat? Ista sententia, Deus dilexit mundum, sic amplificari potest ex hoc eodem topico: ita ut contraria sibi statim opponantur. Optimus dilexit pessimos; felicissimus miserissimos; lux tenebras; justissimus peccatores; sanitas ægrotos; via errantes; Deus homines; Dominus servos dilexit. Eo tempore, quo debuit nobis infligere pœnam æternam, obtulit nobis gratiam. O dilectio! Eo tempore, quo poterat nos percutere fulmine maledictionum, benedictionem nobis donavit. O dilectio! Eo tempore, quo cælum nobis poterat claudere, istud aperuit. O dilectio! Eo tempore quo nos à se arcere poterat, suavissimè nos invitat. O dilectio! Uno*

etio! Uno verbo, eo tempore, quo poterat nos damnare, sal-  
 vavit. O dilectio! O *φιλαυθροπία!* O anima mea dilatare, &  
 imbrem hunc largissimè fluentem excipe! Eodem modo in  
 hominibus *Adami primi merita, & secundi beneficia magnificè*  
*extollimus.* Primus Adam de terrâ terrenus; secundus de cœ-  
 lo cœlestis. Ille superbus & inobediens; hic humilis & factus  
 obediens usq; ad mortem. Per illum facti sumus inimici Dei;  
 per hunc cum Deo reconciliati sumus. Per illum amissimus  
 iustitiam & gratiâ; per hunc recepimus. Per illum facti sumus  
 filii iræ; per hunc filii Dei. Per illum venimus in potestatem  
 Satanæ; per hunc Spiritui Sancto in custodiam sumus tra-  
 diti. Illius crimine è paradiso terrestri ejecti sumus; hujus  
 beneficio in cœlestem paradisum tralati. Per illius pecca-  
 rum mortis necessitas nobis est imposita; hujus benefi-  
 cio immortalitatis opes investæ. O magnam Adami pri-  
 mi, & hæredum ejus miseriam! O è contrario magnam  
 secundi Adami & hæredum ipsius gloriam! Tu Adam  
 secunde, tu abstulisti servitutem, & libertatem restituis-  
 ti! Tu captivam duxisti captivitatem, & nobis reddidisti ad-  
 optionem filiorum Dei! Tibi laus, tibi gloria! Largire no-  
 bis gratiam Spiritus tui sancti, ut hæc beneficia agnosca-  
 mus, celebremus, corde, ore, & vitâ. *Sic etiam civitatem*  
*Dei & Diaboli opponimus, conglobatis variis contrariis:*  
 In civitate Dei, quæ est Ecclesia, Deus docet verba vitæ:  
 in civitate Diaboli, quæ est synagoga impiorum, Diabo-  
 lus professorem agit. Ibi est lux; hîc tenebræ. Ibi verbum  
 Dei auditur; hîc superstitio & cæca ratio regnat. Ibi vali-  
 de & variè armantur milites Christi; hîc milites Diaboli  
 pumbeis pugionibus adoriuntur arcem Sionis. Ibi re-  
 portatur victoria; hîc insperata ignominia. *Observe in his*  
*exemplis cum contrariis seu adversis misceri & intertexi*  
*privantia, ut orationis pauli sit vehementius. Non*  
*numquam contraria sibi opponuntur post longum interval-*  
*lum: ut, Galat. 5. v. 19. & seqq.* Primò recensentur opera car-  
 nis, cum subjunguntur opera Spiritus. *Sic & in hoc exem-*  
*plo idem videre est:* Virtus est arbor altissimis defixa radici-  
 bus, cujus fructus placent Deo & hominibus. Virtutis radix  
 est amara, sed fructus dulcissimi. Virtuti incumbūt boni viri,  
 quos Deus & homines amant. At vitiū est arbor putris, cujus

radix corrupta, fructus sordidi. Vitii cujusque tanta est turpitudine, ut vel solum commaculet animam, eamque morti æternæ obnoxiam reddat. Vitiis se dedunt viri mali, qui Satanæ serviunt, quique jurati hostes Dei & filiorum ejus audiunt. Ita primò potest depingi Ecclesia Dei à virtute & felicitate suâ, tum subungi potest vituperatio Ecclesia malignantium, uti vocant.

### Cap. 17. Usus doctrinae de privantibus.

#### I. Usus declarationis.

I. **P**rivantium nota, sunt, carere, destitui, habuisse & non habere, privatio, habitus, & vocula *non*, item *in*, *seque*ntis, *privativè*, utraq; accepta. Sic vox *infidelis* accipi potest negativè, & privativè.

II. *Termini simplices hinc sunt habitus & privatio:*

Privantia.

*Habitus.*

Vita.

Lux.

Illuminari.

Dives.

*Privatio.*

Mors.

Tenebræ.

Obtenebrari.

Pauper.

III. *Hinc axiomata ex habitu & privatione disposita:*

Vivens Christo, mortuus est mundo.

Luci nulla est communio cum tenebris.

Nemo ab eo illuminatur, à quo contenebratur. *Tertul.*

Si pauper est inglorius, dives est gloriosus.

#### II. Usus demonstrationis.

Privativè oppositorum idem usus, qui contrariorum. Majoris tamè lucis causâ, certas adferemus observationes.

I. *Ratione subjecti questionis sic arguimus à privativè oppositis:* 1. Cui tribuitur habitus, ei adimitur privatio: ut, Cræsus est dives. Ergò non est pauper. 2. Cui adimitur habitus, ei tribuitur privatio: ut, Terra non movetur. Ergò quiescit.

II. *Ratione predicati sic argues.* 1. Cui tribuitur privatio, ei adimitur habitus: ut, Sancti sunt mortui peccato. Ergò

NON

non debent vivere in peccato. 2. Cui adimitur privatio, ei tribuitur habitus: ut, *Hæc mulier est minimè muta. E. est loquax.*

III. *Efficacia sunt argumenta, qua in orationibus, aliis tractationibus popularibus ex hoc topico petuntur.* Nam habitus ex privatione, & privatio ex habitu evidenter confirmatur vel refutatur: ut, *Pii mortui sunt mundo. Q. vivunt Christo. Pii non ambulant in tenebris. Q. sunt filii lucis. Et vicissim: Pii vivunt Christo. Q. mortui sunt mundo. Pii sunt filii lucis. Q. non ambulant in tenebris.*

### III. Usus amplificationis.

I. *Antithesis.* 1. *Privationi statim opponitur habitus* *ἐν παρακλίσει μὲν.* Christus fuit nudus in his terris, ut nos vestiret: pauper, ut ditaret: humilis, ut in cœlum tolleretur. Contristata est ipsissima lætitia, ut nobis perpetuum pareret gaudium: passa est salus, ut nos captivos liberaret: mortua est vita, ut nos æternùm viveremus. *Papæ! Quid quæso mirabilius? quid stupendum magis? Infirmas Christi nos confortavit: pavor Christi nobis animum reddidit: passio Christi nos salvavit: labor Christi nobis quietem peperit: mors denique Christi nobis vitam restituit.* 2. *Habitus primo loco declaratur, demonstratur & amplificatur: dehinc post ejus tractationem habitus exponitur: & ultimo loco habitus & privatio conjunguntur:* ut, *O beatam civium, qui eo-optati sunt in Rempublicam Israël, sortem! Ambulant illi in luce: sunt liberi: reverâ vivunt, quia Deo vivunt: sunt divites, quia animæ divitias possident in Christo. Atque ut hæc beneficia eò altius perpendant, jubebo illos cogitare pristinum statum. Annon ambularunt quondam in tenebris?annon fuerunt captivi, mortui & pauperes? Perpendite hoc ô Christiani, & vestram felicitatem, quam à Christo habetis, subinde cum miseriâ, in quam incideratis vestro vitio, componite, ut ita stimulus vobis addatur ad Deum celebrandum. Observabis hic, quandoq; cum privantiis misceri contraria seu adversa, sicut supra monuimus cum adversis nonnunquam misceri privantia, ut nempe oratio reddatur nervosior & penetrantior.*

II. *Syncretismus.* Adam primus ille homo detestabili suo

lapſu nos orbavit imagine Dei, adeoq; intellectum ſpoliavit ſanitate ſuâ, voluntatē ſanctitate ſuâ, corpus immortalitate ſuâ. Quas verò dotes induxit? Sed quid dixi dotes? Quas peſtes invexit? Omnis generis mala in mundum induxit. Unde enim morbi? Annon ex lapſu? Unde caligo mentis, corruptio voluntatis, & uno verbo omnis maledictio? Ex lapſu. Ex hoc etiam ultimus ille noſter hoſtis, mors, extitit.

III. *Conglobatio.* In Eccleſiâ Dei videas lucē, verbū Dei, veritatem, juſtitiā, milites Chriſti, victores glorioſos. Quid verò horum in conventiculis Satane? Ibi Cimmericæ & plus-quàm Cimmericæ tenebræ; ibi ſuperſtitio; ibi mendaciū; ibi iniuſtitia; ibi milites, qui ſtipendia merent ſub hoſte ſuo inſenſiſſimo; ibi ignominia; ibi victores qui ſunt, potiùs victi dicendi ſunt quàm victores. *Item:* In homine regenito lux certat cum tenebris, obedientia cum inobediētā, vita cum morte; nunc homo illuminatus cæco bellū indicit, nunc viciffim cæcus illuminato: homo internus cum externo, ſapiens cum ſtulto, ſpiritalis cum carnali & viciffim decertat. Vide *Roman. 7.*

### Cap. 18. Uſus doctrinæ de disparatis.

#### I. Uſus declarationis.

I. **N**ota *disparatorum* præter communes illas notas opoſitorum, nullus, nemo, non, minimè, nec, neque, aut, vel, nullæ ſunt. Cognosces autem disparata eſſe, ſi una ſubſtantia pluribus pariter opponatur ſubſtantiis; uti ſtella opponitur aquæ, terræ &c. *Item* ſi accidentia diverſorum ſubjectorum opponantur inter ſe: ut, fides Abrahami & Pauli, eruditio Platonis & Ariſtotelis. *Denique*, media inter duo contraria interjecta, ſunt inter ſe disparata, & ratione extremorum.

II. *Termini ſimplices hîc ſunt:*

*Disparata:*

Homo.

Deus.

Rus.

Forum.

Viride.

Rubrum.

Viride.

Viride. Album.  
 Velle dispone. Fortitudo. Timiditas. Audacia.  
 Scientia. Opinio. Ignorantia.  
 Album. Viride. Nigrum.

### III. Axiomata è disparatis sunt:

Homo non est Deus.  
 Rus non est forum.  
 Audax non est fortis.

## I I. Usus demonstrationis.

Ex hoc topico disputantur solum quæstiones negata. Ea enim est rerum natura, ut tantum unum aliquod de re dici possit. Quapropter cum aliquid de eâ affirmaveris, reliqua omnia, quæ ab ea differunt, negabuntur: ut, Christi regnum non est de hoc mundo. Q. est de cælo. Petrus non fuit Romæ summus Pontifex. Q. Evangelium ordinariè prædicavit inter gentes. At uno negato reliqua non affirmantur: ut, Non est homo. Ergo est asinus. Nulla est consequentia.

## I I I. Usus amplificationis.

I. *Antithesis est varia. Nam 1. Disparatum disparato statim è regione opponitur*: ut, Nabal non fuit sapiens, sed astutus: non fortis, sed temerarius & audaculus; non severus, sed tetricus; non parcus, sed avarus. *Item*: Abraham fuit humilis sine fictione; hilaris sine dissolutione; tristis sine dejectione; Deum timuit, sine trepitatione; in Deum speravit, sine presumptione; Deo obedivit, sine contradictione; proximum juvit animo prompto, non coacto; seipsum amavit, non magnificè de se sentièdo, sed pulverem se esse cogitando. Hunc ergo tanquam ideam boni Christiani nobis proponamus. 2. *Disparata per remotionem pramittuntur, & tandem id quod ponendum est subjungitur*: ut in illo Baptista Mantuani lib. 6. pastorum.

Post epulas Christus mortem passurus acerbam,  
 Instituit sacrum, quod tunc mærore labantes  
 Prostrante animos fuit huc transferre necesse.  
 Non fuit ex arvis, non ex cerealis arista  
 Fruge, nec ex gregibus sacrum, tenero ve juvenco;



*Qualia gentiles & gens Judæa solebat,  
Reddere cœlitibus: sacrum fuit ipse sacerdos,  
Ipse fuit.*

**A. nigma  
Phyficum  
mirabile.**

*Item: Sponsus Ecclesiæ non est primus Adam, Genes. 3. non Isaac, Genes. 24. non Joseph, Genes. 41. non David, 1. Sam. 18. non Salomon, 1. Reg. 3. non Asilverus, Esth. 2. sed Dei Filius. Huc refer Epitaphium illud Sphingoides, quod Bononia visitur, in quo plus sapientia meo iudicio latet, quam in omnibus Physicorum libellis. Est autem tale. Ælia. Lælia. Crispis. Nec. Vir. Nec. Mulier. Nec. Androgyna. Nec. Puella. nec. Juvenis. nec. Anus. nec. Casta. nec. meretrix. nec pudica. sed omnia. sublata. neque. fame. neque. ferro. neque. veneno. nec. igne. nec. peste. sed. omnibus. Nec. cœlo. nec terris. nec. aquis. sed. ubique. jacet. Lucius. Agatho. Priscius. nec. maritus. nec. amator. neque. necessarius. neque. mœrēs. neque. gaudens. neque. flens. hanc. nec. molem. nec. pyramidem. neque. sepulchrum. sed. omnia. scit. & nescit. cui. posuerit. Hoc. est. sepulchrum. intus. cadaver. non. habens. hoc. est. cadaver. extra. sepulchrum. non. habens. sed. cadaver. idem. est. & sepulchrum. sibi. 3. *Disparato, quod removetur, adduntur rationes: ut ex Johan. 1. Johannes Baptista non est Christus; quia illius prodromus, nec ipse est. 2. Non est Elias; quia ille in cœlum fuit assumptus. Non Propheta; quia lex & propheta usque ad Johannem. Quid ergo est? Est vox clamantis in deserto, præparans viam Christo. 4. Disparatum, quod removetur, illustratur exemplo: ut, Christus rex ille noster, cum ad crucem duceretur, non purpurâ, ut Herodes Act. 12. sed sanguine suo fuit vestitus: non aureâ coronâ, qualem David gessit 2. Sam. 12. sed spinis intertextâ fuit redimitus: non in eburneo sedit throno, ut Salomon 1. Reg. 20. sed in arâ crucis pendit, clavis transfixus, & lanceâ vulneratus.**

*11. Syncretis. Concisa est sententia: Christus cum Diabolo pugnavit: Matth. 4. qua sic augeri potest ex hoc topico. Ecqui duces hîc in arenam descenderunt? Num Hector dux fortissimus, & Achilles princeps invictissimus? Minimè. Num Æneas rex ille bellicosus, & Turnus Ausonius ille audax? Nullo modo. Ecqui igitur? Fortè David & Goliath? Ne hi quidem. Christus & Diabolus, David ille cœlestis & Goliath*

Goliath infernalis congressi sunt armati. Quæ verò arma? Non gladii, non hastæ, non tela, non tormenta bellica: sed ignita tela tentationū, & sacra Scriptura, gladius ille Dei &c.

*Hæc arma amplificari possunt ex Ephes. 6. vers. 11. 12. & sequentibus ubi describitur panoplia militis Christiani. Item: militis* Panoplia  
*Dulcissime Servator Jesu Christe, sanctissimum tuum ca-* Christiani.  
 put fuit cæsum & vulneratum; facies tua divina sputo impiorum fuit commaculata; manus & pedes tui clavis transfixi; latus tuum lanceâ transfossum; anima tua sensit ignem infernalem iræ divinæ. Quas, ô Jesu Christe, pro hoc beneficio (nam pro me passus es hæc talia) gratias mea mens concipiet, lingua eloquetur, tota vita exprimet? Mea siquidem peccata te crucifixerunt, & tu horum debitorum meorum chirographum crucifixisti. Quid ergò differs, anima mea, crucingere veterem, & vivificare novum hominem, cum Christus excitaverit istius fomitem, & vitam illius extinxerit? Tu fac idem quod Christus fecit. Quod, inquam, ille fecit ut caput, tu fac ceu membrum gloriosi istius capitatis. *Item:* Ah impii, quid vos fiet ultimo illo die? Quid facietis impii? Terra vos expuet. Quid facietis? Num latebras quareris ac recessus? Absolom quondam fugâ sibi consuluit, 2. Sam. 13. At quò vos fugietis? Totus namque orbis terrarum igne conflabit. Et David dicit Psalm. 139. Quò ibo à spiritu tuo Domine, & quò à facie tuâ aufugiam? Quid facietis? Num peccatorum sordibus vos coinquinatos esse inficias ibitis? Fecerunt hoc filii Jacob, Genes. 37. Sed iudex vester erit *αὐτονομὸς* omniscius. Quid facietis? Num vos excusabitis & purgabitis? Licet hoc in foro soli, imò nec semper ibi licet. In foro poli nunquam. Sed paulò mitius vobiscum agam. Agite quam adferetis excusationem, si forte illam ibi locum habituram persuasum habetis? Num dicetis vos ignorasse Deum? At cælum & terra vos refutabunt. Num vobis non sat temporis fuisse datum ad poenitentiam prætendetis? At iudex respondebit: Ego vobis dies: dies autem? imò menses & annos multos concessi. Cur helluando, cur fallendo alios, cur contemnendo verbum meum, tempus illud transmisistis? Quid ergò facietis? Forſan animo demisso & humili ad clementiam iudicis supplices confugietis? At ibi nullus misericordiæ ful-

gor vobis illucescet, propterea quòd tempus gratiæ in hac vitâ neglexistis. Ideò hanc vocem ex Deo audietis: Non novi vos. Quid facietis? Num judici vos opponetis? Equidem si cum homine vobis res esset, possetis, & sæpe non possetis. Nunc verò quando iudex est Deus omnipotens, quid agetis? Quæ cum ita sint, ô impii, ferte fructus dignos Evangelio, si in hoc iudicio consistere vultis. Velle autem debetis, si vestram salutem amatis, hoc est, si homines estis.

*III. Conglobatio.* Ratio Deum colendi non peti debet ex philosophorum, Platonis, Aristotelis, Senecæ, & aliorum scriptis. Affirmant quidem illi hoc, sed errant: Non ex Pontificiorum traditionibus & legendis; quia repugnant verbo Dei. Non ex Anabaptistarum & fanaticorum deliramentis; non ex poetarum fabulis: sed ex scriptis Moïsis, Davidis, Esaiæ, Jeremiæ, Matthæi, Marci, Pauli &c. Prophetarû & Apostolorû: ex illorum inquâ scriptis rectè lectis & intellectis peti debet ratio Deum colendi. *Item:* In S. Cœna accipimus non fructum arboris vitæ, quæ fuit in paradiso: non agnum paschalè V. T. quem manducarunt Israëlitar: non manna illud cœleste, quod iidem acceperunt in deserto: non aquam, quæ ex petrà erupit: sed panem illum vitæ, qui nutrit animas nostras ad vitam æternâ. *Item:* Nos ex potestate Diaboli liberavit, non Abraham, qui fratrè suum Loth eripuit è manibus hostium; non Josua, qui innumerabiles hostes fudit, sed Diabolam nō potuit vincere; non David, qui plurimis quidè fuit terrori, sed tamen pro se & aliis non potuit satisfacere Deo; non Angelus, qui unâ nocte in castris Assyriorum aliquòt millia fudit: sed Christus, Dei & hominis Filius, arma induit, hostes invasit, cum iis bellum gessit, victoriam deportavit, nobis quietè suis laboribus, libertatè suâ servitute, vitâ deniq; suâ morte peperit. *Item:* Christus non lapidibus est obrutus, ut Zacharias Propheta 2. *Chron.* 24. v. 1. non ædificio est oppressus, ut Samson. *Jud.* 16. nec ejus caput est amputatum, ut Johannis Baptistæ: sed cruci est affixus, adeoq; appetiit mortè, quæ erat maledicta. *Item:* Quis est ille gladius, quo ignita Satanæ tela repellere possumus? Num Moïsis baculus, qui devoravit serpètes magorum. *Exod.* 7. Nequaquâ. Num Davidis funda & lapides, quibus gigas ille gloriabundus per-

despercutus est. 1. Sam. 17? Minimè. Num afini maxilla, quâ magnus ille Samson magnâ hominum stragem edidit Jud. 16? Neutiquam. Quis igitur? Verbum Dei. Eph. 6. Huc pertinent versus, rerum magis quàm verborum elegantia plausibiles, qui Patavii extra portam S. Mariae annunciatæ leguntur:

*Si tibi pulchra domus, si splendida mensa; quid inde?*

*Si species auri, argenti quoque, massa; quid inde?*

*Si tibi sponsa decens, si sit generosa; quid inde?*

*Si tibi sint nati, si pradia magna; quid inde?*

*Si fueris pulcher, fortis, divesque; quid inde?*

*Si longus servorum inserviat ordo; quid inde?*

*Si doceas alios in quâlibet arte; quid inde?*

*Si saveat mundus, si prospera cuncta; quid inde?*

*Si Prior, aut Abbas, si Rex, si Papa; quid inde?*

*Si rota fortuna te tollat ad astra; quid inde?*

*Annos si felix regnes per mille; quid inde?*

*Tam citò, tam citò prætereunt hæc, ut nihil inde.*

*Sola manet virtus, quò glorificabimur inde.*

*Ergò Deo servi, quia tot tibi provenit inde.*

*Quot fecisse voles in tempore quo morieris.*

*Hoc facias juvenis, dum corpore sanus haberis.*

### Cap. 19. *Usus doctrinae de paribus.*

Sequitur applicatio argumentorum comparatorum, ubi primò occurrunt paria.

#### I. *Usus declarationis.*

**N**ota parium contractorum, sunt. 1. Nomina, par, pari- Paria sunt 1. lis, pariter, æqualis, dignus, tantus, tantundem, to- Contracta. tidem quantus. 2. Verba, æquare, componere, æquiparare, comparare, consentire, exæquare, æquipollere. 3. Negationes imparium: ut, non impar, haud dispar, non inæquale, nec majus nec minus, non latius nec angustius. 4. Repetitio ejusdem verbi in eadem ratione: ut, Qui spernit ministros Christi, Christum spernit. 5. Exemplum, cujus est par ratio: ut, Abraham justificatus est

fide, & omnes pii sic justificantur. 6. Pariter inesse: ut, Abrahamo & Paulo pariter peccatum inest.

**a. Explicata.** I I. *Nota parium explicatorum*, sunt, Idem quod; tam quam; tamdiu quamdiu; tantum quantum; tanti quanti; tot quot; tantopere quantopere; toties quoties; tam ac; æquè ac; non magis, non minus; non magis quàm; non minor quàm; ut:

**Amplitudo  
hujus loci.**

*Non minor est virtus quàm quærere partem tueri.*

I I I. *Paria dici possunt*, quæcunque cum alio noëmata Logico comparantur: ut, causa finali, efficiente, materiâ, formâ, effecto, subjecto, adjuncto, genere, specie &c. quæ vulgò à Logicis vocantur *Eadem*. Supra quidem quædam tradita sunt in hanc sententiam. Sed in praxi quædam subinde iteranda. Dicuntur itaque *Eadem*

*Fine*; ut sunt actiones hominum piorum, quæ ad gloriam Dei referuntur.

*Efficiente*; Sacramenta V. & N. T. sunt à Deo.

*Materiâ*; Res sublunares sunt ex eodem chao.

*Formâ*; scilicet genericâ & specificâ, non individuificâ. Sic Petrus & Paulus sunt idem animâ rationali.

*Effecto*; Piper & zingiber conveniunt effectû; Sol & ignis luce, splendore, exiccatione & liquefactione.

*Subjecto*; Fides & charitas subjecto conveniunt; sic triplex Christi officium. Huc referunt illa, quæ dicuntur *eadem numero* seu *individuo*, uti est quodlibet ens singulare.

*Adjuncto*; Petrus & Paulus æquè sunt mortales. Huc referunt *eadem loco & tempore*.

*Genere*; Sic Baptismus & S. Cœna sunt idem genere.

*Specie*; Sic conveniunt Alexander & Aristoteles; item fides Petri & Abrahami, quatenus utraq; fuit justificat.

*I V. Termini simplices sunt hoc modo:*

| <i>Paria</i>            |                                   |                     |
|-------------------------|-----------------------------------|---------------------|
| <i>Extremum I.</i>      | <i>Tertium, seu<br/>Quantitas</i> | <i>Extremum II.</i> |
| Abraham.                | Justitia Christi.                 | Fideles N. T.       |
| Petrus.                 | Apostolatus.                      | Paulus.             |
| Imperiû Romanû          | Amplitudo.                        | Orbis terrarum.     |
| Pater in SS. Trinitate. | Creatio mundi.                    | Filius & Sp. S.     |

*V. Hinc*



V. Hinc axiomata è paribus disposita, quinque modis:

1. *Simplicia, brevibus notis contracta*: ut,  
Abraham & fideles N. T. imputatâ Christi justitiâ sunt  
pares.

E paribus  
disposita a-  
xiomata  
quinq; mo-  
dis,

Paulus æquè fuit Apostolus atque Petrus.

2. *Composita, in quibus disponuntur paria explicata*: ut,

*Fama est*

*Tam fitti præviq, tenax, quàm nuncia veri.*

Catullus tantò pessimus est omnium poëta, quantò Ci-  
cero optimus omnium patronus.

3. *Sine notis*: ut,

Si Petro licuit gentibus annunciare Evangelium, cur non  
& Paulo?

Cæsaris & Antonii facinus est commune, cur non & co-  
rundem præda?

4. *Bis bina, contraria disponuntur*. Dicitur *συμπλοκή τῶν  
ἀντιθέτων*: ut,

Si pater est dominus, filius est servus.

Si vitia ad miseram vitam, virtus ad beatam suffecerit.

5. *Ficta paria hic sunt insignia*: ut,

Tam deridentur qui grandia professi, vilia & parva præ-  
stant, quàm montes parturientes edito mure.

Non magis sapiunt qui divitias bonis literis præferunt,  
quàm gallus ille Æsopicus, inventæ gemmæ granum  
hordei præponens.

## II. Usus demonstrationis.

1. *A subjecto questionis te docet argumentari hic canon*:  
Paria paribus conveniunt: seu, Quod uniparium tribuitur,  
etiam alteri debet tribui, seu, Quod in re pari valet, valeat  
in hac quæ par est; &, Quod in illâ non valet, nec in hac va-  
leat, ut, Abraham fide fuit justificatus. Ergò & nos fideles.  
Paulo licet vivere ex prædicatione Evangelii. Q. cæteris  
Apostolis licuit. Aqua baptismi non convertitur in sangui-  
nem Christi. Ergò nec panis Eucharisticus in corpus  
Christi.

II. *A predicato questionis sic argumentabere*: Cui u-  
num parium convenit, vel non convenit, ei etiam alterum  
convenire vel non convenire probabile est: ut, Christus



in momento sanat paralyticum. Ergò potest remittere peccata. *Matth. 9. vers. 5.*

### III. Usus amplificationis.

*I. Antithesis parium discent anedrum seu contrariorum, ut lib. 2. vocavimus, hic est illustris: ut, Quemadmodum pii sunt filii Dei: ita impii sunt filii Diaboli. Ut illi rerum coelestium amore flagrant: ita hi terrestria solum bona cogitant & anxie quærunt. Ut illi verbum Dei libenter audiunt: ita hi illud contemnunt. Ut illi gratiam Dei sibi colligunt ad diem gloriæ: ita hi thesaurizant sibi iram ad diem iræ. Ut denique illi in cælum assumuntur: ita hi in gehennam præcipitabuntur. Confer Rom. 8. v. 19. Item cum illo Cicer. pro Syllâ: Neque verò quid mihi irascere, intelligere possum; si, quòd eum defendo, quem tū accusas, cur tibi quoq; ipse non succenseo, qui accuses eum, quem ego defendo? Inimicum, inquis, accuso meum: & amicum, inquam, ego defendo meum. Sic 5. Tuscul. Quod cum fateantur, satis magnam vim esse in vitiis ad miseram vitam, nonne fatendum est, eandem vim in virtute esse ad beatam vitam? Item: Neque verò quid nobis irascamini, satis intelligere possumus, Romanenses. Si, quòd Ecclesiam defendimus, quam vos accusatis, cur vobis quoque ipsi non succenseamus, qui accusatis eam, quam nos defendimus. Ecclesiam, dicitis, accusamus eam, quæ nobis inimica: & Ecclesiam, dicimus, nos defendimus eam, quæ nobis amica. Item: Hæretici adversarii nostri non sunt otiosi, non segnes in defendendis dogmatibus suis: num nos è contrario torpebimus in asserenda veritate coelesti. Illi fallacibus argumentis falsitatem propugnant: nos vera non tuebimur? Illi Diabolo inserviunt alacriter: nos Deo fideliter inservire abnuimus? Illi etiam atq; etiam advigilant, ut ne, quos habent, amittant auditores: nos patiemur oves fidei nostræ commissas nobis eripi? Illi denique suum agmen muniunt, ne istud perfringatur: nos moenia à Christo fundata pro virili nostrâ non defendemus? Nullo modo. Sed hostibus occurremus; tela ipsis extorquebimus; propugnacula subvertemus.*

*II. Syncretismus hic fit duobus modis. 1. Varia persona & res conferantur tanquam pares: ut, Johannes Baptista reverâ fuit ille Eli.*

ille Elias, de quo apud Malachiam. Elias vixit in deserto: Johannes itidem. Elias incidit in tempora corruptissima. Johannes in æquè corrupta. Elias Achabi favorem non curavit: nec Johannes Herodis gratiam, quam ne titivilitio quidem æstimavit. Elias putabat se unum reliquum esse è servis Dei, cum tamen aliquot millia adhuc superarent: Johannes quoq; idem expertus est. *Item*: Maçte quisquis es homo fidelis! Æquè dives es atque Abraham, cui Deus fuit merces permagna. Æquè justus es atq; David, in capite nimirù Ecclesiæ Jesu Christo. Tam beatus, quàm Simeō, qui Jesum in ulnis gestavit. Æquè beatus es atque Apostoli, qui viderunt Christū. Credis enim, ut Abraham. Es membrū Christi, ut David. Manu fidei apprehendis Christū, ut Simeō. Oculis fidei adspicis Christū, ut Apostoli. *Sic comparabis Cyrū cum Christo, Moſen & Joſuam cum Christo, adeoq; typos V. T. cum anti-typis: item Romā cum Babylone, Geſnerū cum Plinio, Lipſium cum Varrone; & pones tum in principio tum in fine amplificationis comparationē contractam hoc modo*: Christus est verus Josua, Gesnerus est Plinius Germaniæ, Lipsius est seculi nostri Varro. *Huc refer & aliarū rerum cōparationes, ut urbiū, dicasteriorū, scholarum. e.g. Quo loco olim Judæis fuit Sanhedrin, Atheniensibus Arcopagus; Gallis hodie Parlamentū Parisiense; Bohemis Appellatio Pragenſis; Anglis, Danis, Polonis Senatus regni: eo loco in Germaniā nostrā est augusta Camera Spirensis. 2. Regestio huc pertinet, cum provocati pari reponimus. Exemplum illustre est Luc. 20. ubi Christus Phariſæis interrogantib. cujus autoritate ementes & vendentes è templo ejiceret, reponit. illam quæſtionē: baptisumus Johannis è cælo erat, an ex hominibus? Sic Martialis.*

*Sæpe rogare soles, qualis ſim, Priſce, futurus:*

*Si ſiam locuples, ſimq; repente potens.*

*Quenquam poſſe putas mores narrare futuros?*

*Dic mihi ſi ſias tu leo, qualis eris?*

*Similiter & pastores illi Vergiliani eclogā. 3.*

*Dic quib. in terris, & eris mihi magnus Apollo,*

*Tres pateat cæli ſpatium, non ampliùs ulnas.*

*Reponit alter:*

*Dic quibus in terris inſcripti nomina regum*

*Nāſcantur flores, & Phyllida ſolus habeto.*

III. Conglobatio duobus modis hic fit. 1. In laude vel vituperio instituitur proluxa comparatio rerum cum rebus, factorum cum factis, personarum cum personis: ut illa sententia: Pharisaorum vestigiis insistant Pontificii, sic potest amplificari: Papistas in doctrinâ & moribus pharisaizare quis ignorat? Pharisei traditiones suas nimium quantum extollebant, Pontificii annon idem faciunt? Pharisei religionem metiebantur externâ pompâ, ceremoniis, amplitudine. Idem faciunt Pontificii. Pharisei gloriabantur de cathedrâ Moysi: Papistæ de cathedrâ Romanâ sibi gloriantur, & successiorem non doctrinæ, sed personarum, crepant. Pharisei conciliis suis multum tribuebant, bona opera jactabant, ceremonias nescio quas in deliciis habebant, de magistratu non honorificè sentiebant, suos discipulos armabât in principes, erant avari, hypocritæ, & quis omnia dinumeret. Ponamus Papistas nostros in balance cum Phariseis, & videamus, utri periculosiores & graviores errores errarint. Si non periculosius errant Papistæ quàm errarunt Pharisei, saltem æquè periculose & perniciosè. *Sed tamen hic opus modestiâ, cujus limites transiliunt, qui Calvinianos cum Sadducæis, Judæis & Turcis comparant: unde illi librorum tituli: Calvinus Judaizans, Turco-calvinismus, & similes. Scapham quidem debemus appellare scapham, sed necessum est, ut prius cognoscamus scapham, ne vocemus scaphamid, quod quidvis potius est quàm scapha.* 2. Ficta comparata insigniter faciunt ad amplificationem. Sic apud Ciceronem in *Inventione*: Sic Xenophontis uxor malit aurum, vestem, & cæterum ornamentum muliebri majoris pretii, mavult etiam vicinæ suæ meliorem virum. Si Xenophon malit equum & fundum vicini sui meliorem quàm suum, mavult etiam uxorem. Hoc exemplum fusius tractatum vide apud Ramum. lib. 1. Dial. c. 18. in fine. Huc refer exemplum illustre Jud. 8. v. 1. & seqq. Item fabulas Æsopi & aliorum unâ cum affabulatione. Hic mythologia Natalis Comitibus tibi inserviet. Non tamen hic imitaberis illos, qui fabulas aptant ad mysteriorum sacrorum tractationem: ut fabulâ de Jafone & Argonautis reliquis ad Ecclesiam &c. quâ de re videris Clavem Renectij ad locum comparatorum. Potes & ipse fingere comparata, uti videre est in historiâ Josaphat apud Damasceum, cujus exemplum ego contraham

*traham in pauca* : Homo fugit furem unicornem. Decidit in barathrum. Dum cadit, apprehendit arbusculā, cui ininitur. Despiciens videt duos mures radicem arrodentes, & draconē in fundo barathri. Ad latera videt quatuor aspidēs. Suspiciens videt mellis guttulas de ramis destillantes. Oblitus mala quibus implicatur degustando melli est intentus. Homo certē hic fuit miser. At æquē miseri sunt voluptarii, quos persequitur mors tanquam unicornis. Illi incidunt in barathrum, id est, mundum immundum. Arbuscula est vita, quam pugna quatuor elementorum affligit. Draco est Diabolus. Mei est voluptas, hamus Diaboli. *Hæc etiam ad locum similitum rectē retuleris.*

## Cap. 20. Usus doctrinæ de maioribus.

### I. Usus declarationis.

**N**ota majorum, sunt. 1. *Particula relatīva*: Non solūm, sed etiam; non solūm, verūm etiam; non modō, sed quoque; malo hoc, quā illud; cū, tum; non solūm, sed ne quidem; nondum hoc, nedum illud; tantum abest, ut; ante hoc, quā illud; plus quā, ne quidem. 2. *Comparativi excellentiam rei aut personæ, itemq; excessum significantes*: ut, Terrā major est Sol; Aurum argento nobilius; Johannes est doctior Petro. Huc refer nomina illustrior, majus, dignius, utilius. 3. *Verba significantia comparationem*: præstare, superare, præire, antecellere, vincere, superare. 4. *Phrases*: Præter cæteros, præ reliquis, multō magis, quantō magis. 5. *Negatio minoris*: ut, Non inferior, non minū excellens, nulli secundus, non ultimo loco. 6. *Præpositiones* supra, ultra.

#### II. Termini simplices hic sunt ita:

|             |             |                |
|-------------|-------------|----------------|
| Majus.      | Quantitas.  | Minus.         |
| Charitas.   | Duratio.    | Fides & spes.  |
| Adulterium. | Enormitas.  | Furtum.        |
| Anima.      | Præstantia. | Corpus.        |
| Homo.       | Ali.        | Volucres cœli. |

#### III. Hinc axiomata,

1. *Cum notis*: ut,  
Charitas est major fide & spe.

Anima est præstantior corpore.

2. *Sine notis* : ut,

Si Deus alit volucres cœli, hominem sanè, quem cōdit ad suam imaginem, alet.

Si faciunt hoc in ligno virente, in arido quid fiet? *Luc. 23.*

## II. Usus demonstrationis.

*I. Discernantur hic probè phrasæ istæ, à majori ad minus, & à magis ad minus.* Christus non oravit pro impiis. Ergò nec pro iis est mortuus. Est argumentum à minori, quia oratio superatur à morte. Sed est à magis probabili; quia magis probabile est aliquem pro aliquo orare, quàm pro aliquo mori.

*I. I. Argumenta ex hoc topico ducuntur & negativè, & affirmativè. Negativè* : Angeli non sunt puri coram Deo. E. nec homo. Justus vix servatur. Ergò multò minùs impius. *Affirmativè* : Deus dedit vitam. E. dabit etiam alimentum. Dedit corpus. E. etiam vestimentum. *Matth. 6.* Christus lavit pedes discipulorum. Ergò multò magis discipuli hoc idem facere debent.

## III. Usus amplificationis.

*I. Antithesis majorum & minorum est in illo Ciceronis pro Mur. Noli tam esse injustus, ut cùm tui fontes vel inimicis tuis pateant, nostros rivulos etiam amicis putes clausos esse oportere. Item in illo Juvenalis adversus gloriosum nobilem* :

*Malopater tibi sit Therſites, dummodo tu sis*

*Æacide similis, Vulcaniaq; arma capeſſas :*

*Quàm te Therſita similem producat Achilles.*

*Item* : Plato de tribus agebat gratias Deo, quòd mas & nō fœmina, quòd Græcus & non barbarus, quòd Athenis & quidē tempore Socratis natus esset. At nos agamus ipsi gratias, quòd non paganos sed Christianos nos esse voluerit, & quòd tempore Novi non V. Testamenti. *Item* : Veteres dicebant, tria esse impossibilia, eripere Jovi fulmen, Herculi clavam, & Homero versum. At nos rectiùs dicemus, hæc tria esse impossibilia, eripere Christo oves ipsius, Deo fulmen iræ, & Scripturæ sacræ articulum fidei.

II. Syn-

**II. Syncriſis.** Si Deus dedit corpus & animam, cur victū & amictum non ſuggerat? Si formavit ventriculum, cur non porrigat quod ille concoquat? Num qui dedit cibum cœleſtem, alimoniam terrenam negabit? Num qui nos induit veſte juſtitiae ſempiternae, veſtimentum corporis denegabit? Profectò qui majora nobis dedit, minora non denegabit. *Item:* Facinus eſt, Judæi ſcleratiſſimi, vincere Dei Filium, Dominum illum gloriæ; ſcelus, verberare; plusquàm patricidium necare; quid dicam in crucem tollere? *Item:* Magnum eſt, quòd Jehova Deus noſter nos creavit; majus quòd nos lapſos erexit; maximum verò quòd Filium ſuum unigenitum nobis dedit. *Item:* Nobilitatis & antiquitatis Germaniae argumentum citra controverſiam maximum eſt, quòd inter Hiſpanos, Gallos, Anglos, Belgas, populos omnium judicio excelsiſſimos, ut quique nobiliſſimus eſt, ita ad aliquam Germanorum gentem ſtirpis ſuae antiquitatem refert. Ita ſeipsa major Germania, alias paſſim nationes nobilitavit, limitesque ſuos egreſſa finitimos à barbarie revocatos repurgatoſque ad humanitatis cultum perduxit.

**III. Conglobatio** hîc fermè fit per gradationem, qua ſapè Climacem Rhetorum habet adjunctam, ita ut per gradus à parvo ad magnum, à magno ad majus, à majori ad maximum, à maximo denique ad ſummum perveniatur: quam amplificationem vulgò vocant Incrementum. *Exempli gratia:* Perpende, anima mea, quid Chriſtus tuâ cauſâ pertulerit. Odio eſt habitus & ſannis exceptus. Quid? Captus eſt & artiſſimè vinctus. Quid? Morti adjudicatus, & in crucem ut latro, ut ſeducator, ut author apoſtaſiae, ut blaſphemus, actus eſt. Quomodo igitur tibi peccata non condonaret, ô anima mea, qui tuâ cauſâ tam indigna paſſus eſt? *Item:* Magnum eſt, quòd Chriſtus è cœlo deſcendit propter nos. Majus, quòd famem, paupertatem, & id genus alia ſexcenta mala ſuſtinuit. Maximum, quòd mortem crucis maledictam pro nobis oppetiit. Tum quoque illud ſummum, quòd pro nobis inimicis ſuis hæc talia ſuſtinuit. *Item:* O homo cogita quàm vehementer Chriſtus te dilexerit? Naturam tuam aſſumſit. Neque hoc tantum, ſed tuam quoque culpam in ſe derivavit. Neque ſolùm culpā tuam in ſe deriva-

*Incrementum (Babes) eſt quod per gradus ab inferiori ad ſuperiorem Incrementum eſt ſpecies amplificationis.*



vit, sed pœnam quoque sustinuit, pertulit. *Item:* Fortissima ac generosissima Germanorum natio, humanitate Asiaticis; militari disciplinâ Romanis; religione Hebræis; Philosophiâ Græcis; Geometriâ Ægyptiis; Arithmeticâ Phœnicibus; Astrologiâ Chaldæis; opificiorum varietate omnibus omnium gentium populis est superior. *Vagetius è Bodino. Hic etiam potest esse Sorites:* ut, Christus est sacerdos secundum ordinem Melchisedeck. Melchisedeck est major quàm Abraham: Abraham est major quàm Levi. Ergò Christus habet majus & efficacius sacrificiû Levitico. *Hic Sorites urgetur & illustratur in epistolâ ad Hebræos. Item:* Miserum est à bestiis dilaniari. Miserius multò est in manus tyrannorum incidere: unde & David judicavit satius esse in Dei quàm hominis alicujus manus incidere. At illud miserrimum, cruciari à Diabolo. Testis est Saul; testis est obsessus ille apud Lucam; testis est Chananæa illa apud Matthæum; testes duo illi, quos Christus liberavit. Verùm enim verò vexatio illa in hac vitâ est duntaxat præludium illius, quam impii in inferno patientur. Nam ibi non ad aliquot annos, sed in omnes seculorum æternitates torquebuntur. Torquebuntur eheu torquebuntur in omne ævum. Luctuosum est, exturbari bonis terrenis: luctuosius privari cœlestibus & æternis. Tortor ille infernalis impios privabit istis bonis. Acerbum est à viro forti & honesto jugulari: acerbius ab eo, qui sub electorum pedibus jacet contritus. Indignum est à pari vinci aut superiore, indignius ab inferiore atque humiliore. O igitur ineffabilem miseriam hominum damnatorum! *Item:* Jesus Christus Zachæum in arbore sedentem adspectu dignatus est; neque adpectu tantum, sed etiam alloquio: neque solum allocutus est hominem, sed vocavit, & ædes ipsius subintravit. Sed non solum intravit, sed divitias & honores in ipsum contulit amplissimos. Dixit enim: Hodie salus huic domui contigit &c. Hæ sunt veræ divitiæ, hi honores & tituli, quos Christus suis tribuit.

## Cap. 21. Usus doctrina de minoribus.

### I. Usus declarationis.

**I.** *Nota minorum*, sunt 1. *Ha formula*: Non solum, sed ne, non hoc, sed illud; potius hoc, quam illud; cum, tum; non solum, sed ne quidem; imò ne quidem. 2. *Negativum parium & majorum*. Iis enim negatis minus intelligitur: ut, Anima est præstantior corpore; Maledicus est sævior crudelissimis tyrannis; Consilio recto nihil tutius; Nihil pulchrius, nihil melius, nihil amabilius pietate. 3. *Comparatio Grammatica*; quando positivus ponitur juxta comparativum, vel comparativus juxta superlativum. Item *Genitivus pluralis*, quem regit superlativus: ut, Cicero fuit disertissimus omnium Romuli nepotum. 4. *Voces imminuentes*: ut, Leviculus, levior, vilior. 5. *Adverbium comparationis* Quam: ut, 1. Corinth. 1. v. 25. Stultitia Dei sapientior, quam homines, & infirmitas Dei validior quam homines. 6. *Particula nedum*, Græcè μήνχα. Horat. de arte poet.

Nedum sermonum stet honos & gratia viri vix.  
Item particulæ, multò minùs, vix, satius.

### II. Termini simplices sic habent:

|                 |             |             |
|-----------------|-------------|-------------|
| Minus.          | Quantitas.  | Majus.      |
| Fortitudo.      | Utilitas.   | Justitia.   |
| Vincere hostem. | Fortitudo.  | Vincere se. |
| Victus.         | Præstantia. | Vita.       |

### III. Hinc axiomata:

Justitia melior est fortitudine.

Fortior est qui se, quam qui fortissima vincit.

Maenia, nec virtus altius ire potest.

Vita est plus quam victus.

### II. Usus demonstrationis.

**I.** *Diligenter discernantur phrasæ istæ*, à minori ad majus, & à minùs inesse ad magis inesse: ut, Christum affixit mundus. E. etiam discipulos affliget. Est argumentum à majori, sed à minùs inesse ad magis inesse.

II. *Argumentamur ex hoc topico affirmativè & negativè.* *Affirmativè:* Ciconia, grus & hirundo observant tempus adventus sui. Ergò multò magis homines tempus salutis suæ observare debent. *Jerem. 8. v. 7.* Histrio quid deceat quærît, & non idem faciat orator? *Negativè:* Ne obolum quidem habet. E. nec centum aureos. Per angelos datus sermo non fuit irritus. E. multò minùs, qui datus est per Filium erit irritus. *Hebr. 2.*

### III. Usus amplificationis.

I. *Antithesis.* Quotiescunque princeps favore & gratiâ suâ prosequitur aliquem è subditis virum prudentem, magni hoc æstimamus, magnum interpretamur beneficium. Magis autem admiramur, si quando princeps hominem abjectum & miserum inusitatâ quâdam complectitur clementiâ. Quid ergò est, quòd beneficia Christi in nos collata admirari & deprædicare cessamus? Nam ille rex regum, nos non prudentes, non divites, non felices, sed stolidos, pauperes, omniq; infelicitate infeliciores dilexit. In rebus humanis ita comparatum esse videmus, ut amicis nostris bene velimus, & in illorum gratiam omnia. At Deus nos hostes suos dilexit. O longitudo, latitudo & profunditas amoris!

II. *Syncretiss.* Si Abraham præ gaudio gestivit, quando Filium Dei hospitio excepit, & cum eo cibum sumit; Si Jacob gavisus est, quando per quietem vidit portam cæli, vocemque Dei audivit; Si Salomon lætitiâ perfusus est, quando Deus templum ipsius gloriâ complevit. Si Petrus in monte Thabor, in quo Christus glorificatus est, admirabile sensit gaudium: quo putas gaudio pii in alterâ vitâ perfundentur. Si enim tantus est splendor in viâ, quantus erit in patriâ? Si magna est pulchritudo in hac lacrymarum valle, maxima erit in cælo. Si permagna est jucunditas in Dei scabello, quanta erit in ipsius throno? *Item:* Si Democritus post longinquas peregrinationes, quas sapientiæ causâ susceperat, in Græciam reversus oculos sibi eruit, lucidissimo lebere oculis objecto, radiisq; solaribus verberato, hoc nomine, ut oculos mentis æcueret, adeoque præcepta quæ hauserat inter peregrinandum solidiùs ruminare posset: Si, inquam, philosophus iste mundo quasi mori voluit, cur non multò magis nos Chri-

Genes. 19.

Genes. 28.

1. Reg. 8.

Matth. 17.

Christiani veterem Adamum crucifigimus, quò cœlestium mysteriorum studiis melius & expeditius vacare queamus?  
*Item:* Si Epaminondas vigilantissimus ille Thebanorū dux, gravissimo vulnere propemodū enectus, hilari admodum & magno animo mortē oppetiit, propterea quòd tum clypeus adhuc illæsus, tum hostes maximam partē fusi essent: cur nō multò magis nos milites Christi magno cum gaudio ex vitæ huj<sup>9</sup> valle migremus, cū fides, clypeus ille noster, sit superstes, cumq; hostes prostrati sint & penitus deviçti? *Item:* Etiā ciconia in cœlo cognovit tempus suum, & turtur, & grus, & hirundo observant tempus adventus sui: populus autē meus non novit tempus Jehovæ. Jer. 8. v. 7. *Talis amplificatio est Matth. 6. v. 26. & seqq. Itē:* Tota Spartanorū Resp. nitebatur quinq; Lycurgi legibus, quas Rhetras appellabat, quia scribi volebat, sed memoriā comprehendī, cū pauca forent, tum q̄ instar oraculi sibi haberet à Deo dictatas. Nos Christiani habem<sup>9</sup> quinq; capita Catechetica, quib. regitur Resp. Israël. Hæc cōplectamur memoriā, & circūferamus mente. *Itē:* Cicero de Orat. dicit: Fremant omnes licet, dicā quod sentio, bibliothecas me Hercle omniū philosophorum unus mihi videtur xii. tabularum libellus, si quis legum fontes & capita viderit, & autoritatis pondere, & utilitatis ubertate superare. Sic ille. At ego sic. Decalogus xii. tabularū leges, ideoq; omnes philosophorum bibliothecas longo intervallo post se relinquit. *Huc refer quando exempla alicui rei firmāda adducuntur, sed infirma:* ut, Purgationis per ferrum candens indicio Genildis Henrici III. conjunx, cū ab æmulo adulteriū postularetur, absoluta est. Eodē modo Comitissæ cujusdam in aulā Othonis III. tentatæ pudicitia Imperatricis falsò insinulati & injustè damnati vidua mariti mortē & famam vindicavit. Nec absimili probationis genere ii se olim purgabāt, quos aut virgines corrupisse, aut quas corruptas esse suspicio erat. Hæc quamvis ita se habeant; hodiè tamen istiusmodi probatio per leges è judiciis relegata est. Non enim tanti sunt illa, quæ adducuntur exempla, ut regulam & legem facere possint.

*III. Conglobatio.* Dolendum est, quòd Turcæ & Tartari sobrietatis, unicæ illius magistræ magnarum actionum in rebus humanis, palmam præcipiant orbi Christiano. Quippe lege apud eos cautum, sobriè vivere, & ut fiat, vini potu

interdictum. Inebrios non secus ac alius gravis criminis reos animadvertitur. Sic & Turcæ in judiciis brevitatem amant. Nam actor & reus ultrò ad judicem tendunt. Ibi nullo avvocato aut causidico, quisque rem narrat, adhibitis consciis, si habent. Judex, re pensulatâ, secundum hunc vel illum pronunciat. Ita lis finitur. At Christiani immania pocula exhauriunt, vino se ingurgitant, adeò ut rationis arcem illud petat, pedes tentet, & fulcra illa corporis convellat, manus, magistras artium, occupet. In foro quoque litem è lite ferunt. Advocati partibus porrigunt pomum Eridos & funem contentionis ducunt. Causam, quæ suâ naturâ est unius diei, in multos annos prorogant. *Item:* Abigail magnam meretur laudem, quòd iracundiam Davidis vicerit. *1. Sam. 25.* Mulier, quæ Joabum revocavit, ne Abelam civitatem solo æquaret, digna est encomio. *2. Sam. 20.* At Chananæa muliercula de quâ *Matth. 15.* multis parasangis est superior utrâque illâ; Nam Christum *θεάνθρωπον* contrarium se ostendentem vicit, & ita vicit ut Christus in hæc verba crumperet: O mulier magna est fides tua! Hoc est encomium amplissimum. *Item:* Splendidum fuit convivium, quod Abraham Angelis apud ipsum divertentibus apparavit. Laeta fuit mensa, quam Joseph fratribus suis adornavit. Magnifica fuit cœna Assueri. Porro sumtuosissima fuit tractatio, quâ Antonius Cleopatram, & hæc illum exceperit. At quid ista omnia ad cœnam illam magnam, quam Deus in celis paravit electis suis? *Item:* Admirentur alii pyramides & obeliscos Ægypti; alii extollant templum Dianæ Ephesæ; alii deprædicent veterum regum monumenta magnificentissima. Nos contemplemur cœlestis illius Hierosolymæ structuram, quam mysteriorum archipræsul Johannes in Apocalypsi suâ divinissimâ vivis depingit coloribus. *Item:* Jacob multos labores exantlavit, & eos quidem libenter, ut Rachele potiretur. *Genes. 31.* Mosen increparunt frater & soror, quia æthiopissam duxerat uxorem. *Num. 12.* David quoque ante gravia adire pericula necesse habuit, quàm cum filiâ regis nuptias contraheret. *1. Sam. 17.* At ea, quæ Christus propter suam sponsam Ecclesiam perpeffus est, acerbiora longè, longèque duriora fuerunt. *Item:* David *2. Sam. 24.* è tribus pœnis unam elegit. At impiis in extremo illo

mo illo die non dabitur optio eligendi aliquam pœnam, u-  
nam è tribus, sed innumerabilibus pœnis afficientur, & au-  
dient illam vocem *Matth. 25.* Abite &c. Nam ibi singula  
membra non singulis sed centenis obnoxia erunt morbis.  
Ibi anima coarctabitur. Ibi spiritus perturbabitur. *Item:* O  
impios longè infelicissimos! Præcipitabuntur enim in ge-  
hennam, in barathrum inferni, in lacum profundum. Si ma-  
gnus est luctus in terrâ hâc, quantus erit in gehennâ? Si ma-  
gnus est cruciatus in hâc vitâ, maximus erit in barathro in-  
ferni. Si denique magna est afflictio in hoc mundo, quæ erit  
in lacu profundo? *Ad hunc locum pertinent thrasonica quo-*  
*rundam malefactorum voces:* Talis est illa Stancari, qui  
dixit unum Petrum Lombardum, magistrum illum senten-  
tiarum, plus valere, quàm centum Lutheros, ducentos Me-  
lanchthonos, trecentos Bullingeros, quadringentos Marty-  
res, quingentos Calvinos. Quippe si in mortario omnes  
contunderentur, veræ Theologiæ unam unciam exprimi  
haud possè.

## Cap. 22. *Usus doctrina de similibus.*

### I. *Usus declarationis.*

**I.** *Nota similitudinis contracta*, sunt. 1. *Nomina*: similis,  
effigies, imago, typus, figura, more, exemplo, ritu,  
modo, in modum, similitudo, character, icon. 2. *Adverbia*  
*similitudinis*: ut, sicut, quemadmodum, instar, tanquam,  
quasi, velut, veluti, ceu, uti. 3. *Negatio dissimilitudinis*: non  
dissimilis, haud secus, haud aliter. 4. *Verba*: imitor, refero,  
non discrepo, æmulor, speciem exhibeo, appareo, repræsen-  
to. 5. *Epitheta qualitatem notantia*: ut, lac niveum, scriptor  
lacteus, stylus floridus, stylus offeus.

*II. Nota similitudinis explicata*, sunt, Talis, qualis, sicut,  
ita, quemadmodum, ita, ut, ita, non aliter, quàm, non secus,  
ac, ad eum modum, quo, sicut, similiter, cujusmodi, ejusmo-  
di, perinde, ac si.

*III.* Ad hunc locum referri debent parabolæ, apologi,  
fabulæ, typi, imagines Rhetorum.

*IV. Termini simplices hic sunt tribus modis:*



## 1. In similitudine contractâ:

| Extremum 1. | Qualitas.    | Extremum 2.    |
|-------------|--------------|----------------|
| Pius.       | Viror.       | Palma in ripâ. |
| Formica.    | Providentia. | Sapiens.       |
| Stultus.    | Mutabilitas. | Luna.          |

## 2. In similitudine disjunctè explicatâ:

|         |         |                        |           |
|---------|---------|------------------------|-----------|
| Aurum.  | Ignis.  | Fortuna.               | Fides.    |
| Luna.   | Sol.    | Christus.              | Ecclesia. |
| Oculus. | Corpus. | Intellectus.           | Anima.    |
| Eurus.  | Venter. | Disputatio<br>frivola. | Animus.   |

## 3. In similitudine continuè explicatâ:

|      |              |         |
|------|--------------|---------|
| Lex. | Magistratus. | Populus |
|------|--------------|---------|

Axiomata è  
similibus  
disponun-  
tur tribus  
modis.

## V. Hinc axiomata tribus modis consunt:

## 1. Simplicia, in quibus similitudo contracta:

Pius instar palmæ virefcit.  
Sapiens veluti formica providet futurum.  
Stultus ut luna mutatur.

## 2. Talia, in quib. similitudo disjuncta:

Scilicet ut fulvum spectatur in ignibus aurum;  
Tempore sic duro est inspicienda fides.

Quemadmodum luna nonnisi à sole illustrata lucet: Sic  
Ecclesiæ salus nonnisi à Christo profluit.

Quod est oculus corpori, hoc est intellectus animæ.

Qui disputationibus frivolis deditus est animus, replet  
Euro ventrem suum.

## 3. E similitudine continuâ:

Ut magistratibus leges; ita magistratus præsumt po-  
pulo.

## II. Usus demonstrationis.

*Similium similis est ratio:* ut, Quæ ratio est gubernatoris  
ad navem, eadem est magistratus ad Remp. Hinc fiunt syl-  
logismi è quæstione & argumento simili disputante: Pio  
semper bene erit. Q. instar palmæ florefcit, & sicuti cedrus  
in Libano multiplicatur. Peccatum est fugiendum. Q. est  
vetus fermentum. Precationi est sedulò vacandum. Q. est  
suffitus & hostia, quâ Deus delectatur. Observandum autem  
est illud: Simile extra & ultra scopum disferentis non ex-  
tendatur.

## III. Usus

## III. Usus amplificationis.

I. *Antithesis*. Homo in hac vitâ, quam dicunt statum Status viæ  
& status pa-  
triæ quis sit? viæ, est bulla, est flos & umbra, Deumque videt in speculo veluti per transfennam. At in alterâ vitâ, qui est status patriæ, erit veluti arx, cujus fundamentum est æternum; erit flos perpetuum virens; erit stella nunquam occidens, Deum denique videbit à facie ad faciem. *Item*: Italia est illa quidem ocellus regionum, literarumque dulcis & diligens nutricula: interim etiam est paradysus terrestris, quem habitant Diaboli incarnati. Quemadmodum enim feracissimis agris filix, lolium, sterilesque avenæ, nisi diligenter caveas, ingenti copiâ proveniunt, & optima ingenia maximis obnoxia vitiis: ita nobilissima hæc regio immane quantum vitiis redundat. Religionis primum dogmata tenebrosa & de veritatis victoriâ longius peregrinantia, mores & vitia vulgi supra modum flagitiosi; quæ tamen culpa proceres etiam, inprimis Ecclesiasticos, hamis suis innexuit. Multa imprimis suæ libidini, etiam illi, quam vocant peccatum mutum, in secreto condonant. Quid? Illud peccatum etiam literis consignat & laudant. Testis sit Johannes de la Casa Archiepiscopus Beniventanus, qui abominandum Sodomæ scelus publico celebravit scripto Venetiis excuso. Quantâ igitur objurgatione sunt digni parentes, qui pueros suos pueros in id lupanar detrudunt? Sed finis sit huic querelæ, ne honestas forte aures offendere necesse habeam.

II. *Syncrisesis*. Qui hominis dignitatem monstraturi, eum appellarunt deum terrestrem, satis benè illius præcellentiam ostenderunt. Melius tamen illi, qui eundem vocarunt copulam & hymenæum mundi celestis & terrestris. Omnium rectissimè hi, qui eundem vocitarunt microcosmum. *Item*: Vehementer dubito, num vitam nostram his in terris cum Pindaro debeam dicere *οὐκ ἔστιν ὅραε, umbra somnium*, an potius cum Græcorum vulgo exclamare, *ὅτι οὐ βίη, vita est gry*. Huc pertinent allegoria sacra, qualem habet Apostolus Galat. 4. vers. 22. *Item illa Syncrisesis*: Quemadmodum olim Astrologi Chaldæi, posteaquam viderunt & audiverunt Solem decem gradibus descendisse, Hierosolymam venerunt, de portento isto, quod acciderat, interrogaturi: ita 2. Reg. 20.

Matth. 2.

2. Reg. 1.

Johan. 16.

2. Reg. 2.

1. Sam. 16.

Magi in Persiâ quam primum se contulerunt in Judæam, postquam stellam regis novi viderunt. *Item:* Quemadmodum Elias jam jam in cœlum assumendus instruxit discipulum suum Elisæum: ita Christus suis discipulis valedicturus, ipsos præmonuit de multis, quæ ut ipsi scirent, per necessarium erat. *Item:* Quemadmodum Elisæus unâ cum pallio Eliæ Spiritum illius accepit: sic nos unâ cum verbo Dei eterno Spiritum Dei accipimus. *Item:* David citharâ suâ repulit malum spiritum à Saule. Cithara ista nobis est Evangelium de Christo. *Adhuc similia ficta parem cum veris arguendi vim habent, cum extra comparisonem promendaciis habeantur; ubi apologi, fabula, & parabola maxime excellunt:* ut, Quemadmodum bestiarum ad leonis antrum descendentes, in periculum vitæ veniebant: sic sapientes jacturam sapientiæ faciunt, si vulgi judicia sequantur. *Item:* Ut equus cum cervo congressus, eoque pugnâ inferior invocato hominis auxilio, ei parère coactus est: sic liberæ sæpe civitates & gentes inter se digladiantes, fiunt vectigales, advocato externo auxilio. Elegans exemplum vide 2. Sam. 12. ubi Nathan cum Davide agit.

III. Conglobatio. Elegans exemplum est *Æneid. 7. de bellico furore:*

*Arma amens fremit arma toro tectisq; requirit,  
Sævit amor ferri, & scelerata insania belli,  
Ira super: magno veluti cum flamma sonore  
Virgea suggeritur costis undantis aheni,  
Exultantq; astu latices, furit intus aqua vis,  
Fumidus atq; aliè spumis exuberat amnis,  
Nec jam se capit unda, volat vapor ater ad auras.*

*Item:* Mirum profectò est, quòd maxima Christianorum pars mortem adeò reformidant. Viator fessus gaudet, cum se videt propemodum esse emensum iter suum. Operæ rusticæ cum desiderio finem laboris expectant. Agricola tempus messis avidè expectant. Homo curis & laboribus interdum emaciatus, & tantum non fractus atque enectus, somno quasi obviam it. Jam verò nos sumus viatores, operarii, agricolæ & homines defessi. Non igitur mortem, quæ est janua vitæ, finis laborum, introitus messis,

messis, & somnus dulcissimus, mortem, inquam, non adeo  
 extimescere debemus. *Elegantem amplificationē vide 1. Co-*  
*rinth. 12. ubi Apostolus Ecclesiam cum corpore comparat. Hic*  
*excellit illa conglobatio, quā redduntur causa comparationis:*  
 ut, Quare Christus in Cantico Canticorum comparatur  
 flor? Flos habet in cœlo patrem, & in terrâ matrem, ut dix-  
 it Pythagoras. Sic & Christus. Flos delectat visum suâ pul-  
 chritudine, olfactum suaveolentiâ, tactum lenitate, gu-  
 stum dulcedine. Ita & Christus animam delectat, reficit, &  
 uno verbo, in integrum restituit. *Item:* Hæretici sunt in-  
 star serpentis, de quo *Genes. 3.* Sicut enim illo ceu instru-  
 mento usus est Satan: ita & hæreticis utitur. Hi enim con-  
 cedunt & gratificantur illi hosti generis humani corda  
 sua, linguas, & calamos. Hæretici sunt similes avibus il-  
 lis, de quibus *Genes. 15.* Sicut enim illas abegit Abraham,  
 ut ne depascerent sacrificium: ita & hæretici abigendi sunt,  
 ut ne sacrificium Jesu Christi nobis eripiant. Hæretici  
 sunt velut cicadæ illæ, de quibus *Exod. 10.* Sicut enim  
 illæ segetem depastæ sunt: ita hæretici viridem Ecclesiæ  
 segetem vastare student. *Item:* Christus est vera illa lux.  
 Quemadmodum enim arcano nobisque incognito mo-  
 do lumen de lumine quasi gignitur: sic Christus ab æter-  
 no genitus est à Patre suo. Quemadmodum lux primo  
 die extitit ante omnes creaturas, quarto autem die com-  
 pacta est & distributa in corpora cœlestia: sic etiam *ὁ λό-*  
*γος*, qui ab æterno extitit ante omnia, quarto mundi  
 millenario incarnatus est. Denique sicut lux tenebras  
 pellit, è somno excitat, tempora distinguit, insidias pro-  
 dit, mœrores abigit, securitatem parit, visum delectat,  
 pudorem incurtit, ad labores honestos vocat: sic & Chri-  
 stus Dominus noster &c. *Item:* Evangelium est lignum  
 illud, quod injectum in aquas amaras, reddit illas dul-  
 ces. Aquæ istæ amaræ ebulliunt ex scaturigine iræ divi- *Exod 15.*  
 næ, quæ in multos diffunditur rivulos, quæ sunt calami-  
 tates. Amarities ista occupat animam juxta & corpus.  
 Arbor autem, quæ amaritiem istam tollit, est lætum illud  
 nuncium de nostri per Christum redemptione. Hæc ex-  
 hilarat corda nostra, & pellit omnes tribulationes, & sex  
 illas, de quibus *Job 5. versu 19.* & septimam, de quâ idem:

ubi per sex tribulationes, ut hoc obiter moneam, è quibus Jehova Dominus noster nos eripit, Theologi nonnulli intelligunt omnes afflictiones in hac vitâ, quia sex diebus homo creatus est; per septimam intelligunt mortem, quæ septimo die (nam putantur protoplasti lapsi ipso Sabbato) in mundum introiit. *Item:* Precatio est veluti ventus. Ventus è terrâ surgit: precatio ex hominis corde. Sol ventum è terrâ evocat suis radiis: Christus, Sol ille justitiæ, suos radios demittit in corda suorum, & hanc auram format, formatam fovet, totam elevat. Format per verbum & crucem: fovet per assistentiam Spiritus: elevat per suum meritum. Ventus ab unâ mundi plagâ ad alteram fertur: sic precatio è terrâ in cœlum ascendit. Ventus interdum leniter spirat, ut vix possit exaudiri, interdum edit sonum maximum: ita preces electorum nunc sunt suspiria cordis, nunc oris eloquia. Porro ventus quandoque excitat pluvias cogendo nubes: sic oratio sæpè fit cum lacrymis. Ventus quotidie verberat aërem: sic precatio semper deditus est homo pius. Ventus pluvias & rorem administrat, poros terræ aperit, gramina producit, nutrit & auget: precatio eodem modo fructificat. Impetrat enim rorem & pluviam spiritus Sancti, similiaque beneficia spiritualia. Ventus nubes sæpè dispergit, & ita terram exiccatur: precatio pellit nubes peccatorum & calamitatum. Ventus purgat aërem: precatio impuritates animæ tollit. Ventus sæpè variatur: sic & precatio. Ventus propellit naves: sic oratio promovet naviculam illam Christi, quæ est Ecclesia. Ventus frangit & diruit proceras arbores, non humiles frutices: ita precatio subvertit tyrannos, juvat pios fratres. Ventus impedit homines, quò minus possint progredi: precatio impedit Diabolum, leonem illum rugientem. Ventus reficit in æstu: sic precatio in calamitatibus. Ventus cogit pulverem: ita precatio colligit peccata in confessione, ut iste mons pulverulentus amoveatur. *Non possum hoc loco præterire, elegantem illam Plutarchi similitudinem ad Trajanum Imperatorem:* Scito Imperator Trajane, Domine, te & imperium tuum nihil esse aliud, quàm corpus mysticum, ad corporis vivi verique modum. Ea quippe requiritur utrinque concinnitas,

nitas, ut & Imperator tales se habere subditos gaudeat,  
 & imperium de tali sibi Domino placeat. Ut igitur corpus  
 mysticum, quod est Imperium, ad exemplum hominis vi-  
 vi pingamus: *Caput*, omnium est princeps, penes quem  
 imperii summa est. *Oculi*, quibus videmus, viri in Republ.  
 boni sunt, quorum ductum sequimur. *Aures*, quæ au-  
 diunt, quæ dicimus, sunt subditi, qui imperata faciunt.  
*Lingua*, quâ loquimur, sunt eruditione præstantes viri,  
 ex quibus leges & disciplinas audimus. *Capilli* è capite  
 penduli, sunt oppressi & injuriâ affecti, qui opem regis im-  
 plorant. *Manus & brachia* sunt equites & nobiles, qui  
 hostem reprimunt. *Pedes*, qui omnia sustinent membra,  
 sunt agricolæ, qui victum omnibus ordinibus submini-  
 strant. *Ossa dura*, quæ carnem fulciunt fragilem, sunt viri sa-  
 pientes, qui onus sustinent Reip. *Corda*, quæ palàm non vi-  
 demus, sunt familiares intimi, qui in arcano consilium dant  
 Senatu. Deniq; *collum*, quo capiti corpus cohæret, est amor  
 regis & regni, ex quibus constat Resp. *Huc pertinet illud elo-*  
*gium psalterii*: Nullius tantum est flumen ingenii, quod libri  
 psalmorum dignitatē & utilitatem non dicam exornare, sed  
 enarrare queat. Paucis tamen dicā multa. Psalterium est the-  
 atrum Dei, operū ejus & piorum. Illa enim spectanda exhi-  
 bentur. O beatam animam, quæ se oblectat in hoc theatro!  
 Psalterium est pratum suavissimum, & amplū rosarium, ubi  
 plurimos intuemur flores. Quid? Est ipsissimus paradisus, in  
 quo fructus dulcissimi, in quo arbor vitæ. Psalteriū est pelag-  
 us potentissimum, in quo margaritæ pretiosissimæ latent,  
 quæ nonnisi ab illis, qui tempestatum procellis jactantur, in-  
 veniri queunt. Psalterium est cœlestis illa Schola, in quâ De-  
 um alloquimur, Doctorem nostrum. Psalterium est universę  
 scripturæ compendium. Psalterium est gratiæ divinæ specu-  
 lum, in quo facies amœnissima benignissimi nostri Patris re-  
 lucet. Psalteriū est *ἡ γυνὴ τοῦ πατρὸς ἀγαθὴν διδάσκαλον*, & offi-  
 cina continens alexipharmaca animæ. Deniq; psalteriū est  
 animæ nostrę anatome artificiosissima, indicans omnes ani-  
 mi motus, motuū causas & remedia. *Huc refer commendati-*  
*ones virorū illustriū, quales sunt*: Plutarchus fuit *ἐμφύτος βί-*  
*βλιοθήκη*, & vivum quoddam musæum; Plinius helluo tem-  
 poris; Wesenbecius Jurisprudentiæ Sol & oculus; Scaliger

1. Est cunctis in re  
 plurimum in re  
 hary doctrina



aquila eruditorum; Casaubonus Atticus ille cygnus; Xenophon Ἀττικὴ μέλιτ'ε; Erasmus Phoenix Germaniæ; Philippus Melanchthon Philomela Germaniæ. *Memineris hic quidlibet de quolibet dici quidem posse, sed observandum esse τὸ πρίπον.*

### Cap. 23. Usus doctrina de dissimilibus.

#### I. Usus declarationis.

I. **N**ota dissimilitudinis contracta, sunt. 1. Nomina: dissimilis, dispar, differens, diversum, aliud, discrepans. 2. Verba dissimilitudinem significantia: differo, disto, non congruo, non respondeo, nō quadro, discernor, discrimino. 3. Adverbia dissimilitudinis: dissimiliter, differenter, dispariter, aliter secus. 4. Negatio similitudinis: non similis, nonidem, non talis, non ita, non sic. 5. Conjunctiones discretivæ: at, aut, verum, verò, autem.

II. *Note dissimilitudinis explicatae*, sunt: non ut, ita; non sicut hoc, ita illud; non quemadmodum, sic; non talis, qualis; non tam, quàm; aliter, quàm.

#### III. Termini simplices sic habent:

| Extremum. 1.            | Qualitas.        | Extremum. 2.   |
|-------------------------|------------------|----------------|
| Sapiens.                | Mutabilitas.     | Luna.          |
| Bonus Pastor            | Ovium cura.      | Mercenarius.   |
| Corporalis exercitatio. | Utilitas.        | (cere. Pietas. |
| Abraham.                | Christū interfi- | Judæi.         |

#### IV. Hinc axiomata existunt, duob. modis:

1. *Aliquando cum notis*: ut,  
Sapiens non mutatur veluti luna.  
Bonus pastor dissimiliter mercenario curat oves.
2. *Aliquando sine notis*, & tum dissimilitudo plenius explicatur: ut,

Corporalis exercitatio ad pauca est utilis. Pietas ad omnia est utilis, ut quæ promissionem habeat præsentis & futuræ vitæ 1. *Timoth. 4.*

#### Facilis descensus averni:

Sed revocare gradum superasq; evadere ad arces.  
Hoc opus, hic labor est

Axiomata  
duob. modis  
fiunt è  
loco dissimilium.

Brutus liberos molientes prodicionem occidit: Manlius virtutem filii morte multavit.

## II. Usus demonstrationis.

*Disimilium disimilis est ratio:* ut, Alia est ratio piorum quam impiorum. Quia hi tanquam gluma à vento disturbantur, illi verò tanquam palmæ virescunt. Judæi non sunt semen Abrahæ. Quia Abraham olim Christum videte exoptavit, at Judæi eum interficere student. *Johan. 8.*

## III. Usus amplificationis.

*I. Antithesis.* Pastores Ecclesiarum non sunt reges, qui dominantur. Sed nec servi sunt, quibus vel levissimus homo & cinis aulicus præscribere habeat, quæ multorum hodiè est opinio. Præterea non sunt mercenarii. Quamvis enim illis stipendia numerentur: non tamen illi propter hoc faciunt suum munus, ut augeant rem familiarem, sed ut Deo serviant. *Item:* Christus est bonus pastor, disimilis mercenario. Nam mercenarius spectat suum commodum, non autem heri sui: at Christus suarum duntaxat ovium salutem, & Patris sui cœlestis gloriam quæsit. Mercenarius fugiente lupo fugit: Christus venientem lupum expectat & humi sternit. Mercenarius vitam non ponit pro ovibus: Fecit id Christus. *Item:* Christus noluit nasci Hierosolymis urbe celebri, quæ erat *ῥίζα τῶν πόλεων*; sed Bethlehemi oppido obscuro, quod erat veluti minimus Judææ ramusculus. *Item:* Antiochus ille Epiphanes (Epimanes dicere volebam) fuit *ῥίζα ἀμάρτυρος*: Judas Macabæus fuit *ῥίζα δόξης*. *Talis antithesis est Luc. 7. versu 44. 45. 46.* *Item:* Si Romam, quæ nunc est, contuleris cum prisca illâ, cadaver quoddam invenies, non corpus. Prisca illa erat caput orbis; nova hæc vix Italiæ est caput. Prisca illa ostentabat innumera palatia: nova innumeras ruinas ostendit. Prisca mores integerrimos, nova corruptissimos facit & fovet.

*II. Syncretismus.* Ecclesia Christi non est similis navi rimas agentis, nec ovili ruinoso; sed est navis compacta solidissime, & ovile undique munitum probè. Non est similis collegiis ethnicorum, deos deasq; colentium, neq; illis Pontificiorum cœtibus idololatricis est similis.

*III. Conglobatio.* O impios post hanc vitam infelicissimos! Nam quando electi dicent, sumus in domo Dei; ipsi dicent, sumus in domo Diaboli. Quando illi dicent, fulgemus ut Sol in regno Patris nostri; isti dicent, Ah sumus in regno tenebrarum. Quando electi dicent, Venimus ex multâ tribulatione, & lavimus stolas nostras in sanguine agni, ideò stamus ante thronum Dei: tum reprobi dicent, nos vobis affictionem omnisq; generis molestias creavimus, nos effudimus sanguinem agni & vestrum, ideò conversi sunt torrentes deliciarum nostrarum in picem, & felicitas nostra in sulphur, & divitiarum nostrarum in picem ardentem. Nimirum sicut in hac vitâ est dispar piorum & impiorum conditio: ita & post hanc vitam erit. *Item:* Christus bonus ille pastor, dissimilis est patriarchis, qui ipsi fuerunt pastores, Abeli videlicet & Jacobo, nec non Davidi. Hi enim fuerunt solum homines: Christus est & Deus & homo. Paverunt illi oves bestias: Christus pascit oves homines. Illi vivas oves curarunt, mortuas rejecerunt: Christus suscepit oves mortuas, iisq; vitam restituit. Illi emerunt oves pecuniâ, vel permutatione acceperunt: Christus oves suas suo sanguine emit. Illi paverunt & potarunt oves suas gramine, fœno & aquâ: hic oves suas carne suâ & sanguine suo alit & potat ad vitam æternam. *Item:* Christiani in Ecclesiâ militante sunt milites. Cum igitur nos amabili illo Christianorum nomine gaudeamus, cur militare bonam illam militiam abnuimus? Non insistimus vestigiis majorum nostrorum. Illi Diabolum ejusque squamas aggressi sunt armis spiritualibus; neque solum aggressi sunt, sed etiam devicerunt, & immortalitatis coronam bravii loco reportarunt. At nos sumus scænes & pusillanimi. Inducias, imò pacem, facimus cum hostibus nostris professis, qui nobis bellum *à cordo* indixerunt. *Item:* Josua 10. legimus, Josuam superasse quinq; reges. At Christus cœlestis ille & æternus Josua gessit bellum longè dispar. Josua cum hominib. conflixit: Christus cum Diabolo ejusq; stipatoribus. Josua quinq; hostes superavit: Christus omnes suos & nostros hostes prostravit. Josua fuit dux Israël: Christus est dux omnium fidelium. Josuæ se opposuerunt alii hostes superatis istis quinq;: At Christo ne unus quidem se opponere potuit, vel adhuc potest. Conantur quidem

quidem id multi, sed conantur tantum. Irritus est omnis illorum conatus, labor inanis. *Item:* Ecclesia Christi est sponsa alia quam fuit filia Pharaonis, quam uxorem duxit Salomon. Filia Pharaonis desponsata fuit homini: Ecclesia *θεω-  
νομία*. Illa cum rege terrestri matrimonium iniit, & reginæ titulum adepta est: Ecclesia cum rege cœlesti nuptias celebravit, & facta est regale sacerdotium in seculum. Maritus filia Pharaonis fuit scortator impurus: Sponsus Ecclesiæ est ipsissima sanctitas & castitas.

*Cap. 24. Usus doctrinæ de conjugatis.*

**J**am dicendum est de applicatione argumentorum ortorum, ubi primò sunt conjugata.

**I. Usus declarationis.**

**N**ota conjugatorum, sunt cum à substantivo formam denotante deducitur vel aliud substantivum, ut ab humanitate homo, vel adjectivum, ut ab humanitate humanus: cum item ab adjectivo deducuntur adverbia, ut à justus justè.

**II. Termini simplices sic habent:**  
*Conjugata*

| <i>Abstractum.</i> | <i>Concretum.</i> |
|--------------------|-------------------|
| Justitia.          | Justus.           |
| Humanitas.         | Homo.             |
| Libertas.          | Liber.            |

**III. Hinc axiomata è binis conjugatis:**

Justus Jehova justitiam diligit.

Hominem maximè decet humanitas.

Si vos Filius liberaverit, verè liberi eritis.

**II. Usus demonstrationis.**

**I. Argumentum sumi potest quod sit conjugatum prædicatum:** ut, Ubi contemnuntur religiosi, ibi contemnitur religio. In Sarmatiâ contemnuntur religiosi. Ergò. Qui justus est, facit justa. Aristides justus est. Ergò. Ager compascuus est. Ergò jus est compascendi. Syllogismus est in quolibet modo figuræ primæ. Nota hic, conjugata negantia

firma esse & necessaria: ut, Non justè agit. Non igitur est justus. Mori non est miserum. Mors igitur non est misera. Affirmantia verò tum demum sunt necessaria, si habitus est constans, & longo usu confirmatus: sin minùs, non fuerint: ut, David rapiens Uriæ conjugem tyrannicè fecit. Tyrannus igitur. Cambyfès injusto judici cutem detrahens, ejusque filium in tribunali eâ strato collocari jubens, additis his verbis: Disce justè judicare: justè fecit. Agitur fuit justus. Utrumq; est falsum.

II. *Argumentum adduci potest, quod sit conjugatum subiecti atq; predicati: & tum conclusio potest esse affirmans vel negans:* ut, Si albedo est color, album est coloratum. Si opulentus non est felix, opulentia non est felicitas. Excipe ea, quæ conveniunt alteri conjugatorum per accidens: ut, Non sequitur: Aliquod album est dulce. Ergò aliqua albedo est dulcedo.

### III. Usus amplificationis.

I. *Antithesis.* Jesuitæ disserunt quidem doctè, cum doctrinâ omnigenâ sint imbuti: sed non sincerè, non orthodoxè, propterea quòd sinceritas ibi nulla esse potest, ubi præconcepta opinio arcem rationis occupavit. Ibi enim veritati nullus est locus. Jesuitæ loquuntur eleganter & Logicè disputant. Nec mirum, cum oratoriam elegantiam & Logicam quàm diligentissimè doceant & discant. Verùm non sapienter, non religiosè, quoniam à sapientiâ Spiritus sancti longissimè absunt, qui traditiones cerebri humani præferunt Scripturæ Spiritus sancti. *Item:* Qui è terrâ sunt, terreni sunt, & terrena loquuntur, sapiunt atque quærunt. At nos, qui è cœlo ducimus originem, cœlestia meditemur. Quod natum est ex carne, caro est. At nos ex Spiritu nati, Spiritus sancti sumus peculium. Quare meditemur ea quæ sunt Spiritus.

II. *Syncrismi.* Si rex subditum suum ab hoste detentum in libertatem asserat, liberum illum hominem censemus, idque jure. Cum igitur nos liberaverit unicus Servator Jesus, quantò magis erimus liberi dicendi? *Item:* Sublimiora philosophiæ decreta nos homines capere non possumus, cum tamen humana sint. Quænam igitur, putatis, furia agitant illos, qui cœlestia & divina mysteria decem-

decempedâ rationis metiri satagunt, cùm solus Deus illa  
 nòrit, & illa doceat, non eos, qui intelligere volunt ut cre-  
 dant, sed duntaxat illos, qui credunt ut intelligant. Præcedat  
 igitur fides intelligentiam, non contrà intelligentia fidem.  
*Item:* Justum est punire ingratos. Justè igitur fecit Philip-  
 pus Macedo, qui militi ingrato erga hospitem, inuri has li-  
 teras jussit, INGRATUS HOSPES. Deus bone! Quæ  
 stigmata hodiè inurenda essent ingratis cuculis, qui toti,  
 quanti quanti sunt, ex ingratitudine & calumniâ sunt con-  
 futi ἐν κεφαλῇς τοῦ πόντος.

III. Conglobatio. Deus ita est misericors, justus, & o-  
 mnipotens, ut sit ipsa misericordia, justitia, & omnipotentia.  
 Quid enim? Annon ipsius misericordia implet cælum &  
 terram? Annon justitia ipsius ubique claret? Annon omni-  
 potentia ipsius vestigia ubique apparent? *Item:* Deus a-  
 more paterno nos complectitur. Ergò est pater noster. Deus  
 nos ditat. Ergò dives. Deus nos vivificat. Ergò est ipsa vita.  
*Item:* Deus bonus est. Illius itaq; bonitate utendū, non abu-  
 tendum. Deus justus est. Illius itaque judicia justè fieri cen-  
 senda sunt. *Item:* Prophetæ & Apostoli divina nobis tra-  
 diderunt. A Deo enim acceperunt, quæ nobis tradiderunt.  
 Prophetæ & Apostoli vera docuerunt. Nam Spiritus verita-  
 tis illos in omnem veritatem duxit. Prophetæ & Apostoli sa-  
 lutaria docuerunt. Nam Jesum, fontem illum salutis, sibi  
 scopum & veluti centrum in scriptis suis proposuerunt.

## Cap. 25. Usus doctrinæ de notatione & nomine.

### I. Usus declarationis.

I. **N**otatio sumitur è consentaneis, dissentaneis & compa- Notationis  
amplitudo.  
 ratis, hoc modo:

*Ex causâ efficiente:* Senatusconsultum sic dicitur, quia  
 Senatus constituit illud.

*Ex materiâ:* Homo ab humo.

*Ex effectis:* Pomona à pomis.

*E subjecto occupante:* Mulier à mollitie.

*Ex oppositis:* Lucus, quòd parum luceat.



*E similibus:* Pyropus dicitur, quia lucet instar ignis.

Quod si igitur unius vocis dentur plures notationes, illa est præferenda, quæ ex nobiliori topico ducitur: ut, bellum aliis dicitur q. minimè bellum, aliis à belluâ, aliis ab Hebraico *Bel*, id est, Diabolo. Hæc postrema notatio est è loco efficientis, ideoq; reliquis anteferenda. Cautio ad hanc notam est lib. 2. pag. — 219. — canon — 2.

I I. *Termini simplices sic habent:*

|         |                |
|---------|----------------|
| Nomen.  | Notatio.       |
| Virtus. | A viro.        |
| Homo.   | Ex humo.       |
| Lucus.  | Minimè lucens. |

I I I. *Axiomata è nomine & notatione sic disponuntur:*

Virtus à viro nomen habet.  
Homo sic dicitur ab humo.  
Lucus nomen habet à non lucendo.

## II. Usus demonstrationis.

*Potest argumentum sumi, quod sit etymologia subjecti vel prædicati questionis: idq; virium est parium sive affirmes, sive neges. Ratione subjecti sic:* Quod affirmatur vel negatur de notatione, affirmatur vel negatur etiam de notato, & contra, si notatio æquipolleat nomini, & cum eo convertatur: ut, Prædicat futura. Ergo est propheta. Non est propheta. Ergo non prædicat futura. Est Jesus. E. salva-bit populum suum. Non dat consilium. Ergo non est consiliarius. Est ars numerandi. Ergo Arithmetica. *Ratione prædicati ita:* De quo affirmatur vel negatur notatio, de eodem etiam affirmatur, vel negatur notatum: ut, Christus salvat populum. E. verè dicitur salvator. Sancti non salvant nos. E. non sunt appellandi salvatores. Bibulus non consulit Reip. Ergo non est consul.

## I I I. Usus amplificationis.

I. *Antithesis.* Soleo sæpe ante oculos ponere dementiam gentilium, in quâ & hoc facile ducit familiam, quod singulis rebus singulos fermè deos deasq; præfecerunt, indeq; nomina illis imposuerunt. Pomonam, Mellonam, Florâ, Carnam, dixerunt deas, quæ tuerentur poma, mella, flores, cardines. Apagite miseri ista nomina. Nomen unius veri Dei est lon-

*Bellona  
a bello.*

est longè augustius, nempe Jehovah; qui sic dicitur, quòd ipse solus sit ab ævo in ævum, quodque omnibus iis, quæ sunt, esse det, quòd denique sit verax in promissionibus. Tu quidem, Apollo, voluisti hoc nomen tibi transcribere, quando iussisti ut sacerdotes tui templo Delphico præfigerent verbum Εἴ, Es. Sed quo jure? Quo eventu? Tu ipse hoc docuisti, quando Imperatori Augusto te consulenti hunc in modum respondisti:

*Me puer Hebraus, divos Deus ipse gubernans*

*Cedere sede jubet, tristemq; redire sub Orcum.*

*Ergò dehinc aris tacitus discedito nostris.*

*Item:* Fœda quibusdam dicitur hæc notatio, quâ fœdus deducitur ab adjectivo fœdus. Illi dictum volût à fide, quòd in fœdere interponatur fides. Alii à ferio deducunt, eò quòd in paciscendo hostia necaretur. Cùm enim fœdus sanciebat, fetialis porcum producebat in medium, eumq; saxo feriebat, & dicebat: Sic à Jove feriatur is, qui sanctum hoc fœdus ruperit, ut ego porcum hunc ferio. Verùm enim verò prima illa notatio mihi minimè est fœda. Nam Servius ad illum Vergilii versum *lib. 8.*

*Stabant, & cæsà jungebant fœdera porcà:*

*Fœdera*, inquit, *dicta sunt à porcà fœdè & crudeliter occidat.* Et legimus, fetialem hanc formulâ usum: *Sic, ut porca fœdè cadat, qui fœdus ruperit.* Hunc ritum *Liv. lib. 1. dec. 1.* clarè ob oculos ponit. Hanc igitur notationem ab illâ notâ criticorum quorundam liberandam esse censeo. *Item:* Civitates Ansatice sic dictæ sunt, non quasi *an see*, quòd sint matritimæ: sed à vocabulo Gothico *A N S I*, vel *H A N S I*, ut sonat nostra vox vernacula corrupta, quod eos notat, qui cõmunis fortis veluti terminos egressi cæteris mortalibus fortunâ & opibus antepollent. Atque hinc civitatibus illis Teutonicæ societatis nomen obtigit; quia maximam partem opulentæ sunt ob amplissima, quæ exercent mercimonia. *Hoc modo multa notationes regionû, ut Italia, Germania, Austris, Urbium, Heidelbergæ, Romæ, montium: item & fluviorû, &c.* *ægrè & fœvè tractari possunt.* Neque solum, notationes nominum propriorum, sed etiam appellativorum sic tractanda sunt: ut, Bellum alii à belluis dictum volunt, quòd non tam hominum quàm brutorum sit in se invicem sævire.

Civitates  
Ansatice,  
Hansestæde.

Alii quasi minimè bellum. Alii ab Hebraico *Bel & Belial*. Ego salvo meliore iudicio postremam amplector. *Nomen Jesuitarum hoc ipso modo explicari potest.* Jesuitas qui à Jesu Servatoris nomine dictos putant, nimium errant. Alii *E-savitas*, alii *Jebusitas*, alii *Suitas* ipsos appellant, non contumeliosè, sed verè. Quidvis enim potius sunt isti homines, quàm socii Jesu Christi. *Hoc etiam modo confutari potest* Goropius ille Becanus qui in *Antiquitatibus Antverpiensibus nomina propria Hebraica, quæ in V. T. occurrunt, misere corrumpit.* *Antithesis erit talis:* Quò temeritatis progressus es Becane, qui Adamum dictum putas quasi *am dam*/ Evam quasi *Eh vat*/ & reliqua nomina veteris Instrumenti mirum in modum detorques? Adam sic appellatus est, quia è rubrà terrâ, quam Hebræi vocant *Adam*, corpus ipsius formatum est. Eva sic dicta est, à *Chavah*, quia fuit mater viventium. Sed tam ridicula sunt tua, quæ adducis, ut non opus sit illa refutare. Qui ista commemorat, eo ipso dum commemorat, refutat. *Consimiliter refutari possunt omnes ridicula notationes, quarum multa sunt apud veteres barbaros.*

*I I. Syncretis.* Romani sibi mirè placuerunt in nominibus illis suis propriis, cùm tamen illa fuerint rustica, utpote sumpta à fabis, cicere, pisib, lentibus, cæsariæ & similibus: unde Fabii, Cicerones, Pisones, Lentuli, Cæsares dicti sunt. At nomina, quæ Deus electis suis imposuit, quàm splendida, quàm augusta sint, paucis perpendamus. Abraham sic dictus est, quòd futurus esset pater magnæ multitudinis. Jacob appellatus est Israel, quia princeps & victor Dei factus est in luctâ illâ, quâ Filium Dei superavit. Johannes Baptista id nominis sortitus est, quia gratiam Dei annunciare debebat tanquam prodromus Messia.

*Varia notationes ejusdem nominis etiam ὁ ὄντων proponi possunt:* ut, Quando executio doctorum virorum de homine scripta, & incido in tractationem vocabuli istius *homo*, hæreo inter sacrum & saxum, nescius utri sententiæ album adjiciam calculum. Alii enim hominem ab humo dictum volunt, & pro se adducunt vocabulum Hebraicum *Adam*. Alii ab ὁ μῶς deducunt, & nituntur ratione non inceptâ. Ego hîc nolo esse Palæmon. Vos videritis ipsi. Sic & peccati & religionis notationes proponantur. III. Con-

III. *Conglobatio.* Sic est, Hermes Trismegiste! Nul-  
lum est Dei nomen; quod scilicet augustam ipsius majesta-  
tem æquet. Sunt tamen infinita illius nomina, qui infinitus  
est, ut ita quodammodo ipsius gloria exprimatur. Nam  
Deus est *El*; quia fortis est. Est *Schaddai*; quia est essentia  
ipsa suis pollens opibus, nihil indiga nostri. Est *Adonai*; quia  
ipsum est dominium in omnia. Est *Jehovah* & *Ehejeh*; quia  
solus est, & ab eo est, quidquid est. Est *Jehovah Zebaoth*;  
quia omnes creaturæ tanquam exercitus militant huic im-  
peratori uni, vero, bono. Eodem modo nomina Christi &  
*Ecclesia*, qua multa sunt, conglobari possunt.

## Cap. 26. Usus doctrinae de toto & partibus.

### I. Usus declarationis.

**T**ermini simplices per præcipua genera totius & partium  
sic sunt:

*Totum essentiale.*

Animal.

Homo.

*Totum integrale homogeneum.*

Aqua.

Sacra Scriptura.

Ecclesia Catholica.

Caro.

*Totum integrale heterogeneum.*

Mundus.

Corpus humanum.

*Totum continuum.*

Corpus humanum.

Linea.

*Totum discretum.*

Grege ovium.

Exercitus.

*Pars.*

Anima sentiens.

Anima rationalis.

*Pars similis.*

Gutta.

Liber Scripturæ.

Ecclesia particularis.

Pars carnis.

*Pars dissimilis.*

Cælum.

Pes.

*Pars continuata.*

Caput.

Punctum.

*Pars discreta.*

Ovis.

Miles.

II. Hinc axiomata à toto & una parte disposita. (Nam  
dispositio totius & partium pertinet ad locum distributionis.)

Animal præditum est animâ sentiente.

Quælibet gutta est aqua.

Epistola ad Hebræos est sacra Scriptura.

Mundus complectitur cælum.

Caput est pars corporis humani.

Miles pertinet ad exercitum.

## II. Usus demonstrationis.

Propositâ quæstione quâvis ad inveniendum argumentum probans, oportet videre, an subjectum aut prædicatum sit pars alicujus totius, an totum constans aliquibus partibus. Tum an sit pars similis vel dissimilis, integralis vel essentialis.

I. *Totum homogeneum subjecti quæstionis, erit argumentum aptum ad probandam quæstionem tum affirmantem tum negantem, in quovis modo figura prima:* ut, Summa aëris regio est humida, vel non est sicca. Q. totus aër est humidus.

II. *Si argumentum erit totum heterogeneum prædicati, concludetur affirmatè:* ut, Civitas est. E. ibi sunt familiæ. Conchylium habet animam. Q. est animal. Syllogismus erit in Barbara aut Darii.

III. *Si argumentum erit pars integralis prædicati, syllogismus necessariò concludet negativè in Camestres:* ut, In infantibus non est fides, uti est in adultis. Q. non est cognitio in ipsis.

IV. *Argumentum potest esse pars subjecti quæstionis, ad affirmandum & negandum particulariter in tertiâ figurâ:* ut, Animâ est incorruptibilis. Anima est in homine. Ergò aliquid in homine est incorruptibile. *Veruntamen si omnes partes subjecti simul fuerint argumentum, conclusio fiet universalis in Barbara aut Celarent:* ut, Lex, Prophetæ, Evangelia & Epistolæ non præfigunt certò tempus Judicii. Scriptura est Lex, Prophetæ &c. Ergò Scriptura non præfigit certò tempus Judicii.

## III. Usus amplificationis.

I. *Antithesis.* Deus considerat hominem ad imaginem suam. In animâ erant omnia summa. In intellectu fulgebat cognitionis plenitudo, rectitudo, claritas & ordo. In voluntate

Imago Dei  
qualis in  
homine  
fuerit ante  
lapsum?

voluntate  
illud  
quæ  
in me  
rabilis  
jestas  
diu ret  
illius  
fit, vel  
ramen  
Imago  
corporis  
tionis  
luntate  
exequi  
quali  
brorum  
& am  
Christi  
nempe  
ga prox  
bolus,  
& prin  
mala o  
ipsum,  
de Esa.

II.  
nas &  
quâdam  
signe &  
rum m  
fuit am  
bernati  
urbe sa  
veris,  
Athenæ  
At Hier

voluntate erat sanctitas, quâ homo ad bonum ferebatur, & illud exequabatur. Corpus ornatum summa pulchritudo, quæ consistebat in proportionem humorum & membrorum, in membrorum item æquali dignitate, & coloris admirabili suavitate. In toto denique homine erat gloria & maiestas admirabilis. O igitur hominem beatum ! Sed non diu retinuit istam imaginem. A Diabolo siquidem seductus, illius imaginem accepit præmium. Quam deformis illa sit, vel solo Diaboli nomine audito, cogitare potestis. Ut tamen magis pateat, paulò penitiùs illam inspicimus. Imago itaque Diaboli in hominis animâ est servitus, quâ corporis tyrannidi illa subicitur. In intellectu est cognitionis imperfectio, falsitas, obscuritas & confusio. In voluntate est corruptio, quâ homo in malum fertur, & illud exequi allaborat unice. In corpore est morborum quidam quasi populus & exercitus, obscenitas quorundam membrorum, & color luridus. O igitur hominem ter miserum, & amplius ! *Item* : Justus est veluti arbor, cujus radix est Christus; truncus est fides; fructus sunt bona opera, pietas nempe erga Deum, temperantia erga seipsum, & justitia erga proximum. Impius contra est arbor, cujus radix est Diabolus, truncus est infidelitas, mater illa omnium vitiorum, & primum quod in Adamo fuit, peccatum; fructus sunt mala opera, putâ pietas erga Deum, intemperantia erga seipsum, & injustitia erga proximum. *Egregiam antithesin vide Esa. 3. vers. 16. & seqq.*

II. *Syncretis.* Ethnici miris laudibus extulerunt Athenas & Romam, adeo quidem ut illas πόλιν, hanc urbem quâdam excellentiâ vocarint. Quid verò in illis fuit adeo insignis & eminens ? Tria occurrunt, si quis excutiat veterum monumenta, locus, ædificia, & gubernatio. Locus fuit amplus & amœnus. Ædificia multa & splendida. Gubernatio propemodum divina. Sed hæc si contuleris cum urbe sanctâ, Homericum illud quàm rectissimè usurpaveris,

ὅσον ἑκατὸς ἐς δὲ πάλαις ?

Athenæ & Roma sitæ fuerunt in loco amœno quis negat ? At Hierosolyma in amœniori. Roma 7. montibus fuit insi-



gnis. Hierosolyma solùm tribus, sed talibus, ut septem illis fuerint longè eminentiores sanctitate & dignitate. Lycæum, Academia & Stoa fuerunt Athenis, Capitolium Romæ. At Hierosolymis templum Dei, refertum divitiis, quas ne septem quidem reges hodiè possident: ut jam nihil dicam de spiritali ipsius ornatu, qui ipsi à cultu diviño accedebat. Athenis fuerunt leges absolutissimæ, Romæ leges xii. tabularum. At Hierosolymis fuerunt leges ab ipso Deo latæ. *Hoc modo varia regiones & urbes inter se conferuntur, ut Italia & Germania, Gallia & Hispania, Roma & Constantino-  
polis. Varia item disciplina sic comparantur: ut, Philosophiam ejusque studium gentiles omnibus rebus hujus mûndi anteposuerunt, eò quòd doceret cognitionem veri & actionem boni. Illam disciplinæ theoreticæ, hanc practicæ tradunt. At si Philosophiam illorum cum Theologiâ conferas, tenebras cum luce conferre videberis. Theologia enim complectitur legem & Evangelium, quibus duabus partibus continetur solida cognitio Dei & operum ejus, adeoque modus perveniendi ad salutem. Sed paulò aliter argumentaberis ex Senecâ lib. 2. de irâ: Nefas est nocere patriæ, quæ nobis est charissima. Ergò nec civi nocere debemus. Hic enim est membrum illius corporis. Huic affine est illud: Nefarium est bellum inferre civitati Dei, cœlitumque Reipubl. Ergò non minùs nefarium est singulis Ecclesiæ civibus & membris nocere sine justâ causâ.*

*III. Conglobatio. Brevis est sententia: Christus immensa passus est pro nobis: quæ sic amplificatur enumeratione partium. Caput Christi spinarum aculeis fuit transfixum; oculi velati; aures opprobriis saturatæ; malæ alapis dehonestatæ; facies consputa & sanguinis largo velut imbre irrigata; lingua aceto & felle amancata; brachia in cruce porrecta; manus clavis transfixæ; latus lanceâ perfossum; pedes ligno affixi. Quid his addi posse putas ad extremum passionis colophonem? Pendet in cruce corpus illud corporum omnium pulcherrimum & præstantissimum; pendet collisum, tortum, cæsum, flagellatum, cruore scædatur, plagis, vibicibus, tuberibus, livore, vulneribus horridum. O Domine Jesu, ubi pulcherrima tua species? ubi labiorum gratiæ? ubi oculorum venustas? ubi decor? ubi splendor? ubi glo-*

ria tuæ

niæ tuæ fulgor? Hæc subinde perpende, anima mea. Perpende, inquam, & caput tuum non concedes Satanæ, qui illud inanibus cogitationibus oppleat, oculos tuos non convertes ad contemplandum vana, aures non fœdis colloquiis & cantionibus demulcebis, linguâ tuâ non blasphemabit Deum, proximò non nocebis, manibus denique tuis non ad injuriam aliis inferendam abutère: sed caput contemplationibus sacris, oculos lectioni, aures auditioni, linguam annunciationi, manum executioni verbi Dei consecrabis.

Atque talis est amplificatio è loco totius & partium, ubi non spectatur distributionis natura (hæc enim paulò pòst erit consideranda) sed qualiscunque partium enumeratio.

## Cap. 27. *Usus doctrinae de genere & specie.*

### I. Usus declarationis.

**T**ermini simplices sic habent:

| Genus.     | Species.    |
|------------|-------------|
| Ens.       | Substantia. |
| Animal.    | Homo.       |
| Elementum. | Aër.        |
| Elocutio.  | Tropus.     |

II. Hinc axiomata, ubi tantum una species cum genere disponitur:

- Substantia est ens.
- Homo est animal.
- Aër est elementum.
- Tropus est elocutio.

Hic observa perperam hunc locum confundi cum distributione generis in species. Ibi enim tantum una species cum genere disponitur: at hîc duæ species sunt. Idem de toto & parte judicium esse diximus, quem locum itidem malè confundunt cum distributione integri in membra.

### II. Usus demonstrationis.

I. Genus subjecti erit aptum argumentum ad probandam quæstionem tam affirmantem quam negantem. Ibi syllogismus

erit in Barbara, vel Darii : ut, Visus potest errare. Q. sensus potest errare. Iustitia potest doceri. Q. virtus potest doceri. Hic syllogismus erit in Celarent aut Celare : ut, Iustitia non est extremum. Q. nulla virtus est extremum.

II. Si argumentum erit genus predicati, oportet quæstio sit negans, & syllogismus in Camestres : ut, Deus non afficitur injuriâ. Q. ipsi non potest noceri. Memoria non est virtus. Q. non est habitus.

III. Quia species specialissima ad individua se habet, instar generis, ea qua dicta sunt de genere, quomodo illud possit esse medium, etiam ad speciem specialissimam pertinent.

III. Species subjecti erit argumentum accommodatum ad syllogismos affirmantes & negantes, sed particulares, & in tertiâ figurâ : ut, Aliquod quadrupes non videt. Q. talpa non videt. Aliqua virtus intellectualis versatur circa singularia : ut, Prudentia. At si non una, sed omnes species subjecti fuerint argumentum probans, fiet Inductio, concludens universaliter tam affirmativè quàm negativè : ut, Iustitia, Temperantia &c. versantur in cogendis in ordinem cupiditibus. Virtus moralis est Iustitia, Temperantia &c. Ergo virtus moralis versatur in cogendis in ordinem cupiditibus.

IV. Species predicati erit argumentum aptum, si illud idem, quod est species predicati, fuerit genus subjecti, aut proprium, aut accidens : ut, Pondus est qualitas, Q. est potentia naturalis. Omne animal sentit. Q. omne animal tangit. Conclusio erit affirmans, & syllogismus in Barbara.

### III. Usus amplificationis.

I. *Antithesis.* Infans, Flacci, infans, quando, scribis peccatum originis esse substantiam. Privatio num potest esse substantia? Non-ens privativum, quomodo potest esse ens? Vel concedam tibi, peccatum esse ens, sed privativum. Num ens privativum potest esse ens positivum? Apage istas Milesias. Item : Iustitiam cum virtutem esse concedas, quâ fronte tyrannidem & injustitiam quandam cum Machiavello suscipere posse rationem iustitiæ clamitas? An vitium unquam virtutis naturam induere potest?

Larvam

Larvam potest induere, non naturam virtutis. Mentiri potest virtutem, non exprimere.

II. *Syncretismus*. Anima nostra æquæ est spiritus atq; Angelus. Sed hoc interest. Angelus est spiritus à corpore liber: anima est spiritus societate corporis gaudens; unde & multa patitur à corpore, non naturâ suâ, sed iusti iudicis voluntate. *Inductio hinc est admodum insignis*: Laudantur Alexander Magnus, Julius Cæsar, Octavianus, Tiberius, M. Antoninus, Theodosius Junior, Carolus Magnus, Robertus Neapolitanus, Alphonsus Arragonius, Leo Imp. Constantinus Ducas, Matthias Corvinus Pannoniæ, Franciscus Franciæ reges, Laurentius & Cosmus Medicei Hetruriæ duces, Chosroës Persa, Mahumed Turca, quod literis, necessario prudentiæ adminiculo, & singulari virtutis ornamento, sedederunt. Nullus ergo princeps vituperari potest, sed omnis laudem meretur, qui

*Arte togæ, valet, Marte sagæ, valet.*

In hac inductione non spectatur cōglobatio, sed collatio imparium, quatenus Imperatores, Reges & Principes recensentur. Talis etiam est collectio exemplorum, ubi à majori ad minus proceditur: ut, Abraham iustificatus est fide, pater ille credentium. Ergo & latro in cruce eodem modo iustificatus sit oportet. Cum enim similis sit ratio singularium in unâ specie, ut aliquid mihi de suo largiantur Logici, non video, quare hoc ipsum non sit admittendum. *Est hic etiam talis processus à genere ad speciem*: Omnis vera agnitio & consideratio rerum à Deo conditarum & ordinatarum, est res bona. Nam idèò hominum oculis propositus est ordo rerum in naturâ, ut consideretur, & sit testimonium de Deo. Cum igitur doctrina de motibus cœlestibus sit huiusmodi agnitio rerum à Deo conditarum, & ordinis motuum, injurii sunt in Deum, architectum naturæ, & evertunt primum symboli Apostolici articulum, qui veram Astronomiam culpant & tantum non proscribunt. *Hujus loci est translatio hypothesew ad thesin, id est, speciei ad genus*. Hanc Cicero usque adèò laudat, ut dicat, nihil esse utilius ad amplificandam & ornandam, quam hanc rationem, quâ revocatur causa ab individuo ad speciem, vel à specie ad genus. Vide 3. de orat. Exemplum petatur ex oratione pro Archiâ, in quâ transfertur causa singu-

*Translatio  
thesew ad  
hypothesin,  
& vicissim,  
quæ sit?*

*laris, An Archias poeta sit civis Romanus, ad locum communem de studiis doctrina. Vide etiam lib. i. epist. famil. longam illam epistolam ad Lentulum, ubi tractatur locus communis de Repub. Concionatores quoq; sic procedere debent. Si tractent locum communem, thesin revocabunt ad hypothesin. Si tractent exempla, hypothesin revocabunt ad thesin. Exempli gratiâ: Thesis ad hypothesin, seu genus ad speciem, sic potest revocari: Concedunt omnes sanâ mente præditi, philosophiam homini esse necessariam. Cùm enim sit Dei donum, evehens rationem supra communem vulgi sortem, nemo non videt, illius studium esse laudabile, idemq; utile. Quantum itaq; furor est, Christiano interdicare illius studio, cum primis Theologo? Potestne id, quod homini prodest, obesse Christiano, & cum primis nobili Christiano, qualis est Theologus. Hypothesis ad thesin, seu species ad genus sic potest revocari: Abraham credidit, & imputatum est ei ad justitiam. Quis adeò demens fuerit, ut dicat, duplicem esse viam ad salutem, aliam, quam Abraham instituerit, aliam, quæ nobis sit calcanda? Una est ad salutem via, nempe Christus, in quem qui credit, justus est; & quia justus, utiq; hæres vitæ æternæ. Item: Justitia est laudabilis. Hinc tot ipsius encomia, tot tituli apud varios auctores. Omnis itaq; virtus est laudabilis.*

*III. Conglobatio. Hic inductio plurimorum exemplorum dominatur: ut, Brevis est sententia: Per multas afflictiones oportet ingredi in regnum cælorum: qua hunc in modum amplificatur: Ponite vobis ante oculos unumquemque patriarcharum, prophetarum & Apostolorum. Omnes ad unum in scholâ crucis fuisse versatos & exercitatos cognoscetis: Jacob dies peregrinationis suæ paucos & malos fuisse conqueritur. Job ait: Si appenderetur afflictio mea in staterâ, & calamitates meæ appouerentur, tunc graviore essent, quàm arena maris. David rex ait: Dolor meus coram me est semper. Paulus magnum suarum ærumnarum catalogum texit, 2. Cor. 12. Sed quid ego hæc talia commemoro, cùm Christus Servator per multas passiones intraverit in gloriam suam? Quæ cùm ita sint, manet illud Spiritus sancti oraculum: Per multas afflictiones oportet ingredi in regnum cælorum. Item: Ecclesiæ doctores operam navare de-*

re debent sedulam eloquentiæ, cum id omnibus temporibus fecerint ipsorum antecessores. Quis enim Chrysostomo disertior? Quis Basilio Magno in poliendâ oratione accuratior, in amplificando uberior? Quid Gregorium Nazianzenum hoc loco commemorem? In oratione solutâ Thucydidem imitatus est, cujus singula verba, singulas sententias esse Cicero pronunciavit. Idem in carmine Homerum, fontem illum ingeniorû, sibi imitandum proposuit. Latinos Patres placet ut adducam? Hieronymû, Augustinû, Cyprianû, Hilarium, Bernhardum? Longû foret illorû eloquentiam oculis hîc subjicere. Altius assurgamus, & videamus quomodo in S. literis eloquentiæ artificîû sit expressum: Esaiam, Johannê Baptistam, Jacobum & Johannê filios illos tonitruî; Paulum deniq; Apostolû ab eloquentiâ abhorruisse quis dicat? Horum itaq; vestigiis insitite, pastores populi Dei, & ne spernite à vobis, id quod hodiè nimis quàm familiare est vestri ordinis hominibus, eloquentiam. *Item*: Sunt qui juvenes ad munia & functiones publicas cum fructu admitti posse negant. At aliud infinita testantur exempla, cum primis Salomonis, Pauli, Timothei; quos populi pervicaces, alienigenæ, impii, juvenes audierunt & stupuerunt. Alexander certe, cui à rebus actis & auctis Magni cognomen, juvenis decessit. At jam orbem perdomuerat. Julius Cæsar ea juvenis fecit, quæ nullus unquam senex. Neque hoc volo, dum talia adduco, promiscuè quibuslibet juvenibus committenda esse publica munera. Absit. Contra illos hîc ago, qui omnes omninò juvenes arcent à publicis muneribus. Disputo hîc contra canonem illum Bonifacii Papæ canon. dist. 78. cap. si quis. ubi ait: *Si quis triginta atatis sue annos non impleverit, nullo modo presbyter ordinetur, etiam si valde dignus sit.* Ibi-  
dem cap. presbyter: *Presbyter ante 30. annorum atatem non ordinetur, quamvis sit probabilis vita.* Pertinent huc Sorita, in quibus conjunguntur vocabula ejusdem predicamenti: ut, Homo est animal. Animal est natura sentiens & vivens. Natura sentiens & vivens est substantia. Ergò homo est substantia. *Item*: Fortitudo est virtus. Virtus est habitus.

Habitus est qualitas. Ergò fortitudo  
est qualitas.



*Cap. 28. Usus doctrinae de testimonio  
& testato.*

I. Usus declarationis.

**I**Nter argumenta simplicia communia ultimum est testimonium, cujus applicatio sic habet.

*I. Nota testimonii, sunt 1. Nomina; testis, testimonium, suffragium, suffragator, opinio, iudicium, praeiudicium, censura. 2. Verba: testari, testificari, assentiri, subscribere, succinere, arbitrari, censere, opinari, credere, dicere, affirmare, fateri, confiteri, profiteri, vidisse, audivisse, expertum esse, ajunt, ferunt, perhibent. 3. Phrasae: fama est, rumor est, adijcere atrum vel album calculum, & simpliciter, adijcere calculum, uno ore fateri, suis oculis vidisse.*

*I I. Ad hunc locum pertinent. 1. Singulorum authorum peculiare gnoma, chrie, sententiae illustres. 2. Apophthegmata magnatum. 3. Proverbia vulgi. 4. Lex naturae seu non scripta, & scripta. 5. Consuetudo. 6. Experientia universalis & particularis. 7. Conscientia. 8. Confessio libera, vel vi expressa, vel actu elicit. 9. Obligationes, sponsiones & stipulationes. 10. Juramenta. 11. Pignora, monumenta, libelli, vades, arrhae, praesides, obfides, arma, trophaea, cruentatio cadaverum, mutatio vultus & affectuum, immutatio coloris, variatio pulsus, excitatio sudoris. 12. Chirographa. 13. Miracula, ritus, caeremoniae, & alia signa innumera.*

*I I I. Termini simplices hujus loci sunt ita:*

*Testimonium.*

*Testatum.*

Paulus ad Romanos & Galatas. Justificari fide, sine operibus.

Isaias cap. 7.

Christus nasciturus ex virgine.

Deus promissit.

Abraham pater credentium futurus.

*I V. Hinc axiomata è testimonio & testato disposita.*

Paulus testatur, hominem justificari fide.

Isaias vaticinatus est, Christum è virgine nasciturum.

Deus promissit Abrahamo, ipsum fore patrem credentium.

I I. Usus

## II. Usus demonstrationis.

*I. Tres sunt certitudinis gradus in testimoniis.* Summus in divinis; medius in testimonio conscientiarum, sensuum & experientiarum; infimus in testimoniis humanis. Sic quidam procedunt. Et quidem hæc non pugnant cum iis, quæ lib. 2. diximus de testimonio. Nam primus ille gradus, cujus ibi facta fuit mentio, dividitur in duos, quorum alter est in divinis, alter in naturalibus.

*II. Ex hoc loco ducuntur syllogismi affirmantes & negantes:* ut, Permissa est cuique defensio sui. Q. lex naturæ hoc dicitur. Christus resurrexit. Q. id testantur Evangelistæ & Apostoli. Nullum est purgatoriū. Q. nihil de eo habet Scriptura. Hic nota, testimoniū divinum etiam valere ad negare concludendū in negotio salutis, aliās non. Nec enim valet: Scriptura non dicit esse Americam. E. non est. Alioquin & affirmatē concludimus ē testimonio divino in rebus ad salutem non pertinentibus: ut, Scriptura testatur, 72. familias à Noacho ortas. E. hoc verum est.

## III. Usus amplificationis.

*I. Antithesis.* Quousque tandem ementitū illum Catholicissimum jactabitis Romanenses? Quousque utemini his foris: Sic Ecclesia statuit: Sic Augustinus, sic Bernhardus, sic alii Patres docuerunt: Sic sanctissimus Dominus noster Papa sancivit? Hui Pontificii! Cur vobis sordent hæc formulæ, quibus nos utimur: Deus sic loquitur: Spiritus sanctus sic testatur: Christus sic docet: Prophetæ & Apostoli sic scriptum reliquerunt? Hui Pontificii respondete! Pauculis interrogationibus vos fatigabo. Potestne Ecclesia statuere contra Ecclesiæ authorem? Aut potest Deus contraria loqui, hoc in Scripturis affirmando, illud in Ecclesiā negando? hoc per Prophetas & Apostolos probando, illud per Patres & Pontifices Romanos, Martyres, Canonistas, Summistas, Scholasticos, Monachos, Jesuitas, & similis farinæ homines probando? Pensitate hæc amabò, si ullam micam rationis vel fidei habetis. *Item:* Quotiescunque cupis aliquid laudabile efficere, non imperitam multitudinem testem tui facti exopta; sed hoc age, ut duce Deo, comite Scripturâ, teste conscientia, incipias, continues, absolvas. Hæc est illa trias,

Trias regulativa  
notarum  
actionum.

cui te, cui tua approbare debes. *Item*: Non ex meo cerebro allata hæc est sententia; non eruta è sapientissimorum ethnicorum monumentis; non à vulgo accepta; non Aboriginum seculo nata: sed unà cum primordio mundi & Ecclesiæ nascentis à Deo tradita, in sacrarum originum libro primum consignata, in libris Prophetis & Apostolicis confirmata & repetita. Hanc itaque doctrinam amplectemur, hanc Dei vocem veneremur.

*II. Syncretis fit tribus modis. 1. Figuratur interrogatione*: ut, Nescio quale cacoëthes habeat Pontificis Romani sectatores, qui Scripturæ credunt propter Ecclesiæ testimonium. Hoc nempe est Solis splendorem illustrare radiis Lunæ, quæ tamen nullos nisi à Sole habet radios. Sed enormitatem hujus dogmatis unâ atque alterâ interrogatione ostendam. Quæro igitur abs te, Roberte Bellarmine, annon statuas libros Ciceronis à Cicerone scriptos esse? Quæro abs te porro, quare sic statuas? An quia majores tui dixerunt, hos esse libros Ciceronis? Non opinor. Hæc quidem est occasio, causa non est. Quid enim si majores tui dixissent, mendicabula illa, quæ Ciceronis nomine circumferuntur, esse Ciceronis, an ideò fidem habuisses? Non certè. Quid ergò est, cujus beneficio scripta Ciceronis germana à supposititiis discernis? Character styli. Sicerò habeto; characterem in scriptis divinis divinum, in Ecclesiasticis ecclesiasticum & medium, in philosophicis philosophicum, & merè humanum esse. *2. Opponuntur impari*: ut, Oppono tibi, inquis Antagonista, auctoritatem principis philosophorum Aristotelis. Oppono tibi, inquam ego, auctoritatem Pauli Apostoli. *Item*: Mirificè tibi places in illo Aristotelis testimonio. Non igitur mihi vitio dabis, quòd testimonium Spiritus sancti pro me allego. *Item*: Accommodate aures & animos, non mihi, sed Deo sic loquenti in verbo suo. *Item*: Non mea sunt, sed Pauli, sed Spiritus sancti, quæ adduco. *3. Increpatio admiscetur*: ut, Egregiam verò tuam orationem, & homine Christiano dignam! Sententiæ tuæ firmandæ congesisti innumera ex Homero. Patronos illius laudasti Platonem, Aristotelem, Cicero-nem, & sexcentos alios ethnicos in theatrum prodixisti. Non equidem culpo, quòd meliores ethnicorum adduxisti.

Hoc

Character  
scriptionū  
est varius.

Hoc enim modo deteriores illi Christianorum confunduntur maximè. Sed quòd ab iis duntaxat petiisti vestem & purpuram, ut cum Comico loquar, orationis tuæ, sacris libris præteritis, hoc est quod culpo, & vehementer culpo.

III. Conglobatio fit duob. modis. 1. Testimonia ponuntur absq; intervallis, ita ut unum sequatur alierum continuè: ut, Resurrectionem mortuorum fore testatur Job cap. 19. testatur Esaias. cap. 26. testatur Ezechiel cap. 37. testatur Daniel. cap. 12. testatur Paulus. 1. Corinth. 15. Item: Desideratis hujus rei exempla? Vultis testimonia? Expatiamini mecum in horum SS. literarum. Primo loco occurrit Moses, divinus ille historicus, qui hunc in modum scribit &c. Huic adjungit se chorus sanctissimorum Prophetarum. Hic quem priore, quem posteriore loco statuam, vix est ut sciam. Primus tamen sit Esaias. Illius concio sic habet: &c. Neq; verò Christus aliter docuit. Sic enim ille &c. Idem docuerunt Apostoli. Nam Paulus &c. Item: Sed quid ego meis verbis hæc diffusè persequor! Quin potius veterum hæc de re sententiam recito. Adsis igitur Hermes Trismegiste, & tuam de cælo sententiam tuis verbis, meo ore huic amplissimo confessui ediffere. Accede Pythagora, & tuam mentem explica. &c. Item: Videatur fortè alicui nova hæc sententia. Sed ne videatur. Nam jam olim Academia Platonis, Lycæum Aristotelis, Stoa Zenonis, omnes deniq; Scholæ unanimi consensu hanc sententiam comprobârunt. Sic enim Plato scriptum reliquit &c. Hæc sunt verba Aristotelis &c. Item: Si dubitatis hæc de re, consultum ite Prophetas & Apostolos. Quærite ex Esaiâ &c. Porro Paulum interrogate &c. Item: Utinam existat nunc in hoc cœtu Doctor ille gentium Paulus, vel potius ipse Christus! Quanquam quid est, quòd illorum opto præsentiam, qui reverâ nobis adsunt in scriptis suis: Hæc igitur eo loco habeamus, quo loco subditi habent diplomata principum suorum. Item: Nunc videamus, si placet, fundamenta hujus nostræ sententiæ. Principiò quæro abs te vir Dei Moses, quid &c. Quid eâdem super re Paulus? Annon confirmat sententiam Moïsi? Item: Largire mihi aliquid de tuo Aristoteles &c. Item: Ut mihi aliquid de suo largiantur Physici. Hæc formula *ναγεωδῆταις* inferenda. Item: Ciceronis verbis loquor. Item: Ex ore Christi sic habete.

*Item* : Sunt verba Pauli. 2. *Testimonia ponuntur per intervalla, ita ut singulis addatur expositio* : ut, Audite, adversarii, Paulum hâc de re disferentem. Sic ille *Rom. 3. v. 28.* Colligimus igitur, fide justificari hominem absq; operibus Legis. Quæ quidem verba tam clara sunt, ut glossarum tenebris obscurari non possint. Dicit enim &c. Sed dicitis, hunc locum solum habetis, quem toties nobis objicitis. Dicam ego: Blasphemia hæc est. Interim videamus, annon alibi Scriptura hoc idem tradat. Quomodo legitis *Gen. 15. v. 6. &c.*

*Cap. 29. Usus doctrinæ de prædicamentis.*

**S**equitur applicatio argumenti incomplexi proprii, quod diximus prædicamentum; ubi similiter expendemus usum declarationis, demonstrationis & amplificationis.

**I. Usus declarationis.**

*I. Termini simplices hîc oriuntur è variâ relatione, quæ est inter substantiam & substantiam, substantiam & accidens, itemq; accidens & accidens. e. g.*

|                |                 |
|----------------|-----------------|
| 1. Substantia. | Substantia.     |
| Deus.          | Homo.           |
| Homo.          | Petrus.         |
| 2. Substantia. | Quantitas.      |
| Arbor.         | Longitudo.      |
| Substantia.    | Qualitas.       |
| Oculus.        | Lux.            |
| Lignum.        | Testudo.        |
| Substantia.    | Actio.          |
| Homo.          | Disputatio.     |
| Magnes.        | Trahere ferrum. |
| Substantia.    | Passio.         |
| Homo.          | Morbus.         |
| Homo.          | Institui.       |
| 3. Actio.      | Passio.         |
| Docere.        | Doceri.         |

Regere.

Regere.  
Qualitas.  
Lux.

Regi.  
Qualitas.  
Color.

II. Hinc axiomata è predicamentis inter se collatis:

Deus non est homo.

Petrus est homo.

Arbor est longa.

Lux afficit oculum.

Regere præstantius est quàm regi.

III. Singularis hic indicanda est utilitas predicamentorum, quòd nimirum ordo ipsorum gignat peculiarem methodi doctrinam, quæ ad maximarum rerum explicationem accommodata est, quam Raimundus in Rhetoricis & Philippus in Dialecticis commonstrarunt. Possunt enim prædicamenta applicari ad omnia causarum genera, demonstrativum, deliberativum, & judiciale. Sic Platonem laudamus

Singularis  
utilitas præ-  
dicamento-  
rum.

è prædicamento {

- Substantia*: ut à materiâ & formâ.
- Quantitatis*: ut à staturâ, humeris latis & præcordiis magnis.
- Qualitatis*: ut, à sapientiâ.
- Actionis*: cùm recensemus ipsius opera.
- Passionis*: cùm laudamus eum à patientiâ & laborum tolerantiam.
- Relationis*: cùm laudamus ejus disciplinam & discipulos.
- Ubi*: ut, à patriâ, peregrinationibus in Siciliam.
- Quando*: ut, à tempore & ætate mundi quâ claruit.
- Situs*: ut, à symmetriâ membrorum.
- Habitus*: ut, à vestibus.

*Aliud exemplum.*

Epatis {

- Substantia*: est sanguinea, similis coagulato sanguini.
- Quantitas*: est similis lunæ corniculatæ.
- Qualitas*: temperamentum est calidum & humidum, conveniens naturæ sanguinis, & elixationi, ad quam requiritur calor & humor.

Hanc methodū Melanchthon vocat anatomicam.



*Actio*; gignit humores, & transmittit singulos ad vasa & receptacula convenientia: ut, bilis flava magnâ ex parte transmittitur ad vesiculam felle: bilis atra ad splenem: serosa humiditas ad renes & vesicam: sanguis admixtus reliquis humoribus servatâ proportionem conveniente nutritioni, per cavam venam primûm vehitur ad cor, ac postea spargitur in totum corpus.

*Passio*; hydrops, scirrhus, inflammatio, obstructio. *Relatio*; est officina sanguinis, quo nutritur totum corpus. Nam ex epate prodit vena cava, quæ postea in alios ramos ascendentes & descendentes dividitur, ut omnibus membris per venas distribuatur sanguis. Atque sic epar refertur ad totum corpus.

*Ubi*; est sub diaphragmate in infimo ventre.

*Situs*; est situm in dextro hypochondrio.

*Aliud exemplum.*

*Substantia*; est quintæ essentia, quæ in S. appellatur lux. Ex hac materiâ conditus est Sol.

*Quantitas*; superat magnitudinem terræ sexagesies sexies cum trib. octavis.

*Qualitas*; Sol est fons vitalis potentia, sicut Luna est fons naturalis potentia. Vitalis potentia est calor vivificus. Naturalis potentia dicitur humor.

*Actio*; Sol efficit diem; item quatuor vicissitudines seu quadrantes anni; metitur annum. Sicut Luna est gubernatrix mensium: ita Sol est moderator anni.

*Passio*; Eclipsis, parallaxis, id est, aberratio visus à vero Solis loco, & varii aspectus ad reliquos planetas.

*Relatio*; est *ἡγεμονία*, dux chori cælestis, i. e. moderator reliquorum luminum. Nam omnes reliqui planetæ suos motus accommodant ad motum Solis.

*Ubi*; est in medio planetarum tanquam Rex.

*Quando*; motum periodicum absolvit diebus 365. horis 5. minutis 55. scrupulis secundis 12.

Possunt

n Centies

Solis

Po  
num  
quân  
& fu  
fint  
mali  
elle.

I V

quas  
comm

verbi  
&c. in  
non  
cogit  
to su  
came

V

Vide

L

quæ

la: H

est su

boru

mori

est q

deno

Q no

est p

passio

one.

non o

scere

dicam

rum

vel hi

came

II.

Possunt tamen hæc meliùs proponi in modum quæstionum: ut, de Ecclesiâ quæres juxta hanc seriem, quid sit, quàm latè pateat, qualis sit, quid agat, quid patiatur, ubi sit & fuerit semper, quamdiu mansura sit &c. De angelis, quid sint, quotuplices, quid agant & patiantur tum boni tum mali, ubi sint boni & mali, quando cœperint esse & tales esse.

IV. Est & hac utilitas prædicamentorum, ut, mens in quæstionis simplicis causis, effectis, subjectis &c. argumentis communibus perlustrat prædicamenta. Sic si de ministerio verbi sit dicendum, inquire quas causas habeat, quæ effecta &c. in tabellâ substantiæ, quantitatis, qualitatis &c. invenies non contemnenda, de quib. sine hâc directione nunquam cogitaturus fuisses: ut causæ ministerii verbi è prædicamento substantiæ sunt Deus, Christus, sancti homines; è prædicamento quantitatis est oratio divinitus enunciata &c.

V. Serviunt prædicamenta constituendis definitionibus. Vide plura in theatro nostro pag. 83.

## II. Usus demonstrationis.

I. Usus demonstrationis quis sit, facilè colliges ex iis quæ diximus *ad lib. 7. cap. 20.* Exempla adducamus paucula: Homo habet accidentia. Q. est substantia creata. Homo est substantia creata. Quia præditus est accidentibus. Verborum pronuntiatorum nulla est efficacia ad sanandos morbos. Q. quantitatis nulla est vis. Logica est habitus. Q. est qualitas. Testudo est in prædicamento qualitatis. Q. sic denominatur à figurâ. Peccatum originis non est substantia. Q. non subsistit per se. Discere non est adversum naturæ. Q. est passio perfectiva. Morbus est adversus naturæ. Q. est passio destructiva. Contemplatio est nobilior architectatione. Q. actio immanens est nobilior transeunte. Paternitas non componit. Q. est relatio. Ad summam: Oportet cognoscere proprietates & regulas pertinentes ad quodcunq; prædicamentum, quæ sunt fundamentum veritatis syllogismorum ductorum ex prædicamentis, & summa *extrema*. Et vel hinc patet, quàm necessaria sit in Logicis hæc de prædicamentis doctrina.

II. In tractatione quæstionis conjuncta non solum causæ,

effecta &c. argumenta communia exquirenda sunt ratione  
 subjecti & prædicati, sed inventa sunt applicanda certis præ-  
 dicamentis. e. g. An mundus est æternus? N. argumento  
 ducto à partibus mundi. Quia partes non sunt æternæ:  
 Hoc argumentum transfer in tabellam substantiæ, & mi-  
 rum in modum te juvari senties. Sic: An Logica docet mo-  
 dum dislerendi de omni re? A. argumento ducto à distribu-  
 tione prædicati. Q. docet nos dislerere de omni ente & non-  
 ente. Jam ingredi tabulas prædicamentales, & entis di-  
 visiones percurrere, ubi egregia invenies hanc ad rem perti-  
 nentia. Et hinc patet, quomodo prædicamenta restringant  
 argumenta generalia.

### III. Usus amplificationis.

#### PRÆDICAMENTUM SUBSTANTIÆ.

I. *Antithesis.* Illustre exemplum est Esa. 51. ubi instituitur  
 antithesis rerum humanarum & divinarum. Item: Perpen-  
 de, ô homo, tuam excellentiam præ reliquis creaturis, ut ita  
 exciteris tum ad Deum laudandum, tum ad officium tuum  
 alacriter faciendum. Deus creavit te animal ratione prædi-  
 tum, cùm potuisset te bestiam abjectissimam creare, aut  
 plantam, aut lapidem, aut stellam. Hæc tibi serviunt, ut tu  
 servias conditori. Item: Non cernimus substantiam arboris  
aut lapidis, aut alterius cujuscunq; rei: sed accidentia, colo-  
res, magnitudinem, figuram utrunq; aspiciamus. Verè de no-  
 bis dici potest, quod Vergilius de Æneâ contemplantes res  
 Romanas in clypeo sculptas canit:

*Miratur, rerumq; ignarus imagine gaudet.*

Sumus enim & nos ignari substantiarum, & contenti esse  
 cogimur accidentium inspectione, ex quibus tamen rati-  
 ocinando colligimus, quales sint ipsæ substantiæ. Quanquã  
 animam hominis non vides; tamen ex actionibus mirandis,  
 quas efficit in corpore humano, ipsius vim & excellentiam  
 agnoscis. Eodem modo substantiæ aliarum rerum non in-  
 currunt in sensus: sed vestitiæ & ornata accidentibus.

II. *Syncrismus.* Formica æquè est substantia atque cœ-  
 lum: imò nobilior est substantia. Cœlum enim solummo-  
 dò est corpus simplex. Formica est corpus animatum sen-  
 tiens. Item: Homo reverà est microcosmus. Est enim sub-

stantia

stantia partim incorporea, partim corporea. Quatenus est incorporea substantia, accedit ad Deum & Angelos, animâ & mente suâ. Corpore accedit ad cœlum, elementa, & omnia ex elementis composita. Cœlum in homine est caput. Ignis est calor & cholera. Aër est Spiritus. Aqua est sanguis. Terra est caro. Meteora in ipsius corpore sunt multa, ut vapores & exhalationes. Videas in ipso ventos, fulmina, pluvias, rorem, & alia multa. Vivit, ut planta. Sentit ut animal. Et quis omnia recenseat? *Item:* Sicut tres sunt gradus spiritualis substantiæ, Deus, Angelus, & Anima: sic tres sunt gradus corporum simplicium, videlicet, cœlum, stellæ, & elementa. Et rursus sicut tres sunt gradus corporum simplicium: ita tres quoque sunt gradus corporum perfectè mixtorum. Alia enim sunt mineralia; alia vegetabilia; alia animalia. Et hoc est triplex illud regnum mundi inferioris.

Mirabilis  
trias ter ge-  
mina sub-  
stantiarum.

III. Conglobatio. Si amplificanda sint illa axiomata: Deus omnia fecit, valde bona: Omnes creatura huc colligunt, ut Deus glorificetur: Nulla creatura potest nobis summum bonum suppeditare: Omnes creatura indigent auxilio divino: ex arbore substantia optima amplificatio peti potest. Dici non potest, quantum jucunditatis habeat, sic ire per singulas naturæ partes. Exempla illustria vide Job 28. 36. 37. 38. 39. 40. 41. capp. & hinc inde in Psalmis. Exemplum unicum apponemus: Adeste Epicurei, contemtores numinis, & juxta mecum legite magnum illud volumen, quod observatur ante oculos omnium. Primò evolvamus supremam hujus libri paginam cœlum. Occurrunt ibi orbes distincti, motus admirabili lege & ordine variati, stellæ multæ & illustres, lumen pulcherrimum, & alia, quæ nullius hominis lingua assequi potest dicendo. Hæc eructant Dei sapientiam, bonitatē, & omnipotentiam. A se non potuit existere hæc stupenda machina. Ab alio igitur. Et hunc necesse est infinitū, independentē & increatum esse. Nam à finito, dependente, & creato ente ista, quæ modò dixi, quæq; quotidie videtis ipsi, nec produci, nec gubernari possunt. Quid dicemus de elementis? Singula sedes suas obtinent, & in gremio suo continēt soventq; incolas suos. Ex iis, tanq̃ divinâ favissâ, nobis nascuntur omnis generis opes & veluti fœt<sup>9</sup> eruunt, obste-

Liber natu-  
ræ quomo-  
do evolgen-  
dus?

tricante cœlo. Num hæc casu fiunt? Perpendite meteora, cometas, trabes, faces, virgas, iridem, ventos, terræ motus, nubes, nebulas, pluviam, nivem, grandinem, tonitrua, fulmina, fulgetra, procellas. Omnipotentiam numinis si nondum videtis, inferiores estis ipsis bestiis, quæ percelluntur & trepidant, quando Deus fulmina sua disjicit. Et vos Deum esse negatis? Nihil jam dicam de metallis, de gemmis, de lapidibus, de fossilibus; nihil de plantis & arboribus. Latere patiar innumerabiles bestias. Vestra vos corpora intueri jubebo. Habetis hic domesticam bibliothecam, si spectetis ortum membrorum, si multitudinem, usum, & connexionem illorum. Ortus ipsorum mirabilis est. Nam ex parvulâ sanguinis guttulâ formata sunt. Adeò multa sunt, ut artifices penè defatigentur ipsorum enumeratione. Usum singula habent talem, ut una Troja ædificetur à variis operariis, ut ita dicam. Connexionem admirandam quis explicet? Sed præstat hic tacere, quàm pauca & ea incondita dicere, ut ne dignitati materiæ aliquid decedat per indignitatem maceriæ, quæ est stylus.

Hominis  
bibliotheca  
domestica,  
quam sem-  
per circum-  
fert.

#### PRÆDICAMENTUM QUANTITATIS.

I. *Antithesis*. Ridiculum est Mathematica dicta intelligere Physicè. Sunt enim diversa genera disciplinarum, Physicum & Mathematicum: Mathematica linea, superficies & corpus, cogitatione abstrahuntur à materiâ. Physicus talia non considerat, sed ipsa entia in oculos incurrentia. *Talis est antithesis illa jocosa*: Non numeratur nuntio pretium pro latitudine, sed tantum pro longitudine itineris. *Item*: Datur quidè quadratura circuli, sed nõ exacta. Nam artifices nondum deprehenderunt præcisam & absolutam proportionem lineæ curvæ ad rectam. *Item*: Cælum est major substantia quàm terra, sed non est magis substantia. *Item*: Mathematici magnitudinem cœli corporumque cœlestium, & terræ investigarunt: at Dei misericordia est ἀπέστη & ἡ ἀνὰ εἶδοντ.

II. *Syncrismus*. Fluit tempus, & avidissimos sui deserit, nec quod præterit meum est, nec quod futurum est. In puncto fugientis temporis pendeo, & magni est modicum fuisset. *Senec. in 6. quæst. nat. Sic Plin. lib. 2. cap. 68.* In puncto si quis velit

velit choreas ducere, numquid insaniet? At verò terra ad universum mundum quid? Mundi punctus. Hæ tot portiones terræ, imò verò ut plures tradidere, mundi punctus (neque enim terra aliud in universo) hæc materia gloriæ nostræ, hæc sedes: hîc honores gerimus: hîc exercemus imperia: hîc opes cupimus: hîc tumultuatur genus humanum: hîc instauramus bella, etiam civilia, mutuisque cædibus latiorē facimus terram. *Huc pertinent varia similitudines ex hoc predicamento petita.* Sic Medici figuram pyramidalem coni attribuant cordi humano. Philosophia confertur cum circulo, unde vocatur *ἐγκυκλοπαγεία*, & eodem sensu *κυκλοπειδής*, quasi dicat, circulum disciplinarum. Trismegistus Deum quoque comparat circulo. Theologia dicitur *κυκλοειδής*, quia ab æternis incipit, & terminatur ad æterna. Simonides & Plato virum constantem & sui similem in rebus secundis & adversis vocant *πετράγωνον*: Difficile est, inquiunt, nasci virum verè bonum, qui manibus, pedibus, & mente sit *πετράγωνος*. Talis *πετράγωνος* fuit Joseph in carcere & in statu florenti. Talis quoque fuit Marcus Antoninus Imperator, de quo scribit Dion, quòd semper fuerit sibi ipsi similis, nec ullâ in re mutatus sit. Plato dixit Deum *ἀεί γεωμετρεῖν*. Multa quoque arcana latent in doctrinâ de numeris.

III. Conglobatio. Magnitudo corporum cælestium, terra item & aqua conglobari debet, ad Dei majestatem extollendam: ut, Certum est multas stellas multis modis esse terrâ majores. Solis magnitudo centies sexagies sexies superat magnitudinem terræ. Hujusmodi stellæ multæ sunt. Quòd si stellæ sunt tantæ, quid dicemus de ipso cælo, quod illas veluti gestat. Exclamemus itaque, Major his omnibus est architectus, Deus laudandus in secula. *Item:* Deus est optimus Arithmeticus, & Geometra, ut dixit pia antiquitas. Nam ille omnia disposuit atque dispensavit in numero, pondere, & mensurâ. Ille numerat multitudinem stellarum, & omnes suis nominibus vocat. Magnus est Dominus noster, & magna virtus ejus, & sapientia ejus non est numerus. Ipse numerat lacrymas piorum. Ipse numerat capillos capitis nostri.

Sap. II.

Psal. 147.

Matth. 10.



## PRÆDICAMENTUM QUALITATIS.

Controver-  
sia nobilis  
inter Aca-  
demiā &  
Lycēum.

Duo vitia  
admodum  
noxia.

Ethica dili-

I. *Antithesis hic est varia. 1. Habituū.* De naturalibus notitiis magna est inter Platonicos & Peripateticos contentio. Nam Plato docet, non omnia, quæ scimus, comparari discendo, sed multa nobiscum nasci, & à naturâ nobis insita & quasi insculpta esse. Contra hanc sententiam Platoniam Aristoteles disputat in Analyticis posterioribus, & in libris de animâ: Nullam esse in intellectu humano notitiam naturalem, sed omnia transfundi in intellectum docendo & discendo. Sententia Platonica congruit cum Paulo Roman. 1. & 2. & 1. Cor. 11. Vera igitur, & proinde in Scholis Christianorum defendenda. *Item:* Christiani pugnant non pro opinionibus, sed pro articulis, quorum certissima sunt fundamenta. Neque ita addicti sunt suis imaginationibus anteceptis, ut eas cum errore velint anteponere veritati. *Item:* Candor approbat aliorum sententias & voluntates propter rationem probabilem, ac benè sperat, sed ut de rebus mutabilib. cogitans possit mutari hominum voluntates, & homines possit errare de alienâ voluntate, cum latebræ humani cordis penitus perspicere nequeant. Quàm rara est hæc virtus hoc nostro tempore? Ab unâ parte ipsam oppugnat stulta credulitas, ab alterâ suspicacitas. Stulta credulitas nititur hominum sententiis, & benevolentiam, non aliter quàm immotis demonstrationibus. At nihil est stultius, quàm ex arenâ facere rupem immotam, ex cerâ adamantem. Hoc autem faciunt illi creduli, illa mancipia & serva pecora, dum de re maximè mobili cogitant, tanquam de re firmissimâ & immobili. Debebant cogitare illud Platonis: φίλον ἐστὶ ζῶον τῇ φύσει ἀμετάβολον. Suspiciacitas est notitia incerta, in quam ferimur sine probabili ratione, ut magis in deteriorem partem inclinemus, nec suspendamus asseverationem. Hæc floret & dominatur non solum in aulis, sed etiam inter privatos homines. Estque vel præcipua causa odiorum, æmulationum, simultatum. De hac veteres eleganter dixerunt: Suspicioni securis est adhibenda. Eodem modo virtutes & vitia alia possunt opponi ex hoc prædicamento. Opponuntur etiam virtutes ethicorum & Christianorum: ut, Ethica quàm diligentissime nobis est cognoscenda. Hæc enim doctrina est ποὺδὲν ἀπὸ τῆς φύσεως

τῆς φύσεως

τὸ θεογνωστὸν, testimonium de Deo multiplex, testificans quòd sit Deus, & qualis sit, & quòd iudicaturus sit. Hæc doctrina est etiam regula vitæ, normaq; consiliorum & actionum nostrarum. Est præterea fons veræ eloquentiæ. Nullam enim possumus scribere epistolam aut orationem, nisi verba tingantur sententiis Ethicis, & subinde adspargantur loci sumti ex hâc doctrinâ. Adhæc doctrina Ethica est gubernatrix lectionis omnium poëtarum, historicorum, & oratorum, quorum scripta sunt referta sententiis & locis communibus Ethicis. Sed ita cognoscenda est, ut cogitemus duplices esse virtutes. Aliæ sunt propriæ Ecclesiæ Dei, aliæ sunt communes cum ethnicis hominibus. Propriæ sunt virtutes primæ tabulæ, vera agnitio Dei, verus Dei timor, vera fides, vera invocatio. Virtutes Ecclesiæ communes cum hominibus ethnicis sunt illæ, de quibus agit secunda tabula. Sic castitas non tantum est in Josèpho, sed etiam in Scipione. Justitia est in Davide & Aristide. Differunt tamen hæ ipsæ virtutes in renatis & non renatis. In illis sunt fructus fidei. In istis sunt fructus legis naturæ. In illis placent Deo ad salutem. In istis placent Deo ut sint inexcusabiles. Hoc discrimen oportet observare eum, qui velit in doctrinâ morali cum fructu versari. 2. *Potentia & impotentia naturalis est oppositio.* Σοφῶν sunt semina plurimarum virtutum, sunt opera Dei, sunt res in naturâ ordinatæ, ut conserventur status vitæ humanæ, referunt denique misericordiam Dei Patris nostri cœlestis. Hinc cogitare licet, quàm dira & tetra depravatio sit in Diabolis, qui abjecerunt σοφίας, & in multis hominibus, qui hoc naturali amore & vinculo consociationis extincto, bellum gerūt cum Deo, & cum naturâ generis humani, imò secum ipsis. Tales ἀσοφῶν fuerunt Cain, interficiens Abelem fratrem suum; Medea, quæ filios suos interfecit; & Nero, qui matrem iussit dissecari, & Senecam præceptorem natum annos 114. iussit includi in balneū, & ibi caloris vi & humorum copiâ suffocari. Hæc sunt opera Diaboli. 3. *Opponuntur objecta sensuum & affectus:* ut, Pythagoras dixit esse sonitus quosdam harmonicos in cœlestibus corporibus. Hoc non est sic intelligendum, quasi quidam concentus Musicus

genter cognoscenda ob quatuor causas.

σοφῶν  
quales &  
quàm mirabiles.

efficiatur motibus corporum cœlestium. Non adeò stupidus fuit divinus Plato. Admirabilem illam congruentiam motuum cœlestium significare voluit, quæ est omni Musicâ jucundior. *Item:* Lætitia & spes sunt dulcissimæ nutriculæ vitæ. At tristitia & metus sunt duo tortores & carnifices, quibus utitur Deus ad nos castigandos & flagellandos propter peccata. Fugiamus itaq; peccata contra conscientiam, quæ horribiliter lacerant cor, eique perpetuam trepidationem adferunt, de quâ dixit Seneca: Etsi fortuna aliquos liberat pœnâ, tamen neminem potest liberare metu. 4. *Figurarum:* Terra non est quadrata, non cylindracea, non pyramidalis: sed globosa, similis pilæ.

II. *Syncretisis.* Horatius comparat inter se naturam & institutionem seu artem hoc modo:

*Naturâ fieret carmen laudabile, an arte,  
Quasitum est. Ego nec studium sine divite venâ  
Nec rude quid prosit video ingenium, alterius sic  
Altera poscit opem res, & conjurat amicè.*

*Hoc est quod Cicero dicit pro Archiâ:* Cùm ad eximiam atq; illustrem naturam accesserit ratio quædam conformatioq; doctrinæ, tum illud nescio quid præclarum ac insigne solet existere. *Item:* Etsi in omnibus sanis hominibus sunt *symploai*: tamen in sanctis sunt ardentiores & puriores, quia reguntur à Spiritu Dei, qui non est destructor naturæ, sed medicus, ut Lutherus ait. Nam is non delet, non destruit ea quæ sunt in naturâ: sed sanat & evehit. *Item:* Si parentum amor in filios est magnus, quid dicemus de amore Dei erga electos? Adeò dilexit illos, ut ipsis dederit Filium suum unigenitum. Sicut autem amor potius descendit, quàm ascendit: ita & hic non est *avréws*, amor reciprocus, si nos spectemus, æquè vehemens & ardens. *Item:* Apud Platonem de Republ. quidam senex ait: Cui adest bona spes, is habet dulcem nutriculam senectutis. Hoc ethnicus ille pronunciavit de spe illâ inani, quâ se consolati sunt philosophi. Nos longè rectiùs usurpabimus de illâ spe, de quâ *Job 19. Roman. 8. & 8. Galat. 3.* quâ certò scimus Deum nos glorificaturum esse, & ornaturum novâ luce, sapientiâ, justitiâ, vitâ & lætitiâ inenarrabili & sempiternâ. Hæc spes est præcipua consolatio, quæ lenit omnes hujus vitæ dif-

Consolatio  
philosophi-  
ca differt à  
Christianâ.

vitz difficultates & miseriae, & est implicata omnibus aliis consolationibus. Si igitur volumus in Deo vivere in hoc brevi curriculo & post hanc vitam, audiamus vocem Evangelii, quæ excitat lætitiā & spem in nostris cordibus. *Item*: Visus principale objectum est lux, minùs principale est color. Eodem fermè modo se habet objectum fidei. Principale est Christus mediator. Minùs principale objectum sunt bona corpori necessaria. Sicut enim sine luce non possumus discernere colores; ideoque etsi lucem expressè non nominas, tamen quoties de dijudicatione colorum fit mentio, intelligis præsupponi lucem: sic non possumus petere à Deo panem quotidianum, nisi prælucente fide in Christo fundatâ.

III. *Conglobatio*. Veri philosophi nomen meretur, in quo sapientia, scientia, prudentia, ars, & domina istarum notitia principiorum arcto quodam federe inter se copulatæ sunt. *Item*: Qui volet in studiis suis feliciter progredi, is ordine discat præcepta; & non modò discernat verà à falsis, sed etiam certa ab incertis. Tum se exerceat. Nam exercitatio omnium magistrorum præcepta superat. Hæc non tantum accipit aliena dictata & scripta, sed etiam conatur aliquid ex se gignere, & ab aliis tradita, lecta, audita in suum succum convertit. Inprimis autem cogitandum est de utilitate doctrinarum in vitâ communi. Hoc modo Logicam, Physicam, Ethicam, & similes disciplinas facillimè discant ii, qui bonitatem ingenii & diligentiam adferunt ad ea, quæ modò expressimus. *Potentia naturales, quæ sunt in homine, conglobantur, ut ille excitetur ad Deum laudandum*: ut, Deus singulis membris assignavit certa veluti munia. Hinc alia cibum attrahunt, alia attractum retinent, alia alterant, alia distribuunt, alia sordes expellunt. Nisi Deus has facultates in nostris corporibus conservaret, aut cibum fastidio quodam repelleremus, aut assumptum non retineremus, aut retentum non alteraremus, aut deniq; sequerentur tales obstructions, ut non possemus liberari à sordibus. Nihil jam dicam de motu cerebri & cordis, deque facultatibus aliorum membrorum. Duntaxat illa attigi, quæ incurrunt manifestè in sensus, ut Deo gratias agamus pro beneficiis hisce, eundemq; ro-

Matth. 4.

Στοργή de-  
scripta.Sex gradus  
sympathiæ  
& antipa-  
thiæ.

gemus ut illas facultates nobis conservet, semper memores illius: Non solo pane vivit homo, sed quolibet verbo, quod egreditur ex ore Dei. Si ille baculum pani, & vim membris subtrahat, anima nostra habitat in malo & ruinoso domicilio. *Item:* Στοργή est mirificus quidam amor erga cognatum sanguinem, non accensus consuetudine, sed naturale incendium est, quod Deus in intimo sinu cordium flagrare voluit, ut esset vinculum humanæ societatis, & commonefactio de suo amore erga filium & erga nos. Hoc incendium, hic ignis conspicitur inter parentes & natos, inter fratres, inter veros conjuges, & denique erga patriam. Amor ille erga sobolem ex timidis facit audaces, & ex ignavis sedulos, & ex edacibus frugales. Hinc asinus, animal timidum, ignavum & miserum, tanto amore complectitur pullos, ut animadvertens pullum aliquem periclitari, non dubitet per medias flammās penetrare, easque corpore suo dividere, ut pullum redimat. Fratrum quoque amor, quem Græci φιλαδελφίαν vocant, est permagnus, adeo quidem, ut sanguis incalescat & commoveatur, si frater videat fratri inferri injuriam. Amor inter conjuges est arctissimus, unde & CHRISTUS cum illo confert suum amorem, quo complexus fuit Ecclesiam. Amoris denique erga patriam quanta sit vis testantur monumenta ethnicorum. Atque hæ περιαι sunt imago amoris quo DEUS nos complectitur, quo item nos completi debemus fratres nostros συσσίμους in corpore Christi; item illius, quo Christus sponsam suam Ecclesiam fovet, quoque nos illum prosequi debemus: & denique illius, qui debetur patriæ cœlesti. *Item:* Sex sunt gradus naturalium amicitiarum & inimicitiarum, quas Græci vocant συμπάθειας ἢ ἀνίπαθειας. Primus est plantarum & membrorum corporis humani: ut scœniculum oculis medetur. Secundus est plantarum inter sese, ut oleæ & vitis. Tanta enim est illarum συμπάθεια, ut altera alteri insita, vel vitis oleæ, vel olea viti, altero anno gignat utriusque fructus, uvas & olivas. Tertius est membrorum corporis humani, ut venarum & arteriarum. Nam venæ suppeditant spiritui materiam, spiritus verò in arteriis calore suo foveat sanguinem. Ideoque mutua sunt officia, ut spiri-

ut spiritus ceu flammula rapiat nutrimentum ex venis, & venæ spiritum & calorem ex arteriis. Quartus est bestiarum & plantarum. Ita serpentes quærent scæniculum propter oculos; hirundines chelidonium, propter eandem causam; asini asplenum, ut pellant è corpore redundantem bilem atram. Quintus bestiarum inter sese: ut aquilæ & cygni naturale disfidium est. Sextus gemmarum & metallorum: ut adamas impedit magnetem, ne possit trahere ferrum. Hos gradus utile est subinde repetere, ut admiremur opificis omnisapientiam & omnipotentiam.

## PRÆDICAMENTUM ACTIONIS.

I. *Antithesis.* Veri JCti sunt, qui, ut de Sulpitio refert Veri JCti Cicero, ad æquitatem facilitatemque omnia referunt, & qui sunt? tollere controversias malunt quàm constituere. Et plane in hunc usum apud innocentius seculum parati fuerunt JCti, ut lites quàm citissimè prudentiâ suâ dirimerent ac finirent. At hodie maximam partem sunt contortores legum, ferentes lites ex litibus, deglubentes suos clientes, depeculantes Remp. ludificantes judicia. *Opponuntur sape generatio & corruptio, accretio & deminutio, itemq; actiones Dei & creaturarum.*

II. *Syncretis.* Veteres ante Christum obtulerunt Deo multa sacrificia. Nos offeramus ipsi sacrificia illa, quibus maximè delectatur, cordium videlicet & labiorum. *Item:* Nulla naturæ pars ad otium & quietem est condita: sed omnia nascuntur ad aliquem finem & actionem. Corpora cœlestia assidue moventur, motu harmonico. Terra etsi non movetur localiter, alios tamen habet motus. Producit fruges, suppeditat victum & remedia, & instrumenta necessaria vitæ hominum & animantium. De reliquis creaturis idem est iudicium. Deus quoque, merus ille actus, semper aliquid agit: unde Christus, Pater meus adhuc operatur, & ego operor. Hæc subinde revolvamus animis nostris, & nostri quid sit officii discamus. Sumus creaturæ præstantissimæ. Non igitur ad otium Deus nos condidit, sed ad agnitionem & celebrationem sui. *Sic inter se conferes actiones politici magistratus & ministrorum verbis, administrationem familia & subditorum.* Johan 8.



III. *Conglobatio.* Deus mundum creavit, eundem conservat & gubernat, adest toti suo opificio, sustentat cœlum & motus cœlestes, fecundat terram, impertit vitam viventibus, curat & servat genus humanum, custodit politicam societatem, punit atrocia scelera, & injustè pressos liberat. *Eodem modo conglobantur actiones Filii & Spiritus sancti:* Filius ex sinu Patris sui protulit nobis Evangelium, placavit iram DEO suo sacrificio, assidue orat pro nobis, conservat ministerium Evangelii in Ecclesiâ, perpetuò colligit Ecclesiam voce Evangelii, & dat remissionem peccatorum, Spiritum sanctum, & vitam æternam. Spiritus sanctus accendit in mentibus veram agnitionem DEI, confirmat corda ut assentiantur verbo DEI, flectit ea ad invocationem DEI, & ad omnes motus legi divinæ congruentes, & latificat ea ut acquiescant in DEO, petantque & expectent ab eo omnia bona. *Huc refer conglobationes actionum œconomicarum, ecclesiasticarum & politicarum.*

#### PRÆDICAMENTUM PASSIONIS.

*I. Antithesis.* Patiuntur Angeli mali; sed & boni patiuntur. Illi patiendo pœnas malè afficiuntur: isti patiendò illuminationem divinam perficiuntur. *Item:* Impii & facinorosi patiuntur, & patiendò exardescunt adversus DEUM & magistratum. Pii patiuntur, & patiendò illustant gloriam DEI, suamque salutem promovent. Nam Deus magis delectatur sacrificiis Ecclesiæ passivis & obedientiâ in tolerandâ cruce, quàm omnibus rebus gestis & actionibus splendidissimis. Et passiones istæ operantur gloriam æternam. En miram passionem, quæ optimam operatur actionem! Nascitur enim ex illâ passione visio DEI, & celebratio illius perpetua.

*II. Syncretismus.* Non nego, multæ sunt & eæ quidem graves afflictiones, quas electi in hâc vitâ experiuntur. At si quis eas componat cum futuri seculi gloriâ, cum passionibus item Christi, nec multæ, nec graves videbuntur. *Item:* Affliguntur Filii Dei in hâc vitâ, ut ne affligantur post hanc vitam, id quod impiis accidet, qui in omne ævum sustinebunt onus iræ divinæ. Quod si cru-

Passio alia  
est *συνθεσις*  
*κῆ*, alia  
*φθαρτικῆ*.

si crucem piorum cum poenâ illâ æternâ conferas, piorum sortem deprædicabis potius, quàm deplorabis. Patiuntur illi, sed ad tempus, & non tam puniuntur, quàm castigantur & probantur. Patiuntur impii, sed in omnem seculorum æternitatem, & reverâ puniuntur.

III. *Conglabatio*. Si nescis homo, quàm multi, quàm tecti morbi infestent corpus tuum, i rogatum singula membra. Cerebrum se apoplexiæ, cephalalgia, vertigini, hemi-  
craniæ & epilepsiæ obnoxium esse queretur. Cor innumeras passiones, quibus subjacet, dinumerabit. Oculi lippitudinem, caliginem, cæcitatem suam deplorabunt. Membra externa tumores, ulcera, luxationes, vulnera, & id genus mala ostendent. Uno verbo; Quot membra, tot morbi. Imò plures morbi, quàm membra. *Item*: Ratio in homine est velut auriga, qui regit currum affectuum. Currus istius rotæ sunt tristitia, ira, superbia, & avaritia. Equi sunt *πλὴν πρὸς γυμνασίῳ*, intemperantia, invidia, conversatio cum malis. Domini, qui vehuntur isto curru sunt innumerae perturbationes. Quòd si auriga non sequatur viam regiam, orbitam nimirum, quam præcepta Ethica & Theologica monstrant, currus non vocem ipsius, non habenas audit, sed præceps fertur in barathrum miseriæ.

Currus affectuum qualis sit?

#### PRÆDICAMENTUM RELATIONIS.

I. *Antithesis*. Promittit Deus in lege omnis generis bona, sed ita ut requirat obedientiam, quâ cessante cessât promissio. Maledicti ergo sumus, qui legis conditionem implere non possumus. Sed benedicti sumus in Christo. In hoc Deus promittit nobis omnis generis bona. Atque hæc promissio est Evangelica, requirens fidem. Et si enim promissio Evangelii per se semper est & manet vera, quia Deus est verax in omne ævum: tamen nisi tu credas huic promissioni, nihil ad te pertinet, nihil tibi prodest. Neque verò fides requiritur tanquam meritum, sed tanquam instrumentum seu medium ex pacto Dei & ordinatione divinâ; quia Deus hoc modo, & non aliter, vult te participem fieri bonorum suorum. Hic unicus modus est, hæc unica via, quâ tibi applicatur promissio Evangelii. *Item*: In oratione Dominicâ non petimus, ut nomen Dei sanctificetur orationibus no-

Promissio-  
nes divinæ!  
sunt legales  
& Evangelicæ.

Elegans Lutheri dictū.

stris, sed petimus ab eo, ut nomen ejus sanctificetur in nobis. Non petimus, ut Deus regnum accipiat, quasi illud non habeat, sed petimus regnum à Deo advenire nobis promissum. Addimus etiam: Fiat voluntas tua, non ut Deus faciat quod vult, sed ut nos facere possimus, quod Deus vult. Ita Cyprianus docet. Cum Logicis ita dices: In oratione Dñicā sanctitas, regnum, & voluntas Dei, non absolutè, sed relativè intelliguntur. *Huc placet adscribere dictum elegans Lutheri in cap. 17. Genes.* Si discesseris, inquit, à Deo relativo, & quænaveris Deum absolutum, malè tecum agetur. Nam in prædicamento substantiæ & quantitatis opprimèris à majestate divinâ, juxta dictum Salomonis: Scrutator majestatis opprimeatur ab eâ. Si autem quænaveris Deum in prædicamento qualitatis, consumèris: Quia Deus est ignis consumens, & incolit lucem inaccessibilem. Maneas igitur apud Deum in prædicamento relationis, hoc est, acquiescas in patefactione divinâ, in verbo, & sacramentis. *Hac populariter sunt dicta à Luthero. Non igitur ὁ λόγος ἀπολύτως accipienda, cum primis cum addat explanationem.* Item: Paulus ait: Eum qui non novit peccatū, pro nobis peccatum fecit, ut nos essemus justitia Dei per eum. *Hoc dictum plenum consolationis placet explicare vocabulis Logicis.* In priori itaque particulâ peccatū accipitur absolutè prout reducitur ad prædicamentū qualitatis: In posteriori relativè. Item: Paulus sic monet: Expurgate vetus fermentum, ut sitis nova conspersio seu massa, sicut estis azymi, seu expertes fermenti. At hæc inter se pugnare videtur. Jubet enim Paulus nos expurgare fermentum, & tamen affirmat, nos esse expertes fermenti. Petamus declarationem è prædicamentis. Circumferimus fermentum in prædicamento qualitatis: & sumus expertes fermenti in prædicamento relationis, hoc est, imputatione sumus justī & sancti, etiamsi manet in nobis peccatū reliquū, quod est assidue expurgandum pœnitentiâ, invocatione, & exercitiis aliarum virtutum & motuum spiritualium, qui inchoantur in credentibus in hâc vitâ.

2. Cor. 5.

1. Cor. 5.

III. Synerisis. Justitia universalis est formosior hespero & lucifero. Est enim honesta gubernatio morum. Sed talis est, si spectetur in se. Eadem collata ad justitiam, quæ nobis propter Christi meritum & obedientiam imputatur, est folium fi-

lium ficulneum, & σκόβαλον ad solem collatum. Absolutè considerata est decus vitæ humanæ: καὶ λόγον συγκρίσιμος, ut Chrysostomus loquitur, est stercus, & panniculus lacerus.

*Item*: Paulus ait: Nihil est qui plantat, nihil est qui rigat: sed Deus, qui dat incrementum. An itaq; ministri verbi Dei nihil agunt? Multum agunt, si absolutè consideres. Sic aliquid est qui plantat, & aliquid est qui rigat. Verùm si plantatio & rigatio, hoc est, omnis illorum labor & diligētia, comparetur cum Dei efficacia, nihil est iste labor, nihil est omnis illorum diligentia. *Item*: Apostolus ait: *Lex est inutilis & infirma.*

An igitur ideò rejicienda? Non hoc vult Apostolus. Lex est inutilis & infirma ad justificationem, & ad deletionem peccati & mortis. Hanc vim non habet lex. Nec propter hanc causam divinitus est promulgata, ut nos justificet, deleat peccatum & mortem. Hæc beneficia sunt propria Evangelii. *Item*: Christiani sunt perfecti, & imperfecti. Perfecti sunt respectu partiū integralium. Habent enim fidem, quā apprehendunt Christum, & bonam conscientiam, quæ est bonū propositum obediendi Deo, & non faciendi contra voluntatē Dei in vocatione & ærumnis.

Si quis igitur habeat duas istas partes, perfectus est in Christo, perfectus est quantitate seu numero partium. Sed Christiani etiam imperfecti sunt, quia non habent summos gradus fidei & aliarū virtutum. Sunt igitur imperfecti, quia perfectione graduum non sunt præditi. *Conferes eleganter ex hoc predicamento inter se circumcisionem & Baptismum, Agnum Paschalem & S. Cœnam, Baptismum item ipsum & S. Cœnam: ordines item vitæ humanæ, æconomicum & politicum, æconomicum & scholasticum &c.*

**III. Conglobatio.** Illud demum est justum judicium, in quo & judex, & partes disidentes suum faciunt officium. Judex instituere debet inquisitionem veritatis & justitiæ secundum leges, non autem proprium arbitrium, remotis præstigiis sophismatum & sycophantiarum. In partibus litigantibus requiritur reverentia ordinis divini, quā sese Deo & legibus subjiunt, & frænant cupiditatem vindictæ, & proprium dolorem. *Huc pertinet amplificatio thematicum relativorum ex fundamento, termino, & relatione: ut, Fides est (a) notitia & assensus in mēte, &*

(a) Fundamentum.

(b) Terminus.

(c) Relatio.

Circulus perfectissimus, cujus centrum est Christus.

Pœnarum tres sunt fines.

in voluntate fiducia. Est, inquam, notitia conjuncta cum assensu, quo amplectimur verbum Dei nobis propositum. Sed simul est fiducia acquiescens in promissione doctrinæ Evangelii. Apprehendit enim (b) Christum, & in apprehenso acquiescit. Et quidni acquiescat in illo? Quando enim (c) homo credens sibi applicat & adjudicat meritum & satisfactionem Christi per gratiam Dei, conscientia emergit è fluctibus & procellis tentationum. Præclare igitur veteres dixerunt: Fides est virtus apprehensiva & quietativa. Est apprehensiva; quoniam apprehendit objectum suum principale, quod est Christus; quod sequuntur reliqua objecta minus principalia. Nam Christus est veluti centrum. Reliquæ promissiones, reliqua bona sunt veluti circumferentia. Si quis apprehendat centrum, facillè circumferentia sequitur. Est etiam virtus quietativa, propter fiduciam acquiescentem in Christi merito & obedientiâ. *Ita diseri potest de justificatione*; cujus fundamentum est meritum Christi; terminus, persona credens; relatio, est applicatio fundamenti ad terminum, id est, remissio peccatorum, & imputatio justitiæ Christi. *Eodem modo de magistratu*; ubi fundamentum est persona à Deo ordinata mediâtè, vel immediâtè; terminus, ut sit vox & executor legis divinæ, & aliarum honestarum legum in externâ disciplinâ, ut sit custos utriusque tabulæ Decalogi, reprimens ac puniens contumaces vi corporali. *Huc refer & illa exempla, in quibus urgentur fines relationum*: ut, Deus severè animadvertit in Davidem adulterum & homicidam. Animadversio ista non erat *ἡμωεία*, sed *νῆστια* & *παράδειγμα*. *Τιμωεία* respicit impios, & est *πανολοθρία*, deletio universalis, tum in hac vitâ tum post hanc vitam. Sed in Ecclesiâ duo sunt pœnarum fines. Prior est *νῆστια*, *commones factio*, de peccato, & de irâ Dei, & de totâ pœnitentiâ. Alter finis est *παράδειγμα*, *exemplum*, quod prodest aliis hominibus. David habebat quidem remissionem peccatorum, post raptam alterius conjugem & interfectum maritum: sed tamen pellebatur à filio, & alias calamitates experiebatur. Id non fiebat, ut periret David, sicut Saul: sed propter alias causas. Primum ut ipse David graviter castigatus commonesceret de peccato quamvis remisso, de irâ Dei adversus peccatum, de vitandâ,



vitandâ securitate in posterum, de diligentia vitandi scandala, de pœnitentiâ seu conversione ad Deum. Atque hic usus erat privatus, pertinens ad personam Davidis. Secundus usus erat publicus, ut nimirum alii intuentes in pœnam Davidis sic ratiocinarentur: Si Deus non pepercit summo regi & prophetæ, de quo antea dixerat: Inveni virum secundum cor meum: quanto minùs nobis parceret, qui sumus ipsissimi peccati labes collati ad hunc virum.

## PRÆDICAMENTUM QUANDO.

I. *Antithesis.* Deus in extremo judicio creabit novos Esaia 65. coelos, & terram novam. Cogita Deum jam indutum esse veste quotidianâ, ut ita dicamus, sed in postremo mundi die, vel potiùs puncto, sic renovabit totam creaturam, ut videatur esse indutus veste nuptiali. *Item:* Quid sunt dies, anni, lustra, secula, & similia temporum intervalla atque systemata si ad æternitatem comparentur? Non sunt momentum, sed aliquid minus momento. Non sunt circuli, sed puncta & atomi.

II. *Syncretismus.* Tempore Julii Cæsaris aliæ erant sedes æquinoctiorum & solstitiorum, quàm nunc sunt. Hinc multa desiderantur in verâ anni quantitate constituendâ, de quibus Astronomi. *Possunt etiam conferri temporum differentia, ut hyems & æstas, ver & autumnus; item ætates tum inter se, tum etiam cum aliis, pueritia & senectus, adolescentia & ver, senectus & hyems.* Sic etiam anni Ægyptiorum, Romanorum, Hebraeorum conferuntur. Denique tempora prisca cum nostris: ut, tempus ante diluvium cum hoc nostro.

III. *Conglobatio.* Varia fuit annorum ratio apud varios populos. Hinc mentio fit annorum Ægyptiacorum, Julianorum, Arabicorum, & similibum. Astronomi quoque varias annorum differentias constituerunt. Hinc multa apud illos occurrunt de anno sidereo, tropico & vero, de communi & bissexto, de Solari & Lunari. *Item:* Opifices manuarii impendunt negotiis suis horas, dies & annos: cultui divino si horulam impendere debeant, nausea obrepit. Quidam noctes diesque potant; & horis matutinis atque vespertinis si precari jubeantur, præ temulentia non possunt.



## PRÆDICAMENTUM UBI.

*I. Antithesis.* Tradunt Physici, locum naturalem conservare locatum; violentum destruere. Hoc eleganter ad regnum cœlorum & infernum accommodari potest. Cœlum erit locus piorum, ipsos perficiens & conservans in seculum. Infernus erit locus impiorum, destruens ipsorum corpora & animas, non quidem ita ut non sint, sed ut illis malè sit. *Item*: Non in tabernis vinariis, sed in auditoriis scholarum eruditionem quærent studiosi adolescentes. Non amabunt conventicula hominum otiosorum: sed conversationibus proborum delectabuntur. *Sic opponuntur varia urbes & regiones.*

*II. Syncripsis.* Multi contemnunt templa cultui divino quidem dicata, sed non auro, gemmis, picturis, & similibus ad pompam facientibus, exornata. Illi cogitare debebant, templi verum ornatum esse auditorum pietatem. De hoc ornatu, & templo interno sint primo solliciti, tum quærant externum. Alii prorsus nulla templa Deo consecranda esse contendunt, eò quòd ubivis locorum illi sit cultus debitus exhibendus. Sed hi tollunt præceptum Apostoli, qui jubet omnia fieri *ὡς ἑκκλησίας & ὡς ἑνέκρας*. Sint igitur templa Deo sacra, sed sacra sint. *Et in hoc quidè exemplo confertur templum internum cum externo.* Possunt etiam nostra templa comparari cum Salomonico. Ita scholastica nostra adificia cum veterum philosophorum scholasteriis conferuntur: item regiones & urbes.

*III. Conglobatio.* Regiones ab urbibus, & urbes à variis locis laudari possunt. Hæc de re vide carmen, quo commemorantur urbes Italiæ in Atlante minori Mercatoris.

## PRÆDICAMENTUM SITUS.

Primum mobile quomodo moveatur?

*I. Antithesis.* Primum mobile movetur à sinistrâ versus dextram, id est, ab ortu in occasum. Secunda mobilia moventur à dextrâ versus sinistram, id est, ab occasu ad ortum.

*II. Syncripsis.* Gestus pertinent ad hoc prædicamentum. Hinc talis est syncripsis. Quò quisque est quietior in gestu corporis, eò etiam magis animus videtur apud se habitare.

Cùm ge-

Cum gestus sunt affectati, etiam natura est simulatrix & affectatrix. Non igitur malè faciunt, qui similitudinem ingenuorum è gestibus colligunt. Juliani apostatæ & Constantini Magni gestus fuerunt dissimillimi. Et ingenia fuerunt dissimillima.

III. *Conglobatio.* Astronomi ad Austrum seu Meridiem convertunt faciem, propter imagines stellarum, quæ ibi sunt conspectiores. Geographi ad Septentrionem, propter exaltationem seu elevationem poli. Poëtæ ad occidentem, propter insulas fortunatas, ubi fabulantur esse campum Elysium. Sacerdotes V. T. & augures gentilium oculos vertunt ad Orientem. Veteres Christiani non Astronomos, non Geographos, non poëtæ imitari voluerunt in extruendis templis, sed sacerdotes V. T. ideoq; Chorum, uti vocant, in quo collocarunt summum altare, voluerunt spectare ad ortum, propter memoriam resurrectionis Christi, qui verè est Sol iustitiæ oriens ex alto. Hanc ipsorum rationem admitto, sed in altaris erectione quid desiderem, facile colligent ii, qui Missæ sacrificium ex animo detestantur.

Dextrum & sinistrum multis modis consideratur in mundo.

#### PRÆDICAMENTUM HABITUS.

I. *Antithesis.* Ineptiunt mirum in modum studiosi, peregrino habitu, sibi que minimè conveniente superbientes. Nautis, militibus, senatoribus Venetis, pastoribus, & similibus benè convenit habitus à majoribus acceptus. At studiosi à singulis mutuuntur aliquid in suo vestitu. Videtis de hoc cacoëthe in *systemat. nostro mnemon.* Eodem modo taxantur Germani, simii illi aliarum nationum in habitu.

II. *Syncretismus.* Militum veterum arma & habitus eleganter componuntur cum hujus ævi habitu militari. Sic vestes summi sacerdotis explicari possunt allegoricè.

III. *Conglobatio.* Illustre exemplum sumemus ex Eph. 6. Miles Christianus habebit tegumenta, munimenta & tela. Tegumenta ipsius erunt thorax, cingulum & calcei. Munimenta seu φυλακτήρια, arma defensionis, erunt, clypeus & galea. Tela seu ἀμυντήρια, arma offensionis, erunt, gladius, & hasta. Thorax est iustitia fidei seu personæ, & bonæ cōscientiæ. Cingulū, est agnitio veræ doctrinæ. Calcei sunt Evange-

lii professio. Clypeus est fides. Galea est spes vite æternæ. Gladius est verbum. Hasta est precatio. Hæc est *πανοπλία*, *universa armatura*, militis Christiani. *Homerus 3. Iliad. eodem modo describit πανοπλίαν Menelai & Paridis.* Primò ibi est thorax, tum cingulum, dehinc calcei seu ocreæ, postea galea & clypeus, postremò gladius & hasta. *Multi volunt, Paulum alluisse ad illam Homericam armaturam.*

### Cap. 30. *Ufus doctrina de definitione.*

**I**N applicatione argumentosâ sequitur argumentum complexum, cujus usum tergeminum itidem trademus. Sunt autem argumenta complexa duo, definitio & distributio. Hîc de definitione.

#### I. *Ufus declarationis.*

*I. Termini simplices hîc non sunt, sed complexi, at non axiomaticè: ut,*

| <i>Definitio.</i>                  | <i>Definitum.</i> |
|------------------------------------|-------------------|
| Animal rationale.                  | Homo.             |
| Corpus animatum, sentiens.         | Animal.           |
| Doctrina ad salutem perveniendi.   | Theologia.        |
| Ars tradens modum benè disferendi. | Logica.           |

*II. Axiomata ex definito & definitione sic disponuntur, ut prædicatum sit compositum:*

- Homo, est animal rationale.
- Animal, est corpus animatum, sentiens.
- Theologia, est doctrina ad salutem perveniendi.
- Logica, est ars tradens modum benè disferendi.

Definitio-  
num am-  
plitudo.

*III. Definitiones extrui possunt ex omnibus argumentis consentaneis, dissentaneis & comparatis. e. g.*

*Ex causis:* Consolatio est fiducia remissionis peccatorum.  
Doctror est solutio continui.

Ira est

Ira est fervor sanguinis circa cor.

Eclipsis Lunæ est interpositio terræ diametralis inter solem & lunam.

*Ex effectis*: Religio pura & incontaminata apud Deum Patrem, hæc est, invisere orphanos & viduas in afflictione ipsorum, & immaculatum sese servare à mundo. *Jacob. i. vers. 27.*

Fides est illud, quo extant quæ sperantur, & quæ demonstrat quæ non cernuntur. *Hebr. ii. vers. 1.*

Zeno est, à quo disciplina Stoicorum habet originem.

*Ex subjecto*: Theologia est rerum divinarum sapientia.

Physica est rerum naturalium scientia.

*Ex subjecto loco*: Thus arbor in Arabiâ crescit, immensa & ramosa.

*Ex adjuncto*: Animal hoc est providum, sagax, multiplex, acutum, memor, plenum rationis & consilii, quem vocamus hominem. *Cic. de leg.*

Sic ex propriis & effectis describitur Deus, *Exod. 34.*

*Ex relatis*: Tutor est qui habet pupillum.

Pupillus est qui tutorem habet.

*Ex contrariis*: Amicitia mundi est inimicitia adversus Deum. *Jacob. 4. vers. 4.*

Peccatum est destructio imaginis Dei, seu est imago Diaboli opposita imagini Dei.

*Ex similibus*: Senectus est hyems vitæ:

Pueritia est ver vitæ.

Ecclesia est arca Noë.

Sol est oculus mundi.

Lex est anima civitatis.

*Possunt etiam ex ortis peti definitiones, ut è partibus conglobatis*: ut, Jus civile Romanum, est quod legibus, Senatus-consulto, rebus judicatis, Jurisperitorum autoritate, edictis magistratum, more deniq; & æqualitate constat.

Boëtius in tractatu de definitione enumerat decem formas seu modos definitionis, Tholosanus quatuordecim: de

quibus vide theatrum nostrum *sect. 1. gymn. Logic. c. 8. pag. 87.*  
 Huc referes Dei, personarum, montium, plantarum, flumi-  
 num, animalium, metallorum, urbium, arcium, ædificio-  
 rum &c. descriptiones; item periphrasin, hypotyposin, &  
 prosopographias.

## II. Usus demonstrationis.

*Usus demonstrationis hujus topici est simplex, & facilis;*  
 Nempe ad probandam quæstionem accommodatissimum  
 argumentum erit definitio subjecti aut prædicati, idq; tam  
 ad affirmandum quàm ad negandum. *Ratione subjecti sic ar-*  
*gumentaberis:* Quod convenit vel non convenit definitioni,  
 convenit etiam vel non convenit definito: ut, Còntinens  
 non est temperans. Q. continens est, qui cupiditates luctan-  
 tes ratione comprimit. Homo est imago Dei. Q. est animal  
 rationale. *Ratione prædicati sic argumentabere:* Cui conve-  
 nit vel non convenit definitio, ei convenit vel non con-  
 venit definitum: ut, Logica est ars. Quia est habitus pœ-  
 ticus.

## III. Usus amplificationis.

*I. Antithesis instituitur tribus modis. 1. Unius ejusdemq;*  
*rei dua definitiones, quarum una sit vera, altera falsa, oppo-*  
*nitur: ut, Erratis, Pontificii, & toto coelo erratis, quando*  
*res primarias, concernentes negotium salutis nostræ, quas*  
*solum ex SS. literis discere debemus, ex philosophicis prin-*  
*cipiis doceris, & alios discere jubetis. Dicitis ex philosophiâ:*  
*Justificatio est effectio sanctitatis habitualis in homine,*  
*seu infusio virtutum, ob quas homo dignus censetur vi-*  
*râ æternâ. Sed attendite, quomodo ex sacrâ Scripturâ sit*  
*diserendum hâc de re. Justificatio est gratiosa justitiæ*  
*Christi per fidem imputatio, eoq; hominis coram Deo*  
*absolutio. Vos de justitiâ inhærente cum philosophis sen-*  
*tite, quando ita vultis. Nos de justitiâ imputationis cum*  
*sacrâ Scripturâ loquemur. Item: Sicut sacerdotes exprobra-*  
*bant Prophetis, Templû Domini, Templum Domini, Tem-*  
*plum Domini: sic Pontificii nobis objiciunt, Ecclesia, Eccle-*  
*sia, Ecclesia Catholica. Videamus ergò an illi sint Eccle-*  
*sia Dei. Ecclesia Dei est cœtus, in quo vera & sincera ver-*  
*bi Dei*

bi Dei prædicatio, & legitima sacramentorum administratio locum habet. Quid verò horum in Ecclesiâ Romanâ? Illa est cœtus, in quo verbum Dei & sacramenta subijciuntur arbitrio Pontificis, & variis traditionibus corumpuntur. Si quid intelligitis, auditores, multum autem vos intelligere in hâc causâ scio, juxta mecum judicabitis, Ecclesiam Romanam non Dei, sed Antichristi illius magni cœtum esse. *Hujus loci sunt falsa illa Pontificiorum Doctorum definitiones peccati, liberi arbitrii, fidei, & præcipuorum locorum religionis Christianæ. 2. Duorum contrariorum definitiones opponuntur: ut, Quamquam nec oculus vidit, nec auris audivit, nec ullus homo cogitatione comprehendit gloriam electorum post hanc vitam: tamèn quia Spiritus sanctus aliquid in sacris literis nobis hâc de re revelavit, videamus quid sit vita æterna? Vita æterna est vita gloriæ, quâ anima corpori suo adjuncta, Deo fruitur in æternum, evecta ad summum gloriæ & gaudii gradum. Paucis hîc complexus sum multa, quæ illustriora evadent, si quid sit mors æterna indicaverimus. Mors æterna est ineffabilis ignominia & dolor reproborum, qui separati à Deo, summo illo bono, tum animâ tum corpore æternis pœnis justissimè addicuntur. Uno verbo: Vita æterna est regnum Dei, in quo nihil desiderabitur quod non possit inveniri. Mors æterna est regnum Diaboli, in quo nihil invenietur, quod desiderabitur. Item: Sacra Cœna est alterum novi testamenti Sacramentum, quo Ecclesia Christi instituitur per legitimum panis & vini signorum visibilium usum, de verâ & spiritali communicatione corporis & sanguinis Christi pro nobis oblatis in cruce ad vitam æternam. Misæ quid est? Est externum & propriè dictum sacrificium, in quo Christus per sacerdotem Deo Patri hostia pro peccatis mortuorum & viventium incruento modo immolatur, sub speciebus panis & vini. O audaces, & blasphemi Pontificii! Unde habetis impias istas phrasas, quas modò recitavi ex ore vestro? Porro unde habetis blasphemam istam formulam: creaturam, videlicet sacerdotem, posse creare suum creatorem? Unde didicistis, Christi sacrificium in cruce semel oblatum non esse satis*



Definitio  
καὶ ἀφαί-  
ρεσις ὅτι  
αὐτὸς quid  
sit?

sufficiens? 3. *Definitio καὶ ἀφαίρεσις ὅτι αὐτὸς*, per remotionem contrarii, ut in scholis loquuntur, huc referri debet: ut, *Psalm. 1. definitur pius*: Beatus ille vir, qui non abiit &c. Tum subicitur ὁσιος: Sed in lege Domini &c. *Hac est vera vera Ecclesia definitio*. quasi dicat, Ille cœtus est vera Ecclesia, qui non amplectitur pravas opiniones impiorum, nec habet malam conscientiam, nec est Epicureus: sed meditatatur in lege Dei &c. *Tales sunt multa definitiones Rhetorica.*

*I I. Syncretismus. Modi duo sunt. 1. Duo disparata definiuntur παραθήλως*: ut, Magnâ laude digni sunt, qui philosophiam laude dignam esse docet. Est enim philosophia comprehensio scientiarum, prudentiarum & artium, quibus vita contemplativa, activa & factiva formatur atq; dirigitur. Sed qui laudem Theologiæ propriam transcribunt philosophiæ, male faciunt. Illi enim lumen statuunt post laternam, & Hagarē Saræ præferunt. Theologia namque sola est sapientia supernaturalis, docens modum perveniendi ad salutem. Nō igitur cum Apulejo dices: Philosophia est virtutis indagatrix, vitiorum expultrix, divinarum particeps rerum: sed sacrosanctæ Theologiæ hæc tanta tribues, securus sanctos Dei homines. 2. *Una eademq; definitio applicatur duobus specie non differentibus, quæ alii specie differre contendunt*: ut, Nescio profectò risūne an commiseratione digni sint nonnulli philosophastri, qui mulieres negant esse homines. Hominem esse animal rationale tradidit Academia, docuit Peripatus, asseruit Stoā. Quis verò rationis compos, mulieres rationis impotes dicet? Id qui facit, mulierem vel angelum bonum, vel diabolum, vel bestiam, vel inanimatum quid dicere necesse habet. Non enim Deum dicere audebit. Proinde se, vel filium sive angeli boni sive Diaboli, vel bestiam, vel inanimatum & stupidum corpus dicet, vel certè monstrum.

*I I I. Conglobatio. Modi illius quinque sunt. 1. Descriptio primum semiplena proponitur, tūm plena subiungitur*: ut, Gentiles philosophi admodum laborarunt & enixè quænaverunt quid esset Deus. Dixerunt; Deus est summum bonum, primum ens, justus, pius, felix, quietus, moderator, pater, rex, dominus, retributor, ordinator, principium, medium

Vide Scal.  
exerc. 365.  
sect. 2.

dium & finis, sempiternus, conditor, vivificator, largitor, prospector, opifex, providentia, beneficus, solus omnia omnibus. Hermines ille Ter Maximus dixit: ~~Deus est circulus, cujus centrum est ubique, circumferentia nusquam.~~ Alii aliis modis suam de Deo religionem explicarunt, nec malè, imperfectè tamen. Lumen siquidem naturæ hic non sufficit. Revelatio superveniat oportet. Revelavit autem se Deus in verbo suo, quod sit essentia spiritualis, æterna, alia à creaturis omnibus, intelligens, verax, bona, iusta, casta, benefica, misericors, liberrima, immensæ sapientiæ & potentiæ, irascens peccatis: Pater æternus, qui Filium imaginem suam ab æterno genuit, & Filius imago Patris coætærna, & Spiritus sanctus, procedens à Patre & Filio, sicut patefacta est divinitas certo verbo & testimonio divinis: Quod Pater æternus cum Filio & Spiritu sancto condiderit cælum & terram, & omnes creaturas, & adsit omnibus creaturis, quoad conservationem: & colligat sibi in genere humano Ecclesiam propter Filium & per eum, & sit iudex iustorum & iniustorum. *Atque hoc quidem est* Ἰεὺ γνωστὸν ἀκατάληπτον *suum ipse solus capit.* 2. Rei alicujus descriptio nudè proponitur: ut, Historia est testis temporum, vita memoriæ, nuncia vetustatis, vates & lux veritatis, metropolis philosophiæ, anima Theologiæ. *Item:* Pater est prima persona deitatis, non nata, nec aliunde procedens, sed quæ ab æterno genuit Filium imaginem suam, & à quâ procedit Spiritus sanctus, & quæ cum Filio & Spiritu sancto, omnes alias res creavit & conservat. *Hujuscemodi definitiones ponuntur in tractatione, & tum per partes explicantur.* Sic: Filius Dei est secunda persona deitatis, quæ est substantialis imago æterni Patris, quam Pater sese intuens ab æterno gignit, quæ nobis sic manifestata est, quod sit persona, per quam Pater dicit decretum, & totum ordinem creationis & reparationis hominum, & mittitur ut patefaciat Evangelium, & assumat humanam naturam, & sit Mediator, Redemptor, Justificator & Salvator. *Item:* Spiritus sanctus est tertia persona deitatis, procedens à Patre & Filio: & est substantialis amor & lætitia coætærna inter Patrem & Filium: & nobis sic manifestata est, quod mita-

tur in corda credentium, ut tales motus, amorem & lætiti-  
 am acquiescentem in Deo accendat, qualis est ipse. Hic  
 non possum præterire elegans dictum Basilii: Pater est cau-  
 sa creationis & omnium operum, tum naturæ tum gratiæ  
~~πατρις & ἐκκλησιάρχης~~, princeps, seu inchoans; Filius est causa δημιουργ-  
 αὐτῆς, fabricans; Spiritus sanctus τελειωτικὸς, perficiens, seu con-  
 summans. Huc refer descriptionem sævitiæ Chaldæorum  
 2. Reg. 25. vers. 8. idolorum, Psalm. 115. vers. 4. 5. 6. 7. Presby-  
 teri Tit. 1. vers. 6. Episcopi Tit. 1. v. 7. Diaconorum 1. Tim. 3.  
 vers. 8. 9. Pseudoprophetarum Matth. 7. vers. 15. 2. Pet. 2. v. 1.  
 Themistoclis lib. 1. Thucyd. Cyri junioris apud Xenoph. lib. 1.  
 αἰακάτωος. 3. Definitio ponitur primo loco, definitum se-  
 cundo. Tum accommodatur definitio certo individuo, vel  
 certa speciei: ut, Qui usum utriusque gladii sibi arro-  
 gat; qui præ se fert se esse Deum; qui sibi omnipotentiam  
 quandam adscribit; qui supra Deum se extollit; qui exlex  
 esse cupit; qui majestates & reges terræ pedibus concludat;  
 qui est apostata & author apostasiæ universalis; qui est i-  
 dololatra, blasphemus, hæreticus, hypocrita, avarus & si-  
 moniacus; qui sedet inter septem montes; qui est coelebs,  
 & interim impurissimus scortator; cum quo denique  
 scortantur reges terræ; hunc ego non solum Antichri-  
 stum, sed magnum illum Antichristum, secutus filum sa-  
 crarum literarum dixero. Percurrite jam mecum, audito-  
 res, totius mundi angulos. Orientem primò adeamus.  
 Fuerunt hic eheu fuerunt, & utinam fuissent tantum, & non  
 hodie quoque essent, fuerunt, inquam, Arius, Mahomed,  
 Eutyches, & similia portenta. Certè fuerunt Antichristi.  
 Nemo negat. Sed magnus Antichristus ex illis nemo fuit.  
 Nam quæ universa debent esse in Antichristo magno, in illis  
 fuerunt singula. Nunc, si placet, perlustremus occidentem.  
 Hic occurrit immanis illa bellua, meretrix Babylonica,  
 Papa. Papæ! Papæ. Hic jactitat se esse Deum terrestrem, se  
 posse statuere contra sancta Evangelia, se habere in scrinio  
 suo omnia jura divina & humana, se posse aliquot hominū  
 millia detrudere in infernum, ita ut nemo possit illi dicere,  
 Quare hoc facis? se posse omnes judicare, nec à quoquam  
 judicari. O cælum! ô terra! Cur huic homini suppeditatis  
 ea, quæ ad vitam transigendam sunt necessaria? O Chri-  
 stiani,

stiani, quin accingitis vos ad istam meretricem de regiâ deturbandam? O theologi! Cur quidam vestrum negant, hunc esse Antichristum illum magnum? 4. *Virtutes & vitia picturis quasi exprimuntur. Talis est pictura calumnia, auctore Apelle, qui à quodam amulo pictore Antiphilo circumventus calumnia, in carcerem fuit conjectus, iussu regis Ptolomæi, & liberatus sic depinxit calumniam in tabulâ, ut est apud Lucianum in declamatione de calumniâ: Rex quidam habens longas auriculas, quales dicuntur esse Midæ in Pictura calumnia. tuo regi adstant duo præcipui consilarii, ignorantia & suspicio. Hi regunt consiliis suis Midam illum, qui habet aures patulas ad omnis generis fabellas & rumusculos. Calumnia est lictor seu apparitor, adducens ad regem istum juvenem innocentem, qui manus suas ad cælum elevat, & testificatur de suâ innocentia, & provocat ad omnia virorum bonorum testimonia, & Deum implorat vindicem innocentia suæ. Calumniæ comites sunt insidia, doli, & fraudes. Tandem sequitur pœnitentia, habens comitem veritatem. Multa in hac picturâ sunt dignissima consideratione. s. Copiosa hypotyposes adducuntur: ut, infanticidium Herodis sic amplificari potest: Considerate, quæso, quàm miserum fuerit hîc spectaculum. Carnifices irruebant in ædes: infantes è cunis eripiebant, à mamillis & sinu matrum avellebant, cursitantes & lusitantes in unum cogeabant, subridentes austero vultu, verbisque duris terrebant: è cunis ereptos, à mamillis & sinu avulsos, coactos in unum, sicarii isti nefarii mactabant, adspectantibus parentibus. Hîc vidisses parentes propemodum exanimatos. Hîc audivisses vagitum miserabilem. O sævitiam, O crudelitatem! Non illos carnifices detertere potuit flagitii atrocitas, non vagitus infantum, non mœstissimorum parentum preces, lacrymæ & suspiria, non misericordia, quam Deus hominibus erga hanc ætatem tenellam iniecit, quin manus suas in sanguine innoxio horum puerorum lavarent. Sed quis enumeret puerorum clamores, parentum gemitus, cognatorum dolores? Item: Excidium Hierosolymitanū sic describi potest: Diripiebatur eâ tempestate Davidis arx, templū Salomonis conflabat; tota urbs solâ quata. Effusi per vias milites cōtruci-*

dabāt sine discrimine obvios quosque; undiq; gladiatorū fulgor oculos perstringebat; puerorum ejulatibus, mulierum pręnantium gemitibus, clamoribus decertantium omnia circumsonabant &c. *Item: Constantia matris & filiorum 2. Mac. 7. sic describi potest:* Mater illa magnanima hinc gaudio, hinc męrore afficiēbatur. Nam filiorū fortitudine delectabatur, sed tormentorū magnitudine cruciabatur. Interim filios suos adhortabatur, obsecrabat, adjuvabat, nihil deniq; non faciebat, q; ad filios animandos & ad victoriam instructiores reddēdos spectare putabat. Hunc parabat ad supplicium, illum in supplicio cōsolabatur: omnibus hunc in modum acclamabat: Euge filii mei! Euge milites strenui! Euge legis, canē senectutis meę, & civitatis, quę vos aluit, quę vos ad eam virtutis magnitudinē evexit, antistites atq; patroni! Paululum adhuc, & vicimus. Paululū adhuc, & glorię corona capitibus nostris imponetur. Paululū adhuc, & ego inter mulieres beata, & vos inter adolescentes beati. His & aliis multis verbis mater męsta dicā an læta filios suos animabat & armabat. *Item: Sentētia hac, Diabolus circumit tanquā leo rugiens, quarens quē devoret, sic amplificari potest:* Charissimi fratres, abyssi de quā in Apocalypsi, fauces apertę sunt, solutus est Satan unā cum satellitibus suis, & flāmas infernales in hunc mundū & in corda hominū evomunt. Audite illorum spiritulū immundorū voces. Parū restat, inquit, temporis. Idē in hoc incumbamus, ut quāmplurimos miserię nostrę socios habeamus, & ita nostram infelicitatē solemur. Videte ipsos hinc inde circumvolitantes in aēre, & domicilium sibi figentes in cordibus avarorum, superborum, Epicureorum, ebriosorum, libidinosorum. Considerate etiā ipsos mēt Dei filios. Hos etiā aggreditur immanis iste leo. Non quidem illos dilaniat (nam id non potest) rugitu tamen suo sæpe terret, quō minū currāt alacriter in stadio suo. O itaq; magnū periculum, in quo versamur! O nostram socordiam & securitatē, quā sit ut non pugnemus, quia nobis persuademus, hostē, qui cum nobis res est, non esse adeo sævum! Aliter nos docet hoc loco Petrus. Hoc dicto nos excitē tanquā clasfico ad fortiter pugnandū, & conculcābimus huic serpēti caput cū Christo Salvatore nostro. *Itē:* In ultimo judicio Deus sistet electos ad dextrā, reprobos ad sinistrā. Electos sic alloquetur:

quetur: Adeste oves & filii mei. Vos in hac vitâ oblectastis corda vestra verbi mei meditatione, linguâ me laudastis, oculis majestatem meâ in mundo expressam perlustrastis. Nunc corda vestra lætitiâ ineffabili perfundentur. Nunc linguis vestris me laudabitis unâ cum Angelis. Nunc oculis vestris videbitis gloriâ regni mei. At vos impii corda vestra Diabolo mancipastis, linguis vestris me & meos filios calumniati estis, oculis vestris vanitatem seculi contemplati estis, pedes ad malum festinare, manus ad cædem properare fecistis. Nunc corda vestra opplebuntur igne ardentissimo, linguæ vestræ in omne ævum edent ejulatum miserrimum, oculi vestri adspicient tenebras densissimas &c. *Vide similem hypotyposin Matth. 25.*

### Cap. 31. *Ufus doctrinæ de distributione.*

#### I. Ufus declarationis.

**I.** *Termini hoc loco sunt, distributio & distributum:*

*Distributio in membra. Distributum, integrum.*

|                           |                          |                                  |
|---------------------------|--------------------------|----------------------------------|
| Tractatio de              | Deo.                     | Theologia.                       |
|                           | Actionibus Dei.          |                                  |
| Cultus                    | Agrorum                  | Opus Georgicon<br>Vergilii.      |
|                           | Arborum                  |                                  |
|                           | Pecoris                  |                                  |
|                           | Apum                     |                                  |
| Disputatio an<br>senectus | Avocet à rebus gerendis? | Dialogus Ciceronis de senectute. |
|                           | Corpus faciat infirmum?  |                                  |
|                           | Privet voluptatibus?     |                                  |
|                           | Procul absit à morte     |                                  |



*Distributio in species.*

Pellucidum, opacum.

Prudentia, Justitia, Fortitudo, Temperantia.

Homo, bestia.

*Distributio è subjectis.*

Pater

Mater

Virgo

Numerus &amp; magnitudo.

Aspectabilia

Audibilia

Odorabilia

Gustabilia

Tactilia

*Distributio ex adjunctis.*

Sanus, æger.

Frigida, Temperata, Calida.

*Distributum, genus.*

Elementum.

Virtus.

Animal.

*Distributum adjunctum.*

Virginitas.

Mathesis.

Sensus quinque  
externi.*Distributum, subjectum.*

Homo.

Zona.

*II. Hinc axiomata varia:**1. E toto & partibus distribuentibus.*

Theologiæ partes duæ sunt, prima est de Deo, secunda de actionibus Dei.

Homo integratur corpore &amp; anima.

*2. E genere & speciebus.*

Elementum est pellucidum, vel opacum.

Animal est homo aut bestia.

*3. Ex adjuncto diviso & subjectis dividendis:*

Virginitas Juliæ partim est patris, partim matris, partim ipsius virginis.

Mathesis occupatur in numero &amp; magnitudine.

*4. Ex subjecto distributo & adjunctis distribuentibus:*

Hominum alii sunt sani, alii ægri.

Zona est frigida, temperata, vel calida.

*III. Nota distributionis, sunt 1. Nomina ista: partes, membra, species, genera; item voces alter & alii repetitæ.**2. Verba: Partiri, distribuere, dispescere, herciscere, dividere, distribui, dividi. 3. Phrases: Contineri tot vel tot partibus, comprehendi tot partibus, versari inter tot partes, com-*

tes, complecti hoc vel illud. 4. *Adverbia*: Partim, hinc illinc, hâc illâc, tum tum, nunc nunc, primò post. 5. *Conjunctiones*; & &, vel, aut. 6. *Interrogationes*: Quot sunt partes, quoruplex est, quot sunt species, quot modi, quæ genera? 7. *Disjunctio particularum*: non solum sed etiam.

IV. Huc referunt translationem sive revocationem thesæ ad hypothesin, & hypothesis ad thesin: ut, Omnis fidelis in Christo est perfectus. Hoc sibi applicare debet quilibet fidelis. Rursus: Abraham fuit perfectus in Christo. Hoc itidem sibi applicabit fidelis, transferendo hypothesin ad thesin, & thesin sibi accommodando. Est autem thesis hoc loco axioma generale, hypothesis singulare seu proprium: Sed nos de tali revocatione suprà egimus ad locum de genere & specie.

Et sic ostendimus usum declarationis per singula loca inventionis. Ubi illud singulariter observandum est, rem quamvis posse cujusvis argumenti (si prædicamenta excipias) speciem præ se ferre, pro diversitate rerum, quibus cum confertur. Sic Dido Æneam per singulos ferme locos hosce deducit, dum

Res quævis  
potest cum  
jussu argu-  
menti rati-  
onem sus-  
cipere &  
veluti togâ  
induere.

*Multa viri virtus, animo, multusq; recurſat  
Gentis honos*

Modò enim Æneam ut effectum considerat, dum illum confert cum Anchise & Venere:

*Hicne, inquit, ille Æneas quem Dardanio Anchise  
Alma Venus Phrygiæ genuit Simoëntis ad undam? Et;  
Credo equidem, nec vana fides, genus esse deorum.*

Ubi etiam ipsum considerat tanquam adjunctum, dum locum nativitatis exprimit.

Aliàs ut causam: ut,

*Quis novus hic nostris successit sedibus hospes?*

*Quem sese ore ferens. Et paulò post:*

*Qua bella exhausta canebat?*

Nunc ut subjectum, cui varia adjuncta adjacent: ut,

*Os humerosq; Deo similis. Namq; ipsa decoram*

*Cæsariem nato genitrix, lumenq; juvenæ*

*Purpureum, & latos oculos afflarat honores.*

Ubi etiam est simile in primo hemistichio.

Modò ipsum parem facit Apollini: ut,

*Ipse jugis Cynthi graditur, molliq; fluentem  
Fronde premit, crinem fingens, atq; implicat auro,  
Tela sonant humeris: haud illo segnior ibat  
Æneas: tantum egregio decus enitet ore.*

Aliàs ut dissimile:

*Degeneres animos timor arguit: heu quibus ille  
Jactatus fatis!*

Modò ut conjugatum, ubi & notatio:

*Æneadasq; meo nomen de nomine fingam.*

Aliàs ut res testata:

*Rex erat Æneas nobis, quo justior alter  
Nec pietate fuit, nec bello major & armis.*

Hoc testimonium orator Ilioneus in templo Carthagi-  
nensi tulit de duce suo.

Sic Logica potest conferri variis modis:

|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|-----------------------|------------------------------------------------------------------------------------------------------------------------------------------------------------------------------------------------------------------------------|---------|-------------------------------------------------------------------------------------------------------------------------------------------------------------------------------------------------------------------------------------|-----|---------------------------------------------------------------------------------------------------------------------------------------------------------------------------------------------------------------------------------------------|
| Logica conferatur cum | Inventoribus<br>Præceptis<br>Modo disce-<br>rendi<br>Animo<br><br>Instrumentis<br>suis, ite ente<br>& non-ente<br><br>Rhetoricâ<br>Ἀλογία<br>Sole<br>Λόγῳ<br>Logico<br>Libro<br>Mente<br>Arte bene<br>disserendi<br>Partibus | tanquam | Effectum<br>Materiatum<br>Formatum vel<br>finitum<br>Adjunctum<br>receptum<br>Adjunctum<br>occupatum<br><br>Disparatum<br>Contrarium<br>Simile<br>Nomen<br>Conjugatum<br>Substantiâ<br>Habitus<br>Definitum<br><br>Distribu-<br>tum | cum | Efficiente<br>Materiâ<br>Formâ vel<br>fine<br>Subjecto re-<br>cipiente<br>Subjecto<br>occupante.<br><br>Disparato.<br>Contrario.<br>Simili.<br>Noratione<br>Conjugato<br>Substantiâ<br>Substantiâ<br>Definitio-<br>ne<br>Distribu-<br>tione |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |
|                       |                                                                                                                                                                                                                              |         |                                                                                                                                                                                                                                     |     |                                                                                                                                                                                                                                             |

## II. Usus demonstrationis.

I. *Affirmatis vel negatis partib. distribuentibus, affirma-  
tur vel negatur totum distributum, & contrâ: ut, Docet legem  
& Evan.*

& Evangelium. E. est Theologus. *Et*, Ille neq; legem neq; Evangelium docere potest. E. nec est Theologus. *Et rursus*: Ille est Theologus. E. potest docere legem & Evangelium. *Denique*: Ille non est Theologus. E. nec docere potest legem & Evangelium. Sic: Ille neq; numeros, neq; magnitudines tractat. E. non est Mathematicus. *Item*: Pompejus est præditus & rei militaris scientiâ, & virtute, & autoritate & felicitate. E. est bonus Imperator. Sic: Ille tenet Etymologiam & Syntaxin. E. est Grammaticus. *Item*: Hæc res neq; est homo, neq; bestia. E. nec est animal. *Et*: Est animal. Ergo est vel homo, vel bestia. Si hæc res est considerationis Theologicæ, pertinet vel ad doctrinam de Deo, vel ad doctrinam de Dei actionibus.


### III. Usus amplificationis.

*I. Antithesis.* Septem numeratis Sacramenta, Pontificis Romani subditi. At Christus duo duntaxat instituit. Novum Testamentum meminit Baptismi & Sacræ Cœnæ. Altum ibi silentium de Sacramento Pœnitentiæ, de Sacramento extremæ unctionis, de Sacramento ordinationis, de Sacramento Matrimonii, de Sacramento Confirmationis. Jam videte Christiani, annon *δια παρῶν* distent doctrina Christi & Papæ de numero Sacramentorum Novi Testamenti. *Item*: Disputant Rhetores, & magno conatu disputant istam quæstionem, Quot sint partes Rhetoricæ. Bona pars illorum quinque constituunt, Inventionem, Dispositionem, Elocutionem seu Exornationem, Memoriam & Actionem. Alii solum duas illius partes genuinas agnoscunt, Elocutionem & Actionem. Ego accedo sententiæ posteriori, & cum magno illo subtilitatum magistro Julio Scaligero, Rhetoricam ab Oratoriâ distinguendam esse censeo, ita quidem ut Rhetorica orationi solum apponat ornatum, qui sit tum elocutionis, tum actionis; Oratoria verò insuper inveniat, disponat, omninoque utatur instrumentis Rhetoricis & Dialecticis.

*II. Syncretismus.* Sunt qui faciunt duas Theologiæ partes, quarum prima sit de Deo, altera de Dei operibus. Alii dicunt, eam docere partim de fide, partim de fidei actionibus. Aliis probatur distributio illius in Legem & Evangelium. Aliis aliud videtur. Ego in varietate istâ sententiarum nec

varius sum, sed tamen varius. Non varius, quippe qui certi aliquid statuo. Varius; utpote qui omnes istas approbo. Cum enim inter se conciliari possint, iniquum est pugnam inter illas statuere. Interim hoc ajo, quendā inter illas principatum esse, qui cui debeat, iudicium penes lectorem esto. *Hujusmodi syncrifes multa sunt in re Geographicā, ubi divisiones terrarum à recentioribus tradita sunt præferenda iis quæ apud veteres occurrunt.* e.g. Veteres sic dividebant Germaniam:

Divisio Germaniæ.



At divisio hodie tradita est accuratior. Vide titulo sequenti. Sic Africa dividitur aliter secundum veteres Romanos, aliter secundum doctrinam Ptolomæi, aliter secundum recentiores Geographos.

III. Conglobatio hîc dominatur. Vide 1. Cor. 15. v. 10. Eph

4. v. 11.

4. v. 11. Sic Romano-Germanici Imperii magnificentia depingitur ex hoc loco hunc in modum: Imperium Romano-Germanicum in tres ordines sive status dividitur. Princeps omnium & caput est Imperator. Hunc sequuntur Superillustres, videl. Electores, & Illustres, reliqui nimirum Duces, Landgravii, Marchiones, Principes, Comites, Barones, Domini. Tertius status est civitatum liberarum, quarum numerantur LXXXIV. Universum autem regionum & provinciarum omnium, quas complexu suo Imperium ambit, systema in certos circulos resolvitur. Illorum sunt decem. Primo continetur Franconia: Secundo Noricum & Bavaria: Tertio Austria & Tirolis: Quarto Alsatia cum Ducibus Lotharingae & Sabaudiae: Quinto Suevia, Würtembergum & districtus illius civitates liberae. Sexto Palatinatus Rheni, cum Electoribus Ecclesiasticis. Septimo Westphalia cum Frisia Orientali, Julia, Clivia & Waldecko. Octavo Saxonia superior, Misnia, Lusatia, Marchia Brandenburgica, Pomerania, Anhaltini, Dantiscum. Nono Saxonia inferior, Magdeburgum, Brunsvvicum, Brema, Mechelburgia, Luncburgum, Holsatia, & propter eam Rex Daniae, Lubecum, Hamburga. Decimo Burgundia superior. Eodem modo aliae regiones describi possunt. Sic & urbes. v. g. Roma. Quam magnifica & excelsa fuerit prisca illa Roma, auditores, paulo penitus perpendamus. Septem ostentabat montes, Tarpejum sive Capitolinum, Quirinalem, Palatinum, Aventinum, Viminium, Exquilias, & Coelium. Eadem Ciceronis aetate in xxxv. tribus dividebatur; quarum nomina erant, Aemilia, Anienensis, Arnienensis, Claudia, Crustumina, Collina, Cornelia, Exquilina, Fabia, Falerina, Galeria, Lemonia, Maecia, Mentina, Ostentina, Palatina, Papiria, Papia, Publilia, Pollia, Popilia, Pomptina, Pupinia, Quirina, Romilia, Sabatina, Scaptia, Sergia, Stellatina, Suburana, Terentina, Tromentina, Velina, Voltina, Vejentina. Jam nihil dico de quinque classibus, in quas urbs fuit divisa; praeterea ordines civium. Si nihil amplius dico, quam quod de septem montibus & 35. tribubus modo attigi, causa dicta est. Atque hac quidem distributionis ratio in Geographicis & historicis est praestabilis. In commendatione personarum utimur distributione subjecti in accidentia: ut, Quatuor sunt ornamenta & adjacentia summi Imperatoris, scientia

Imperii Romano-Germanici partitio.

Roma quomodo primitus divisa?



rei militaris, virtus, autoritas, & felicitas, ut author est *Cicero pro lege Maniliâ*. At hæc quatuor insunt *Mauritio Imperatori* isti Belgico. Nemo enim illo (absit invidia dictis) est rei militaris peritior. &c. *Hæc partes jam evolvenda sunt pluribus. Talia sunt accidentia Episcopi i. Timoth. i. Cum author aliquis est explicandus & textus S. Scripturæ resolvendus, distributio integri in membra habet locum. Aliquando generale aliquod primo loco positum in partes dividitur: ut, Videte & gustate quàm suavis sit Dominus. Videte quanta sit suavitas & gratia illius, qui omnes homines vult salvos fieri, divites & pauperes, doctos & indoctos, Judæos & Gentes, magistratus & subditos, nobiles & ignobiles. Quid plura? Omnes homines. Gustate quàm suavis sit ille, qui & verbo & Sacramentis pascit animas nostras ad vitam æternam. Sunt etiam distributiones metaphorica. Respublica constat capite & membris. Caput est princeps. Membra sunt subditi. Similitudo jam esset explicanda, & partes corporis ad varia Reip. membra accommodanda. Tale est & illud: Resp. constat oculo & aure. Oculus est gubernator, quem oportet videre, hoc est, valere sapientiâ, virtute, & felicitate, in rebus gerendis. Auris est populus, quem oportet audire, hoc est, obtemperare & obsequi.*

Satis jam diximus, opinor, de ter gemino argumentorum Logicorum usu: quam doctrinam placet consignare uno atque altero monito de copiâ verborum, & analysi. Usus amplificationis ostendimus adductis variis exemplis, in quibus quædam sunt oratoriè tractata, quædam stylo humili & plano. Si quis velit hanc de amplificatione doctrinam transferre ad usum oratorium, sic procedet. Fiat libellus, in quo tituli disponantur secundùm hæc argumenta Logica, ita ut peculiaris sit titulus de causâ finali, efficiente &c. Singuli tituli subdividantur in ternos subtitulos, qui sunt antithesis, syncrasis, conglobatio. Jam si pulchræ & magnificæ amplificationes occurrant apud oratores, referantur illæ ad convenientes sedes. Hic labor, mihi crede, non erit inanis.

In analysi etiam usum habet insignem hæc declarationis, demonstrationis & amplificationis distinctio. e. g. Sit resolvendus *Psal. 103.* insigne illud carmen *Quæstio* est conjuncta. Ago tibi gratias Jehova. Argumentum est unicum. Q.

cum. Q. contulisti beneficia in universam Ecclesiā & in me. Hujus argumenti amplificationes sunt septem. I. Est distributio seu conglobatio præcipuorum beneficiorum. Non dicitur in genere, Ago tibi gratias pro omnib. beneficiis: sed nominatum illa recenset. Series illorum beneficiorum hæc est: 1. Qui propitiatur omnib. iniquitatib. tuis, & sanat omnem infirmitatem tuam. 2. Qui eripit ex interitu vitam tuam. 3. Qui coronat te bonitate & miserationibus: ubi est amplificatio à simili. 4. Qui replet bonis os tuum. 5. Renovat sicut aquilæ juventam tuam. 6. Facit justitias Dominus, & iudicia patientib. injuriam. 7. Notas facit Mosi vias suas. II. Est amplificatio istorum beneficiorum à causâ, videl. misericordiâ Dei. III. Est antithesis: Deus non agit nobiscum secundum iniquitates nostras. IV. Est comparatio pingens misericordiam Dei ἀναρίθμητον καὶ ἀμέτρητον: Quoniam sicut altitudo cœlorum &c. V. Est alia comparatio, quâ affirmat, tantam esse Dei φιλανθρωπίαν καὶ χρηστότητα, ut non aliter nos amet, quàm blandus Pater tractat tenellos filios eosq; tenero affectu complectitur. VI. Est hypotyposis nostræ infirmitatis. Comparat enim nos pulveri: Quoniâ ipse novit figmentum nostrum &c. VII. Est amplificatio bonitatis Dei ab æternitate: Bonitas autem Domini in seculum &c. Accedat jam animus discendi cupidus & amans methodi, admoveatque huic aratro manum. Tum verè dici potest de nostris hæcenus traditis observationibus, quod Aratus de prognosticis tempestatum observavit: Labor quidem exiguus est hæc observare, sed hujus observationis multiplex est utilitas.

### Cap. 32. Exercitatio axiomatice.

Scitis de applicatione argumentosâ; sequitur Applicatio axiomatice, quæ est praxis circa doctrinam axiomatis.

Praxis illa est axiomatis constitutio, multiplicatio & iudicatio.

Constitutio axiomatis gubernatur his canonibus.

Constitutio  
axiomatis.

1 *In constituendo axiomate primò cogitandum est de materiâ, deinde de formâ.*

2 *Materia axiomatis sunt thema & argumentum.*

Thema est subjectum, argumentum est prædicatum. Si igitur constituendum sit axioma, primo loco ponatur thema seu res quæ tractatur: ut, homo. Secundo loco ponatur argumentum, quo thema explicetur: ut, animal, doctus, disciplina capax. Notabis hîc probè, quòd utraque pars possit esse redundans, seu composita, uti suo loco diximus: ut, Qui credit in Christum, servabitur. Et, Homo est arbor inverta.

3 *Forma axiomatis, est dispositio; ubi videndum num thema & argumentum exigant compositionem an divisionem; item, utrum adhibendum sit vinculum verbi vel conjunctionis.*

Compositionem adhibebis, quando subjectum & prædicatum consentiunt; ut, Homo est animal: divisionem, quando dissentiunt; ut, Homo non est animal irrationale. Vinculum verbi adhibebis, si velis constituere axioma simplex: ut, homo est animal: conjunctionis, si constituere velis axioma compositum: ut, homo est mortalis & immortalis. Sæpe hîc partes invertuntur: ut, Bonum est, fugienda aspicere in alieno malo.

Multiplica-  
tio axioma-  
tis.

Multiplicatio axiomatis instituaturs juxta hos canones:

1 *Tot possunt esse axiomata in tractatione alicujus thematis, quot sunt loca inventionis.*

Exempli gratiâ: Thema sit homo. Hominis considerari possunt causæ, effecta, subjecta, & similia argumenta. Quare si hominem consideres tanquam causam, quæres ejus causatum: ut, homo loquitur. Si consideres eundem tanquam causatum, quæres ejus causam: ut, Deus hominem condidit. Si consideres ut speciem definiendam, quæres ejus definitionem; si ut totum, quæres illius partitionem, & cætera. Quid? Ex uno loco inventionis sæpe possunt erui plura

plura argumenta: ut, Hominis consideretur causa efficiens prima. Hinc axiomata: Homo est à Deo creatus; homines raro cogitant se à Deo creatos esse; Adam est à Deo creatus; & nos sumus ab eodem creati &c.

**2 Dispositio duorum terminorum saepe plura nobis suppediat axiomata.**

Sic v. g. sunt termini simplices, homo & dilectio Dei. Quod si velis hos terminos axiomaticè disponere, poteris axioma universale, particulare, proprium, copulatum, connexum &c. constituere, hoc modo: Omnis homo naturâ intelligit Deum esse amandum; Quidam homo Deum diligit; Abraham Deum dilexit; Abraham Deum dilexit & in secundis, & in adversis rebus; Si Deum diligeres, reipsâ hoc testatum faceres; Quanquam dicis te Deum diligere, tamen factio non ostendis; Aut Deum diligit homo, aut Satanam.

**3 Multiplicari possunt axiomata per expositionem.**

Sic si axioma sit obscurum, explicari debet: & hoc modo plura axiomata existunt. e. g. Cicero aliquoties gessit fasces. Si hoc axioma alicui sit obscurum, explicetur hoc modo: Cicero aliquoties gessit magistratum in Rep. Romanâ. Institui quoq; potest expositio utriusq; termini: ut, Magistratus sunt dii. Hic tum subjectum, tum prædicatum explicari potest.

**4 Multiplicari possunt axiomata per deductionem.**

Deductio est, quâ unum axioma ex alio deducitur, ut diximus suprâ L. 6. c. 14. & 15. e. g. Quicumq; est coram Deo justificatus, est & regeneratus: & Quicumq; est regeneratus, est coram Deo justificatus.

**5 Multiplicari possunt axiomata per equipollentiam & oppositionem.**

Exempli gratiâ: Panis est corpus Christi sacramentaliter; & panis est signum mysticum corporis Christi. Corpus Christi est ubique; corpus Christi non est ubique. Hic observa consimile. fermè quid esse in multiplicatione axiomaticâ amplificationi topicâ, de quâ diximus suprâ cap. 5. Sicut enim amplificatio instituitur per antithesin, synthesin, & conglobationem: sic & multiplicatio axio-

matis ferè se habet: ut, antithesis axiomatica est: Anima hominis est mortalis; anima hominis est immortalis. Syncripsis axiomatica est: Solâ fide justificamur; justificamur fide sine operibus Legis. Conglobatio axiomatica est: Homo est conditus à Deo: homo est creatus ex humo; homo est conditus ad imaginem Dei. Est conglobatio causarum. Sicut autem in amplificatione topicâ ad tria illa modò dicta accedit autoritas seu testimonium: ita & in multiplicatione axiomatîca res se habet.

Dijudicatio  
axiomatis.

Dijudicatio axiomatis, sive illud à nobis, sive ab aliis factum sit, gubernatur his canonibus:

1 Videatur num axioma rectè se habeat, quoad materiam & formam.

2 Quoad materiam axioma examinetur ratione verborum, & rerum.

Omne siquidem axioma constat ex rebus & verbis.

3 In verbis videndum, utrùm sint propria, an impropria; certa, an ambigua; obscura, an perspicua.

4 In rebus considerentur partes axiomatis.

5 Consideretur forma axiomatis, itemq; species & communes affectiones.

Exempli gratiâ: Sit hoc axioma examinandum; Christus homo est ubique. In illo, quoad materiam verbalem vox *Christus* est perspicua, certa & propria; vox verò *homo* est obscura, quia multi ignorant quo sensu communicatio idiomatum, ut loquuntur theologi, dicatur valere in concreto, non in abstracto. Quoad materiam realem, thema hujus axiomatis est *Christus homo*: argumentum explicans est *ubiq; esse*. Quoad formam est axioma compositione terminorum consentaneorum informatum, ideoque legitimum. Quoad species est axioma affirmatum, verum, simplex, proprium, finitum, absolutum. Quoad affectiones, hic locum habent expositio, crypsis, æquipollentia & oppositio. Expositio: ut, Christus homo est ubiq; *regl' à mo.*  
Crypsis:

Crypsis: ut, subjectum hujus axiomatis est redundans, utpote duobus terminis conceptum. Æquipollentia: ut Christus homo est ubique; Christus homo personaliter est ubique. Oppositio: ut, Christus homo est ubique; humana Christi natura est ubique. Cum primis oportebit memoriâ tenere doctrinam axiomaticam de suppositione, ampliatione & restrictione, quam suo loco expressimus, hîc usum trademus paucissimis, qui peramplus est in Theologicis & Juridicis.

*Suppositionis usus est*, scire quânam vocabula de ideâ seu specie, quæ de individuo sint accipienda. Exempli gratiâ. Dilectio est impletio legis. Hoc axioma verum est, si intelligatur de ideâ, seu, ut veteres locuti sunt, si vocabulum dilectionis supponat pro specie. At non verum est de illâ dilectione, quæ cadit in hominem. Sic dicunt Logici: Definitiones traduntur de ideis. Nam solæ species definiuntur, individua duntaxat describuntur. Rosæ definitio est perpetua, etiam hyeme, quando nulla est rosa. Justitia definitur constans & perpetua voluntas, suum cuique tribuens. Hæc definitio non traditur de meâ, vel tuâ justitiâ, sed de justitiâ quæ significat speciem, i. e. quiddam abstractû ab individuis.

*Restrictionis usus est*, scire quando universalis particula ad certam speciem sit contrahenda: e. g. Omnia Deo sunt possible, scil. ea quæ vult, & quæ ipsius naturæ conveniunt. Hæc restrictio nihil imminuit de gloriâ omnipotentis divinæ. Errant igitur, qui omnibus suis commentis, & falsò conceptis imaginationib. prætexunt nomen omnipotentis divinæ. His opponi potest illud Ciceronis. Apud illum quidâ exclamat. Deo nihil est impossibile. Omnia n. Deus facere potest. Respondet alter: Utinam te fecisset sapientem! Huc pertinent & illa: Omnia mihi licent, ait Paulus, scil. adiophora seu media, quæ nō sunt prohibita lege morali. Amicorum communia sunt omnia, scil. quæ possunt legitimè communicari, & quidem naturali obligatione sunt communia, non civili. Sic *Matth. 21.* Omnia credenti sunt possible, scil. necessaria, nō curiosa, & non prohibita. *Marc. ult.* Prædicate Evangelium omni creaturæ, scil. rationali, quæ est capax doctrinæ & virtutis. *Joël. 2.* Effundâ de spiritu meo super omnem carnem, scil. electam. *Luc. 11.* Decimatis omne olus, scil. quod habetis. Sic nimirum oportet orationem revocare à genere ad spe-



ciē. Vulgò dicunt de hisce: *Restrictiones profunt ad candorem.*

*Ampliationis usus est*, dictum suâ naturâ generale, sed accommodatum certæ rei, laxare: ut, *Genes. 15.* dicit Deus ad Abrahamum: Ego ero protector tuus, & merces tua magna valde. Et ad Jacobum, *Genes. 28.* Ego ero custos tuus quocunq; perrexeris. Hæc dicta specialia debemus ampliare & extendere ad totam Ecclesiam, & singula membra, quia Deus justus est & æqualis sine *προσωποληψία*. Ita Paulus *Roman. 4.* testatur, exemplum justificationis Abraham ad omnes credentes pertinere, *Roman. 4.* & addit: Non est tantum scriptum propter illum, sed etiam propter nos. Sic rectè potes argumentari ab exemplo primorum parentum: Deus recepit primo parentes post lapsum desertos ab omnibus creaturis. Ergò & me miserum peccatorem, confurgentem ad Filium mediatorem recipiet & salvabit. Valet hæc consequentia per *ἐκτασιν*, *ampliationem*. Ex his videre est, non vulgarem, neque contemnendum esse usum hujus doctrinæ, quam veteres appellarunt *Parva logicalia* ob excellentiam & utilitatem. Ad hanc doctrinam pertinet humanissimum Jctorum dictum: *Favores sunt ampliandi, odia verò restringenda.*

### Cap. 33. Exercitatio syllogistica.

**C**onsideravimus applicationem partialem noëtica; nunc considerabimus applicationem partialem dianoëtica, quæ versatur circa instrumenta dianoëtica.

Estq; tum syllogistica, tum methodica.

Applicatio syllogistica consistit in constitutione, multiplicatione, & dijudicatione syllogismi.

Constitutio syllogismi instituenda est secundum hos canones.

1 *Primò cogitetur de materiâ; deinde de formâ syllogisticâ.*

2 *Quod attinet ad materiam syllogisticam, quatuor videnda.*

1. Ponē-

1. Ponenda est quæstio, eaq; vel affirmanda, vel neganda.  
 2. Quæstio illa examinanda est, sicut suprà diximus de the-  
 mate: num videlicet sit utilis, pura vel mixta, universalis vel  
 particularis, certa vel ambigua &c. 3. Ex locis inventionis  
 Logicæ quærendum est medium. 4. Videndum, utrum  
 medius terminus consentiat cum utroq; quæstionis termi-  
 no, vel duntaxat cum alterutro.

3 *Quoad formam syllogisticam, considerandum est,  
 num quæstionem velimus concludere aliquo syllogismo  
 perfecto vel imperfecto.*

Exempli gratiâ, An Christus est Deus? Hæc est quæstio  
 conjuncta, cujus affirmativa est: Christus est D E U S. Jam  
 ex locis inventionis quæro argumentum, quod consen-  
 tiat cum utroque quæstionis termino, videl. proprium hoc,  
*omnipotens*. Hinc concludo in primâ figurâ: Qui est omni-  
 potens, est Deus. At Christus est omnipotens. E. est Deus.  
 Hanc rem paulò altius repetere placet. Mediū probativum  
 oblatæ quæstionis est vel actu & numero unum, vel plura  
 unius vicem suppletia. Si medium est unum, disponatur  
 cum quæstione in primâ figurâ, nisi medium sit negativum  
 minoris extremi, vel particulariter tantum subjectum ma-  
 jori. Ratio hujus moniti est; quia prima figura est omni-  
 um perfectissima, & secundum eam disponi potest quæstio  
 cujuscunq; quantitatis aut qualitatis cum suo medio; excep-  
 ptis duobus casibus, ut diximus: videl. 1. Si medium sit ne-  
 gativum minoris extremi. Hinc enim fit minor negativa;  
 quam cum non admittant prima & tertia figuræ, conse-  
 quens est, hujusmodi syllogismum tantum posse fieri in  
 figurâ secundâ, & quidem in Camestres aut Baroco: ut,  
 si quæstio sit, an impatiens sit fortis, & negetur universa-  
 liter, nullus impatiens est fortis; medium, quia non potest  
 aliquid ferre virtutis causâ. Hinc, verbis & sensu reten-  
 tis, non feceris syllogismum nisi in Camestres secundæ fi-  
 guræ, hoc modo: Fortis potest aliquid sustinere virtutis  
 causâ. Impatiens nihil potest sustinere virtutis causâ. Er-  
 go impatiens non est fortis. Sic sit conclusio: Multi  
 scholastici non proficiunt discendo. Medium: quia non  
 sunt constantes in discendo. Hinc non fit syllogismus, nisi

in Baroco secundæ, si verba & sensum eundem retinere velis: ut, *Qui* proficiunt discendo, illi sunt constantes in discendo. Multi scholastici non sunt constantes in discendo. E. multi scholastici non proficiunt discendo. 2. Si medium particulariter tantum subijciatur majori extremo. Hinc enim non fit major universalis, sed particularis, quæ nec in primâ, nec in secundâ figurâ necessariam parit cõsequentiam. Quare tantum in Disamis aut Bocardo tertiæ materia talis fuerit disponenda, ut si quæstio sit: Quidam stulti, sunt artifices: medium, Quia multi homines superbi, sunt artifices. Hinc fit tantum syllogismus in Disamis tertiæ: Quidam superbi sunt artifices. Omnes superbi sunt stulti. E. quidam stulti sunt artifices. Sic detur hæc quæstio: Multi laude dignissimi nullâ afficiuntur laude: medium, Quia multi sancti viri nullâ afficiuntur laude. Hinc tantum in Bocardo tertiæ fit syllogismus. Multi sancti viri nullâ afficiuntur laude. Sancti viri sunt laude dignissimi. E. multi laude dignissimi nullâ afficiuntur laude. Porro ex nominibus modorum in tribus figuris syllogismi simplicis patet, quæstionem universalem affirmantem tantum in Barbara, quæstionem universalem negativam in Celarent primæ, Cesare & Camestres secundæ; particularem affirmativam in quatuor modis, Darii primæ, Darapti, Disamis & Datisi tertiæ figuræ; particularem negativam in sex modis, Ferio primæ, Festino & Baroco secundæ, Felapton, Bocardo & Ferison tertiæ cum medio syllogistico concludi posse. Unde dicitur, facillimæ dispositionis esse particularem (sub quâ & singularis) negativam, quia in omnibus tribus; difficilioris, particularem affirmativam & universalem negativam, quia in duabus; difficillimæ, universalem affirmativam, quæ tantum in unicâ figurâ & unico modo Barbara locum habet. *Aristot. prior. analyt. lib. 1. c. 26.* Sed si facilitatem dispositionis respicias, eadem facilitate quæstionem cujuslibet quantitatis & qualitatis cum suo medio disponere est syllogismo connexo, seu conditionali, non tamen aliquo insigni artificio. Ad extremum, si quæstio probatur per media plura, ea aut ordine continuo coherent, ideoque sunt affirmativa & homogenea, quæ optimè disponuntur in Sorite: aut sunt species generi, vel singularia speciei probandæ, quæ commodissimè disponuntur inductione.

e. g. Af-

e.g. Afflictio efficit tolerantiam. Tolerantia experientiâ. Experientia spes. Spes non pudefacit. E. afflictio non pudefacit. Item, vinum Asiaticum calefacit. Vinum Europæum calefacit. Vinum Americanum calefacit. Vinum Africanum calefacit. E. omne vinum calefacit.

4 *Considerandum est, num medium sumendum sit apodicticum, dicticum, vel dialecticum.*

Exempli gratiâ: sit quæstio, an animal sit res viva? Si hæc sit demonstranda, accipe formam subjecti, quæ est efficiens prædicati, & apodixis  $\frac{3}{4}$  talis erit. Quod præditum est animâ sentiente, est res viva. Animal est præditum animâ sentiente. Ergo est res viva. Hic est syllogismus demonstrativus propriè dictus, qui tantum fit in Barbara. Communiter dicta demonstratio est in hoc exemplo: Homo non est lapis. Socrates est homo. Ergo Socrates non est lapis. Syllogismus contingens est: Qui abundat bonis libris, evadet doctus. Paulus abundat bonis libris. E. evadet doctus.

Multiplicatio syllogismorum hos habet canones. Multiplicatio syllogismorum.

1 *Syllogismus consecutivus ut propriæ conclusionis plures ex se gignit conclusiones.*

Syllogismus consecutivus sic dicitur, qui vel propter axiomatum conversionem, vel propter earundem æquipollentiam, vel germanam terminorum simplicium in conclusione affectionem alios syllogismos tanquam fœtus ex se parit. Sic *convertens sequitur ad conversam*: ut, Nullus infidelis edit corpus Christi. Ergo nullus edens corpus Christi est infidelis. *Universalis rectè infert particularem*: ut, Omnes peccatores resipiscentes recipiuntur in gratiam. Ergo etiam grandes peccatores resipiscentes recipiuntur in gratiam. At particulare non rectè infert particulare. Malè igitur colligit *Bellarmin. lib. 1. de purgat. cap. 4.* Quoddam peccatum non remittitur in futurâ vitâ. Ergo quoddam peccatum remittitur in futurâ vitâ. Porro *ab exclusivâ ad universalem est bona consecutio*: ut, Tantum fideles salvantur. Ergo omnes fideles salvantur. *Valet autem hæc regula in materiâ necessariâ*, in contingenti non item: ut, Tantum homo discit literas. E. omnis homo discit literas. *Denique à remotione unius membri ad exclusivam, est bona consecutio*: ut, Non justificamur operibus. E. solâ fide.

2 *Utile est unam eandemq<sub>3</sub> questionem concludere in variis syllogismorum formis.*

Exempli gratiâ: Nullus cometa est stella: quia est meteorum. Si medium disponatur cum quæstione, fiet syllogismus in Cesare: Nulla stella est meteorum. Omnis cometa est meteorum. E. nullus cometa est stella. Potes & in Celarét concludere: Nullum meteorum est stella. Omnis cometa est meteorum. Ergò nullus cometa est stella. Enthymema tale erit: Cometa est meteorum. Ergò non est stella. Syllogismus connexus sic erit: Si cometa est meteorum, non est stella. Sed est meteorū. E. non est stella. Si placet, poteris formare syllogismum ad absurdum ducentem: Aut verum est hoc thema: Nullus cometa est stella; aut verum ejus contradictorium, quidam cometa est stella. Sed posterius non est verum. Ergò prius erit verum. Assumptio probatur: Nulla stella est meteorum. Quidam cometa est stella. E. quidam cometa non est meteorum. Jam cum conclusio hæc falsa sit, sequitur, aut ambas præmissas, aut alterutram esse falsam. Sed propositio non est falsa. E. assumptio; & per consequens ejus contradictoria est vera.

3 *In apodixews loco non solum formentur syllogismi simplices demonstrativi, sed etiam sorita demonstrativi & inductiones.*

*Syllogismus simplex apodicticus est.* Id quod acquisitū est per præcepta de modo benè disferendi, est ars rationis. Logica est acquisita per præcepta de modo benè disferendi. Ergò Logica est ars rationis. Est demonstratio & *diol.* *Sorites apodicticus est:* Logica tradit modum disferendi. Quod tradit modum disferendi, tradit & de demonstratione scientificâ. Quod tradit de demonstratione scientificâ, tradit etiam de argumentatione. Quod de argumentatione, id etiam de enunciatione. Quod de enunciatione, id etiam de materiâ enunciationis. Quod de materiâ enunciationis, id quoque tradit de themate & argumento. Quod de themate & argumento, id tradit de instrumento Logico. Ergò Logica tradit de instrumento Logico. *Inductio apodictica est.* Cræsus potentissimus cecidit superbiâ: eâdem & Nebucadnezar, Cyrus, Darius, Codomannus, Alexâder Magnus, Pompejus,

Pompejus, Julius Cæsar; neque ullum disimile exemplum dari potest potentis alicujus regis, qui postquam superbiâ dementatus est, non horribiliter lapsus sit. Ergò omnes potentes domini, quando fiunt superbi, horribiliter labuntur. Porro usus demonstrationis præcipuus est, immotam reddere certitudinem præceptorum, in quovis systemate scientifico. Præcepta præcipua sunt definitiones, distributiones & regulæ. Definitio rectè se habens, est effectum demonstrationis, vel transposita demonstratio. Si enim conclusioni hujus, genus de specie prædicanti, addas medium à differentiâ specificâ sumtum, habes è demonstratione factam definitionem. Vide 2. post. cap. 8. §. 10. Exempli gratiâ: demonstratio est: Quod boar, est quadrupes. At bos boar. Ergò bos est quadrupes. Hinc extrues definitionem bovis: Bos est animal quadrupes boans. Divisio quoque potest demonstrari: ut, si demonstraretur ex definitione adversè oppositorum, species aut partes esse inter se ita oppositas. Regulæ potissimum demonstrantur inductione; quæ potest esse demonstratio *ἑκ τῶν*, seu à posteriori.

4 *Sorites est causarum, causatorum, subjectorum, antecedentium & consequentium, generum & specierum, comparatorum denique disimilium.*

Fundamentum hujus canonis est in illis maximis: Quod est prius priore, est etiam prius posteriore: Quod est posteriore posterius, est quoq; posterius priore. Videamus exempla. *Sorites efficientium & effectorum.* Ingluvies parit cruditatem ventriculi. Cruditas ventriculi parit cruditatem sanguinis. Cruditas sanguinis atrophiam. Atrophia hydropem aut phthisim. Phthisis mortem. E. ingluvies parit mortem. *Sorites causarum finalium:* Mercator vult iter ingredi propter emendas merces. Mercium emtionem vult propter earum venditionem, venditionem propter lucrum. Ergò ipsum iter vult ob lucrum. Sic: Studiosus amat studia ob illorum splendorem. Splendorem amat ob utilitatem. Utilitatem propter suam salutem itemq; proximi. Suam salutem & proximi vult ob Dei gloriam. Ergò studia amat ob Dei gloriâ. *Sorites subjectorum loci:* Liber tuus est in mensâ. Mensâ est in hypocausto.



sto. Hypocaustum est in domo. Domus in urbe. E. liber tuus est in urbe. *Sorites antecedentium & consequentium*: Nox est prior diluculo in die naturali, qui ab occasu solis inchoatur. Diluculum est prius tempore matutino. Tempus matutinum est prius meridie. Meridies est prior vespere. E. nox est prior vespere. Sic: Puer est posterior infante. Puero adolescens. Adolescente juvenis. Juvene vir. Viro senex. Ergò infante longè est posterior senex. *Sorites generum & specierum*. Grus est avis. Avis est animal. Animal est vivum. Vivum est compositum. Compositum est substantia. E. grus est substantia. *Huic contrarius est processus descendendo à genere ad speciem*: ut, Qualitas est habitus. Habitus quidam est ars. Ars quædam est musica. Ergò qualitas quædam est musica. *Sorites comparatorum dissimilium*: Puer plus intelligit infante. Adolescens plus puero. Juvenis plus adolescente. Vir plus juvene. Senex plus viro. Ergò senex longè plus intelligit quàm infans. Sic: Rege inferior est dux. Duce Princeps. Principe Comes. Comite baro. Barone Nobilis. Ergò rege multò inferior est nobilis. Si velis soriten resolvere, nota, illum resolvere in tot syllogismos, quot sunt soritæ propositiones, minùs duabus. e. g. ultimus sorites constat sex propositionibus. Deme huic numero binarium, & constabit tibi quòd sorites sit resolvendus in quatuor syllogismos: ut, hic est syllogismus principalis: Qui est inferior barone, est inferior rege. Nobilis est inferior barone. Ergò nobilis est inferior rege. Jam sequuntur tres prosyllogismi, quorum primus est prosyllogismus majoris in allato syllogismo: Qui est inferior comite, est inferior rege. Baro est inferior comite. Ergò baro est inferior rege. Secundus prosyllogismus est majoris in modò præcedente prosyllogismo: Qui est inferior principe, est inferior rege. Comes est inferior principe. Ergò est inferior rege. Tertius prosyllogismus est majoris in modò allato prosyllogismo: Qui est inferior duce, est inferior rege. Princeps est inferior duce. Ergò princeps est inferior rege.

3 *Instantiarum seu prosyllogismorum multiplicatio est, quando syllogismus unus principalis probatur per plures prosyllogismos, & fundatur in hoc canone: Unum argumen-*

*argumentum probat alterum, seu unus locus inventionis probat alterum.*

Verbi gratiâ: Si argumentū principale ductum sit ex loco effecti, illud probari potest non solum è definitionibus & regulis effecti, sed etiam ex aliis locis; ita tamen ut tūc alium respectum induat, videlicet thematis. Sit quæstio: An mundus est æternus? Negetur argumento ducto è loco effecti: quia mundus est à Deo creatus. Hinc existit talis syllogismus: Nullum à Deo creatum, est æternum. At mundus est à Deo creatus. Ergò. Probatur assumptio ex definitione effecti: Quod vi omnipotente Dei existit, id à Deo creatum est. At mundus. Ergò. Suadetur assumptio vel ex loco testimonii, vel è loco adjuncti: Omne finitum existit virtute infiniti. At mundus finitus. Ergò. Probatur major ex canone: Omne dependens suam entitatem & causalitatem habet ab independente. Quod si igitur velis multiplicare, & (ut ita dicam) concatenare rationes syllogisticas, familiares tibi redde definitiones, divisiones & regulas locorum inventionis, itemque rerum ipsarum, quæ in disciplinis traduntur.

Sequitur dijudicatio syllogismi confecti; quæ Dijudicatio  
syllogismi. consideratur in genere, & in specie.

In genere dijudicatio syllogismi fit juxta hos canones.

1 Considerentur tria; videl. syllogismi structura, affectiones, & species.

2 Quod attinet ad structuram syllogisticam, examinentur materia & forma.

3 In materiâ syllogisticâ videantur tria; thema, medium, & præmissæ.

Thema reducatur ad certam aliquam speciem thematis Logici. Medium reducatur ad locum inventionis, ex quo sumtum est; & consideretur illius relatio, quam habet ad partes thematis. In præmissis observetur, num legitimo ordine sunt dispositæ.

4. In formâ syllogisticâ videatur num canones bonæ dispositionis sint observati.

5. Excutiantur affectiones syllogismi, videlicet consequentia, potentia, & crypsis syllogistica.

6. Examinetur syllogismus juxta species; num sit perfectus vel imperfectus; categoricus vel hypotheticus; necessarius vel contingens; affirmatus an negatus, &c.

Exempli gratiâ: Sit dijudicandus hic syllogismus: Nulli impii placent Deo. Multi impii non sunt externâ vitâ culpabiles. Ergo multi externâ vitâ non culpabiles non placent Deo. In hoc syllogismo thema conjunctum, seu quæstio controversa est: multi externâ vitâ non culpabiles non placent Deo. Est thema particulare negatum. Medium est, multi impii: quod sumtum est à subjecto antecedentis, & repugnante consequentis. Præmissæ sunt convenienti ordine positæ. Forma illius syllogismi est bona; est enim tertiæ figuræ, modi Ferison. At minor est negativa? Respondeo, non est: sed est infinita: vel, ut alii dicunt, negatio hic est enunciativa, sed non assumptiva. Negationem enunciativam dicunt, quâ prædicatum verè remouetur à subjecto per particulam negantem, quæ vim suam spargat in vinculum. Assumptivam negationem dicunt, quâ negatur minus extremum contineri sub subjecto majoris. Talem negationem dicunt non esse in proposito syllogismo, eò quod minus extremum includatur subjecto majoris; id quod illis est assumptiva affirmatio. Negativa assumptio est in hoc syllogismo secundæ figuræ: Omne vivum habet corpus organicum. Nullus lapis habet corpus organicum. E. nullus lapis est vivum. Hic enim minus extremum excluditur medio. Cæterum propositus syllogismus non est crypticus, nisi assumptionem cum quibusdam velis dicere crypticam; quâ de re supra lib. 7. cap. 4. circa finem. Porro est categoricus, verus, contingens, ostensivus &c.

Dijudicatio syllogismi in specie hos habet canones:

1. In syl-

1 In syllogismo simplici committitur crypsis, quando conjunctiones si & aut ibi ponuntur.

Exempli gratiâ: In primâ figurâ sunt hi syllogismi: Si vermis appetit, etiam sentit. Si vermis se movet ad appetita, prius ea appetit. Ergo si vermis se movet ad appetita, etiam sentit. Item: Si canis est animal, est vivum. Si canis sentit, est animal. Ergo si canis sentit, est vivum. Hic est syllogismus simplex, sed crypticus, in figurâ primâ modo Barbara. Questio est, si canis sentit, est vivum: medium, quia est animal. Questio tota nō disponitur cū medio in propositione majore, ideoq; compositus syllogismus dici nō debet: sed medium antecedit in propositione, sequitur affirmatum in assumptione, quæ est dispositio syllogismi in figurâ primâ. Sic & hic syllogismus est in Barbara: Omne vivum est vegetans aut sentiens. Canis est vivum. Ergo est vegetans aut sentiens. Item: Omne sentiens est heterobion aut amphibion. Limax est sentiens. E. limax est heterobion aut amphibion. Sic & in figurâ secundâ hoc idem videre est: Si fur habet bonam conscientiam, placidè dormit. Si fur semper timet, non placidè dormit. Ergo si fur semper timet, non habet bonam conscientiam. Est in Camestres: Habens bonam conscientiam, placidè dormit. Fur semper timens non placidè dormit. Ergo. Item: Aut vegetans aut sentiens est vivum. Nullus lapis est vivum. E. nullus lapis est vegetans aut sentiens. Sic quoque in figurâ tertiâ. Si quidam homines sunt mœchi, sunt puniendi. Si quidam homines sunt mœchi, sunt scelerati. Ergo si quidam homines sunt scelerati, sunt puniendi. Est syllogismus in Disamis. At hic est in Ferison: Qui non stant promissis, aut non volunt, aut non possunt ea præstare. Multi qui non stant promissis, sunt magni viri. E. multi magni viri non volunt, aut non possunt promissa præstare.

2 Enthymema syllogisticum discerni debet ab enthymemate enunciativo.

Enthymema syllogisticum dicitur, in quo altera præmissarum est omissa: ut, scenerator pluris facit pecuniam quàm famam. E. scenerator non est vir bonus. Hic omissa est major. Minor est omissa in isto: Nullus mēdax est vir honestus.

Enthymema aliud est syllogisticū aliud enunciativum.

Ergò neq; calumniator est vir honestus. Enthymema enun-  
ciativum seu axiomaticum est, cujus consequens ex enun-  
ciatione ultrò quasi effluit, sine dispositione syllogistica a-  
ctuali. Potentiâ tamen in istiusmodi enthymematis est ista  
dispositio. Hujusmodi enthymemata suppeditat 1. *Con-*  
*versio axiomatica*: ut, Nullus bos est lapis. Ergò nullus la-  
pis est bos. Omnis bos quadrupes. E. quoddam quadrupes  
est bos. 2. *Equipollentia axiomatica*: ut, Omnis natura  
ingemiscit. Ergò naturæ tam cœlestes quàm terrestres inge-  
miscunt. Non sunt multi sinceri. Ergò quidam sunt sinceri.  
Nil non est vanum. Ergò omnia sunt vana. Forma perit bre-  
vi tempore. Ergò non durat multa secula. 3. *Consensio re-*  
*rum*: ut, Sol est ortus. E. cesserunt tenebræ. Petrus est pater  
Johannis. Ergò Johannes illius est filius. 4. *Oppositio rerum*:  
ut, Non-homini non est ratio. Ergò homini est ratio. Ignis  
est summè calidus. Non igitur frigidus. Omnis grus est avis.  
E. quod non est avis, neque est grus. 5. *Collatio rerum*: ut,  
Mendax est par furi. Ergò fur quoque par est mendaci. In-  
fimus non fert se sperni. E. nec summus hoc feret. Rex est si-  
milis patri. Ergò pater similis regi. Uxor differt ab herâ. E. &  
hera differt ab uxore. Adulterium est majus furto. E. non est  
illo minus.

3 *Cùm occurrit inductio, videndum, num illa sit spe-*  
*cierum vel individuorum.*

Inductio specierum est, quæ per sufficientes species pro-  
bat genus: ut, Meteora sunt ex elementis. Mineralia, olea,  
lapides, metalla sunt ex iisdem. Omnia membra homoge-  
nea plantarum, animalium, hominis sunt ex iisdem ele-  
mentis. Ergò omnes substantiæ sublunares sunt ex elemen-  
tis. Inductio individuorum seu singularium est, quæ per suf-  
ficientia singularia probat speciem, aut per affectionem sin-  
gularium probat affectionem speciei: ut, Amor libidinosus  
dementavit uxorem Potipharis; dementavit Simsonem, de-  
mentavit Davidem, Salomonem, & alios, quoscumq; inva-  
sit. Ergò amor libidinosus dementat omnes, quoscumque  
invadit.

4 *Dijudicatio syllogismorum in secundâ & tertiâ si-*  
*gurâ pendet à primâ.*

Iraque

Iraque syllogismi secundæ & tertiæ figuræ reducuntur vel per conversionem, vel per deductionem ad impossibile, quæ res etiam facit ad multiplicationem syllogisticam. Exempli gratiâ: Syllogismus in Cesare est: Nulli verè credentes damnantur. Omnes hypocritæ damnantur. E. nulli hypocritæ sunt verè credentes. Hic reducitur ad Celarent. Nulli qui damnantur sunt verè credentes. Omnes hypocritæ damnantur. E. nulli hypocritæ sunt verè credentes. Syllogismus in Darapti est: Omnes sapientes sunt beati. Omnes sapientes scire desiderant. Ergò quidam scire desiderantes sunt beati. Reducitur ad Darii: Omnes sapientes sunt beati. Quidam scire desiderantes sunt sapientes. Ergò quidam scire desiderantes sunt beati. Syllogismus in Baroco: Omnis sapiens est suâ sorte contentus. Quidam dives suâ sorte non est contentus. E. quidam dives non est sapiens. Reducitur per impossibile ad Barbara: Omnis sapiens est suâ sorte contentus. Omnis dives est sapiens. E. omnis dives est suâ sorte contentus. Syllogismus in Bocardo est: Aliqua ira non est vitiosa. Omnis ira est affectus cordis. Ergò aliquis affectus cordis non est vitiosus. Reducitur per impossibile ad Barbara: Omnis affectus cordis est vitiosus. Omnis ira est affectus cordis. E. omnis ira est vitiosa.

*§ Judicium syllogisticum acuitur, si subinde deligantur exempla dispositionis syllogistica non ita evidenti.*

Talia exempla sunt, 1. Si Verres est peculator, est fur. Si Verres est fur, non est ferendus in civitate. Ergò si Verres est peculator, non est ferendus in civitate. Hic est Sorites hypotheticus, non syllogismus purè hypotheticus, ut quidam volunt. Est enim dispositio Soritæ contraria primæ figuræ. 2. Omne vivum constat animâ & corpore organico. Omne vivum est tum planta, tum animal. Ergò tam planta, quàm animal constat & animâ & corpore organico. Quidam dicunt esse syllogismum compositum: sed est simplex in Barbara. Nam medium non disponitur cum totâ quæstione, ut fieri oportet in syllogismo composito; sed duntaxat cum majori. 3. Quod tibi licet, idem & mihi licet. Tibi licet vendere emtum tuâ



pecuniâ. Ergò & mihi licet vendere emtum pecuniâ meâ. Non est hypotheticus, ut quidam tradunt: sed simplex in Darii, si minor rectè assumatur è majori, hoc modo: Vendere emtum tuâ pecuniâ tibi licet. 4. Quod Christus Petro pœnitenti prœstitit, idem & tibi pœnitenti prœstabit. Christus Petrum pœnitentem recepit in gratiam. Ergò Christus & te pœnitentem recipiet in gratiam. Est syllogismus implicite hypotheticus; cujus propositio sic erat informanda: Si Christus Petrum pœnitentem in gratiam recepit, & te pœnitentem in gratiam recipiet. Nisi hoc fiat, propositio erit generalior, quàm debebat. 5. Quod accidit magnis sanctis, id metuere debent parvi. Magnis sanctis accidit amittere actum fidei. Ergò ne amittant actum fidei metuere debent parvi. Est syllogismus in Barbara, si minor rectificetur. 6. Regi plus permittitur jure quàm subdito. Regi non permittitur jure bona aliena donare cui vult. Ergò bona aliena donare cui vult, multò minus permittitur subdito. Item: Servus in Republica multò minus habet juris quàm dominus. Servo autem licet queri de injuriis domini. Ergò multò magis queri de injuriis servi domino licet. Hi sunt syllogismi conditionales enthymematici. Nam propositiones sunt omissæ. Si regi non permittitur jure bona aliena donare cui vult, multò minus subdito permittitur. Si servo licet queri de injuriis domini, multò magis domino licet queri de injuriis servi. Pro his propositionibus omisissis ponuntur earû prosyllogismi sive probationes. Tales materiæ ex comparatis non commodè disponuntur simplicii syllogismo: unde vel propter eas opus est hypothetico.

Coronidem huic capiti adjicere oportet pernecessariam. Solent Theologi & Politici argumēta ut plurimum alio modo colligere, quàm illo, qui est locorum Logicorum. Modû illum paucis circumscribam, secutus Theodorû Zawackum equitem Polonû. Restrinxit autem ille ad causas senatorias, quod tu ampliandum esse cogitabis. Res ita habet.

Trivia practica sunt certè sedes argumentorû, quibus utimur in causis senatoriis, non solû politicis, sed etiam Ecclesiasticis. Vocamus trivia quia usu quotidiano teruntur, & sunt triplicata.

Trivia illa complectuntur genera causarum senatoriarû,  
sive the-

sive thematum, locos persuasionum, & adjunctiones; in quibus singulis enarrandis utile est numerum senarium memoriarum causam observare.

*Genera causarum*, in quibus omnis senatoria disceptatio versatur, sunt sex: *Lex, Meritum, Arma, Societas, Pecunia, Mos.*

*Lex*, est præscripta quædam degenda vitæ, rerumque agendarum ratio & modus, quam publicè omnes, aut publici aliqui constituerunt, vel ex naturâ accepta, vel secundum naturam informata.


*Merita*, sunt quæ dictis factisque; proborum aut improborum debentur.

*Arma* hinc complectuntur omnem apparatus bellicum, ducem, militem, exercitum &c.

*Societas*, est confœderatio & unio quæ Reipub. plurimum confert.

*Pecunia*, complectitur omnem opulentiam, utputa vestem, pecudem, annonam, tela, scuta, currus, naves, & his respondentia in statu Ecclesiastico.

*Mos*, est quasi lex quædâ, fato inchoata, usu suscepta, quæ non scripto & pœnis, sed hominum approbatione rectique opinione servetur. Et genus quodque habet duos ad discipandum aditus. Nam



In his igitur & circa hæc habebitur omnis senatoria rationatio. Sed *ipsa rationatio habebit locos persuasionum, in quibus versantur argumenta.*

*Loci persuasionum sunt sex: Possibile, Necessarium, Facile, Honestum, Utile, Delectabile.*

His opponuntur totidem, videlicet Impossibile, Non-necessarium, Difficile, Inhonestum, Inutile, Triste.

*Possibile*, est cui inest ratio & causa cur quid fieri possit: impossibile tollit omnem perficiendi viam.

*Necessarium*, est quod nobis imponit legem ut fiat: non-necessarium, quo possumus superfedere.

*Facile*, est quod levi labore & curâ non multâ fit: difficile sapit naturam impossibilium.

*Utile*, est quod confert, conservat & adjuvat: inutile, quod neque confert, neque conservat, sed potius nocet & lædit.

*Honestum*, est omne conveniens & dignum ex officio, quod laudabile, cum virtute conjunctum, religiosum, sanctum, majestatem nominis apud posteros exornans: inhonestum, quod cum turpitudine conjunctum.

*Jucundum*, est quod gratum, amœnum, hosti noxium, quod hilaritatem adfert: triste & ingratum, quod omnem animi voluptatem tollit atque amover.

*Ex quocunque horum locorum duplex ad persuadendum facultas præbetur.* Verbi gratiâ: Arma sunt suscipienda. Quod hoc est possibile, necessarium, utile &c. aut contrâ, non sunt sumenda; quia est impossibile, difficile &c. Et tantam habent vim in causis senatoriis, ut sæpè unicum ex iis argumentum sufficiat.

*Sed ista sex non ubique valent.* Exempli gratiâ: naturâ suâ possibile ac propè necessarium est, ut arbor quæ primo floruerit vere, fructum ferat autumnò. Sed adijunge insecta aut pone ventis turbatam, jam id quod suâ naturâ erat possibile & facile, est impossibile vel difficile, istiusmodi adjunctione seu conditione. Apud Hebræos honestum erat & licitum, ut frater duceret uxorem fratris defuncti.

Apud

Apud nos non item. Ex his constat, illa persuasionum loca mutari, pro ratione loci, temporis & personarum. Has circumstantias dicemus adjunctiones; quarum sunt numero sex: *Persona, Locus, Res, Causa, Tempus, Modus*: de quibus sic breviter accipe.

*Personarum* est alia, quam natura dedit, ut est Alexander, Cato: alia, quam institutum, ars & industria adjecit, ut quod Alexander facundiâ & lepore est gratus, Cato majestate suâ imperiosus: alia quam Respublica posuit, ut Alexander Rex. Hinc Alexandro & privato aliud fuit facile, possibile, honestum. Est & persona alia sacra, alia politica; alia publica, alia privata. Itaque aliud sacerdoti, aliud consiliario, aliud regi, aliud subdito est possibile, facile.

*Locus* habet aliquid innatum & insitum, quod non potest removeri; & aliquid aliunde sumtum, quod potest amoveri, loci naturâ non mutatâ.

*Res* differt à re, quantitate vel qualitate.

*Causa*, est quæ nos movet: ut, cura & ratio tuendi sui, metus honestatis, salutis, libertatis, cupiditas gloriæ, imperii & rerum: movent item, quæ dolorem, indignationem, & similes perturbationes cient: ut sunt aliorum obtrectatio, æmulatio, injuria &c.

*Tempus*, est præteritum, præsens & futurum. Item aliud est durius, aliud mitius: ut, Syllæ tempora fuerunt duriora quàm Marii.

*Modus* habet in se duo. 1. Ordinem, ut aliud fiat prius, aliud posterius. 2. Ut ne quid excedat aut desit, ut etiam nihil fiat non attemperatè & aptum ad rem.

Atque hæc sunt trivia illa practica, quæ sic delineo:

|                                 |                                                            |                                                                                                                                                                 |   |                                          |
|---------------------------------|------------------------------------------------------------|-----------------------------------------------------------------------------------------------------------------------------------------------------------------|---|------------------------------------------|
| Trivialis<br>practica<br>habent | Genera<br>causarū<br>fenato-<br>riarum<br>sex: uti<br>sunt | Lex                                                                                                                                                             | { | Roganda.                                 |
|                                 |                                                            |                                                                                                                                                                 | { | Abroganda.                               |
|                                 |                                                            | Meritum                                                                                                                                                         | { | Præmium.                                 |
|                                 |                                                            |                                                                                                                                                                 | { | Pœna.                                    |
|                                 |                                                            | Arma, aut                                                                                                                                                       | { | Sumantur.                                |
|                                 |                                                            |                                                                                                                                                                 | { | Non sumantur.                            |
|                                 |                                                            | Societas, aut                                                                                                                                                   | { | Ineatur.                                 |
|                                 |                                                            |                                                                                                                                                                 | { | Dirimatur.                               |
|                                 |                                                            | Pecunia, aut                                                                                                                                                    | { | Paretur.                                 |
|                                 |                                                            |                                                                                                                                                                 | { | Erogetur.                                |
|                                 | Persua-<br>sionum<br>loca<br>sex:                          | Mos, aut                                                                                                                                                        | { | Inchoandus.                              |
|                                 |                                                            |                                                                                                                                                                 | { | Abolendus.                               |
|                                 |                                                            | 1. Possibile, Impossibile.<br>2. Necessarium, Non-necessarium.<br>3. Facile, Difficile.<br>4. Honestum, Turpe.<br>5. Utile, Inutile.<br>6. Delectabile, Triste. | { |                                          |
|                                 |                                                            |                                                                                                                                                                 |   |                                          |
|                                 |                                                            |                                                                                                                                                                 |   |                                          |
|                                 |                                                            |                                                                                                                                                                 |   |                                          |
|                                 |                                                            |                                                                                                                                                                 |   |                                          |
|                                 |                                                            |                                                                                                                                                                 |   |                                          |
|                                 | Adjun-<br>ctiones<br>sex—                                  | Persona                                                                                                                                                         | { | Sacra, Politica.<br>Publica, Privata.    |
|                                 |                                                            | Locus                                                                                                                                                           | { | Publicus, Privatus.<br>Sacer, Politicus. |
|                                 |                                                            | Res                                                                                                                                                             | { | Quantitas.<br>Qualitas.                  |
|                                 |                                                            | Causa impellens ad                                                                                                                                              | { | Faciendum.                               |
|                                 |                                                            |                                                                                                                                                                 |   | Non-faciendum.                           |
|                                 |                                                            | Tempus                                                                                                                                                          | { | Antequam agas, Futurum.                  |
|                                 |                                                            |                                                                                                                                                                 |   | Dum agis, Præsens.                       |
|                                 |                                                            |                                                                                                                                                                 |   | Postquam egisti, Præteritum.             |
|                                 |                                                            | Modus<br>vel Ordo                                                                                                                                               | { | Hoc prius                                |
|                                 |                                                            |                                                                                                                                                                 |   | Illud simul                              |
|                                 |                                                            |                                                                                                                                                                 |   | Aliud posterius } Agendi.                |

Atque hæc sunt illa trivîa, quorum hæc est praxis. Oblata quæstione senatoriâ seu practicâ. e.g. istâ: An arma sint capiendâ nostro Imperatori contra Turcam? argumenta tum pro negativâ, tum pro affirmativâ ex istis trivîis petenda sunt, ita quidem, ut comparentur singula, tum cum suâ classis, tum cum alterius classis titulis, putâ genera cum generibus, loca persuasionum cum suis locis, adjunctiones inter se, & rursus genera cum locis persuasionum & adjunctionibus, & loca persuasionum cum adjunctionibus. Tum habendus est delectus, ita ut quæ pulchriora, quæ graviora sunt, excerpamus. Affirmemus allatam quæstionem. I. E generibus. Quia est ex lege, hoc est, ratione benè degendæ vitæ. Quia satis sit meritis bonorum & malorum. Quia facultates publicæ amplificabuntur. II. E locis persuasionum copulatis cum generibus. Q. necessarium est, urgemur. Q. facile est. III. E locis adjunctionum. Q. satis diu remissimus de alacritate. Pro negativâ sententiâ ex iisdem locis peti possunt argumenta: ut, Quia est difficile, hoc tempore, quo Principes disident. Q. nervus belli nos destituit.

Porro si argumenta ex his trivîis jam sint inventa, amplificare possunt è locis Inventionis, juxta præcepta à nobis tradita. Hic & illud notâ. Theologi argumenta adhortationis, consolationis, & similia, petere possunt è capitibus Catecheticis, & illa amplificare è locis Logicis. exempli gratiâ: Debemus sanctè vivere. Ratio ex symbolo: Quia credimus vitam æternam. Hæc ratio amplificetur ab adjunctis vitæ æternæ & contratio.

### Cap. 34. Exercitatio methodica.

**E**xercitatio methodica sequitur, quæ versatur circa alicujus thematis ordinabilis methodicâ dispositionē tum constituendam, tum dijudicandam secundum præcepta de methodo tradita.

Constitutio gubernatur his canonibus.

1 Sumatur subiectum tractationis.

Subjectum tractationis ab aliis vocatur *quæstio methodi-*

Constitu-  
tio metho-  
dica thema-  
tis.



*ca*, item *thema ordinabile seu methodicum*; ad differentiam thematis simplicis seu axiomaticei, & syllogistici.

*2 Inventioni subjecti succedat dispositio methodica, quæ erit accuratior in systemate disciplina, laxior & magis popularis in systemate alicujus orationis solutæ vel ligatæ.*

Systema dividitur à quibusdam in scientiam & orationem, seu scientiæ & orationis: interdum usurpatur *æq̃* pro methodo disciplinæ.

*3 In dispositione disciplina videndum, num sit theoretica vel practica.*

Illa disponi debet methodo syntheticâ, hæc analyticâ. Exempli gratiâ: Omnes definitiones & distributiones physicae sint repertæ & sigillatim judicatæ, ut ampliùs nullum restet judicium, nisi methodicum, id est, omnes sint claræ & manifestè veræ, aut per se, aut syllogismo disputatæ: tantùm sit de methodo earum cogitandum. Hic Physicus Logico lumine methodi illustratus, generalissimâ definitionem primo collocabit loco: ut, quid sit Physica, quid doceat, quid discenti promittat, intelligatur: Physica est corporum naturalium scientia. Hinc distributionem subjiciet: Physica est generalis, vel specialis. Generalem deinde definiet, distribuet, donec ejus doctrina absolvatur. Tunc specialem partem aggressurus, transitione illam antecedenti annectet: tum definiet, & corpus dividet in simplex & mixtum. Simplex dividet in cœleste & elementum. Simplici exposito veniet ad compositum, ejusque doctrinam cum superiore connectet: Hactenus de simplici, sequitur corpus compositum; eoq; definito, mox in imperfectè & perfectè mixtum dividet: tum species uniuscujusq; requirit, exituumq; transitiones suis locis collocabit, idq; continuâ serie definitionum, divisionum & colligationum, donec tandem ad specialissima seu infima sit perventum. Idem in Ethicâ, Politicâ, Opticâ, & cæteris disciplinis faciet, servato discrimine inter methodum syntheticam & analyticam. Hic multum juvabit, dispositionem totius operis tabellâ aliquâ adumbrare:

*4 In constitutione orationis primò cogitetur de propositione*

*propositione (hac enim est objectum) tùm de tractatione.*

Tractatio est reliqua pars orationis, propositionem explicans.

5 *In propositionis constitutione videndum, num sit continua, seu una, vel in partes plures disjuncta.*

6 *Videatur, num propositio sit vel pars alicujus disciplina: ut si de luce, de temperantiâ sit oratio: vel singulare aliquid in vitâ communi suppeditatum: ut si sit oratio de republ. de vitâ alicujus, de facto suscepto aut suscipiendo.*

7 *In tractatione discernantur partes minùs principes, exordium & peroratio, à partibus principalibus: quarum alia sunt continua, alia disjuncta.*

Partes continuæ sunt *narratio*, si quæstio est tantùm de re gestâ: aut *declaratio*, si quæstio est simplex & solùm declaranda: aut *confirmatio*: aut *confutatio*. Partes disjunctæ sunt *confirmatio* habens confutationem singulis argumentis confirmantibus conjunctam, vel *confutatio* habens confirmationem conjunctam. Nam quæstio est vel confirmanda tantùm, vel confutanda tantùm; vel confirmanda & confutanda simul, & tùm aut confirmatio habet confutationem vel conjunctam, quâ singulis argumentis confirmantibus adjicitur refutatio objectionis adversariæ; vel subjunctam, quâ adversæ objectiones in unum locum reservatæ, ordine confutantur: aut confutatio habet confirmationem vel conjunctam, vel subjunctam. Quæ autem partes orationis ponendæ, quæ omittendæ sint, prudentem oratorem monebunt circumstantiæ & reales & personales. Quæstio hîc suboritur, quid de epistolis & epigrammatis sit sentiendum? Resp. Epistolæ Laconicæ & epigrammata plerumque tantùm sunt una enuntiatio, aut syllogismus, interdum contracta, interdum amplificata. Hîc igitur lumen axiomatum & syllogisticum adhibendum. In epistolis Asiaticis & diffusis lumen methodicum nobis inserviet.

8 *Methodus historica res priùs gestas priori loco ponit.*

Res enim prius gestæ illustrant eas quæ sunt subsequenti;  
cùm illæ harum causas contineant.

Dijudicatio  
dispositio-  
nis metho-  
dicæ.

Dijudicatio dispositionis methodicæ jam factæ  
duos habet canones.

1 *Crisis disciplinae methodicè dispositæ contineat e-  
jus resolutionem & examinationem.*

Resolutio ostendat primò methodum totius operis; dein-  
de singula præcepta resolvat in suas partes, harumque mate-  
riam ex topicis desumptam. Examinatio disciplinæ primò  
juxta leges methodicas totam tractationem examinet; dein-  
de singula præcepta juxta leges axiomaticas judicentur.

2 *Crisis orationis methodicè dispositæ itidem conti-  
neat ejus resolutionem & examinationem.*

Resolutio orationis eruat primò propositionem ejus, vi-  
deatque num sit continua, an in partes divisa; deinde propo-  
sitionis tractationem resolvat in partes primas & maximas,  
has in secundas, secundas in tertias, & sic porro, minores  
subinde, donec perveniat ad axiomata & argumentationes,  
quæ suâ ἀναλύσει resolvat. In his autem, si sunt periodicæ,  
ipsas partes enunciationis ab expolitionib. seu amplificationi-  
bus, partes syllogismi à prosyllogismis sive amplificationi-  
bus, partes illas probantibus, discernet, & ex quib. locis de-  
sumpta sint singula, ostendet. Examinatio mōstrabit, quo or-  
dine oratio sit disposita; hinc qui sit ordo membrorum cu-  
jusque partis. Hinc videat, num homogenea tantum in quavis  
parte habeantur, an verò & cur digressio facta sit ad hetero-  
genea, & quomodo ea ad scopum præsentem sint accommo-  
data. In enunciatione & argumentatione judicet, an ampli-  
ficationes, si adsint, sint utiles ac necessariæ, & rectè applicatæ;  
sintne periodus æqualis aut inæqualis; sintne sermonis genere  
simplex, an tropica & schematica. Proderit tamē multum, si  
analysis rhetorica logicā antecedar. Nam oratorum & poë-  
tarum inventio dispositioque ornamentorum luce resplen-  
dens, non potest satis retexi, nisi detractis ornamentis, nuda  
prius sententia ante oculos ponatur. Quo facto utraq; ma-  
nifesta sit, in primisque inventio claritatem habet eam, quā  
singulorum argumentorum natura innotescat. Quamobrem  
analysis grammatica rhetoricam, rhetorica logicam præce-  
dat. Hic

dat. Hic placet inferere monitiones utiles de methodo orationis.

Orationis cujusque, sive prosa sit sive versa, ut loquuntur, tres sunt partes, Exordium, Tractatio principalis negotii, & Peroratio.

Exordii fontes non sunt alii, quàm loci inventionis. Sumitur enim

1 *A causis; nempe efficiente*, ut personâ dicentis, quæ modestiæ causâ se suamque facultatem extenuare solet, aut necesse habet, præsertim si coram superioribus aut doctioribus & exercitatoribus dicere debeat. Et hic enumerari possunt, timor, consternatio, defectus gratiæ, eloquentiæ, temporis &c. Sic & à *causis impellentibus* ducitur exordium, cum ostendimus quænam res ad dicendum vel scribendum impulerit. Item à *causis finalibus*.

2 *Ab effectis*; utputà commodis secururis, facto alicujus, regeſtâ, eventu aliquo insigni.

3 *A subjectis*; videl. consideratione loci, in quo dicendum, aut personarû, ad quas oratio instituenda, aut rei seu objecti, de quo verba facienda, quod commendari solet veluti necessarium, præclarum, admirabile, dignum cognitu, rarum, magnum, novum, inauditum, prodigiosum, magni momenti, jucundum, grave, jocosum &c.

4 *Ab adjunctis*; putà tempore, quod rei alicujus magnæ & memorabilis nos admonere solet.

5 *A dissentaneis*; quando occupamus & diluimus quæ nobis susceptæ perorationis vel scriptionis causâ vel aliâs objici posse videntur.

6 *A comparatione*; ut quando comparamus vel personas, vel causas dicendi, cum profiteamur alios melius posse dicere quàm nos, & causas ostendimus, cur id censeamus.

7 *A genere rei*, de quâ dicendum.

8 *A speciali exemplo* thematis, de quo verba facienda sunt.

9 *A testimonio*; ut ab aliquo insigni dicto.

10 *A definitione* rei, de quâ dicendum est.

11 *A distributione*, cuj<sup>9</sup> aliqua pars oratione sit tractâda.

Apta etiam est exordiis transitio, & invocatio Dei.

Tractatio principalis negotii constat quatuor partibus: Narratione, Propositione, Confirmatione, & Confutatione; *è quibus duæ extrema non semper, duæ intermedia semper sunt necessariae.*

*Narratio est necessaria, in expositione factorum & controversiarum.*

Tum enim res gesta narratur, & occasio controversiæ indicatur.

*Propositio est ipsum thema, quod est vel doctrinale, vel encomiasticum, vel consolatorium &c. Estq; vel unum, vel multiplex, ubi opus est distributione.*

*Confirmatio est propositionis, simplicis explicatio, conjunctæ probatio, utriusq; amplificatio. Hic in promptu esse debent particulæ continuativæ seu connexivæ, & formulæ connectendi, quò etiam pertinent formulæ transitionum: ut, Primum; principio; secundò; deinde; deinceps; proximè; præterea; etiam; posthæc; adhæc; tum; jam; porro; cæterum; adhuc; Porro autem huc pertinet; accedit eodem; accedit ad hæc; postremò, extremum illud; ad extremum; ut concludam; quid plura; quid multa; huc pertinet; his simile est; huic proximum est; age verò; quid quòd; insuper; nam illud quid referam; nam illud quid attinet commemorare; eloquar an fileam. Jam verò quid referam; illud haudquaquam prætereundum silentio; Sed operæpretium est illud audire; nunc ad id quod secundo loco nos dicturos sumus polliciti; sed hæc utcunq; ignoscenda, illud quis ferat; Audistis gravissima, sed audietis graviora; sed hæc privatim, nunc quæ publicè gesserit; hæcenus quæ domi gessit, nunc quæ sub signis; sed hæc juvenis peccavit, nunc senis virtutes audietis; de moribus habetis, nunc de doctrinâ reliquum est ut dicamus; jam ad reliqua properabimus, si prius illud unum adjecerimus; verum de his plus satis; quid his immoror; ad id quod est hujus causæ caput, festinet oratio; mittamus ista, & veniamus ad arcem causæ; quid pollicitus sit, expositum est, quid præstiterit paucis accipite.*

*Confutatio primum adversarii vitia leniter perstringet, & argumenta solvet.*

Hic va-

Hic varix sunt formulæ, quas vide apud Erasinum de copiâ.

*Peroratio constabit repetitione, affectuum concitatione, gratiarum actione & precatione.*

### Cap. 35. *Distinctio.*

**E**Xposuimus applicationem partialem : nunc exponemus totalem.

Applicatio Logica totalis est, quâ conjunctim instrumenta Logica applicantur certæ materiæ:

Aliis dicitur *combinata*. Sicut in partiali applicatione singula instrumenta adhibentur seorsim: ita in totali vel plura, vel omnia conjunctim adhibenda sunt.

**Estq; vel synthesis, vel analysis totalis.**

Suprà cap. 2. docuimus, synthésin & analysin generaliter locum habere in exercitatione Logices intellectuali. Sicut ergo praxis Logices est alia partialis, alia totalis: sic & synthésis & analysis alia erit partialis, alia totalis. v. g. in exercitatione axiomaticâ vidimus axiomatis constitutionem, multiplicationem & dijudicationem; è quibus illa & ista ad synthésin, hæc ad analysin spectat. Jam videbimus totalem.

Synthésis totalis est, quâ applicantur plura instrumenta Logica certæ materiæ componendæ.

**Estq; vel acroamatica, vel exoterica.**

Synthésis acroamatica est; quæ strictè secundum artis normam instituitur: *Latinis dicitur constitutio operis accurata.*

Synthésis acroamatica consideratur quoad affectiones & species suas.

Affectiones illius sunt distinctio, & interpretatio.

Distinctio est discretio unius ab alio, clarioris cognitionis gratiâ instituta.



Bonæ di-  
stinctionis  
κρίσις.

Ejus canones sunt tres, quibus totidem κρίσις bonæ distinctionis traduntur.

1 *Distinctio debet congruere cum naturâ rerum & usu probatorum authorum.*

Alioqui distinctio non est explicatio, sed implicatio, seu inane κρησφύγεον, effugium, putida & rancida elusio, vel principii petitio, fumus & coloratum specillum, quod rudioribus objicitur, ne animadvertant fraudem. Itaque

*Vera distinctio petenda est ex naturâ ac visceribus rerum, vel ex usu disferentium.*

2 *Distinctio debet esse perspicua.*

Hic canon quasi fluit è priori. Nam quæ distinctio congruit cum naturâ rerum, itemque usu disferentium, illa non potest non esse perspicua. Ratio autem canonis est; quia distinctio inventa est rei declarandæ. Quòd si igitur obscura esset, lucem rei obscuræ adferre non posset.

3 *Distinctio non sit nugax.*

Sic modus verbis duntaxat diversus, reipsâ verò idem cum prædicato quæstionis, non distinguit: ut, si quis dicat, Salomon est sapiens secundum modum sapientiæ, insipiens secundum modum insipientiæ: Sol lucet in meridie, secundum modum lucendi, Sol non lucet in meridie secundum modum non lucendi.

Distinctio est alia verbalis, alia realis.

Distinctio verbalis est liberatio vocis ambiguae à significationum varietate.

Hanc quidam scioli judicant non esse necessariam; ideoque præceptum illud Logicum, quod jubet vocem ambiguae prius distinguere, quam rem definire, vocant ridiculum: quum tamen distinctio vocis ambiguae sit primum cognoscendi principium & velut introitus, sine quo disputatio tota est mera λοζαρχία. Aristot. 1. topic. cap. ult. Et si ne distinctione vocis ambiguae velle ad rei considerationem venire, est velle tempus inutiliter perdere. Galen. lib. 5. de meth. medendi. cap. 5.

Distinctio

Distinctio verbalis perficitur partim homonymiæ in vocabulis dijudicatione, partim evolutione. Distinctio verbalis,

Dijudicatio homonymiæ in vocabulis fit sex modis:

*Primus modus est observatio usus vocabulorum apud probatos auctores.* Si enim vox modò latè, modò strictè, nunc absolute, nunc respectivè &c. accipiat ab authoribus, censetur ambigua: ut vox *mereri* apud *Augustinum libro 83. questionum, questione 67.* ponitur pro consequi: *vocamur filii Dei, quamvis hoc adoptione mereamur,* h. e. consequamur: apud alios significat promereri.

*Secundus modus est diversitas predicamentorum.* Si enim vox aliqua significet res diversarum categoriarum, inde colligitur, quòd sit ambigua: ut, vox *cancer* significat animal, morbum & constellationem; ideoq; est ambigua.

*Tertius modus est observatio variorum locorum inventionis.* Si enim vox tribuatur variis rebus, quæ discrepant causis, effectis, subjectis & adjunctis, censetur ambigua: ut, vox *tractio* probatur esse ambigua; quia tribuitur equo, magneti & cucurbitulis, item medicamento purganti. Similiter vox *fidei* probatur esse ambigua; quia tribuitur electis, reprobis, & Diabolo.

*Quartus modus est observatio contrariorum.* Si enim unus contrarii vox sit ambigua; inde colligitur, quòd etià alterius vox sit ambigua. Tot enim modis dicitur unum contrarium, quot modis dicitur alterum. Hoc intelligatur de relative, contrariè, contradictoriè & privativè oppositis: ut, *videre* realiquis dicitur, qui facultate videndi est præditus, item qui actu videt, vel qui intelligit. Ergò & *non-videre* totidem modis dicitur. Deinde quod habet multa opposita, illud est ambiguum: v. g. Vox *proprium* est ambigua; quia modò ei improprium, modò commune, modò alienum, modò figuratum opponitur.

*Quintus modus est observatio conjugatorum.* Si enim vox unius conjugati est ambigua; inde colligitur, quòd & alterius vox sit ambigua: ut, *salubriter* dicitur *quarvumus*, videlicet accommodatè vel ad efficiendam, vel ad conservandam, vel ad indicandam sanitatem; quia *salubre* totidem modis dicitur.

*Sextus modus, est observatio definitionum diversarum.* Si enim unius definiti definitio est multiplex; inde colligitur, quòd vox definiti sit ambigua: ut, LUPUS aliter atq; aliter definitur. Vox igitur est ambigua.

Evolutio homonymiæ est, quâ diversæ significationes vocis ambiguae ordine enumerantur, & postea illa ad certam significationem loco & tempori convenientem determinatur:

Exempli gratiâ: Vox *Angelus* sumitur latè & strictè. Latè pro quovis nuncio. Strictè significat vel spiritum finitum corporis societate non gaudentem, vel antistitem Ecclesiæ. Prior illa significatio stricta à nobis hic attenditur. Cæterum ambiguitas existit vel è genere sermonis, vel ex rebus. Si è genere sermonis oriatur ambiguitas, ex Grammaticâ, lexico & phrasi suæ linguæ judicanda est. Sin ex rebus, petenda est distinctio ex eâ disciplinâ, ad quam controversia pertinet.

Distinctio realis est, quâ res una distinguitur secundum diversos considerationis modos:

Distinctio  
realis.

Aliàs dicitur *limitatio, restrictio, determinatio*; & definitur, quòd per eam res una vel à se, vel ab aliâ secundum diversâ attributa distinguatur: ut cum distinguitur inter rem quâ talis est & quâ talis non est; item inter diversas rei partes variosq; respectus. Sed limitationis vocabulum nimis latè sic accipitur, ut & restrictionis & determinationis.

Ejus canones sunt:

1 *Distinctio, quæ rei naturam evertit, nulla est.*

Ratio; Quia distinctio debet notificare rem, non pervertere. Itaque modi diversitas commentitia est & sophistica, quando alter efficit contradictionem in adjecto, seu repugnat naturæ subjecti. Ita hic modus non distinguit, sed implicat, & ut est in proverbio, malum malo medicatur, cum quidam dicunt, humanam Christi naturam esse omnipotentem non *τὸ εἶναι*, sed *τὸ εἶναι*; non *εἶναι*, sed *εἶναι*, non *εἶναι*, sed *εἶναι*. Nam præter id, quòd petit principium, evertit quoque subjectum ipsum, cui limitando adhibetur, ut docet Sadeël. Notetur ergò illud: Respectus pugnantes

pugnantes cum naturâ & veritate rei, sunt somnia delirantium.

2 *Distinctio, quâ non tollitur res, sed modi & respectus rerum determinantur, vera est.*

Proinde & utilis cum ad multorum axiomatum veritatem & falsitatem dijudicandam, tum ad multos sophismatum nodos dissolvendos. Rectè igitur philomela Germaniæ *Melanchthon lib. 4. dial. c. de distinctione* ait: Doctrina de distinctione est quasi quædam doctrina de rerum enumeratione; & ostendit, quæ jungi, quæ divelli oporteat: quam, ut ita dicam, enumerationem rerum necessariam esse omnes sani intelligunt. Hoc notare velim omnes illos nimis intelligentes, qui distinctionem, tanquam inane sophistarum artificium audent publicè traducere & juventuti exosam reddere. Ut autem primâ fronte legitimam distinctionem à sophisticâ discernere possis, respice ad tria *res, mensura* bonæ distinctionis, videl. congruentiam illius cum naturâ rei distinguendæ & usu probatorum authorum, perspicuitatem, & carentiam nugationis; de quibus paulò antè diximus.

Distinctio realis est vel primaria, vel secundaria.

Primaria, est indicatio diversitatis in rebus inter se collatis.

Estq; vel rationis, vel rei.

Distinctio rationis est, quâ diversitas rationis Distinctio  
rationis. ostenditur in rebus.

Hæc de re ex professio tractat primus philosophus; sed Logicus assumit hanc doctrinam tanquam in metaphysicis probatam, & eam applicat suo instituto. Hæc dicitur realis, quatenus re reale opponitur verbali.

Distinctio rationis est vel ratiocinantis, vel ratiocinatæ.

Distinctio rationis ratiocinantis est, quam ratio nostra ponit in re sine ullo fundamento reali:

Uti in columnâ distinguit inter dextrum & sinistrum. Dicitur alio nomine *distinctio pura*.

**Distinctio rationis** ratiocinata est, quam ratio nostra ponit in re invento fundamento reali in ipsâ re.

*Estq; 1. Formalis*, qualis est inter genus & speciem; ut inter hominem & animal. *2. Virtualis*; qualis est inter res, quarum operationes differunt; ut inter justitiam Dei punientem & remunerantem, adeoq; inter reliqua attributa divina; item inter intellectum & voluntatem. Aliâs dicitur *distinctio rationis eminens*. *3. Modalis*; qualis est inter modos entis tum ab ente tum ab aliis modis distinctos; ut inter bonum & ens, bonum & verum. Et huc etiam pertinet *distinctio gradualis*; ut lux matutina solis differt à meridianâ.

**Distinctio rei.**

**Distinctio rei** est vel ordinaria, vel extraordinaria.

Hæc etiam dicitur in specie *realis*, quatenus rō reale opponitur rationi.

**Ordinaria** est vel essentialis, vel accidentalis.

**Essentialis** est, quâ una res differt ab aliâ attributis essentialibus.

*Estq; 1. Generica*; ut inter hominem & cœlum. *2. Specifica*; ut inter equum & hominem. *3. Numerica*; ut inter Petrum & Paulum. *4. Subjectiva*; ut cygnus & corvus differunt subjectivè; item albedo cygni & nigredo corvi.

**Accidental** est, quâ una res differt ab aliâ attributis accidentalibus:

Ut, quantitate, qualitate, motu, h. e. actione vel passione, & relatione. Sic gigas à pygmæo differt quantitate; Socrates ab idiotâ, qualitate; docens à lignatore, actione; æger à sano, passione; præceptor à discipulo, relatione.

**Distinctio extraordinaria** est inter personas SS. Trinitatis;

Quæ dicuntur differre supposititaliter, seu personaliter, non essentialiter.

**Distinctio secundaria** est determinatio rei.

*Estq; exclusiva, exceptiva, & limitativa.*

Exclu-

**Exclusiva distinctio** est, quâ res una ab aliâ distinguitur per particulam exclusivam: Distinctio  
exclusiva.

Ut, Solus Deus est à seipso; Solus homo est risibilis. Hic 70  
esse à seipso, & risibilitas ita tribuuntur Deo & homini, ut  
ab omnibus aliis entibus excludantur.

**Distinctio exceptiva** est, quâ una res ab aliâ distinguitur per particulam exceptivam: Distinctio  
exceptiva.

Ut, Nullum animal præter hominem est risibile; nullum  
est organum manducationis naturalis nisi os. Hic risibilitas  
negatur de omni animali, excepto homine; & manducatio  
naturalis removetur ab omni organo, excepto ore.

**Distinctio restrictiva** est, quâ res aliqua restringitur (*seu limitatur*) per particulam restrictivam. Distinctio  
restrictiva.

Et hæc dicitur *limitatio*: ut, homo, quâ animal sentit;  
homo, quâ ens creatum, est finitus. Vide hæc de re supra  
*lib. 6. cap. 8.*

### Cap. 36. Interpretatio.

**Interpretatio** est altera syntheseos totalis affectio, quâ thema obscurum illustratur.

Itaque debet esse clara, & congruere cum mente authoris. Hæc enim sunt duo criteria bonæ interpretationis.

Estque verbalis, vel realis.

**Interpretatio verbalis**, est explicatio vocis obscuræ; *sive vox sit simplex, sive conjuncta.* Interpretatio  
verbalis.

Ea perficitur manifestatione & remotione obscuritatis.

**Manifestatio obscuritatis** est indicatio causæ efficientis, à quâ oritur obscuritas vocis.

**Causa efficiens obscuritatis** est tum insolentia, tum ambiguitas vocis.

**Insolentia** est, cum voces inusitatæ usurpantur,



quæ impediunt rerum intelligentiam, & iudicium conturbant.

*Aristoteles 2. topic. c. 1. vocat παράβασιν τῆς κειμένης λέξεως, discessionem à positâ seu receptâ dictione.*

*Estq; quadruplex. 1. Αεχαιομός, imitatio vocabulorum antiquorum, quæ desierunt esse in usu: ut si quis dicat pertinaciari, pro pertinacem esse; amarobunda, pro amans; cruciarius, pro cruce dignus; fur pro servo; tyrannus pro rege; latro pro stipatore. 2. Καινοφανία, novatio vocum, cum vel prorsus novæ voces usurpantur, vel vocibus alioquin usitatis inusitata & nova significatio attribuitur: ut cum Bellarminus controversiâ 2. libr. 5. capit. 1. ait, personalitatem Christi conjunxisse novo & mirabili fœdere divinam & humanam naturam. Ista enunciatio est obscura propter locutionem temerè novatam. Non enim personalitas, sed persona conjunxit naturas. 3. Barbarismus, qui est vocis incondita tum formatio, tum pronuntiatio: ut transubstantiatio, consubstantiatio, ubiquetarius. 4. Solæcismus, cum vitium est in voce contra præcepta Grammatica: ut opus operatum, & illud in vulgatâ versione Latinâ Hebr. 13. talibus enim hostiis promeretur Deus. Hic tamen cave confundas σολοικισμὸς cum solæco seu solæcismo. Solæcismus est, si quis dicat, spero labores meos receptos iri, pro receptum iri; quatuor millibus coronatis auctior, pro coronatorum. Solæcophanes est apud Ciceronem in epist. lib. 9. Quærebat ex me, num unum cælum esset an innumerabilia, pro innumerabiles. Sic epist. 4. lib. 10. ad Attic. Multas à te accepi literas, uno die, omnes diligenter scriptas. Ea verò, quæ voluminis instar erat, sæpius legenda, sicut facio, in quâ non frustra laborem suscepisti. Dicendum erat, ea, scilicet literæ. Sed Cicero dixit ea; quia ejus cogitatio transiit à literis ad epistolam. Matthæi 28. v. 19. dicitur, μαθητεύσατε πάντα τὰ ἔθνη, βαπτίζοντες αὐτοὺς, pro αὐτοῖς. Non est σολοικισμὸς, sed σολοικισφάνης.*

Ambiguitas vocis est incertitudo illius secundum acceptionem. Vocem hinc accipe generaliter, quatenus est incomplexa, vel complexa.

Estq;

Estq; vel homonymia, vel amphibolia.

Homonymia est ambiguitas vocis secundum significationem.

*Eaq; oritur, vel ex multitudine significationum; ut cancer: vel ex ambigua vocis formatione, concernente tum orthographiam; ut feritas & veritas: tum prosodiam; ut lepores & lepores; tum etymologiam; ut hic & hæc populus.*

Amphibolia est ambiguitas vocis secundum sensum, *vocis, scil. complexæ.*

*Eaq; oritur 1. Ex homonymiâ: ut, cancer est vivus, vel serpit. Intelligi enim potest vel animal, vel morbus serpens.*

*2. Ex ambigua syntaxi: ut,*

*Exiguum vidi leporem jugulare molossum.*

Hæc enunciatio est ambigua propter syntaxin duplicem. Nam vel hic sensus esse potest, exiguus lepus jugulare potest molossum, vel, molossum jugulare potest exiguum leporem. *3. Ex compositione vocum dividendarum: ut, fides absque bonis operibus justificat. Si voces absq; bonis operibus conjungantur cum subiecto, falsa erit enunciatio. Nec enim fides est sine bonis operibus. Si verò conjungantur prædicato, verum erit axioma. 4. Ex divisione membrorum conjungendorum: ut Act. 19. v. 4. Johannes quidem baptizavit baptismo resipiscentiæ, dicens populo ut in eum, qui veniebat post ipsum, crederent, h. e. in Christum Jesum. Qui verò audierunt, baptizati sunt in nomen Domini Jesu. Hic si posterius membrum, Qui verò audierunt &c. referatur ad discipulos illos Ephesios, falsa sit oratio: at si pars sit sermonis Pauli explicantis, in cujus nomen Johannes auditores suos baptizaverit, tum vera est oratio. 5. Ex vitiosa pronuntiatione, quæ est vel unius vocis, vel sententiæ integræ. Unius vocis: ut si dicas, Qui fovet res alienas fidei suæ commissas, bene facit; vera est oratio: at si dicas, Qui vovet res alienas fidei suæ commissas, bene facit; falsa est oratio. Sic cum Paulus dicit, Hæreticum hominem post unam & alteram admonitionem devita; si devita pronuncies tanquam unam vocem, vera est sententia; sin verò distraxeris, de vitâ, falsa erit sententia. Integræ sententiæ vitiosa pronuntiatio est, cum*

oratio ironica pronuntiatur tanquam seriò prolata: ut *Matth. 26. versu 45.* ait Christus ad discipulos: Dormite quod superest, & requiescite. Hic est ironia; ideoque pronuntiatio erit attemperanda tropo. Videtur & hæc esse fallacia *ὑπερβολῆς*, sive accentus, cum per vocis elationem emphasis tribuitur voci ad quam non pertinet: ut cum stentores quidam in pronuntiandâ illâ sententiâ, Hoc est corpus meum: attollunt vocem in verbo *EST*; dicentes, Christus non dixit, Hoc *SIGNIFICAT* corpus meum: sed dixit, Hoc *EST*, *EST*, *EST*, corpus meum. Item cum adversarii orthodoxæ doctrinæ de prædestinatione in pronuntiandâ sententiâ illâ Paulinâ *Rom. 11. v. 32.* Concluserit Deus omnes in contumaciam, ut omnium misereretur: vocem attollunt in voce *OMNIUM*; quasi sensus sit, Deum velle misereri hominum omnium atq; singulorum, nemine excepto: cum tamen emphasis ibi sit in verbo *MISEREBITUR*: & per nomen *OMNES* intelligantur soli salvandi, tam Judæi scilicet quàm gentes, de quibus utrisq; disseruerat; & ad quos respicit per articulum *τῶν*; cum dicit, *τῶν πάντων*. Sic cum Ubiquitarii in pronuntiandâ illâ sententiâ Christi, Ego sum vobiscum omnib. diebus &c. attollunt vocem in pronomine *EGO*, quasi in illâ sit emphasis, quâ notetur Christum nobiscum esse secundum utramq; naturam: quia scil. pronomen *EGO* utramque illam comprehendit.

Remotio obscuritatis verbalis est, cum causâ, à quâ obscuritas orta est, tollitur:

Ut cum pro voce obsoletâ substituitur nova & usitata; pro barbarâ, condita; pro solœcismo, pura.

Interpretatio realis, est explicatio rei obscuræ.

Interpretatio realis.

Ea perficitur similiter, ut verbalis, manifestatione & remotione obscuritatis.

Manifestatio obscuritatis est indicatio causæ efficientis, à quâ oritur obscuritas rei.

*Estq; 1. Confusio terminorum diversarum disciplinarum: ut, nō datur summum malum; datur summa malitia in Diabolo. Utrumq; est verum. Prius quidem de malo metaphysicè considerato loquitur. Ita malū nihil est aliud quàm non-ens. Et*

ens. Et hoc sensu non datur summū malum; sed solum modò summū bonum. Posterius verum est de malo morali, prout Ethicus illud considerat. 2. *Ignoratio scopi principalis, seu primariæ intentionis*: ut si quis legat illud *Ecclesiastis primo*: Vanitas vanitatum, & omnia vanitas; & hinc concludere velit, etiam verbum Dei & vitam æternam esse vana; contra scopum Salomonis erit ista interpretatio. 3. *Ignoratio causarum impellentium, quibus aliquis est motus ad hoc vel illud scribendam*. Sic interpretationem modò allati dicti Salomonici juvabit consideratio causæ impellentis, quæ ipsum Salomonem movit ad hoc scribendum. 4. *Contextus neglectio*. Ita si conferatur dictum modò citatum cum *versu 3*, constabit de gentino illius sensu: *Quid emolumenti est homini ex toto labore suo, quo laborat sub sole?* 5. *Ignoratio limitationis*: ut, iustitia civilis in impiis est peccatum. Hoc axioma est obscurū illis, qui limitationē illius ignorant, quæ talis est: iustitia civilis in impiis est peccatum, scil. non per se, sed per accidens. Sic *John. 9. v. 31*. Deus peccatores non exaudit: hoc axioma, nisi limetur, ambiguum est & obscurum. Nam simpliciter negari videtur, quod secundum quid duntaxat negatur. Hic igitur est sensus: Deus peccatores non exaudit, scil. in peccatis persistentes & non resipiscentes. 1. *Petr. 3. vers. 21*. dicitur, Baptismus nos servat. Hæc enunciatio intelligi potest vel de causâ efficiente salutis, vel de oblatione. Non debet autem accipi de efficiente, sed de oblatione; quia baptismus est sacramentum, quo salutis certitudo nobis obsignatur. *Joh. 20. v. 23*. dicitur: Si quorum remiseritis peccata, remittuntur eis. Hoc axioma non debet accipi de potestativâ, sed ministeriali remissione. Nam Apostoli & alii pastores Ecclesiarum non remittunt peccata auctoritative seu potestative, uti causâ efficiens; sed tantum ut administri, per quos annuntiant in Christum credentibus remissio peccatorum. 6. *Collationis neglectus*. Collatio dicitur, quâ locus obscurus cum aliis, isq; vel similibus, & clarioribus, vel dissimilibus confertur. Ita si alicui illa verba Christi videantur obscura: Hoc est corpus meum; conferat illa cum aliis, utputâ illis apud Paulum: Panis, quem frangimus, nonne est communio corporis Christi; item cum aliis locutionibus sacramentalibus. 7. *Cotemnis interpretationū & interpretum*. Si quis

nimum sibi arroget, seque solum lynceum putet, facile fieri potest, ut in interpretatione alicujus loci obscuri dormitet.

Remotio obscuritatis est, quâ causæ, à quibus oritur obscuritas rei, remouentur.

Totidem igitur sunt media, quibus perficitur interpretatio; quot fuerunt causæ obscuritatis. Media illa seu principia bene interpretandi hoc disticho complector:

<sup>1</sup> Ars, <sup>2</sup> scopus, <sup>3</sup> impellens, <sup>4</sup> series, <sup>5</sup> restrictio, <sup>6</sup> conser,

<sup>7</sup> Glossa alia. Interpres hæc septem expendere debet.

Primum igitur principium rectè interpretandi est reductio thematis ad illam artem, ad quam propriè pertinet, ejusdemque ex principiis illius artis dijudicatio; Secundum principium est accurata consideratio scopi primarii; Tertium consideratio causarum impellentium seu occasionis; Quartum, judiciofa consideratio contextus seu connexionis antecedentium & consequentium; Quintum, limitatio seu restrictio; Sextum, collatio cum aliis locis; Septimum, consideratio interpretationum ab aliis doctis & probatis authoribus traditarum.

### Cap. 37. Explicatio thematis simplicis.

Sequuntur species syntheseos totalis, videlicet Explicatio, & disputatio.

Illà dicitur ab aliis generis *exegetica*, hæc *apodictica*. In utraque, si quid obscuri occurrat, locum habebit. tum distinctio, tum interpretatio.

Explicatio est, quâ thema simplex pluribus instrumentis adhibitis explicatur.

Hoc loco explicatio paulò aliter accipitur, quàm supra factum fuit, ut è sequentibus patebit.

Explicatio est vel axiomatica, vel methodica.

Expli-

Explicatio axiomatica est, quâ thematis simplicis natura explicatur per axioma principale. Explicatio  
axiomatica.

Axioma principale duobus modis hic dicitur. Nimirum est tale axioma, quod præcipuum aliquod argumentum, vel plura disponit cum themate, sed ita ut tractatio argumenti illius vel argumentorum faciat ad institutum ratione loci, temporis & auditorû. Exempli gratiâ: si dicendum sit de amicitia, potero illius naturam explicare è loco causæ efficientis principalis proximæ, quæ est, unio animorum in virtute. Hinc surget tale axioma: Amicitiam veram efficit unio animorum in virtute. Hoc axioma explico ratione subjecti & prædicati. Thema priori loco statuo; videl. amicitiam veram, ubi paucis expendo vocabulum, itemq; determinationem subjecti. Post accingor ad explicationem argumenti, quod est unio animorû in virtute. Hic explico singula, quid sit unio, quàm divina res sit animus, quid denique sit virtus. Atque hæc exegesis axiomatica insignes habet utilitates. Accedit, quod est admodum facilis. Nam oblato themate simplici, quæritur præcipuum aliquod ejus argumentum; dehinc axioma resolvitur in subjectum & prædicatum, & utrumque explicatur, thema quidem ratione nominis, & interdum ex definitione; argumentum autem ex pluribus locis inventionis.

Explicatio methodica est, quâ argumēta diversæ thematis explicandi secundum methodum doctrinæ inter se ordinantur. Explicatio  
methodica.

Eaque exigit 1. Ut argumenta verbalia primo loco ponantur, ita ut notatio, distinctio ambigui, & synonyma adferantur ordine. Memorix causâ dicamus, paronymiam, homonymiam & synonymiam in vocis tractatione observandâ esse. 2. Ut expositis argumentis verbalibus subjiciantur realia, hoc ordine. Agmē hic ducat definitio; hanc excipiat distributio; tum sequantur argumenta consentanea, dissentanea, comparata, orta & testimonium, vel singula, vel præcipua. E.g. thema simplex sit fides. Primò nomen consideretur, & ejus notatio. Dicitur autem fides, quasi *fidices*, quia fiat id quod dicitur, hoc est, promittitur, teste Cicerone, ductâ notatione ab effecto. Post etymologiam consideretur am-



*biguitas.* Sumitur autem fidei nomen duobus modis; generaliter, & specialiter. Generaliter significat fidelitatem in officio. Specialiter usus ipsius duplex occurrit, politicus, & theologicus; & hîc accipitur variis modis; nunc pro professione externâ fidei, nunc pro zelo in religione, nunc pro veritate & iustitiâ &c. & tandem pro fide salvificâ, ut hoc loco. *Synonyma* fidei salvificæ sunt *Emunâh*, πίστις, πεποιθίς, πληροφορία. Post expensum ita vocabulū suis etymologiis, ambiguitatibus & synonymis, accedatur ad tractationem realem. Hîc primo loco occurrit *definitio*, quæ potest esse talis: Fides salvifica est assensus fiducialis, quo homo electus promissionem gratiæ intellectam sibi adjudicat. *Distributio* est 1. In quasi partes, quæ sunt, lumen seu notitia in intellectu, & fiducia in corde. 2. In subjecta; quod fides fuerit veterum ante Christū, & sit eorum, qui sub novo testamento vixerunt & adhuc vivunt. 3. In gradus; quod alia sit infirma, alia firmior. *Causa sequuntur.* *Finis* est respectu Dei, gloria misericordiæ; respectu nostri propinquior finis est iustificatio; remotior est salus nostra. *Efficiens principalis* est Spiritus sanctus; *instrumentalis* est doctrina Evangelii, per quam fides & gignitur, & confirmatur, & usus sacramentorum, per quem fides confirmatur; *ωνευσµένον* est beneplacitum Dei; *ωνευατο, ελπίς* est meritum Christi. *Materia analogica* est assensus fiducialis. *Forma* est ipsa applicatio seu adjudicatio. *Effecta* fidei sunt varia. 1. *Quoad nos*; reddit nos Deo placentes; iustificat; reddit nos certos de electione; unit nos Christo; pacat conscientiam; regit invocationem Dei; vincit hostes nostros, Satanam, mundum, carnem & mortē; impetrat nobis bona corporalia; sanctificat nobis omnia dona Dei, omnesque creaturas, ita ut etiam res naturâ suâ malæ conducant ad nostram salutem. 2. *Quoad alios*, erudit infideles, imbecilles roborat, proximi dilectionem excitat, aliis denique impetrat beneficia corporalia à Deo. *Subiectum recipiens* est tum intellectus, tum voluntas: *Objectum* est commune, verbum Dei; proprium seu determinatissimum est promissio gratiæ. Illud est velut circumferentia, ista velut centrum, ut ait magnus ille Melancthon. *Adjunctum proprium* est: 1. Habere perpetuam relationem ad Christum. 2. Esse unam. 3. Non posse omitti. 4. Augescere, seu

re, seu capere incrementum. *Antecedentia* sunt poenitentia, & precatio, quæ præcedit augmentum fidei; *Consequentia* sunt eadem, diverso respectu; *Connexa* sunt spes, dilectio &c. *E disjunctaneis sunt*: 1. *Diversa*; Fides & Spes. 2. *Contradicentia*; fides & infidelitas negativè accepta. 3. *Privantia*; fides & incredulitas privativè considerata. 4. *Contraria*; fides & desperatio, item hæsitatio, apostasia, fides implicita. *E comparatis sunt*: 1. *Paria*; Fides crediturum in V. & N. T. 2. *Majora & minora*; fides & charitas; fides infirma & firmior. 3. *Similia*; Fides est veluti manus apprehensiva; est similis scuto & thoraci militari. 4. *Disimilia*; fides salvifica non est similis fidei historicae. *Ex ortis* sola conjugata, ut in tractatione hujus thematis simplicis, sic & in aliorum, sunt recensenda. Nam notatio in primo limine collocanda; genus in definitione; totum, partes, species in distributione considerantur. *Testimonium* vel admisceri potest reliquis topicis, vel unum atque alterum seorsim considerari. Et hæc est methodus tractandi thema simplex; quæ vulgò dicitur *methodus didascalica*, & interdum per quæstiones instituitur, ita ut in tractatione thematis simplicis quærratur 1. Quid significet nomen? 2. Quæ causæ? 3. Quæ effecta? 4. Quæ cognata? 5. Quæ repugnantia? &c.

### Cap. 38. Disputatio solitaria.

**D**isputatio est collatio rationum syllogisticarum de problemate aliquo, veritatis cognoscendæ gratiâ suscepta.

Vulgò definitur colloquium mutuum, seu pugna ingeniorum discendi cupidorum, de aliquo problemate, ad veriorum de eo sententiam eruendam & stabiliendam. Verum genus in hac definitione est nimis angustum; quia restringitur ad disputationem sociam. Nos igitur substituimus commodius genus, quod & solitariae & sociæ disputationi convenit.

Disputatio est vel solitaria, vel socia.

Disputatio solitaria est, cum problema aliquod tacitè ipsi tractamus, adversario nullo instante.

Estque vel latior, vel angustior.

Disputatio  
solitaria la-  
tior.

Disputatio solitaria latior est, cum problema  
propositum fusè tractatur.

*Ejus partes sunt tredecim. 1. Theorema, seu constitutio certæ thes. 2. Ἀφορμὴ, occasio theoremat. 3. τὸ δίδωμι, datum; quò pertinent præcognita ex naturâ subjecti & prædicati, quæ sunt in confesso apud utramque partem. 4. τὸ ζητεῖν, seu κενόμην, quasitum; seu rectificatio status controversiæ, & remotio eorum, quæ non sunt in quæstione. 5. Ἐκθεσις τῶν διδωμένων, explicatio dati. 6. Ἐκθεσις τῶν ζητούμενων, definitio quasiti per partes, si habeat. 7. Κατασκευὴ, preparatio ad demonstrationem. 8. Ἀποδείξις, demonstratio, si haberi possit. 9. Δείξις ἐξωτερικὴ, demonstratio à testimonio; item ἔμφυτος, insita, quæ ex aliis locis inventionis, quàm è loco causæ proximæ efficientis & finalis, effecti immediati & testimonii, petitur. 10. Ἀπαγωγὴ εἰς ἀδύνατον, deductio ad absurdum. 11. Συμπέρασμα, conclusio. 12. Πορίσματα, consectaria. 13. Ἀναστροφὴ, seu λύσις τῆς ἀπορίας, refutatio, seu solutio dubiorum. .*propositione exempli hoc præceptum illustremus. Disputatur hodie in scholâ philologicâ, utra pronuntiatio linguæ Græcæ sit melior, illâne, quæ dicitur Peripatetica, an verò illa, quam vocant Rameam?

### I. Theorema.

Pronuntiatio Græca, quam dicunt Rameorum, est antiqua & nativa.

#### II. Theoremat. propositi ἀφορμὴ, id est, occasio.

Hodie in schola philologica controvertitur de germanâ & antiquâ quarundam literarum Græcarum pronuntiatione. Quamvis enim benè multi hætenus probarint, novam illam pronuntiationem, quam ita contemtim quidam vocant, & veteribus Græcis usitatam, atque ex ipsâ literarum naturâ & differentiâ æstimatam esse: attamen longè plures hanc pronuntiationem repudiare, rusticam vocare, imò exhibilare, è scholis deniq; profligare. Eapropter operæ precium erit, paucis demonstrare veram sententiam.

#### III. Τὸ δίδωμι, datum.

Esse aliquod inter literas alphabeti discrimen, in confesso est apud omnes, adeoq; extra controversiam est. Id enim fa-  
cile

cilè probant diversæ illarum figuræ. Quorsum enim veteres sine manifestâ necessitate multiplicassent elementa?

IV. Τὸ ζητούμενον, *quæsitum*.

At verò non satis est, scribendo istam differentem literarum vim exprimere: sed multò magis in lectione atq; pronuntiatione idipsum requiritur. Nam lectionis gratiâ scriptura est. *M. Andreas Helvigijs in suis Etymologijs.*

V. Ἐκθεσις τῶν διδωμένων, *explicatio dati*.

Non autem est ambiguitas aut dubitatio de singularum literarum Græcarum pronuntiatione. De quatuor duntaxat elementis maximè quæritur: videlicet. β η ο υ: utrum ad vulgi morem & iudicium pronuntianda sint, an secus. Neq; hic quæritur, an illa pronuntiatio, quâ dicunt *vita, thita, ita*, non sit addiscenda. Addiscenda enim est, propter eos, qui eam tenent arcè, & accuratè defendunt. Cum his enim nullus conversari poteris, si illorum pronuntiationem ignores. Hoc igitur quæritur, utra istarum pronuntiationum sit nativa & germana.

VI. Διορισμός τῶν ζητούμενων, *definitio quæsitæ*.

Dicimus igitur, quatuor istas literas ita esse pronunticiandas, ut earum fert natura, ne scilicet cum alijs temerè commutentur, aut soni qualitate confundantur. Ut enim qualibet litera in scriptione peculiarem habet figuram: ita & in pronuntiatione proprium sonum, qui sit ejus veluti forma & differentia specifica. Videlicet, ne β legatur ut f vel v; sed planè ad modum literæ b: η pronuntietur medio sono inter α & ε: quo fit, ut εα in η ferè coëant, & in augmentis verborum seorsim in η transeant, tanquam communem parentem: qualis sonus est τὸ ὑ τferi apud Hebræos: qualis etiam est τὸ ὕ, e in Germanico schâmē/ id est, pudere: quomodo autem ab ε tenuiore discrepet, arguit dictio Germanica ewig/ id est, æternum. Porro ο μικρόν, acutiore sono, in summis faucibus formato, proferatur: fermè ut ὀ Germanicum in rōsten/ id est, frigere, vel assare, & trōsten/ consolari. Dico fermè: quia non omninò hoc modo efferri debet, ut ne ludibrium debeamus auditori. Et certè Græci non sine causâ dixerunt ο μικρόν, id est, parvum & simplex: quia non solum quantitate accentûs, sed sono quoque & certo pronuntiandi modo ab ω μεγάλῳ differt. Denique υ conveniat cum u Gallico, ad i nonnihil vergente, contractis labijs quasi

strangulato spiritu efferendum : qualis sonus est in Germanico *glückwünschen* / id est, *bene precari*, seu *gratulari*, item *malè* / male.

VII. Κατασκευή, *confirmatio*, seu ad demonstrationem præparatio.

Axiomata hæc sunt ἀσπίρηται :

I. Literas esse inventas ad exprimendas voces humanas. Voces autem humanæ non nisi certis ac inter sese discretis literis exprimi & repræsentari possunt. Itaque sicut scriptio est distincta, ita & lectio esse debet distincta.

II. Literarum Græcarum naturam & proprietatem judicandam esse tum ex Hebraica lingua, tanquam matris, tum Latina, tanquam filia, elementis. Elementa enim Græca ex Hebræis enata, tum quoad sonum, tum quoad figuram, & Latina è Græcis.

III. Doctissimorum hominum judicium esse attendendum, & maximè prischorum.

VIII. Ἀπόδειξις, *demonstratio*.

Quæ pronuntiatio distinctionē literarum Græcarū exprimit, earumq; cum Hebræis & Latinis harmoniam, & deniq; veterum Græcorū vestigia insitit, ea est & nativa, & antiqua.

Atqui ea, quā pronunciamus beta, non vita &c. hæc tria facit.

Est igitur & nativa, & antiqua.

IX. Δείξις ἐξωτερική, *demonstratio precariò sumpta*.

Apud Ælium Dionysium in Cratino legimus : ὁ δὲ ἑλίου ὄψωνι βῆ βῆ λέγων βαδίζει : *Fatiuus iste perinde, ut ovīs be be dicens incedit*. Jam verò sonus seu balatus ovium non est *vi*, sed accedit ad *υ*.

X. Ἀπαγωγή εἰς ἀδυνάτον.

I. Si illud βῆ βῆ veteres legissent *vi vi*, sequeretur, aut balatum ovium olim fuisse alium, quàm hodie est, aut Ælium ignorasse suam linguam.

II. Si η pronuntiandum est ut ι, non rectè Græci expresserunt Latina, φήλιξ, φῆς, & ληγάτ, quæ vox Jctis est usitata. Nam si quis pronunciet *filix, fistus, ligatus*, utique offendet latinas aures.

III. Si η & ι & υ eodem modo pronuntiari debent, veteres literarum inventores insulsi fuerunt, quippe qui literas multiplicarunt sine manifestâ necessitate.

IV. Si

IV. Si inepra ista pronuntiatio retinenda est, tanquam germana; maxima orietur in lingua Græca confusio. Nul- lum enim erit in pronuntiatione discrimen

inter

|                        |   |                            |
|------------------------|---|----------------------------|
| Φίλον, <i>amicum</i> , | & | φῆλον, <i>impostorem</i> . |
| ῥόνον, <i>asinum</i> , | & | φῦλον, <i>gentem</i> .     |
| Πόνον, <i>potum</i> ,  | & | ῥόνον, <i>pretium</i> .    |
| Κόνον, <i>comam</i> ,  | & | πῶνον, <i>operculum</i> .  |
| Μόνον, <i>molam</i> ,  | & | κόνον, <i>vicum</i> .      |
|                        | & | μήλον, <i>specillum</i> .  |

V. Si dicendum est *vita* & *ita*, dicendum etiam est *al- phavitum*, non *alphabetum*.

VI. Si *eta* pronuntiari debet ut *ita*, cur Aristoteles in E- lenchis nullam fallacē conclusionē ex istis literis numeravit, cum nihil possit frequētius occurrere, si vel duplicē uni lite- ræ sonū, vel contrā duas pluresve uni sono literas tribueris.

X I. Συμπερασμα, *conclusio*.

Quapropter certum est, hanc, quam ostendimus, pro- nuntiationem

1. Esse germanam & nativam.
2. A veteribus usurpatam fuisse, ὅπερ ἔδει δείξαι.

X I I. Πορίσματα, *confectaria*.

Quæ quum ita sint, sequitur:

I. Literas illas β ζ η θ μ ν ο τ υ, non efferendas esse vulgaribus illis corruptis vocibus, sed eo modo, quem ipsa elementa, quibus appellatio singulorum constat, exigunt.

II. Diphthongos neque inter sese, neque cum vocali- bus confundendas esse: ut

|    |   |                |
|----|---|----------------|
| αη | } | cum η.         |
| ηη |   |                |
| ει | } | cum ι.         |
| οι |   |                |
| αυ | } | cum { αφ<br>ιφ |
| ου |   |                |



|                                                                           |     |                                                                          |
|---------------------------------------------------------------------------|-----|--------------------------------------------------------------------------|
| $\left. \begin{matrix} \alpha \\ \eta \end{matrix} \right\}$<br>$\varphi$ | cum | $\left\{ \begin{matrix} \alpha \\ \eta \end{matrix} \right.$<br>$\omega$ |
|                                                                           | cum |                                                                          |

III. Neque  $\pi$  post  $\mu$  pronunciandum esse ut Latino-  
rum b: neq;  $\tau$  post  $\nu$  pronunciandum esse ut  $\delta$ : ut videre est  
in vocibus *σωτήρησις*, *ἡ ἐντελέχεια*: pro quibus quidame  
Grammatici & scribunt & legunt *synderefis*, & *endelechia*.

XIII. Λύσις τῶν ἐπιχειρημάτων, seu  
*ἀντιστάσις*, *Refutatio*.

1. Olim docti viri pronunciarent ita, ut & hodie. Resp. 1.  
Multitudo errantium non parit errori patrocinium. 2. Mul-  
ti docti viri vident, istam pronunciationē esse adulterinam,  
ideoq; eam averfantur. 3. Multi docti viri vident esse adul-  
terinam, & tamen nihilominus retinent, quia usui ceu ty-  
ranno & consuetudini inveteratæ coguntur obsequi.

I I. Ipsi homines Græci nati ita pronunciant, & fatentur  
sibi inauditam esse hanc pronunciationem novam. Resp. Li-  
teræ ab illis migrarunt, & ubivis nunc rectiùs excoluntur,  
quàm apud ipsos. Quis etiam nescit, regulam pronunciatio-  
nis nullo modo esse vulgus ignobile?

I I I. Vulgaris & usitata lectio suavior est & facilior.  
Resp. 1. Si est facilior, non ideo statim melior. Nam τὸ καλὸν  
δύσκολον. 2. Suavitas non est ex corruptâ & auribus fami-  
liari consuetudine, sed ex incorrupto & germano literarum  
sono æstimanda.

I V. Hebræi nomen proprium David scripserunt per  
Vau: quod L x x interpretes expresserunt per Græcum β.  
Resp. Necessitas non habet legem. Sicut enim Græci non  
possunt exprimere jod Hebraicum: ita nec vau. Non ergo  
sequitur: L x x Vau Hebræorum expresserunt per β. Ergo  
β legendum est ut v. Sed hoc sequitur: Ergo est quædam  
convenientia inter β & v. Sunt enim ejusdem organi, vide-  
licet *labiorum*.

V. Apud Thucydidem legitur, Atheniensibus respon-  
sum olim datum fuisse hoc versu:

Ἦξει δὲ μετὰ πόλεμον καὶ λοιμὸς ἅμ' αὐτοῖς.

Ibi diu fuit dubitatum, λοιμὸς ne an λιμὸς significatus  
fuisset:

fuisse: donec sævissima pestis Attica tandem oraculum exponeret. Quod, si pronuntiatio distinxisset λοιμὸν à λιμῶν, non extitisset tanta ambiguitas. Resp. 1. Apollo, λογὸς ille cognominatus, hunc versum submurmuravit, ita ut planè intelligi non potuerit. 2. Si maximè τῶν χειρὶ καὶ ζομφίαν aures probè percepissent, fideli quoque aliis postmodum relatione factâ; fieri tamen poterat ob temporis longinquitatem, ut à patribus acceptum è memoria posteritatis efflueret, ac varietatem disensionemque vocis induceret.

V I. Hebræi pronunciant *beth* ut *f*, si non sit dageffatum. Ergo & Græci sic pronuntiabant suum β. Respond. Negatur antecedens. Nam vulgus Judæorum nostrorum aliter pronunciat quædam Hebraica, quàm olim factum fuit. Imò Judæi Germani aliter legunt, aliter Itali. Trahunt scilicet aliquid vitii ab iis gentibus, quibus cum vivunt. Ita quòd β pronuntiatur ut *f*, & sic Græcorum β, ex recentiore Gothismo ortum est. Non igitur consuetudo est mensura & norma pronuntiationis, sed rectà ratio, quæ talis. Ea pronuntiatio est vitiosa, quæ pluribus characteribus unum & eundem sonum tribuit. Nam minimè debet dubitari, quin figurarum varietas ob varietatem soni sit introducta. A supervacaneis enim natura abhorret, quæ brevem viam sequitur. Et naturam ars sequi debet. Distincta ergo figura distincti soni est index, aut stultè inventores literarum in accumulandâ characterum varietate luxuriarunt. Quòd autem *Beth* Hebræorum etiam *raphatum* legendum sit ut *b*, arguunt nomina propria, *Abel*, *Bethlehem*, & consimilia. Quòd Græci non pronunciarint, *patir*, *mitir*, *ithici*, arguunt nomina Latina, *pater*, *mater*, *ethica*, sive *ethice*.

V I I. Sæpe Latini β Græcorum expresserunt per *v*. Ergo ita legendum est. Resp. Hoc arguit συμβολισμὸν literarum. Ita à Græco βάδω, est Latinum *vado*, à βορᾶ, *voro*.

V I I I. Argumentum est ovillum, si quis alleget τὸ *be*. Et incertum est, num *be*, vel *me* balent oves. Resp. Hic non queritur, an oves *be* vel *me* sonent, sed an *i* sonent. Verùm enim verò etsi interfit plurimùm, scire veræ pronuntiationis apud Græcos rationem: dandum tamen hoc est receptæ consuetudini hodiernæ, ut etiam legere discamus ut alii, ut scilicet

cum aliis conferre sermones, si opus sit, discamus. Atque hic est modus, quo studiosi Logices informabunt disputationes solitarias latiores.

Disputatio  
solitaria angustior.

Disputatio solitaria angustior est, quando problema breviter tractatur.

*Ejus partes sunt:* 1. *Expositio problematis*; quâ partim ipsa quaestio proponitur, partim præcognita ex parte subiecti & prædicati adferuntur. 2. *Constitutio certæ thesisi*; quando ponitur pars affirmativa vel negativa. 3. *Propugnatio*, seu confirmatio, *theses*; ex argumentorum locis, syllogisticâ formâ adhibita. 4. *Impugnatio thesisi*; quâ argumenta adversæ partis adferuntur in medium. 5. *Defensio*; quâ refutantur objectiones adversarii. 6. *Collectio porismatum*; quando ex thesi probatâ conclusoria quædam inferuntur, vel per subsumptionem, vel per conversionem, quibus falsitas sententiæ adversarii illustrior redditur. *Quòd si velis, vel fortè opus sit, magis angustior seu contractior disputationis solitaria modus potest esse, cujus tres sint partes.* 1. *Expositio problematis*. 2. *Ejusdem in utramque partem disceptatio*; quando argumenta pro thesi tum affirmante, tum negante in medium producuntur ad excitandam dubitationem. 3. *Decisio*; quâ veritas problematis determinatur, partim certæ thesisi approbatione, partim argumentorum contrariorum refutatione. In triplici hoc modo disputationis solitariæ observabis elegantem proportionem. Sicut enim modus secundus sex constans partibus, est quasi media pars primi modi, qui absolvitur tredecim partibus: ita modus tertius constans tribus partibus, est media pars secundi. Sed nunc videamus exempla modi secundi & tertii.

### *Exemplum primum disputationis solitariae angustioris.*

#### I. Expositio problematis.

Quæritur in Logicis, *An definitio sit terminus simplex, an verò complexus? Præcognita ex parte subiecti sunt,* 1. quòd hic non intelligatur definitio nominis, sed rei; & ea quidem, quatenus non sumitur latè, ita ut comprehendat ipsum de-

ipsum definitum; sed strictè, quatenus intelligitur explicatio definiti. 2. quòd definitio constet ex duobus terminis, qui sunt materiale, & unione terminorum, tanquam formali. 3. quòd finis definitionis sit affirmatio, non enunciativa, seu axiomatica, sed topica, quam diximus affectionem argumenti. *Præcognita ex parte prædicati sunt*: 1. quòd terminus simplex consideretur extra omnem dispositionem. 2. quòd terminus complexus non statim sit axioma.

### II. Constitutio certæ thesæ.

Præmissis præcognitis ponimus talem thesæ: *Definitio non est terminus simplex, sed complexus*: & limitamus hunc in modum, ut diximus in præcognitis; non tamen est axioma, seu propositio.

### III. Confirmatio thesæ.

*Argum. 1. ex parte subjecti*: Cujus finis est, explicare rem ratione convenientiæ & differentiæ, id est terminus complexus. At hic est finis definitionis. Ergò definitio est terminus complexus. Probatur major: Ubi sunt duo termini, ibi est complexio quædam. Et hoc est argumentum à fine definitionis.

*Argum. 2. ex parte prædicati*. Terminus simplex unicum conceptum menti repræsentat. At definitio unicum conceptum menti non repræsentat. Ergò definitio non est terminus simplex. Major est canon Logicus. Minor probatur: quia in definitione est duplex conceptus, unus est communitatis, alter proprietatis.

### IV. Impugnatio thesæ.

1. Quod rem simplicem definit, est terminus simplex. At definitio rem simplicem definit. E. est terminus simplex. 2. Si definitio nō est terminus simplex, est integra propositio. Sed non est integra propositio. E. est terminus simplex.

### V. Refutatio objectionum.

Respondetur ad primam objectionem, quòd in majore sit elenchus definitionis termini simplicis, qui sic est definiendus: Terminus simplex est, qui extra omnem dispositionem consideratur. Jam subsumo: At definitio non est talis; quia est *συμπαράλη* generis & differentiæ. Sanè negari non potest, genus & differentiam esse duos termi-

nos simplices. Neque hoc potest negari, in definitione conjungi illos terminos.

Ad secundam objectionem respondetur negatione consequentiæ. Nititur enim falsâ hypothesi, quod omnis terminus complexus sit axioma; cum tamen res ipsa aliter nos jubeat philosophari, videlicet hunc in modum. Terminus est vel simplex, vel complexus: & hic est vel semiplenus, vel plenus; quæ posterior distributio omnino est necessaria. Sic in definitione est complexio termini & termini, sed semiplena, seu nondum axiomatice. Hic latè accipimus vocabulum termini, non opponimus axiomati, ut supra fecimus. Vide lib. 6. cap. 1.

### V. Confectaria.

Stat igitur nostra thesis: *Definitio non est terminus simplex, sed complexus.* Ergo. 1. Definitio non simpliciter unum menti repræsentat, sed secundum quid. 2. Nulla definitio est propositio. 3. Definitum est relatum definitionis, non pars illius.

### *Exemplum secundum disputationis solitariae angustioris.*

#### I. Expositio problematis.

Est ardua quaestio: *An proprietates unius subjecti possint communicari cum subjecto alio realiter diverso?* Hæc quaestio maximum habet usum in disputationibus Theologicis de persona Christi.

#### II. Disceptatio problematis in utramque partem.

*Affirmativam suadent hæc argumenta.* 1. Calor summus est proprium ignis. Et hic communicatur cum ferro. Ergo. 2. Loquela est proprium hominis. At hæc communicatur cum psittaco. 3. Christi corpus est ubique. Ergo proprietates Dei communicata est cum subjecto realiter diverso. Antecedens probat unio personalis. 4. Insignes Theologi & Philosophi sic statuunt, quos fastidiosè despiciere non decet virum bonum.

*Negativam suadent hæc argumenta.* 1. Quod implicat contradictionem, & evertit naturam rerum, id falsum est. At proprium di-

primum dicere esse commune, implicat contradictionem &c.  
 2. Proprium est aliquid *παρεπόμενον τῇ φύσει*, & est effectum  
 formæ. E. forma unius speciei cum alio cōmunicatur, quod  
*ἀποπον*. 3. Paucis illis patronis sententiæ affirmatiæ oppo-  
 nimus innumeros, qui negativam defendunt.

### III. Decisio problematis.

Argumenta pro parte negativâ sunt firma & ἄλυστα: at  
 partis negativæ argumenta nihil ponderis habent. Nam in  
 primo est falsa minor. Vide *Scalig. exerc. 12. § 3*. In secundo  
 eisdem. Nam psittaco loquela convenit quâdam similitudi-  
 ne, non autem formale loquelæ humanæ. In tertio est peti-  
 tio principii. Nam argumenta pro sententiâ affirmativâ so-  
 lent adferri, ut probetur illa conclusio, quæ hîc pro argu-  
 mento adducitur. Ad extremum commissus est elenchus  
 non-testimonii ut testimonii.

### Cap. 39. Disputatio socia.

**D**isputatio socia est, in quâ sunt duæ partes, u- Disputa-  
tio socia.  
 na opponentis, altera respondentis.

Ejus leges communes sunt:

1 *Ad disputationem afferatur bona intentio, quæ non ina-  
 nem gloriolam, sed illustrationem veritatis querat.*

2 *Animus sit purus ab omni præjudicio.* Præjudicium au-  
 tem est præconcepta opinio, quam aliquis mordicùs defen-  
 dere sibi proponit, etiam si rationibus vincatur.

3 *Opponens & respondens conveniant in certis præcogni-  
 tis principiis.* Absque hoc si fuerit, inanis erit omnis dis-  
 putatio.

4 *Perspicuitas & brevitatis in opponendo & respondendo  
 servetur.* Itaq; utraq; pars se astringat ad leges seu carceres  
 syllogisticos, & vitet apparatus declamationum oratoria-  
 rum. Hoc nisi fiat, veritas non eruetur disputando, sed ob-  
 ruetur & amittetur altercando; ut eleganter ostendit ma-  
 gnus ille disputator theologus *Antonius Sadeel in præfat.  
 operum theolog.* Aristoteles hujusmodi disputationem vo-  
 cat ἀγωνιστήν 8. top. cap. 5. quæ non digna est pulchro hoc no-  
 mine; quâ tamen hoc nostro æheu seculo, potissimū in theo-



logice, nulla aut est frequentior aut nocentior; concertatio nempe sophistica ingeniorum superbè contentiosorum, quâ unusquisque suam sententiam omnibus modis conatur defendere verioremq̃ue evincere, & adversarium errorum maximorum convincere, vel cum veritatis oppressione, & quasi jugulatione. Hanc igitur à pueris odisse discant ingenua ingenia. Cæterum disputatio, quoad finem & personas disputantes, alia simplex est, alia mixta; ut colligitur ex 8. *topic. cap. 5.* & 1. *sophist. elench. cap. 2.* Simplex rursus est examinatória, vel exercitatória; quarum illa *διδουλική*, hæc *σπευλική* philosopho dicitur. Examinatória disputatio est præceptoris cum discipulo, ad hujus profectum in studiis explorandum: num videlicet dextrè tradita dextrè acceperit, & veram sententiam contra falsam tueri possit. Potest etiam vocari *διάλεξις πειρατική*. Exercitatória disputatio est commilitonum in scholis, quâ sua, mutuo quasi conflictu, exercent ingenia, ad verum in rebus scitu dignis clariori mentis lumine (id enim hâc quasi vibratione excitatur, ut clariùs fulgeat) perspicieñdū. Mixta ex his duabus est disputatio sociorum sub præside docto & gravi. De hâc nobis hoc loco sermo est. Ea autem maximè est necessaria; quia partim *ἀγχινοίαν*, *promptitudinem mentis in perspicieñdo vero*, partim *διύαμιν ἐμφανδύχην*, *facultatem sensa animi proferendi*, conciliat iis, qui subinde se exercent disputando.

Disputationis socię considerantur objectum & causæ efficientes.

Objectū disputationis est problema, quod probabilissimum vel verum necessariò respondens seu defendens esse existimat.

Dicitur thema, vel thesis, hoc est, sententia, quæ ponitur aut statuitur esse vera: cujus respectu reliquæ de eodem sententia sunt ejus antitheses, sive oppositæ theses. Latius igitur accipi solet *θέσις* vocabulum, quàm apud Aristotelem in topicis: ubi dicuntur disputatores aliquid *πθέναι*, *ponere*, quod verum esse nequaquam asseverabant (asseverare enim apud philosophum est demonstratoris, non Topici aut Dialectici disputatoris) sed tamen tanquam verum

verum aut saltem verisimile esset, disputando defendere parati erant. Non hoc sensu accipimus vocabulum vel thesaurus, vel disputationis; sed thesin dicimus quamlibet assertionem ad disputandam propositam, & disputationem non opponimus demonstrationi. Hinc diximus, problema disputationis esse vel necessario verum, vel probabilissimum ei, qui proponit. Nam si occurrant duæ, tres vel plures sententiæ de aliquo problemate, falsa rejicienda, probabilis accipienda; & si multæ sint probabiles, probabilior vel probabilissima pars defendenda: ut, si ne virtus summum hominis bonum morale quoad  $\xi\xi^u$ , vel quoad  $\epsilon\nu\epsilon\gamma\gamma\epsilon\iota\alpha\upsilon$ ? Hic alii existimant, quod sit tam quoad  $\xi\xi^u$  quam quoad  $\epsilon\nu\epsilon\gamma\gamma\epsilon\iota\alpha\upsilon$ ; alii quod secundum  $\xi\xi^u$  tantum. Prior sententia est probabilissima. Itaque ad defendendum suscipienda est.

Causæ efficientes disputationis sunt Opponens & Respondens, seu defendens.

Opponentis seu interrogantis officium continetur his canonibus: Officium  
opponētis.

1 *Statum controversiæ rectè cognoscat.*

Hoc nisi faciat, inanis erit tota disputatio.

2 *Questionis extrema deducat per locos inventionis, & habeat delectum argumentorum.*

Delectum argumentorum habere, est artificialia ab inartificialibus & necessaria à contingentibus distinguere, eademque pro re natâ prudenter miscere. Observa, locos inventionis vocari non solum argumenta, sed etiam maximas, singulis argumentis additas, itemque in loco de syllogismo necessario & contingenti positas.

3 *Partem syllogismi principalis negatam prosyllogismo prober.*

Hic nota, quosdam distinguere inter prosyllogismum & prosyllogismum. Prosyllogismum vocant rationem aliquam, ut syllogismo principali præmittitur ad præmuniendum, hoc est, ad firmiorem & evidentiorum reddendum syllogismum principalem deinceps proponendum: ut si quis

in disputatione principali syllogismo præmittat dictum scripturæ, vel legem, vel canonem aliquem, quibus contineatur majoris vel minoris præmunio. Verbi gratiâ: Si quis argumentans contra thesin aliquam dicat: *Oppono huic thesi locum Scripturæ, vel legem, vel canonem, & hinc sic argumentor &c.* Similium locutionum similis est ratio, est canon Logicus. Similes autem locutiones sunt: *Circumcissio est fœdus; Agnus est transitus; Christus est pascha; & ista, Panis est corpus Christi; Calix est novum fœdus.* Nam in omnibus istis nomina rerum signatarum tribuuntur signis. Sunt autem tres priores sacramentales & metonymicæ. Ergo etiam duæ postremæ sunt sacramentales & metonymicæ. Item si syllogismus, vel enthymema, proferatur, & ei aliquid attexatur *per consequens*, duo syllogismi sunt conjuncti, quorum prior est prosyllogismus, posterior principalis syllogismus. Quod pertinet usitata regula, nobis etiam suprâ laudatâ: *Quidquid sequitur ad consequens bona consequentia, sequitur & ad antecedens*: ut, Omnia officia politica sunt concessa Christianis. Judicia sunt officia politica. Ergo judicia sunt concessa Christianis: & per consequens, litigare in foro concessum est Christianis. In hoc exemplo quæstio est, An litigatio forensis concessa sit Christianis? Affirmatur hoc argumento; quia judicia sunt concessa Christianis. Syllogismus igitur principalis est: Si judicia sunt concessa Christianis, tum & litigatio forensis. Antecedens est. Ergo & consequens. Assumptum probatur syllogismo illo, qui ante principalem syllogismum fuit positus, quemque vocavimus prosyllogismum. At prosyllogismus est ratio postposita syllogismo principali. Quod si præmissa aliqua prosyllogismi iudem probetur, vocatur ea probatio *Epilogismus*; ac rursus probatio præmissæ alicujus in epilogismo appellatur prosepilogismus. Cæterum prosyllogismos multiplicare poteris juxta sequentes leges. 1. *Propositio syllogismi alicujus probanda est vel simplex, vel connexa.* 2. *Propositio simplex probatur vel testimoniis, vel rationibus petitis tum ex locis causæ, effecti &c. tum ex canonibus atque axiomatis. Testimoniis; cum præmissa in testimonio, quod allegatur, continetur vel totidem verbis, vel æquipollentibus: ut, Quidquid in Ecclesiâ usurpandum est, ad communem ædificationem*

ficationem fidelium facere debet. Sermo non intellectus, ad communem ædificationem fidelium non facit. Ergò sermo non intellectus, non est in Ecclesiâ usurpandus. Major propositio probatur ex præcepto Pauli *1. Cor. 14. vers. 12. & 26.* Minor probatur ex ejusdē capitis *v. 6. Rationibus;* cum medium invenitur ex alterutro extremo; ut, Regula non accipit authoritatem à regulato. Sacra Scriptura est regula Ecclesiæ. E. suam authoritatem non accipit à regulato. Major propositio suâ luce claret. Minor probatur: Quo regitur fides, & omnis actio Ecclesiæ, id est regula Ecclesiæ. At sacrâ Scripturâ regitur fides & omnis actio Ecclesiæ. E. Sacra Scriptura est regula Ecclesiæ. Minora possēt etiam probari ex illo axioma: Authoritas major, est regula minoris. At Scripturæ authoritas est major, & Ecclesiæ minor. E. Probatur minor: Authoritas probans est major probandâ. At Scripturæ authoritas est probans: quia authoritas Ecclesiæ ex authoritate Scripturæ probatur. *3. Propositio connexa tribus modis probari potest. Primus modus.* Medium probationis disponitur cum partibus propositionis connexæ, & fit alius connexus: ut, Si sermo ille erat in principio creationis rerum omnium, tum est naturâ Deus. At prius est. E. & posterius. Propositionem connexam negat Samosatēnianus. Ea sic probatur: Si sermo ille erat in principio creationis, est æternus. At erat in principio creationis. E. æternus, & per consequens, verus Deus. *Secundus modus.* Consequentia propositionis connexæ demonstratur reductione syllogismi connexi ad simplicem: ut, Si anima hominis est ex traduce, est mortalis. Sed posterius absurdum. E. & prius. Propositionis connexæ consequentia probatur per reductionem ad syllogismum simplicem, hoc modo: Omne quod est ex traduce, est mortale. Anima hominis est ex traduce. E. anima hominis est mortalis. *Tertius modus.* Ad probandam consequentiam allegatur testimonium: ut, Si Christus non amplius effundit sanguinem suum, tum non potest amplius in Misa pro peccatorum remissione offerri. Verum est illud. E. & hoc. Probatur consequentia: quia absque sanguinis effusione non fit remissio. *Heb. 9. v. 22.* Hinc talis syllogismus: Si absque sanguinis effusione non fit remissio; tum sequitur, si Christus non amplius effundit suum sanguinem, cum

non posse in Mifsâ amplius pro peccatorum remissione offerri. Illud est verum. Ergo & hoc. Item: Si fides nostra est posterior electione nostri ad vitam æternam, non est causa efficiens seu meritoria, propter quam electi sumus. Verum est primum. E & secundum. Probatur connexum ex illo canone: *Causa efficiens non est tempore posterior effectu suo.*

#### 4 Opponens examinet datam responsionem.

Examen responsionis sic institui debet. 1. Consideret opponens, num respondeatur directè, vel indirectè. Directè respondetur, si videl. respondeatur ad formam, vel materiam, vel ad utramq;. 2. Quòd si adversarius nec ad formam, nec ad materiam, sive partem aliquam respondeat, nullamq; nominet fallaciam; opponens dicat, eum nihil respondiisse, utcumque multa garriverit; ideoque non sollicitus sit de instantiâ ad solutionem, sed hoc urgeat, ut respondeat ad partem. Si tergiversetur, habebit illum pro victo, & appellabit ad iudicium auditorii, & ostendet, illum vel in genere respondere ea, quæ sint *à negotiorum*; vel irridere objectionem; vel vagari extra terminos. 3. Si verò nominata fuerit fallacia, opponens perpendat, an nominetur in formâ, an verò in materiâ. 4. Si in formâ nominetur, examinet syllogismum secundum leges syllogisticas, tum generales, tum speciales. 5. Si solutio detur ad materiam, opponens attendat, utrum detur ad conclusionem, an ad præmissas. 6. Si ad conclusionem detur responsio, erit vel ostensio ignorationis elenchi, vel ostensio plurium quæstionum sumtarum pro unâ. 7. Si dicatur esse ignoratio elenchi, exigat canonem legitimæ oppositionis, in quem peccet sua conclusio. 8. Si dicatur, esse plures quæstiones, jubeat sibi illas ostendi. Quòd si defendens illas ostendere non possit, solutio nulla data est. 9. Si verò respondeat ad præmissas, respondebit vel ad verba, vel ad res in præmissis. 10. Si respondeat ad verba, respondebit vel ad simplicia, vel ad composita. 11. Si respondeat ad verba simplicia, & queratur ea esse ambigua, opponens dicat, se accipere in hâc vel illâ significatione. Quòd si respondens afferat homonymiam & varias significationes esse dicat, exigat ab eo locos probatorum authorum. 12. Si verò respondeat ad verba composita, seu phra-

seu phrasin, examinetur interpretatio phraseus istius. 13. Si respondeat ad res, respondebit vel negando, vel rationem consequentiæ exigendo, vel deniq; distinguendo. 14. Si respondeat negando, videat opponens num neget manifesta, vel minus manifesta. 15. Si neget manifesta, postuletur ratio, cur tam manifestam propositionem neget: quam si dare non possit, urgendus est argumentis ad absurdum ducentibus. 16. Si vero neget minus manifesta, probetur præmissa negata. Utplurimum autem negatur minor. Nam major, ferme est axioma generale; minor autem particulare. Particularia autem magis obnoxia sunt dubitationi, quam universalia. Si tamen negetur majoris universalitas, opponens dabit instantiam postulativam, h. e. petat sibi dari exemplum, per quod majoris universalitas infringatur. Quod si defendens nullam exceptionem dare possit, judicatur esse victus. 17. Porro si respondens neget consequentiæ, opponens statim det rationem consequentiæ. 18. Si respondeat distinguendo, seu limitando, opponens sciat difficile esse dare instantiam ad istiusmodi solutionem. Examine igitur illam distinctionem secundum requisita limitationis, num sit perspicua, non-nugax, non-contradictoria; itemq; ipsius species, num sit limitatio generalis, vel specialis: & si specialis, num uniformis, vel biformis: & si biformis, num generica, partialis, vel accidentalis. 19. Ad extremum si indirectè respondeatur, respondebitur vel ad personam, vel ad rem. 20. Si ad personam, respondebitur vel increpatione, vel objectione criminis. Ibi opponens ostendat, se non disputare contra pietatem, vel honestatem; hic purget se & amoliat crimen sibi objectum. 21. Si indirectè ad rem respondeatur, respondebitur vel per retorsionem, vel fortioris argumenti prolationem, vel per comparisonem cum similiter absurdo, vel per ostensionem contradictionis, vel per paris aut majoris authoritatis oppositionem. Hic opponens ostendet, rem ita se non habere, ut adversarius dicit: videlicet retorsionem nullam esse contradictionem nullam &c. Ad extremum opponens acquiescet in solutione, quam veram esse agnoscit.

Respondens est alius inferior, alius superior.



Officium illius consideratur vel communiter, vel singulariter.

Officium respondentis communiter spectatur in disputatione tum scribendâ, tum habendâ.

Ratio scri-  
bendi dis-  
putationē.

*Disputationis scribenda leges sunt:* 1. Respondens videat, num scribenda sit disputatio simplex, vel miscella. 2. Si scribenda sit disputatio simplex, consideret num theorematice, vel problematicè sit scribenda. Dicitur autem disputatio simplex, quâ quis locum certum alicujus disciplinæ sibi tractandum sumit. 3. Theorematice seu aphoristicè scribitur disputatio per definitiones, distributiones & regulas: ut de creatione, de prædicamentis. 4. Problematicè scribitur disputatio per quæstiones, è quibus præcedent quæ generaliores: id quod cognosci potest, si quæstiones proponantur juxta seriem præceptorum. e. g. si in loco de Ecclesiâ prima quæstio sit de nomine; secunda de definitione; tertia de distributione &c. 5. Disputatio miscella dicitur, quæ completitur vel theoremata & problemata simul de unâ materiâ, vel theoremata aut quæstiones è variis disciplinis, vel denique varia theoremata aut problemata ex unâ aliquâ disciplinâ.

In habendâ disputatione respondentis partes sunt, assumere argumenta & afferre solutionem.

Assumptio argumēti rectè instituetur, si respondens cum honoris præfatione, fideliter iisdem verbis & eodem partium ordine syllogismum ab opponente objectum repetat.

Solutio est sophistica, vel vera.

Solutio so-  
phistica  
quæ sit?

Solutio sophistica est, quâ vitium argumentationis apparenter ostenditur: unde & apparens dicitur.

Hanc cognoscet respondens, non ut illam in disputatione aliquâ adferat, sed ut fugiat.

Ea fit quinque modis. Est enim

1. *Generalitas responsionis;* cum aliquid in genere dicitur, quod

tur, quod non facit ad rem. Tunc dicimus, ἔδεν αὐτὸς θέσιν, ἔδεν αὐτὸς ἔπος, ἔδεν αὐτὸς διόνομα, quibus formulis etiam utimur, quando conclusio non facit contra thesin. Sic si pro veritate corporis Christi argumenter: Si corpus Christi idem est in cœlo, quod pendit in cruce, est loco circumscriptum. Atqui est idem. Ergo. Si adversarius hîc multis declamiter de Dei omnipotentia, & glorificatione corporis Christi, erit generalitas responsionis.

2 *Aliena fallacia, quæ in syllogismo non est, allegatio:* ut, Si quis dicat esse fallaciam accidentis commissam, quando est fallacia à dicto secundum quid ad dictum simpliciter, vel contrà. v. g. Quod bella ciet, malum est. Evangelium bella ciet. Ergo malum est. Si quis dicat esse fallaciam à dicto secundum quid, sophistica est solutio: cum sit fallacia accidentis.

3 *Irritatio ad iram;* quâ sophistæ, Theonis, Archilochi & Bionis progenies, solent opponentem exhibere, cum ex reparum subsidii habent. Imò sæpe plus quàm Fescenninâ licentiâ in personam invehuntur.

4 *Εἰς ἄπειρον πῶς, irrisio objectionis;* quâ sophistæ rationes firmiores, quàm ut ullâ parte labefactari & infringi possint, irridunt.

5 *Παρεμβασις & ἀπαγωγή, excursio & abductio à scopo.* Hoc vitium familiarissimum est multis hoc ævi, quibus meliorem mentem, Socraticanâ scilicet seu philosophicam precamur.

Solutio vera est, quâ ita solvitur objectio, ut satisfiat ingeniis rectis. solutio vera.

Dico, ingeniis rectis. Nam distortis nunquam satisfieri potest. Hâc de re placet subijcere sententiam Verboris, nobilis scholastici. Sciendum, inquit, quòd triplex est responsio. Quadam est, quæ satisfacit quærenti tantum, & non quæstioni. Alia est responsio satisfaciens quæstioni tantum, & non quærenti. Alia est responsio satisfaciens quærenti & quæstioni simul. Sic ille. Primus ille respondendi modus fermè est sophisticus: reliqui duo boni sunt, tertius tamen est melior secundo.

Solutio vera est vel concessio, vel refutatio.

Concessio est, quâ objectionem adversarii concedimus.

Estq; vel pura, vel conditionalis.

Solutio per  
concessio-  
nem.

Concessio pura est, cum quod objectum est, confirmat nostram thesin, vel saltem non infirmat, ideoq; simpliciter conceditur.

Dicitur etiam *concessio simplex*, item *absoluta*. Concedere igitur, additâ ratione, quod nos non feriat, est solvere antithesin: exempli gratiâ, thesis metaphysica est, omne ens bonum est. Si quis contrâ sic disputer: Omne ens bonum est. Diabolus est ens. Diabolus igitur bonus est. Respondeatur simplici concessione totius argumenti. Quod si adversarius contendat, conclusionem esse absurdam, detur ipsi distinctio inter bonitatem naturalem & moralem.

Concessio conditionalis est, quando certo sensu & limitatione aliquid concedimus.

Dicitur etiam *concessio mixta* & *non-simplex*. item *responsio per limitationem, seu distinctionem*. e.g. Wigandus in Catecheticis explicationibus adversus orthodoxam doctrinam de humanâ Christi naturâ disputat hoc modo: Quidquid sedet ad dextram Dei Patris, habet omnipotentiam. Humana Christi natura sedet ad dextram Dei Patris. E. humana Christi natura habet omnipotentiam. Resp. Concedo totum rectè intellectum. Humana Christi natura habet omnipotentiam, non transfusam in se vel subjectivè sibi inherentem, sed personaliter unitam. Sicut enim naturam divinam sibi habet personaliter unitâ, ita & omnipotentiam.

Refutatio est, quâ objectionis vitiû ostenditur.

Estq; vel directa, vel indirecta. *Illa etiam dicitur primaria, hæc secundaria.*

Refutatio directa est aperta patefactio fallaciæ.

Estque simplex, vel mixta.

Refutatio simplex est, quâ patefit vitium vel in formâ, vel in materiâ.

Detectio vi-  
tiii in formâ  
syllogismi.

Refutatio argumenti propter vitium in formâ  
est,

est, quâ ostenditur legem aliquam syllogisticam esse violatam.

Ut, Impii à Deo affliguntur. Job à Deo affligitur. E. Job est impius. Sunt puræ affirmantes in secundâ figurâ. Hic solutio fit, reprehensione consequentiæ, & simul ostensione, quæ lex logica violata sit de consequentiâ syllogisticâ formali. Duplex enim est consequentia syllogistica; una materialis, altera formalis. Alii distinguunt inter fallaciam consequentis, & fallatiam consequentiæ; sicut necessitas alia dicitur consequentis, alia consequentiæ. Fallaciam consequentis, *ἐλλογὴν παρὰ τὸ ἐπὶ μὲρον*, dicunt cum Aristotele, cum violatur canon aliquis syllogisticus de materiâ ipsius traditus: ut, Titius est doctus. E. est J Cris. Est fallacia consequentis. Nam à genere ad speciem non valet argumentatio affirmativa. Fallaciam consequentiæ dicunt, cum lex aliqua de formâ syllogismi violatur. Hanc consequentiam alii vocant consecutionem *ἰδιαιτέα*, h. e. propriè dictam.

Differentia  
inter fallacia  
consequentis  
et consecutionem.

Refutatio argumenti propter vitium in materia est vel perfectior, vel imperfectior.

Refutatio perfectior est solutio vel ad conclusionem, vel ad præmissas.

Solutio ad conclusionem est rejectio quæstionis, ejusq; vel alienæ, vel multiplicis.

Solutio ad  
conclusionem.

Græcis dicitur ἀποδωξις. Est tamen & alia ἀποδωξις, rejectio, de quâ dicitur in solutione indirectâ.

Rejectio alienæ quæstionis est, quâ ostenditur à propositâ quæstione recedi, & ad peregrinam deflecti.

Suprà vocavimus sophisma ἐπεροζηήσεως; ab aliis dicitur fallacia heterogeneæ quæstionis: ut, cum quæstio est voluntatis, adversarius verò delabatur ad quæstionem facultatis & potentiæ; item, cum quæstio est, an sit: adversarius verò agit de quæstione, quale sit. Hoc vitium usitatè etiam vocatur ignorantio elenchi, strictè acceptâ hâc phrasi. Thesis orthodoxa est: Verba cœnæ, Hoc est corpus meum, sacramentaliter sunt intelligenda. Contra hanc thesin sic disputant nonnulli: Omnia verba Christi sunt vera & clara.

Hæc verba Eucharistiæ sunt verba Christi. E. sunt vera & clara. Resp. Concedo totum. Non enim conclusio facit contra nostram thesin. Simile ferè vitium est in probationibus syllogismorum principalium; quando videl. præmissa probatur, quæ non erat probanda: ut, Si caro Christi verè est cibus, corporaliter manducatur. At verè est cibus. Ergò corporaliter manducatur. Resp. Nego consequentiam. Eam Sophistæ sic probant: *Johan. 6.* dicit Christus: *Caro mea verè cibus est.* Resp. Atqui sic non probatur connexi consequentia, sed assumtum.

Rejeçtio multiplicis quæstionis est, quâ ostenditur, plures quæstiones confundi.

Aristoteles vocat. captionem secundùm plures interrogationes, quando respondens cumulo quæstionum obruitur, ut à scopo vel veritate abducatur. Hic igitur ἀπομυή, *præcisione*, utendum, quâ superflua refecamus, vel, si ita opus sit, quæstiones singulæ distinctè explicandæ sunt, & dicendum: *αὐτὸς δὺο ἐρωτήματα δὺο ἀποκρίσεις.* Tale vitium est in illo syllogismo: Quod est sacramentaliter unitum cum pane, illud manducatur, licet non modo naturali, tamen supernaturali. At corpus Christi sacramentaliter est unitum cum pane. E. manducatur, licet non modo naturali, tamen supernaturali. Hic respondetur, in conclusione esse πολυζήτησις, quia confunduntur duæ quæstiones, nimirum an manducetur corpus Christi, & quomodo manducetur. Tales sunt & illæ quæstiones, An desiisti furari? Fueruntne Cæsar, Alexander Magnus & Cyrus fortes reges? Terræne an cælum moveretur? Utrum Æthiops an Germanus est albus? In priori exemplo est multiplex quæstio implicite, in reliquis explicitè.

Solutio ad præmissas est, quâ fallacia circa quæstionis probationem solvitur.

Estque vel ad verba, vel ad res.

Nam fallacia est vel in dictione, vel extra dictionem in rebus, quæ disponuntur in præmissis.

Solutio ad  
verba.

Solutio ad verba ostendit fallaciam vel homonymiæ,

onymiæ in verbis simplicibus, vel amphiboliæ in compositis.

*Homonymia fallacia ostenditur indicatione 1. Æquivocationis:* ut, Omne quod est in formâ alterius, differt ab eo, cujus est forma. Christus est in formâ Dei, *Phil. 2. v. 6.* Ergò Christus differt à Deo. Sic argumentantur Arriani. Respon. Est fallacia æquivocationis ex vocis, *forma*, multiplici significatione. Ponitur enim vel pro externâ similitudine, sicuti pictura dicitur forma rei, vel pro internâ rei alicujus naturâ, & sic forma rei est ipsa rei essentia. Hoc modo Christus dicitur esse in formâ Dei. Sic *Darius* respondet in *tract. de elenchis hæreticorum*, titulo de fallaciâ, quæ est ab æquivocatione. 2. *Accentus neglecti:* ut, Qui solum videt, non audit. Qui terram videt, solum videt. Ergò qui terram videt, non audit. Item: Ille homo est multis canis. Ergò est animal irrationale. Tale est illud: Quod Deus ipse affirmat, illud est credendum. Deus dixit *Malach. 1. v. 4.* Ædificabunt, & ego diruam. Ergò credendum est, multos ea ædificare, quæ Deus tamen diruit, & non vult ædificari. Respon. est fallacia ab accentu. Nam τὸ *ædificabunt*, dictum est per concessionem & ἡγωνικῶς, non ἀποφαντικῶς, adseveranter, quasi illi possint ædificare invito & renitente Deo. 3. *Figura dictionis seu phrasæ falsò explicata:* ut, Homo est disyllabum. Chrysostomus est homo. E. Chrysostomus est disyllabum. Item: Dicimus in oratione Dominicâ, Sanctificetur nomen tuum. E. nomen Domini aliquando non est sanctum. Resp. est fallacia figuræ dictionis, seu ex genere phrasæ. Petimus enim, ut sanctum esse innotescat, ut ait *Augustinus*, in tractatu 83. *questionum questione 69.* Huc referunt quidam illam fallaciam, quâ utuntur sophistæ: Scriptura hoc nō habet expressis verbis, v. g. Parvulos esse baptizandos. E. non sunt baptizandi. Sed hæc est fallacia παρὰ τὸ ἐπὶ ῥῆμα. Nota, Aristotelem fallaciam παρὰ τὸ ῥῆμα λέξεως non ita latè accipere. Vide de *sophist. elench. cap. 3. sub finem.*

*Amphibolia fallacia ostenditur indicatione totius orationis ambigua.* Indicatione, inquam, sententia ambigua: 1. *Ex syntaxi:* ut, Si hæc est vita æterna, ut cognoscamus Patrem esse illum solum verum Deum, & quem misit Jesum Chri-



stum; tum solus Pater est verus ille Deus. Verum est anteceden-  
dens. E. & consequens. Resp. Particula exclusiva determinat  
non subiectum, sed prædicatum. Talis enim enunciatio est  
illis verbis formanda: Pater & Iesus Christus, quæ ille misit,  
est verus ille Deus solus. Samosateniani particulam *solum*  
cum nomine *Patrem* construunt, cum hæc sit genuina syn-  
taxis: Hæc est vita æterna, ut cognoscant te, illum *solum* ve-  
rum Deum, & (repete, ut cognoscant) Iesum Christum. Vul-  
gò vocant hanc fallaciam amphiboliæ. Sed nos amphiboliæ  
vocabulum latius extendimus, secuti Logicos non ignobiles.  
2. *Ex phrasi, seu idiotismo*: ut, Sumus liberi, *Galat. 5. v. 13*. E.  
non debemus subijci magistratibus. Resp. est fallacia am-  
phiboliæ ex phrasi *liberum esse*. 3. *Ex compositione & di-*  
*uisione*: ut, Fides sine bonis operibus justificat. Fides sine  
bonis operibus est res mortua. E. res mortua justificat. Re-  
spon. est fallacia compositionis. Nam verba hæc, *sine bo-*  
*nis operibus*, in maiore propositione sunt pars prædicati:  
Papistæ verò cum subiecto coniungunt, unde ἀπὸ τοῦ ἁπλοῦς  
infertur conclusio Si quis sic argumentetur: Omnes compo-  
tores in hac mensa sunt septem. Ego & tu sumus compo-  
tores in hac mensa. Ergò ego & tu sumus septem. Respon. Est  
ambiguitas orta ex divisione. Nam in maiore vocula *omnis*  
cohæret cum voce compotores; in minore verò disjungitur  
ab illâ voce. Est & alia fallacia divisionis & compositionis,  
quæ non pertinet ad fallacias λέξεως, sed ad fallacias, quæ  
sunt extra dictionem in rebus: ut, Titius est cantor & clau-  
dus. Ergò Titius est claudus cantor. Hic negatur major sub-  
intellecta: Qui est cantor & claudus, is est cantor claudus.  
Huc refer & illa exempla: Johannes est homo mortuus. E. est  
homo. Iste canis est pater, & est tuus. E. est tuus pater. Sallu-  
stius est malus, & est historicus. E. est malus historicus. Falla-  
cia compositionis & divisionis, quæ est in rebus, ut in propo-  
sitis exemplis, refertur vel ad fallaciam accidentis, vel à dicto  
secundum quid ad dictum simpliciter. Quærat hic aliquis,  
cur sequatur: Cicero est homo, & est humanus. E. Cicero est  
homo humanus? Non verò sequatur conclusio in exemplis  
modò allatis? Resp. Si unum prædicetur de aliquo per se, alterum  
ex accidenti, ut Cicero est homo humanus; vel si utrum-  
que per accidens de aliquo prædicetur, ita ut prædicata illa  
sint in-

sint inter se cognata, ut Socrates est philosophus & eruditus: tum utrumq; ut divisim distincteq; ita etiam conjunctim de re subjectâ legitime dicitur. Cæterum ad fallaciam compositionis & divisionis, quæ in λέξις est, quidam referunt illud exemplum: Quo vidisti Petrum percuti, eo percussus est. Atqui oculis vidisti Petrum percuti. E. Petrus oculis percussus est. Hic Quo in majore refertur ad Percuti, in minore ad Vidisti.

Solutio ad res fit duobus modis. Aut enim vitium est in extraneis & accessoriis, aut essentialibus & principalibus.

Solutio ad res, cum vitium est in extraneis, est quâ negantur hypothesēs seu præmunitiones præmissarum.

Hæc solutio locum habet in duobus casibus: 1. Cum principia ex alio doctrina genere in aliud transferuntur: ut si quis sic colligat, Quidquid implicat contradictionem, illud non est statuendum. Atqui aliquid creari ex nihilo, implicat contradictionem. E. non est statuendum. Resp. Est argumentatio ex falsâ illâ hypothesi; Ex nihilo nihil fit. Falsa est illa hypothesis, de creatione; vera de generatione. 2. Cum principia seu hypothesēs, quæ in aliquâ disciplinâ præsupponuntur, sunt falsa. Sic est hypothesis quorundam, omnem oculum emittere extra se radios. Hoc si everteris, eversum quoq; est pronunciatum, visionem fieri emissionem radiorum, non immiſsione. Si quis ita disputer: Quæ sunt in prædicamentis, ea sunt composita. At Deus non est compositus. Ergo non est in aliquo prædicamento. Resp. hoc argumentum niti falsâ hypothesi, quasi res quæ sunt in prædicamentis, uno modo in illis esse dicantur. Deus collocatur in prædicamento substantiæ non κατὰ τὸ πρῶτον, sed κατὰ τὸ ἀπολυσιν ἡμῶν; non κατὰ τὸ ἀκατέληκτον, sed κατὰ τὸ γνωστὸν.

Solutio ad  
res extraneas  
in præmissis.

Solutio ad res, cum vitium est in rebus essentialibus, est vel negatio, vel anteisagoge.

Solutio quæ fit negatione, vel simplici fit inficiatione, quæ & absolutè inficiatio dicitur, vel instantiâ.

Inficiatione simplici ostenduntur duæ fallaciæ,  
petitio principii, & ignoratio elenchi.

Petitio  
principii.

Petitio principii ostenditur, cum adversario ob-  
jicitur tautologia, quâ idem per idē cupit probare.

Dicitur autem *petitio principii*, quoniam adversarius petit  
sibi concedi tanquam probatum, quod tamen est dubium.  
Hinc formula: *Tu petis principium*: h. e. tu petis tanquam ra-  
tionem, quæ ratio non est; seu pro liquido accipis, quod est  
dubium. Aristoteles vocat *αἰτησιν ὃ ἐν ἀρχῇ*, petitionem  
ejus quod in principio, scil. fuit propositum: cum quis scil.  
petit sibi tanquam verum concedi id, quod in principio pro-  
posuit. Aliter ab eodem dicitur *παράλογος πρὸς τὸ ἐν ἀ-  
ρχῇ λαμβάνειν*. Potest & hæc causa hujus locutionis reddi.

Quoniam adversarius conclusionem per seipsam probat, il-  
lamq; repetit vel iisdem verbis, vel æquipollentibus, dicitur  
petere principium. e. g. Animal rationale habet optimum ta-  
ctum. Homo est animal rationale. E. homo habet optimum  
tactum. Item: Quod summū habet calorem, est summè cali-  
dum. Ignis summum habet calorem. E. ignis est summè ca-  
lidus. Huc etiam pertinet quædam probatio circularis. Di-  
co, *quædam*. Nam suprà ostendimus, non omnem circulum  
syllogisticum esse vitiosum. Exemplum circuli vitiosi est:  
Si motus est æternus, cælum est æternum. At motus est æ-  
ternus. Ergo cælum est æternum. Negatur hîc assumptio. Il-  
lam sophista sic probat: Si cælum est æternum, motus est æ-  
ternus. At cælum est æternum. E. motus est æternus. Resp.  
Est petitio principii.

Ignoratio  
elenchi.

Ignoratio elenchi ostenditur, cum adversario  
objicitur, illum è locis inventionis duxisse falsum  
elenchum.

Antea monuimus, ignorancem elenchi, strictè accepto  
vocabulo, esse fallaciam alienæ quæstionis. At hîc latè ac-  
cipitur *ignoratio elenchi pro fallaciâ non-argumenti ut*  
*argumenti*, vel insufficientis argumenti: ut cum sumitur  
argumentum ut consentaneum, quod est dissentaneum,  
cum medium dialecticum pro apodictico, non recipro-  
cum pro reciproco usurpatur. Dicitur ignoratio elenchi  
scilicet

scilicet veri & logici. Nam elenchus alius est verus, alius sophisticus, ut diximus suprà *lib. 8. cap. 1.* Tot igitur modis committitur ignoratio elenchi, quot sunt argumenta Logica; imò in uno loco inventionis sæpe sunt plures elenchi sophistici. Vide suprà *lib. 8.* doctrinam de fallaciis argumentorum. Ad hanc ignorationem elenchi refer

1 *Fallaciam consequentis* : ut, Mel est flavum. Ergò quod flavum est, mel est. Pallet. Ergò studet. Si Spiritus sanctus habet principium, est aut genitus, aut creatus. At non est genitus, nec creatus. Ergò non habet principium.

2 *Fallaciam à non causâ ut causâ* : ut, Quod allegatur ab Apostolo, fuit sanctum. Dictum Menandri fuit allegatum ab Apostolo. Ergò dictum Menandri: Bonos mores corrumpunt colloquia prava: fuit sanctum. Multi qui reformatam religionem profitentur sunt mali, Ergò religio reformata est mala.

3 *Fallaciam accidentis* : ut, Caro Adami est peccatrix. Caro Christi est caro Adami. E. caro Christi est peccatrix. Vinum inebriat. E. vinum est malum.

4 *Fallaciam à dicto secundum quid ad dictum simpliciter* : ut, Deus dicit, Misericordiam volo & non sacrificium. Ergò externis operibus Deus prorsus non est colendus. Homo sapit & intelligit. Ergò corpus ejus intelligit. Plato pictus est. Ergò Plato est. Sed hæc fallacia commodius refertur ad concessionem conditionalem, de quâ paulò antè. Hoc loco notabis, Philosophum distinguere syllogismum in materiâ vitiosum apateticum à sophistico. Apateticum dicit, qui medium non necessarium habet tanquam necessarium: ut si falsa causa, falsum effectum, vel aliud quodcunque argumentum falsum adhibeatur. Dicitur etiam *ψαδδωφισμὸς*. Syllogismus sophisticus dicit, in quo falsitas occultata est aliquâ fallaciâ: putà homonymiæ, amphiboliz, accidentis &c. Hoc ergò discrimen est: Syllogismus apateticus est manifestò falsus: ut, Omnes sapientes sunt miseri. Omnes verè Christiani sunt sapientes. E. omnes verè Christiani sunt miseri. At sophisticus habet speciem veri: ut, Quod Deus præcepit, id omninò faciendum est. Ima-

gines Deus facere iussit, & in templo habere, videlicet Cherubinos. Ergò imagines facere & in templis habere licet.

Solutio per  
instantiam  
primi mo-  
di.

Solutio per instantiam fit, cùm quod universa-  
liter verum esse sumitur, in parte aliquâ falsum es-  
se monstratur, seu, cùm *premissæ universali opponun-  
tur exempla contraria.*

Appellatur vulgò *instantia primi modi*; quia etiam est in-  
stantia secundi modi, de quâ paulò pòst. e. g. Quod conti-  
net, majus est contento. Locus continet. E. locus major est  
contento. Resp. per instantiam ad majorem propositionem:  
Totum continet partes, & tamen totum non est majus par-  
tibus. Item: Quicquid calefacit est calidum. Calor calefacit.  
E. calor est calidus. Resp. Major admittit instantiam: Motus  
calefacit, & tamen nō est calidus: Sol calefacit, & tamen non  
est calidus. Item: Omne meteorū est substantia. Iris est met-  
eorum. E. iris est substantia. Resp. ad majorem per *ἑνταυτα*:  
Colores & Parelīi sunt meteora, & tamen sunt *ἐμφύσει*, non  
*ὑποστάσει*. Quòd si adversarius det instantiam, illa regatur  
ab exemplis vel prorsus disparibus, vel malè accom-  
modatis. e. g. Philosophus dicit: Qualis causa, tale causatum. So-  
phista dat instantiam: At pater non gignit patrem. Resp. Est  
inepta & aliena instantia. Vera esset, si probaretur, patrem nō  
generare sibi similem. Philosophus dat hunc canonem: Con-  
traria contrariorum sunt consequentia. Sophista dat instan-  
tiam: Unus Deus Pater Christi est verus Deus. E. trinus Deus,  
qui non est Pater Christi, non est verus Deus. Resp. Falsa est  
exempli accommodatio; quia unum & trinum in Deo non  
sunt opposita, sed diversa. Unus enim dicitur Deus ratione  
*ἑσῆως*; trinus respectu *ὑποστάσεων*. Philosophus dicit: Prædica-  
tum prædicati, est etiā prædicatum subjecti: ut, quod dicitur  
de substantiâ, dici etiam debet de homine: Sophista affert in-  
stantias cōtra universalitatē regulę: Homo est peccator. Pec-  
catoris forma est peccatū. E. homo est peccatum. Homo est  
substantia. Substantia est generis fœminini. E. homo est gene-  
ris fœminini. Resp. Regula valet in iis, quæ per se prædicantur.

Anteisagoge est, cùm admittimus aliquid cum  
oppositione alius.

Estq;

Estq; vel reprobatio fiduciaria, vel instantia directa secundi modi: *quarum illa etiam παρομολογία & ἀντιπαράστασις dicitur.*

Reprobatio fiduciaria est, quando bonitate <sup>Reprobatio</sup> causæ nostræ confisi, posito, sed nō concessō, quod <sup>fiduciaria.</sup> in objectionē sumtum fuit, ostendimus illud sententiæ nostræ non officere, & vicissim postulamus, ut quod volumus nobis concedatur.

Germani dicunt: *gesetzt/aber nicht gestanden.* e. g. Magnum & parvum, paucum & multum sunt contraria. Sunt autem hæc quanta habentia respectum ad aliud. E. quædam quanta habent contrarium. Resp. 1. Nego hæc esse quanta per seipsa, quia sunt relativa. 2. Per fiduciarium reprobationem: Posito, sed non concessō, illa esse quanta, non tamen sequitur, in quanto esse contrarietatem; quia non sunt contraria, sed relativè opposita. Vide *Aristot. in cap. de categoriâ quanti.* Sic, Geometricum medium est unum. Virtus est medium Geometricum. E. virtus est una, & per consequens uno solo modo potest attingi, nec recipit magis & minus. Resp. per fiduciarîam reprobationem. Quamvis medium sit unum; tamen possumus variè esse affecti erga medium. Nam possumus constantiores & inconstantiores esse. Deinde virtus est medium, quod latitudinem habet. Ideò dixit *Aristoteles in fine secundi Ethicorum ad Nicomachum:* Qui paululum decorum egreditur non est in vitio.

Instantia secundi modi directâ est, cùm concessâ propositione, opponimus aliud, quod est <sup>Instantia se-</sup> <sup>cundi modi</sup> <sup>directa.</sup> firmitus.

Vocatur aliâs solutio *κατ' ἀντιπαράστασιν*, h. e. solutio per fortioris objectionis prolationem; & accensetur solutionibus indirectis. Sed malè. Nam instantia si sit fortior (non si æquè fortis) opponentis objectionem infirmat. Sed si sit æquè fortis, est solutio indirecta. Formulæ hujus solutionis sunt. Absurdum quidem est hoc quod dicis; at multò absurdius fuerit hoc quod ego dico. Iniquum quidem est si hoc fiat, sed iniquius illud &c. Nimirum persæpe incidunt factorum spe-



cies scrupulosæ & perplexæ, in quib. quidquid statuas omni ex parte iniquum & inconueniens videtur. Tunc igitur minore iniquitate & absurditate posthabita major iniquitas & absurditas urgetur; quæ per instantiam secundi modi directam solutio est. Exempla illustria sunt hæc. Quod studium comitatur contemptus & odium mundi, id est fugiendum. At veritatis cœlestis studium comitatur contemptus & odium mundi. E. illud est fugiendum. Resp. Concedo minorem: sed oppono majus, videl. severissimum Dei mandatum, quo omnes homines obligantur ad veritatis cœlestis studium. Minime igitur fugiendum; quia majoris ponderis debet esse apud homines mandatum Dei, quàm honor & amor mundi. Sic: Quidquid persecutionem Ecclesiis excitat, est cavendum. Libera veritatis Evangelicæ confessio persecutionem Ecclesiis excitat. E. est cavenda. Resp. Concedo minorem. Sed ideo non est cavenda confessio veritatis; quia majorem nos rationem mandati & gloriæ Christi, quàm nostræ propriæ vitæ habere decet. Tali compensatione seu oppositione fortioris utitur Apostolus, *Rom. 9. vers. 19.* Objectio est: *Dices ergo mihi, Quid adhuc succenset? Nam voluntati illius quis resistit?* Respondet Apostolus: *Imò verò, ô homo, tu quis es, qui ex adverso responsas Deo? Num dicet figmentum fictori, cur me tale fecisti?* Confer *Matth. 21. vers. 1. 2. 3. 4. & seqq. cap. 26. v. 7. 8. 9. 10. 11. 12. 13. Rom. 6. v. 1. 2. & v. 15. 16.* Sic: De infantibus fidelium nusquam in N. T. legitur, quòd sint baptizati. E. non sunt baptizandi. Resp. Negationi exempli oppono & præfero rationem: De infantibus fidelium scriptum est, quòd ad ipsos pertineat promissio gratiæ. Sunt igitur baptizandi. Probatio ex dogmatibus seu rationib. multò potentior est & firmitior eâ, quæ sit exemplis. Ex his patet, hujusmodi solutiones non esse indirectas; item illas magnum habere usum in theologicis. Sed etiam in politicis non minorem habent usum: ut, Absurdum quidem est, impunitum relinqui admissum crimen: at multò absurdius, absentem ob quaslibet suspensiones damnari. Satiùs enim est, impunitum relinqui facinus nocentis, quàm innocentem damnari. Sic inconueniens videtur, maritum punire, quòd pulsaverit conjugem, cum maritus sit caput uxoris. At multò perniciosius futurum esset, si non punirentur mariti,

qui ne

qui ne communi quidem sensu in castigandis & corrigendis uxoribus utuntur. Nam sic concederetur maritis arbitrium seviendi in uxores. Cæterum non solum fit hæc solutio per oppositionem fortioris rationis, sed etiam firmioris auctoritatis, ut si quis Lutheri pugnet auctoritate & ego afferam sacras literas.

Fuit solutio perfectior: sequitur imperfectior, Solutio  
subsidiari-  
am requi-  
quæ cum infirma sit, requirit subsidiariam.

Exempli gratiâ: Sophistæ sic disputant: Christus ait Jo-  
*han. 17. vers. 11.* Quemadmodum ego cum patre unum sum,  
ita & discipuli mei inter se unum sunt. Sed discipuli Christi  
non fuerunt unum essentiâ. Ergo Pater & Filius etiam non  
sunt unum essentiâ. Resp. ad majorem per inficiationem.  
Christus enim non dicit, jam unum esse discipulos, sed petit  
ut unum sint, sicut Pater & ipse unum sunt, hoc est, ut effici-  
antur unum per spiritum sanctificationis in ipsis habitan-  
tem. Sed hæc responsio non est plena. Adhuc enim manet  
nodus. Subsidiaria igitur responsio addenda, committi ab  
adversario fallaciam æquivocationis. Etsi enim particula  
*ὅς* vel *ὁ* eandem interdum paræmve convenientiam no-  
tat: tamen sæpe notat convenientiam *ἑτέραν* seu similem.  
Quod autem hoc posteriori modo sit accipienda hoc in lo-  
co, jam probandum erit. Deinde & hæc subsidiaria advoca-  
ri potest responsio. Unâ specie sublatâ non tollitur altera.  
Cum igitur ratio similitudinis sit multiplex; absurdum est,  
quod in assumptione una tantum convenientiæ species ad-  
ducitur.

Sequitur ut postquam satis diximus de solutio-  
ne simplici, dicamus de mixtâ.

Solutio mixta est, quæ complectitur plures sim- Solutio  
multiplex.  
plices. *Aliàs dicitur* multiplex.

Estque vel necessaria, vel arbitraria.

Necessaria est, quam bonus disputator necesse  
habet dare, ut defendat titulum suum.

Talis danda est, cum vitium syllogismi est multiplex.  
Multiplici enim morbo multiplex adhibenda medicina. Di-  
ciunt autem vitium multiplex, cum in formâ & materiâ si-

mul est. Hic primò ostendi debet vitium in formâ; tùm emendari, & responsio adferri ad materiam. Exempli gratiâ: Dextra Dei est ubique. Corpus Christi sedet ad dextrâ Dei. E. corpus Christi est ubique. Resp. Vitium est in formâ & materiâ. In formâ quidem; quia quatuor terminis constat, qui sunt, dextra Dei, esse ubique, corpus Christi, sedere ad dextrâ Dei. Correctâ formâ talis erit parexelenchus: Quidquid sedet ad dextram Dei, est ubique. Corpus Christi sedet ad dextram Dei. E. corpus Christi est ubique. Sed jam major est tam falsa, quàm quæ falsissima.

Solutio mixta arbitraria est, cùm dantur duæ vel plures responsiones ad syllogismum crypticum.

Nam hîc, si sit syllogismus defectus, redundans, vel inversus, primò explenda quæ defunt, amputanda quæ supersunt, & pars quælibet in locum suum redigenda: deinde directè respondendum. Dicitur autem hæc solutio mixta arbitraria; quia respondēs non semper necesse habet syllogismū crypticum reducere; sed tum demū, quando non statim apparet judicanti, bonusne sit an vitiosus. e. g. sit Sorites: Ex malis moribus ortæ sunt bonæ leges. Bonæ leges sunt dignæ laude. Dignis laude est studendum. Ergò malis moribus est studendum. Resp. 1. ut evidentius vis argumenti perspicatur, principalis syllogismus separandus erit à prosyllogismo: Dignis laude est studendum. Mali mores sunt digni laude. E. malis moribus est studendum. Minor propositio sic fuit probata: Bonæ leges sunt laude dignæ. Ex malis moribus natæ sunt bonæ leges. E. mali mores sunt laude digni. Jam resp. 2. sunt quatuor termini, & si forma emendetur, committeretur fallacia accidentis. Sit enthymema: In Christo fuit ignorantia. E. peccatum. Resp. 1. Integer syllogismus est formandus: Omnis ignorantia est peccatum. In Christo fuit ignorantia. E. in Christo fuit peccatum. Resp. 2. ad majorem distinguendo inter ignorantiam privativam & negativam. Illa est mala; ista non. Minor autem loquitur de istâ. Item: Virginitas est bona. E. conjugium non est bonum. Resp. 1. Syllogismus integer fuerit talis: Virginitas est bona. Conjugium non est virginitas. Ergo conjugium non est bonum. Resp. 2.

Vitium

Vitium est in formâ, seu consequentia formalis est mala; quia ex assumptione negante in figurâ primâ nihil sequitur. Item: Impii fiunt rei corporis Christi. E. manducant corpus Christi. Resp. 1. Præmittatur propositio major quæ deest, & erit talis syllogismus: Quicumque fiunt rei corporis Christi, manducant corpus Christi. At impii &c. Resp. 2. Major est falsa. Adducamus & hoc exemplum: Si nullum tempus est, etiam nox non est. Si nox non est, dies est. Si dies est, aliquod tempus est. Ergo si nullum tempus est, aliquod tempus est. Hoc autem non est falsum, sed falsissimum. Ergo prima pars antecedentis, si nullum tempus est, nox non est, absurda est. Respond. 1. Est *συμπλοκή* syllogismorum, quos oportet evolvere, & singulatim considerare. Resp. 2. Si singulatim expendantur syllogismi, apparebit in sophismate commissam fuisse fallaciam à non causâ tanquam causâ. Nam non prima, sed secunda pars antecedentis est *πρῶτον ψευδὲς*, *causa absurditatis conclusionis*. Neganda igitur est secunda pars antecedentis, si nox non est, dies est; quia non est vera nisi ex hypothesi, id est, nisi ponatur jam tempus esse. Ante mundi creationem enim nec dies nec nox erat. Huc pertinet regula: *Cum syllogismus confusè est prolatus, ut forma non appareat, requirenda est analysis.*

Adhuc de solutione directâ: sequitur indirecta, cum obliquè respondetur.

Hâc urimur vel solâ, vel statim subnexâ solutione directâ, vel post solutionem directam. Dicitur etiam *obliqua & secundaria*.

Solutio indirecta fit vel ad rem, vel ad personam. Solutio indirecta ad rem.

Solutio indirecta ad rem fit quatuor modis. Est enim

I Retorsio argumenti in adversarium, quâ ostendimus, rationem ab adversario allatam pro nobis facere, vel evertere eandem illam conclusionem, quam voluit per istam rationem concludere, vel certè alias adversarii assertiones.

Estque vel conversio, vel obversio.

Conversio est, quando per aliquam præmissam evertitur conclusio, seu consequens evertitur per antecedens:

Ut, Filius Dei est primogenitus inter creaturas. Ergo est creatus. Resp. per conversionem: Imò quia est primogenitus inter creaturas, hoc est, genitus prius quàm ullæ existent creaturæ, non est creatus.

Obversio est, cum assumptio negatur per contrariam suam.

Ut, Omnes qui credunt Deum genuisse alium Deum, habent duos Deos. Athanasiani credunt Deum genuisse alium Deum. E. Athanasiani habent duos Deos. Resp. ad assumptionem obversione: Omnes qui credunt Deum genuisse alium Deum, habent duos Deos. Athanasiani non habent duos Deos. Ergo Athanasiani non credunt Deum genuisse alium Deum. Huc referunt etiam illud sophisma: Cujuslibet contradictionis altera pars est vera. Mea conclusio, quæ contra tuum thema est, est contradictionis altera pars. Mea igitur conclusio est vera. Respondetur per retorsionem: Cujuslibet contradictionis altera pars est vera. Mea thesis, quæ tuæ conclusioni contradicit, est contradictionis altera pars. Ergo mea thesis est vera, & tua falsa. Hujusmodi responsio per retorsionem Græcis dicitur *ἀντιστροφή*, *inversio*, & *βίαιον*, *violenta refutatio*. Vocatur etiam *rationis reflexio*, item *reflexa probatio*. Lepidum hujus reflexionis exemplum adscripsimus ad caput de dilemmate ex Gellio. Si quis sic disputet: Homo in patrandò scelere non vult, nec optat improbitatem, sed utile & jucundum. Ergo nemo fit sponte malus. Resp. per reflexionem rationis: Si sponte homo amplectitur id, per quod fit improbus, sponte dicitur amplecti improbitatem. Item: Nisi omnia fierent fato, & nihil contingenter ac mutabiliter, non daretur optima & libera administratio. Quæ nisi esset, nec universum, nec Deus esset. At universum & Deus sunt. Omnia igitur fiunt fato. Resp. per retorsionem argumenti: Nisi daretur contingentia, non darentur omnes entium gradus: qui nisi darentur, nec universum esset universum, nec Deus esset cunctorum opifex & gubernator.

nator. At universum est universum, & Deus est cunctorū opifex & gubernator. E. dantur contingentia, seu mutabilia. Potest tamē & hoc sophisma aliter solvi. Sic: Lex est ex malis moribus. E. mali mores sunt laudandi. Resp. Imò ideò non laudandi; quia lex ideò est, ut illos reprimat.

2 Regestio in rem est, quā in rem, per quam adversarius probavit quod instituerat, rejicimus id, quod imputatur personæ.

Sic cū Cicero objectam Cœlio luxuriam non auderet negare, vel defendere, molliit eam, quantum potuit, & partim temporum magis ea vitia dixit, quā hominum, partim contendit esse aliquid huic ætati dandum. Hujusmodi regestiones maximum usum habent in œconomicis, politicis & ecclesiasticis, ubi si ab aliquo vitium abnorme committatur, regerimus illud facinus in laxam disciplinam, vel similem morbum corporis œconomici, politici vel ecclesiastici, atque ita tacite præstitibus exprobramus ipsorum vitia: ut si magistratus non puniat furtum vel adulterium, regestio in rem, hoc est, malam administrationem, fieri debet. Interim hæc regestio fit quoque in personam, sed oblique.

3 Instantia indirecta secundi modi est, cū interroganti opponimus aliam objectionem, quæ objectioni ipsius est par, & quā ille æquē fortiter constringitur, ac nos suā constringere conatur.

Vocatur instantia secundi modi, ut distinguatur ab instantiā primi modi; vocatur instantia indirecta, quia quædam instantia secundi modi est directa, ut suprà ostendimus. Alii vocant *compensationem per objectionem parem*, alii *ἀντιμετάθεσιν*, quæ vox etiam significat reprobationem fiduciariam, ut paulò antè monuimus: alii appellant *comparationem cum similiter absurdo & contrariam interrogationem*. Formulæ illius sunt: Perinde est, seu perinde argumentaris, ac si aliquis dicat &c. Exempli gratiā: Dextra Dei est ubique. Corpus Christi sedet ad dextram Dei. Ergò corpus Christi est ubique. Respond. Perinde omninò est, ac si quis ita argumentetur: Dextra Dei est increata, incorporea, æterna, infinita, simplicissima, creatrix cœli & terræ, est ipsa Dei omnipotentia, ipsa denique divina essentia. Corpus



Christi sedet ad dextram Dei. E. corpus Christi est increatum, incorporeum, æternum, infinitum, simplicissimum, creavit cælum & terram, est ipsa Dei omnipotentia, ipsa denique divina essentia. Jam si agnoscant sophistæ, hanc posteriorem argumentationem esse falsam, agnoscant etiam, priorem, quæ ipsorum est, & par huic, esse falsam. Sic: De infantibus baptizandis nullum extat expressum mandatum Christi. Ergò infantes non sunt baptizandi. Respond. Nihilo melius est hoc argumentum, quàm si quis ita colligat: De mulieribus baptizandis, & ad S. Cœnam admittendis, nullum extat expressum Christi mandatum. E. mulieres nec baptizandæ, nec ad S. Cœnam admittendæ. Vulgo dicunt Logici: Allegare inconueniens, non est solvere argumentum. Item

*Non valet exemplum, quod litem lite resolvit.*

Verùm, si par prorsus sit ratio, hujusmodi solutiones omninò sunt admittendæ, ut vel ex hoc unico videre est. Clerici Hierosolymitani sic disputabant contra Christum: Quicumque habet legitimam potestatem docendi, is mandatum & missionem habet à summo sacerdote & collegio ejus. Jesus Nazarenus non habet mandatum & missionem à summo Sacerdote & collegio ejus. E. Christus retinet ferè majorem, & sic respondet instantiâ seu compensatione paris objectionis: At Johannes Baptista non habuit mandatum & missionem à summo Sacerdote, & collegio ejus. E. Johannes Baptista non habuit legitimam potestatem baptizandi. Jam si de Johanne Baptista non licebat hoc statuere, neq; de Christo licuit illud colligere. Si quis objiciat, impium esse, furem suspendere, cum nulla sit comparatio vitæ & honorum; quidam respondent *καὶ ἀντιπαράστασις*, non minùs absurdum futurum, si nemini liceat suas facultates in tuto habere. Sed contra hanc *ἀντιπαράστασις* alii excipiunt. Huc etiam pertinet *oppositio paris auctoritatis*, cum testimonio humano opponimus aliud testimonium humanum par: ut Jesuitæ triumphanti auctoritate Thomæ opponi potest Augustinus; quibusdam malè feriat, & Lutherum semper crepantibus, imò tantùm non adorantibus, opponi potest Philippus Melanchthon; vel etiam Luthero affectibus nonnunquam indulgenti, Lutherus tranquillus & moderatus opponi potest.

4 Oſtenſio contradiccionis, seu ἀσυνδύα; cūm ostenditur contradicctio in verbis adversarii :

Ut, cūm Pontificii excipiūt, in misā suā non de novo crucifigi Christum, quia sacrificium sit incruentum; est ἀσύναν; quia sacrificium propriè dictum esse & incruentum esse, sunt contradicctoria; sive, ut loquuntur Scholastici, est oppositum in opposito, si quis dicat sacrificium incruentum.

Sic fuit solutio indirecta ad rem : sequitur indirecta ad personam.

Solutio indirecta ad personam.

Solutiones, quas hucusque vidimus, vocantur reales; quæ nūc sequitur, vocatur *personalis*, item *quasi solutio* : quæ vel sola datur, vel implicatur solutioni reali.

Solutio indirecta ad personam fit quinque modis. Est enim

I Nuthesia, quæ est vel ἐπιπληξίς, vel admonitio simplex.

Ἐπιπληξίς est, cūm adversarium increpamus, quòd vel contra pietatē & honestatem, vel contra manifestum sensum & experientiam disputer.

Dicitur etiam ἐπιτίμησις, increpatio, objurgatio. Et hæc conjunctam habet ἀποδιώξιν, rejectionem; quæ tamen differt ab illâ, quâ rejicimus argumentum ob quæstionem alienam vel multiplicem. Tali ἐπιπληξίς usus est Job, respondens uxori suæ Job 2. vers. 10. Sic Aristoteles 1. top. 11. cont. 9. ait, eum qui contra pietatem & cultum Dei disputat, item contra sensum, egere ὑγλάσει, id est poenâ : ut si quis in disputationem vocet, an Deus sit colendus, an parentes diligendi, an nix sit alba. Alio in loco ait philosophus, eos, qui disputant contra res in sensum incurrentes, laborare ἀρρώστια τῆς διανοίας, impotentia mentis. Sic si quis ita disputer :

*Falluntur sensus. Incertum ergò, ignis an urat.*

Resp. *Injiciare igni, donec fateare quòd urat,*

*Improbe, cui ratio, cuiq; experientia nulla est.*

Habet etiam hîc locum festiva & falsa irrifio. Sic cūm Zeno in scholis disferens acutè & inaniter ingenium ostenta-

ret disputando, nullum esse motum, nec esse posse; Diogenes surgens cœpit deambulare. Id admiratus Zeno, quid, inquit, agis, Diogenes? Confuto, inquit, tuas rationes. Præterea huc pertinet appellatio conscientiæ, & provocatio ad Dei iudicium, quando nobis res est cum hominibus desperatis, quos scimus contra propriam conscientiam disputare in rebus ad Dei gloriam & ecclesiæ ædificationem spectantibus. Sed hoc responsionis genere non est temerè utendum: non nisi, ut dixi, in rebus ad salutem pertinentibus, aut aliqui publicè scandalosis. De hâc conscientiæ appellatione vide *Danaum de elench. haret. in fine*. Cæterum objurgatio non solum adhibetur ad paradoxa ἀδόξα, item ἀδύναμις: sed etiam ad τὸ ἀπρεπές, cum adversarius non observat τὸ πρέπον, decorum, personæ quæ cum disputat. Adhibetur etiam cum frivola adferuntur; & vocatur *rejectionis frivoli*: ut, si quis Grammaticas subtilitates in disputatione theologicâ adferat, dici potest:

*Non tibi Grammaticam mori de nomine litem.*

*I, schola ubi est, ibi cum pueris puerilia certa hac.*

**Admonitio simplex est, quâ amicè opponentem admonemus.**

Sic, cum Donatista quidam argumentaretur contra Augustinum ex testimoniis patrum quorundam, velut Hilarii, Cypriani, & Agrippini, Augustinus ei respondebat hâc admonitione: *Noli, frater, contra divina tam multa, tam præclara, tam indubitata testimonia colligere velle calumnias ex Episcoporum scriptis, sive nostrorum, sicut Hilarii, sive Cypriani & Agrippini &c.*

**2 Elevatio objectionis; quæ est tum ἐξ ὀρθότητος, tum acuta ironia.**

Ἐξ ὀρθότητος est, quando argumentum, quod nullius momenti est, & indignum refutatione, tale esse dicimus.

Verbi gratiâ: Episcoporum, qui in secundâ synodo Nicæâ convenerant, talia argumenta erant pro idolis: Deus creavit hominem ad imaginem suam. E. Imagines sunt habendæ. Item: Nemo accendit lucernam & ponit eam sub modio.

modio. E. imagines collocandæ sunt in altaribus. Item : Ut audivimus, ita & vidimus. Ergo Deum cognoscimus etiam imaginum adspectu. Resp. Tam putidæ sunt istæ paterculorum in secundâ Nicenâ synodo insulsiitates, ut eas refutare me quoque pigeat. Ineptias illas recensere, est illas refutare. Suprà diximus, sophistas uti hoc respondendi genere. Verùm illi verbis elevant argumenta solida, quæ refellere non possunt. At nos & rectè & graviter hâc solutione uti possumus, cum adversariorum nimis sunt putidæ ineptiæ, nugæque nugacissimæ, quibus refellendis si occupemur, & ipsi inepti simus.

Acuta ironia, seu Socratica, est, cum cōvitia interdum refellenda, vel inscitia adversarii sibi nimium quantum placentis traducenda.

Exempli gratiâ : *Duraus*, Papista nobilis, sic argumentabatur : Qui asserunt, Pontificem Romanum propterea esse Antichristum, quia pro universali totius Ecclesiæ Christianæ capite vult haberi, ii admodum hebeti sunt iudicio. At Withakerus illud asserit. Ergo. Respondet Withakerus : Si mihi cum homine mirificè acuto rem fore prævidissem, aliquid proculdubio dignum tuo acumine attulissem. Tamen aut nimium quidem hebes sum, aut te hoc loco parùm acutum fuisse perspicio &c. Sic si quis ita disputer : Si Aristoteles est genitus, est genitus vel dum gignebatur, vel postquâ est genitus. Sed neutro tempore est genitus. Non illo, quo gignebatur : quia tunc non erat, cum gigni non sit genitum esse. Non etiam postquam jam antè genitus est, quia quod genitum est, id gigni amplius non potest. Aristoteles igitur non est genit⁹. Vel : Si Aristoteles obiit, obiit vel eo tempore, quo vivus erat, vel eo tempore, quo mortuus erat. At non illo; quia tunc vivebat. Nec hoc; quia mortuus cum esset, amplius mori non potuit. E. Aristoteles non est mortuus, sed adhuc vivit. Resp. Hui subtilem argumentationem ! Unde tibi tanta subtilitas ? Potest etiam responderi per ἐν τῷ ἀλλοτρίῳ : Adversus solem ne loquitor. Tu manifesta impugnas, similis illi dicenti, de quo Horatius in epist.

*Nil intra est oleam, nil extra est in nuce duri.*

Cujus versiculi (ut hoc obiter addam) hic est sensus. Inter

E e e

omnes sanâ mente convenit, baccam oleæ habere intus la-  
pillum durum, & nucem habere corticem durum. Si quis  
ergò manifesta impugnet, objici illi potest iste versiculus.

3 Anticategoria, *hoc est*, recriminatio, modera-  
ta scil. quæ est comparatio paris aut majoris cri-  
minis cum eo, quod nobis est objectum.

Exempli gratiâ: Papistæ sic argumentantur: Hæretici non  
sunt Ecclesia. Reformati sunt hæretici. Ergò reformati non  
sunt Ecclesia. Resp. Accusant nos Papistæ hæreses; cum  
non nos, sed ipsi sint hæretici, qui doctrinam ex omnibus  
veteribus hæresibus confutam amplectuntur & tuentur. Sic  
objiciunt nobis iidem Pontificii, permultos inter nos esse e-  
picureos, doctores item non convenire inter se; nos possumus  
regerere, illa ipsa inter ipsos vitia longè lateq; dominari.  
Huc pertinent scommata scommatis opposita: ut, Natus es  
& vivis ceu bos. E. es bos. Resp. Natus es & vivis ceu sus. E.  
es sus. Ita Diogenes respondit ad illud: Quod ego sum, tu  
non es &c. Vide suprà *cap. 2. lib. 8.*

#### 4 Digressio prudens.

Quâ utimur, cum potentior vel dignitate superior ad-  
versus nos agens, est tractandus prudenter, ut invidiam at-  
que offensionem non necessariam declinemus: vel cum pu-  
dori nostri antagonistæ, si nimis ineptè opponat, consulere  
volumus. Unde patet, illam differre ab excursionem sophisti-  
câ, de quâ suprà.

5 Gravitas patientiæ, *de quâ vir doctissimus Jo-  
hannes ab Hœckelshoven, amicus noster, lib. 5. sylt.*  
*Logic. circa finem sic canit:*

*Sape sophista, velens sese vicisse videri,  
( Nam pudet atque dolet victum sese esse fateri.)  
Nunc totâ de re verbosus plurima garrit,  
Nunc à proposito te vassè abducere tentat,  
Fictâ laude tui, vel de te crimine ficto:  
Nunc, si quid cernit non esse solubile, clamat,  
Esse novum, pariturum maxima damna juventa,  
Nunc verè urgentem minitendo terreat audax.*

*Et quis*

*Et quis cuncta queat teretissima prodere versu,  
Obstrepere audet queis furibunda sophistica vero?  
Hac Gravitas reprimat, superet Patientia. Veri  
Sape diu premitur, tandem at bona causa triumphat.*

Hucusque consideravimus officium respondentis communiter: nunc considerabimus singulariter officium respondentis inferioris, & superioris.

Officium respondentis inferioris est: 1. Resumere seu repetere argumentum. 2. Respondere.

Officium  
responden-  
tis inferioris.

*Resumptio* fiat clarâ & tardâ voce; idque propter tres causas, 1. Propter ipsum respondentem, ut sit locus cogitandi de solutione. 2. Propter auditores, ut & illi rem plenius intelligant. 3. Propter ipsum opponentem, ne postea protestetur, se tale argumentum non proposuisse.

*Responsio* detur juxta præcepta à nobis tradita. Si quid velis succinctius hæc de re, lege *theatrum nostrum scholasticum* pag. 194. 195. 196. 197.

Officium respondentis superioris consistit in moderamine disputationis, & subsidio præstando respondenti inferiori.

Officiū re-  
spondentis  
superioris.

*Moderamen disputationis sic instituetur à respondente superiore seu præside*: 1. Diligenter attendat, utrum opponens & respondens (scilicet inferior, qui simpliciter dicitur respondens) officio suo rectè fungantur. 2. Utrumque ab officio suo recedentem, admoneat sui muneris, & intra limites disputationis contineat.

*Subsidium à præside sic præstabitur respondententi*, 1. Solutionem ejus veram approbet & commendet: obscuram illustret, imperfectam perficiat, falsam corrigat. 2. Si fortè aliqua respondententi suo hæreat, ipse det responsionem. 3. Insufficientem solutionem in aliud tempus transferat, neque sibi hoc ducat ignominia. Nam summi philosophi jubent, ut solutio in tempus fiat in rebus arduis. Dicitur autem solutio in tempus fieri, cum multò plus temporis requiri-



tur, quàm ut quod datur spatium, ad planè discutiendam difficilem objectionem, seu conficiendam totam solutionem sufficiat.

*Cap. 10. Synthesis exoterica.*

**F**uit synthesis acroamatica; sequitur exoterica, quæ ab artis normâ aliquo modo defleſcit, & pro arbitrio docentis ad captum discantis pro exigentiâ circumſtantiarum accommodatur.

Hæc poteſt eſſe varia; ideoque præcepta de illius ratione tradi non poſſunt. Exemplum illuſtre eſt apud Molinæum *lib. 2. part. 1. Logic.* circa finem: quod placet huc adſcribere; quo plurimùm juvabimus, opinor, ſedulos tam Logices quàm oratoriæ ſtudioſos. Exordium & perorationem aſſuet orator, & quæ ex locis ſuppeditantur nuda & diſſipata, carne veſtiet, & nervis aſtringet, ordo erit quem volet. Ineptum enim eſſet, ſequi ordinem locorum. Prudentis erit, artem diſſimulare, ut hæc non arte quæſita, ſed ſponte nata videantur.

PROBLEMA.

Sobrietas eſt ſequenda.

*Subjeſtum*

*Prædicatum.*

1. Definitio  
Subjecti.
2. Species  
Subjecti.

3. Partes  
Subjecti.

4. Simile.

5. Notatio  
nominis,

1 Sobrietas eſt temperantia præſcribens mediocritatem circa cibũ & potum. 2 Neq; enim hîc agimus de eâ Sobrietate quam præſcribit Medicus ad Diætam, ſed quâ præcipit Philoſophus ad Honeſtatem: Neq; de ſordidâ Abſtinentiâ quâ quis neceſſariis abſtinet, ſuum defraudans genium: Nec de eâ quam obſervant potiores inter initia conviviorum, religioſâ modeſtiâ, non ad temperantiæ legem, ſed ad bibendi diſciplinam: Nec de eâ ad quam paupertas aut pœna invitò adigit. 3 Imò nec Sobrietatē laudamus, quæ unâ aut alterâ in re gulam comprimat, in cæteris laxet ſibulâ intemperantiæ. 4 Fruſtrâ cæteris portis hoſtis arcetur, ſi una admittitur. Sed de eâ agimus quam Latini Sobrietatem nuncuparunt, voce deductâ à Græco *σωφροσύνη*: 5 quia ei debetur mentis

mentis incolumitas & sanitas: <sup>6</sup> Enimverò frænat belluinas σάξεν τι  
impiditates, quibus æstuantibus & improbè laſcipientibus, φρένα.  
quo tandem modo poteſt mens vacare ulli honeſtæ & ſeriæ 6. Propriū.  
contemplationi? Ac planè idem munus ſobrietatis in ani-  
mo, quod erat Silentiariorum in palatio Imperatoris, impe-  
tantium ſilentium, & ea curantium quæ ad quietem palatii  
pertinerent.

Hanc ego virtutem laudaturus, cogor in limine dolere  
 nec generis humani, in quod vitia omnia quasi facto foedere  
 intruunt, nec enim tantum ferinis incessitur cupiditatibus,  
 sed & ingluvie & crapulâ infra pecudes abjicitur, inter quas  
 non inveniuntur exempla ebrietatis. 7 In belluâne plus po-  
 terit instinctus, quam in homine ratio; eaq; adjuncta tam cer-  
 tis & obviis documētis ad sobrietatem? Incipiamus 8 à Deo,  
 qui corpora nostra vetat cibo pregravari, &c. 9 Qui cum cœ-  
 tera animantia ventri indulgentia abjecisset ad pastum, solū  
 hominem erexit ad cœlestium contemplationē: Qui sedem  
 intellectus longè dispecuit à ventre & sentina corporis, ne  
 mentis agitatio vicinioris culinæ nidore & strepitu impedi-  
 rerur: Qui intestina homini dedit anfractuosa, & longis vo-  
 luminiibus perplexa, quæ morarentur excrementa festinan-  
 tia ad exitum, ne homo jugiter in ingerendo & egerendo oc-  
 cuparetur: utiq; noluit hominem nasci tantum ad percolan-  
 dos cibos; aut 10 similem esse spongiæ, quæ completa, illico  
 compressione depleretur. 11 Quid Epicetū, Platonem, Epi-  
 curum memorem? quid ea Sobrietatis præconia, quibus res-  
 persi sunt libri Philosophorū? cū & ipsi helluones & tri-  
 congii, damnant ebrietatē, mirentur sobrios aut timeant, &  
 pleno laudent jejunia ventres? 12 Et meritò: nam quis enu-  
 meret comoda sobrietatis; aut explicet adjunctā voluptati  
 honestatem? Specta in 13 sobriis crudam & decoram sen-  
 titutem: vegeta membra, & oris decus juvenile, corpus aptū  
 ad obeundas actiones civiles, & orexin cibi; sine qua edere,  
 genus est pœnæ. Nec minora animi bona, hilaritas, affabi-  
 litas, in mensis minus cibi plus joci, convivia non lautiora  
 sed lætiora: tum aptitudo ad res gerendas, ingeniumque ad  
 manum ac in numerato. Quæ causâ fuit veteribus, libandi  
 Mercurio dilutū, cū aliis diis libarent merum & *Ζυγοτέρον*  
*νεγυγ*, quia Mercurio 14 deo artificii & ingeniosissimo pu-

Transitio.  
 7. Ab eo  
 quod mi-  
 nus est pro-  
 babile.  
 8. Testimo-  
 nia divina.  
 9 Testimo-  
 nia natura-  
 lia.  
 10. Dissemi-  
 le.  
 11. Testimo-  
 nia huma-  
 na.  
 12. Effecta  
 Subjecti &  
 Causæ effi-  
 cientes Præ-  
 dicati.  
 Utilitas.  
 Honestas.  
 Jucunditas.  
 13. Conju-  
 gaturn.  
 Effecta Sub-  
 jecti quæ ea-  
 dem sunt  
 Causæ effi-  
 cientes præ-  
 dicati.

### Transitio.

7. Ab eo quod minus est probabile.

### 8. Testimo- nia divina.

9 Testimo-  
nia natura-  
lia.

10. Disfimi-  
le.

## 11. Testimo- nia huma- na.

12. Effecta  
Subjecti &  
Causæ effi-  
cientis Præ-  
dicati.

Utilitas.  
Honestas.

**Jucunditas.**  
13. Conju-  
gatum.

Effecta Sub-  
jecti quæ ea-  
dem sunt

**Causæ effi-  
cientes præ-  
dicati.**

14. Accidēs  
concomitās  
Subjecti.

Exemplum.

15. Contra-  
riū Subjecti.

16. Cause ef-  
ficientes  
contrarii  
Prædicati,  
quæ eēdem  
sunt effecta  
contrarii  
Subjecti.

Damna in  
corpore.

Concomi-  
tantia.

Conse-  
quentia.

Effecta con-  
trarii Subje-  
cti promi-  
scuē usque  
ad finem.

In animo.

In fortunis.

Injunc-  
titas.

taverunt convenire sobrietatem. His adde Taciturnitatem, nervum prudentiæ, quæ nulla nisi in sobriis. Patent arcana ebrii pectoris, & quasi laxatis vino compagibus omnia plena rimarum. Quod si certatur exemplis; unde petitur plura exempla excelsi animi & heroicæ virtutis, quam à Lacedæmoniis? at illis labor & *σκληροδαιες*, & cursus ad Eurotam pro condimēto erant: inde ipsis vigor animi & robur corporis. Sed hos homines hîc libet imitari: producebant enim coram liberis <sup>15</sup> temulentū mancipiū, ex-cujus turbato vultu, titubāte gressu, verbis incompositis, ætas tenera doceretur odisse vitium, q̃ tantopere corpus, animum tamen magis, de-formaret. <sup>16</sup> Observa, quomodo ingenia quantūvis acria & compta, nimia corporis saginā hebecāt, & sitū contrahant: nam quæ menti libertas abdomine distento? Specta in hominib. ventri deditis, qui vultus, quæ mens, quis status animi & corporis? Oculi luridi aut lippientes, facies suffusâ bile decolor; & pejor ex repletionē quā ex fame macies: ne podagrâ & id genus morbos memorem, qui cū dolores creent maximos, plus tamen adferunt pudoris; agnoscētib. hominibus non casum sed pœnam, nec imbecillitatem naturæ, sed fructum intemperantiæ. Propone tibi Mynderidem illum Chium, usq; adeo mollem, ut conquereretur se læsum quod folio rosæ duplicato incubuisset: hoc ille debebat curæ cutis, & quæ inde sequitur, ignaviæ. Accedant animi vitia, libido, intemperantia, superbia, futilitas, omne vitium Ebrietas aut incendit aut detegit: Tunc cupidus fit adulter, tunc iracundus homicida; & *supra pudore vitia* aut metu, affuso vino quasi oleo inardescunt. Minimum est, quod hac viâ quasi equis albis ad inopiā curritur: parvô constat fames, magnô fastidiū: naturales appetitus faciliē sedātur, contenti sunt desinere, at cupiditas intemperans ipsis alimentis irritatur & crescit. At fortasse tot incōmoda voluptate pensantur; qualem imaginatus est Philoxenus ille, qui sibi longitudinē colli gruis optabat, quæ cibos in transitu moraretur. Sed haud scio quæ voluptas non expectare famē nec sitim, prima cibi & potus condimenta: volupe quidem est desideriis instantibus satisfacere; & naturales voluptates genuinæ sunt atque defecata: habent verò plurimum bilis & nausæ voluptates quæsitæ, & suscitata arte fames, & sine siti cupiditas bibendi.

Testis

Testis  
mā cr  
foli  
comp  
Certē  
men à  
Ha  
fis ex  
quem  
catio  
subje

Ex  
resol  
mus  
Di  
ment  
A  
U  
solu  
vitam  
A  
mat  
E  
ctio  
C  
funt  
L  
tura  
detr  
fio

Testis Darius, bibens in fugâ aquam sanguinolentam summâ cum voluptate. Superest Honestas, cujus locum invasit *Inhonestas*. stolidâ quâdam gloria : honorificum nempe est stravisse compotorem, qui sic efferatur ex convivio quasi in finere: Certe tu cum viceris sodales ventris capacitate, vinceris tamen à dolio, &c.

Hæc est synthesis exoterica thematis conjuncti : synthesis exoterica thematis simplicis itidem observat ordinem, quem volet artifex : ut si de vitâ æternâ sit dicendum, explicatio peti potest è loco causæ efficientis, formæ, effectorum, subjeutorum, adjunctorum, contrarii & similium.

### Cap. 41. *Analysis Logica.*

**E**Xpedita est synthesis totalis : sequitur analysis Logica totalis, quâ opus jam compositum resolvimus ; seu, quâ opus tractatum recognoscimus Logicè.

Dicitur totalis ; quia in hujusmodi analysi plura instrumenta Logica, si non omnia, adhibentur.

Analysis Logica est prima, vel orta.

Utraque fieri potest vel expressè, vel tacitè. Expressa resolutio non semper est necessaria : tacita autem per totam vitam durare debet.

Analysis prima est resolutio absoluta certi thematis. *Dici etiam potest acroamatica.*

Estq; consideranda secundùm communes affectiones & species thematis resolvendi.

Communes affectiones thematis resolvendi sunt dispositio plena seu aperta, & occulta.

Dispositio plena seu aperta est, quæ cum naturalis dispositione sic congruit, ut nulla ibi sit *Dispositio aperta.* detractio, heterogeneorum additio nulla, inversio nulla.

Exempli gratiâ: Locum *Rom. 6. vers. 16. 17. 18. 19.* sic poteris resolvere. Apostolus hoc in loco proponit syllogismum talem: Cujus servi estis, ei etiam serviatis oportet. At jam servi estis non peccati, sed justitiæ. Non igitur peccato, sed justitiæ serviatis oportet. Propositio hujus syllogismi est *vers. 16.* Assumptio *vers. 17. 18.* Conclusio *vers. 19.* Manifesta quoque dispositio est *Actor. 10. à vers. 36. usque ad 43.* ubi notabile est, quòd secundæ partis symboli Apostolici, quæ est de Christo Servatore nostro, ordo in illo Scripturæ loco magis expressè, quàm in ullo alio est fundatus; & uterq; in ipsâ rei naturâ, quæ describitur.

Dispositio  
occulta.

Dispositio occulta est, quæ naturalem partium ordinem tegit. Estque

1 *Defectus*; quando pars aliqua deest, quæ in resolutione debet suppleri.

2 *Additio*; quando præter partes essentielles aliquid accedit. Hic illud, quod redundat, est amputandum.

3 *Transpositio*; quando partium ordo invertitur. Hic partes in suum quæque ordinem redigendæ. Videamus exempla.

### Exempla defectus.

*Psal. 23. vers. 1. Dominus est pastor meus: nihil mihi deerit.* Hic deficit propositio: Cui Dominus est pastor, illi nihil deerit.

*Matth. 24. v. 28. Ubicumque fuerit cadaver; illuc congregabuntur aquila.* Hic deest apodosis seu redditio comparisonis, putâ: Ita & ubi Christus erit, ibi quoque ipsius electi erunt, qui ad ipsum, dum celeriter & illustri præsentia aderit, congregabuntur aquilarum instar.

*Luca 2. vers. 10. 11. Tunc dixit eis Angelus, Ne timeate. Ecce enim evangelizo vobis gaudium magnum, quod erit toti populo. Nempe natum vobis esse hodie Servatorem, qui est Christus Dominus, in urbe Davidis.* Hic deest propositio major: Cui natus est Servator Christus Dominus, ille non debet timere.

1. *Tim. 6. v. 7. Nihil intulimus in mundû: videl. nec efferre quicquam possumus.* Hic est dispositio syllogistica non plena. Deficit enim major. Qui nihil intulit in mundum, nihil etiam efferet.

Exempla

## Exempla redundantia.

*Esa. 9. v. 2. 3. Populus ejus, qui ambulant in tenebris, videbunt lucem magnam: super confidentes in terrâ umbra lethalis lux splendet. Amplificans hanc gentem, non magnificasti latitiam. Latati sunt coram te, sicut qui latantur in messe, ut qui exultant partientes prædam. Brevis sententia horum verborum est: Populus latabitur. Hujus propositionis seu axiomatis subjectum & prædicatum amplificantur. Subjectum, *populus*, amplificatur 1. Ab adjunctâ miserâ, quæ illustratur simili: *qui ambulant in tenebris* &c. 2. Ab adjunctâ multitudine: *amplificans hanc gentem*. Prædicatum, *latabitur*, amplificatur 1. A causâ gaudii: *videbunt lucem* &c. ubi causâ hæc illustratur simili. 2. A dissentaneo latitiæ: *non magnificasti* &c. 3. A simili duplici, uno sumto à messoribus, altero à victoribus.*

*Jobi 14. v. 2. 3. Homo natus muliere, brevis atate, & satur commotione. Ut flos, simul ac egressus est, succiditur, & fugit velut umbra, neq; consistit* &c. Brevis sententia horum verborum est: *Homo est miser*. Subjectum, *homo*, amplificatur à causâ procreante, *natus muliere*. Prædicatum, *miser*, amplificatur ab adjuncto duplici, *brevi atate, & satur commotione*; dupliciq; simili.

*2. Corinth. 6. v. 14. 15. 16. 17. 18. Ne impari jugo copulamini cum infidelibus. Quod enim consortium iustitia cum iniquitate? & qua communio lucis cum tenebris? Et qua concordia Christo cum Belial? aut qua portio fidei cum infidei? Et qua consensio templo Dei cum simulachris? Nam vos templum estis Dei viventis: sicut dixit Deus (Levit. 26. vers. 12.) Habitabo in eis & inambulabo: & ero illorum Deus, & ipsi erunt mihi populus. Quapropter exite è medio eorum, & separamini, dicit Dominus: & impurum ne attingite: tum ego excipiam vos (Esa. 52. v. 11.) Et ero vobis pro Patre, & vos eritis mihi pro filiis ac filiabus: dicit Dominus omnipotens. (Jerem. 31. vers. 19.)* Hic proponitur syllogismus talis: Fideles non debent ducere jugum cum infidelibus. Sed vos Corinthii estis fideles. Vos itaq; Corinthii non debetis ducere jugum cum infidelibus. Propositio est *v. 14. 15. & 16.* confirmata à contrariis, quæ per commorationem quinque



membrorum amplificantur. Assumptio est parte posteriori  
v.16. aucta testimonio Moſis. Complexio est v.14. & 17.  
ubi exornatur testimoniis Eſaiæ & Jeremiæ.

### Exempla inſerſionis.

*Pſal. 25. v. 2. 3. Deus mi, in te confido, ne erubeſcam: ne exultent inimici mei de me. Etiam ulli expectantes te, ne erubeſcant: erubeſcant qui perfide agunt immerito.* Syllogiſmus his verbis continetur iſte: Qui in Domino confidunt, non erubeſcent. At ego David in Domino confido. Ergò non erubeſcam. Sed partes ſunt inverſæ. Aſſumptio quippe primo loco; conſuſio ſecundo; propoſitio tertio.

*Matth. 6. v. 28. 29. Ac de veſtitu quid ſolliciti eſtis? Diſcite, quomodo lilia agrorum augeſcant: non fatigantur, neque nent. Sed dico vobis, ne Salomonem quidem cum univerſâ gloriâ ſuâ ſic amictum fuiſſe, ut unum exiſtis. Quod ſi herbam agri, quæ hodiè extat, & cras in clibanum conſicitur, Deus ita circumveſtit, nonne vos multò magis, ô exigua fide pradiſi? Proponitur hic ſyllogiſmus connexus: Si Deus flores veſtit, multò magis vos ſuos filios veſtiet. Atqui illud eſt verum. Ergò & hoc. Aſſumptio huius ſyllogiſmi præponitur propoſitioni. Poſteſt & eſſe talis analyſis: Si Deus vobis proſpiciet de veſtitu, non debetis de illo nimis eſſe ſolliciti. At Deus vobis proſpiciet. Ergò. Minor huius ſyllogiſmi probatur hoc proſyllogiſmo: Si Deus herbam agri circumveſtit, multò magis vos. At verum eſt illud. E.*

*Luc. 11. v. 17. 18. Omne regnum diſſidens adverſus ſeipſum, vaſtatur: & domus adverſus ſeſe diſſidens, cadit. Quod ſi etiam Satanas adverſus ſeipſum diſſidet, quomodo ſtabit regnum ejus? Nam dicitis per Beelzebub me ejicere dæmonia. Syllogiſmus hic eſt poſitus per ὑπερολογίαν: Omne regnum adverſus ſeipſum diſſidens, cadit. At regnum Satanæ non cadit hætenus. Satanæ igitur regnum non eſt adverſus ſeipſum diſſidens; & per conſequens ego non ejicio dæmonia per Beelzebub. Propoſitio eſt primo loco. Conſuſio eſt ſecundo loco: *Quod ſi etiam.* Aſſumptio teſtè ponitur ultimo loco: *quomodo ſtabit:* quaſi dicat, regnum Satanæ ſtat. Poſteſt & artificioſum Logicum ſic oſtendi in eodem dicto: Duo ſunt ſyllogiſmi in his verbis; unus principalis, alter proſyllogiſmus. Principalis hic eſt: Si per Beelzebub ejicerem dæmonia*

dæmonia, Satanæ adversus seipsum disideret. At Satanæ adversus seipsum non disidet. Non igitur ejicio dæmonia per Beelzebub. Prosyllogismus stabiliens asumptionem sic habet: Si Satanæ adversus seipsum disideret, quæreret interitum regni sui. At Satanæ non quærit interitum regni sui. Ergo. &c.

**Analysis prima quoad species thematis resolvendi, est vel axiomatice, vel dianoëtice.**

Nam quidquid proponitur resolvendum, aut ut axioma consideratur, aut ut ex pluribus axiomatibus compositum. Si illud, analysis dici potest axiomatice: Si istud, dianoëtice.

**Analysis axiomatice est, quâ recognoscitur effectum aliquod, in quo thema simplex cum argumento declarationis disponitur.** Analysis axiomatice.

Illa primò eruit axioma, semotis amplificationibus: deinde in partes resolvit, adhibitis etiam amplificationibus, & Logicis terminis enunciat.

E.g. *Psal. 36. v. 20. Multa tribulationes sunt justo: sed ab his omnib. liberat eum Dominus.* Axioma hîc continetur discretum. Quanquam multæ angustiae manent justum: tamen ex his omnibus liberat eum Deus. Partes hujus axiomatis compositi sunt duo axiomata simplicia. 1. Justus multa patitur. 2. Deus justum liberat. In priori explicetur subjectum *justus* à causâ efficiente illius justitiæ: & prædicatum *multa pati*, per partes seu distributionem. In posteriori uterq; terminus itidem explicetur.

*Psal. 92. v. 13. Justus ut palma florebit: sicut cedrus in Libano augeſcet.* Axioma est: Justus erit felix. Disponitur subjectum cum adjuncto. Subjectum *justus* explicetur, ut in præcedenti exemplo. Prædicatum *erit felix*, in textu illustratur à simili duplici. Utraq; similitudo est contracta. Explicanda igitur fuerit *αγαθός* & *δυνατός*.

*Phil. 1. v. 23. Cupio migrare, & esse cum Christo.* Axioma est copulatum: Ego Paulus cupio migrare ex hac vitâ, & esse cum Christo. Hoc axioma compositum resolvatur in duo simplicia, & hæc explicentur ratione subjecti & prædicati.

*Gal. 4. v. 4. 5. Ubi venit plenitudo temporum, emisit Deus Filium suum factum ex muliere, factum legi subiectum: ut eos qui legi erant subiecti redimeret, ut adoptionem acciperemus. Axioma est: Deus misit Filium suum. Hoc illustratur 1. ab adjuncto tempore, ubi venit plenitudo temporum, h. e. tempus à Deo ordinatum. 2. à causâ procreante respectu carnis, factum ex muliere. 3. ab adjuncto, factum legi obnoxium. 4. à fine, ut eos qui sub lege: ubi est officium & beneficium Christi, illustratum simili: ut adoptionem &c.*

*Apoc. 7. v. 14. 15. 16. 17. Hi sunt, qui venerunt ex afflictione magnâ, & laverunt stolas suas, ac dealbarunt in sanguine Agni. Ideò sunt ante thronum Dei, & serviunt ei die & nocte in templo ejus: & qui insidet throno, umbraculo proteget eos. Non esurient amplius, neq; sitient amplius, nec in eos cadet sol, neq; ullus aestus. Quoniam Agnus, qui in medio throni est, pascet eos, & deducet ad vivos fontes aquarum: & abstersurus est Deus omnem lacrymam ab oculis eorum. Axioma ex his verbis eruitur tale: Christiani erunt beatissimi in vitâ æternâ. Subiectum Christiani describitur ab adjunctâ passione præteritâ: *Hi sunt qui venerunt*. Prædicatum erunt beatissimi describitur 1. à subiecto loco: *sunt, ante thronum*. 2. ab effecto: *serviunt ei*. 3. à causâ efficiente: & *qui insidet throno*; ubi effectum illius causâ illustratur simili. 4. à contrariis: *non esurient*. 5. à causâ procreante & conservante: *quoniam agnus &c.* Hæc est resolutio axiomatice, quæ multis nominibus debet nobis esse quàm commendatissima. Nam videmus magnos viros ex autoribus sæpe excerpte nuda dicta, & illa sic resolvere, ut ostendimus: ut si quis velit resolvere *psalmum 103.* poterit ita *ἡ ὁδὸς*, ut loquuntur, à versu ad versum progredi, & axiomatice resolvere. Deinde hæc analysis licet non semper fiat expressè: tacitè tamen fiat oportet, si velimus scriptum aliquod solidè intelligere.*

*Hic utile fuerit in conspectu habere notas axiomatis, ut ita speciem illius facillimè deprehendamus; juxta has monitiones, quas confer cum lib. 6. c. 6.*

1. *Axiomatis generalis signa sunt partim affirmantia: ut, omnis, nemo nõ, nullus non, quicumq; , universi, cuncti, quotquot, unusquisque, semper, ubique, omnes ad unum, omnes*

omnes & singuli: *partim negantia*; ut, nullus, nemo, non ullus, ne unus quidem, nihil, ne quicquam, nunquam, nusquam, nullatenus.

2 *Axiomatis particularis signa sunt*; aliquis, quidam, nonnulli, plerique, rari, interdum, plerumq;, sæpe, rarò, ferè, non omnis, non quilibet, non semper.

3 *Axiomatis proprii nota sunt*; nomina propria, pronomen *hoc*, & (ut multi volunt) individua *μεγαδιχη*: ut, Deus, Sol, Luna, Mercurius, Ignis. Hæc individua dicuntur *μεγαδιχη*, ob constantem naturam; quibus opponuntur *παραδιχη*, quæ & infinita, & instabilia sunt: ut, Alexander, Bucephalus.

4 *Axiomatis necessarii signa sunt*; oportet, necesse est, impossibile est, gerundia, & similes formulæ: ut, Vigilet oportet seu necessum est, qui velit ditescere; Qui bonas literas discere cupit, uti fudet necessitas est; Fieri non potest quin doleat is, cui fit injuria; Abibis nolens volens; Velis nolis hinc abibis; Non mihi possum temperare à lacrymis; Non me contineo quin rideam; Cogor, compellor, invitatus dico, coactus dico.

5 *Formula affirmandi & statuendi illustrant hanc doctrinam*: ut, Extra controversiam est; Liquidò liquet; Dubio procul; Indubiè; Certum est; Stat sententia; Non est sententia; In eam sententiam ibant omnes; Mihi nihil æquè propositum est, quàm tibi per omnia gratificari; Hic murus athenicus esto: Item formulæ assentiendi & disentiendi: ut, Consentiant universi; Tuo iudicio subscribo; Omnibus eruditorum calculis sive punctis hoc comprobatur; Idem uno ore omnes confirmant; Hæc de re summus est inter philosophos consensus; Longè lateq; abest; Multò aliter atque tu sentio; Huic sententiæ refragantur omnes sani; Isti sententiæ nemo non reclamabit; Magnopere nostra cum tuâ pugnat opinio; Mihi secus videtur; Equidem ab opinione tuâ nimium quantum absum.

6 *Axiomatis copulativi nota quæ sint, ex his formulis disce*: Est vir cùm eruditus, tum probus; Vir est doctus, itemq; probus; Est vir doctus simul, ac probus; Est vir doctus, pariter & probus; Vir æquè doctus, atque probus; Vir est perinde doctus atque probus; Vir est haud secius doctus, ac probus;

Vir est similiter doctus & probus; Vir est haud dissimiliter doctus & probus; Vir est doctus juxta ac probus; Vir est ex æquo doctus, ac probus; Vir est non tantum eruditus, sed etiam probus; Vir est quemadmodum doctus, ita probus; Vir est tam doctus, quam probus; Vir est non minus doctus, quam probus; Vir est, præter magnam eruditionem, etiam probus. Plures formulas vide apud *Liebigium de cop. cap. 41.* virum doctissimum, amicum honorandum.

7 *Axiomatis discreti formulae sunt*: Esti est doctus, tamen non est probus; Vir eruditione quidem egregia, sed moribus illaudatis; Vir est ut eruditione magna, ita probitate nullâ; Vir eruditus, civis improbus; Est ille quidem eruditus, verum parum probus; Vir est eruditus, at civis improbus; Vir est eruditus, cæterum civis malus; Vir est eruditus contra improbus.

Analysis dianoëtica est, quæ syllogismum recognoscit, aut methodum: ideoque duplex est, syllogistica, & methodica.

Analysis  
syllogistica.

Analysis syllogistica 1. Eruit quæstionem conjunctam. 2. Argumentum seu medium terminum quærit. 3. Judicium axiomaticum cum syllogistico conjungit. Illo partes tres syllogismi, hoc consequentiam judicat. 4. Si quid desit, supplet: si vero quid supersit, detrahit. 5. Quæstionem, argumentum & prosyllogismum, si qui adjunctus fuerit, convenienti distributione proponit.

E.g. *Gen. 2. v. 16. 17. De fructu quidem omnis arboris hujus horti liberè comedes. De fructu verò arboris scientiæ boni & mali, de isto ne comedas. Nā quo die comederis de eo, utiq; moriturus es.* Quæstio seu thema conjunctum est: Homo protoplastus non comedet de fructu arboris scientiæ boni & mali. Hæc quæstio resolvatur axiomaticè in subjectum & prædicatum, & utrumque explicetur. Proponitur in textu *καὶ ἀντίθεσιν* dissimilium: Ex omni ligno horti hujus comedes: at non ex hoc. Medium syllogisticum est: Quia esus ille afferet mortem. Sumtum est hoc medium à subjecti causâ impellente ex priyantibus sumtâ: & prædicati effecto. Dispositio plena sic

na sic habet: Qui esus mortem affert, ab eo absteineat homo protoplastus. At esus istius fructus mortem affert. Ergò. Propositio major in syllogismo hoc deficit in textu. Sunt igitur partes duæ horum verborum. 1. Interdictio Dei. 2. Ratio interdictionis.

*Matth. 11. v. 26. Venite ad me omnes, qui laboratis & onerati estis; & ego reficiam vos.* Thema est: Omnes peccatores veniant ad Christum. Consideretur hoc thema axiomaticè, & explicetur subjectum, omnes peccatores scilicet agnoscetes miseriam: & prædicatum, quid sit venire ad Christum. Medium syllogisticum est ab effectu prædicati: Quia Christus reficiet eos. Si disponatur syllogismus plenè, apparebit, propositionem in textu esse omisam. Partes horum verborum sunt duæ. 1. Invitatio gratiosa. 2. Ratio invitationis.

*Rom. 11. v. 6. Quod si per gratiam, non jam ex operibus. Alioquin gratia jam non est gratia. Sin ex operibus, jam non ex gratiâ. Alioquin opus jam non est opus.* Quæstio est: Operibus non salvamur. Explicetur quæstionis utrumque extremum. Argumentum est: quia salvamur ex gratiâ. Est ratiocinatio à naturâ contrariorum. Conclusio syllogistica sic habet: Si per gratiam servamur, non jam ex operibus. At servamur ex gratiâ. Ergò non ex operibus. Sola propositio major est in textu, & illustratur conversione: Si ex operibus salvamur, jam non est gratia. Rationem hujus connexi ostendit illis verbis: *alioquin opus &c.* Multi igitur syllogismi hîc sunt conglobati: videl. justificamur aut ex gratiâ, aut ex operibus. At ex gratiâ. Ergò. Item: Si servamur ex operibus, gratia non est gratia. Hoc absurdum. E. & illud. Item: Justificamur aut ex operibus, aut ex gratiâ. Atqui non ex operibus. E. ex gratiâ. Horum igitur verborum partes duæ sunt. 1. Negativa: non servamur ex operibus. 2. Affirmativa: servamur ex gratiâ.

*1. Corinth. 1. v. 30. 31. Ex ipso autem vos estis in Christo Jesu, qui factus est nobis sapientia à Deo, & justitia, & sanctificatio, & redemptio: ut, quemadmodum scriptum est: Qui gloriatur in Domino gloriatur.* Thema conjunctum est: Omnis homo in Domino gloriatur. Argumentum ab effectis prædicati: Q. ille nos reddit sapientes &c. Conclusio



Syllogistica sic habet: Si Christus solus nobis est factus sapientia à Deo, & iustitia, & sanctificatio, & redemptio, utique in illo solo gloriari oportet. At prius est. Ergò & posterius. Propositio deest in textu.

*Oportet hoc loco notare quæ sint signa questionis & argumenti, quomodo item in orationibus tegatur syllogisticum artificium.*

1 *Medii termini seu argumenti probativi nota, sunt conjunctiones causales, & alia vocula, quæ notant causam dicendi h. e. argumentum ad fidem faciendam adhibitum:* ut, nam, namq;, enim, etenim, quia, quoniam, quandoquidem, quippe, siquidem, alioquin, ob id, in causâ est; ut, tanquam, nimirum, posteaquam, & quando, pro quia posita. v. g. Odit me ut proditorem; Hæc nimirum res suspectû reddidit; Posteaquam mihi non credis, alios in consilium adhibe; Quando tu me negligis, tui quoque curam abjiciam; Amplector Petrum, ut optumè de me meritum; Libens lego Plautum, vi-rum nimirum festivissimum.

2 *Questionis seu conclusionis formulae sunt conjunctiones rationales, ob id conclusivæ dictæ, aliæq; particulae illativæ & formula inferendi:* ut, Ergò, ideò, iccirco, igitur, proin, proinde, quare, quapropter, quocirca, quamobrem, ex quo efficitur, conficitur, relinquitur, elicitur, unde consequitur, hinc colligitur, sequitur, consequarium est, unde liquet, patet, manifestum est; In nunc & clama Ecclesiam Romanâ esse Catholicam; Veniant nunc irrisores hujus sententiæ; Quare irrideat si quis volet; Quæ cum ita sint, quis audeat inficias ire; Hoc cum ita se habeat, annon; Et dubitamus adhuc, an Papa sit Antichristus.

3 *Consequentia solemus exprimere his fermè formulis, ubi & sunt integri syllogismi.* 1. Quod animal est, idem corpus sit necesse est. Quod autè corpus est, non statim & animal. 2. Is pauper est qui plurima cupit. Porro quo quisq; magis abundat opib<sup>9</sup>, hoc est opum appetentior. Igitur ditissimus quisq; pauperrimus sit necesse est. 3. In què cadit misereri, in eundem cadit invidere. Non cadit autem invidere in sapientem. E. ne misereri quidem. 4. Felix non est cui multa defunt. At qui divitib. defunt plurima. Qui possunt igitur divites esse felices. 5. Si Deus est spiritus, animi puritate potius, quàm vi-

ctimis

stimis & hecatombis, convenit eum colere. 6. Cùm animus sit corpore præstantior, virtutes autem animi sint possessiones, pecuniæ corporis, consentaneū est, virtutes pecuniis anteponendas esse. 7. Ipse sibi utilis esse nequit, & vobis erit utilis? 8. Solum bonum virtus. Nam id demū bonum est, quo nemo malè uti potest. Virtute nemo malè uti potest. Bonum est ergò virtus. 9. An pecunia est bona, quā quisq; malè uti potest? 10. *Cic. 2. de legib.* Cùm summos deos esse concedamus, & eorundem benignitatem hominū consulere generi, & posse nobis signa futurarum rerum ostendere, non video cur divinationem esse negem. 11. Lætus sum laudari me abs te laudato viro. Ea est enim profectò jucunda laus, quæ ab iis proficitur, qui ipsi in laude vixerunt. 12. Magnum ex ejus defensione fructum capies. E. res ejus tibi commendatas esse cupio. 13. Magna mihi est cū hoc homine necessitudo. Me diligit, observat, est honestus, est multis virtutib. præditus, nec difficile tibi est eum ornare ac provehere. Ex his videre est, oratores non semper observare ordinem propositionum syllogismi. Ordiantur sæpè à conclusione, aliàs à minore, raro à majore.

4 *Magna est vis inductionis in urgendis adversariis.* Hic autem peculiaris est clausula: Et multi alii; Sed quid ago? Infinitum foret: vel longum, singula recensere.

5 *Enthymemata conveniunt orationib. vehementioribus, exempla lenioribus.* Hinc oratores illa adhibent, cū pungeret & urgere volunt adversarium, ista cū mollissimè suadere cupiunt. Demosthenes certè orator acerrimus, plurimis utitur enthymematis: at Isocrates, qui scripsit orationes suas, plurimis utitur exemplis.

Analysis methodica est, quā longior tractatio recognoscitur. Analysis  
methodica.

Estq; vel historica, vel didascalica.

Analysis historica est, quā historiam seu thema singulare recognoscimus secundum circumstantias, *que sunt causa, effecta, subjecta & adjuncta*, de quibus est versus:

*Quis, quid, ubi, per quæ, quoties, cur, quomodo, quando.*

Vel: *Quis, quid, ubi, quib. auxiliis, cur, quomodo, quando.*

Eff

Hæ circumstantiæ debent tractari illo ordine, quo occurrunt. E. g. Deuteronomii 34. describitur mors Moſis, ab antecedente, reipsâ, & conſequentē. *Antecedens* eſt 1. Aſcenſus Moſis in montem Nebuntis: qui locus deſcribitur *verſ. 1.* 2. Aſpectus, quo luſtravit totam terram: qui aſpectus deſcribitur à cauſâ efficiente, Deo: parte 2. *verſus 1.* & ab adjunctâ amplitudine terræ, *v. 2. 3.* & denique à Jehovæ de illâ terrâ ſententiâ, *verſ. 4.* ubi duo continentur, deſcriptio terræ à promiſſione factâ patribus, parte primâ illius *verſus*; & prædictio Moſi factâ, parte ſecundâ *verſus* ejusdem. *Mors* ipſa deſcribitur *verſ. 5.* à loco, & cauſâ efficiente, decreto Dei. *Conſequens eſt*: 1. *Sepultura*, quæ deſcribitur à cauſâ efficiente, ipſo Deo; & circumſtantiâ loci, *v. 6.* & accidente, quod ſepulchrum ſit ignotum. *ibid.* Hic additur tempus, quo mortuus ſit Moſes, *v. 7.* & adjunctâ morientis recensentur, *ibid.* 2. *Luctus populi.* *v. 8.* 3. *Successio Joſue*, qui deſcribitur ab accidentibus, videl. 1. à ſpiritu ſapientiæ. *v. 9.* cujus accidentis cauſa inſtrumentalis ſubjicitur *ibid.* videl. impoſitio manuum Moſis. 2. ab authoritate, quâ valuit apud populum. *part. 2. verſus 9.* 4. *Conſequens proponitur* *κατὰ σύνθεσιν* *diſſentaneorum* *v. 10. 11. 12.* videl. neminem ex eo tempore Iſraëlitis à Deo datum, qui aut donis, aut adminiſtratione & operatione tantum perfeceſcit à Deo, quàm Moſes. Dona continentur *verſ. 10.* Nemo propheta extitit, quicum Deus egerit tam familiariter, quod *παροικισμός* Hebræi dicunt, ore ad os. Adminiſtratione & operatione valuiſſe, demonſtrant duo *verſus* ultimi: tùm quod ex vocatione Dei res ampliſſimas in Ægypto geſſerit, *verſ. 11.* tùm, quod in expeditione reliquâ exeuntibus Iſraëlitis, & in terram promiſſam contendentibus res potentiffimas, & bonis reverendas, impiis horrendas præſtiterit, *v. 12.*

Analysis didaſcalica eſt, quâ thema univerſale recognoscimus.

Eſtq; vel ſeparata, vel combinata.

Analysis ſeparata eſt, quâ unum duntaxat thema tractatum reſolvitur.

Eſtq; thematis ſimplicis, vel compoſiti.

Thematis ſimplicis analysis ſeparata eſt, quâ recognoſci-

Reſolutio  
thematis  
ſimplicis.

cognoscimus artificia in unius thematis simplicis tractatione adhibita.

Hic primùm oportet eruiere thema, tùm videre per quæ instrumenta Logica hoc thema sit tractatum. Rarò enim fit, ut auctores themà aliquod tractent per omnia instrumenta Logica. Quia igitur in resolutione non debet plus esse, quàm fuit in tractatione; videndum est, quibus terminis seu argumentis sit usus author. Exempli gratià: Psalmi primi thema simplex est: *Pius est beatus*. Subjectum *pius* declaratur ab effectis, quæ describuntur per antithesin. 1. Devitatio actionum malarum v. 1. 2. Studium actionum bonarum vers. 2: ubi actiones bonæ, quibus pius studet, notantur ex unâ specie principali, videl. meditatione verbi divini: quæ meditatio amplificatur ab effectu, videlicet oblectatione: & ab adjuncto tempore, *meditatur inter-dies & noctem*. Prædicatum, *beatus*, describitur 1. A simili, vers. 3. 2. Ab antithesi miseri status impiorum v. 4. & 5: qui miser status declaratur primùm antithesi, nimirum negatione beatitudinis antea expositæ parte priorè vers. 4. deinde similitudine, ejusdem vers. 5. parte posteriore: deniq; certæ speciei miseriæ indicatione. 3. A causâ procreante beatitatis. v. 6. quæ ipsa quoq; tractatur *neg. 7. antithesin ibid.*

Thematis conjuncti analysi separata est, quâ Resolutio  
thematis  
conjuncti.  
cognoscimus artificia in unius thematis conjuncti tractatione adhibita.

E. g. Psalmi 30. thema est: *Deus est laudandus*, vel, *David laudare debet Jehovaham*, v. 2. Hoc thema repetit vers. 4. figuratum aversione ad electos Dei, & amplificatum per synonymiam: *Psallite Domino*. Argumentorum duæ classes constitui possunt. 1. Continet argumenta ducta ab effectis Dei. 2. Complectitur argumenta ab attributis seu proprietatibus Dei. Argumenta ab effectis sunt: 1. Exaltatio Davidis, vers. 1. quod argumentum amplificatur ab opposito, *ibid.* 2. Sanatio Davidis. vers. 3. quæ describitur à causâ impellente, precatione; & antithesi. vers. 4. Argumenta à proprietatibus Dei sunt. 1. Iræ brevisitas. vers. 5. 2. Benevolentia, *ibid.* Utrumque hoc argumentum amplificatur

descriptione miseriæ & liberationis. Miseriæ causas tres narrat. 1. Est causa remota per accidens, videl. tranquillus status, v. 7. 2. Est causa per se, securitas carnalis, v. 7. 8. 3. Desertio Dei est causa proxima, v. 8. parte posteriore. Liberationem sui amplificat. 1. A causâ impellente, videl. precatione, v. 9. ubi formula precationis habetur v. 10. 11. 2. Ab effectis, suâ nimirum lætitiâ, v. 12. 3. A causâ finali, gratiarum actione v. 13. ubi repetit thema.

Analysis didascalica combinata est, quâ recognoscuntur plura themata in aliquo opere simul tractata.

Estque vel thematum simplicium tantum, vel conjunctorum tantum, vel simplicium & conjunctorum simul.

Analysis thematum simplicium in aliquo opere simul tractatorum, primò eruit themata, deinde tractationem uniuscujusq; peculiariter recognoscit adhibitis argumentis declarantibus.

Resolutio  
plurium  
thematum.

E.g. in primo capite Evangelii secundum Johannem tractantur duo themata simplicia. Duæ igitur partes principales illius constituendæ sunt. Prima pars à v. 1. usq; ad 37. habet thema de personâ Christi, cujus divina natura explicatur à v. 1. usq; ad 14. humana v. 14. & de officio illius, tum in genere v. 15. 16. 17. tum in specie de prophetico v. 18. sacerdotali item & regio à v. 19. usq; ad 37. Posterior pars itidem est thema simplex, videl. vocatio & assumptio quorundam discipulorum à v. 37. usq; ad finem.

Analysis thematum conjunctorum in aliquo opere simul tractatorum, primò eruit themata, deinde tractationem uniuscujusque recognoscit adhibitis argumentis demonstrantibus.


V. g. Psalmus 130. duo habet themata conjuncta: 1. Dominus audiat Davidem. 2. Israël habeat expectationem in Jehovâ. Thema prius est à v. 1. usq; ad 7. Proponitur v. 1. & 2. Confirmatur tribus argumentis: 1. Ab eventu seu effectu inutili, v. 3. Quia sic futurum sit, ut nemo consistat coram judicio

judicio Dei, sed ut omnes damnentur, atque ita bonitas Dei nemini innotescat. 2. A causâ impulsivâ *ωθητική*, seu internâ, videlicet voluntate Dei, quod Deus velit peccata condonare, v. 4. ubi additur causâ finalis, ut scilicet reverenter colatur. 3. A fiduciâ, tanquam causâ impellente *ωρετική* seu externâ, v. 5. Hanc fiduciam seu spem exauditionis primùm confirmat à causâ procreante, videlicet verbo Dei v. 5. deinde illustrat & amplificat comparatione similitum & minorum. *vers. 6.* Thema posterius proponitur v. 7. parte priore. Confirmatur argumento ducto à causâ procreante, videlicet benignitate & voluntate Dei redimendi populum suum à peccatis, v. 7. parte posteriore: quam ipsam redemptionem amplificat v. 8. ab adjunctâ magnitudine & perfectione.

Analysis thematum simplicium & conjunctorum simul est, quâ recognoscimus opus, in quo simul tractantur themata simplicia & conjuncta:

Ut fit in libris & disciplinis integris. Hic igitur cauto opus est, ut ne themata simplicia confundantur cum conjunctis, sed singula seorsum tractentur: exempli gratiâ; sit resolvendus liber primus Moïsis. Primò hic requiritur analysis generalis totius libri, ut ita constet, quot themata simplicia principalia ibi tractentur. Analysis illa commode tabulâ aliquâ adumbrari potest: ut,





Hanc analysin generalem excipere debet analysiſ specialis fin-

lis singulorum capitum, in quibus themata nunc simplicia tantum, nunc simplicia & conjuncta simul tractantur. Eodem modo resolvi possunt omnes libri Biblici, exceptis proverbii Salomonis & sententiis Siracidis. In talibus enim Logica analysi nihil aliud præstare potest, quam ut dicat, tot & tot esse in aliquo capite propositiones sive sententias, easque ordine enumeret. Eodem modo libri authorum non-sacrorum resolvi possunt, ut officia Ciceronis; quæ tum aphoristicè, tum typicè seu synopsi tabellari comprehensa vide in *philosophiâ nostrâ restitutâ* pag. 347. & seqq. Quod attinet ad systema methodicè conscriptum, analysi erit facillima, si primò observetur, num disciplina sit theoretica vel practica. 2. Si præcepta à commentariis separentur. Primum illud non solum in analysi integrorum systematum observari debet: sed etiam in analysi partium disciplinæ. Nam ea, quæ pertinent ad disciplinas Theoreticas, omninò resolvi debent ut ipsæ disciplinæ; sic etiam ea quæ pertinent ad disciplinas practicas, resolvi debent eo modo, quo resolvuntur ipsæ disciplinæ practicae. Exempli gratiâ: quia precatio est thema practicum, in scripto de precatione primò debet cogitari de subiecto, tum de fine, tum de mediis, quibus finis possit obtineri. Ita si velimus instituere analysin orationis Dominicæ, cogitabimus primò de subiecto, in quod finis debet introduci. Subiectum illud est vita nostra. Finis vitæ est tum principalis, gloria Dei; tum secundarius sive subordinatus, qui est nostra salus. Scopum primarium petimus petitione primâ: *Sanctificetur nomen tuum*: secundarium, petitione secundâ: *Adveniat regnum tuum*. Media, quæ ducunt ad utrumque illum finem sunt duo, collatio boni, & remotio mali. Collatio boni est vel respectu animi, ut pietas; vel respectu corporis, ut sustentatio corporalis. Pietatem petimus petitione tertiâ: *Fiat voluntas tua, quemadmodum in cælo, sic etiam in terrâ*. Sustentationem corporalem petimus petitione quartâ: *Panem nostrum quotidianum da nobis hodie*. Remotio mali est vel præteriti, vel futuri. Remotionem mali præteriti petimus petitione quintâ: *Et remitte nobis debita nostra, sicut & nos remittimus debitoribus nostris*. Remotionem mali futuri petimus.

petitione sextâ: *Et ne nos inducas in tentationem, sed libera nos à malo.*

*Hoc loco meminisse te velim, prædicamentum substantia gubernare methodum, quâ scriptores rerum naturalium usi sunt in explicandis præcipuis partib. naturæ rerû: ut, Aristoteles in libris octo Physicæ acroasews de corpore naturali, ejusque accidentib. disserit: deinde libris 4. de cœlo & mundo, corporum simplicium naturam aperit: postea in duob. libris de generatione & corruptione de perfectè mixtis disputat: in libris quatuor de meteoris explicat imperfectè mixta: de animalib. agit in historiâ animalium: tandè ad descriptionem animæ se convertit. Hæc summa est præcipuorû librorum, quos Philosophus scripsit de Naturâ. Eodem modo retexemus ordinem librorum Plinii. Primus liber est index totius operis. Liber secundus veluti gemma insignis eminet in toto opere, continetq; historiâ naturalem cœli & elementorû, ubi etiam de meteoris. Quatuor libris sequentib. terram describit, in tertio & quarto Europam, in quinto Africam, in sexto Asiâ. In libro septimo de hominè agit tanquam sine aliarû rerum. In octavo texit historiâ de animalib. terrestribus. In nono de aquatilibus, in decimo de volatilibus, in undecimo de insectis, octo sequentes libros à duodecimo usq; ad vigesimû constituit in plantarû enumeratione, inde usq; ad vigesimû octavum, octo voluminib. complex<sup>9</sup> est medicamenta, quæ ex plantis confici possunt, adjungit deinde quinq; libros, in quib. indicat remedia, quæ ex animalium partibus sumi possunt, usq; ad librum trigessimum tertium. Reliquos quinq; libros usq; ad finem operis, consumit in descriptione metallorum, lapidum & gemmarum.. Hc ordo librorum in toto opere Pliniano congruit ad eam seriem, quæ in tabulâ substantiarum ante oculos ponitur, si modò ordo dignitatis obseruetur in recensione corporum perfectorum.*

Analyfis Logica orta.

Fuit analysiſ Logica prima: sequitur orta, quâ thema resolvimus terminis Logicis relatis ad certam materiam.

Analyſis prima considerat thema absolute, & illius tractationem terminis Logicis comprehendit; ut, hoc est thema illius capitis, quod tractatur his vel illis argumentis.

Sed ana-

Sed analysis orta terminos logicos commutat in terminos reales, quos possit intelligere auditor Logicam non doctus. Dicitur orta; quia ex primâ oritur. Nam impossibile est, ut illa rectè se habeat, si prima non præcesserit, saltem tacitè.

Analysis ortæ partes duæ sunt, una externa, altera interna.

Pars externa est, quæ ante resolutionem operis est necessaria, & continet præcognita.

Estque primaria, vel secundaria.

Primaria pars continet tria, authorem, scopum & occasionem:

Ut ita constet de causâ efficiente partim principali, partim impulsiva, partim finali ipsius operis resolvendi.

Pars secundaria continet adjuncta operis resolvendi, cujusmodi sunt excellentia, necessitas, utilitas & jucunditas operis resolvendi.

Pars interna analysis ortæ est applicatio terminorum Logicorum ad terminos reales, quorum hic esto catalogus:

|                               |                            |
|-------------------------------|----------------------------|
| Dignitas, Indignitas.         | Claritas, Obscuritas.      |
| Utilitas, Inutilitas.         | Commune, Proprium.         |
| Necessarium, Non-necessarium. | Historia, Allegoria.       |
| Honestas, Inhonestas.         | Fortuna bona, mala.        |
| Antiquitas, Novitas.          | Præceptum, Interdictum.    |
| Facile, Difficile.            | Promissio, Comminatio.     |
| Bonitas, Malignitas.          | Commodum, Incommodum.      |
|                               | Antecedens, Concomitans,   |
|                               | Consequens.                |
| Jucunditas, Injucunditas.     | Suasio, Disuasio.          |
| Possibile, Impossibile.       | Quæstio, Responsio.        |
| Personæ, Res, Actiones.       | Occasio, Actio, Eventus.   |
| Petitio, Exauditio.           | Sensus, Usus.              |
| Doctrina, Praxis.             | Didascalus, eucharisticus, |
| Ortus, Incrementum,           | protrepticus, eucti-       |
| Exitus.                       | cus &c.                    |

Plures termini his à me positus possunt addi, quibus artificium analyseos primæ, quæ utitur terminis Logicis, veluti vestimus. Exempli gratiâ: Sit resolvendus *Psalmus 44*. Hic non dico, thema illius psalmi est precatio, sed dico, psalmus est *δὲ λυσις*. Si argumenta sint eruenda, non dico, est argumentum à causâ, effecto &c. sed: affert argumentum seu rationem hanc, quod sit utile, facile, necessarium &c. Sic sæpe in resolutione sacrorum textuum dicimus: Considerabimus sensum & usum; doctrinam & praxin; historiam & allegoriam; hinc occurrunt personæ, res, actiones; in hoc textu est quæstio & responsio, & sic deinceps. Hic *ὡς ἐν πρῶτῳ* liceat adnotare, usum plerorumque locorum sacre Scripturæ facere ad doctrinam, redargutionem, institutionem, correctionem, & consolationem. Exempli gratiâ: explicandus sit primus versus Genesæus: *In principio creavit Deus cælum & terram*. Dico: Horum verborum considerabimus sensum & usum. Sensum; ut, indicabimus quid sibi velit illa phrasis, *In principio*; quid sit, *creare*; quomodo accipiat vocula *Deus*; quid per *cælum & terram* sit intelligendum. *Usum*. Hic versus facit 1. *Ad doctrinam*. Confirmat enim primum symboli Apostolici articulum. 2. *Ad redargutionem*. Errarunt igitur Epicuræi, Athei, & similes porci. 3. *Ad institutionem*. Deus creavit hunc mundum. E. ita vivamus, ut illi conditori nostro placeamus. 4. *Ad correctionem*. Quid ergo est avari, quod adeo solliciti estis de rebus hujus mundi, quæ fluxæ, utpote conditæ. Potius ad conditorem illarum assurgite. 5. *Ad consolationem*. Si Deus creavit mundum, quid adeo sollicita es, anima mea, de victu & amictu. Quin curam tuam jactes super Dominum. Ille creavit cælum & terram. E. & tibi creabit buccellam panis.

*Cap. 42. Applicatio instrumentorum  
Logicorum ad juvandam memoriam.*

Ufus mnemonicus in  
Instrumento-  
rum Logi-  
corum.

**A**bsoluta est prima pars Logicæ specialis, de applicatione, intellectuali instrumentorum Logico-

Logicorum : restat altera , de applicatione eorundem ad juvandam memoriam & reminiscen-  
tiam.

Memoriam faciunt duplicem, ut è Phycis discere potes, sensitivam & intellectivam. Intellectivam juvant media intellectualia. Quia enim in memoriâ id servandum est, quod intellectus antea comprehendit, ideò iisdem mediis juvabitur memoria, quibus dirigitur intellectus. *Keckerm. syst. rhetor. lib. 3. cap. 1.* Vide etiam Ramum pulchrè hâc de re disserentem *lib. 20. schol. Dial. in corollario.*

Applicatio instrumentorum Logicorum ad memoriam est principalis, vel minùs principalis.

Applicatio principalis est, quâ instrumenta Logica applicantur ad ediscendam.

Manent hîc eadem media; sed diversam applicationem nanciscuntur. Qui igitur instrumenta dirigentia intellectum ex arte Logicâ rectè novit, idem etiam facîle potest per eadem instrumenta memoriam suam juvare. Neque est, quòd quispiam existimet, ullam memoriæ artem posse disci ab eo, qui non novit artem intellectus, id est, Logicam. Icirco inpræsentiarum trademus singulorum instrumentorum Logicorum ad memoriam & reminiscen-  
tiam applicationem.

Instrumenta Logica memoriam juvant hoc ordine, his gradibus:

1. *Loca inventionis juvant memoriam duobus modis. Primus est*, quòd imagines in arte mnemonico-topicâ desumuntur ex locis inventionis hoc ordine:

1 *Ex causis*: cùm causâ pro effectu ponitur; ut tuba & tonitru pro sono, Livius pro scriptis, lingua pro sermone, oculus pro visu, ensis pro milite, penna pro notario, malleus pro fabro, circinus pro geometrà, astrolabium pro astrologo.

2 *Ex effectis*; cùm effectum pro causâ ponitur: ut, pomum pro arbore, caseus pro Frisiâ, canes pro Epiro.

3 *Ex subjectis*; cùm subjectum pro adjuncto sumitur: ut, equus pro hinnitu, sus pro grunntu, bos pro mugitu, ele-



phas pro barritu, Æthiops pro nigredine, lepus pro timidi-  
tate, asinus pro pigritiâ, formica pro diligentia, lupus pro vo-  
racitate, serpens pro astutiâ, equus pro superbiâ, canis pro  
impudentiâ, ignis pro calido, pomum pro odorifero, saxum  
pro duro, pluma pro molli, saccharum pro dulci, absinthium  
pro amaro, nix pro albo.

4 *Ex adiunctis*; cùm adjunctum ponitur pro subjecto:  
ut, pro sene tristitia, seu tristis aliquis canus & calvus; pro ju-  
vene latus & imberbis, pro Germano bibulus, pro Italo  
scortator, pro Lusitano Papisticus fervor, (Lusitani enim vel  
mortui spirant fulmina & ignes pro Papanâ religione) pro  
Januario glacies, pro Febuario pluvia.

5 *Ex signis*; cùm signum ponitur pro re signatâ: ut, coro-  
na imperialis pro ipso Imperatore, corona ter gemina pro  
Pontifice, galerus rubeus pro Cardinâli, pedum pastorale  
pro Episcopo, sceptrum pro rege, liber pro doctore, calcaria  
pro equite, aquila biceps pro Romano imperio, claves pro  
Pontifice, lilia pro Galliarum regno. Sed hic modus reduci  
debet ad locum adjunctorum.

6 *Ex signatis*; cùm signatum ponitur pro signo: ut, ver  
pro viriditate, Doctor pro libro, Pontifex Romanus pro cla-  
vibus. Sed hic modus reduci debet ad locum subjectorum.  
Substituamus itaque locum antecedentium, connexorum  
& consequentium. *Ex antecedentibus*; cùm per antecedens  
illustre recordamur consequentis minùs illustris: ut, per au-  
roram splendidam meridiei nubilis, per mortem sepultura.  
*Ex connexis*; cùm per unum connexum recordamur alte-  
rius: ut, promulgatio verbi Dei facit nos reminisci admini-  
strationis sacramentorum; justitia Dei nos ad misericordi-  
am ipsius manu quasi ducit. *Ex consequentibus*; cùm con-  
sequens *παθητικώτερον* nos ducit in recordationem antece-  
dentis non ita pathetici: ut, cùm ab ultimo judicio regredi-  
mur ad resurrectionem, ab amœnitate veris ad asperitatem  
hyemis.

7 *Ex oppositis*; cùm unius contrarii recordamur per al-  
terum, cujusmodi *Aristoteles in libr. de memoriâ* & *remini-  
scentiâ*, meminit. Sic albi recordabere per nigrum, pii per  
impium, patris per filium.

8 *Ex com-*

8 *Ex comparatis*; cū per similia firmiter rem aliquam imprimimus, diu retinemus, & facillè recordamur.

9 *Ex toto*; cū totum pro parte ponitur: ut, mons pro cacumine, equus pro ungulâ equinâ.

10 *Ex partibus*; cū pars pro toto ponitur: ut, manus pro homine, Constantinopolis pro Turciâ.

11 *Ex genere*; cū genus pro specie ponitur: ut, orator pro Cicerone, dux pro Alexandro Magno.

12 *Ex specie*; cū species ponitur pro genere: ut, Cicero pro oratore, Aristoteles pro philosopho.

Hæc est Logico-mnemonicæ ratio excogitandi imagines sive conceptus in arte memoriali. Res ita habet. Ars mnemonico-topica absolvitur locis, imaginibus, & combinatione locorum atque imaginum. Alii loca vocant subjecta, imagines verò conceptus. Constituantur igitur certa loca, non quidem naturalia, sed artificialia, eaque quadrata. His locis constitutis ordine, & memoriâ ita comprehensis, ut recitari queant ordine recto, retrogrado, & intermedio seu intercalari, inscribantur imagines insitæ, seu perpetuæ & immobiles, videlicet personæ notæ, vel termini artium. Si jam aliquid memoriæ sit commendandum, excogitentur imagines adventitiæ, quæ desumuntur à rebus memorandis, inveniuntur ex locis Logicis, & combinantur cum insitis. Hac namque ratione perficitur actus memorialis. Atque paucis his verbis ea complexi sumus, de quibus multi prolixius disputârunt voluminibus, secuti Ciceronem.

*Secundus* modus, quo loca inventionis memoriâ juvant, ita habet. Id, quod memoriæ mandare cupis, vel jam est confectum, vel adhuc est conficiendum. Si jam est confectum, vel à te, vel ab alio. Si à te, facillè poteris memoriæ commendare, observato artificio Logico. Si ab alio, observa thema & argumenta, adeoque institue analysin ejus rei, quam ediscere cupis. Si adhuc est conficiendum, vel singulos locos percurrere ordine, vel eos selige ad tuum qui maximè facere videbuntur institutum. Ita si procedis, memoriæ facillimum invenies subsidium. Si non, te reprehendes.

II. *Prædicamenta juvant memoriâ tribus modis.* I. Vocabula digeri possunt juxta seriem prædicamentalem, ita ut alia sint vocabula substantiæ, alia qualitatis, relationis &c.

2. In prædicamentis *ὡς ἐν συνόψει* videre est universitatem rerum; quæ res memoriam valdè juvat. 3. Themata explicari & demonstrari possunt per hos titulos, ut suprà docuimus.

III. *Horistica sic juvat memoriam.* Si velis memoriter de re aliquâ dicere, affer ejus definitionem, eamque per partes resolve.

IV. *Meristica juvat memoriam, dum docet quamlibet rectè partiri.* Dici non potest, quàm facilè, quàm diu hæreant ea, quæ rectè sunt distributa, præsertim si distributiones in tabulas redigantur.

V. *Doctrina axiomatica sic juvat memoriam.* In lectione bonorum authorum observentur axiomata insigniora, quorum singulæ species singulis imaginibus exprimi debent. Sed enunciationis ordo ut minor est, sic minus habet subsidii ad recordandum? *Ram. libr. 20. schol. Dial. in fine.*

VI. *Syllogismi collocatio percepta memoriam maximè adjuvat.* *Ramus d. I.* Sic exempli gratiâ puer, qui velit epistolâ, vel carmen aliquod memoriæ commendare. Is videbit quot syllogismi occurrant in propositâ materiâ. Singulas partes notabit, majorem, minorem, & conclusionem, earumque præcipuas exornationes. Cum hâc interpretationis diligentia puer totam sententiam distinxerit, vel à diligenti præceptore distinctam acceperit, hâc syllogismorum descriptione non solum partes, sed partium quoque sententiam sibi repræsentabit, ne dicam, verba connumerabit. Nam cum scierit, primo loco propositionem, secundo assumptionem, tertio conclusionem esse, sciet itidem ex cognitis syllogismi legibus, quæ vis cujusque partis esse debeat; quin etiam hâc ratione facillimè *φωτισίας*, uti *Ramus* vocat d. I. animo concipiet, per quas imagines rerum absentium ita subijciet animo, ut eernere oculis, ac præsentibus habere videatur: ut si in psalmo primo occurrat imago arboris, glumæ, ventî, judicis.

VII. *Instrumentum ordinis, sive methodus Logica, præcipuum memoriæ subsidium, & tutissima panacæa erit.* *Ramus d. I. Keckerm. L. 3. syst. Rhet. c. 1.* Erit autem præcipuum memoriæ subsidium, si sequentes canones observentur.

1. *Omnia ea, quæ memoriâ complecti velis, primò refer ad certam*

*certam disciplinam.* Ratio canonis: Quia ordo rerum dispositus est per disciplinas, idèò incredibile dictu est, quantum hoc adjuvet memoriam, si, quando rem aliquam legis, audis, vel vides, statim tecum cogites, ad quam pertineat disciplinam. Et cum hoc habes, postea cogites, ad quam istius discipline partem, simulq; adeo animo comprehendas istius rei seriem, quam habet cum rebus antecedentibus & consequentibus. Quod si ergo omnes disciplinarum rectè essent dispositæ; ita, ut omnia, quæ leguntur, audiuntur, videntur, statim possent ad certæ disciplinarum methodum reduci, jam memoriarum omnium studioforum optimè esset consultum, & possent ingentem rerum copiam animo semper retinere ac circumferre, & quoties opus esset, semper expedite de istis rebus disserere.

2 *Ad ordinem istum pertinet connexio.* Ordo enim consistit in priori & posteriori. Itaq; ubi ordo est, ibi est connexio: ubi autem connexio est, ibi unum ab altero trahitur, & unum ex altero ultrò fluit. Rectè igitur Quintilianus scripsit, memoriam inprimis juvari apta rerum serie: quando nempe antecedentia & cōsequentia ordine inter se devincta sunt, ut media cum primis, ultima cum mediis cohaereant, & isto nexu perspecto nihil neque subtrahi, neque addi possit. *Junius in arte dicendi, cap. 23.* Et *Aristot. l. de mem. c. 2.* ait esse ex præcipuis memoriarum adminiculis. Ista autem connexio his tribus methodi Logicæ legibus gubernatur, quæ sunt *coordinationis, colligationis, & homogeniæ.* Lex coordinationis præcipit progredi è generalissimis per subalterna seu intermedia ad specialissima. Generalia autem sunt, quæ sine sequentibus intelligi possunt, & sine quibus sequentia intelligi non possunt. In Grammatica doctrina de literis est generalior doctrina de syllabis: quia litera potest definiri, esse, & cognosci sine syllaba, syllaba autem sine litera minimè. Lex colligationis jubet partes tractationis, si longior inter eas interlit explicatio, transitionis, nunc perfectæ, nunc imperfectæ, vinculis constringere. Lex denique homogeniæ præcipit, ut omnia sint homogenea, quæ docentur, prætermisiss heterogeneis. Homogenea autem sunt, quæ faciunt ad explicationem definitionis vel scopi: ut, doctrina de literis est homogenea in Grammaticâ, quia facit ad explicationem

definitionis Grammaticæ; est heterogenea in Logica, quia definitionem Logices non explicat. Tres itaque istæ leges memoriam adjuvant hoc modo: prima connexionione antecedentium & consequentium, secunda repetitione, tertia brevitate.

3 *In longioris orationis & disputationis ambitu si methodus servata non sit, memoria subsidium præcipuum erit, ad ordinem externum confugere.* Ordo namque Logicus est internus, rerum putà descendarum cohærentia à summo aliquo genere incipiens, & per species atque genera subalterna descendens usque ad speciem infimam seu specialissimam. Hic ordo probè intellectus, & sæpe repetitus, præstat habitum memorativum ad perpetuitatem quandam, retinendi præcepta homogenea artium, quatenus sunt methodicè disposita. Ac res hoc ordine memorandæ per notionem & imagines proprias, quæ sunt definitiones, divisiones, theorematæ & canones, aliosque terminos Dialecticos in suas quasi cellulas & areolas memoriæ collocantur: *Polanus in præfat. partit. Theol.* Ordo autem externus est præcognitus partium loci alicujus, ubi res memorandæ in loca partialia ordine disposita collocantur per imagines. Hic præstat memoriam facilem rerum maximè heterogenearum, nullum ordinem internum habentium, ut syllabarum, dictionum ignotarum, & similium. Quæ tantò facilius & felicius hac arte mnemonico-topicâ, seu locali, apprehenduntur, quanto minùs inter se ordine aliquo interno cohærent, quantoque magis sunt heterogenea. Ex his efficitur, memoriæ artem Logicam non sufficere; cùm illa tantum pro objecto habeat homogenea.

Applicatio instrumentorum Logicorū ad memoriam minùs principalis est, quâ illa applicantur ad id, quod memoriâ comprehendendum est, dextrè annotandum in locis communibus: *qui ob id à quibusdam vocantur memoria subsidiaria.*

Quæ verò sit optima ratio hujusmodi locos constituendi, non una est omnium sententia. Meam de locorum communium adornatione sententiam plenè proposui in *oratore meo à pag. 274. usque ad finem*; non quòd illam doctrinam in ora-

in oratoriâ homogeneam esse tum existimaverim, sed quia sic flagitabât ii, quibus me & mea probare pro virili studeo.

TYPUS LIBRI DECIMI.

IN QVO

LOGICA SPECIALIS.

Logica specialis est de usu instrumentorum Logicorum; ubi traditur hujus usus

Neceffitas. cap. 1.

Genere. cap. 2.

Thematica. cap. 3.

Noëtica

Argumēto-  
fa, in { Genere. c. 4.  
Specie. à c. 5.  
usq; ad 32.

Axiomatica. cap. 32.

Dianoëtica

{ Syllogistica. c. 33.  
Methodica. c. 34

Intellectu-  
alis; quæ cō-  
sid. in

Par-  
tia-  
lis

Specie. Est

Acroa-  
mati-  
ca; cu-  
jus---

Affectiones

{ Distin-  
ctio. c. 35.  
Interpre-  
tatio. c. 36.

Divisio,  
Appli-  
catio in-  
strumē-  
torum  
Logic.  
est---

Synthesis

To-  
talis

Species

{ Explica-  
tio. c. 37.  
Disputatio { Soli-  
taria c. 38.  
Socia. c. 39.

Exoterica. cap. 40.

Analys. cap. 41.

Mnemonica. cap. 42.

Ggg



PERORATIO LOGICES.

**H**Abes nunc, Logicæ cultor, fines agri Logici; habes fructum. Quod superest, penes teipsum est, ut Logicus fias, crebrâ exercitatione, & ardenti precatione, quâ Patrem illum luminis, sine cujus lumine nihil est in homine, ardenti animo roges, ut det tibi lumine Logico dextrè cognito feliciter uti ad divini quidem ipsius nominis sanctificationem, & sanctissimi regni amplificationem, Diaboli verò & squamarum ejus, sophistarum scilicet & vertiginosorum homuncionum, confusionem. Hoc enim mihi quæsitum est per exiguâ hanc opeliâ, ad quam legendam, censendam, boni, judicio, mali, morbo quodam animi præteritis, quàm veri cognoscendi amore agentur.

F I N I S.

INDEX

I N D E X M A T E R I A R U M  
P R Æ C I P U A R U M.

Lectori.

**H**Oc mihi præcipuè quaesitum structurâ hujus indicis, ut uno velut obtutu & oculo irretorto, ut ajunt, præcipuarum materiarum titulos notare liceret: verbi gratiâ: quæ de causâ hinc inde sparsa sunt, hic index ὡς ἐν σινδρίδι simul exhibet: sic quæ de formâ, de definitione, & similibus. Præcipua autem materiæ juxta seriem alphabeti sunt istæ:

Accidens.

Actio.

Adjunctum.

Affirmatio.

Analysis.

Antecedens.

Appetitus.

Argumentum.

Ars.

Axioma.

Causa.

Causatum.

Christus.

Comparata.

Connexa.

Consequentia.

Contradicentia.

Contraria.

Conjugata.

Definitio.

Demonstratio.

Deus.

Disciplina.

Disparata.

Disputatio.

Dissentanea.

Dissimilia.

Distributio.

Diversa.

Efficiens.

Fallacia.

Forma. *cap. 8.*

Finis.

Genus.

Habitus.

Individuum.

Instrumentum.

Logica.

Materia. *cap. 7*

Majus.

Memoria.

Methodus.

# I N D E X.

|                |              |
|----------------|--------------|
| Minus.         | Qualitas.    |
| Necessitas.    | Relata.      |
| Negatio.       | Relatio.     |
| Notatio.       | Similia.     |
| Notio.         | Species.     |
| Opposita.      | Situs.       |
| Paria.         | Subiectum.   |
| Pars.          | Substantia.  |
| Passio.        | Syllogismus. |
| Philosophia.   | Synthesis.   |
| Prædicabilia.  | Terminus.    |
| Prædicamentum. | Testimonium. |
| Prædicatio.    | Thema.       |
| Principium.    | Totum.       |
| Privatio.      | Ubi.         |
| Quando.        | Vox.         |
| Quantitas.     |              |

*Ad has materias præcipuas notabis sequentes titulos.*

## A C C I D E N S.

*Accidentis vocabulum explicatum. 177. Ratio definiendi accidentia. 277. Accidens collectivum & concretum quo definiendum sit modis? 286. Fallacia accidentis duobus modis dicitur. 513. 533.*

## A C T I O.

*Actionis prædicamentum. 252. Modus definiendi actionem. 279. Fallacia actionis. 535. Hujus prædicamenti usus. 683.*

## A D J U N C T U M.

*Adjunctum quid sit. 168. Adjuncti septem divisiones generales. 171. An proprium adjunctum possit communicari cum alio subiecto. 173? Adjuncti divisio specialis. 180. Probatio dictica e loco adjuncti qui fiat? 450. Probatio contingens ex hoc topico. 462. Fallacia adjuncti. 516. Usus hujus topici. 588.*

## A F F I R M A T I O.

*Affirmatio est duplex, topica & axiomatica. 66. Affirmationis axiomatica natura explicatè tradita. 310.*

A N A-

### ANALYSIS.

## A N T E C E D E N S.

A P P E T I T U S.

A R G U M E N T U M.

A R S.

### A X I O M A.

I. *Affirmatum vel negatum.* 309.

II. *Verum vel falsum, ubi de necessario & cōtingenti.* 312.

III. Simplex vel compositum. 317.

*IV. Purum vel modificatum. 327.*

V. *Synonymicum* vel *paronymicum*. 328.

V I. Identicum vel non-identicum. *ibid.*

VII. *Naturale vel non-naturale*. 329.

VIII. *Commune vel proprium.* 330.

*I X. Finitum vel infinitum. 333.*

X. *Absolutum vel determinatum.* 334.

XI. *Purum vel mixtum.* 337.

# INDEX.

XII. Perspicuum vel obscurum. 338.

XIII. Proprium vel improprium. 339.

XIV. Certum vel ambiguum. *ibid.* Quomodo axioma affirmatum è variis locis inventionis constat? 310. Quomodo axioma negatum è variis locis inventionis extruatur? 311. Communes axiomatis affectiones numero septem: videlicet

I. Expositio. 340.

II. Crypsis. 345.

III. Conversio. 353.

IV. Collectio. 354.

V. Equipollentia. 356.

VI. Diversitas. 358.

VII. Oppositio. 359.

Axiomatis fallacia. 538. Usus. 709.

## CAUSA.

Causa definitio. 76. Vox explicata. *ibid.* Consideratio duplex. *ibid.* Quomodo causa prior sit causato? 77. Quonam modo causa sibi sint invicem causa? 78. Causa divisiones: Est

I. Actus vel potestate. 81.

II. Per se vel per accidens. 82.

III. Universalis vel particularis. 83.

IV. Prima vel secunda. 84.

V. Propinqua vel remota. 85.

VI. Externa vel interna. 86.

Causarum numerus & ordo. 86. 87.

## CAUSATUM.

Causatum quid? 153. Quotuplex? 157. Syllogismus apodicticus è loco causati qui fiat? 444. Probatio dictica ex hoc topico. 449. Fallacia causati. 515. Usus causati. 578.

## CHRISTUS.

Christus an in predicamento? 245. Propositiones inusitatae in loco de personâ Christi. 351.

## COMPARATA.

Comparata definita. 201. Comparationis partes. 203. Comparatio implicita & explicita. *ibidem.* Primaria & secundaria. 205. Comparatio primaria est rerum vel rationum. *ibid.* An plena comparationes disponi possint axiomate simplici? 318.

CONNE-

# INDEX.

## CONNEXA.

*Locus connexorum seu concomitantium.* 182. *Probatio dictica ex hoc loco.* 451. *Probatio contingens.* 463. *Fallacia connexorum.* 517. *Ufus huius topici.* 597.

## CONSEQUENS.

*Consequens quid in topicis?* 183. *Probatio dictica ex hoc loco.* 451. *Probatio contingens.* 463. *Fallacia ex hoc loco.* 517. *Ufus huius loci.* 597.

## CONTRADICENTIA.

*Contradictionis topica natura & vis.* 190. *Probatio dictica è loco contradicentium.* 453. *Fallacia contradicentium.* 520. *Ufus.* 610.

## CONTRARIA.

*Contraria qua dicantur?* 195. *Quotuplicia?* 196. *Probatio dictica ex hoc loco.* 453. *Fallacia contrariorum.* 521. *Ufus.* 615.

## CONJUGATA.

*Conjugatorum divisio.* 217. *Probatio dictica ex hoc loco.* 455. *Probatio contingens.* 467. *Fallacia conjugatorum.* 526. *Ufus.* 651.

## DEFINITIO.

*Definitio est terminus complexus.* 261. *Definitio quid sit?* 262. *Definitum consideratum in genere.* 262. *in specie.* 263. *Definitio verbalis.* 266. *Leges definitionis realis perfectæ.* 267. *Modus quadruplex investigandi definitionem perfectam.* 372. *Definitio imperfecta triplex:* I. *Arbitraria.* 280. II. *Ex parte conceptus.* 281. III. *Ex parte rei.* 284. *Doctrina definitionis in Logicâ est prior doctrinâ distributionis.* 289. *Probatio dictica ex hoc loco.* 460. *Contingens probatio ex eodem.* 468. *Fallacia definitionis.* 536. *Ufus.* 692.

## DEMONSTRATIO.

*Demonstratio quid sit?* 433. *Quanam præcognoscenda ante demonstrationem?* 434. *An dentur demonstrationes in Theologiâ arcanâ seu supernaturali?* 435. *Propositiones demonstranda quæ debeant esse comparatæ?* 437. *Medium demonstrationis est triplex.* *ibid.* *Demonstratio & di-* n. 439. *Demonstratio & ñn.* 444.



# INDEX.

## DEUS.

*Quomodo Pater in divinis sit principium Filii ? 77. 110. Quomodo Deus se habeat in ordine ad peccatum ? 83. 94. 101. Deus est primum cognitum. 99. Quomodo Deus dicatur causa mundi ? 106. Quo sensu Deus dicatur necessarium decrevisse ? 107. Deus non agit in non-ens. 110. 129. Deus proprie non impellitur. 115. An Deus possit supplere vicem omnis causa ? 127. An Deus possit accidentia extra subjectum sustentare ? ibid. Quomodo de Dei omnipotentia sobrie sit disferendum ? 128. Decreta Dei quomodo sint aterna ? 154. Quomodo attributa Dei differant à Deo ? 169. Deus an in pradicamento ? 245. Deus quare non possit definiri ? 265. Deus quonam pacto describatur ? 282.*

## DISCIPLINA.

*Modus tradendi disciplinas. 2. 3. Disciplina continent res duum generum. 5. Disciplina unitas unde aestimetur ? 14.*

## DISPARATA.

*Disparata definita. 199. Disparatorum proprietas. 200. Probatio dictica ex hoc loco. 454. Fallacia disparatorum. 522. Usus. 622.*

## DISPUTATIO.

*Disputatio quid ? 751. Disputatio solitaria quid sit instituenta : 752. Disputatio socia quo informanda modo ? 761.*

## DISSENTANEA.

*Argumenta dissentanea qua sint ? 184. Tres illorum proprietates. ibid.*

## DISSIMILIA.

*Dissimilia qua & quotuplicia ? 215. Probatio contingens ex hoc loco. 466. Fallacia dissimilium. 524. Usus hujus topic. 648.*

## DISTRIBUTIO.

*Reciprocatio distributionis duplex est. 16. Distributio est terminus complexus. 261. 289. Distributum quid ? Ibid. Quotuplex ? 290. Distributio verbalis. 291. Leges perfecta distributionis. 292. Divisio quid & quotuplex ? 295. Partitio quid & quotuplex ? 297. Distributio imperfecta. 298. Methodus inveniendi distributionem. 307. An distributio di-*

## I N D E X.

zio disponi possit axiomaticè simpliciter? 318. Probatio dictica ex hoc loco. 460. Contingens. 468. Fallacia distributionis. 537. Usus. 701.

### D I V E R S A.

Diversorum usus est etiam syllogisticus. 60. 188. Quid sit ratione dissentire hoc in loco? 187. An diversa disponi possint affirmatè? ibid. Probatio contingens ex hoc loco. 463. Fallacia diversorum. 518. Usus. 606.

### E F F I C I E N S.

Causa efficiens est externa & interna diverso respectu. 102. Efficiens procreans, est univoca vel equivoca. 105. Agit per emanationem vel transmutationem. 105. Efficiens conservans. 107. Corruptens. 108. Agens vel patiens. 109. Solitaria vel socia. 113. Impulsiva. 114. Instrumentalis. 115. Efficiens per se vel per accidens. 118. Efficiens naturalis, voluntaria, vel mixta. 119. Efficiens prima. 125. Secunda. 130. Remota vel propinqua. 132. Quomodo causa efficiens particularis determinet universalem? 156. Syllogismus apodicticus què constet ex hoc loco. 442. Probatio dictica ex eodem. 447. Contingens. 461. Fallacia efficientis. 511. 513. Usus hujus topici. 565.

### F A L L A C I A.

Vocabulum elenchi explicatum. 504. An de fallaciis in Logica sit docendum? 505. Fallaciarum enumeratio. 506. & seqq.

### F O R M A.

An forma educatur è potentiâ materia? 135. Forma vocabulum ab ambiguitate liberatum. 144. Tres gradus formarum. ibid. Forma est nobilior materiâ. ibid. & prior. 145. Cognitio formarum est difficillima. ibid. Forma substantialis. 147. Quomodo illa consistat è ἀτόμῳ? 148. Forma materialis. ibid. Immaterialis. 149. Quatuor gradus formarum in Physicis. ibid. Forma accidentalis. ibid. Totalis & partialis. 150. Universalis & singularis. ibid. Probatio dictica ex hoc loco. 449. Probatio contingens. 462. Fallacia forma. 512. 515. Usus hujus topici. 576.

### F I N I S.

Finis an semper in artificis potestate? 16. Finis ultimus. 84. Vocabulum finis est ambiguum. 88. Finis definitio. ibid.

## I N D E X.

*Divisiones.* 89. & seqq. *Propter finem qua agunt, in trib. sient classib.* 89. *Finis quomodo sit bonus?* ibid. *Quomodo dividi possit in externum & internum?* 96. *Finis summus quis & quotuplex?* 97. 99. *Syllogismus apodicticus ex hoc loco.* 448. *Contingens ex eodem.* 462. *Fallacia finis.* 511. 512. *Ufus hujus topici.* 561.

## G E N U S.

*Genus quid?* 225. *Generis tres divisiones.* ibid. & seqq. *Probatio dictica ex hoc loco.* 457. *Fallacia generis.* 529. *Ufus.* 661.

## H A B I T U S.

*Pradicamentum habitus explicatum.* 260. *Fallacia hujus categoria.* 553. *Ufus.* 691.

## I N D I V I D U U M.

*Individuum quid?* 229. *Quotuplex?* 230. *Quomodo describi possit?* 283.

## I N S T R U M E N T U M.

*Instrumentorum Logicorum applicatio duplex.* 11. *Divisio.* 19. *Instrumentum, prout habet rationē causae, explicatum.* 117.

## L O G I C A.

*Logica definita.* 1. 3. *Est instrumentum necessarium.* 1. 8. 9. *Quomodo tradenda?* 2. *Vox explicata.* 3. *Synonymum ejus.* 4. *Est ars.* ibid. & 5. *Trahit modum sciendi.* 6. *Quo sensu dicatur practica?* 7. *Ejus subjectū est triplex:* I. *Traditionis.* 8. II. *Informationis.* 10. III. *Operationis.* 11. *Logica est naturalis & artificialis.* 8. *Est omnia & nihil.* 9. 10. *Logica finis.* 12. 13. *Distributio.* 13. *Hac duobus institui potest modis.* 20. 21. *Logica est docens vel utens.* 15. *Logica pars generalis.* 17. *Logica quo sensu dicatur diuina?* 18. *Quomodo discenda?* 23. & seqq. *Ingenium Logicum quodnam sit?* 24. *Varia Schola Logica.* 25. *In studio Logices lectio triplex.* 25. *Utilitas canonum Logicorum.* 26. 27. *Logica specialis necessitas.* 27. *Trichotomia Logices an possit consistere?* 28. 29. *Logica & Metaphysica osculum.* 70. *Quomodo Logica versetur circa ens & non-ens?* 70. *Examen Logicum quid sit?* 133. *Logica specialis necessitas.* 550. & *distributio.* 555.

## M A T E R I A.

*Materia dissertationis est duplex.* 30. *Materia & forma χ'ε-σ'ις.* 134.

## I N D E X.

134. *Materia habet duplicem appetitum.* 136. *Materia duobus modis consideranda.* 137. *Materia sensibilis.* 138. *Permanens.* 139. *Transiens.* *ibid.* *Totalis & partialis.* 140. *Prima.* 140. *Secunda.* 142. *Materia intelligibilis.* 143. *Probatio dictica ex hoc loco.* 448. *Probatio contingens.* 462. *Fallacia materia.* 512. 514. *Ufus hujus topici.* 573.

## M A J U S.

*Majus rei.* 208. *Rationis.* *ibid.* *Probatio contingens ex hoc loco.* 465. *Fallacia majoris.* 522. *Ufus hujus loci.* 633.

## M E M O R I A.

*Applicatio instrumentorum Logicorum ad memoriam.* 815.  *Memoria subsidiaria qua dicatur?* 820.

## M E T H O D U S.

*Methodi vocabulum explicatum.* 470. *Genus methodi quodnam?* 471. *Præstantia methodi.* 472. *Methodus inventionis.* 473. *Quatuor illius instrumenta.* 474. *Methodus doctrina.* 476. *Leges methodi perfectæ.* 476. *An methodus sit unica?* 487. *Methodi synthetica & analytica convenientia & differentia.* 491. *Methodus synthetica.* 495. *Methodus analytica.* 498. *Methodus particularis.* 499. *Methodus imperfecta.* 500. *Fallacia methodi.* 547. *Ufus hujus instrumenti Logici.* 731.

## M I N U S.

*Minus rei.* 208. *Rationis.* *ibid.* *Probatio contingens ex hoc loco.* 465. *Fallacia minoris.* 522. *Ufus hujus topici.* 637.

## N E C E S S I T A S.

*Necessitas est immutabilitatis vel coactionis.* 97. *Necessitas definitionis qua dicatur?* 264. *Necessitatis complexæ tres gradus.* 314.

## N E G A T I O.

*Negatio est topica vel axiomatica.* 197. *Negationis axiomatica natura.* 311.

## N O T A T I O.

*Notatio Logica differt à Grammaticâ.* 219. *Notatio est vel æqualis cum nomine, vel eo latior.* 219. *Probatio dictica ex hoc loco.* 455. *Fallacia notationis.* 527. *Ufus hujus instrumenti Logici.* 653.

# INDEX.

## NOTIO.

*Notio est prima vel secunda.* 34. 72. *Notio secunda qui fi-  
menda?* 287.

## OPPOSITA.

*Argumenta opposita qua sint?* 189. *Illorum proprietates.* ibid.  
*Probatio dictica ex hoc loco.* 452. *Contingens.* 463. *Fal-  
lacia oppositorum.* 518.

## PARIA.

*Paritas rei.* 205. *Rationis.* 207. *Probatio dictica è loco pa-  
rium.* 454. *Probatio contingens.* 467. *Fallacia paris.* 528.  
*Usus parium.* 657.

## PARS.

*Pars quid & quotuplex?* 223. *Quomodo possit definiri?* 284.  
*Probatio dictica ex hoc loco.* 456. *Probatio contingens.*  
467. *Fallacia partis.* 528. *Usus hujus loci.* 657.

## PASSIO.

*Passionis predicamentum.* 253. *Modus definiendi passionem.*  
279. *Fallacia passionis.* 535. *Usus hujus predicamenti.*  
684.

## PHILOSOPHIA.

*Libertas philosophica quid sit?* 25. *Philosophia quomodo  
Græcis dicatur eleganti vocabulo?* 32.

## PRÆDICABILIA.

*Prædicabilia quonam in Logicis tradenda modo?* 67.

## PRÆDICAMENTUM.

*An prædicamentorum doctrina sit Logica?* 241. *Prædica-  
menti vocabulum explicatum.* 242. *Summa divisio præ-  
dicamentorum.* 243. *Quot modis aliquid dicatur esse in  
prædicamento?* 244. *Prædicamenta secundaria.* 259. *Ele-  
gans modus distribuendi substantiam per omnia prædica-  
menta accidentis.* 299. *Probatio dictica ex prædicamentis.*  
459. *Fallacia prædicamentorum minùs principalium.* 535.  
*Usus prædicamentorum.* 670.

## PRÆDICATIO.

*Prædicatio est signata vel exercita.* 66. *Item in quid vel in  
quale.* 68. *Prædicatio identica quid & quotuplex?* 305.

## PRINCIPIUM.

*Principium latius patet quàm causa.* 77. *Principium est  
quod vel quo.* 103. *Principium individuationis quid  
sit?* 15

## INDEX.

*Sit?* 153. *Primum principium cognoscendi quodnam sit?* 191.  
*Principium proportionis quodnam sit?* 376.

### PRIVATIO & PRIVANTIA.

*Privatio quid?* 197. *Quotuplex.* 198. *Quomodo definienda?*  
287. *Probatio dictica è loco privantium.* 454. *Fallacia*  
*privantium.* 521. *Usus hujus topici.* 620.

### QUANDO.

*Pradicamentum quando qui se habeat?* 259. *Fallacia hujus*  
*pradicamenti.* 535. *Et usus.* 689.

### QUANTITAS.

*Pradicamentum Quantitatis explicatum.* 247. *Modus defi-*  
*niendi quantitatem.* 278. *Fallacia hujus pradicamenti.*  
334. *Et usus.* 676.

### QUALITAS.

*Pradicamentum Qualitatis traditum.* 250. *Modus definiendi*  
*qualitatē.* 278. *Fallacia hujus categoria.* 534. *Et usus.* 678.

### RELATA.

*Relative opposita.* 194. *Modus definiendi relata.* 279. *Pro-*  
*batio dictica ex hoc loco.* 453. *Probatio contingens ex eo-*  
*dem.* 464. *Fallacia relatorum.* 520. *Usus relatorum.* 613.

### RELATIO.

*Relatio est duplex.* 61. *Pradicamentum relationis.* 254. *Mo-*  
*duS definiendi relationem.* 279. *Fallacia relationis.* 535.  
*Usus.* 685.

### SIMILIA.

*Similium usus etiam est syllogisticus.* 60. *Similitudo est dis-*  
*juncta vel continua.* 213. *Similitudinis praestantia.* 214.  
*Similium proportio duplex.* 215. *Probatio contingens ex hoc*  
*loco.* 466. *Fallacia similium.* 523. *Usus.* 641.

### SPECIES.

*Species quid?* 227. *Quotuplex?* 228. *Probatio dictica ex hoc*  
*loco.* 457. *Fallacia speciei.* 529. *Usus.* 661.

### SITUS.

*Pradicamentum Situs explicatum.* 260. *Fallacia circa hoc*  
*pradicamentum.* 535. *Usus.* 690.

### SUBJECTUM.

*Subjectum disciplina est triplex.* 8. 167. *In subjecto tractatio-*



## I N D E X.

*nis materiale à formali oportet distinguere.* 71. *Subjectum in topicis quid sit?* 160. *Vox subjecti explicata.* 162. *Subjecti divisiones numero quinq.* 162. *Probatio dictica ex hoc loco.* 450. *Probatio contingens ex eodem.* 462. *Fallacia subjecti.* 515. *Usus hujus topici.* 584.

### S U B S T A N T I A.

*Pradicamentum substantia.* 245. *Ratio definiendi substantiam.* 275. *Substantia collectiva quomodo definienda?* 285. *Fallacia circa hoc pradicamentum.* 533. *Usus.* 674.

### S Y L L O G I S M U S.

*Syllogismus non est finis Logica universa.* 91. *Medium syllogisticum quare non ingreditur conclusionem?* 106. *Vocabulum syllogismi explicatum.* 366. *Genus syllogismi.* ib. 4. *Materia syllogismi remota.* 367. *Propinqua.* 370. *An conclusio sit pars syllogismi?* 372. *Forma syllogismi.* 374. *Duo principia regulativa syllogismorum.* 375. *Medium syllogismi quoniam sit inveniendum modo?* 377. *Syllogismi communes affectiones numero tres:*

I. *Consequentia.* 383.

II. *Potentia.* 386.

III. *Crypsis.* 392.

*Syllogismorum summa capita numero quatuordecim:*

I. *Figura prima.* 392.

II. *Figura secunda.* 398.

III. *Figura tertia.* 403.

IV. *Syllogismus connexus.* 405.

V. *Syllogismus disjunctus.* 411.

VI. *Enthymema.* 414.

VII. *Inductio.* 416.

VIII. *Exemplum.* 418.

IX. *Sorites.* 422.

X. *Syllogismus inversus.* 423.

XI. *Syllogismus affirmatus vel negatus.* 424.

XII. *Communis vel proprius.* 425.

XIII. *Purus, vel mixtus.* 429.

XIV. *Necessarius vel contingens.* 431. *Fallacia syllogismi.* 539. *Usus hujus nobilissimi instrumenti.* 714. *Syllogismi prosyllogismus, prosyllogismus & epilogismus.* 763.

S Y N T H E.

# I N D E X.

## S Y N T H E S I S.

*Synthesis* quid? 737. *Est partialis*? 556. & *seqq. vel totalis*; & hac est *acroamatica* vel *exoterica* 737. *Acroamatica* illius affectiones sunt dua. I. *Distinctio*. 737. II. *Interpretatio*. 743. *Species* sunt itidem dua. I. *Explicatio* *thematis simplicis*. 748. II. *Disputatio*, qua est *tractatio* *thematis compositi*. 751. *Synthesis* *exoterica*. 792.

## T E R M I N U S.

*Vocabulum explicatum*. 28. *Terminus simplex* quid sit? 29. *Termini tres in syllogismo*. 367.

## T E S T I M O N I U M.

An *testimonium* sit *argumentum incomplexum*? 231. *Testimonii* dua *divisiones*. 231. 233. *Testimonii* *humani* *divisiones* sex. 236. *Testatum* quid sit? 239. *Probatio dictica ex hoc loco*. 458. *Probatio contingens*. 467. *Fallacia testimonii*. 530. *Ufus huius instrumenti Logici*. 666.

## T H E M A.

*Thema* quid? 29. An de eo in *Logicis* *praeiudicandum*? *ibid.* *Vox explicata*. 30. *Thematis requisita*. 31. *Thema verbale*. 35. *Thema reale simplex*. 50. *Coniunctum*. 51. *Purum vel mixtum*. 53. *Aggregatum*. 54. *Fallacia circa hoc instrumentum*. 506. *Exercitatio thematica*. 557.

## T O T U M.

*Totum* quid? 220. *Quotuplex*? 221. *Probatio dictica ex hoc loco*. 456. *Probatio contingens*. 467. *Fallacia totius*? 528. *Ufus*. 657.

## U B I.

*Pradicamentum Ubi explicatum*. 259. *Fallacia circa hoc pradicamentum*. 535. *Ufus*. 690.

## V O X.

*Voces an significant ex instituto*? 35. An de *voce* in *Logicis* *praeiudicandum*? 36. *Perspicuitas vocis est duplex*. 36. *Divisiones vocis*

Ex { *Causis*. 37.  
      *Effectis*. 41.  
      *Subiectis*. 42.  
      *Adjunctis*. 46.

COMMISSA ET OMISSA.

Sunt aliquam multa hîc commissa, quæ minimè oportuit, si spectes nonnullas literulas. Sed hæc faciliùs emendabis, quàm vulpes comest pyrum. Nos igitur quatuor solum notamus, quæ magis abnormia, ut ne plaustro errorum hanc operam oneremus.

Pag. 115. in margine cis finem pro *causa* lege contra.

Pag. 340. ad finem cap. 11. hæc adde:

*Axioma certum est, quod unicum admittit sensum: ut, Deus est omnipotens. Ambiguum, quod diversum sensum habet: ut, Angeli sunt ministri Dei. Nam vox Angeli hîc notare potest vel spiritus à corpore liberos, vel æconomos mysteriorum Dei in Ecclesiâ militante.*

Pag. 529. in margine, *fillacia*, lege fallacia speciei.

Pag. 764. lin. 12. cis finem pro *At prosyllogismus* lege *At prosyllogismus*.



uit,  
da-  
fo-  
rra-

ut,  
um  
hic  
uo-

os-